

প্রেমেন্দ্র মিত্র

ঘনাদা তস্য তস্য অমনিবাস



প্রেমেন্দ্র মিত্রের নিজেরই ভাষায় বলতে গেলে, 'সত্য যেখানে কল্পনার চেয়েও বিস্ময়কর ও বিশ্বাসের অতীত, পৃথিবীর ইতিহাসের সেইসব আশ্চর্য অধ্যায়ের জীবন্ত পরিচয় পাবার জন্য এবারে ফিরে গেলাম 'তস্য তস্য' অর্থাৎ ঘনাদারই নানা উদ্ভূতন পূর্বপুরুষদেরই কাছে।'

হ্যাঁ, এ-বইয়ের মূল্যবান ভূমিকায় প্রেমেন্দ্র মিত্র জানিয়েছেন সেই বহুউত্থাপিত প্রশ্নেরই উত্তর—যা কিনা সমস্ত পাঠকেরই পরম কৌতূহলের বিষয়—ঘনাদাকে কোথায় পেলেন?

বিজ্ঞানের ধোঁয়ায় ফাঁপানো সব অশুভ গালগল্পের মূল গায়েন ঘনাদা আর তাঁর মেসবার্ডির বিচিত্র সব বাসিন্দাদের—বাংলা সাহিত্যের অ্যালবামে চিরকালের জন্য জায়গা করে নিয়েছেন যারা—কোথা থেকে পেলেন প্রেমেন্দ্র মিত্র, সেই উৎস-রহস্য যেমন জানিয়ে দিয়েছেন তিনি, তেমনি, সেইসঙ্গে শুনিয়েছেন ঘনাদার উদ্ভূতন পূর্বপুরুষদের কেন্দ্র করে ইতিহাস-ভিত্তিক কয়েকটি আশ্চর্য কাহিনী। সেইসব কাহিনীর মধ্যে রয়েছে—'দাস হলেন ঘনাদা' সূর্য কদলে সোনা', 'আগ্না যখন টলমল' এবং 'রবিনসন ক্রুশো মেয়ে ছিলেন' বিজ্ঞানের মতো ইতিহাসের রহস্য-রোমাঞ্চ-উত্তেজনাও যে বড় কম নয়, এই 'তস্য তস্য' কাহিনী-চতুর্ভুজে তারই প্রমাণ। ছোটদের, বড়দের, বয়সনির্বিশেষে সমস্ত শ্রেণীর পাঠকদেরই অফুরন্ত কৌতূকের অবারিত অমল্লগ—'ঘনাদা তস্য তস্য অমনিবাস'।

ঘনাদার পূর্বপুরুষদের পরিক্রমা-ভিত্তিক একটি মানচিত্র এ-বইয়ের আলাদা আকর্ষণ, কিছুর বিশিষ্ট শব্দের অর্থও পরিশেষে সংবোদ্ধ করা হয়েছে।



জন্ম—বারাণসীতে।
শৈশব ও প্রথম কৈশোর উত্তর-প্রদেশে। পড়াশুনা কলকাতা ও ঢাকায়।

খেয়ালের বেশ লেখা দুটি গল্প সে-কালের ডাকসাইটে 'প্রবাসী' পত্রিকার পর পর দু-মাসে ছাপা হয়। সেই শুরুর, এবং শুরুর থেকেই সাড়া-জাগানো।

শিক্ষকতা, টালিখোলা-চালানোর চেষ্টা, পত্রিকা সম্পাদনা, ওষুধ কোম্পানির প্রচার বিভাগের কর্তা—বহু বিচিত্র জীবিকা।

চলচ্চিত্রে চিত্রনাট্যকার-পরিচালক-প্রযোজক হয়েছিলেন। আকাশ-বাণীতে যুক্ত ছিলেন প্রথমে প্রযোজক, পরে সাহিত্য শলাহ'কর' রূপে।

প্রকাশিত গ্রন্থের। সংখ্যা দেড়শোর বেশী। কিশোর-সাহিত্যেও দারুণ জনপ্রিয়। সাহিত্যের সমস্ত শাখায় লেখনী তৎপর।

আমন্ত্রণমূলক সফরে ঘুরে এসেছেন যুরোপ-আমেরিকা-রাশিয়া।

অসংখ্য পুরস্কার পেয়েছেন। এর মধ্যে রয়েছে রবীন্দ্র পুরস্কার, সাহিত্য আকাদেমি পুরস্কার, ভারত সরকারের শিশুসাহিত্য পুরস্কার, মৌচাক পুরস্কার, আনন্দ পুরস্কার সৌভয়েট দেশ নেহেরু পুরস্কার, শরৎ মেমোরিয়াল পুরস্কার।

মৃত্যু : মে ১৯৮৮

ব্রহ্মদেব অমির ভট্টাচার্য

ISBN 81-7066-782-8

নিবেদন

একটা প্রশ্ন প্রায়ই শুনতে হয়।

ঘনাদাকে কোথায় পেলেন?

কোথায় আবার? পেরিয়েছি নিজেরই মধ্যে, আপনাদের সকলের মধ্যেও।

বলাই বাহুল্য, উত্তরটা সকলকে খুঁশি করে না। কিন্তু কথাটা নির্ভেজাল সত্যি নয় কি?

আজ বলে নয়, মানুষের মধ্যে যখন থেকে কথা ফুটেছে তখন থেকেই বাহাদুরী নিতে বাড়িয়ে বলা বানিয়ে বলা তার শুরুর হয়েছে, সন্দেহ নেই। সেই কোন আদিয়াকালে প্রথম প্রথম যে গোদা লেজ-খসা গেছো বাঁদর গাছের ডাল ছেড়ে মাটিতে নেমে একটু খাড়া হয়ে দাঁড়াবার চেষ্টা করে দূ-এক পা হেঁটেই মাটিতে কেঁপে পড়েছিল, সেও বোধহয় তার সঙ্গী-সাথীদের কিছু অঙ্গভঙ্গী আর কিঁচির-মিঁচির খোঁজখোঁতানি দিয়ে বোঝাবার চেষ্টা করেছিল যে চার পায়ের বদলে দু'পায়েই সোজা হয়ে দাঁড়ানো আর হাঁটা তার কাছে দাঁত কিড়মিড়ির মতই সোজা।

ঘনাদাকে পাবার জন্যে খুব বেশী খোঁজাখুঁজির হায়রানি তাই হয়নি। মানুষের চিরকালে স্বভাবই নতুন কালের খড়া-চুড়া পরে ঘনাদা হয়ে বেরিয়ে এসেছেন।

তা, ঘনাদা' ত আসার জমাতে খাস ভূমিকায় নিজেই মূল গায়েন হয়ে বিজ্ঞানের ঘোঁরাই ফাঁপানো সব গালগল্প শোনান। তারপর আবার 'তস্য তস্য' কি ও কেন?

দু'কথায় সহজ করে বলতে চাইলে বলতে হয়, প্রথমটার বিজ্ঞানের রহস্য যদি প্রধান হয় তাহলে দ্বিতীয়টার ইতিহাসের।

ঘনাদার নিজের বাহাদুরী গল্প লিখতে লিখতে মাঝে মাঝে 'তস্য তস্য' নিয়ে মাতব্বার আসল কারণটাও তাহলে কবুল করি।

আসল কারণ হ'ল এই যে, নিজের যা ভাল লাগে, নিজে যাতে যা আনন্দ পাই স্বাভাবিকভাবে পাঠকদেরও করতে চাই তার ভাগীদার।

আবিষ্কার উদ্ভাবন আর সম্বন্ধের দূঃসাহসিক বৈচিত্র্যে আমাদের এই শতাব্দীর প্রথম থেকেই বিজ্ঞানের রহস্য রোমাঞ্চ উত্তেজনায় স্পন্দমান।


নিজে যা অনুভব করি বিজ্ঞানের জগতের সেই রহস্য রোমাঞ্চ বিস্ময়ের স্বাদ পাঠকদেরও কিছু দিতে পারি কিনা দেখবার জন্যেই একটু কৌতূকের সুর মিশিয়ে ঘনাদাকে আসরে নামানো।

বিজ্ঞানের মত ইতিহাসের রহস্য রোমাঞ্চ উত্তেজনা বড় কম নয়, তার প্রত্যক্ষ স্বাদ নিতে আর দিতে কার শরণ নেব? সত্য যেখানে কল্পনার চেয়েও বিস্ময়কর ও বিশ্বাসের অতীত, পৃথিবীর ইতিহাসের সেই সব আশ্চর্য অধ্যায়ের জীবন্ত পরিচয় পাবার জন্যে এবারে ফিরে গেলাম 'তস্য তস্য' অর্থাৎ ঘনাদারই নানা উদ্ভাবন পূর্বপদ্রব্দদেরই কাছে।

প্রবন্ধে মিত্র

সূচী

দাস হলেন ঘনাদা	...	১
সূর্য কাঁদলে সোনা	...	২০
আগ্রা যখন টলমল	...	৪৫৯
রবিনসন ক্রুশো মেয়ে ছিলেন	...	৫০১



আটলান্টিক
মহাসাগর

আরব
সাগর

ভারত মহাসাগর

আটলান্টিক
মহাসাগর

প্রশান্ত মহাসাগর

উত্তর আমেরিকা

দক্ষিণ আমেরিকা

বেঙ্গালো

কিউবা

পানামা

সেংক

ইউরোপ

চীন

ভারতবর্ষ

আফ্রিকা

www.boiRboi.blogspot.com

দাস হলেন ঘনাদা

www.boiRboi.blogspot.com

এক

না, তন্তু তন্তু !

বললেন শ্রীঘনশ্যাম দাস, ঘনাদা নামে যিনি কোনো কোনো মহলে পরিচিত।
এ উক্তির আনুপূর্ব বোঝাতে একটু পিছিয়ে যেতে হবে এ কাহিনীর। স্থান-
কাল-পাত্রও একটু বিশদ করা প্রয়োজন।

স্থান এই কলকাতা শহরেরই প্রাস্তবর্তী একটি বৃহৎ কৃত্রিম জলাশয়, করুণ
আত্মছলনায় যাকে আমরা হ্রদ বলে অভিহিত করে থাকি। জীবনে যাদের
কোনো উদ্দেশ্য নেই, অথবা কোনো উদ্দেশ্যেরই একমাত্র অহুসরণে যারা পরিশ্রান্ত,
উভয় জাতির নানা বয়সের স্ত্রী-পুরুষ নাগরিক প্রতি সন্ধ্যায় এই জলাশয়ের
চারিদিকে এসে নিজ নিজ রুচি প্রবৃত্তি অনুযায়ী স্বাস্থ্য অর্থ কাম মোক্ষ এই
চতুর্ভুজের সাধনায় একা একা বা দল বেঁধে ভ্রমণ করে উপবিষ্ট হয়।

এই জলাশয়ের দক্ষিণ তীরে একটি নাতিবৃহৎ বৃক্ষকে কেন্দ্র করে কয়েকটি
আসন বৃত্তাকারে পাতা। সেই আসনগুলিতে আবহাওয়া অনুকূল থাকলে প্রায়
প্রতিদিনই পাঁচটি প্রবীণ নাগরিককে একত্র দেখা যায়।

এ কাহিনী সূচনার পাত্র এঁরাই। তাঁদের একজনের শিরোশোভা কাশের
মত শুভ্র, দ্বিতীয়ের মস্তক মর্মরের মত মন্থণ, তৃতীয়ের উদর কুস্তুর মত ফীত,
চতুর্থ মেদভারে হস্তীর মত বিপুল এবং পঞ্চম জন উষ্ট্রের মত শীর্ণ ও
সামঞ্জস্যহীন।

প্রতি সন্ধ্যায় এই পঞ্চ সভাসদের অন্ততঃ চারজনকে এই বিশ্রাম-আসনে
নিয়মিতভাবে সমবেত হতে দেখা যায় এবং আকাশের আলো বিলীন হয়ে
জলাশয়ের চারিপার্শ্বের আলো জলে গুঁঠার পর ফেরিওয়ালাদের ডাক বিরল না
হওয়া অবধি স্বাস্থ্য থেকে সাম্রাজ্যবাদ ও বাজারদর থেকে বেদান্তদর্শন পর্যন্ত
যাবতীয় বিষয় ও তত্ত্ব তাঁরা আলোচনা করে থাকেন।

এ সমাবেশের প্রাণ হলেন শ্রীঘনশ্যাম দাস, প্রাণান্তও বলা যায়।

এ আসর কবে থেকে তিনি অলঙ্কৃত করছেন ঠিক বলা যায় না, তবে তাঁর
আবির্ভাবের পর থেকে এ সভার প্রকৃতি ও স্বর সম্পূর্ণ পরিবর্তিত। কুস্তুর মত

যাঁর উদ্বোধন সফীত সেই ভোজ্ঞনবিলাসী রামশরণবাবু আগেকার মত তাঁর
কচিকর রন্ধন-শিল্প নিয়ে সবিস্তারে কিছু বলবার স্বেযোগ পান না। মস্তক যাঁর
মর্মরের মত মন্থণ সেই ভূতপূর্ব ইতিহাসের অধ্যাপক শিবপদবাবু ঐতিহাসিক
বিষয় নিয়েও নিজের মতামত জ্ঞাপন করতে দ্বিধা করেন।

কারণ, শ্রীধনশ্যাম দাস সম্বন্ধে সবাই সন্ত্রস্ত। কোথা থেকে কি অশ্রুতপূর্ব
উল্লেখ ও উদ্ভট উদ্ধৃতি দিয়ে বসবেন, নিজেদের অজ্ঞতা প্রকাশের আশঙ্কাতেই যাঁর
প্রতিবাদ করতে পারতপক্ষে কেউ প্রস্তুত নন।

মেদভারে হস্তীর মত যিনি বিপুল সেই সদাপ্রসন্ন ভবতারণবাবু সেদিন কি
কৃষ্ণে ঐতিহাসিক উপন্যাসের কথা তুলেছিলেন!

ভবতারণবাবু নির্বিবাদী নিপাট ভালোমানুষ। সরকারী পূর্ত বিভাগে
মাঝারী স্তরে কি একটা আয়েশী চাকরী করতেন। কয়েক বছর হলো রিটারার
করেছেন। ধর্মকর্ম এবং নির্বিচারে যাবতীয় মুদ্রিত গল্প উপন্যাস পড়াই এখন
তাঁর কাজ।

এ সভায় বেশীরভাগ সময়ে ভবতারণবাবু নীরব শ্রোতা হিসাবেই বিরাজ
করেন। এই দিনে আলোচনায় একবার ঢিল পড়ায় কি খেয়ালে নিজে দুর্বলতার
কথাটা প্রকাশ করে ফেলেছেন।

দিবানিজ্ঞার প্রসঙ্গ থেকেই কথাটা বলবার স্বেযোগ পেয়েছিলেন।

হ্যাঁ, ও রোগ আমার ছিল। যেন লজ্জিতভাবে বলেছিলেন ভবতারণবাবু—
ডাক্তার বলেছিল দিনে ঘুমোন বন্ধ না করলে চর্বি আরো বাড়বে। কিন্তু দিনে
ঘুমোন বন্ধে করি কি করে? ছপুরের খাওয়া সারতে না সারতেই চোখ দুটো
ঘুমে জুড়ে আসে। তারপর ওই এক গুণ্ধে ভোজবাজি হয়ে গেল!

গুণ্ধটা কি?—সাগ্রহে জিজ্ঞাসা করলেন উদর যাঁর কুস্তের মত সফীত বতুঁলা-
কার সেই রামশরণবাবু—কফি?

না না, কফি কেন হবে! ভবতারণবাবু গদগদ স্বরে বললেন,—আজকালকার
সব ঐতিহাসিক উপন্যাস। কি অপূর্ব জিনিস ভাবতে পারেন না, একবার পড়তে
শুরু করলে ঘুম দেশ ছেড়ে পালাবে।

আপনি ওইসব উপন্যাস পড়েন?—মস্তক যাঁর মর্মরের মত মন্থণ সেই শিব-
পদবাবু নাসিকা কুঞ্চিত করলেন।

পড়ি মানে? ওই তো এখন আমার গুণ্ধ।—ভবতারণবাবু উচ্ছ্বসিত হয়ে
উঠলেন,—পড়ে দেখবেন একখানা। আর ছাড়তে পারবেন না। আহা, কি

সব গল্প আর কি সব চরিত্র! চোখের সামনে যেন জলজল করে। শাজাহাঁ, কাইব, হুয়জাহান, সিরাজ, বাহাদুর শা, জগৎ শেঠ, উমৌচাঁদ সব যেন আপনার চেনা পাড়ার ছেলেমেয়ে মনে হবে, আর কি সুন্দর তাদের আলাপ কথাবার্তা! একটু কোথাও খিঁচ নেই। পাছে বুঝতে না পারেন তাই এক কথা একশ' বার বুঝিয়ে দেবে। ইতিহাসকে ইতিহাস, আরব্যোপন্যাসকে আরব্যোপন্যাস।

শুধু তাই নয়তো!—মর্মরমস্ফণ মস্তক ঝাঁকি দিয়ে শিবপদবাবু যেন তাঁর অবজ্ঞা প্রকাশ করলেন,—পড়ে এখনো অবশ্য দেখিনি, কিন্তু ইতিহাসের শ্রাদ্ধ না হলেই বাঁচি। চোখের সামনে যা আছে তাই যারা দেখতে পায় না তারা ইতিহাসের ওপর চড়াও হলে একটু ভয় করে কিনা! সেদিন কি একটা এখানকার সামাজিক উপন্যাসে কলকাতার এক বাঙ্গালী ধনীরা স্কাই-স্কেপারের কথা পড়ে খুঁজতেই গিয়েছিলাম নিউ আলিপুরে। আজকের দিন নিয়েই এই! ছুঁচারশো বছর আগেকার কথা হলে ত একেবারে বেপরোয়া। পাণিপথের প্রথম যুদ্ধেই হয়তো ট্যাঙ্ক দেখিয়ে ছাড়বে!

হুঃ!

নাসিকান্দ্বনি শুনে সকলকেই সচকিত সন্ত্রস্ত হয়ে এবার ঘনশ্যাম দাসের দিকে তাকাতে হলো। এতক্ষণ তাঁর নীরব থাকাই অবশ্য অস্বাভাবিক বলে বোঝা উচিত ছিল।

হ্যাঁ, ঘনশ্যাম দাসই নাসিকান্দ্বনি করেছেন। সকলের দৃষ্টি যথোচিত আকৃষ্ট হবার পর তিনি কেমন একটু বাঁকা হাসির সঙ্গে জিজ্ঞাসা করলেন,—পাণিপথের প্রথম যুদ্ধ কবে হয়েছে যেন?

২১শে এপ্রিল, ১৫২৬ খৃষ্টাব্দ। শিবপদবাবুকে বিজ্ঞা প্রকাশের এ স্বযোগ পেয়ে বেশ যেন একটু গর্বিত মনে হলো।

আর আপনার ওই যুদ্ধের ট্যাঙ্কের ব্যবহার হয় প্রথম কবে?—ঘনশ্যাম দাসের কথার সুরটা এবারও যেন বাঁকা।

কিন্তু শিবপদবাবু এখন নিজের কোঠের মধ্যে। তিনি সগর্বে গড় গড় করে শুনিতে দিলেন, প্রথম বিশ্বযুদ্ধে ১৫ই সেপ্টেম্বর ১৯১৬ খৃষ্টাব্দে মিত্র পক্ষের চতুর্থ বাহিনী উনপঞ্চাশটি ট্যাঙ্ক ফ্রান্সের সোম থেকে আনকর অভিযানে ব্যবহার করে। ইতিহাসে যুদ্ধের সচল ট্যাঙ্কের ব্যবহার সেই প্রথম।

আপনাদের ইতিহাসের দৌড় ওই পর্যন্ত!—ঘনশ্যাম দাসের মুখে অহুকম্পা মাখানো বিদ্রূপ।

তার ঐতিহাসিক পাণ্ডিত্যের ওপর এ কটাক্ষে শিবপদবাবু যদি গরম হয়ে
ওঠেন তাঁকে দোষ দেওয়া যায় না বোধ হয়।

কি বলে তাহলে আপনার ইতিহাস?—শিবপদবাবুও গলা পেঁচিয়ে বললেন,
ইতিহাস আমারও না, আপনারও নয়।—দাসমশাই করুণাভরে হেসে
বললেন,—সত্যিকার ইতিহাসটা কি তা শুনতে চান?

চাই বই কি!—শিবপদবাবুর যুদ্ধং দেখি ভাব।

তাহলে শুধুন,—দাসমশাই শুধু অজ্ঞানতিমির দূর করবার কর্তব্যবোধেই যেন
বলতে শুরু করলেন—প্রথম পাণিপথের যুদ্ধে ‘ট্যাক’ ব্যবহার হয়নি বটে, কিন্তু
সচল দুর্গের মত এ যুদ্ধস্থান আবিষ্কৃত ও ব্যবহৃত হয়েছে তারও ছ’ বছর আগে।
এর নাম দেওয়া হয়েছিল ‘মাণ্টা’।

ছ’ বছর আগে মানে ১৫২০ খৃষ্টাব্দে?—শিবপদবাবুর গলায় বিস্ময়ের চেয়ে
বিজ্রপটাই স্পষ্ট।

হ্যাঁ, সেই জোড়া ছুরীর বছরেই প্রথম সচল ট্যাক নিয়ে মাহুস যুদ্ধ করে।—
দাসমশাই করুণাভরে জানালেন।

জোড়া ছুরীর বছর! সেটা আবার কি?—এবার শিবপদবাবুর গলায় আর
বিজ্রপ নেই।

ওই ১৫২০ খৃষ্টাব্দেরই নাম ছিল জোড়া ছুরীর বছর টেনচ্টিটলান-এ।—
পরিভ্রষ্টভাবে ঘনশ্যাম দাস সমবেত সকলের ব্যাদিত মুখের ওপর চোখ বুলিয়ে
নিলেন একবার। তারপর বিশদ হলেন,—তার আগের বছর ১৫১৯ খৃষ্টাব্দের
নাম ছিল একটি খাগড়া। এই দুটি বছর সমস্ত পৃথিবীর ইতিহাসকে ওলট-পালট
করে দিয়ে গেছে। কিন্তু জোড়া ছুরীর বছরে টেনচ্টিটলান-এ ওই সচল ট্যাক
প্রথম মাথা থেকে বার করে কাজে না লাগালে ইতিহাস আরেক রাস্তায় চলে
যেত। একদিন দেনার দায়ে মাথার চুল বিকোনো অথর্ব হার্নাণ্ডো কটেজ
তাহলে ক্ষোভে দুঃখে স্পেনের সম্রাট পঞ্চম চার্লসকে শোনাবার স্বযোগ পেতেন
না যে, স্পেনে যত শহর আছে গুণতিতে তার চেয়ে অনেক বেশী রাজ্য তিনি
সম্রাটকে ভেট দিয়েছেন। ভলটেয়ারের লেখা এ বিবরণ গালগল্প বলে যদি
উড়িয়েও দিই, তবু এ কথা সত্য যে টেনচ্টিটলান-এর নাম তাহলে অশ্রু-ই
হোক, মেক্সিকো সিটি হয়ে উঠত না, আর ঘনশ্যামের পেছনে দাস পদবী লাগাবার
সৌভাগ্য হতো না আমার কপালে।

উপস্থিত সকলের ঘূর্ণমান মাথা স্থির করতে বেশ একটু সময় লাগল। মাথার

কেশ য়ার কাশের মত শুভ সেই হরিসাধনবাবুই প্রথম একটু সামলে উঠে, দু'বার টোক গিলে, তাঁর বিয়ুট বিহ্বলতাকে ভাষা দিলেন,—ও, আপনি স্পেনের হয়ে কটেজ-এর মেক্সিকো বিজয়ের কথা বলছেন? সেই যুদ্ধে প্রথম সচল ট্যাঙ্ক ব্যবহার হয়? কিন্তু তার সঙ্গে আপনার পদবী দাস হওয়ার সম্পর্ক কি?

সম্পর্ক এই যে,—ঘনশ্যাম দাস যেন সকলের মূঢ়তা ক্ষমার চক্ষে দেখে বললেন,—কটেজ-এর অমূল্য ডায়ারী চিবকালের মত হারিয়ে না গেলে ও মেক্সিকোর অ্যাড্‌জটেন্ট রাক্ষস জয়ের সবচেয়ে প্রামাণ্য ইতিহাস 'হিস্টোরিয়া ভের্দাদেরা দে লা কনকুইস্তা দে লা হুয়েভা এস্পানা'-র লেখক বার্নাল ডিয়াজ নেহাত হিংসায় ঈর্ষায় চেপে না গেলে, প্রথম ট্যাঙ্কের উদ্ভাবক ও কটেজ-এর উদ্ধারকর্তা হিসেবে য়ার নাম ইতিহাসে পাওয়া যেত তিনি দাস বলেই নিজের পরিচয় দিতেন।

পদবী তাঁর দাস ছিল?—মেদভারে হস্তীর মত বিপুল ভবতারণবাবু বিফারিত নয়নে জিজ্ঞাসা করলেন—তার মানে তিনি বাঙালী ছিলেন?

বাঙালী অবশ্য এখনকার ভাষায় বলা যায়। দাসমশাই বুঝিয়ে দিলেন,—তবে তখনো এ শব্দের প্রচলন হয়নি। তিনি অবশ্য এই গৌড় সমতটের লোকই ছিলেন।

আপনার কোনো পূর্বপুরুষ তাহলে?—ক্ষীতোদর রামশরণবাবু সবিস্ময়ে বললেন,—অতি-বৃদ্ধ প্রপিতামহটহ কেউ!

না, তত্ত্ব তত্ত্ব।—বললেন দাসমশাই। তারপর একটু থেমে কৃপা করে উক্তিটি ব্যাখ্যা করলেন বিশদভাবে,—অর্থাৎ, আমার উর্ধ্বতন দ্বাবিংশতম পূর্বপুরুষ ঘনরাম, দাস পদবীর উৎপত্তি য়ার থেকে।

মর্মরের মত মস্তক য়ার মস্তক সেই শিবপদবাবু নিজের কোটেও কেঁচো হয়ে থাকতে হওয়ার এইক্ষণ বোধ হয় মনে মনে গজরাচ্ছিলেন। এবার ভুরু কপালে তুলে একটু ঝাঁঝাল গলাতেই জিজ্ঞাসা করলেন—১৫১৯ কি ২০ খৃষ্টাব্দে আপনার সেই বাঙালী পূর্বপুরুষ মেক্সিকো গেছিলেন?

শিবপদবাবু যেভাবে প্রশ্নটা করলেন, তাতে,—'গঞ্জিকা পরিবেশনের আর জায়গা পেলেন না!—কথাটা খুব যেন উছ রইল না।

দাসমশাই তবু অবোধের প্রতি করুণার হাসি হেসে বললেন,—শুনতে একটু আজগুবিই লাগে অবশ্য! কিউবা বাহামা দ্বীপ ইত্যাদি আগে আবিষ্কার করলেও ক্রিস্টোফার কলম্বস-ই তিন বারের বার ১৪৯৮ খৃষ্টাব্দে আসল দক্ষিণ

আমেরিকার মাটি স্পর্শ করেন। তাঁর আমেরিকা আবিষ্কারের মাত্র একুশ বছর বাদে তখনকার এক বঙ্গসন্তানের সেই হৃদয় অ্যাড্জটেকদের রাজধানী টেনচ-টিটলান-এ গিয়ে হাজির হওয়া অবিদ্যায়ই মনে হয়। কিন্তু ইতিহাসের বুনন বড় জটিল। কোন জীবনের স্মৃতি যে কার সঙ্গে জড়িয়ে কোথায় গিয়ে পৌঁছায় তা কেউ জানে না। যে বছর কলম্বাস প্রথম আমেরিকার মাটিতে পা রাখেন সেই ১৪৯৮ খৃষ্টাব্দেরই ১লা মে তারিখে পোর্টুগ্যালের এক নাবিক ভাস্কো দা গামা আফ্রিকার দক্ষিণের উত্তমাংশ অন্তরীপ পার হয়ে এসে ভারতের পশ্চিম কুলের সমৃদ্ধ রাজ্য কালিকটে তার চারটে জাহাজ ভেড়ায়। যে উদ্দেশ্য নিয়ে এসেছিল তাতে বিফল হয়ে ভাস্কো দা গামাকে ফিরে যেতে হয়। কিন্তু কালিকটের জামোরিনের ওপর আক্রোশ মেটাতে দশটি সশস্ত্র জাহাজ নিয়ে ভাস্কো দা গামা ফিরে আসে ১৫০২ খৃষ্টাব্দে। এবার নরপিশাচের মত সে শুধু কালিকট ধ্বংস করেই ক্ষান্ত হয় না। কালিকট ছারখার করে সেখান থেকে কোচিন যাবার পথে হিংস্র হাঙ্গরের মত সমুদ্রের ওপর যা ভাসে এমন কোন কিছুকেই রেহাই দেয়নি। যে সব জাহাজ ও স্থলুপ লুট করে জালিয়ে সে ডুবিয়ে দেয় তার মধ্যে ছিল একটি মকরমূর্তী পালোয়ার সদাগরী জাহাজ সে সদাগরী জাহাজ সমতট থেকে স্বল্প কাপাস বস্ত্র নিয়ে বাণিজ্য করতে গেছিল ভুগুকছে। সেখান থেকে ফেরার পথেই এই অপ্রত্যাশিত সর্বনাশ। দা গামার পৈশাচিক আক্রমণে সে সদাগরী জাহাজের সব মাঝি মাল্লা যাত্রীরই শেষ হয়ে যাবার কথা। কিন্তু তা হয়নি। রক্ষা পেয়েছিল একটি দশ বৎসরের বালক। দয়ামায়ার দরুন নয়, নেহাত কুসংস্কারের দরুনই দা গামার জাহাজের নরপশুরা তাকে রেহাই দেয়। জলন্ত সদাগরী জাহাজ যখন ডুবছে তখন ছেলোটিকে কেমন করে সাঁতরে এসে দা গামার-ই খাস জাহাজের হালটা ধরে আশ্রয় নেয়। একজন মাল্লা তাকে সেখানে দেখতে পেয়ে পৈশাচিক আনন্দে আরো ক'জনকে ডাকে ছেলোটিকে বন্দুক ছুঁড়ে মেরে মজা করবার জন্তে। কিন্তু সেকালের মাচলুক বন্দুক। ছুঁড়তে গিয়ে বন্দুক ফেটে সেই লোকটাই পড়ে মারা। ঠিক সেই সময়ে তিনটে গুলকের জাতের ডুগংকে জলের মধ্যে ডিগবাজি খেতে দেখা যায় জাহাজের কিছু পেছনে। দুটো ব্যাপার নিজেদের কুসংস্কারে এক সঙ্গে মিলিয়ে দৈবের অন্তত ইঙ্গিত মনে করে ভয় পেয়ে ছেলোটিকে আর মারতে তারা সাহস করে না। তার বদলে তাকে তুলে নেয় জাহাজের ওপরে।

১৫ ৩ সালে ভাস্কো দা গামা লিসবন-এ ফেব্রুয়ারি পয় ছেলেটি বিক্রী হয়ে যায় ক্রীতদাসের বাজারে। সেখান থেকে হাত ফেরতা হতে হতে একদিন সে কিউবার গিয়ে পৌঁছায়। দশ বছর বয়সে দা গামার জাহাজে যে লিসবন-এ এসেছিল সে তখন চব্বিশ-পঁচিশ বছরের জোয়ান। জুয়ারেজ নামে কিউবার এসে বসতি করা একটি পরিবারের সে ক্রীতদাস।

কর্টেজ তখন সেই কিউবাতেই সে ঘোঁপের বিজ্ঞতা ও শাসনকর্তা ভেলাসকেথের বিষ নজরে পড়েছে। বিষ নজরে পড়েছে ওই জুয়ারেজ পরিবারেরই একটি মেয়ের সঙ্গে প্রেমের ব্যাপারে। মেয়েটির নাম ক্যাটালিনা জুয়ারেজ। কর্টেজ স্বভাব-চরিত্রে একেবারে তখনকার মার্কামারা অভিজাত স্প্যানিশ। উদ্যম হুরন্ত বেপরোয়া যুবক। প্রেম সে অনেকের সঙ্গেই করে বেড়ায় কিন্তু বিয়ের বন্ধনে ধরা দিতে চায় না। বিশেষ করে জুয়ারেজ পরিবার বংশে খাটো বলেই ক্যাটালিনার সঙ্গে বেশ কিছুদিন প্রেম চালিয়ে সে তখন সরে দাঁড়িয়েছে। ভেলাসকেথ-এর কোপদৃষ্টি সেই জন্তেই পড়েছে কর্টেজ-এর ওপর। ভেলাসকেথ-এর সঙ্গে জুয়ারেজ পরিবারের মাখামাখি একটু বেশী। ক্যাটালিনার আরেক বোন তাঁর অগ্রহণ্য।

জুয়ারেজ পরিবারের সঙ্গে বেইমানি করার দরুন ভেলাসকেথ-এর এমনিতেই রাগ ছিল, কর্টেজ তার ওপর তাঁর বিরুদ্ধেই চক্রান্ত করছে খবর পেয়ে ভেলাসকেথ তাকে কয়েদ করলেন একদিন। কর্টেজের বৃষ্টি ফাঁসিই হয় রাজস্রোহের অপরাধে। সেকালে স্পেনের নতুন-জ্ঞতা উপনিবেশে এ ধরনের বিচার আর দণ্ড আখড়ার হতো।

কর্টেজ কিন্তু সোজা ছেলে নয়। পায়ের শিকল খুলে গারদের জানলা ভেঙে একদিন সে হাওয়া। আশ্রয় নিল গিয়ে এক কাছাকাছি গির্জায়। তখনকার দিনে গির্জার অপমান করে সেখান থেকে কাউকে ধরে আনা অতি বড় স্বেচ্ছাচারী জ্বরদন্ত শাসকেরও সাধ্য ছিল না। কিন্তু গির্জার মধ্যে কর্টেজ-এর মত হটফটে হুরন্ত মাহুষ ক'দিন লুকিয়ে থাকতে পারে! সেখান থেকে লুকিয়ে বেঁকতে গিয়ে আবার কর্টেজ ধরা পড়ল।

এবার হাতকড়া বেড়ি পরিয়ে একেবারে জাহাজে নিয়ে তোলা হলো তাকে। পনের দিন সকালেই তাকে চালান করা হবে হিসপানিয়োলার বিচার আর শাস্তির জন্তে।

বিচার মানে অবশ্য প্রহসন আর শাস্তি মানে প্রাণদণ্ড ছাড়া আর কিছু নয়।

কটেজ-এর এবার আর কোনো আশা কোনো দিকে নেই।

ভেলাসকেথ এবার তাঁর ক্ষমতার বহরটা না বুঝিয়ে ছাড়বেন না।

অথচ এই ভেলাসকেথ-এর সঙ্গেই কটেজ প্রধান সহায় রূপে কিউবা-বিজয়ের অভিযানে ছিলেন। ভেলাসকেথ-এর প্রিয়পাত্রও তখন হয়েছিলেন কিছুদিন। হবারই কথা। ভেলাসকেথ তাঁর অভিযানে সব দিকে চোকস এমন যোগ্য সহকারী আর পাননি। তখন স্পেনের কল্পনাভীত সাম্রাজ্য বিস্তারের দিনেও অসীম সাহসের সঙ্গে স্থির বুদ্ধি ও দুঃস্বপ্ন প্রাণশক্তি এমন সমন্বয় বিরল ছিল।

কটেজ-এর জন্ম স্পেনের পূর্ব-দক্ষিণ দিকের মেডেলীন শহরে। ছেলেবেলায় নাকি ক্ষীণজীবী ছিলেন, কিন্তু বয়স বাড়বার সঙ্গে সঙ্গেই সমর্থ জোয়ান হয়ে উঠেছেন। বাবা মার ইচ্ছে ছিল কটেজ আইন পড়ে। বছর দুই কলেজে পড়েই কটেজ পড়ায় ইস্তফা দিয়ে পালিয়ে আসেন। তখন স্পেনের হাওয়ার নতুন অজানা দেশ আবিষ্কারের উত্তেজনা ও মানকতা। দুঃসাহসিক নিরুদ্দেশ যাত্রার উদ্দীপনা সব তরুণের মনে। এসব অভিযানে সোনা দানা হীরে মানিকের কুবেরের ভাণ্ডার লুট করে আনার প্রলোভন যেমন আছে, তেমনি আছে অজানা রহস্যের হাতছানি, আর সেই সঙ্গে গৌরব-মুকুটের আশা।

উনিশ বছর বয়সে ১৫০৩ খৃষ্টাব্দে কটেজ স্পেন ছেড়ে পাড়ি দিলেন নতুন আবিষ্কৃত পশ্চিমের দেশে ভাগ্যান্বেষণে। সফল বিফল নানা অভিযানে অভিজ্ঞতা সঞ্চয় করে ১৫১১ সালে কটেজ ভেলাসকেথ-এর সঙ্গে গেলেন তাঁর কিউবা-বিজয়ের সহায় হয়ে। মান-সম্মান অর্থ-প্রতিপত্তি কিছুটা তখন তাঁর হয়েছে। ভবিষ্যৎ তাঁর উজ্জ্বল বলেই সকলের ধারণা। ঠিক এই সময়ে স্বভাবের দোষে আর ভাগ্যের বিরূপতায় এই সর্বনাশ তাঁর ঘটল। চোর ডাকাতির মত ফালি-কাঠে লটকেই তাঁর জীবনের সব উজ্জ্বল সম্ভাবনা শেষ হবে।

জাহাজের গারদ-কুঠুরির ভেতর হাত-পায়ে শেকলবঁধা অবস্থায় এই শোচনীয় পরিণাম নিশ্চিত জেনে কটেজ তখন ভেঙে পড়েছেন। উপায় থাকলে আত্মহত্যা করেই নিজের মানটা অন্ততঃ তিনি বাঁচাতেন।

হঠাৎ কটেজ চমকে উঠে দু' কান খাড়া করেন।

এই রাত্রে নির্জন জাহাজঘাটার পাড়ে কোথায় কোন ধর্মযাজক 'আভে মেরিয়া'র স্তোত্র পাঠ করতে এসেছেন!

পর মুহূর্তেই কটেজের বিশ্বয়ের আর সীমা থাকে না।

এ তো 'আভে মেরিয়া' নয়। ভাষাটা লাটিন, স্বরটাও মাতা মেরীর বন্দনার

স্তোত্রের, কিন্তু কথাগুলো যে আলাদা!

কর্টেজ দু'বছর কলেজে একেবারে ফাঁকি দিয়ে কাটাননি। ল্যাটিনটা অন্ততঃ শিখেছিলেন।

স্তোত্রের স্বরে উচ্চারিত কথাগুলোর মানে এবার তিনি বুঝতে পারেন। এ তো তাঁর উদ্দেশ্যেই উচ্চারণ করা শ্লোক! ল্যাটিনে বলা হচ্ছে যে, ভাবনা কোরো না বন্দী বীর। আজ গভীর রাত্রে সজাগ থেকে। যে তোমাকে মুক্ত করতে আসছে তাকে বিশ্বাস কোরো।

জাহাজের মান্না আর প্রহরীরা গোমুখু। তাদের বুঝতে না দেবার জগ্গেই এই লাটিন স্তোত্রের ছল, তা কর্টেজ বুঝলেন।

কিন্তু কে তাঁকে উদ্ধার করতে আসছে! এমন কোন দুঃসাহসিক বন্ধু তাঁর আছে যে তাঁকে এই জাহাজের গারদ থেকে উদ্ধার করবার জগ্গে নিজের প্রাণ বিপন্ন করবে?

সত্যিই কেউ আসবে কি?

আশায় উদ্বেগে অধীর হয়ে কর্টেজ জেগে থাকেন।

সত্যিই কিন্তু সে এল। গভীর রাত্রে প্রহরীরা যখন ঢুলতে ঢুলতে কোনো বকমে পাহারা দিচ্ছে, তখন জাহাজের গারদ-কুর্সুরির একটি মাত্র শিক দেওয়া জানালায় গাঢ় অন্ধকারে একটা সিঁড়ি ভূতুড়ে ছায়াই যেন দেখা গেল।

কিছুক্ষণ বাদেই জানালার শিকগুলো দেখা গেল কাটা হয়ে গেছে নিঃশব্দে।

সেই ভূতুড়ে ছায়া গোছের লোকটা এবার জানালা গলে নেমে এল ভেতরে। কর্টেজ-এর হাত-পায়ের শিকল কেটে খুলে দিতে বেশীক্ষণ তার লাগল না।

চাপ! গলায় সে এবার বললে,—জানালা দিয়ে বাইরে চলে যান এবার। ডেকের এদিকটা অন্ধকার। পাহারাতেও কেউ নেই। ডেকের রেলিং থেকে একটা দড়ি ঝুলছে দেখবেন। নির্ভয়ে সেটা ধরে নীচে নেমে যান। সেখানে একটা ডিঙি বাঁধা আছে। সেইটে খুলে নিয়ে প্রথম স্রোতে নিঃশব্দে ভেসে জাহাজঘাটা ছাড়িয়ে চলে যান। তারপর যেখানে হোক তীরে উঠলেই চলবে।

এই নির্দেশ পালন করতে গিয়েও একবার থেমে কর্টেজ না জিজ্ঞেস করে পারলেন না,—আর আপনি?

আমার জগ্গে ভাববেন না,—বললে অস্পষ্ট মূর্তিটা,—আগে নিজের প্রাণ বাঁচান। আমি যদি পারি তো আপনার পিছু পিছু ওই ডিঙিতেই গিয়ে নামব।

নইলে গোলমাল যদি কিছু হয়, জাহাজেই তার মণ্ডা নিতে হবে।

কর্টেজ নির্দেশ মত ডিঙিতে পৌছোবার পর ছায়ার মত মূর্তিটাও তাতে নেমে এল। জাহাজের ওপর কেউ কিছু জানতে পারেনি।

ডিঙি খুলে স্রোতে ভাসিয়ে অনেকখানি দূরে তীরে গিয়ে ওঠেন ছুঁজনে।

কর্টেজ তখন কৌতূহলে অধীর হয়ে পড়েছেন। কে এই অদ্ভুত অজানা মানুষটা? গায়ে আঁট-সাঁট পোশাক সমেত যে চেহারাটা দেখা যাচ্ছে তার সঙ্গে তাঁর চেনা-জানা কোনো কারুরই মিল নেই। তারা কেউ এমন রোগাটে লম্বা নয়। মুখটা তখনো অবশ্য দেখা যাচ্ছে না। একটা শুধু ছুঁচোখের জগ্গে দুটো ফুটো করা কাপড় তাতে বাঁধা।

তীরে নামবার পর কর্টেজ কিছু জিজ্ঞাসা করবার অবসর অবশ্য পেলেন না। লোকটা তাঁকে সে সুযোগ না দিয়ে ব্যস্তভাবে বলল,—আর দেরী করবার সময় নেই ডন কর্টেজ। আরবারে যে গির্জের আশ্রয় নিয়েছিলেন, সোজা সেখানেই যেতে হবে সামনের বনের ভেতর দিয়ে। আহুন।

এ দিকের এই বনাঞ্চলটা কর্টেজ-এর অচেনা। কিন্তু লোকটার সব ধেন মুখস্থ। অন্ধকার জঙ্গলের ভেতর দিয়ে আঁকাবাঁকা পথে কিছুক্ষণ বাদেই কর্টেজকে সে গির্জার পেছনের কবরখানার কাছে পৌঁছে দিয়ে বললে,—এবার আপনি নিরাপদ ডন কর্টেজ। কেউ এখনো আপনার পালাবার খবর জানতে পারেনি। যান, ভেতরে চলে যান এদিক দিয়ে।

কিন্তু কর্টেজ গেলেন না। সেখানেই দাঁড়িয়ে পড়ে স্পেনের আদব-কায়দা মাফিক কুর্নিশ করে দৃঢ়স্বরে বললেন,—না, আমার এত বড় উপকার যিনি করলেন তাঁর পরিচয় না জেনে আমি কোথাও যাব না। বলুন আপনি কে? কি আপনার নাম?

আমার পরিচয় কি দেব ডন কর্টেজ!—লোকটা তার মুখের ঢাকা খুলে ফেলে বললে,—ক্রীতদাসের কি কোনো পরিচয় থাকে! আমরা গরু ঘোড়ার বেশী কিছু নয়। আমাদের সবাই গানাদো, মানে গরু-ভেড়া বলেই ডাকে হুকুম করতে।

কর্টেজ তখন হতভম্ব। স্প্যানিশে গানাদো মানে গরু-ভেড়া। তার চেয়ে ভালো সম্বোধন যার নেই তেমনি একটা ক্রীতদাসকে কুর্নিশ করে ‘আপনি’ বলেছেন বলে বেশ একটু লজ্জাও বোধ করছেন। কিন্তু মানুষ হিসেবে কর্টেজ খুব খারাপ ছিলেন না। এত বড় উপকারের কৃতজ্ঞতাটা তাই তৎক্ষণাত উড়িয়ে দিতে না পেরে একটু ইতস্ততঃ করে তুই-এর বদলে তুমি বলেই সম্বোধন করে

বিস্মিতভাবে জিজ্ঞাসা করলেন,—তুমি,—মানে কাদের ক্রীতদাস তুমি ?

যে জুয়ারেজ পরিবারে আপনি আগে যাতায়াত করতেন, তাদেরই।
লোকটির মুখে অন্ধকারেও যেন একটু অদ্ভুত হাসি দেখা গেল,—ক্রীতদাসদের
কেউ তো লক্ষ করে দেখে না! নইলে আপনার ফাই-ফরমাশও আমি অনেক
খেটেছি।

কিন্তু, কিন্তু,—কটেজ একটু ধোঁকায় পড়েই বললেন এবার,—তোমায় তো
চেহারায়ে এদেশের আদিবাসী বলে মনে হয় না। ছ'চারজন যে কাক্রী ক্রীতদাস
এখন এখানে আমদানি হয়েছে তাদের সঙ্গেও তোমার মিল নেই। তাহলে
তুমি—

হ্যাঁ, ডন কটেজ, আমি অন্য দেশের মানুষ। কটেজের অসম্পূর্ণ কথাটা পূরণ
করে লোকটি বললে—আপনারা এক ইণ্ডিজ-এর খোঁজে পশ্চিম দিকে পাড়ি
দিয়েছেন, কিন্তু আরেক আসল ইণ্ডিজ আছে পূর্ব দিকে। আমি সেখানকার
মানুষ। ছেলেবেলায় বোম্বায়েদের কাছে ধরা পড়ে এদেশে এসে ক্রীতদাস
হয়েছি।

কটেজ সব কথা মন দিয়ে শুনলেন কিনা বলা যায় না। আর এক প্রশ্ন তখন
তার মনে প্রধান হয়ে উঠেছে। একটু সন্দেহভাবে জিজ্ঞাসা করলেন,—আচ্ছা,
দু' প্রহর রাত্রে জাহাজঘাটার পাড়ে আভে মেঝিয়া-র স্বরে স্তোত্র পাঠ করে কে
আমায় এ উদ্ধারের জন্তে তৈরী থাকতে বলেছিল ?

একটু চূপ করে থেকে লোকটি বললে,—আর কেউ নয় ডন কটেজ, এই
অধীন।

তুমি!—কটেজ সত্যিই এবার দিশাহারা,—তোমার অমন শুদ্ধ ল্যাটিন
উচ্চারণ! এ শ্লোক তৈরী করলে কে? শেখালে কে তোমায়?

কেউ শেখায়নি ডন কটেজ।—লোকটি সবিনয়ে বললে,—ও শ্লোক আমিই
তৈরী করেছি আপনাকে হাঁসিয়ার করবার জন্তে।

তুমি ও শ্লোক তৈরী করেছ? তুমি ল্যাটিন জানো!—কটেজ একেবারে
তাজ্জব।

আজ্ঞে হ্যাঁ—লোকটি যেন লজ্জিত,—এখানে চালান হবার আগে অনেককাল
ডন লোপেজ-দে গোমারার পরিবারে ক্রীতদাস ছিলাম। পণ্ডিতের বাড়ী।
শুনে শুনে আর লুকিয়ে-চুরিয়ে পড়াশুনা করে তাই একটু শিখেছি। কিন্তু আর
আপনি দেরী করবেন না ডন কটেজ। গির্জের-গিয়ে লুকোন তাড়াতাড়ি।

বাইরে কেউ আপনাকে দেখলেই এখন বিপদ।

ফিরে গির্জের বাগানে ঢুকতে গিয়েও কটেক্স কিন্তু আবার ঘুরে দাঁড়ালেন।

কি হবে ওই গির্জের মধ্যে চোরের মত লুকিয়ে থেকে? কটেক্স বললেন
শ্কাভ আর বিরক্তির সঙ্গে,—কতদিন বা ওভাবে লুকিয়ে থাকতে পারব? আর
যদি বা পারি, ছুঁচোর মত গর্তে লুকিয়ে বাঁচার চেয়ে ফাঁসিকাঠে ঝোলাও
ভালো।

ভরসা দেন তো এই অধম একটা কথা নিবেদন করতে পারে।—লোকটি
বিনীতভাবে বললে।

কি কথা?—কটেক্স এবার মনিবের মেজাজেই কড়া গলায় বললেন।

লোকটি তবু না ভড়কে বললে—ছুঁচোর মত গর্তে লুকিয়ে বাঁচার মালুষ
সত্যিই তো আপনি নন। ডন জুয়ান দে গ্রিজাল ভা এই সবে পশ্চিমের
কুবেরের রাজ্যের সন্ধান পেয়ে ফিরেছেন, শুনেছেন নিশ্চয়। কিউবার শাসনকর্তা
মহামহিম ভেলাসকেথ সেখানে আর একটি নৌ-বহর পাঠাবার আয়োজন
করছেন। এ নৌ-অভিযানের ভার নেবার উপযুক্ত লোক আপনি ছাড়া কে আছে
সারা স্পেনে!

খুব তো গাছে চড়াছ! তিস্ত স্বরে বললেন, কটেক্স,—হাতে-পায়ে বেড়ি
দিয়ে যে আমায় ফাঁসিতে লটকাতে চায়, সেই ভেলাসকেথ আমায় এ ভার
দেবার জন্তে হাত বাড়িয়ে আছে বোধহয়!

হাত তিনি সত্যিই বাড়াবেন ডন কটেক্স।—বললে লোকটি,—শুধু একটি
ভুল যদি আপনি শোধরান।

কি ভুল শোধরাব?—গরম হয়ে উঠলেন কটেক্স।

লোকটি কিন্তু অবিচলিত। ধীরে ধীরে বললে,—জোনা ক্যাটালিনাকে
আপনি বিয়ে করুন ডন কটেক্স। তিনি শুধু যে আপনাকে প্রাণ দিয়ে ভাল-
বাসেন তা নয়, তাঁর মত গুণবতী মেয়ে সারা স্পেনে খুব কম আছে। তাঁর
কথা ভেবে তাঁর খাতিরেই আপনাকে আমি উদ্ধার করেছি।

সাহস তো তোর কম নয়!—লোকটার আশ্চর্য্য তুই-তোকারি করে
ফেললেও একটু খেন নরম ভাবিত গলাতেই বললেন কটেক্স,—আমি কাকে বিয়ে
করব না করব তাও তুই উপদেশ দিতে আসিস!

দুই

গরু যার ডাক-নাম সেই ক্রীতদাস গানাদোর পরামর্শই কিন্তু শুনেছিলেন ডন হার্নান্দো কটেজ। তাঁর বরাতও ফিরেছিল তাইতে। ডোনা ক্যাটালিনা জুয়ারেজকে বিয়ে করে আবার শুধু ভেলাসকেথের সুনজরেই তিনি পড়েননি, নেতৃত্বও পেয়েছিলেন কুবেরের রাজা খুঁজতে যাবার নৌবহরের।

ক্রীতদাস গানাদোকে তিনি ভোলেননি। স্ত্রী ক্যাটালিনার অহুরোধে জুয়ারেজ পরিবারের কাছ থেকে তাকে কিনে নিয়ে সঙ্গী অহুচর করে নিয়ে গিয়েছিলেন তাঁর অ্যাজটেক্ রাজ্য বিজয়ের অভিযানে।

সে অভিযান এক দীর্ঘ কুংসিত কাহিনী।

গানাদোর কাছে তা বিষ হয়ে উঠেছিল শেষ পর্যন্ত। স্প্যানিশার্দদের নৃশংস বর্বরতা দেখে যেমন সে স্তম্ভিত হয়েছিল, তেমনি হতাশ হয়েছিল অ্যাজটেক্দের ধর্মের পৈশাচিক বীভৎস সব অল্পষ্ঠান দেখে। তাদের নিষ্ঠুরতম দেবতা হলেন ছইটজিলপিচলি। জীবন্ত মানুষের বৃকে ছুরি বসিয়ে তার হৃৎপিণ্ড ছিঁড়ে বার করে তাঁকে নৈবেদ্য দিতে হয়। এ নারকীয় অভিযান থেকে ফিরে যেতে পারলে গানাদো তখন বাঁচে।

কিন্তু ফেরা আর তার হতো না! হিতকথা বলেই একদিন সে কটেজের প্রিয়পাত্র হয়েছিল। সেই হিতকথাই আবার গানাদোর সর্বনাশ ডেকে এনেছিল একদিন।

কটেজ-এর স্প্যানিশ বাহিনীর তখন চরম দুর্দিন।

স্পেনের সৈনিকদের অমানুষিক অত্যাচারে সমস্ত টেনচ'টিটলান তখন ক্ষেপে গিয়ে তাদের অ্যাক্সিয়াক্যাটল-এর প্রাসাদে অবরুদ্ধ থাকতে বাধ্য করেছে। টেনচ'টিটলান নতুন মহাদেশের ভেনিস। শহরের চারিধার হ্রদে ঘেরা। কটেজ কোনো মতে তাঁর বাহিনী নিয়ে এ দ্বীপনগর থেকে বেরিয়ে পালাবার জঙ্ঘ ব্যাকুল। কিন্তু তার উপায় নেই। অ্যাজটেক্দের আশ্রয়স্থল নেই, ইস্পাতের ব্যবহার তারা জানে না, তারা ঘোড়া কখনো আগে দেখেনি, কিন্তু তাদের তীর-ধনুক ব্রঞ্জের বল্লম তলোয়ার আর ইট-পাটকেল নিয়ে সমস্ত নগরবাসী তখন মরণ-

পণ করেছে বিদেশী শাদা শয়তানদের নিঃশেষ করে দেবার জন্তে। অ্যাক্‌সিয়া-
ক্যাটল-এর প্রাসাদ থেকে কারুর এক পা বাড়াবার উপায় নেই।

এই বিপদের মধ্যে স্পেনের সৈনিকদের মধ্যেই আবার কর্টেজ-এর বিরুদ্ধে
ষড়যন্ত্র পাকিয়ে উঠেছে। তার নেতা হলো অ্যাণ্টোনিও ভিল্লাফানা নামে এক
সৈনিক।

প্রাসাদের একটি গোপন কক্ষে গানাদো ভিল্লাফানার দলের এ চক্রান্তের
আলোচনা একদিন শুনে ফেলেছে। কিন্তু কর্টেজকে এসে সে খবর দেবার আগেই
তাকে ধরে ফেলেছে ভিল্লাফানা।

ক্রীতদাস গানাদোর কাছে তো আর অস্ত্রশস্ত্র নেই। অ্যাণ্টোনিও ভিল্লাফানা
তাকে সোজা এক তলোয়ারের কোপেই সাবাড় করতে যাচ্ছিল। কিন্তু গানাদো
যে কর্টেজ-এর পেয়ারের অস্থচর তা মনে পড়ায় হঠাৎ তার মাথায় শয়তানি বুদ্ধি
খেলে গেছে।

সঙ্গীদের কাছ থেকে একটা তলোয়ার নিয়ে তার দিকে ছুঁড়ে দিয়ে বলেছে,
—নে হতভাগা কালা নেংটি, তলোয়ার হাতে নিয়েই মর।

তলোয়ার নিয়ে আমি কি করব ছুঁরু!—ভয়ে ভয়েই যেন বলেছে গানাদো,
—আমার মত গোলাম তলোয়ারের কি জানে!

তবু হাতে করে তোল হতভাগা!—পৈশাচিক হাসি হেসে বলেছে
অ্যাণ্টোনিও—গোলাম হয়ে আমার ওপর তলোয়ার তুলেছিস বলে তোকে
উচিত শিক্ষা দিয়েছি বলবার একটা ওজর চাই যে।

নেহাত যেন অনিচ্ছায় ভয়ে ভয়ে তলোয়ারটা তুলে নিয়েছে গানাদো।
অ্যাণ্টোনিও তলোয়ার নিয়ে এবার তেড়ে আসতেই ভয়ে ছুটে পালিয়েছে আর
একদিকে।

কিন্তু পালাবে সে কোথায়! হিংস্র শয়তানের হাসি হেসে বেড়ালের
ইদুর ধরে খেলানোর মত তলোয়ার ঘুরিয়ে কিছুক্ষণ তাকে নাচিয়ে বেড়িয়ে
মজা করেছে অ্যাণ্টোনিও ভিল্লাফানা। তারপর হঠাৎ বেকায়দাতেই বোধহয়
গানাদোর তলোয়ারের একটা খোঁচায় তার জামার আস্তিন একটু ছিঁড়ে
যাওয়ার ক্ষেপে উঠেছে অ্যাণ্টোনিও। এবার আর ইদুর খেলানো নয়,
একেবারে সোজাসুজি ভবলীলা শেষ গানাদোর।

কিন্তু অ্যাণ্টোনিওর সঙ্গীরা হঠাৎ থ হয়ে গেছে।

এ কি সেই ক্রীতদাস গানাদোর আনাড়ি ভীক হাতের তলোয়ার! এ যেন

স্বয়ং এল্‌ সিড্‌ কম্পিয়াডর আবার নেমে এসেছেন পৃথিবীতে তাঁর তলোয়ার নিয়ে।

ইদুর নিয়ে বেড়ালের খেলা নয়, এ যেন অ্যান্টোনিওকে বান্দর-নাচ নাচানো তলোয়ারের খেলায়।

প্রথম অ্যান্টোনিও-র জামার আর একটা আস্তিন ছিঁড়ল। তারপর তার আঁটসাঁট প্যাণ্টের খানিকটা, মাথার টুপিটার বাহারে পালকগুলো তারপর গেল কাটা, তারপর একদিকের চোমরানো গোঁফের খানিকটা।

সঙ্গীরা তখন হাসবে না কাঁদবে ভেবে পাচ্ছে না।

অ্যান্টোনিও ভিল্লাফানা ছুটে বেড়াচ্ছে এদিক থেকে ওদিক তলোয়ারের খোঁচা বাঁচাতে।

হঠাৎ একটি মোক্ষম মারে অ্যান্টোনিওর হাতের তলোয়ার শশঙ্কে পড়ে গেছে মাটিতে। আর সেই সঙ্গে বজ্রহকার শোনা গেছে,—থামো।

চমকে সবাই ফিরে তাকিয়ে দেখেছে, কর্টেজ নিজে এসে সেখানে দাঁড়িয়েছেন তাঁর প্রহরীদের নিয়ে।

অগ্নিমু্তি হয়ে তিনি গানাদোকে বলেছেন,—কেলো তোমার তলোয়ার এতবড় তোমার স্পর্ধা, স্পেনের সৈনিকের ওপরে তুমি তলোয়ার তোলা!

ও স্পেনের সৈনিক নয়,—তলোয়ার ফেলে দিয়ে শান্ত স্বরে বলেছে গানাদো,—ও স্পেনের কলঙ্ক। আপনার বিরুদ্ধে ষড়যন্ত্র করছিল গোপনে। তা ধরে ফেলেছি বলে আমায় হত্যা করতে এসেছিল। তলোয়ার ধরে তাই ওকে একটু শিক্ষা দিচ্ছিলাম।

না, ডন কর্টেজ।—অ্যান্টোনিও এবার হাঁটু গেড়ে বসে পড়েছে কর্টেজের পায়ের কাছে,—বিশ্বাস করুন আমার কথা আপনার পেয়ারের ক্রীতদাস বলে ধরাকে ও সরা দেখে। আমাকে এই এদের সকলের সামনে ঘা-নয়-তাই বলে অপমান করেছে। আমি তাতে প্রতিবাদ করি বলে, আমাদের একজনের তলোয়ার খাপ থেকে তুলে নিয়ে আমার ওপর চড়াও হয়।

চড়াও হওয়াটা কর্টেজ নিজের চোখেই দেখেছেন। তার সাক্ষ্য-প্রমাণের দরকার নেই।

অ্যান্টোনিও খাস বনেদী ঘরের ছেলে না হলেও তারই নীচের ধাপের একজন ‘হিড্যালগো’। তার ওপর সামান্য একজন ক্রীতদাসের তলোয়ার তোলা ক্ষমাহীন অপরাধ।

রাগে আগুন হয়ে অ্যাণ্টোনিওর কথাই বিশ্বাস করে কট্টেজ গানাদোকে বেঁধে নিয়ে যেতে ছকুম দিয়েছেন। ক্রীতদাসের বিচার বলে কিছু নেই। এ অপরাধের জঞ্জলে সেদিনই যে তার মৃত্যুদণ্ড হবে একথাও কট্টেজ জানিয়েছেন তৎক্ষণাৎ।

হিড্যালগো আর প্রহরীরা তাকে বেঁধে নিয়ে যাবার সময় গানাদো এ দণ্ডের কথা শুনে একটু শুধু হেসে বলেছে,—প্রাণদণ্ডটা আজই না দিলে পারতেন ডন কট্টেজ! তাতে আপনাদের একটু লোকসান হতে পারে।

আমাদের লোকসান হবে তোর মত একটা গরু কি ভেড়া মরে গেলে!—কট্টেজ একেবারে জলে উঠেছেন এতবড় আশ্চর্য্যের কথায়।

গানাদো কিন্তু নির্বিকার। ধীর স্থির গলায় বলছে,—হ্যাঁ, সে ক্ষতি আর হয়তো সামলাতে পারবেন না। বিশ্বাসঘাতক ভিল্লাফানার শয়তানি আজ না হোক, একদিন নিশ্চয় টের পাবেন, কিন্তু ততদিন পর্যন্ত আপনার এ বাহিনী টিকবে কি? আমায় আজ মৃত্যুদণ্ড দিলে উদ্ধারের উপায় যা ভেবেছি, বলে যেতেও পারব না।

কট্টেজ-এর রাগ তখন সপ্তমে উঠেছে। সজোরে গানাদোর গালে একটা চড় মেরে তিনি প্রহরীদের বলেছেন,—নিয়ে যা এই গরুটাকে এখান থেকে। নইলে নিজের হাতটাই নোংরা করে বসব এইখানেই ওকে খুন করে!

তিন

হাত নোংরা না করুন, প্রায় হাত জোড়ই করতে হয়েছে কট্টেজকে সেইদিনই গানাদোর কাছে তার কয়েদঘরে গিয়ে।

কট্টেজ আর তার অ্যাক্সিয়াক্যাটল-এর প্রাসাদে বন্দী সৈন্যদলের অবস্থা তখন সঙ্গীন। প্রাসাদে খাবার ফুরিয়ে এসেছে। খবর এসেছে যে, দ্বীপ-নগর টেনচট্টলান থেকে বাইরের স্থলভূমিতে যাবার একটিমাত্র সেতুবন্ধ পথ অ্যাক্টেকরা ভেঙে নষ্ট করে দিচ্ছে। প্রাসাদ-কারাগার থেকে বেরিয়ে অন্ততঃ লড়াই করে সে সেতুবন্ধের পথে যাবার একটা উপায় না করলেই নয়।

শুধু সেই জন্তেই কট্টেজ অবশ্য গানাদোর কাছে যাননি। একদিন যে তাঁর প্রাণ বাঁচিয়েছে, যার কাছে অনেক হুপরাশি পেয়ে বড় বড় বিপদ থেকে তিনি উদ্ধার পেয়েছেন, ক্রীতদাস হলে তার প্রতি কৃতজ্ঞতাটা মন থেকে একেবারে মুছে ফেলতে কট্টেজ পারেননি। কিছুটা অহুশোচনাতেও কট্টেজ তাঁর মেল্লিকো অভিযানের দোভাষী ও নিত্যসঙ্গিনী মালিকে ওরফে মারিনাকে নিয়ে গেছেন গানাদোর কাছে।

কট্টেজ নিজে প্রথমে কিছু বলতে পারেননি। মালিকেই তার হয়ে বলেছে, —আমার কথা বিশ্বাস করে গানাদো। হার্নাণ্ডো তোমার এ পরিণামে সত্যি মর্মান্বিত। কিন্তু ক্রীতদাস হয়ে মনিবের জাতের কারুর বিরুদ্ধে হাত তোলার একমাত্র শাস্তি মৃত্যুও রদ করবার ক্ষমতা তাঁরও নেই। শুধু স্পেনের জন্তে মস্ত বড় কিছু যদি তুমি করতে পারো, তাহলেই কট্টেজ শুধু প্রাণদণ্ড মুকুব নয়, দাসত্ব থেকেও তোমায় মুক্তি দিতে পারে সম্রাটের প্রতিনিধি হিসাবে।

হ্যাঁ, বলো গানাদো,—কট্টেজ এবার ব্যাকুলভাবেই বলেছেন,—আমাদের এ সঙ্কট থেকে বাঁচাবার কোন উপায় যদি তোমার মাথায় এসে থাকে এখুনি বলো। তা সফল হলে শুধু নিজেদের নয়, তোমাকে বাঁচাতে পেরেই আমি বেশী খুশি হব। বলো কি ভেবেছ?

ভেবেছি,—বলে গানাদো এবার যা বলেছে কট্টেজ বা মালিকে কেউই তা বুঝতে পারেনি।

এ আবার কি আওড়াচ্ছ ? অর্থাৎ হয়ে জিজ্ঞাসা করেছে মালিকে,—
তুঁকতাকের মন্ত্র নাকি ?

না,—একটু হেসে বলেছে গানাদো,—ডন কর্টেজকে আমি ছেলেবেলায়
শেখা একটা কথা বললাম। বললাম—তোমার রথ দেখাব বলেই ডেবেছি,
রথও দেখবে কলাও বেচবে।

সত্যি রথই দেখিয়েছে গানাদো। রথের মত কাঠের মোটা তক্তায় তৈরী
দোতলা সাজোয়া গাড়ি। সে ঢাকা সাজোয়া গাড়ির দুই তলাতেই বন্দুক নিয়ে
থাকবে সৈনিকেরা। নিজেরা কাঠের দেওয়ালের আড়ালে তীর বল্লম আর ইস্ট-
পাটকেলের ঘা বাঁচিয়ে নিরাপদে বন্দুক ছুঁড়তে পারবে শত্রুর ওপর। এই
কাঠের সাজোয়া গাড়ির নামই হলো মাণ্টা।

সেই মাণ্টা না উদ্ভাবিত হলে কর্টেজ আর তার মুষ্টিমেয় বাহিনী সেবার
দ্বীপ-নগর টেনচট্টলান থেকে পালিয়ে প্রাণ বাঁচাতে পারত না। নতুন
আবিষ্কৃত আমেরিকা মহাদেশের ইতিহাসই হয়তো তাহলে পান্টে যেত।

কর্টেজ নিজের কথা রেখেছিলেন। গানাদোকে দাসত্ব থেকে মুক্তি দিয়ে
দামী দামী বহু উপহার সমেত সম্রাটের সওগাত বয়ে নিয়ে যাবার জাহাজেই
স্পেনে পাঠিয়ে দিয়েছিলেন।

পাঠাবার আগে দাসত্ব থেকে মুক্তিপত্র লিখে দেবার সময় জিজ্ঞাসা করে-
ছিলেন,—এখন তুমি মুক্ত স্বাধীন মানুষ গানাদো। বলা কি নামে তোমার
মুক্তিপত্র দেব ? কি নেবে তুমি পদবী ?

নাম আমার নিজের দেশের ছেলেবেলায় দেওয়া ঘনরামই লিখুন,—
বলেছিলেন গানাদো,—আর আমার বংশ যদি ভবিষ্যতে থাকে তাহলে এ
ইতিহাস চিরকাল স্মরণ করাবার জন্তে পদবী দিন দাস।

ঘনশ্যাম দাস থামতেই ঈষৎ জ্র কুঞ্চিত করে জিজ্ঞাসা করলেন মর্মের মত
মস্তক ধীর মৃদু সেই শিবপদবাবু,—কিন্তু এ ইতিহাস আপনি পেলেন কোথায় ?
আপনার আদিপুরুষ সেই গানাদো, খুঁড়ি ঘনরাম বাংলার পুঁথি লিখে গিয়েছিলেন
নাকি ?

হ্যাঁ, পুঁথিই তিনি লিখে গেছিলেন। ঘনশ্যাম দাস একটু বাঁকা হাসির সঙ্গে
বললেন—তবে সে পুঁথি দেখলেও আপনি পড়তে পারতেন না। নাম এক
হলেও ‘ধর্মমঙ্গল’ লিখে যিনি রাতের লোককে এক জায়গায় একটু বিদ্রূপ করে
গেছেন, ইনি সে ঘনরাম নয়। বাংলার নয়, দেশে ফেরবার আগে প্রাচীন

ক্যাস্টিলিয়ানেই তিনি তাঁর পুঁথি লিখে গেছিলেন। ফ্যালানজিস্টরা স্পেনের গৃহ-
যুদ্ধের সময় ধ্বংস করে না দিলে অষ্টাদশ শতাব্দীর শেষদিকে বিখ্যাত পণ্ডিত
মুনোজ তাঁর অক্লান্ত চেষ্টায় যেখান থেকে ফ্রানসিসক্যান ফ্রায়ার বার্নার্দিনো যে
সাহায্যের অমূল্য রচনা হিস্টোরিয়া ইউনিভার্সাল দে মুয়েভা এসপানা, মানে
নতুন স্পেনের বিশ্ব-ইতিহাসের পাণ্ডুলিপি উদ্ধার করেন, স্পেনের উত্তরে টলোসা
মঠের সেই প্রাচীন পাঠাগারেই এ পুঁথি পাওয়া যেত।

এত জায়গা থাকতে টলোসা মঠে কেন, আর ফ্যালানজিস্টরা যত মন্দই
হোক, হঠাৎ একটা নির্দোষ মঠের পাঠাগার ধ্বংস করবার কি দায় পড়েছিল
তাদের, জিজ্ঞাসা করতে গিয়েও শিবপদবাবু নিজেকে সংবরণ করলেন বুদ্ধিমানের
মত! রাত যথেষ্ট হয়েছে।

সূর্য কাঁদলে সোনা

চার

অর্থাৎ তস্ত তস্ত !

কে বললেন ?

না, শ্রীধনশ্রাম দাস নয়, মর্মরের মত মস্তক ধীর মস্তক, ইতিহাসের অধ্যাপক সেই শিবপদবাবুই উক্তিটি করলেন ঈষৎ ব্যঙ্গের স্বরে।

এ উক্তির প্রতিবাদ স্বয়ং শ্রীধনশ্রাম দাসের কণ্ঠেই শোনা গেল উদার সহিষ্ণুতার স্বরে।

না, তস্ত তস্ত নয়, ইনি সেই অনন্ত অধিতীয় ঘনরাম !

ঘনরাম !—মেদভরে হস্তীর মত যিনি বিপুল সেই সদাপ্রসন্ন ভবতারণবাবু বিফারিত চক্ষে জিজ্ঞাসা করলেন—মানে আপনার সেই আদিপুরুষ ঘনরাম দাস, যিনি সেই পৃথিবীর প্রথম ট্যাক্স আবিষ্কার করেছিলেন...

আর ছেলেবেলাতেই ভারতবর্ষের পশ্চিম উপকূলের সমুদ্রে পত্নীগীজ বোম্বেটেদের লুট-করা, জালিয়ে দেওয়া তাম্রলিপ্তির সদাগরী জাহাজ থেকে রক্ষা পেয়েও ধরা পড়ে প্রায় অর্ধেক যৌবন পর্যন্ত পোর্টুগ্যাল স্পেনে এবং পরে এখন যা আমরা কিউবা আর মেক্সিকো বলে জানি, সেই দুই দেশে ক্রীতদাস হয়ে কাটিয়ে ওই 'মাষ্টা' আবিষ্কারের পুরস্কারস্বরূপ দাসত্ব থেকে মুক্তি পেলেও নিজের বংশের ধারায় ওই চরম গ্রানি ও পরম গৌরবের অধ্যায় চিরস্মরণীয় করে রাখবার জন্তে দাস পদবীই গ্রহণ করেছিলেন।—সদাপ্রসন্ন ভবতারণবাবুর অসমাপ্ত বাক্যটি একদমে ময়দানের মল্লমেষ্ট-মুখো মিছিলের মত এই বাক্যশ্রোতে পূরণ করে শ্রীধনশ্রাম দাস যখন থামলেন, তখন উপস্থিত আর সকলের বিশেষ্য বিশেষণ ক্রিয়া ক্রিয়ার বিশেষণ কনজংশন প্রিপোজিশন, কর্তা কর্ম ক্রিয়া ইত্যাদির জট থেকে গতাংশ উদ্ধার করে তাৎপর্থে পৌঁছোতে হিম-সিম খাওয়া গলদঘর্ম অবস্থা।

মর্মর-মস্তক শিরোদেশের শিবপদবাবুই প্রথম বোধহয় চরকি-পাক থেকে মাথাটি স্থির করতে পেরে জিহ্বা সঞ্চালনে সক্ষম হলেন। বললেন,—কিন্তু আপনার সে ঘনরাম দাস ত টেনচটিটলান-বিজয়ে কটেজ-এর কীর্তিকেও কানা করে আতলাস্তিকের এপারে ওপারে বাহাদুরকা খেল দেখিয়ে স্বাধীনতার সনদ

নিয়ে দেশে ফিরে গেছিলেন !

শিবপদবাবুর গলার স্বরে ঠাট্টার খোঁচাটা আগের চেয়েও একটু বেশী তীক্ষ্ণ ।

তা তীক্ষ্ণ হওয়ার আর দোষ কি !

অমন যোক্ষম সময়ে মুখের কথা কেড়ে নিলে কার মেজাজ আর ঠিক থাকে !

এমনিতেই শ্রীধনশ্যাম দাস উপস্থিত থাকলে আর কারুর কোন মোকা বড় একটা মেলে না । তাতে অমনভাবে আসরটা জমিয়ে তোলার পর ওই একটা বিদঘুটে ফোড়ন কেটে সব ফাঁসিয়ে দেওয়া !

না, শিবপদবাবু আজ সত্যিই মনে মনে খুব বেশীরকম চটেছেন ।

ধনশ্যাম দাসের ফোড়নে যদি ব্যাধ থাকে, তাহ'লে তাঁর টিপ্পনিতোও কি জ্বালা শিবপদবাবু বুঝিয়ে দেবেন ।

আজকের বেয়াদপিটা কিছুতেই তিনি ক্ষমা করতে রাজী নন । দাশমশাই রোজ ত নিজেই আসর মাং করেন, আজ একটু দৈর্ঘ্য ধরে তিনি শুনতে পারতেন না !

শিবপদবাবু আজ-বাজে গল্প ত ফাঁদেন নি । শুরু করেছিলেন নীল নদের উৎস আবিষ্কারের আশ্চর্য রোমাঞ্চকর কাহিনী । একদিনে সে উৎস ত আবিষ্কার হয়নি, আবিষ্কারের অভিযান সাফল্যের আনন্দে এক একবার যেখানে এসে থেমেছে, দেখা গেছে নীল নদের উৎপত্তির রহস্য তারও চেয়ে দূর দুর্ভেগ যবনিকার আড়ালে গোপন ।

সে রহস্য-যবনিকা সরিয়ে দিতে কত রকমের মানুষই না এগিয়ে এসেছে ।

নেহাং মুখ' গৌয়ার বেপরোয়া গোছের বাউণ্ডুলে যেমন, তেমনি আবার এমন জ্ঞানী-গুণী-পণ্ডিত-গোছের বিচক্ষণ মানুষও এসেছে যাদের কাছে এই অজানা উৎস-সন্ধান আধ্যাত্মিক সাধনারই সামিল ।

এই সন্ধানী পর্ষটকদের মধ্যে রিচার্ড বাটনের মত বিচিত্র অদ্ভুত মানুষেরও দেখা মেলে । অসামান্য পণ্ডিত, জীবন-রসিক, সকল রকম নকল গুণ্ডি-ভাঙ্গা যে বিদ্রোহী, এক হিসেবে নেহাং মুখ্য গরীব ইতরদের জমায়েৎ থেকে সভ্য আরব জগতেরই ভুলে-বাওয়া, হেলায় পায়-ঠেলা, কল্পনার উধাও-ডানা-মেলা আরবা উপস্থাসের মত গল্প-সাহিত্যের একটি বিরল মুকুটমণি চিনে উদ্ধার করে এনেছিলেন, আসল জহরীর চোখ আর খাটি জীবন-পিপাসীর কলজের জোবের বিশেষত্বে নিজের যুগের মাথা-ছাড়ানো সেই রিচার্ড বাটনের মত মানুষ ভেতরকার কি প্রেরণায় কি তাগিদে অজানা আফ্রিকার অন্ধকার গভীরে

অতবড় দুঃসাহসী অভিযানে বেরিয়ে টাঙ্কানায়িকা হৃদ আবিষ্কারের উপলক্ষ্য হয়েছিলেন, শিবপদবাবু নাটকীয়ভাবে জবাব দেবার জন্তে নিজেই সে প্রশ্নটা তুলে ধরেছিলেন।

হয়ত দেনার দায়ে!

এতক্ষণের বক্তৃতার ফুঁয়ে ফাঁপানো-ফোলানো রং-বাহারদার বেলুনটাকে যেন চোখের ওপর ওই বিক্রপের আলপিনের খোঁচায় ফুস করে ফেসে চূপসে যেতে দেখা গেল।

কে বললে কথাটা?

কে আর! ওই পাশা-কাঠে করা-ত-চালানো অস্থিতীয় গলা একমাত্র শ্রীঘনশ্রাম দাসের ছাড়া আর কারুরই হাতে পারে না।

তঁাকে সশরীরে ঠিক শিবপদবাবুর পিছনেই মুখে তাঁর সেই মার্কা-মারা করুণা আর অবজ্ঞা-মেশানো হাসিটি আর হাতে চিরন্তন অবিচ্ছেদ্য ছড়িটি নিয়ে দাঁড়িয়ে থাকতে দেখা গেল।

কখন তিনি এসে দাঁড়িয়েছেন, কেউ যে লক্ষ্য করেন নি, শিবপদবাবুর গল্প জমাবার আংশিক সাফল্য তা থেকে অন্ততঃ প্রমাণিত হয়।

এখন তাঁকে দেখে সবাই কেমন একটু লজ্জিত হয়ে তাঁকে জায়গা দেবার জন্তে বাস্তব হয়ে উঠলেন।

কুস্তের মত উদরদেশ ষাঁর স্ফীত, সেই ভোজন-বিলাসী রামশরণবাবু কেমন করে অমন অরিংবেগে তাঁর পাশে দাসমশাইকে জায়গা দেবার ব্যবস্থা করে ফেললেন সেটি একটি দর্শনীয় বস্তু।

শ্রীঘনশ্রাম দাস কর্তৃক অলঙ্কৃত এই সাক্ষ্য-সভাটি আমাদের করুণ আত্মচলনার একদা হৃদ নামে অভিহিত ও বর্তমানে সরোবরে সঙ্কুচিত হয়েও সন্মানিত একটি জলাশয়ের এক প্রান্তে বেদিকা-বেষ্টিত নাতি-বৃহৎ একটি বৃক্ষের তলায় প্রায় নিয়মিতভাবে যে বসে, এ সংবাদ দাসমহাশয়ের অল্পবয়স্ক মহলের কারুর বোধহয় অজানা নয়।

দাসমশাই আসন গ্রহণ করাতে মস্তক ষাঁর মর্মর-মস্তণ, সেই শিবপদবাবু আর সকলের মত অমন কৃতার্থ বোধহয় হতে পারলেন না। তাঁর কণ্ঠের ঈষৎ স্কন্ধ তিক্ততাতেই তা বোঝা গেল।

দেনার দায়ে মানে?—শিবপদবাবু রুক্ষস্বরে জিজ্ঞাসা করলেন।

মানে, দাসমশাই নিজের সংক্ষিপ্ত উক্তি বিস্তারিত করলেন,—সহজ সরল

অর্থে যা হয় তাই। খাতক হয়ে উত্তরণের ভয়ে দেশান্তরী হতে গিয়ে ভূগোলের সীমা বিস্তৃত করার দৃষ্টান্ত অতীতে একেবারে বিরল নয়। তা'ছাড়া দেনার দান না থাকলে প্রোট এক পর্ষটক চার শতাব্দী আগেকার সন্ধীর্ণ পৃথিবীকে মরণ-পণ দুঃসাহসে প্রসারিত করে সে-মুগ এ-মুগ নিয়ে বোধহয় সর্বকালের সমৃদ্ধতম দেশ আবিষ্কারে উৎসাহী হতেন কিনা বলা যায় না। অন্ততঃ কল্পনার স্বর্ণলঙ্কাকেও হার মানানো সত্যিকার সোনার বাঁধানো এক বাস্তব রূপকথার দেশ আবিষ্কারের গৌরব একজন দেনদারের। সে দেনদার আবার দেনার দায়ে কারারুদ্ধও হয়েছিলেন সেভিল-এ। সেদিন কারাগার থেকে তাঁকে উদ্ধার করবার জন্ত একজন যেন ভোজবাজিতে সেভিলে উদয় হয়েছিলো। তা না হলে পৃথিবীর হয়ত কল্যাণই হ'ত, কিন্তু ষোড়শ শতাব্দীকে বিদ্যুৎ-চকিত করা একটি আবিষ্কার তখনকার ইওরোপীয় সভ্যজগতের হৃদস্পন্দন অত দীর্ঘকাল অমন দ্রুত করে তুলত না।

মেদভারে যিনি হস্তীর মত বিপুল সেই সদাপ্রসন্ন ভবতারণবাবু যেন দাসমশাই-এর কথা শেষ হবার জন্তে মুখ বাড়িয়ে ছিলেন। দাসমশাই খামতেই তিনি নিজেই যেন দণ্ড হবার ব্যাকুল উৎসাহে গদগদ স্বরে জিজ্ঞাসা করলেন,— সেই ভোজবাজিতে যিনি উদয় হয়েছিলেন, তিনি কে? আপনার কেউ নিশ্চয়ই? ঠাকুরদার ঠাকুরদা তন্ত্র ঠাকুরদা গোছের কেউ, কেমন?

না, পিতামহ কি স্মৃতিবদ্ধ প্রপিতামহও নয়—বলে সহিষ্ণুভাবে শুরু করে দাসমশাই আর বক্তব্যটা শেষ করতে পারলেন না।

শিবপদবাবু তাঁকে সে স্বেঘোণ না দিয়েই বাক্তভরে বলে উঠলেন, বুঝেছি বুঝেছি! অর্থাৎ তন্ত্র তন্ত্র...

এর পর এ সভায় উত্তর-প্রত্যুত্তর কিভাবে কোথায় গিয়ে থেমেছে তা আগেই বলা হয়েছে।

তঁার আদিপুরুষ ঘনরাম দাসের দাসত্বশৃঙ্খল থেকে মুক্তি পেয়ে দেশে ফিরে যাওয়ার বৃত্তান্ত যে দাসমশাই-এর মুখ থেকেই শোনা একথা স্মরণ করিয়ে দিয়ে শিবপদবাবু যদি তাঁকে একটু বিরত করতে চেয়ে থাকেন সে আশা তাঁর কিন্তু পূর্ণ হল না।

আদি পুরুষের দুঃখ স্মরণ করেই যেন বিষন্ন স্বরে দাসমশাই বললেন, না স্বাধীন হয়ে আর দেশে ফিরতে পারলেন কই? দাসত্ব থেকে মুক্তি আর দেশে ফেরা তখনও তাঁর ভাগ্যে নেই।

তার মানে, আপনার আদিপুরুষ সেই ঘনরাম দাস ক্রীতদাস হয়েই রইলেন ?
—স্বীত্যের রামশরণবাবু নীল নদের উৎস-আবিষ্কারকদের জীবনের রহস্য
রোমাঙ্কের কথা অন্যরাসে ভুলে গিয়ে ঘনরাম দাসের জন্মে উদ্বিগ্ন ও কাতর হয়ে
উঠলেন,—কিন্তু তিনি ত স্বয়ং কটেজের ছাড়পত্র পেয়েছিলেন !

স্পেনের সম্রাট বৃষ্টি তা মানলেন না ?—এ ক্রুদ্ধ সমালোচনা শোনা গেল
সদাপ্রসন্ন ভবতারণবাবুর কণ্ঠে । ভবতারণবাবুর বিপুল মেদবহুল হাতের কাছে
থাকলে, স্পেনের সে সম্রাটের কি দুর্দশাই যে হ'ত তা পরের কথাতেই বোঝা
গেল,—এ সব সম্রাটের কি হওয়া উচিত জানেন ?

দাসমশাইকে তাড়াতাড়ি ভবতারণবাবুকে শাস্ত করতে হ'ল তার ভ্রান্ত
ধারণাটুকু সংশোধন করে ।

না, না, সম্রাটের কোন দোষ নেই ।—বোঝালেন দাসমশাই,—সম্রাটের
হাতে পড়লে তাঁর নিজের হুকুমনামা দেওয়া কটেজের ছাড়পত্র নিশ্চয়ই তিনি
স্বীকার করতেন । কিন্তু ঘনরাম তাঁর ছাড়পত্র সম্রাটকে দূরে থাক, সেভিলের
বন্দরের কাউকেও দেখাবার সন্যোগ পান নি !

কেন ? কেন ? সে ছাড়পত্রের হ'ল কি ? প্রায় সমস্বরে প্রশ্ন করলেন
রামশরণ ও ভবতারণবাবু । শিবপদবাবু শুধু তখনও নীরব ।

যা হ'ল তা বড় জঘন্য—দার্শনিক নির্লিপ্ততা রাখার যেন বৃথা চেষ্টা করে
বললেন শ্রীধনশ্যাম দাস,—মানুষ সম্বন্ধে তাতে হতাশাই হতে হয় । কল্পনার
নয়, বাস্তবের স্বর্ণলঙ্কা আবিষ্কারের কাহিনী কিন্তু সে কুৎসিত ঘটনার বিবরণটুকু
ভূমিকা হিসেবে আগে না জানালে দুর্বোধ অসম্পূর্ণই থেকে যাবে ।

তার মানে ঘনরাম দাস স্বাধীন থাকলে ওই আপনার সত্যিকার স্বর্ণলঙ্কা
আর মুখের ঘোমটা খুলত না ?

শিবপদবাবুর কথাগুলো এখনো বেশ বাঁকা । কিন্তু দাসমশাই সহিষ্ণুতার
অবতার । পিন-ফোটানোট্টা যেন পালক-বোলানোর মত নিয়ে হাসিমুখে
বললেন,—স্বর্ণলঙ্কা কত দিনে কিভাবে তাহলে আবিষ্কৃত হ'ত তা হয়ত ঠিক বলতে
পারব না । কিন্তু স্বাধীন থাকলে ঘনরাম দাস সেভিলের বন্দরে জাহাজের গারদ
ভেঙে বেরিয়ে সমুদ্রে নিশ্চয় ঝাঁপ দিতেন না, একদিন পশ্চিমের নতুন মহাদেশে
বন্ধুত্বের আদর্শ হিসেবে যার নাম লোকের মুখে-মুখে ফিরবে সেই দীয়েগো শু
আলমাগরোর জাহাজে লুকিয়ে তাঁকে আবার আতলাস্তিক পার হ'তে হ'ত না,
তখনকার সবচেয়ে আজগুবি এক অভিযানে লোকসানের পর লোকসানেও টাকা

ঢেলে ষাবার মন্ত্র নতুন মহাদেশের সবচেয়ে বড় গুপ্ত মহাজন গ্যাম্পার ছা এমপি-নোগার কানে দেবার কেউ থাকত না, আসল হর্তাকর্তাদের মন বিষিয়ে দিয়ে অভিযান মূলেই মুড়িয়ে দেবার জগ্গে সব কিছুই কালিমেড়ে দেখানো বিবরণ গোপনে পাঠাবার সত্যিকার শয়তানি চালাকি তাহলে কেউ ধরে সাবধান করে দিত না, দশ বছরের মধ্যে স্পেনকে ঐশ্বৰ্য আৰ গৌরবের শিখরে যে তুলবে, তখনো অজ্ঞাত অখ্যাত দেনার দায়ে দেউলে আধ-বুড়ো একটি মানুষকে যেমন কারাগার থেকে উদ্ধার তেমনি এ যুগের স্বর্ণলঙ্কার ভবিষ্যতের চরম সঙ্কটের দিনে ভাগ্যের পাশার দান উটে দিতে 'ল্লাস্টু'র ওপর কোরাকেছুর পালক গৌজার ফন্দি কারুর মাথায় আসত না।

কি বললেন?—শিবপদবাবুই প্রথম তাঁর সন্ধিগ্ন বিশ্বয় জ্ঞাপন করলেন,— লাট্টুর ওপর কার কেছ না কি!

লাট্টু নয় ল্লাস্টু! দৈৰ্ঘ্য ধরে বোঝালেন ঘনশ্যাম দাস,—উচ্চারণটা জিভে আনা একটু শক্ত। ল্লাস্টু হ'ল একরকম নানারঙের তাঁজ-দেওয়া পাগড়ি গোছের উজ্জ্বীষ, বাস্তবের স্বর্ণলঙ্কার অধীশ্বররা যা পরতেন।

আর, ওই কার কি কেঁউকু যা বললেন? মেদভারে বিপুল ভবতারণবাবু উদগ্রীব হয়ে জানতে চাইলেন।

কার কি কেঁউকু কি কেংকু নয়,—করুণাভরে সংশোধন করে দিলেন দাসমশাই—কথাটা হ'ল কোরাকেছু; কোরাকেছু ছিল ছুনিয়ার দুস্ত্রাপ্যতম পাখি। বোখারায় সমরকন্দের সন্ধিগ্ন সমৃদ্ধতম বাদশার হারেমের সেরা সুন্দরীর চেয়ে কড়া পাহারায় সকলের গোথের আড়ালে তাদের পালন করা হ'ত। সত্যিকার স্বর্ণলঙ্কার অধীশ্বরের মাথার উজ্জ্বীষ ল্লাস্টুতে গৌজা হ'ত তার ছুটি পালক।

আপনার আদিপুরুষ ঘনরাম ওই কোরাকেছুর পালক ল্লাস্টুর ওপর গুঁজে ভাগ্যের পাশা উটে দিয়েছিলেন? কেন? কি করে? বিশ্বয়-বিষ্ফারিত চোখে ভক্তিতরে জিজ্ঞাসা করলেন কুশোদর রামশরণবাবু।

তা বলতে গেলে ওখানেই ত থামা চলবে না! হাসলেন দাসমশাই,—যে বিষ-ফলের গাছ পৌতার ব্যাপারে কিছু ভাগ তাঁর ছিল, একদিন তা বেড়ে উঠে আকাশ-বাতাস বিষিয়ে তুলে শ্রায়ধর্মের টুটি যখন চেপে ধরে, তখন গোড়ায় কোপ দিয়ে তা শেষ করার চেষ্টায় কি ভূমিকা ঘনরামের ছিল তা পর্যন্ত বলতে হয়। কিন্তু সে যখনকার কথা তখনই বলা যাবে। ঘনরামের জীবনের নতুন পালার যা থেকে স্ত্রপাত, ক্রৌতদাগ হওয়ার অভিধাপ থেকে মুক্তি পেয়েও

ঘনরাম তাঁর স্বাধীনতা আবার কি করে খোয়ালেন, সেই করুণ বৃত্তান্তেই আগে ফিরে যাওয়া যাক।

এবার শিবপদবাবুরও কোনো আপত্তি দেখা গেল না।

ঘনরাম ঘটা করেই স্পেনে ফিরছিলেন।—শুরু করলেন দাসমশাই। কটেজ সত্যিকার ভালবাসায় আর কৃতজ্ঞতায় তাঁর মুক্ত ক্রীতদাসকে উপহার হিসাবে যা দিয়েছিলেন, খানদানি স্প্যানিশ হিড্যালগোরদেরও তা ঈর্ষার বস্তু।

সেই ঈর্ষাই জেগেছিল এক স্পেনের সৈনিকের মনে। ঘনরামের সঙ্গে একই জাহাজে সে দেশে ফিরছিল। কটেজ-এর আদি বাহিনীর লোক সে নয়। কটেজ-এর বিরুদ্ধে পাঠানো নার্তেজ-এর দলেই মেক্সিকোতে এসে সে কটেজ-এর পক্ষ নেয়। বেশীর ভাগ ট্লাসকালায় অল্প বাহিনীতে ছিল বলে ঘনরামকে আগে সে দেখে নি। সে নিজের উন্নতিও মেক্সিকোর এসে এ পর্যন্ত তেমন কিছুই করতে পারে নি। সত্যিকার লড়াই বেশীর ভাগ সে ফাঁকিই দিয়েছে। ঠিক প্রমাণ না পাওয়া গেলেও কটেজ-এর বিরোধী দলের বড়মস্ত্রে হয়ত আছে এই সন্দেহে তাকে এখন ফেরত পাঠান হচ্ছে। যুদ্ধ না হোক লুটতরাজে সোরাবিয়ার উৎসাহ খুব। তাতে কিন্তু যা পেয়েছে সবই বলতে গেলে উড়িয়ে দিয়েছে জুয়া খেলে আর সাজ-পোশাকের বিলাসিতায়। সোরাবিয়ার ধারণা তার মত সুপুরুষ নেই। সুন্দরী মেয়েরা তাকে দেখলেই মূর্ছা যায়।

জাহাজে ঘনরামের সঙ্গে ঠোঁকাঠুকি তার বেশী করে লেগেছে এই ব্যাপারে।

ঘনরামের সঙ্গে সোরাবিয়ার পরিচয় আগে ছিল না। জাহাজে একই যাত্রার সঙ্গী হিসেবে দেখে চেহারার সাজ-পোশাকে ঘনরামকে বেশ শাংসালো কেউ বলেই মনে হয়েছে সোরাবিয়ার। সেই সঙ্গে জুয়ার নামিয়ে ভাল করে নিংড়ে নেবার মতলবও মাথায় এসেছে।

ঘনরামকে স্পেনে ফেরার সে জাহাজে দেখলে কেউ-কেটা বলে ভুল করা খুব অস্বাভাবিক কিছু নয়। কটেজ-এর হুকুমে সম্মানিত অতিথির মর্যাদাই তাঁকে দেওয়া হয়েছে। সাজ-পোশাকে কথায়-বার্তায় চাল-চলন ব্যবহারে সে মর্যাদার সম্পূর্ণ যোগ্য বলেই তাঁকে বোঝা গেছে। কটেজ ঘনরামকে বিদায় দেবার সময় পয়সা-কড়ি ছাড়া যে সব সম্ভ্রান্ত সাজ-পোশাক সঙ্গে দিয়েছিল তাতে তাঁকে বেমানান লাগে নি।

সোরাবিয়া গোড়ায় একটু গায়ে পড়েই ঘনরামের সঙ্গে ভাব করেছে।

তখনকার দিনের পাল-তোলা মাত্র সত্তর টনের মাঝারি গোছের জাহাজ।

একশ টনের জাহাজ হলেই সেকালে খুব বড় বলে গণ্য হবার যোগ্য হত। এখনকার তুলনায় মোটার খোলার মত সে ছোট জাহাজের সর্কারি খোলে যাত্রীদের পরস্পরকে এড়িয়ে চলাও শক্ত।

ঘনরাম এড়িয়ে যেতে যেমন চান নি, তেমনি উৎসাহও দেখান নি কারুর সঙ্গে নিজেকে থেকে আলাপ করার।

সোরাবিয়াই প্রথম একটা ছুতো বার করেছে তাঁর সঙ্গে আলাপ শুরু করার।

তখন সবে সকাল হয়েছে। ঘনরাম জাহাজের খোলা ডেকের নিচু রেলিং ধরে সামনের সমুদ্রের দিকে চেয়েছিলেন।

হঠাৎ একটু চমকে উঠেছেন কাছেই একজনের গলা পেয়ে। পেছন ফিরে তাকিয়ে দেখছেন জাহাজের আর এক যাত্রী এক স্প্যানিশ হিড্যালগো ছোকরা মাথায় টুপিটা খুলে অভিবাদনের ভঙ্গিতে দাঁড়িয়ে তাঁকেই কি যেন বলছে।

কথাগুলো প্রথমে বুঝতে একটু দেরী হওয়ার কারণ ছিল। হিড্যালগো ছোকরা একেবারে যাকে বলে রাজ-দরবারের কেতায় তাঁকে কুর্ণিশ করে যা বলছে তা একটু অদ্ভুত ও অপ্রত্যাশিত।

হিড্যালগো ছোকরা কুর্ণিশ সেরে হাতে একটা স্প্যানিশ সোনার মুদ্রা বাড়িয়ে ধরে বলছে—মহামান্ন ‘সেনর’ কিছু যেন মনে না করেন। তাঁকে বাধ্য হয়ে বিরক্ত করতে হচ্ছে। এই পেসস-দে-অরোটি যেন সেনরের জামা থেকেই গড়িয়ে পড়ল মনে হচ্ছে। সেনর যদি একটু কষ্ট করে দৃষ্টিপাত করে এটি তাঁর কিনা বলেন।

ঘনরাম পেসোটা দেখেই চালাকিটা ধরতে পেরেছেন। তখনও তাঁর সঙ্গে এভাবে মিথ্যা অজুহাত বানিয়ে আলাপ করার কারণটা বুঝতে পারেন নি।

তবু আলাপের ঔৎসুক্য, তা সে যারই হোক অবজ্ঞায় উপেক্ষা করার শিক্ষা ঘনরামের নয়।

তিনি একটু হেসে বলেছেন—পেসোর গায়ে ত আমার নাম লেখা নেই। আছে স্বয়ং মহামান্ন সম্রাটের ছাপ। স্মরণে ওটা আমার কিনা বোঝবার মত কোন প্রমাণ পাচ্ছি না। এইটুকু শুধু বলতে পারি যে, আমার কোন পেসো হারিয়েছে বলে এখনো আমি জানতে পারি নি।

আশ্চর্য ত! সত্যিই যেন বিব্রত হয়ে সোরাবিয়া এবার সোজা হয়ে দাঁড়িয়েছে,—আমার যেন স্পষ্ট মনে হল আপনি ওদিক থেকে চলে আসবার সময় ওটা গড়িয়ে পাটাতনের ধারে গিয়ে পড়ল।

তা সেটা আপনার খলি থেকেও ত পড়তে পারে? বলেছেন ঘনরাম সহজ পরিহাসের স্বরে—আপনার নিজের পয়সা-কড়ি গুনে দেখেছেন?

দেখি নি! সোরাবিয়াও সহজ হয়ে বলেছে, তবে দেখবার দরকার নেই। কারণ আমার কাছে স্পেনের এরকম কোন মুদ্রাই নেই।

তাহলে আমার বা আপনার কারুরই যখন নয়, তখন পেসোটা আমাদের পাইলট সানসেদোর কাছেই জমা দিন না। তিনি কার সম্পত্তি খোঁজ কল্প দিয়ে দেবেন।

তাই দেবেন, না নিজের খলে মোটা করবেন কে বলতে পারে? সোরাবিয়া হেসে উঠে আরো ঘনিষ্ঠ হবার চেষ্টা করেছে,—তার চেয়ে আপনার আমার কারুরই যখন নয় এটা নিয়ে একটা-বাজিই ধরা যাক। ওই যে সাগরবাজটা আমাদের জাহাজের মাথার ওপর ডানা মেলে ভাসছে ওটা মাছ ধরতে কোন দিকে জলে ছৌ মারবে জাহাজের বায়ে না ডাইনে, বলতে হবে। ঠিক যে বলতে পারবে এ পেসো-দে-অরো তার।

হিড্যালগো জোয়ানের স্বরূপটা বুঝে ফেলতে ঘনরামের আর দেরী হয় নি। তবু তাকে একেবারে নিরাশ না করে তালে তাল দিয়ে তিনি বলেছেন,—ভালো কথা। কিন্তু পেসোটা যখন আপনিই কুড়িয়ে পেয়েছেন, তখন প্রথম স্বযোগটা আপনিই নিন।

আমাকেই নিতে বলছেন?—সোরাবিয়া এরকম প্রস্তাব ঠিক বোধহয় আশা করে নি।

বেশী আপত্তি করলে ধরা পড়ার ভয় আছে বলেই বোধহয় একটু স্বিধার ভাব দেখিয়েই সে নিজের অলুমান জানিয়েছে।

সেটা ভুল প্রমাণ হওয়ায় খুশিটা প্রায় চাপতে না পেরে বলেছে, এবার আপনার পালা সেনর।

আমার পালাটা বোধহয় বুখাই গেল। ঘনরাম মুখে একটু আশাভঙ্গের ভাব ফুটিয়েছেন।

কেন? কেন? জিজ্ঞাসা করেছে সোরাবিয়া ব্যস্ত হয়ে।

কারণ আমাদের বাজি ধরার খবর বোধহয় ও পেয়েছে! মুখ টিপে একটু হেসে বলেছেন ঘনরাম,—বিরক্ত হয়ে জুয়াড়ীদের সংশ্রব ছেড়ে বোধহয় চলেই যাবে তাই!

ঘনরামের গণনা নিভুল প্রমাণ হতে কয়েক মুহূর্ত দেরী হয়েছে মাত্র।

সাগরবাজটা ভাসতে ভাসতে হঠাৎ সবেগে ডানা নেড়ে দূর আকাশে উড়ে চলে গেছে !

আশ্চর্য ব্যাপার ত সেনর !—সোরাবিয়ার চোখে সত্যিকার সন্ম আর বিশ্বয় এবার ফুট-ফুট করেছে,—আপনি কি যাহুটাহু জানেন নাকি ?

না যাহু জানি না। হেসে বলেছেন ঘনরাম,—শুধু চোখ-কান একটু খোলা রাখতে জানি।

সোরাবিয়ার মুখটা তবু হাঁ হয়ে আছে দেখে বুঝিয়ে বলেছেন,—আমাদের জাহাজের গলুই-এ জলের চেউ-এর সাদা ফেনা আর দেখছেন ? লক্ষ্য করেছেন যে পালগুলো টিলে হয়ে ঝুলতে শুরু করেছে। হাওয়া গেছে বন্ধ হয়ে। আমাদের জাহাজ প্রায় অচল। সাগরবাজ আর কি আশায় আমাদের সঙ্গী হয়ে থাকবে। মাছের লোভে সমুদ্রের এ সব পাখি আমাদের সঙ্গ দেয়।

বাহবা! বাহবা! চমৎকার।—সোরাবিয়া সত্যিই হাততালি দিয়ে তারিফ করে বলেছে,—আমাকে রীতিমত আহাম্মুক বানিয়ে ছেড়েছেন। এখন আমরা এমন শিক্ষা দেবার গুরুটি কে জানতে পারি? অধীন তার আগে নিজেই নিজের পরিচয় দিচ্ছে! এ অধমের নাম সোরাবিয়া। কর্টেজের অধীনে লড়াই করে মহামাত্র সত্রাটের সেবা করার সঙ্গে নিজের ট্যাকও ভারী করে ফিরব আশা ছিল। সে আশা পূর্ণ হয় নি। এবার কোন নৌ-সেনাপতির সঙ্গে পরিচয় হবার সৌভাগ্য আমার হল যদি জানান।

ঘনরাম সোরাবিয়ার ছ্যাবলামিতে একটু হাসলেও তার সঙ্গে স্বয় মেলান নি! গম্ভীর গলাতেই বলেছেন,—আপনাকে একটু হতাশ হতে হবে সেনর সোরাবিয়া। নৌ-সেনাপতি ত নয়ই জাহাজের একজন মাঝি-মল্লাও আমি নই। সত্যি কথা বলতে গেলে মাহুঘ হিসাবে আমার গণ্য না করলেও আমি কিছু মনে করব না। কারণ তাই আমার অভ্যাস আছে।

সোরাবিয়া এ ঘোরালো কথার ছু পিঠের মানে অবশ্য বুঝতে পারে নি, বিনয়ের আরেক প্যাঁচ ভেবে ঘনরাম কোথাকার লোক এবং আসলে কে, সে পরিচয় জানতে আরো উদ্গ্রীব হয়ে উঠেছে।

মুখে সে ব্যাকুলতা প্রকাশ করতে সে দ্বিধা করে নি। বিনয়ের পাল্লা দিয়ে বলেছে,—সমুদ্র ও জাহাজের বিষয়ে আপনার অদ্ভুত হুঁশিয়ারী আর নজর দেখে আপনাকে নৌ-সেনাপতি ভাবা আমার যদি বেয়াধবি হয়ে থাকে মাপ করবেন। তবে আপনার সঙ্গে পরিচিত হবার সৌভাগ্যই যখন হল তখন আপনাকে

সম্বোধন করতে না পারাটা বড় দুঃখের হবে এটুকু না জানিয়ে পারছি না।

সৌজ্ঞেয় জিল্লিপি প্যাচ আর না বাড়িয়ে ঘনরাম বলেছেন,—পুলকিত হয়ে সসঙ্কমে সম্বোধন করবার মত কেউ আমি কিঙ্ক নই। আমার নাম ঘনরাম দাস। ঘনরাম দাস! সোরাবিয়ার একে স্প্যানিশ, তায় বাক্‌দেবীর সঙ্গে সম্পর্ক-হীন জিহ্বায় উচ্চারণটা লালাতেই যেন জড়িয়ে গেছে। স্পেনের এপার-ওপার মনের আঙ্গুল বুলিয়েও এ ধরনের নামের উৎস খুঁজে না পেয়ে বেশ একটু বিমূঢ় হয়ে দাসকে দশ উচ্চারণ করে সে জিজ্ঞাসা করেছে,—আচ্ছা দাস বললেন, কোথাকার দাস বলুন ত? ফার্নান্দিনায় ওরকম পদবীর একটি পরিবার আছে বলে যেন শুনেছি। কাস্তিল থেকে এসে তারা পদবীটা নাকি বেকিয়ে ওই রকম করেছে!

ফার্নান্দিনা ছিল কিউবার তখনকার নাম। ঘনরাম ফার্নান্দিনায় তাঁর বংশ চালান করবার চেষ্টা দেখে মনে মনে হেসে বলেছেন,—না ফার্নান্দিনায় আমাদের বংশধররা স্পেন থেকে আসে নি। আমরা যেখনকার সেইখানেই আছি ও থাকব বলেই আমার বিশ্বাস। আমাদের ঘরানা কোথাকার যদি জানতে চান তাহলে তাম্বলিপি নামই করতে হয়।

তাম্বলিপি শুনেই শব্দটা উচ্চারণ করবার বা বোকা বনবার ভয়েই বোধহয় আর কিছু জিজ্ঞাসা করতে সোরাবিয়া সাহস করে নি।

মনে যদি একটু বিরক্তি কি জ্বালা থাকে বাইরে সৌজ্ঞেয় বিনিময় করে সোরাবিয়া তখনকার মত চলে গেছে। আলাপের ছুতো যা দিয়ে করেছিল বাজি ধরা সেই স্বর্ণমুদ্রাটা সঙ্গেই নিয়ে গেছে ভুলে।

ঘনরামও হাওয়ার অভাবে নিস্তরঙ্গ পুকুরের মত স্থির সমুদ্রের দিকে খানিক চেয়ে থেকে পাইলট সানসেদো যেখানে টঙ-এ বসে আছেন জাহাজ চালাতে সেই দিকে পা বাড়িয়েছেন।

পা বাড়িয়েও হঠাৎ চমকে ঘনরামকে থামাতে হয়েছে। ওপরের ডেক থেকে নিচের খোলে যাবার সিঁড়িতে একটা চাপা হানির তরল বন্ধার দ্রুত পদশব্দের সঙ্গে মিলিয়ে গেছে।

একটু চূপ করে দাঁড়িয়ে থেকে ঘনরাম আবার পাইলট সানসেদোর সন্ধানেই গেছেন। এ হানিতে চমকে উঠলেও বিমূঢ় তিনি হন নি। এ হানি ও পদশব্দ কার তা তিনি জানেন। এই ছাত্রময়ীকে তাক লাগাবার উদ্দেশ্যেই কার্তিক কিম্বা তার ময়ূরটি সেজে সময়ে অসময়ে পেশম-তোলা ভক্তিতে ঘোরা-ফেরা করার দরুনই

হিড্যালগো সোরাবিয়াকে প্রথম তিনি লক্ষ্য করেন।

মেয়েটি কে তাঁও ঘনরাম জানেন। ক্ল্যাভিহেরো নামে এক হিড্যালগো সেনানায়কের সত্ত্ববিধবা যুবতী স্ত্রী। সে হিসেবে তার এরকম হাঙ্গচপলতা বেশ বিসদৃশ বেহায়াপনা মনে হওয়ারই কথা। তবে মেয়েটির স্বপক্ষে এইটুকু বলা যায় যে, ক্ল্যাভিহেরো এক হিসেবে প্রায় বিয়ের পর দিনই স্ত্রীকে কিউবার ত্যাগ করে পালিয়ে কটেজ-এর বাহিনীর সঙ্গে মেক্সিকো অভিযানে চলে আসে। মেক্সিকোর যাবার পর স্ত্রীর কোন খোঁজ সে ত করেই নি, সেদেশে বার বার বহু হৃন্দরীকে ঘরগীও করেছে। ক্ল্যাভিহেরোর স্ত্রী স্বামীর প্রেমের টানে নয়, তার ওপর আক্রোশেই তার সত্যিকার স্বরূপ নিজের চোখে দেখবার জন্মে পরম দুঃসাহসে পাইলট সানসেদোকে বলে তাঁরই জাহাজে মেক্সিকো পর্যন্ত আসে। এসে সে জানতে পারে যে, যুদ্ধে নয়, মাতাল অবস্থায় টেনচট্টলানের রাস্তায় নারীঘটিত ব্যাপারের দাঙ্গাতেই মারা গিয়ে ক্ল্যাভিহেরো সব সমস্তা মিটিয়ে দিয়ে গেছে।

মেয়েটি তাই আবার ফার্নানদাইন নয় স্পেনেই ফিরে যাচ্ছে। স্বামীর কাছে প্রতারণা ছাড়া কিছু যে পায় নি, স্বামীর মৃত্যুসংবাদে তার একেবারে ভেঙে পড়া খুব স্বাভাবিক বোধ হয় না। তার একটু আধটু তরল চাঞ্চল্যও তাই বোধহয় ক্ষমার যোগ্য।

কিন্তু সেদিনের হাসিটা কেমন একটু হিসেবের বাইরে বলে ঘনরামের মনে হয়। হাসিটা যেন ঝংকত হতে একটু দেৱীও হয়ে গেছে।

সোরাবিয়া উপস্থিত থাকতে থাকতেই হাসির লহরীটা গুঠরার কথা নয় কি ?

পাঁচ

এ হাসির লহরী কি হিংসার তুফান যে তুলবে তা ঘনরাম যদি জানতেন।

জানলে অবশ্য করতেনই বা কি ?

তিনি ত এ চঞ্চলা হাস্যময়ীকে কোন প্রশয় দেন নি। নির্লিপ্ত নির্বিকার দূরবেই নিজেকে সরিয়ে রেখেছেন।

কিন্তু মুঞ্চিল হয়েছে জাহাজ হঠাৎ একেবারে অচল হওয়ায়। সাগর-বাজ নিয়ে বাজী ধরার সকাল থেকে সেই যে হাওয়া বন্ধ হয়ে গেছে তারপর থেকে সেনোরা আনা-র চুলের একটা গুছিও কাঁপায় নি।

মান্ডলে পালগুলো ঢিলে হয়ে ঝুলছে। জাহাজের পতাকাটাও তাই!

নতুন মহাদেশ থেকে স্পেনে ফেরার পথে এই একটি জায়গার ভয়ে নাবিক যাত্রী সবাই তটস্থ হয়ে থাকে। সমুদ্রের মাঝখানে সত্যিই এ এক বন্ধ জলা। নাম সার্গাসো সাগর। সমুদ্রের শৈবাল দাম জমে জমে ও অঞ্চলটাকে এমনিতেই বেশ ভূর্ত্তেভ করে রেখেছে। তার ওপর সেখানে বাতাসও প্রায় ঘুমন্তই থাকে। সেকালের পাল-তোলা জাহাজ একবার সেখানে হাওয়া বিহনে আটকে পড়লে আকাশের দেবতা দয়া করে একটু ঝড়-তুফান না পাঠানো পর্যন্ত তার আর নিষ্কৃতি নেই। চারিদিকে অসীম সমুদ্রের মাঝখানে অচল হয়ে থাকা তখন এক শাস্তি!

সে শাস্তি হাল্কা করতে একটু আমোদ-প্রমোদ স্ফূর্তির ব্যবস্থা করতেই হয়। তাতে যাত্রীদের পরস্পরের মধ্যে মেলামেশাটাও খুব আড়ষ্ট থাকে না।

জাহাজে পনেরোজন নাবিক। তাদের অধিনায়ক হলেন সানসেদো। যাত্রী ঘনরাম আর সোরাবিয়াইকে নিয়ে সবশুদ্ধ সাতজন মাত্র। তার মধ্যে দুজন মাত্র স্ত্রীলোক। সেনোরা আনা আর তার সঙ্গিনী পরিচারিকা এক প্রোচা।

পুরুষ পাঁচজনের মধ্যে একজন ফ্রানসিসকান পাঁত্রী। বর্বরদের অন্ধ তমসার নরক থেকে সত্যধর্মে দীক্ষিত করবার জন্তে স্পেন থেকে তাঁর ধর্মভাইদের আনতে যাচ্ছেন। ঘনরাম বাদে বাকি তিনজনই সৈনিক হিড্যালগো। তবে সোরাবিয়াই তার মধ্যে একটু ছুঁর্বামের কলঙ্ক নিয়ে মেক্সিকো থেকে একরকম বরাবরের জন্তে বিদায় নিয়েছে। অগ্র দুজন হিড্যালগোর মধ্যে অ্যালনগো

কিনটেরো মেক্সিকোর সেনাবাহিনীর জন্তে স্পেন থেকে ঘোড়া কিনে আনতে যাচ্ছে আর বার্নাল সালাজার যাচ্ছে স্বয়ং কটেজ-এর দূত হয়ে স্পেন সন্ত্রাটের কাছে কটেজ-এর পত্র আর মহামূল্য সব উপহার নিয়ে।

এসব যাত্রীদের মধ্যে একমাত্র বার্নাল সালাজারেরই ঘনরামের পূর্ব-পরিচয় জানা সম্ভব ছিল। কারণ দু-একবার কটেজের সঙ্গে তাঁর নিজস্ব কামরাতেই সালাজার দেখা করতে আসার সুযোগ পেয়েছে। কটেজের পেয়ারের ক্রীতদাস হিসাবে ঘনরামকে একটু-আধটু লক্ষ্য করা তার পক্ষে অসম্ভব ছিল না।

তবে ক্রীতদাসের দিকে কে আর কবে ভালো করে চেয়ে দেখে!

ঘনরাম নিজেই কটেজের সঙ্গে প্রথম পরিচয়ের সময়ে সে-কথা বলেছিলেন। ক্রীতদাসেরা গরু-ছাগলের সামিল বলে নিজের নাম বলেছিলেন গানাদো।

সালাজার ঘনরামকেই মনে রাখবার মত করে লক্ষ্য নিশ্চয়ই করেনি। তার ওপর ক্রীতদাসের ভূমিকা ছেড়ে নতুন সাজপোশাক আর মর্যাদায় ঘনরামের লোভ যা বদলে গেছে, তাতে তাকে চিনতে পারা অসম্ভব বললেই হয়।

দাসত্ব থেকে ঘনরামের মুক্তির খবর ঢাক-ঢোল পিটিয়ে সকলের মধ্যে প্রচার করা হলে তবু হয়ত নতুন মুখ ও চেহারার ধাঁচ ও সেই সঙ্গে নামটাম শুনে কেউ কেউ একটু সন্দিগ্ধ হতে পারত।

কিন্তু কটেজ ডোনা মারিনারই পরামর্শে ঘনরামের সেই উপকারটুকু করেছেন। ঘনরামকে মুক্তি দিয়ে নতুন সাজপোশাকে সজ্জান্ত করে তুলে স্পেনে পাঠাবার ব্যবস্থা করেছেন একেবারে নিঃশব্দে। কেউ ঘুণাক্ষরেও কিছু জানতে পারেনি।

স্পেনের গ্র্যাণ্ডীদেরই কেউ হিসাবে ঘনরামের নতুন চেহারায় তার পুরোন পরিচয় একেবারে চাপাই পড়ে গেছে।

নতুন মহাদেশ আবিষ্কৃত হবার পর থেকে কম দিন ত যায়নি, হিসপ্যানিওলা, ফার্নান্দিনা, নয়া স্পেন যুকাতান এমনকি পানামা পর্যন্ত অনেক জায়গাতেই স্পেনের উপনিবেশ ছড়িয়ে পড়ে শিকড় পর্যন্ত মেলেছে।

ঘনরাম দাসকে একটু ভিন্ন গোছের যাদের মনে হয়েছে, তারা তাঁকে তাই যুকাতান কি পানামার প্রবাসীই ভেবে নিয়েছে সম্ভবতঃ।

হিড্যাল্গোদের তাঁর সঙ্গে মেলামেশা ও আলাপ করার ধরনে ঘনরাম তাই বুঝেছেন। এক সোরাবিয়া ছাড়া তাঁর সম্বন্ধে বেশী কোতূহল কেউ প্রকাশও করেনি।

সার্গাসো সমুদ্রে জাহাজ অচল হওয়ার আগে পর্যন্ত খুব বেশী মেলামেশার
স্বযোগও ছিল না। যে যার নিজের গঞ্জির মধ্যই তখন থেকেছে। খাবার-
টেবিলে কখনো সকলের একসঙ্গে দেখা হয়েছে, কখনো হয়নি। আজকালকার
জাহাজের মত খাওয়া-দাওয়ার নির্দিষ্ট সময় আর কেতাদুরস্ত ব্যবস্থা তখনকার
এসব সেপাই আর মাল-বওয়া জাহাজে ছিল না। যার যখন মর্জি খেতে
শুতে যেত।

ঘনরাম ত ইচ্ছে করেই কোনদিন সকলের সঙ্গে এক টেবিলে তখন খেতে
বসেন নি। দরকারও অবশ্য হয়নি তার। পাইলট সানসেদোর সঙ্গে তিনি
আলাদাই খেতেন।

সানসেদোর সঙ্গে ঘনরামের আগের আলাপ অবশ্য ছিল না। আলাপ
হয়েছে এই জাহাজে ওঠার পরই। কটেক সানসেদোকে একটা চিঠি
দিয়েছিলেন সেনর ঘনরাম দাসকে যত্ন করে স্পেনে পৌঁছে দেবার জন্তে। ঘনরাম
কে, কি বৃত্তান্ত আর কিছুই তাতে লেখেনি। লেখাটা অবশ্য জরুরীও নয়।

স্বয়ং কটেক যার জন্তে চিঠি লিখে পাঠান, তাকে উপরি খাতির করতেই হয়।
সে খাতির থেকে ভাব জমে উঠেছে প্রোট আর জোয়ানের মধ্যে। ঘনরাম
স্ববিধা থাকলে সানসেদোর সঙ্গেই সময় কাটিয়েছেন এতদিন।

সার্গাসো সমুদ্রে সব ওলটপালট হয়ে গেল।

বেকার মাঝিমাল্লারা পুরা একদিন হাওয়ার আশায় আশায় থেকে নিজেদের
মধ্যে জুয়ায় বসে গেল। তারা এ হতচ্ছাড়া জায়গার হালচাল জানে। একবার
যদি হাওয়া থামে ত জাহাজসমূহ সবাইকে একেবারে না কাঁদিয়ে আর বইবে না।

জাগেকার ফিনিসিয়ান গ্রীক কি রোম্যান জাহাজ হলে তাতে পালের সঙ্গে
দাঁড়েরও ব্যবস্থা থাকত। হাওয়া না থাকলে দাঁড়ই হত ভরসা। কিন্তু সে
সাগর-দাঁড়ী জাহাজ আসলে বড় নৌকো ছাড়া কিছু নয়। 'মেয়ার-ই নস্ট্রম'-
এর কুল ঘেসে ঘেসেই তা চালানো হত। আতলাস্তিকের ডেউ সামলানো
তাদের কর্ম নয়।

মাঝিমাল্লাদের তাই কোন দায়ই নেই এ-জাহাজে, হওয়া যদি বন্ধ হয়।

পাইলটের শাসন কি বকুনির কোন ভয় নেই জেনে তারা নিশ্চিত হয়ে জুয়ায়
বসেছে।

তাদের দেখাশোনা হিড্যালগো সৈনিকরাও নিজেদের আসর বসাতে দেরী
করেনি। ঘনরাম সে-আসর প্রথমটা এড়িয়েই থেকেছেন কিন্তু তাতে নতুন এক

অস্বস্তি দেখা দিয়েছে।

সেনোরা আনা পর্দানশীন নয়। স্বামীর খোঁজে ফার্নানডিণা থেকে অজানা বিপদের দেশ মেক্সিকোয় যে বেপরোয়া হয়ে পাড়ি দিতে পারে সে লজ্জাবতী লতা গোছের হবে আশা করাই ভুল।

প্রথম প্রথম কিন্তু খানদানী সমাজের ভব্যতা মেনে সে নিজেকে একটু আড়ালে আড়ালেই রেখেছে। জাহাজের ডেকে তাকে একা কোন সময়ে দেখা যায়নি। সঙ্গে 'স্মাপেরোন' থেকেছে প্রৌঢ়া পরিচারিকা। তখনও তার চোখের কোণে কটাক্ষ যদি ঝিলিক দিয়ে থাকে, তা শোজাহুজি নয়। কারণ সেনোরা আনা তখন যে সময়টুকু ডেকের ওপর থাকত, ততক্ষণ তার মুখ ফেরানো থাকত সমুদ্রের দিকেই।

হাওয়া বন্ধ হবার প্রথম দিন বাজি ধরে আলাপের চেষ্টার পর সোরাবিয়া চলে গেলে ডেক থেকে নীচে নামবার সিঁড়িতে, যে তরল হাসিটুকু শোনা গেছিল, সেইটেই সেনোরা আনার ব্যবহারের প্রথম ছুর্বোধ ব্যতিক্রম বলা যেতে পারে।

সোরাবিয়া অবশ্য সেই সময়টাতেই স্বযোগ নিত খুঁটিদার মোরগের মত নিজেকে সেনোরার কাছে জাহির করবার। হিড্যাল্গোদের মধ্যে এক কিনটেরোর সঙ্গে তখন পর্ধন্ত তার কিছু পরিচয় ছিল। তাকে হাতের কাছে পেলে হাসি-ঠাট্টার মাতামাতি যে তার মাত্রা ছাড়িয়ে যেত, ঘনরাম ছাড়া অন্তেরাও হয়ত তা লক্ষ্য করে থাকবে।

কিনটেরোকে না পেলে যে-কোন মাঝিমান্নাই সোরাবিয়ার কাছে সই। একা একা ত আর কথার কেরামতি দেখানো যায় না।

জুয়ার আসরে বসবার পর থেকেই সোরাবিয়ার এ-মোরগনাচ যা একটু কমেছে।

জাহাজ অচল হওয়ার পর থেকেই সেনোরা আনার চালচলন একটু বেশী স্বাধীন হতে শুরু করেছে। স্মাপেরোন ছাড়াই তাঁকে এখন প্রায়ই ডেকের ওপর দেখা যায়। আর পিঠটা জাহাজের দিকে না হয়ে সমুদ্রের দিকেই ফেরানো থাকে বেশীর ভাগ।

আরেকটা ব্যাপারও লক্ষ্য করে ঘনরাম একটু অস্বস্তি বোধ করতে শুরু করেছেন তখন। সোরাবিয়া আর দলবল যেখানে জুয়ায় বসত, তিনি সাধারণত সেখান থেকে একটু দূরেই থাকতেন। হঠাৎ তিনি লক্ষ্য না করে

পারলেন না যে, সেনোরা আনাতো যেন জুয়ার আড্ডা থেকে দূরে থাকবার জন্তে তাঁরই মত উৎসুক।

মানে যাই হোক, এরকম ঘটনার মিল আর বাড়তে দেওয়া উচিত নয় বলে মনে হয়েছে ঘনরামের। এর মধ্যে সোরাবিয়া বারকয়েক তাঁকে খেলতে ডাকলেও তিনি কোনরকমে সে-অনুরোধ এড়িয়ে গেছেন। কিন্তু শেষবার অবস্থাটা একটু অস্বস্তিকর হয়ে দাঁড়িয়েছে।

খেলুড়ে কম পড়ায় সোরাবিয়া তাঁকে খেলায় যোগ দেবার জন্তে অনুরোধ করতেই এসেছিল। তার ছ্যাংলা ধরনেই সাধাসাধি করে সে বলছিল—আরে মশাই, জাহাজ থেকে নেমেই ত মাথা কামিয়ে সোজা ফ্রান্সিসক্যান মঠে ঢুকবেন বুঝতে পারছি। একটু পাপতাপ স্তরাং পথে করে যাওয়াই আপনার উচিত নয় কি? দোষই যদি না করেন তো পরমপিতার ক্ষমা চাইবেন কিসের জন্তে। ধোয়া কাপড় আবার কেউ ধোলাই করে! আহুন একটু কালির ছিটে লাগাবেন আমাদের সঙ্গে।

নির্দোষ পরিহাসের স্বরে কথা বলতে বলতে হঠাৎ সোরাবিয়ার মুখের ভাব আচমকা বদলে যাওয়ায় ঘনরাম বেশ অবাক হয়েছেন।

সোরাবিয়ার মুখের ভাব শুধু বদলায়নি, গলার স্বরও তারই সঙ্গে পাল্লা দিয়ে তীক্ষ্ণ কঠিন হয়ে উঠেছে।

ও! আপনি আমাদের জুয়ার কেন বসতে চান না, তা আহাম্মক বলেই আমি বুঝতে পারিনি। আপনি আরো বড় বাজির খেলোয়াড়!

সোরাবিয়ার মুখের ভাব থেকে গলার স্বর হঠাৎ বদলাবার কারণটা বুঝতে পেরে ঘনরাম তখন সত্যিই একটু অবাক হয়েছেন। সেদিন ওই সময়টায় অন্তত তিনি নিজেকে একাই মনে করেছিলেন। সোরাবিয়ার দৃষ্টি অন্তরঙ্গ করে কিন্তু অদূরে একটি মাস্তলের আড়ালে সেনোরা আনাতোকে দাঁড়িয়ে থাকতে তিনি দেখেছেন এবার। মাস্তল থেকে রুলে থাকা পালটা তাকে অর্ধেক আড়াল করে আছে।

ঘটনার মানে সোরাবিয়া বা আর যে কোন লোকের কাছে কি হওয়া স্বাভাবিক, ঘনরামের তা অজানা নয়। সোরাবিয়াকে মাথায় চড়তে না দেওয়ার জন্তে তাই তাঁকে অল্প ভঙ্গি নিতে হয়েছে। সে-ভঙ্গি সোরাবিয়ার সঙ্গে পাল্লা দেওয়া দস্ত ও ঔষুভোর।

তিনি স্পষ্টই নাক বোঁকিয়ে বলেছেন, আপনি ঠিকই ধরেছেন সেনর

সোরাবিয়া, আমি বড় বাজি ছাড়া খেলি না। আপনাদের ও এলেবেলে ছেলে-
খেলায় তাই আমার মন ওঠে না।

বটে! সোরাবিয়ার চোখে যেন ছোরার ঝিলিক দেখা গেছে—কিরকম
বাজি হলে খেলার আপনার মন ওঠে? প্রতি বাজিতে এক পেসো-দে অরো?
তুই, পাঁচ, দশ পেসস্ দে-অরো?

‘পেসস্ দে-অরো’ হল স্পেনের সোনার মোহর। সোনার দশ পেসো মানে
বেশ কিছু টাকা। গরীবদের পক্ষে প্রায় এক বছরের উপার্জন।

ঘনরামকে কটেজ বিদায় দেবার আগে দিল খুলে উপহার দিয়েছেন বটে,
কিন্তু তা আর কতটুকু! সাবধানে খরচ করলে তা দিয়ে স্পেন পর্যন্ত পৌঁছে
সেখানে ভদ্রভাবে দু এক বছর চালান যায়, কিংবা পোতুগীজদের কোন
ভারত-মুখো জাহাজে অন্তত তাদের সেখানকার ঘাঁটি দমন, দীউ কি গোয়ায়
ফিরে যাওয়া যায়। ফি বাজিতে দশ পেসো করে ধরলে সে-পুঁজিতে একদিনও
কুলোয় কিনা সন্দেহ, বিশেষ যদি পড়তা খারাপ পড়ে।

কিন্তু সোরাবিয়ার কাছে এখন পিছু হটার চেয়ে মরণই ভালো।

ঘনরাম যেন অল্পগ্রহ করার ধরনে বলেছেন, তা দশ পেসো হলে চলতে
পারে!

তাহলে আস্থন দয়া করে আমাদের আসন্ন দণ্ড করতে।

সোরাবিয়া কুর্ণিশের ভক্তিতেই কথাটা বলেছে। ঘনরাম কিন্তু তাঁর দাঁতে
দাঁত ঘষার শব্দটাও শুনেছেন সেই সন্ধে।

প্রতি দানে দশ পেসস্—দে—অরো!

মনটাকে শব্দ করে আসরের দিকে যেতে যেতে ঘনরামকে একটু খামতে
হয়েছে। সোরাবিয়াকেও সেই সন্ধে।

সেনোরা আনা তাদের সামনে দিয়েই জাহাজের একদিক থেকে আর
একদিকে পার হয়ে যাচ্ছে।

যেতে যেতে দ্বিধাহীনভাবে সোজা ঘনরামের মুখের দিকে যে দৃষ্টিটা সে
চকিতে ছুড়ে দিয়ে গেছে, তাতে কৌতুকের সন্ধে একটা তারিফ আর উৎসাহের
উত্থানি স্পষ্টভাবেই ফুটে উঠেছে।

এ-দৃষ্টি সোরাবিয়ার চোখেও পড়েছে সন্দেহ নেই।

ছয়

দল 'পেগস-দে অরো'র বাজির খেলা। সারা জাহাজে যে সাড়া পড়ে গেছে, তা আর বলবার দরকার নেই।

সালাজার এ-খেলার থাকতে রাজী হয়নি।

জুয়ার নেশায় কি করতে কি করব কে জানে! শেষে সম্রাটের সোনার হাত দিয়ে ফেলি যদি!—হাঙ্কা ঠাট্টার স্বরে এই অজুহাত দেখিয়ে সে সরে দাঁড়িয়েছে।

বাকি শুধু অ্যালনসো কিনটেরো। সে স্পষ্টই জানিয়েছে, দশ সোনার পেসো করে বাজি ধরার ম্যুয়াদ তার নেই। তাছাড়া স্পেনে শুধু ঘোড়া কিনতে নয়, সে বিয়েও করতে যাচ্ছে তার প্রেমিকাকে। স্তত্রাং জুয়ার ফকির হবার যেমন তার ভয়, আমীর হবারও তেমনি। কথায় বলে জুয়ার হার মানে প্রেমে জিং। তার উন্টোটাও সত্যি। তাই জুয়ার জিতে সে প্রেমিকাকে হারাতে চায় না।

খেলা তাহলে শুধু সোরাবিয়া আর ঘনরামের মধ্যেই হতে পারে। তাতে আপত্তি আছে কিনা জিজ্ঞাসা করেছে সোরাবিয়া বেশ ঠেস দিয়ে।

আছে, আপত্তির ঠিক বিপরীত। জুয়ার দ্বন্দ্বযুদ্ধই আমার পছন্দ।—বলেছেন ঘনরাম।

খেলতে বসার আগে বাধা এসেছে হৃদিক থেকে দুবার। খবর পেয়ে প্রথমে ফ্যান্সিসক্যান ফাদার ছুটে এসে ধর্মোপদেশ দিয়ে তাদের নিরস্ত করতে চেষ্টা করেছেন। জুয়া যে কত বড় পাপ তা বুঝিয়েছেন।

সোরাবিয়া খানিকক্ষণ সহ করে বিরস্ত হয়ে বলেছে, আমরা পাপ না করলে আপনারা উদ্ধার করবেন কাকে ?

আমরা উদ্ধার করবার কেউ নই। তৃণাদপি স্তনীচ হয়ে বলেছেন পাত্ৰীবাৰা, উদ্ধার করবার তিনিই মালিক। তবে জ্ঞানপাপীর উদ্ধার পাওয়া যে বড় কঠিন।

এবার ঘনরাম একটু হেসে বলেছেন—কিন্তু উদ্ধার যিনি করেন, তিনি চোখে কম দেখেন না নিশ্চয়ই!

চোখে কম দেখেন!—পাত্ৰীবাবার সঙ্গে আর সবাইও অবাধ হয়ে তাকিয়েছে ঘনরামের দিকে।

পাত্ৰীমশাই বলেছেন,—কথাটা যে বুঝতে পারলাম না বাছা।

না, আমি বলছিলাম—ঘনরাম বুঝিয়ে বলেছেন, চোখে কম না দেখলে তিনি দশ সোনার পেসোও যেমন, এক রূপোর পেসোও তেমনি স্পষ্ট দেখতে পান। সে চাঁদ্রির পেসোর জুয়ার সময় তাঁর হয়ে মান্নাদের পাপের কথা শোনাতে আপনি কেন আসেননি তাই ভাবছিলাম।

সবাই হেসে উঠেছে। পাত্ৰীবাবা ক্ষেপে গিয়ে একেবারে অগ্নিমূর্তি ধরে গালাগাল দিয়েছেন—তুই! তুই পাষাণ! জার্মানীর সেই শয়তানের দূত নাস্তিকটার চেলা নিশ্চয়! চিরকাল নরকে পচে মরবি!

জার্মানীর শয়তানের দূত মানে অবশ্য মার্টিন লুথার। তাঁর ধর্মের স্বাধীনতার আন্দোলনকে যে কোন ছুতোয় শাপাস্ত করে না, দক্ষিণ ইউরোপে তখন এমন ক্যাথলিক নেই।

পাইলট সানসেদো নিজে এসে না থামলে পাত্ৰীবাবাকে ঠাণ্ডা করা সেদিন শক্ত হত।

সানসেদোও কিন্তু দুজনকে অত চড়া বাজি ধরে না খেলতে বলেছেন। নাবিক সৈনিকদের জুধা খেলতে মানা করা মিথ্যে তিনি জানেন। জীবন নিয়েই যারা জুধা খেলেছে তারা দুটো পরমা লোকসানের কি পরোয়া করে!

তবে খুব বেশি চড়া দানের জুয়ার বেশীর ভাগ কিছু-না-কিছু কাজিয়া কেলেঙ্কারী হয়ই। সে-কেলেঙ্কারী রক্ত-রক্তি পর্যন্ত গড়ায়। তাঁর নিজের জাহাজে সেটা তিনি চান না। বিশেষতঃ কটেজ যাকে খাতির করে পৌছে দেবার নির্দেশ দিয়ে চিঠি দিয়েছেন, তার প্রতি সানসেদোর একটা দায়িত্ব আছে।

ঘনরামকেই তাই তিনি অহুরোধ করেছেন বাজিটা একটু নামিয়ে ধরতে।

ঘনরাম হেসে বলেছেন, কত নামিয়ে ধরব বলুন! দশ থেকে পাঁচ? ভাগ্য যদি বেকে দাঁড়ায় তাহলে কাটা যে পড়বার সে এক কোপের জায়গায় ছু কোপে পড়বে। এই ত! তাতে লাভ কিছু হবে কি? না 'কাপিটান' ছুড়ে দেওয়া দস্তানা আমি তুলে নিয়েছি। এ-জ্বেরের লড়াইয়ে আমি মাথা নোয়াতে রাজী নই।

আমিও নই! গরম হয়ে বলেছে সোঁরাবিয়া।

দশ সোনার পেসো ফী দানে বাজি ধরেই খেলা শুরু হয়েছে। এমন খেলা দেখবার সুযোগ কালেভদ্রে হয়। মাঝি-মাল্লারা নিজেদের খেলা ফেলে ঘিরে দাঁড়িয়েছে। পাজীবাবা পর্বন্ত চলে যেতে পারেননি জায়গা ছেড়ে। কাপিতান সানসেরো অপ্রসন্ন মুখে দুজনের মাঝামাঝি দাঁড়িয়ে থেকেছেন বেশ একটু উদ্বেগ নিয়ে।

সমস্ত মন খেলার নিবন্ধ করে রাখলেও এমন কিছুই আভাস ঘনরাম একসময় হঠাৎ পেয়েছেন যা সত্যিই তিনি ভাবতে পারেন নি।

তাদের চারধারের ভিড় এক দিকে একবার একটু যেন ফাঁক হয়ে গেছে। মন্থণ রেশমী কাপড়ের তাঁজে তাঁজে যুত ঘর্ষণ লাগার একটা ফিসফিস শব্দ শোনা গেছে! সেই সপ্তে একটা সুবাসের ঝলক।

অব আদব-কায়দা ভেঙে কে যে একবার উঁকি দিয়ে গেছে অনায়াসে বুঝলেও ঘনরাম মুখ তোলেন নি।

তখন তিনি হারতে হারতে তাঁর পুঁজির প্রায় তলানিতে গিয়ে ঠেকেছেন। কিন্তু তাঁর মুখ দেখে শুধু চোয়ালের একটু কাঠিন্ত ছাড়া আর কিছু ভাবান্তর বোঝবার নেই।

ওদিকে সোরাবিয়ার চোখ মুখ তখন সাফল্যের উল্লাসে জ্বলছে! উদ্ধত দস্তে সে যেন ফেটেই পড়বে। অবজ্ঞাভরে তাস বাঁটতে বাঁটতে সে বলেছে, আর ক'দান খেলতে চান আমাদের 'ভালিয়েস্তে কাবালিয়েরো'!

ভালিয়েস্তে কাবালিয়েরো অর্থাৎ সাহসী ভদ্রলোক বলে ব্যঙ্গটা এ সময়ে একেবারে বিষাক্ত হলের মত বিঁধেছে ঘনরামকে।

সাহসের তাঁর অভাব নেই, কিন্তু ভদ্রলোক ধাকা আর খানিক বাদে কঠিন হয়ে পড়বে তাঁর পক্ষে বুঝতে পারছেন।

কাবালিয়েরো অর্থাৎ ভদ্রলোকের মান-মর্যাদা ধুলোয় লুটিয়ে পড়ে, যদি জুয়ার দেনা সে শোধ না করে। মনে মনে হিসেব করে ঘনরাম তখন বুঝেছেন যে, আর কয়েকটা দান এমনি তাসের পড়তা পড়লে জমে-ওঠা-দেনা তাঁর পক্ষে শোধ করা সম্ভব হবে না।

কেন যে ভাগ্য তাঁর এত বিপক্ষে তিনি বুঝতে পারছেন না। সোরাবিয়া ভালো খেলোয়াড় এ বিষয়ে সন্দেহ নেই। কিন্তু খেলার দোষে তাঁর নিরবচ্ছিন্ন হার হচ্ছে বলা ঠিক হবে না। আগাগোড়াই খারাপ তাস পাচ্ছেন বলেও নয়। কারণ তাস তিনি মাঝে-মাঝে বেশ ভালোই পাচ্ছেন। ভালো করে লক্ষ্য করে

তিনি দেখেছেন সোরাবিয়ার তাস দেওয়ার সময়ই তাঁর হাত যে খারাপ পড়ছে এমন নয়। স্বতরাং সোরাবিয়ার হাতের কারসাজি বলে সন্দেহ করবার কোন কারণই তিনি পান নি। তাস ভালো-মন্দ দুজনের হাতেই আসছে। শুধু সোরাবিয়া ভালো তাসের বেলা তার লাভ ষোলো আনার ওপর আঠারো আনা নিংড়ে আঁদায় করে খারাপ তাসের বেলা কেমন যেন পিছলে আগে থাকতে পালিয়ে যাচ্ছে।

একি শুধু তার ভাগ্য না তার সঙ্গে ক্যানসিসকান পাদ্রীবার অভিশাপও কীধ লাগিয়েছে!

ঘনরামের হারে প্রায় সোরাবিয়ার সমান খুশি যদি কেউ হয়ে থাকেন তাহলে তিনি পাদ্রীবাবা। খেলা শুরুই আগেই তিনি ঘনরামের দিকে প্রায় ভঙ্গ-করা-দৃষ্টি ফেলছিলেন। ঘনরামের গো-হারান-হার ক্রমশঃই বাড়বার পর সে দৃষ্টিতে ব্যাভেরিয়ার পাষাণ নাস্তিকের চেলায় উপযুক্ত শাস্তিতে ধর্মের জয়ের উল্লাস ফুটে উঠেছে।

অগ্র দর্শকেরা কিন্তু তখন শুরু হয়ে গেছে। কাপিতান মানসেদো সত্যিই শক্তিত হয়ে ঘনরামকে এবার খেলার ক্ষমতা হতে অহরোধ করেছেন।

ঠিকই বলেছেন কাপিতান! ঘনরাম স্বীকার করেছেন,—লাভ থাকতে থাকতে সেনর সোরাবিয়াকে এবার উঠে পড়ার সুযোগই দেওয়া উচিত।

নিজের বিজয়ের উপযুক্ত জবাবের বিচুটির জালায় চিড়বিড়িয়ে উঠেছে সোরাবিয়া। তার পক্ষে সৌজন্ত্রের আবরণ বজায় রাখাই শক্ত হয়েছে।

দাঁতে দাঁত চিবিয়ে সে বলেছে,—আমার সুযোগ দেবার জন্তে ব্যস্ত হবেন না। আপনার কতখানি দৌড় তাই দেখিয়ে যান।

তাহলে একটা প্রস্তাব করি সেনর সোরাবিয়া।—একটু যেন কোতুক মুখে ফুটিয়েই ঘনরাম হঠাৎ নিজের হাতের আংটিটা টেবিলের ওপর ফেলে দিয়ে বলেছেন, হারজিতের হিসেব যা লেখা হচ্ছে তা ত খেলার শেষে শোধ হবেই, কিন্তু শুধু ওই লেখালেখির বদলে একবার চাক্ষুষ হারজিতের খেলা হোক। আমার এই আংটি রইল বাজি আপনার হাতের ওই আংটির বিরুদ্ধে। তিন দান খেলায় দু দান যে জিতবে দুটো আংটিই তার।

না, আংটির খেলা খেলতে আমি বসি নি! গজরে উঠেছে সোরাবিয়া, যা ঠিক হয়েছে আমি সেই দশ পেসোর খেলাই খেলব।

ও দশ পেসোর চেয়ে আংটি খোঁসাবার ভয় আপনার তাহলে বেশী সেনর

সোরাবিয়া? মিছরির ছুরির মত গলায় বলেছেন ঘনরাম, আপনারটির কথা জানি না, কিন্তু আমার আংটির দাম দশ পেসো—দে-আরো-র অন্তত: পাঁচ গুণ। কাপিতান সানসেদো কি আপনার বন্ধু সেনর সালাজারকেই পরীক্ষা করতে বলতে পারেন।

সানসেদো ঘনরামের মুখের কথা খসতে না খসতেই আংটিটা হাতে তুলে নিয়েছিলেন। ভালো করে পরীক্ষা করে তিনি সালাজারের হাতে তা দিয়ে বলেছেন, আপনিও দেখুন সেনর সালাজার। এ আংটির শুধু পান্নাটারই দাম অন্তত: পঞ্চাশ পেসো।

সালাজার কাপিতান সানসেদোর কথায় সম্পূর্ণ সায় দিয়েছে। সায় দেওয়াটা আশ্চর্য কিছু নয়। আংটিটা আজ-বাজে সস্তা কিছু নয় সত্যিই দামী। যেস্বিকো থেকে আসবার সময় ঘনরামকে এই আংটিটাই উপহার দিয়েছিল ডোনা মারিনা। বলেছিল,—তোমাকে নিজের ভাই-এর মতই দেখেছি গানাদো। বোনের এই উপহারটুকু তোমায় নিয়ে যেতেই হবে।

সাত সমুদ্র পারের এই পাতানো বোনের স্নেহের পরিচয়ে সত্যিই সেদিন চোখে জল এসেছিল ঘনরামের।

আজ তারই দেওয়া আংটি বাজি ধরার সময় মনটা বিদ্রোহ করে উঠেছিল একবার। কিন্তু তারপর নিজেকে বুঝিয়েছিল—এ ছাড়া উপায় নেই বলে।

এদিকে সানসেদো শুধু নয় সমস্ত নাবিকরা পর্যন্ত ঘনরামের পক্ষ নিয়ে তখন আংটির বাজি সোরাবিয়াকে দিয়ে না ধরিয়ে ছাড়বে না।

কাপিতান ত বেগে উঠেই বলেছেন, কি রকম জুয়াড়ী আপনি! জুয়াড় তালঠোকার জবাব দেওয়াই ত কাবালিয়েরো-র লক্ষণ বলে জানি। বিশেষ দাস যখন আপনাকে সে জবাব দিয়েছে।

আর নারাজ হওয়া সোরাবিয়ার পক্ষে সম্ভব হয়নি। রাগে ফুলতে ফুলতে সে বা-হাতের অনামিকা থেকে আংটিটা খুলে টেবিলের ওপর ছুঁড়ে দিয়েছে।

এ আংটিটাও একেবারে ফেলনা না হলেও ঘনরামের আংটির চেয়ে যে অনেক নিরেস তা পাশাপাশি দুটো আংটির চেহারা দেখেই নেহাৎ গোলা লোকের কাছেও ধরা পড়বে। সোরাবিয়ার আংটির পাথরটা একটু যা বড়, কিন্তু ঘনরামের আসল পান্নার কাছে তা সস্তা কাঁচের সামিল।

এত হাবের পর এ দামী জিনিসটা তার চেয়ে খেলো আংটির বিরুদ্ধে বাজি রাখাটা ঘনরামের আহাশ্বকী বলেই মনে হচ্ছিল কাপিতান সানসেদোর। কিন্তু

জুয়াড়ীদের মতিগতিই আলাদা। দুই-এ দুই-এ চারের হিসেব মানলে তারা কটা ঘুটির চাল কি তাসের পড়তার ওপর তাদের সর্বস্ব জলাঞ্জলি দিতে তৈরী থাকবে কেন?

খেলা এতক্ষণ যথেষ্ট জমেছিল। কিন্তু এইবার যারা দেখছে তাদেরও যেন নিশ্বাস বন্ধ হবার যোগাড় হয়েছে।

তাসের এ প্রিমিয়েরো খেলা পোর্টুগ্যালের আমদানি। অজানা মহাদেশ আবিষ্কারের পর যারা সেখানে যশ আর ঐশ্বৰ্যের লোভে প্রাণ তুচ্ছ করে যায় তাদের মধ্যে এ খেলার চল তখন দিনদিন বাড়ছে। যুকাটানোর জঙ্গলে জান দিতে দিতে বেঁচে এসে সেখানকার সমস্ত রোজগার আর লুট এক রাত্রের 'প্রিমিয়েরো'তে উড়িয়ে দিয়েছে এমন জুয়াড়ী কাবালিয়েরো-র তখন অভাব নেই।

মোক্ষম সময়ে তাসের ভেতর দিয়ে ভাগ্য কি মুখ দেখাবে, তার ওপরই এ খেলার হার জিৎ।

প্রথম খেলা রুদ্ধশ্বাসে দেখতে হয়েছে সবাইকে। এক একটি তাসের টানে ভাগ্য একবার যেন ঘনরাম একবার সোরাবিয়ার দিকে হেলেছে।

শেষপর্যন্ত জয় হয়েছে সোরাবিয়ার।

তারপর দ্বিতীয় খেলা। এ খেলায় হারলেই ডোনা মারিনার উপহারের চরম অপমান ত বটেই শেষ কড়ি দিয়ে জুয়ার দেনা শোধ করে একেবারে ফতুর হতে হবে, ঘনরাম তা বুঝেছেন।

তবু বুকে যেন তাঁর এখন নতুন সাহস আর বিশ্বাসের জোর। ভাগ্য চরম বেইমানী না করলে তিনি হারবেন না এ যেন তিনি জানেন।

সত্যিই দ্বিতীয় খেলার ঘনরামের জিৎ হয়েছে। জিৎ হয়েছে সোরাবিয়ার খেলার ভুলে এইটেই আশ্চর্য ব্যাপার। এতক্ষণের দৃঢ় আত্মপ্রত্যয়ের ভিৎ হঠাৎ যেন তার নড়ে গিয়েছে। দোমামনা হয়ে চালের ভুল করেছে সে। তাস টেনে আগের মত নিতুল আন্দাজে তার দাম বুকে উণ্টে রাখবার সাহস তার হয়নি। পাকা তাসের হাতে কাঁচা করে দিয়েছে নিজেই বেশী তাস টেনে।

সোরাবিয়ার হঠাৎ এই পরিবর্তনে অবাক হলেও দর্শকরা যেন তার পরাজয়ে খুশি বলে মনে হয়েছে।

সেটা হয়ত পরাজিতের প্রতি সাধারণের স্বাভাবিক সহানুভূতি, হয়ত সোরাবিয়ার দম্বল আর আশ্ফালনের বিরুদ্ধে আক্রোশ।

এবার তৃতীয় খেলা ।

সোরাবিয়ার চোখ দুটো যেন ছুরির ফলা হয়ে ঘনরামকে বিদ্ধ করতে চায় ।

ঘনরামের মুখে কিন্তু এবার একটু বিজ্রপের হাসি ।

আপনার আংটিটা খুব পয়া ; তাই না সেনর সোরাবিয়া ?—সরলতার ভান করে জিজ্ঞাসা করেছেন ঘনরাম ।

সোরাবিয়া জবাব না দিয়ে চোখের দৃষ্টিতে ছুরি চালিয়ে তাস টেনেছে ।

তাস টেনেছেন ঘনরামও ।

হু'জনেই তাস উবুড় করে রাখা ।

আর তাস টানবেন নাকি সেনর ?—বিজ্রপের স্বর ছুঁইয়ে জিজ্ঞাসা করেছেন ঘনরাম ।

সোরাবিয়ার মুখচোখ লাল হয়ে উঠেছে তখন । কপালের ওপর একটা শিরা স্পষ্টই দপদপ করে কাঁপছে । একবার ঘনরামের সামনে উপুড় করে রাখা তাসটার দিকে, একবার তাঁর মুখের দিকে চেয়ে কি যেন বোঝবার চেষ্টা করে কিছুতেই সে মনস্থির করতে পারেনি ।

কি সেনর সোরাবিয়া !—বিঁধিয়ে বলেছেন ঘনরাম—হঠাৎ যেন বড় বেশী সাবধানী হয়ে পড়লেন ! আগে ত চটপট দান চুকিয়ে ফেলছিলেন !

নাবিকরাও কেউ কেউ একথায় হেসে উঠেছে । সেই সঙ্গে তরল জলতরঙ্গের মত একটা মুহূ হাসির ঝংকার শোনা গেছে ।

এবার ঘনরাম মুখ তুলে তাকিয়ে দেখেছেন । হ্যাঁ, আর কারুর নয়, হাসিটা, সেনোরা আনারই । এ উত্তেজনার টান কাটাতে না পেরে ডেকে বেড়াবার ছলেই বৃদ্ধা বিকে নিয়ে তাদের আসরের পাশ দিয়ে উঁকি দিয়ে যেতে গিয়ে নিজেকে সে সম্বরণ করতে পারে নি ।

সোরাবিয়ার কানেও সে ঝংকার গেছে, তবে মধু নয়, তরল বিষের মত । সেনোরা আনার চকিত দৃষ্টির মুগ্ধতাটুকু কার দিকে যে ফেরানো ওই অবস্থাতেই তাঁর চেয়ে বেশী কেউ বোধহয় লক্ষ্য করেনি ।

কিন্তু আর দ্বিধাভরে হাত গুটিয়ে বসে থাকলে চলে না । মনস্থির এবার করতেই হয় । যা টেনেছে তারই ওপর ভরসা করে শক্ত হয়ে থাকতে সাহস করেনি সোরাবিয়া । প্রায় কম্পিত হাতে একটা তাস টেনেছে ।

চেয়ে দেখেছে ঘনরামের দিকে তার মতলব বোঝবার জগ্নে ।

ঘনরামের মুখ কিন্তু এখন মুখোশ, গাঙ্গীর্থের নয়, বিজ্রপে বাঁকা কৌতুকের ।

সে মুখোশের তলায় ঘনরামের মনের খবর একেবারে লুকোন।

কি করবেন এবার?—কাপিতান সানসেদো জিজ্ঞাসা করেছে ঘনরামকে।

কিছুই করব না! সেই মুখোশের মত মুখেই বলেছেন ঘনরাম, যদি চান ত আমাদের ভালিয়েস্তে কাবালিয়েরো তাঁর প্রাপ্য শেষ তাসটাও টানতে পারেন।

তাই টেনেছে সোরাবিয়া দাঁতে দাঁত চেপে। আর দুজনের তাস চিৎ করবার পর দেখা গেছে তাতেই সর্বনাশ হয়ে গেছে।

ঘনরামের একটিমাত্র টানা তাস বেশ বড়ই ছিল, কিন্তু সোরাবিয়ার প্রথম দুটে তাস মিলে তাকে ছাপিয়ে গিয়েছিল দামে। তিনবারের বার টানা তাসটি টেনেই সোরাবিয়া সে ভালো হাতটা পচিয়ে দিয়েছে।

নাবিকেরা চিৎকার করে উঠেছে আনন্দে। কাপিতান পর্যন্ত নিজের আনন্দটা গোপন করতে পারেন নি। শুধু পাত্ৰীবাবাকে পেছন থেকে বেশ একটু জ্বোরে জ্বোরে পা ফেলে চলে যেতে দেখা গেছে। তিনি এতক্ষণ এই পাপের সংস্পর্শে ছিলেন এইটেই আশ্চর্য।

উবুড় করা তাস চিৎ করে ফেলার পর সোরাবিয়া কিছুক্ষণ হতভম্বের মত একদৃষ্টে সেগুলোর দিকে চেয়ে ছিল। নাবিকেরা তখন কে কি উল্লাস প্রকাশ করেছে তা লক্ষ্য করবার হত হুঁসই তার ছিল না।

তারপর ঘনরামকে আংটিদুটো নিজের দিকে টেনে আনতে দেখে গায়ের সমস্ত হিংস্র জ্বালাটা তাসগুলোর ওপরই ফলিয়ে সেগুলো টেবিলের পর ছুঁড়ে ফেলে সে উঠে পড়তে গেছে।

ওকি! উঠছেন কি সেনর সোরাবিয়া!—কাপিতান সানসেদো তাকে বাধা দিয়ে বলেছেন,—খেলা কি এখনই শেষ নাকি?

উনি বোধহয় আর আমার দৌড় দেখতে চান না!—কাটা ঘায়ে হুনের ছিটের মত চিপটেন কেটেছেন ঘনরাম।

সোরাবিয়াকে মুখখানা কালো করে আবার খেলতে বসতে হয়েছে। নজর তাঁর তখন নিজের আংটিটার দিকেই। ঘনরাম নিজের আংটির সঙ্গে সেটা কাছের দিকে টেনে আনলেও কোনটাই কিন্তু আঙুলে আর পরেন নি।

একটু বেশ অস্তুতভাবেই সোরাবিয়ার দিকে চেয়ে থেকে বলেছেন, আপনাদের আংটির পরটা না নিয়েই ভাগ্যের চাকা ঘোরে কিনা দেখা যাক।

তা ভাগ্যের চাকা ধীরে ধীরে সত্যিই ঘুরে গেছে। কাগজে লেখা

সোরাবিয়ার লাভের হিসেব নামতে নামতে সত্যিই শূণ্যে গিয়ে ঠেকবার পর হঠাৎ ঘনরামই তাসটা ঠেলে দিয়ে বলেছেন, যাক, আমাদের পাওনা দেনা কারুর কাছেই কারুর কিছু আর নেই। এইখানেই স্বতরাং দাঁড়ি টানা যাক। শুধু আপনার এই আংটিটা!

ঘনরাম সোরাবিয়ার আংটিটা টেবিল থেকে তুলে নিয়ে যা বলতে যাচ্ছিলেন তা তফ্ফনি আর বলতে পারেন নি। কাপিতান সানসেদো আগেকার খেলা এইভাবে মোড় ঘুরে যাওয়ার পর থেকেই ভুরু কুঁচকে কি যেন ভাবছিলেন। ঘনরাম আংটিটা তুলতেই সেদিকে ব্যস্তভাবে হাত বাড়িয়ে সন্দিক্ধ স্বরে বলেছেন, দেখি একবার আংটিটা!

ঘনরাম কিন্তু আংটিটা সানসেদোকে দেন নি। হাতটা সরিয়ে নিয়ে হেসে বলেছেন,—না কাপিতান, এ আংটির যাত্ন আর পর বড় বেশী। আপনার মত লোককেও জুয়ায় টানতে পারে। তার চেয়ে এটিকে সবার নাগালের বাইরে রাখাই ভালো।

ঘনরাম তারপর যা করেছেন সকলে তাতে তাচ্ছব! হাঁ হাঁ করে ওঠা সত্ত্বেও ঘনরাম ডেকের ওপর থেকে ছুঁড়ে আংটিটা সমুদ্রের জলে ফেলে দিয়ে সেখান থেকে উঠে চলে গেছেন আর একটি কথাও না বলে।

সোরাবিয়ার মাথা তখন নিজের অজান্তেই বুঝি একটু নিচু হয়ে গেছিল। দৃষ্টিটাও কেমন বিমূঢ়। কাপিতান সানসেদো আর সেনর সালাজার নিজেদের মধ্যে দৃষ্টি বিনিময় করে কি যেন বলতে গিয়ে থেমে গেছেন।

নাবিকেরা এ রেযারেশির জুয়া যে যার নিজের মত বুঝে উত্তেজিতভাবে আলোচনা করতে করতে চলে যাবার পর নিজে উঠে পড়ে কাপিতান শুধু বলেছেন,—কাবালিয়েরো কাকে বলে আজ দেখবার সৌভাগ্য হল! কি বলেন সেনর সোরাবিয়া?

সোরাবিয়া কোন জবাব দেয়নি।

আশা করি আজকের কথা কেউ আমরা ভুলব না।—বলে কাপিতান সেনর সালাজারের স্কে চলে গেছেন।

সাত

ভুলতে বারণ করেছিলেন কাপিতান মানসেদো ।

জাহাজ স্পেনে পৌছোবার অনেক আগেই সোরাবিয়া তা ভুলে গেছে ।

শুধু ভোলেনি, ঘনরামের বিরুদ্ধে হিংসায় আক্রোশে সে প্রায় ক্ষিপ্ত হয়ে উঠেছে ।

তা হলেই বা ক্ষিপ্ত, শুধু সোরাবিয়া ক্ষিপ্ত হয়ে কতখানি ক্ষতি আর করতে পারত ঘনরামের ! বড়জোর একদিন খোলা তলোয়ার নিয়ে এ বিরোধের মীমাংসা করতে হত,—তার বেশী কিছু নয় ।

কিন্তু ঘনরামের ভাগ্যাকাশের কুগ্রহ তার চরম লাক্ষনার জন্তে অনেক বেশী জটিল ফাঁসের রশি তখন গোপনে টানছে ।

সেদিন রাত্রে এক সন্ধে বসে খাওয়ার সময় কাপিতান মানসেদো তাঁর গণনায় সেই ইচ্ছিতই দিয়েছিলেন ।

খেতে বসে বিশেষ কিছু ভূমিকা না করে মানসেদো সোজাহুজি সোরাবিয়ার আংটির কথাটা তুলেছিলেন । বলেছিলেন—আংটিটা আমার দেখতে দিলেন না কেন বলুন ত !

কি আর দেখতেন, ওই একটা সাধারণ আংটিতে !—ঘনরাম প্রসঙ্গটা চাপা দিতে চেয়েছিলেন ।

কি দেখতাম ! মানসেদো চাপা দিতে না দিয়ে বলেছিলেন, দেখতাম হয়ত, পাথর নয় আংটিটায় একটা ঈষৎ রঙীন আয়নার কাঁচই কোশলে বসানো । আংটিটা যার আঙ্গুলে থাকে, তাস বিলোবার সময় চেষ্টা করলে বিলোনো তাস এই কাঁচের ছায়া থেকে সে চিনে নিতে পারে !

ঘনরাম কাপিতানের দিকে চেয়ে কিছুক্ষণ চূপ করে থেকে বেশ একটু কোতুকের স্বরে বলেছিলেন,—যে আংটি সমুদ্রের জলে ডুবে গেছে তা নিয়ে আর জল্পনা-কল্পনায় লাভ কি কাপিতান ! আংটি ডুবলে হয়ত মাহুঘটা ভাসতে পারে ।

এবার কাপিতানও হেসে উঠে বলেছিলেন,—ঠিকই বলেছেন সেনর দাস !

তারপর হঠাৎ ঘনরামের জান হাতটা টেনে নিয়ে টেবিলের ওপর চিং করে রেখে বলেছিলেন,—মাপ করবেন সেনর দাস! মানুষ সশব্দে অগ্নায় অশোভন কৌতুহল আমার নেই, কিন্তু হু' একজনকে দেখলে তাদের ভাগ্য জানবার আগ্রহ আমি চাপতে পারি না। আপনার সঙ্গে পরিচয় হবার পর কোনো ব্যক্তিগত প্রশ্ন আমি যে করিনি তা আপনি ভালো করেই জানেন। ও সব বিবরণে আমার প্রয়োজন নেই। আপনাকে দেখা মাত্র কিন্তু আমার মনে হয়েছে আপনার ভাগ্যালিপি অদ্ভুত কিছু হতে বাধ্য। আপনার হাতটা তাই একটু দেখতে চাই।

হাতের রেখার ভাষা আপনি জানেন?—ঘনরামের কথায় কৌতুহলের চেয়ে কৌতুকই বেশী প্রকাশ পেয়েছিল।

কিন্তু সানসেদোর প্রথম কথাতেই তিনি চমকে উঠেছিলেন।

যেটুকু পড়তে পারি, মনে করতাম,—বেশ গম্ভীরভাবে বলেছিলেন সানসেদো,—তা ত এখন ভুল মনে হচ্ছে!

তার মানে?—সত্যি কৌতুহলী হয়ে উঠেছিলেন ঘনরাম।

মানে, আমার বিচার ঠিক হলে বুঝতে হয়, যে তিন সমুদ্র পার হয়ে চতুর্থ সমুদ্রও আপনি দেখবেন।—সবিস্ময়ে ঘনরামের দিকে চেয়ে বলেছিলেন সানসেদো।

পুরোপুরি না বুঝলেও যেটুকু বুঝেছেন তাতেই ভেতরে ভেতরে চমকে উঠেছিলেন ঘনরাম। মনে মনে তখন তিনি শিশুকালের কালাপানি থেকে আরবসাগর আর তারপর লিসবনে ক্রীতদাস হিসেবে বিক্রী হতে আসার সময় আফ্রিকার উপকূলের সেই অসীম সাগর, পরে যা আতলাস্তিক বলে জেনেছেন, তা গুনে ফেলে বিস্মিত হয়ে উঠেছেন সানসেদোর গণনা শক্তিতে। কিন্তু সে বিস্ময় গোপন করে জিজ্ঞাসা করেছিলেন,—এ ত হৈয়ালির মত শোনাচ্ছে। অর্থ কি এ কথার?

অর্থ আমিও তা জানি না। সরলভাবে স্বীকার করেছিলেন কাপিতান সানসেদো। সমুদ্রে পাড়ি দেওয়া ষাদের নিয়তি তাদের হাতে যে চিহ্ন থাকে তাই দেখেই যা বলবার বলেছি।

এ গণনা আপনি শিখলেন কোথায়? বিশেষ আগ্রহভরে জিজ্ঞাসা করেছিলেন ঘনরাম।

শিখেছি আমাদের এসপানিয়াতেই। তবে সূর্য এক দেশের আশ্চর্য এক জ্যোতিষীর কাছে।

সুদূর দেশের আশ্চর্য এক জ্যোতিষী।—ঘনরাম অর্থাৎ হুয়ে সে দেশের নাম জানতে চেয়েছিলেন।

নাম তার ইঞ্জিয়া! গর্বভরে বলেছিলেন সানসেদো,—একদিন অ্যাডমিরাল কলম্বাস এই দেশ খুঁজতেই অকূল সাগরে পাড়ি দিয়েছিলেন এবং এই ভ্রান্ত ধারণা নিয়েই জীবনের শেষ নিঃশ্বাস ত্যাগ করেছিলেন যে ইঞ্জিয়া যার অংশ সেই এশিয়া মহাদেশের পূর্ব উপকূলই তিনি আবিষ্কার করেছেন। সে দেশ আবিষ্কারের গৌরব কিন্তু তাঁর বা আমাদের দেশের কারুর অর্থাৎ কোনো এসপানিওলের প্রাপ্য হয়নি। সে গৌরব পেয়েছে পোতুগীজ ভাস্কো-দা-গামা। সেই ভাস্কো-দা-গামার আবিষ্কৃত সমুদ্রপথে সে দেশ থেকে আশ্চর্য এক মানুষকে পোতুগীজদের জাহাজে এদেশে ক্রীতদাস হিসাবে এনে বিক্রী করা হয়। ভাগ্যক্রমে এক ক্রীতদাসের বাজারে তাঁকে দেখে আমার গভীর কৌতূহল ও শ্রদ্ধা জাগে। বুদ্ধ দুর্বল মানুষ। ক্রীতদাস হিসাবে তাঁকে খাটিয়ে নেবার সুযোগ নেই বললেই হয়। অত্যন্ত স্থলভেই তাই তাঁকে কিনে আমি মুক্তি দিই।

ক্রীতদাসকে আপনি মুক্তি দেন!—ভেতরে ভেতরে অভিভূত হলেও বাইরে একটু অপ্রসন্ন বিষ্ময়ের ভান করেছিলেন ঘনরাম।

পারলে দিই। কিন্তু কতটুকু আর আমার ক্ষমতা!—কোনরকম আশ্বালন না করেই বলেছিলেন কাপিতান সানসেদো,—স্বাধীনভাবে তাঁকে নিজের দেশেই ফেরত পাঠাতে পারব এই আশা করেছিলাম। কিন্তু তিনি নিজেই আমার সে চেষ্টা করতে মানা করেছিলেন। বলেছিলেন, এই দেশেই তাঁর মাটি কেনা আছে। সে নিয়তি খণ্ডাবার চেষ্টা বৃথা। জীবনের শেষ ক’টা দিন আমার মেন্দেলীন শহরের বাড়িতেই তিনি কাটান। তাঁর আশ্চর্য গণনার বিদ্যা সামান্য একটুমাত্র শেখবার সুযোগ আমি পেয়েছিলাম। তাঁর কাছেই শুনি তাঁদের দেশে জ্যোতিষের নামও সামুদ্রিক বিদ্যা।

সানসেদোর প্রতি প্রথম থেকেই ঘনরামের মনে একটা শ্রদ্ধা ও অহুরাগ জেগেছিল। আরো বর্ধিত শ্রদ্ধা নিয়ে ঘনরাম জিজ্ঞাসা করেছিলেন,—নিজের সফলকে কিছু কি তিনি বলে গিয়েছেন।

না, কিছুই বলেন নি। শুধু দুটি নির্দেশ তিনি দিয়ে গিয়েছিলেন। প্রথম তাঁর মৃত্যুর পর শবদেহ আমি যেন দাছ করবার ব্যবস্থা করি। আর তা যদি সম্ভব না হয় তাহলে সমুদ্রের জলে যেন তা ভাসিয়ে দিই। প্রতিবেশীদের সংস্কারের

বিকল্পে শহর বা গ্রামাঞ্চলে দাঁড় করা আমার পক্ষে সম্ভব হয়নি। আমি এসপ্যানিয়া থেকে ফার্নানডোইন যাবার পথে এই জাহাজ থেকেই তাঁর দেহ সমুদ্রের জলে ভাসিয়ে দিই। তাঁর দ্বিতীয় নির্দেশ ছিল তাঁর একটি নিজের হাতে লেখা লিপি তাঁর দেশে পৌঁছে দেওয়া। পৌঁছে দেবার জন্তে আমার উদ্বিগ্ন বা ব্যস্ত হতে নিষেধ করে তিনি শুধু ধৈর্য ধরে অপেক্ষা করতে বলেছিলেন। বলেছিলেন, তাঁর এ অন্তিম লিপি যথাস্থানে পৌঁছে দেবার ভার নিতে একদিন একজন নিজে থেকেই এসে দেখা দেবে। আজ পর্যন্ত কেউ অবশ্য আসেনি।

কিছুটা সাহসনার স্বরে, ভবিষ্যতে হয়ত আসবে বলে অতি কষ্টে নিজেকে সংবরণ করে ঘনরাম নিজের পূর্বের প্রবন্ধেই ফিরে গিয়েছিলেন।

জিজ্ঞাসা করেছিলেন,—এখন আমার ভাগ্যালিপিতে আর কি দেখছেন, বলুন।

আর,—বলতে গিয়ে নীরব হয়ে সানসেদোর মুখ হঠাৎ অত্যন্ত বিষন্ন গভীর হয়ে উঠেছিল।

কি! চূপ করে গেলেন কেন? বলুন।—দাবী করেছিলেন ঘনরাম।

কোন গণনাই নিতুল হতে পারে না।—একটু যেন মাপ চেয়ে নেওয়ার ভিত্তিতে বলেছিলেন সানসেদো,—আমার ত নয়ই। তাই যা বলছি তা ধ্রুব সত্য বলে ধরে নেবেন না। আমার নিজেরই শোনাতে মন চাইছে না।

তবু অসঙ্কোচে বলুন। জেদ ধরে বলেছিলেন, ঘনরাম—ভাগ্যের সঙ্গে আমার অনেক দিনের লড়াই। তার চোরা চক্রান্তগুলো আগে থাকতে জানলে বরং কিছু সুবিধেই হ'তে পারে।

আপনার সমস্ত ভবিষ্যৎ স্পষ্ট করে দেখা আমার বিচার বাইরে। ধীরে ধীরে বলেছিলেন সানসেদো—আমি আবছা আলোছায়ার সেখানে যা দেখতে পাচ্ছি তাতে চোখ ধাঁধাবার মত আশ্চর্য সাফল্যই বেশী। অন্ধকার খাদে আর উজ্জ্বল চূড়াম নামাওয়ার হতাশা উল্লাসে দোলানো বিচিত্র আপনার জীবন। অজানা নিরুদ্ধেশে আপনাকে পাড়ি দিতে হবে, রক্তের নদী বইবে আপনার সামনে, সোনার বাঁধানো পথ দিয়ে আপনি হাঁটবেন, আপনাকে বরমালা দেবে এক রাজকুমারী এমন এক অচিন রহস্যের দেশে পৃথিবীর কেউ আজো যা জানে না, কিন্তু তার আগে, তার আগে—

সানসেদো আবার দ্বিধাভরে খেমেছিলেন। কিন্তু ঘনরাম তাঁকে ধামতে দেন নি।

তার আগে কি বলুন।—ঈশ্বর জীব দাবী করেছিলেন।

তার আগে আমার গণনার ভাগ্যের অবিখ্যাত নিষ্ঠুরতম আঘাতে আপনাকে একেবারে অতলে তলিয়ে যেতে দেখছি। দেখছি অমঙ্গলের একটা ভয়ঙ্কর কালো ছায়া গাঢ় হয়ে আপনার জীবনে নামছে।

সানসেদো আর কিছু বলতে পারেন নি। একটা চাপা হাসির হিল্লোল দমকা হাওয়ার মত কামরাটার ভারি আবহাওয়ার গাঙ্গীর্ষে একটা ঝাপটা দিয়েই থেমে গেছিল।

ও 'তিয়েন'-এর পর 'সিয়েস্তো মুচো' শুনে ঘনরাম মুখ ফিরিয়ে দেখেছিলেন সেনোরা আনা যেন ভুল করে ঘরে ঢুকে পড়ার লজ্জায় থমকে থেমে গেছে।

অত্যন্ত দুঃখিত বলে দ্বিধাভরে থামলেও সেনোরা আনার ঘর ছেড়ে চলে যাবার কোন লক্ষণ দেখা যায় নি।

খুব যেন দ্রুত একটা কথা বলতে এসে বাইরের লোকের উপস্থিতিতে 'তিয়েন' বলে থাকে কাকার মর্দাদার প্রতিষ্ঠিত করেছে তাঁকে বলবে কিনা ঠিক করতে পারছে না।

একবার সানসেদো আর একবার তাঁর নিজের দিকে আনাকে চকলভাবে তাকাতে দেখে ঘনরাম নিজেই উঠে পড়ে ঘর থেকে বিদায় নিতে চেয়েছেন।

না, না, সেকি! আপনার ত এখনো থাকুন।—আপত্তি করতে বাধা হয়েছেন সানসেদো।

এর পরও সেনোরা আনা ঘরে দাঁড়িয়ে থাকতে পরিচয় না করিয়ে দিয়ও পারেন নি।

এটি আমার সোব্রিনা সেনোরা আনা। বলেছেন সানসেদো,—নিজের ভাগ্নী না হলেও তারচেয়ে কম কিছু নয়। আর ইনি হলেন সেনর দাস।

আনা শুধু এইটুকুর জন্তেই অপেক্ষা করছিল বোধহয়। পরিচয়ের পর প্রথম যথাবিহিত সৌজ্ঞ্য বিনিময়টুকু সারতে না সারতেই উচ্ছ্বসিত হয়ে বলেছে,—ওঁর নাম আমি জানি। আজ ওঁর খেলাও দুবার উঁকি দিয়ে নেখেছি তিয়েন! জাহাজে এখন সকলের মুখে ত শুধু ওঁরই কথা!

ঘনরাম সত্যিই একটু অস্বস্তি বোধ করেছেন এ উচ্ছ্বাসে; সেটা কাটাবার জন্তে ঠাট্টার স্বরে বলেছেন—জুয়া খেলার বাহাদুরী দেখিয়ে একটা মস্ত কীর্তি রেখেছি তাহলে!

জুয়াখেলার বাহাদুরী কেন! আনা প্রতিবাদ করেছে,—তিয়েনই বলুন না,

হারজিৎ এমন সমানভাবে নেওয়ার মত জুয়াড়ী ক'জন উনি জীবনে দেখেছেন।

তা বেশী দেখি নি বটে! —স্বীকার করেছেন সানসেদো।

এ প্রসঙ্গ তাঁর সামনে চলতে দিতে ঘনরাম আর চান নি। এবার খাবার প্লেট সরিয়ে রেখে উঠে পড়ে বলেছেন,—আমার খাওয়া হয়ে গেছে কাপিতান। আপনারা যদি অল্পমতি করেন আমি যেতে পারি এখন।

কেন, আপনি যাবেন কেন!—আনা এর মধ্যেই সহজ হয়ে গেছে বহুদিনের পরিচিতির মত।

কিছু একটা কথা তিয়নকে বোধহয় আপনার বলবার ছিল।—স্বরণ করিয়ে দিয়েছেন ঘনরাম,—আপনাকে ঘরে ঢুকতে দেখে অস্তুতঃ তাই মনে হয়েছিল।

হ্যাঁ, কি বলতে এসেছিলে আনা? সানসেদোও জিজ্ঞাসা করেছেন—এঁর সামনে বলতে যদি বাধা না থাকে ত বলো।

না, তাঁর সামনে বাধা কি! আনা ঘনরামকে যেন অন্তরঙ্গের মধ্যে ধরে বলেছে,—আমি একটা ষড়যন্ত্রের কথা ভেবেছি। তাই হাসতে হাসতে ঢুকছিলাম।

ষড়যন্ত্রের কথা ভেবে হাসতে হাসতে আসছিলে! সানসেদো বিমূঢ়ভাবে আনার দিকে তাকিয়েছেন।

হ্যাঁ ষড়যন্ত্র। আনা উচ্ছ্বসিত ভাবে বলেছে,—শোনোই না ষড়যন্ত্রটা তুমিও খুশি হয়ে হাসবে।

সেনোরা আনা কৌতুক হিসেবেই ষড়যন্ত্র কথাটা ব্যবহার করেছিল। ঘনরামের জীবনে সেটা কৌতুক নয় সত্যিকার ষড়যন্ত্রই হয়ে দাঁড়াবে কে আর তখন পেরেছিল ভাবতে!

এ ষড়যন্ত্র কিন্তু কোনো মানুষের নয়। ঘনরামের বিক্রম্বে যত হিংস্র আক্রোশই মনের ভেতর পুষে রাখুক, সোরাবিয়া এ ষড়যন্ত্রের একটা অসহায় ঘুঁটি মাত্র।

এ ষড়যন্ত্র স্বয়ং নিয়ন্ত্রিত।

কৌতুক হিসাবে সাজানো একটা ছেলেখেলার চক্রান্ত নিয়ন্ত্রিত নির্মম শঠতার ছাড়া এমন বিফল বিকৃত হয়ে ঘনরামের জীবনকে চরম অপমান লাঞ্ছনা ঘানিতে জর্জর করে আবার অকূলে ভাসিয়ে দিতে পারত না।

ঘনরামকে আর যেখানেই হোক ১৫২১-এ নতুন মহাদেশের সবচেয়ে জঘন্য

অস্বাভাবিক উপনিবেশে অন্ততঃ দেখা যাবার কথা নয়। মানসেদোর ভবিষ্যৎ গণনার প্রথম দিকটা অন্ততঃ হাতে হাতে তাঁর ফলেছে এ বিষয়ে সন্দেহ নেই।

শেষের দিকটা ফলবার কথা এ উপনিবেশে বন্দী থেকে ভাবাও বাতুলতা।

এ উপনিবেশের জন্মকালো ও গালভরা নাম কিন্তু কাস্তিল্লা দেল অরো অর্থাৎ সোনার কাস্তিল। এ উপনিবেশের শাসনকর্তা হলেন ডন পেড্রো আরিয়াস দে আভিলা, ওরফে পেড্রারিয়াস!

যেমন নীচ স্বার্থপর তেমনি হিংস্রক পরশ্রীকাতর মাহুঘটা। যে যুগে এসপানিয়াতে সবচেয়ে যাতে কাজ হত সেই খানদানি বংশে বিয়ের জোরেই তিনি একটা নতুন উপনিবেশের শাসকের মত সম্মান ও দায়িত্বের পদ পেয়েছিলেন। ঝাঁকে তাকে ত আর তিনি বিয়ে করেন নি, ক্যাথলিক ইনাবেলা বলে সারা ইওরোপ ঝাঁকে জানে, তাঁরই বান্ধবী মোআ-র মারনেস, বিখ্যাত ডোনা বিয়াত্রিজ দে বোবাদিল্লার মেয়ে তাঁর ঘরণী। এসপানিয়ার সম্মান প্রতিপত্তির চূড়ায় ওঠবার সিঁড়িই হল এই। মেক্সিকো বিজেতা কটেজ যৌবনে নিচু ঘরে বিয়ে করে যত সূখীই হয়ে থাকুন এই সিঁড়ির সূবিধা না পাওয়ার দরুনই তাঁর যোগ্য সম্মানশিখরে উঠতে পারেন নি। তার জন্তে কটেজ-এর মনে দারুণ আফসোস ছিল বলেও অনেক ঐতিহাসিকের ধারণা। মেক্সিকো বিজয়ের শেষে স্পেনের শাসন যখন সেখানে বিস্তৃত তখন সে দেশের হর্তাকর্তা কটেজের পাশে তাঁর সহধর্মিণীরূপে সম্মানের অংশ নিতে এসে কটেজ-এর স্ত্রী যখন তিন মাসের মধ্যেই মারা যান তখন কটেজ নিজের সামাজিক উন্নতির পথ পরিষ্কার করার জন্তে তাঁকে সরিয়েছেন এমন গুজবও শোনা গেছে।

সামাজিক সম্পর্কের জোরেই অত বড় উচ্চ পদ পেলেও এবং স্বভাবচরিত্রে নীচ স্বার্থপর ঈর্ষাকাতর হলেও তখনকার এসপানিওল অর্থাৎ স্পেনের মাহুঘের বিশেষ চরিত্র লক্ষণটি পেড্রারিয়াস-এর মধ্যেও ছিল।

নতুন মহাদেশ আবিষ্কৃত হবার পর থেকে সমস্ত ইওরোপের যৌবনই তখন অস্থির চঞ্চল। স্পেন ও পোর্টুগ্যালের উদ্দাম বেপরোয়া উদ্দীপনা আর চাঞ্চল্য সবচেয়ে বেশী।

পোর্টুগ্যাল আর স্পেনই নৌবিদ্যায় তখন অগ্রদেব তুলনায় বেশী অগ্রসর। সময়ের মাপ আরো সূক্ষ্ম হয়েছে তখন, তার ওপর চুম্বক-কম্পাস নির্ভুল দিকনির্দেশের শক্তি দিয়ে নাবিকদের আত্মবিশ্বাস বহুগুণ বাড়িয়ে দিয়েছে। মুকম্বুকে প্রাণ হাতে নিয়ে সমুদ্রের কূল ঘেঁষে যারা জাহাজ চালাতে অকূল

দরিয়ার পাড়ি দেবার মত তাদের এখন বুকের পাটা।

পোর্টুগ্যাল ও স্পেন এ অগ্রগতির পুরোভাগে থেকেও কিছুকাল আগেও যা কল্পনাভীত ছিল সেই অসাধ্য সাধন করেছে।

আফ্রিকার কূল ধরে ধরে গুটি গুটি এগিয়ে দক্ষিণের দিকে একটা অস্তরীপ থেকে আরেকটা অস্তরীপ পর্যন্ত নিজেদের দোড় বাড়াতে যাদের প্রায় গোটা শতাব্দীটা লেগে গিয়েছিল, সেই পোর্টুগ্যালের এক দুঃসাহসী নাবিক ডিয়াজ প্রথম আফ্রিকার দক্ষিণের শেষ অস্তরীপ ঘুরে নতুন সমুদ্রে পৌঁছোবার কীর্তি রাখলেন। আমরা সে অস্তরীপের নাম উত্তমাশা বলে জানি! কিন্তু ডিয়াজ এ অস্তরীপে উত্তম আশা করবার মত কিছু পান নি। ঝড়-তুফানে নাজেহাল হয়ে তিনি এর নাম বোড়ো অস্তরীপই রেখেছিলেন। পোর্টুগ্যালের রাজা দ্বিতীয় জন-এর কিন্তু দূরদৃষ্টি ছিল অনেক বেশী। তিনিই অস্তরীপের নতুন নামকরণ করেছিলেন উত্তমাশা। তাঁর নামকরণ যে সার্থক ভাস্কো-দা-গামা-র আফ্রিকার দক্ষিণ অস্তরীপ ঘুরে ইণ্ডোরোপের আকুল স্বপ্নের ইণ্ডিয়া অর্থাৎ আমাদের ভারতবর্ষে পৌঁছোনতেই তা প্রমাণ হয়।

যে লক্ষ্যের দিকে একাগ্র হয়ে পোর্টুগ্যাল আফ্রিকার দক্ষিণ দিকে দুঃসাহসভরে এগিয়ে গেছে, সেই একই লক্ষ্যের টানে কলম্বস স্পেনের হয়ে নতুন এক মহাদেশ আবিষ্কার করে ফেলেছেন পোর্টুগ্যালের আগেই।

সে লক্ষ্য হল ইণ্ডিয়া। প্রাচ্য দেশ বলতে তখন ইণ্ডিয়াই আগে বোঝায়। সেই ইণ্ডিয়াই কল্পনাভীত ঐশ্বর্ষের দেশ,—সোনা রূপো হীরে মুক্তা স্তম্ভী আতর আর চন্দন, অপরূপ সব মশলা আর তার চেয়ে অপরূপ সব বয়নশিল্পের নিদর্শন।

এই ইণ্ডিয়ার পৌঁছোবার পথ আবিষ্কার করতে পারাতেই জীবনের চরম সার্থকতা। তার চেয়ে বড় আকাঙ্ক্ষা স্পেন পোর্টুগ্যালের কোন ভ্রমসন্ধান কাবালিয়েয়ার তখন নেই।

কিন্তু পোর্টুগ্যাল যেখানে যাবার পথ খুঁজছে আফ্রিকার দক্ষিণ দিয়ে, পৃথিবী গোলাকার জেনে কলম্বস তাকে বেড় দিয়ে উণ্টো দিক থেকে সেখানে পৌঁছোবার চেষ্টা করেছেন কেন?

আর কি পথ ছিল না ইণ্ডিয়ার যাবার?

ছিল আরো সহজ সংক্ষিপ্ত পথ, কিন্তু মেয়ার নন্দ্রম অর্থাৎ মধ্যোপসাগরে সে পথে ধনপ্রাণ বাঁচানো অনিশ্চিত করে তুলেছে মরক্কো আর আলজিরিয়ার মূর

বোম্বেটেরা। সে সমুদ্রের পূর্বদিকের মুখও আবার মিশর আরবের যোজক
স্বয়েজ দিয়ে বন্ধ। তারপরও আছে দুবস্ত আরব সাগর-সদাগরেরা, যার
একহাতে বাণিজ্য করে আরেক হাতে লুণ্ঠরাজ।

তাই ইঞ্জিয়ায় পৌছোবার নিরাপদ রাস্তা চাই।

সে রাস্তার খোঁজে বেরিয়ে কলম্বস মাঝপথে যা পেয়েছেন সে দেশের সঠিক
পরিচয় তখনও গাঢ় রহস্যে ঢাকা।

বিরাট একটা অজানা বিস্তৃতির গুপ্তরকার দুর্ভেদ্য যবনিকা এখানে সেখানে
সামান্য একটু উঁকি দেবার মত গঠানো গেছে মাত্র।

কিন্তু যবনিকা যেটুকু উঠেছে তাতেই উত্তেজনার বন্যা বইয়ে দিয়েছে
দুঃসাহসীদের রক্তে।

স্পেনে নিজেকে পুরুষ বলে যারা গর্ব করে তারা সবাই তখন দুঃসাহসী,
সবারই মন অবিশ্বাস্ত্র ঘশ আর ঐশ্বর্য জয়ের স্বপ্নে বিভোর।

তাদের এ স্বপ্ন দেখবার কারণও নেই তা নয়।

আবিষ্কারের পর জয় করে প্রথম উপনিবেশ পাতা হয়েছে হিস্পানিওলায়,
ফার্নানডিনায়, মানে কিউবায়।

তারপর হার্নান্দেজ দে কর্দোভা, বাহামা দ্বীপ থেকে সেখানকার আদিবাসী
ক্রীতদাস ধরে আনতে গিয়ে ঝড় তুফানে ছিটকে আশাতীত এক অজানা রাজ্যে
পৌঁছে তাদের বাড়িঘর চাষবাস মিছি কাপড়ের সৌখিন বেশভূষা আর গয়নার
সোনাদানা দেখে অবাক হয়েছেন। কান স্তনতে ধান স্তনে সেখানকার লোকের
মুখের টেক্‌টেটানকে যুক্‌টান নাম দিয়ে তিনি কিউবায় ফিরে নতুন দেশের
ঐশ্বৰ্যের চোখ-কপালে তোলা গল্প করেছেন।

এক আবিষ্কার আরেক অভিযানকে ঠেলা দিয়েছে।

যুক্‌টানের পর কটেজের কীর্তি মেক্সিকো জয়।

উদ্দাম উত্তেজনার ঢেউ তখন এই সব দৃষ্টান্তে নতুন মহাদেশের সমস্ত পূর্ব
উপকূলের তীরে ধাক্কা দিচ্ছে।

সামনে অজানা মহাদেশ প্রসারিত। কিন্তু তারই ভেতর কোথাও আছে
সেই প্রণালী যা আতলাস্তিক থেকে ইঞ্জিয়ার পশ্চিম তীরে গিয়ে নামবার সমুদ্রে
পৌঁছে দেবে—এই ছিল সব অভিযাত্রীর দৃঢ় বিশ্বাস।

মেক্সিকো স্পেনের পদানত হয়েছে ১৫২৩-তে। তার অনেক আগেই ১৫১১
দৃষ্টান্তে ভাকো হুনিয়াজ-দে-বালবোয়া আশ্চর্য এক দেশের কিংবদন্তী শুনেছেন।

এসপানিওলরা সবাই সোনা বলতে পাগল এ ব্যাপারটা তখনও নতুন মহাদেশের নিষ্কণ অধিবাসীদের কাছে অদ্ভুত লাগে। তাদেরই একজন বালবোয়াকে সে অবিশ্বাস দেশের কথা শুনিয়েছে।

আগে যে জঘন্য অস্বাস্থ্যকর উপনিবেশের কথা বলেছি বালবোয়া তখন পেড্রারিয়াসের অধীন সেই কাস্তিললা দে অরো মানে সোনার কাস্তিলের নরকে থাকেন।

কাস্তিললা দে অরো যে উত্তর আর দক্ষিণ আমেরিকার যোজক মাত্র তা তখনও উপনিবেশিকদের অজানা।

শাসক পেড্রারিয়াস-এর প্রতিনিধি হিসেবে বালবোয়া আদিম অধিবাসীদের কাছে সংগ্রহ করা কিছু সোনা ওজন করাচ্ছিলেন। সেখানে স্থানীয় একজন সর্দার ছিল উপস্থিত। বিশ্বয়ে কৌতুকে সোনা ওজনের এ অস্থান দেখতে দেখতে হেসে উঠে দাঁড়ি-পাল্লায় একটা চাপড় দিয়ে সে সমস্ত সোনা মাটিতে ছড়িয়ে দেয়; তারপর মুখ বেঁকিয়ে বলে,—এই জিনিসের ওপর তোমাদের এমন লোভ যে হিতাহিত কাণ্ডজ্ঞান পর্যন্ত খুইয়ে পাগলের মত হস্তে হয়ে ছুটে বেড়াচ্ছ! এমন দেশের খোঁজ আমি দিতে পারি যেখানে সোনার খালা বাটিতে ছাড়া কেউ খায় না, তোমাদের কাছে লোহা যা সেখানে সোনা তারই মত সস্তা। সেখানে সূর্য কঁাদলে সোনা ঝরে।

সূর্য কঁাদলে সোনার দেশ হয়ত আজগুবি কিংবদন্তী মাত্র। এমন অনেক আজগুবি কল্পনাই ত তখনকার অভিযাত্রীরা এই রহস্যময় মহাদেশ সন্ধে করেছে, অল্পবিস্তর বিশ্বাসও করেছে অদ্ভুত অবিশ্বাস সব আরব্যোপন্যাসকে হার মানানো কাহিনী।

মেয়েরাই যেখানে যোদ্ধা সেই বীরনারী আনাজনদের কথায় তারা খুব অবিশ্বাসের কিছু পায়নি, শুনেছে পাটীগোনিয়ার দানব জাতির কথা, আর সেই এলডোরাদোর বিবরণ শুনে উত্তেজিত হয়ে উঠেছে যেখানে সোনার কণা সমুদ্রের বালির মত ছড়িয়ে থাকে, আর নদীতে জল ফেললে পাথির ডিমের মত সোনার টেলার ভারে জাল টেনে তোলা শক্ত হয়।

সূর্য কঁাদলে সোনার দেশ সত্যে মিথ্যায় বাস্তবে কল্পনায় মেশানো তেমনি কিছু হওয়া অসম্ভব নয়।

কিন্তু কাহিনী যারা শোনায় তারাও সে দেশের সঠিক হৃদিস দিতে পারে কই!

রহস্য-ঘবনিকার আড়াল থেকে মাঝে মাঝে বিহ্বল-করা একটা অস্পষ্ট হাতছানি শুধু অস্থির করে তোলে।

এই হাতছানির ডাকেই বালবোয়া স্বর্ধ কাঁদলে সোনা বরার দেশের কাহিনী শোনার কিছু পরেই কান্তিললা মে আরো-র পচা জলাবাদার সাপখোপ মশা পোকা মাকড়ের ভাপসা নরক থেকে ডারিয়েন যোজকের মেহদণ্ডের মত পর্বতপ্রকার ডিকিয়ে গেছিলেন পরম দুঃসাহসে।

পাহাড় ডিকিয়ে যা তিনি দেখেছিলেন তা তাঁর সমস্ত কল্পনার অতীত।

সমস্ত অস্ত্রশস্ত্রসমেত যোদ্ধার পোশাকেই তিনি বাঁপিয়ে গিয়ে পড়েছিলেন সামনে ফেনায়িত তরঙ্গ-ফনা-তোলা নীল জলের বিস্তৃতিতে। পাগলের মত চিংকার করে বলেছিলেন,—যতদূর এ অজানা সমুদ্র ছড়িয়ে আছে ততদূর পর্বন্ত দেশ মহাদেশ থেকে স্বীপবিন্দু সমেত সব কিছুর ওপর কান্তিলের মহামান্ন নৃপতির একছত্র অধিকার আমি ঘোষণা করলাম।

দিগন্ত পর্বন্ত প্রসারিত দেখেও সে নীল জলধির বিরাটত্ব তিনি তখন বোধহয় অহমান করতে পারেন নি।

সেই অসীম জলরাশি প্রশান্ত মহাসাগরের। সময়টা বোধহয় ১৫১৪-র কিছু পূর্বে।

মাহুঘের সভ্যজগৎ সমবেত ও সচেতনভাবে সেই প্রথম এক অজানা মহাসমুদ্রের সন্ধান পেল।

যোজকের অপর পারে এই মহাসমুদ্রের তীরেই বালবোয়া রূপকথার মত অবিখ্যাত সোনার দেশের আরো কিছু কিছু বিবরণ পান। সে দেশের পশু পাখি ফল ফসলও নাকি অদ্ভুত। সেখানকার প্রধান একটি প্রাণীর ছবি তাঁকে ঐকে কেউ দেখায়। ইওরোপ এশিয়ার কোন প্রাণীর সঙ্গে মিল তার কিছু হয়ত থাকলেও তা একেবারে স্বতন্ত্র।

এ দেশে কি শুধু এখানকার অস্ত্র অধিবাসীদের কল্পনাতেই আছে!

যদি কল্পনারই হয় তবু বালবোয়া নিজে একবার তা যাচাই করে দেখবেন।

সুদৃঢ় সঙ্কল্প আর গভীর আশা নিয়ে বালবোয়া তাঁর হর্তাকর্তা সোনার কান্তিলের শাসক পেড্রারিয়াস-এর রাজধানী ডারিয়েন-এ ফিরে যান। তাঁর সব সঙ্কল্প ব্যর্থ সব আশা চূর্ণ হয়ে যায় পেড্রারিয়াস-এর নীচ পরশ্রীকাতরতার আর সঙ্কটতায়। পেড্রারিয়াস নতুন রাজ্য আবিষ্কারের গৌরব নিতে চায়, নিতে চায় সেখানে যা পাওয়া যায় সে সম্পদের সিংহভাগ, কিন্তু আর কারুর এমন কি

অভিযানের সমস্ত দুর্ভোগ দায়িত্ব নিয়ে নির্বাগন বন্দীত্ব এমন কি মৃত্যু পর্যন্ত বরণ করতে যে প্রস্তুত, তার বিন্দুমাত্র সাধুবাদ সহ করতে পারবে না।

শাসকের সমর্থন ও অল্পমতি ছাড়া কোনো অভিযান পরিচালনা করা অসম্ভব। এসপানিয়া-র সম্রাট অনেক 'দুব অন্ত'। ডারিয়েন-এ তাঁর প্রতিনিধি পেড্রারিয়াস।

বালবোয়া দিনের পর দিন বৃথাই তাঁর অল্পমতির জঞ্জল অপেক্ষা করেছেন। ইতিমধ্যে বালবোয়ার যুগান্তকারী আবিষ্কারের মূল্য পেড্রারিয়াস যে সম্পূর্ণ অস্বীকার করেছেন তা নয়। নতুন মহাসমুদ্রে আবিষ্কারের অভিযান চালাবার সুবিধার জগ্গেই ১৫১২-এ বালবোয়ারই পরামর্শ অল্পসারে ডারিয়েন থেকে রাজধানী পশ্চিমের সমুদ্রকূলে পানামায় সরিয়ে নিয়ে আসা হয়েছে। সেখান থেকে নতুন অজানা দেশ, বিশেষ করে সেই ভারত-মুখী প্রণালী খোঁজার উদ্দেশ্যে জাহাজ সাজিয়েও বেরিয়েছেন অভিযাত্রীরা, কিন্তু সব অভিযানেরই মুখ উত্তরে। উত্তরে ঘোজকের ভেরাগুয়া, কোস্টারিকা, নাইকারগুয়া প্রভৃতি পর পর আবিষ্কৃত ও অধিকৃত হয়েছে।

শুধু দক্ষিণে কোন অভিযান যায়নি।

বালবোয়া অজ্ঞায় অবিচারে আশাভঙ্গের বেদনায় নিরুপায় হতাশায় ভেতরে ভেতরে জর্জর হয়ে একদিন মৃত্যুবরণ করেছেন।

'সূর্য কাদলে সোনা-র দেশ' আবিষ্কারের ভাগ্য তাঁর হয়নি।

সে সৌভাগ্য হয়েছে তিনজনের মিলিত একটি দলের।

এ তিনজনের দুজন রাস্তায় কুড়িয়ে পাওয়া অনাথ শিশু হিসেবে বেশীর ভাগ ইয়েসিয়া অর্থাৎ স্থানীয় গির্জার রূপা করুণাতেই মাহুষ। দুজনেই এঁরা নিরক্ষর মুর্থ। একজন দেশে গায়ে শুয়োর চরাতেন, আরেকজন কি করতেন সঠিক জানা না গেলেও ওর চেয়ে সম্মানের কিছু যে করতেন না সে বিষয়ে সন্দেহ নেই।

অজানা দেশ আবিষ্কারের অভিযাত্রী হওয়া জোয়ান তরুণদেরই কাজ। কিন্তু যাদের কথা বলেছি তাঁরা দুজনে যখন প্রথম অভিযানে রওনা হন তখন দুজনেরই বয়স পঞ্চাশ ছাড়িয়ে গেছে।

আধবুড়ো এই দুই নিরক্ষর ভাগ্যান্বেষীর পয়সার জোরও ছিল না। তাঁদের অভিযানের খরচ বইবার ভার দলের তৃতীয় যে জন নিয়েছেন তিনি হলেন একজন এসপানিওল ধর্মযাজক; পানামায় ভাইকারের কাজ করেন। তার আগে ডারিয়েন-এর গির্জায় গুরুমশাই ছিলেন ছাত্র পড়াবার।

এত টাকা তিনি পেলেন কোথায় ?

আসলে টাকা তাঁরও নিজের নয়। তিনি অরেকজনের প্রতিনিধি হয়ে টাকাটা দিয়েছেন মাত্র।

কি নামে এঁরা সবাই পরিচিত ?

তখনকার সেই ছোট উপনিবেশের জগতেও গ্রাহ্য করবার মত নাম কারুর নয়।

নেপথ্য থেকে যিনি সমস্ত ঝুঁকি নিয়ে টাকা দিয়েছেন সেই আসল মহাজনের নাম লাইসেনসিয়েট গ্যাসপের দে এসপিনা। যার মারক্‌স টাকাটা দেওয়া হয়েছে তিনি হলেন হার্নাণ্ডো দে লুকে, দুই দুঃসাহসী আধবুড়ো অভিযাত্রীদের মধ্যে একজনের নাম দীয়েগো দে আলমাগরো আর অন্যজনের ফ্রানসিসকো পিজারো। মুর্খ নিরক্ষর অনাথ গির্জার দয়ায় মানুষ পিজারোই যেখানে তাঁর জন্ম স্পেনের সেই টুকসিল্লা শহরে যৌবন পর্যন্ত স্তায়ের চরাতেন।

১৫৫২ সালে কিন্তু তিনি পানামার রাস্তায় ঘাটে যাদের ছড়াছড়ি নতুন মহাদেশে ভাগ্যাহেষী আসা সেই বাউণ্ডুলেদের একজন।

তাদেরই একজন বটে কিন্তু কিছু বিশেষত্বের পরিচয় ইতিমধ্যেই তিনি দিয়েছেন। ১৫১০-এ নতুন মহাদেশের পথে ঘাটে সোনা ছড়ানো গুজব শুনে ও বিশ্বাস করে আরো অনেকের মত দেশ ছেড়ে তিনি অকূলে ঝাঁপ দিয়ে প্রথম হিসপানিওলায় এসে ঠেকেছিলেন। সেখান থেকে সোনার কাস্তিলের নরকে। কিন্তু এখানে অসামান্য অথচ একান্ত হতভাগ্য বালবোয়ার সঙ্গে পিজারোর যোগাযোগ হয়? বালবোয়ার সঙ্গেই ইওরোপের মানুষ হিসেবে প্রথম প্রশান্ত মহাসাগর দেখার স্বযোগ তিনি পান। তারপর বালবোয়ার অকাল মৃত্যুর পর ১৫১৫ খৃষ্টাব্দে আর একবার যোজকের পর্বতপ্রাকার ডিঙিয়ে মোরালেস নামে একজন সঙ্গীকে নিয়ে তিনি সমুদ্রকূলের আদিম অধিবাসীদের কাছে দক্ষিণের রহস্যরাজ্যের আরো কিছু খবর সংগ্রহ করে আনেন।

১৫২২-এ পাসকুয়াল দে আন্নাগোয়া নামে আরেকজন অধিনায়কের নেতৃত্বে একটি অভিযান বালবোয়া যতদূর পর্যন্ত পৌঁছেছিলেন সেই পুয়ের্তো দে পিলিয়ারসের বেশী অগ্রসর হতে না পারলেও 'সূর্য কাদলে সোনার' দেশের আরো বিস্তারিত বিবরণ নিয়ে এসে প্রচার করে।

পানামা শহরের হাওয়ায় তখন সেই আশ্চর্য দেশ খুঁজতে বার হওয়ার ব্যাকুল উত্তেজনা। পথেঘাটে সকলের মুখে ওই বিষয়ে ছাড়া আলোচনা নেই।

কিন্তু ঘনরামও ত তখন ওই সোনার কাঙ্ক্ষিলের নরকে কোথাও না কোথাও আছেন !

হ্যাঁ আছেন। ১৫২১-এ ভাগ্য ও সত্যিকার সমুদ্রের ঝড় তুফানের প্রচণ্ড ঢেউ তাঁকে নিয়ে কিছুকাল লোফালুফি করে এই পানামা যোজকেই আছড়ে ফেলে দিয়ে গেছিল।

এখানে পানামায় যার বাড়িতে তিনি আশ্রয় পেয়েছেন তাঁর নাম আমরা একবার শুনেছি। তিনি মোরালেস। পিজারোর সঙ্গে ১৫১৫-তে তিনি পশ্চিমের অসীম মহাসমুদ্র দেখে এসেছেন।

তাঁর কাছে কাজ করতে করতে ঘনরাম সেই নতুন আবিষ্কৃত মহাসমুদ্র আর তাঁর কূলে কোথাও যা এখনো নিজেকে লুকিয়ে রেখেছে সেই বাস্তব স্বর্ণলকার কথা শুনেছেন।

১৫২২-এ পিজারো যখন তাঁর অভিযানের স্বপ্ন সার্থক হওয়া সম্বন্ধে কোনো আশাই রাখেন না, ঘনরাম তখনো ওই পানামা শহরেই আছেন।

পিজারোর সঙ্গে পথেঘাটে তাঁর দেখা হয়। দেখা হয় মোরালেস-এর বাড়িতে।

পিজারো সেখানে যান। তাঁর সঙ্গে একটু বেঁটেখাটো শক্তসামর্থ্য আরেকজন আসেন। তখনো একটা চোখ অস্বাভাবিক সাধনের ব্রতে তাঁকে নৈবেদ্য দিতে হয়নি। দেখতে পিজারোর মত সুপুরুষ না হলেও কিছুক্ষণ লক্ষ্য করলেই তাঁর প্রাণখোলা চরিত্র ভালো লাগে। ইনিই পিজারোর বন্ধু দ্বীয়েগো দে আলমাগরো।

পিজারো আর আলমাগরো মোরালেস-এর সঙ্গে একত্র হলেই অবশ্য যে দেশের রাস্তাঘাট সোনার বাধানো, আর সোনার বাসন ছাড়া কেউ যেখানে অল্প কিছু ব্যবহার করে না সেই দেশে অভিযানের আয়োজন কেমন করে করা যায় তারই আলোচনা করেন।

কিন্তু সে আলোচনা যেন বামন হয়ে চাঁদ পাড়বার ফন্দির আলোচনার মত। এ অভিযান সাজানো মানে চারটিখানি ত কথা নয়। ছোটখাটো হলেও অস্তুত: দুটো জাহাজ নিয়ে পাড়ি দিতেই হবে। কোথায় পাবেন সে জাহাজ কেনবার বা তৈরী করার খরচ? দুটি জাহাজের রসদ যোগাড় করার সমস্যা আছে তারপর, আর সেই সঙ্গে প্রায় শ'খানেক মাঝিমাঝা সৈনিক।

এমনিতেই দেনার দায়ে তাঁদের চুলের টিকি পর্যন্ত বাঁধা। এত খরচের

টাকা, স্ততরাং তাঁদের বেচলেও জুটবে না।

পিজারো তবু বলেন যে যেমন করে হোক অল্পশস্ত্র গুলিবারুদ বন্দুকের খরচটা তিনি দিতে পারবেন। আলমাগরো জানান যে দুটি জাহাজে প্রয়োজনীয় রসদ বোঝাই করবার ভার নিতে তিনি প্রস্তুত।

কিন্তু লাগাম ষাতে লাগাবেন সে ঘোড়া কোথায়? আসল ষা দরকার সেই জাহাজ আসছে কোথা থেকে!

হঠাৎ পিজারো একদিন তাঁর বাসায় একটা চিঠি পান। অজানা কে একজন লিখেছে তাঁকে উদ্দেশ্য করে।

পিজারো পড়তে জানেন না। চিঠি পড়তে তাঁকে মোরালেসের কাছেই আসতে হয়েছে।

মোরালেস চিঠি পড়ে ষা জানিয়েছেন তাতে অবাক হবারই কথা।

কে একজন অপরিচিত হিতৈষী পিজারোকে জানিয়েছে যে পানামার বন্দরে একটা জাহাজ খুলে রাখা অবস্থায় আছে। ভাস্কো হুনিয়ের দে বালবোয়া নিজের ব্যবহারের জন্য এ জাহাজটি তৈরী করিয়েছিলেন। ‘স্বর্ঘ কাঁদলে সোনার দেশেই’ এ জাহাজ নিয়ে অভিযান করার বাসনা তাঁর ছিল। সে বাসনা তাঁর পূর্ণ হয়নি। খুলে রাখা জাহাজটা বেশ সস্তা দরে পাওয়া যেতে পারে। সেটা জুড়ে নিয়ে ব্যবহারের যোগ্য করাও শক্ত নয়। পিজারো ও তাঁর বন্ধু এ জাহাজটার খোঁজ নিয়ে দেখুন না!

চিঠির তলায় কোন নাম সই নেই। কে লিখল তাহলে এ চিঠি! তাঁদের ভাবনা ভাববার এত মাথাব্যথা কার? ভেতরকার এত কথা আর কেউ জানলই বা কি করে?

তার ওপর বালবোয়া-র নিজের জন্তে তৈরী জাহাজটার ওই অবস্থার খবর ত তাঁরা নিজেরাই রাখেন না! কান্ডিল কি মাল্দিদের মত একটা বিরাট কিছু শহর নয়। অল্পবিস্তর সকলকেই সকলে এখানে চেনে। এত হুঁশিয়ার এবং তাঁদের হিতৈষী কারুণ্য কথা পিজারো আলমাগরো কি মোরালেস কেউই মনে করতে পারেন না।

তাজ্জবের ওপর তাজ্জব। খানিক বাদে মোরালেস-এর খোঁজে যিনি সেখানে এসে উপস্থিত হন, তাঁকে দেখে পিজারো ও মোরালেস দুজনেই একেবারে হতভম্ব।

স্বয়ং পানামার ভাইকার হার্নান্দো দে লুকে তাঁদের খোঁজে এখানে

এসেছেন। তিনিও এসেছেন এক অচেনা বন্ধুর চিঠি পেয়ে। চিঠিতে তাঁকে মোরালেসের বাড়িতে অতি অবশ্য সেদিন সকালে একবার দেখা করতে অহরোধ করা হয়েছে। দেখা করলে তাঁর নিজের যাতে বিশেষ উৎসাহ হতে পারে এমন একটি ব্যাপারের কথা তিনি জানতে পারবেন। অভ্যস্ত দুঃসাধ্য ও দুঃসাহসিক একটি উদ্যোগ হয়ত তাঁরই সাহায্যে সার্থক হয়ে উঠতে পারে।

কি সে ব্যাপার আর উদ্যোগ দে লুকে-কে জিজ্ঞাসা করে তা জানতে হয়নি।

ছুটি চিঠির লেখা মিলিয়ে দেখতে গিয়ে ছুটি যে এক হাতের লেখা তা বোঝা গেছে। ভাইকার দে লুকে-কে পিজারোর সঙ্গে দেখা করানোর চেষ্টার উদ্দেশ্যটাও বোঝা গেছে।

তাঁদের বিস্মিত উত্তেজিত আলোচনার মধ্যে আলামাগরো এসে পড়েছেন। তিনিও সব শুনে এ চিঠি কে পাঠাতে পারে ঠিক করতে পারেন নি।

চিঠি যেই পাঠিয়ে থাক তার উদ্দেশ্য সফলই হয়েছে।

মোরালেস-এর বাড়িতে ভবিষ্যতের তিন অংশীদারের যোগাযোগ ও আলোচনার সূত্রপাত হয়েছে সেদিন থেকেই।

মোরালেস খুশী মনে সকলের জন্মে পানীয় আনবার হুকুম দিয়েছেন।

পানীয় এনে যে সশব্দে সকলকে পরিবেশন করেছে তার দিকে কে আর নজর দিয়েছে ?

নজর এক-আধবার পড়লেও তাকে ঘনরাম বলে চিনবে কে! যে অচেনা হিতৈষীর চিঠি তাঁদের এইভাবে একত্র করেছে তা যে তাঁদের সামনে যথাবিহিত মাথা হুইয়ে দাঁড়ানো একজন ক্রীতদাসের লেখা তা আর তাঁরা কি করে কল্পনা করবেন!

ক্রীতদাস! ঘনরাম দাস ক্রীতদাস!—এবার শ্রীঘনশ্যামকে বাধা দিয়ে মস্তক ঝাঁর মর্মরের মত মস্তক সেই শিবপদবাবুই তাঁর স্বরে তাঁর সংশয় প্রকাশ করেছেন,—তা কি করে হয় ?

হ্যাঁ, মেদভারে হস্তীয় মত বিপুল সদাশ্রমের ভবতারণবাবুও তাঁকে সমর্থন করে বলেছেন,—সেই সেনোরা আনা মজা করে ষড়যন্ত্রের মতলব নিয়ে আসার পর কোথায় কি যে হ'ল কিছুই ত জানতে পারলাম না। সেনোরা আনা কিসের ষড়যন্ত্রের কথা বলেছিল, তাতে হলই বা কি, কি এমন ভাগ্যের কারসাজিতে কিভাবে ঘনরাম আবার সেই ক্রীতদাস হয়ে পানামার মত জায়গায়

এসে ছিটকে পড়ল কিছুই ত জানতে পারলাম না।

পারবেন। সবই জানতে পারবেন। —দাসমশাই উদারভাবে আশ্বাস দিলেন,—কিন্তু তার জন্তে ধৈর্য ধরে একটু অপেক্ষা করতে হবে, অপেক্ষা করতে হবে ‘সূর্য কাদলে সোনালী’-র দেশের গৌরবের মধ্যাহ্নে হঠাৎ অবিশ্বাস কালরাত্রি যখন নেমে আসে তখন অনাভ্রাতা স্বর্গীয় কুল্লমের মত রহস্য মাধুর্য মণ্ডিত সূর্য সমর্পিতা এক অসূর্যম্পত্তা রাজকুমারীর আশ্চর্য উদ্ধারের পর থেকে নারীমাংস লোলুপ নয় পশুদের শাস্তি দিতে দুঃখ ধবল তুরঙ্গবাহনে দেবাদিদেব ভীরাঙ্কোচ-রই যেন অলৌকিক আবির্ভাব পর্যন্ত শুধু নয়, ঘনরামের জীবনের হিংস্র পরম শনি মাকুইস গঞ্জালেস দে সোলিস-এর কুজকো শহরে বিচিত্র প্রেত-দর্শনের অভিজ্ঞতা থেকে পানামা যোজকের পূর্ব উপকূলে নোম্ব্রে দে দিয়স বন্দরের অঙ্ককার সমুদ্রে সেই অভাবিত চরম নাটকীয় হিসাব নিকাশ অবধি।

এর পর কারুর মুখে কিছুক্ষণ আর কোন কথা নেই। মর্মর-মসৃণ শিরোদেশের শিবপদবাবু পর্যন্ত তাঁর ঘূর্ণায়মান মাথাটাকে স্থির করবার চেষ্টা করছেন। কুস্তুর মত উদরদেশ যাঁর স্ফীত সেই ভোজনবিলাসী রামশরণবাবু ত আগেই হাল ছেড়ে দিয়ে আত্মসমর্পণ করে বললেন,—না মশাই, আমি ধৈর্য ধরে থাকতেই প্রস্তুত। এক চক্রর যা ঠেলা পেয়েছি তাতেই মাথাটার মধ্যে একটা ঘূর্ণি চলছে। এর ওপর আর এক পাক দিলে একেবারে কাৎ হয়ে পড়ব।

শিবপদবাবু সামান্য একটু প্রতিবাদের চেষ্টা করলেন তবু।

বললেন,—এত যে লগা ফিরিস্তি দিয়ে গেলেন উনি, তা মনে করে কেউ রাখতে পারে!

মনে রাখবার আপনার খুব প্রয়োজন আছে কি! হেসে বললেন দাসমশাই, আমিই ত আছি তার জন্তে। যথাসময়ে সবই ঠিক মনে করিয়ে দেব। আর তাতে যদি শাস্তি না পান একটা খাতা-পেন্সিল নিয়ে আসবেন টুকে রাখার জন্তে।

খোঁচাটা হয়ত ইচ্ছে করে দেওয়া নয়। কিন্তু শিবপদবাবু একটু পান্টা খোঁচাই দিলেন,—টুকে রাখব? কেন আমাদের কি পরীক্ষা দিতে হবে নাকি!

না, দিতে হবে কেন, তার বদলে নিতেও ত পারেন! একটু হেসেই বললেন দাসমশাই,—ঘনরাম দাসকে একটু বেকায়দায় যদি চেপে ধরতে পারেন তাই বা মন্দ কি? সোরাবিয়া থেকে মারকুইস দে সোলিস এমন কি স্বয়ং পিজারো পর্যন্ত। সেই চেষ্টাই করেছিল। কিন্তু সে পরের কথা। আপাততঃ তাঁকে মোরালেসের

বাড়িতে ক্রীতদাস হিসেবে দেখেই আমাদের উঠতে হয়।

শ্রীধনশ্রী দাস আসন্ন ভেঙে উঠলেন। তাঁর সঙ্গে আর সবাই ?

রাত বেশ হয়েছে। সরোবরের তীরে তীরে মসলা মুড়ির মাহাত্ম্য আর তেমন ঘন-ঘন ঘোষিত হচ্ছে না। আইক্রীম ফেরিওয়ালার অদৃশ্য।

আমাদের পরিচিত সরোবর-সভা ভাঙবার পরই একটা ঝিঁঝিঁ হঠাৎ একটানা তীব্র ঘর্ষণ ধ্বনিতে সকলকে চমকে দিলে।

এতক্ষণ দাসমশাই-এর জগ্নেই সে যেন সাড়া দিতে সাহস করে নি।

আট

১৫২১-এ যোজকের নতুন সন্নিবেশ-আনা রাজধানী পানামায় পিজারো আর আলমাগ্রোর বন্ধু মোরালেসের বাড়িতে ঘনরামকে ক্রীতদাস হয়ে থাকতে আমরা দেখেছি,—পরের দিন সরোবরের সান্ন্যাসভায় শুরু করলেন শ্রীঘনশ্যাম দাস,—আর ‘স্বর্ষ কাঁদলে সোনা’-র দেশের সন্ধানে যাবার জন্তে যারা ব্যাকুল, তাদের একত্র মিলিয়ে পাথের সংগ্রহের উপযুক্ত ভূমিকা তৈরী করার ব্যাপারে তাঁর নেপথ্য হাত যে আছে তা অল্পমান করা আমাদের ভুল হয়নি।

পিজারো আর আলমাগ্রোর স্বপ্ন সার্থক হবার সম্ভাবনা সত্যিই ক্রমশ উজ্জল হয়ে উঠেছে। কিন্তু তাঁরা নিজেরাই বিস্মিত হয়েছেন অপ্রত্যাশিতভাবে নানাদিক থেকে ভাগ্য তাদের ওপর অল্পকূল হয়ে ওঠায়।

ভাইকার হার্নাণ্ডো দে লুকে তাঁদের দুই বন্ধুর প্রস্তাব শুনে সে বিষয়ে কিছু করা সম্ভব কিনা চেষ্টা করে দেখবেন বলে আশ্বাস দিয়ে গেছিলেন। কিন্তু তাঁর দিক থেকে কয়েক মাস কোনো সাড়াই পাওয়া যায়নি।

আসলে ভাইকার দে লুকে খুব প্রাণ খুলে কোনো আশ্বাস তাদের দেননি। এ-অভিযানের পরিকল্পনা যা শুনেছেন, তাতে তেমন কিছু উৎসাহবোধ করার বদলে তিনি তার সাফল্য সম্বন্ধে সন্দেহান্বিত হয়েছেন। পিজারো আর আলমাগ্রোর এ-রকম অভিযান চালাবার যোগ্যতা সম্বন্ধে সংশয় জেগেছে তাঁর মনে। যত উৎসাহীই হোক, দু জন প্রায়-বুড়ো, সম্পূর্ণ নিরক্ষর বাউণ্ডুলে ছাড়া ত তারা কিছু নয়। তাছাড়া আরো একটা কথা ভাবতে হয়েছে দে লুকে। নতুন মহাদেশ আবিষ্কৃত হবার পর থেকে আশাতীত অনেক কিছুই সন্ধান মিলেছে সত্যিই, কিন্তু কল্পনারঙিন কিংবদন্তী যে আশা জাগিয়েছে, তার একশতাংশের মধ্যে একটাও পূর্ণ হয়েছে কিনা সন্দেহ। বেশীর ভাগ ক্ষেত্রে লুক করে টেনে এনে ময়ীচিকার মতই আশ্চর্য সব দেশের ঘোষিত ঐশ্বৰ্যের সমারোহ হাওয়ায় মিলিয়ে গেছে।

দুঃসাহসী বেপরোয়া ভাগ্যাস্থেয়ীরা না হোক, তাদের অভিযানের খরচ যারা জোগায়, ভবিষ্যৎ লাভের আশায়, সেই মহাজনেরা অন্ততঃ একটু

সাবধান হয়ে হাত গুটিয়ে নিয়েছে তাই।

এ মহাজনীর কারবারে লাভ হলে অটেল হয় বটে, কিন্তু লোকসানের ঝঙ্কিও দারুণ। প্রথমত, অভিযান সফল হলেও কতদিনে হবে তার কোন ঠিকই নেই। এক-দু'বছর নয়, পাঁচ-দশ বছরেও লাভ দূরের কথা, যাদের ভরসায় টাকা খাটানো, তাদের মুখই হয়ত দেখতে পাওয়া যাবে না। বেঁচেবর্তেই তারা না থাকতে পারে। তখন যা-কিছু তাদের জগ্রে ঢালা হয়েছে, সবই জলাঞ্জলি। তাদের আরম্ভ-করা অভিযান হয়ত সফল হবে, কিন্তু ভিন্ন লোকের হাতে। তারা আমলই দেবে না আর কারুর সঙ্গে আগেকার কোন চুক্তিকে।

ফল হাতে পেয়ে গাছ পোঁতার দাবীদারকে তারা মানবে কেন ?

এত ঝঙ্কি সন্তোষে কল্পনার সোনার আশায় সত্যিকার সোনা প্রায় বিলিয়ে দেবার মত মহাজন তখন দু'চারজন ছিল। তা না থাকলে নতুন মহাদেশের রহস্য-যবনিকা দিকে দিকে কতদিনে গুটিয়ে তোলা হত কে জানে! অন্তত আবিষ্কৃত হবার মাত্র ত্রিশ বছরের মধ্যে সেই পাল-তোলা জাহাজের যুগে এই বিরাট অজানা মহাদেশের উত্তরের লাভ্রাডর থেকে দক্ষিণের শেষ বিন্দু টেরা ডেল ফুয়েগো পর্যন্ত উদঘাটিত হয়ে ১৫২১-এ স্পেনের পতাকা বয়ে পোর্টুগীজ নাবিক ম্যাগেলানের পক্ষে পশ্চিম সমুদ্রে যাবার সেই পরমবাস্তিত প্রণালী খুঁজে পাওয়া সম্ভব হত না।

তেমনি এক মহাজন একদিন হঠাৎ দে লুকের কাছে নিজে থেকে এসেছেন। কি আলাপ তাঁদের মধ্যে হয়েছে তা বলা যায় না কিন্তু পিজারো আর আলমাগ্রো নিবিড় অন্ধকারে হঠাৎ আলোর রেখা দেখতে পেয়েছেন।

দে লুকে তাঁদের অভিযানের বিস্তারিত পরিকল্পনা ছকে দেখাতে বলেছেন।

খরচা কি তাহলে সত্যিই পাওয়া যাবে? দেবেন দে লুকে সে টাকা?— ব্যাকুলভাবে জিজ্ঞাসা করেছেন পিজারো আর আলমাগ্রো।

হ্যাঁ, পরিকল্পনা বিচার করে তারপর টাকার ব্যবস্থাটা হতেও পারে। ভাঙ্গা ভাঙ্গা ভাবে বলেছেন দে লুকে। স্পষ্ট কোনো আশ্বাস দেননি।

দেবেন কোথা থেকে! আশ্বাস দেবার আসল মালিক ত তিনি ন'ন। তবে পরিকল্পনাটা সত্যিই খোলা মন নিয়ে তিনি বিচার করে দেখবেন। তাঁর সে বুদ্ধি-বিচক্ষণতা আর সাধুতার স্নানম ইতিমধ্যেই পানামায় অনেকের কাছে পৌছেছে।

কিন্তু বিচার করে দেখবেন কার হয়ে? নেপথ্য থেকে সত্যিকার চাবিকাঠি নাড়বার এই মানুষটি কে ?

ইচ্ছে করেই যিনি নিজেকে নেপথ্যে আড়াল করে রাখেন তিনি কি নিজে থেকেই এই ব্যাপারে হঠাৎ আকৃষ্ট হয়ে বিস্তারিত সন্ধানের উত্থোগ করলেন ?

তা যদি না হয়, তাহলে তাঁর গোপন পরিচয় খুঁজে বার করে কে তাঁর কৌতূহল এইটুকু পর্যন্ত উসকে দিল ? দিলই বা কি ভাবে !

তা জানবার উপায় নেই। তবে মাল্‌ঘাটের নাম ইতিহাসের অগোচরেই থেকে যায় নি। ঐতিহাসিকেরা তাঁকেও স্মরণীয় করে রেখেছেন। নাম তাঁর গ্যামপার দে এসপিনোসা। শুধু নেপথ্য থেকে অভিযানের খরচাই তিনি যোগান নি, একদিন ‘স্বর্ষ কাঁদলে সোনা’র দেশে তাঁকে সশরীরে উপস্থিত থাকতেও দেখা গেছে। কিন্তু সে ঘটনা তখন ভবিষ্যতের অন্ধকার গর্ভে বিলীন।

পিজারো আর আলমাগ্রো তখন তাঁদের পরিকল্পনাটা ছকে ফেলেছেন। কিন্তু দুজনেই ত সমান পণ্ডিত ! মুখে মুখে ছকলেই ত হবে না, তা কাগজে কলমে তোলা চাই।

সেই কাজটা মোরালেসের বাড়িতেই হয়েছে। সন্ধ্যা সকাল দু’বেলা তিন বজুর বৈঠক বসেছে, সব কিছু ভেবে চিন্তে স্থির করে লিখে ফেলবার জন্তে। আলোচনা করেছেন সবাই আর লেখার কাজটা করেছেন মোরালেস।

নিজে প্রত্যেক দিনের লেখা পরের দিন পড়িয়ে শুনিয়েছেন মোরালেস, দরকার মত নতুন কিছু সংশোধন করার জন্তে।

নিজের লেখা পড়তে গিয়েই কিন্তু অবাক হয়েছেন এক একদিন। সম্ভব হলে অভিযান কোন্ সময় নাগাদ শুরু করবেন আগের দিন আলোচনা করে তা লেখা হয়েছিল বলেই সংকল্পের ধারণা। নভেম্বর মাসই উপযুক্ত সময় বলে তাঁরা ঠিক করেছিলেন। কিন্তু পড়তে গিয়ে নভেম্বর মাসটা কাটা দেখে প্রথমটা বেশ একটু ধোঁকাই লেগেছে। লেখাটা কখন কাটলেন মনে করতে পারেন নি। তেমন কিছু গুরুত্ব অবশ্য এ ব্যাপারে সেদিন দেন নি। নিজেই ভুলে কখন কেটেছেন এখন মনে নেই, এইরকমই ধরে নিয়েছেন।

পরের বার কিন্তু বেশ একটু হতভম্বই হয়েছেন নিজের লেখা পড়তে গিয়ে। এ দেশের আদিম অধিবাসীদের কাছে আঁবছা যে সব বিবরণ এ পর্যন্ত সংগৃহীত হয়েছে তাঁর অধিকাংশতেই পানামার যোজক ছাড়িয়ে দক্ষিণ-মুখে গুয়েত্তো দে পিনাস্-এর পর কিছুটা অগ্রসর হলে বীরু নামে একটি নদী পাবার কথা জানানো আছে।

এই ‘বীরু’ নদীর নাগাল পেলেই তাঁদের সন্ধান সহজ হয়ে যাবে বলে তিন

বন্ধুই মনে করেছেন। মোরালেস কাগজে লিখেছিলেনও তাই।

লিখেছিলেন—বীরু নদী আমাদের লক্ষ্য! তার শ্রোত বেয়েই রহস্যরাজ্যের সন্ধান আমরা পাব।

পড়তে গিয়ে দেখেন, দ্বিতীয় সেক্টস-এর আগে 'হয়ত' শব্দটা বসানো। হাতের লেখাটা ছবছ যেন তাঁরই কিন্তু এ কথা লিখেছেন বলে তিনি স্বরণ করতেই পারেন না।

ওই একটা শব্দে সমস্ত বাকাটার অর্থ একেবারে বদলে গেছে। সেটা দাঁড়িয়েছে, 'বীরু নদী আমাদের লক্ষ্য। হয়ত তার শ্রোত বেয়েই রহস্য-রাজ্যের সন্ধান আমরা পাব।'

এ 'হয়ত' শব্দ বসিয়ে তাঁদের বিশ্বাসকে অমন দুর্বল করে দেখানো ত তাঁদের পক্ষে অসম্ভব! ভুলেও মোরালেস তা করতে পারেন না।

তাহলে আর কেউ কি তাঁর এ লেখার ওপর কলম চালাচ্ছে!

কিন্তু কে তা চালাতে পারে, আর চালাবেই বা কেন?

মোরালেস বয়সে পিজারো আর আলমাগ্রোর প্রায় সমান হলেও নানা রোগে ভুগে বড় বেশী ভেঙে পড়ে অথর্ব হয়ে গেছেন। তা না হলে পিজারোর অভিযানের শুধু পরিকল্পনা করেই তিনি ক্ষান্ত থাকতেন না।

ভাঙা শরীর নিয়েও মোরালেস কিন্তু স্পেনে ফিরে যান নি। শরীর অক্ষম হলেও অজানা মহাদেশের মোহে তাঁর মন এখনও আচ্ছন্ন। সেই দেশে উত্তেজনার উৎস-মুখেই তিনি জীবনটা কাটিয়ে যেতে চান।

প্রায় একলাই তিনি পানামায় একটি বাসা নিয়ে থাকেন। পানামার দপ্তর-খানায় তাঁর এক দূরসম্পর্কের ভাইপো কাজ করে। সে মাঝে মাঝে কাকার সঙ্গে দেখা করে যায় মাত্র। তাঁকে দেখাশোনা আর তাঁর ফাইন্স-মাস খাটার কাজ এক ক্রীতদাসই করে।

অসম্ভব হলেও, তাঁর সেই ভাইপো পেড্রো কোন সময়ে এসে তাঁকে না পেয়ে কাগজগুলোর ওপর কলমবাজি করেছে এইটুকু মাত্র ভাবা যেতে পারে।

পেড্রো এসেছিল কিনা জানবার জন্তে তাই তিনি ক্রীতদাসকে ডাক দেন।

একবার ছুঁবার তিনবার ডাকেও তার কিন্তু সাড়া পাওয়া যায় না।

'গানাদো' বলে বেশ উদ্বিগ্ন হয়ে আর একবার ডেকে মোরালেস উঠে পড়েন।

না মোরালেসের ক্রীতদাস গানাদোর কোন পাশা পাওয়া যায় না। বাড়িতে সে নেই। একদিন খোঁজ-খবরের পর জানা যায় পানামা থেকেই সে উধাও।

হঠাৎ লোকটা গেল কোথায় ? কোন স্পর্ধায় সে যায় !

পিছারো বন্ধুকে ক্রীতদাসের পালানোটা সরকারী দপ্তরে জানিয়ে রাখতে বলেন, ধরতে পারলে যাতে ঠাণ্ডা করে দেয় মার দিয়ে ।

মোরালেস হেসে বলেন,—কি জানাবো দপ্তরে ? ওকি আমার সত্যিকার নিজের কেনা ক্রীতদাস ! তোমরা হয়ত খেয়াল করেনি, মাত্র বছর দুয়েক লোকটি আমার কাছে কাজ করছে । আমার আগের ক্রীতদাস মারা যাবার পর লোক খুঁজছিলাম । হঠাৎ একদিন নিজে থেকেই এসে জানালে সে ক্রীতদাস । কিউবা থেকে পালিয়ে এসেছে গোরু ভেড়ার জাহাজে লুকিয়ে । নামও বললে গানাদো । জানালে আমার কাছে গোলাম হয়ে থাকতে চায় । পালিয়ে-আসা ক্রীতদাস নতুন মহাদেশে অগ্নিনিহিত আছে । নিজে থেকে তার সে কথা স্বীকার করাতেই অবাক হলাম । কেউ তা করে বলে আমার জানা নেই । কিউবার গোলামদের ওপর অধিকাংশ মনিবের বাড়িতে অকথ্য অত্যাচার হয় আমি জানি । লোকটাকে দেখে পছন্দ হওয়ায় তাই এক কথায় নিয়ে নিলাম । সেজগ্রে আশ্চর্য্য হয়নি কখনো । একদিনের জগ্রে তার এতটুকু গাফিলি কি বেচাল দেখি নি । আজ যদি নিজের খুশিতেই চলে গিয়ে থাকে আমার নালিশ করবার কিছু নেই ।

মোরালেস নালিশ করেন নি কোথাও । কিন্তু তাঁর অত গুণের ক্রীতদাসের হঠাৎ তাঁকে ছেড়ে যাওয়ার কোন কারণও খুঁজে পান নি । তাঁর কাছে কোন রকম দুর্ব্যবহার সে ত পায় নি । লোকটির নিজস্ব একটা আত্মমর্খাদাবোধই ছিল । তাকে কোন বিষয়ে সামান্য একটু ভর্ৎসনাও করবার প্রয়োজন কখনো হয় নি । অতিরিক্ত পরিশ্রমও তাকে দিয়ে কখনো করিয়েছেন এমন নয় । নামে ক্রীতদাস হলেও বাড়ির লোকের মতই তাকে দেখেছেন । তার এভাবে চলে যাওয়া সত্যিই একেবারে দুর্বোধ্য । যা আগে ভাবতে পারেন নি সেরকম কোনো রহস্য লোকটির মধ্যে ছিল বলে মোরালেসের এতদিনে ক্ষীণ একটা সন্দেহ জাগে ।

ঘনরামের হঠাৎ চলে যাওয়ার কারণ খুঁজে পাওয়া সত্যিই একটু কঠিন । মোরালেসের বাড়ির বৈঠকে লেখা পরিকল্পনা গোপনে সংশোধন করে তা ধরা পড়বার ভয়েই কি ঘনরামকে পালাতে হয় ?

কারণটা খুব বিখ্যাসংযোগ্য মনে হয় না এই জগ্রে যে তাঁকে মোরালেস বা আর কেউ ঘৃণা করেও সন্দেহ করেন নি । ধরা পড়বার অত ভয় থাকলে ওরকম কাজ তিনি করতে যেতেন কি ।

নেহাৎ অহেতুক খেয়াল যদি না হয় তাহলে পানামা শহরে সম্মানিত এক অতিথি দম্পতির আসার সঙ্গে ঘনরামের নিরুদ্দেশ হওয়ার কোন সম্পর্ক থাকি : কি সম্ভব ?

পানামার গভর্নরের অতিথি হয়ে সত্যিই তখন কিছুদিনের জন্তে কেওকেটারদের একজন সঙ্গীক এসেছেন বটে।

কিন্তু মার্কুইস গঞ্জালেস দে সোলিস আর তাঁর স্ত্রী যে মহলের লোক মোরালেস কি তাঁর বন্ধুরাই সেখানে কবে পান না। মোরালেসের ক্রীতদাসের সঙ্গে ওই রাজাগজাদের কি সম্পর্ক থাকতে পারে ?

সম্পর্ক কিছু না থাকুক গভর্নরের শাদা ঘোড়ার জুড়ি গাড়িতে পানামার বাজারের রাস্তা দিয়ে যেতে যেতে একদিন সকালে মার্শনেস-কে হঠাৎ চমকে উঠতে দেখা গেছে।

কি হল ? — স্ত্রীর অকারণ চমকটা লক্ষ্য করে জিজ্ঞাসা করেছেন মার্কুইস গঞ্জালেস দে সোলিস।

কিন্তু নয় বলে মার্শনেস কথাটা চাপা দিয়েছেন। মুখে আর কিছু না বললেও মার্কুইস কিন্তু স্ত্রীর কৈফিয়তে সন্তুষ্ট হন নি। দিন তিনেক বাদে একদিন সকালে মার্শনেসকে কি খেরালে, অনেক আগেই বেড়াতে বেরিয়ে পড়তে দেখা গেছে গাড়ি ডাকিয়ে।

গভর্নরের রাজকীয় অতিথিশালার স্বামী ও স্ত্রীর ঘর পাশাপাশি। মার্কুইস যথাসময়ে তৈরী হয়ে স্ত্রীর ঘরে এসে কাউকে দেখতে পান নি। মার্শনেস-এর পরিচারিকার কাছে খোঁজ নিয়ে স্ত্রীর অনেক আগে একা বেরিয়ে যাওয়ার খবর জানতে পেরেছেন।

মার্শনেস কি কিছু বলে গেছেন ?

হ্যাঁ, পানামা বন্দরের দিকটা দেখতে যাচ্ছেন এ কথা জানাতে বলে দিয়েছেন। মার্কুইস-এর ত এই ছেলেখেলার বন্দর দেখবার কোন আগ্রহ নেই। তাই তাঁকে ডেকে বিরক্ত না করে মার্শনেস একাই গেছেন।

কেউ দেখলে মার্কুইস বিরক্ত না হয়ে খুশিই হয়েছেন মনে করত তাঁর মুখের হাসি দেখে। হাসিটা শুধু সামান্য একটু বাঁকা।

সম্মানিত অতিথিযুগলের জন্তে বরাদ্দ করে রাখা পানামার হর্তাকর্তা ডন পেড্রো আরিয়াস দে আন্ড্রিয়া ওরফে পেড্রোরিয়াসের দুধের মত শাদা ঘোড়ার জুড়ি গাড়িটাকে পানামা বন্দরের দিকে যেতে সেদিন সকালে সত্যিই দেখা গেছে।

গাড়িতে মার্শনেসই শুধু নেই।

একলা ঘোড়ায় চেপে বেরিয়ে মার্কুইস গঞ্জালেস দে সোলিস শহর থেকে বন্দরে যাবার নির্জন পথেই মার্শনেসকে সেদিন দেখতে পেয়ে যেন চমকে গেছেন।

সে কি! তুমি এখানে দাঁড়িয়ে! তুমি গাড়ি নিয়ে বন্দর দেখতে গেছ স্তন্যাম!

হ্যাঁ তাই যাব ভেবেছিলাম। —সুন্দরী মার্শনেস বিন্দুমাত্র অপ্রতিভ না হয়ে বলেছেন,—হঠাৎ এই নির্জন জায়গাটার নেমে একটু হাঁটতে ইচ্ছে হল।

হ্যাঁ, চমৎকার জায়গা। নামতে ইচ্ছে হবার মত! মার্কুইস স্বীকার করেছেন,—এদিকে জলাটার একটু পচা দুর্গন্ধ আর কাঁচা রাস্তাটা একটু এবড়ো-খেবড়ো। কিন্তু প্রাকৃতিক সৌন্দর্যের জন্তে গুরুত্ব একটু আঁধাটু খুঁত অন্যায়সে সহ্য করা যায়। আর নিজে না যাও গাড়িটাকে পাঠিয়ে খুব ভালো করেছ। ঘোড়াগুলো বন্দর ঘুরে ত আসবে! ওই যে ফিরছে দেখছি।

গাড়িটা ফিরে এসে কাছে দাঁড়ালে সহিস এসে দরজা খোলার পর ঘোড়া থেকে লাফ দিয়ে নেমে নিখুঁত আদবকায়দায় স্ত্রীকে হাত ধরে ভেতরে বসিয়ে দিয়ে আবার ঘোড়ায় চেপে গাড়ির পাশাপাশি যেতে যেতে যেন তুচ্ছ অবাস্তব একটা কথা জানিয়েছেন মার্কুইস।

বলেছেন,—তুমি অত সকাল সকাল বেরিয়ে গেছ দেখে আমিও একটা কাজ সেরে ফেললাম ওই অবসরে।

যে প্রশ্নটা এবার আসা উচিত তার জন্তে সামান্য কয়েক মুহূর্ত সময় দিয়েছেন মার্কুইস গঞ্জালেস দে সোলিস।

মার্শনেস সে প্রশ্ন করেন নি। সামনের দিকে চেয়ে কিসের ভাবনায় যেন তিনি অগ্নমনস্ক।

মার্কুইস নিজে থেকেই আবার নির্লিপ্ত তাজিলোর সঙ্গে বলেছেন,—দপ্তরে গিয়ে পালিয়ে-আসা গোলামটাকে রাস্তায় যেন দেখেছি মনে হওয়ার কথা জানিয়ে এলাম। পরিচয়, চেহারার বর্ণনা দিয়ে নামটা যেন দাস ছিল তাও বলে এসেছি। গভর্নরের অতিথির মান রাখতে কোথায় কার কাছে গোলামটা আছে ওরা ঠিক খুঁজে বার করবে। গোলামদের সব খবর লেখা একটা পাকা খাতাই ওদের আছে।

মার্শনেসকে আগেকার মতই অগ্নমনস্ক মনে হয়েছে। মুখটা একটু ফেরান নি, এমন কি একটা শব্দও তাঁর মুখে শোনা যায় নি।

গাড়িটা শুধু একটা গর্তের মধ্যে পড়েই বোধহয় একটু লাফিয়ে উঠেছে।
মার্শনেস কেঁপে উঠেছেন নিশ্চয় তাতেই।

ঘনরাম দাসকে গভর্নরের মাননীয় অতিথি মাকুঁইস গঞ্জালেস দে সোলিস-এর
মত লোকের পানামার পুলিশকে দিয়ে খোঁজাবার এত গরজ কিসের ?

গভর্নরের অতিথির সম্মান রাখতে পুলিশ চেষ্টার ক্রটি অবশ্য করেনি কিন্তু
মাকুঁইসের বর্ণনার সঙ্গে মেলে এমন কারুর সন্ধান পায় নি। তাদের পাকা
খাতাতেও নামটা না থাক ওরকম কোন ক্রীতদাসের বিবরণ নেই। থাকার
কথাও নয়, কারণ ঘনরাম মোরালেসের কাছে নিজে থেকে এসে যখন কাজ
নিয়েছেন, মোরালেস পলাতক বলেই তার খবর দপ্তরে জানান নি। ঘনরাম
নিরুদ্দেশ হবার পরও আগেকার মতই নীরব থেকেছেন। সুতরাং নেহাৎ
সামনাসামনি কেউ ধরিয়ে না দিলে পুলিশের পক্ষে ঘনরামের পাত্তা পাওয়া
অসম্ভব।

হাতে হাতে কেউ ধরিয়ে দেবে এই ভয়েই কি ঘনরামকে একবেলার মধ্যে
পানামা থেকে অমন নিরুদ্দেশ হতে হয় ?

সামনাসামনি যে তাঁকে চিনে নির্জন একটা রাস্তায় দাঁড় করায় সে অবশ্য
পুলিসকে জানাবার ভয়ই দেখিয়েছিল।

বলেছিল,—নিয়তিকে এড়িয়ে পালান যায় না, বুঝেছ, আমার চোথকেও
ফাঁকি দিতে। বলো এখন কি করব ? পুলিশকে এখনই সব জানানো আমার
উচিত নয় কি ?

পুলিসের কাছে ধরা পড়বার ভয় ঘনরামের জবাবে তখন খুব প্রকাশ কিন্তু
পায় নি।

গোলামের পক্ষে অত্যন্ত অশোভনভাবে সোজা মার্শনেসের মুখের দিকে
তাকিয়ে তিনি বলেছিলেন,—উচিত কাজ করতে কবে আপনি পেছপাও
হয়েছেন মার্শনেস !

মার্শনেস ! আপনি ! —হেসে উঠেছিল মার্শনেস।

মার্শনেস বলেই ত আরো আপনি। তাছাড়া তুমি বলায় ঘনিষ্ঠতা কোনদিন
আপনার সঙ্গে ছিল বলে ত মনে করতে পারছি না। —ঘনরামের মুখের হাসির
দরুনই কথাটা তেমন তিস্ত মনে হয় নি।

চার হাজার মাইল দূরে চার মিনিটের দেখাও এসব কথা কাটাকাটির সময়
নেই দাস।—হঠাৎ গম্ভীর হয়ে তীব্র স্বরে বলেছিল মার্শনেস,—ভাগ্য যখন

তোমায় আবার আমার হাতের মুঠোয় এনে দিয়েছে তখন আর আমি তোমায় ছাড়ব না এটুকু জেনে রাখো। অপরাধের জন্তে মাপ চেয়ে কান্নাকাটি করার মেয়ে আমি নই। আমার জন্তে তোমার যদি অশেষ দুর্গতি হয়ে থাকে তোমার জন্তেও আমি তার চেয়ে কম দুঃখ পাইনি।

একটু থেমে ঘনরামের চোখের দৃষ্টিটা লক্ষ্য করে আরো যেন জলে উঠে মার্শনেস বলেছিল, এই ঐশ্বর্য এই বিলাস এই নাম এই সম্মান সৌভাগ্য এই যদি আমার স্বখ বলে মনে করতাম তাহলে একটা ক্রীতদাসের সঙ্গে গোপনে কথা বলবার জন্তে—যা আমার নেই সেই লজ্জার কথা বলছি না,—অপরের মান-সম্মান, নিজের অহঙ্কার সব বিসর্জন দিয়ে এখানে ভিথিরীর মত দাঁড়িয়ে থাকতাম না। শোনো দাস তোমাকে আমার চাই। তুমি আমার জন্তে যা সয়েছ তার চেয়ে অনেক বেশী আমি সহ করতে প্রস্তুত। এ নতুন মহাদেশ বিরাট, বিশাল, সম্পূর্ণ অজানা। এখানে যদি আমরা স্বেচ্ছায় হারিয়ে যেতে চাই তাহলে সমুদ্রের বালির চড়ায় দুটো চিনির দানার মত কেউ আমাদের খুঁজে পাবে না কোনদিন। আমরা হারিয়েই যাবো সেই রকম। আজই সন্ধ্যায় তুমি তৈরী হয়ে আসবে। এখানে নয়।

বন্দরে যাবার নাম করে গাড়িটা সেখানে পাঠিয়ে তোমার জন্তে আমি এখানে নেমে দাঁড়িয়ে আছি। এখান দিয়ে বাজার থেকে তুমি ফেরো লক্ষ্য করেছি দুদিন। আজ তোমার বাজারে যাবার আগেই তাই আরো ভোরে এসে অপেক্ষা করছি এই ক'টা কথা বলব বলে। ভালো করে কথাগুলো শুনে নাও।

বন্দর থেকে নিকারাগুয়া-র নতুন উপনিবেশে কাল ভোরে একটা ত্রিগানটাইন যাচ্ছে। গভর্নরের গাড়ির কোচোয়ানকে বকশিশ দিয়ে যেন আমাদের একজন অহুচরকে সস্ত্রীক সে জাহাজে পাঠাবার ব্যবস্থা ভাড়া দিয়ে করিয়ে রেখেছি। নিকারাগুয়া থেকে কোস্টারিকা কি ভেরাগুয়া যেখানে খুশি আমরা গিয়ে বাসা বাঁধতে পারব। কেউ আমাদের বাধা দিতে পারবে না।

আজ দুপুরে মাকু ইস গভর্নরের সঙ্গে শিকারে যাচ্ছে। আমার ওপর এর মধ্যেই তার সন্দেহ হয়েছে কিন্তু সন্দেহ যতই হোক আমার সব কিছু বিসর্জন দিয়ে এ অকূলে ঝাঁপ দেওয়ার কথা তার মত মানুষ ভাবতেই পারবে না। তাই আজ সটান আমাদের অতিথিশালায় তুমি আসবে সন্ধ্যার পর। তোমার আগার সব ব্যবস্থা আমি করে রাখব। যাও, আর এখানে দাঁড়িয়ে কথা বলতে সাহস হয় না। শুধু কথা দিয়ে যাও সন্ধ্যায় তুমি আসবে!

ঘনরামের চোখের দৃষ্টি কেমন অতল হয়ে উঠেছিল। শাস্ত গম্ভীর স্বরে বলেছিলেন,—এতবড় সৌভাগ্য আমি পায়ে ঠেলেতে পারি!

তাহলে এখনই গিয়ে তৈরী হও। গাঢ় স্বরে বলেছিল মার্শনেস,—সারা-জীবনের পাওয়ার আশা না থাকলে এতদিন বাদে এইটুকু পেয়ে নিজেই তোমায় ঠেলে সরিয়ে দিতে পারতাম না।

আর কিছু না বলে ঘনরাম বাজারের দিকেই চলে গিয়েছিলেন।

মার্কুইস গঞ্জালেস দে সোলিস কিছুক্ষণ বাদে ঘোড়ার চেপে এসে স্ত্রীকে এইখানেই পেয়ে কি বলেছিলেন আমরা জানি।

মার্কুইস আর যাই বুঝে ফেলে থাকুন, মার্শনেস যে বাজারে এক কসাই-এর দোকানে চকিতে একবার ঘনরামকে দেখবার পর থেকে তার গতিবিধির অতখানি খবর নিয়ে তার সঙ্গে সত্যি সত্যিই দেখা করতে সাহস করেছে আর দেখা হওয়ার আগেই অত বড় একটা হুঃসাহসিক ফন্দি সফল করবার নিখুঁত ব্যবস্থা করে ফেলেছে, এতখানি কল্পনা করতেও পারেন নি।

নিশ্চিতভাবেই গভর্নর পেড্রারিয়াসের সঙ্গে নতুন মহাদেশের বা কুমির সেই কেমান শিকারে বেরিয়ে গেছেন।

তার মানে! ঘনশ্যাম দাস একটু দম নেবার জন্তে থামতেই জিজ্ঞাসা করেছেন মেদভারে বিপুল ভবতারণবাবু,—ঘনরাম ওই নিকারাগুয়ায় যাবার জাহাজে ওই মার্শনেস-এর সঙ্গেই পালিয়ে যান বলে পানামায় আর তাঁর পাঁচটা পাওয়া যায় না?

এইটুকু আর বুঝতে পারেন নি! —কুস্তুর মত উদরদেশ য়ার স্ফীত সেই রামশরণবাবু বিশ্বয় প্রকাশ করলেন ভবতারণবাবুর সরলতায়,—ঘনরাম নিজেই কি বলেছিলেন, মনে নেই? ‘এত বড় সৌভাগ্য কি আমি পায়ে ঠেলেতে পারি!’

হ্যাঁ ঠিক ঠিক! রামশরণবাবুর বিচক্ষণতা স্বীকার করে ভবতারণবাবু বেশ একটু গর্বভরে বলেছেন,—আমি কিন্তু ওই ছুঁড়টাকে বুঝে ফেলেছি!

ভাষা! ভাষা সামলান, ভবতারণবাবু! শিবপদবাবু সাবধান করেছেন,—কাকে কি বলছেন! উনি মার্শনেস, সে খেয়াল আছে! মার্শনেস কি মার্কুইস-এর মর্ষাদা কত ধাপ ওপরে তা জানেন কিছু? আল আর ডিউকের মাঝামাঝি।

তার মানে পদ্মভূষণ গোঁছের! সরলভাবে বলেছেন য়ার উদরদেশ কুস্তকে লজ্জা দেয় সেই রামশরণবাবু,—ওই পদ্মশ্রী আর পদ্মবিভূষণের মাঝখানে।

না, না ওসব শূললোকের ত্রিশকু গোছের কিছু নয়। শিবপদবাবু ব্যাখ্যা করে বোঝাবার এ সুযোগ ছাড়েনি,—তখনকার দিনে বেশ শাসালো না হলে ওই আল, মার্কু'ইস, ডিউক আর মার্শনেস ডাচেস কেউ হত না। বনেদী বড় ঘর বড় ঘরোয়ানা, অগাধ বিষয়সম্পত্তি, নিদেনপক্ষে দেশের মানে সম্রাটের জন্তে দারুণ কোনো কীর্তির জন্তেই এ সম্মান সম্রাট অল্পগ্রহ করে বিতরণ করতেন। মার্কু'ইস গঞ্জালেস দে সোলিস এইরকম একটা মন্ত কেউ না হলে ওই বয়সে ও খেতাব পেতেন না। বয়স ত যা সুনলাম তাতে খুব বেশী মনে হচ্ছে না। তবে ই্যা পৈতৃক খেতাব হতে পারে !

দাসমশাই নীরবে ঈষৎ হাস্তকুক্ষিত মুখে সভাসদদের আলোচনা শুনছিলেন, এবার নিজের টীকা যোগ করে বলেছেন,—না, পৈতৃক নয়, স্বোপার্জিত খেতাব ! স্বয়ং সম্রাট পঞ্চম চার্লসের কাছেই পাওয়া। তাও স্পেনে নয় ইটালীতে। সম্রাট নিজের দেশ স্পেনের চেয়ে সেখানে থাকটা বেশী পছন্দ করতেন আর একটু ফাঁক পেলেই ছুট করে গিয়ে হাজির হতেন। সম্রাটের মেজাজ মর্জি তখন একটু বেশী খুশি ছিল। পাভিয়ার যুদ্ধে তাঁর জন্মশত্রু ফ্রান্সের রাজাকে শুধু হারাননি, বন্দী পর্বন্ত করেছেন। সেই সঙ্গে জার্মানীর সিংহাসনও তাঁর অধিকারে এসেছে। অনেকেই ধারণা সম্রাটকে এই দিলদরিয়া মেজাজে ইটালীতে গিয়ে ধরার কৌশলেই গঞ্জালেস আলগিরি ডিক্রিয়ে একেবারে মার্কু'ইস হয়ে ওঠেন। শুধু যে সম্রাট নিজে খোশমেজাজে ছিলেন তা নয়, তাঁর সান্নিপাতদের মধ্যে বিজ্ঞ বিচক্ষণ মন্ত্রী বা সভাসদদের কেউও ছিলেন না। হাতের কাছে উণ্টে দেখবার মত দপ্তরের কাগজপত্র নেই, তার ওপর খাইয়ে দাইয়ে তোয়াজ করে বশ-করা সম্রাটের খোশামুদে মোসায়েরবদের সুপারিশে সম্রাট বোঁকের মাথায় উদার হয়ে দরাজ হাতে অতবড় খেতাবটা দিয়ে ফেলেছেন। সত্যি কথা বলতে গেলে নতুন মহাদেশ সম্বন্ধে তখন বিশেষ কিছুই খবর তিনি রাখেন না, রাখার প্রয়োজনও বোধ করেননি।

অত হাঁকডাক সত্ত্বেও নতুন মহাদেশ থেকে যা এপর্ষন্ত পেয়েছেন ; আশাটা বড় বেশী ফাঁপানো ছিল বলেই তা আহামরি কিছু নয় বলে মনে হয়েছে। কোর্টেজ মেক্সিকো জয় করে যা পাঠাচ্ছেন, তাতে তবু নতুন মহাদেশের একটু যা মান বেঁচেছে। নইলে স্পেন ফ্রান্স জার্মানী আর ইতালীর অধিকার নিয়ে ইউরোপই তাঁর কাছে বেশী দামী। খানিকটা খোশ মেজাজে আর কিছুটা হেলায় ছেদ্য অল্পগ্রহটা বাড়াবাড়ি হয়ে যাচ্ছে কিনা তিনি খেয়ালই করেননি।

ভাবতেই পারেননি যে, একদিন তাঁর খেয়ালের ফলে কোথাকার জল কোথায় পর্যন্ত গড়াবে, আর তার কেলেঙ্কারী মুছে ফেলতে সরকারী মহাফেজখানার হাড়ে দুর্বো গজাবার অবস্থা হবে কতখানি।

কিন্তু ওই কি বলে,—মনের মত সঘোঁষনটা কোনরকমে একেবারে জিভের উগায় রুখে দিয়ে ভবতারণবাবু বলেছেন—ওই মার্শনেস মেয়েটাকে কিছু বোঝা গেল না কিন্তু। যাই হোক সময়মত ঘনরামকে ঠেলে বিদেয় করে দিয়েছিল এই ভাগিয়া। নইলে ওই মাকুঁইস গঞ্জালেস একবার হাতে পেলে জ্যাস্ত ছাল ছাড়িয়ে নিত বলেই ত মনে হয়।

সত্যি জ্যাস্ত ছাল ছাড়িয়ে নিতে চেয়েছিল কিন্তু মাকুঁইস নয়, আরেকজন।—বলেছেন শ্রীঘনশ্যাম দাস,—আর মার্শনেস সাবধান করে না দিলেও ধরা দেবার জন্তে ঘনরাম ওখানে দাঁড়িয়ে থাকতেন না। কারণ মাকুঁইস আর মার্শনেসকে এর আগেই দেখে তিনি চিনে রেখেছেন। মার্শনেস যেদিন বাজার দিয়ে গাড়ি চালিয়ে যেতে যেতে ঘনরামকে দেখেন, সেদিন অবশ্য নয়।

তখনও পর্যন্ত পানামার গভর্নরের মাননীয় অতিথি আসবার গুজব তিনি রাস্তায় বাজারে শুনেছেন মাত্র। বিদেশবিভূঁয়ে ছোট জায়গায় যেমন হয় মাকুঁইস গঞ্জালেস দে সোলিস সঙ্কে অতিরঞ্জিত কিছু গল্পও তখন পানামায় চাউর হয়েছে। মস্ত নাকি তিনি বীর। ফ্রান্সের রাজার সঙ্গে যুদ্ধে, না কটেজের সঙ্গে মেক্সিকো অভিযানে অসাধারণ বীরত্ব দেখিয়ে সম্রাটকে একেবারে মুগ্ধ করে হঠাৎ এই খেতাব পেয়েছেন।

ফ্রান্সের রাজার সঙ্গে পাভিয়ার যুদ্ধের কথা ঘনরাম কিছু জানেন না, কিন্তু কটেজের অভিযানে অতবড় কীর্তি কেউ করলে তাঁর নাম ঘনরামের অজানা থাকবার কথা নয়। গঞ্জালেস দে সোলিস বলে কাউকে তিনি স্বরণ করতে পারেননি।

মাকুঁইস কোন্ কীর্তির জ্বোরে এমন হাউই-এর মত উঠেছেন ঘনরাম তা নিয়ে অবশ্য মাথা ঘামাননি। মাকুঁইসের পত্নীভাগ্যও যে অসাধারণ, তাঁর স্ত্রী মার্শনেস নাকি অপরূপ সুন্দরী, এ-রটনাও উনি শুধু কান দিয়ে শুনেছেন মাত্র।

প্রথম দিন গভর্নরের শাদা জোড়াঘোড়ায় টানা গাড়ি রাস্তা দিয়ে চলে যাবার পর তাঁর সেদিকে দৃষ্টি পড়েছিল। বে-কসাই-এর কাছে মোরালেসের জন্তে মাংস কিনতে গেছিলেন, সে-ই আঙুল তুলে একটু উত্তেজিতভাবে বলেছিল—ওই যে গভর্নরের খাস গাড়িতে মাকুঁইস আর মার্শনেস যাচ্ছেন।

ঘনরাম তখন সামনের দিকেই ফিরে দাঁড়িয়ে কসাইকে দেবার পেসেটঃ গুণছিলেন। মুখ তুলে যখন তিনি তাকিয়েছিলেন, তখন গাড়িটা বেশ দূরেই চলে গেছে। মার্কু ইস আর মার্শনেস-এর পিঠের দিকই তিনি দেখতে পেয়ে-ছিলেন। না, মার্শনেস-এর ঠিক পিঠ নয়। কারণ, সেই তিনি সব পেছন দিকে কি যেন দেখে যাড় ঘুরিয়ে নিচ্ছেন।

ওই চকিতে ঘুরিয়ে নেওয়া মুখ দেখে ঘনরাম চিনতে কাউকে অবশ্য পারেননি।

চিনেছেন সেইদিনই বিকেলবেলা গাড়িটা আবার বাজার দিয়েই যাবার সময়। গাড়িতে মার্শনেস তখন একা। তিনি যে বেশ উদগ্রীব হয়ে রাস্তার পাশের দোকানগুলি লক্ষ্য করতে করতে যাচ্ছেন, তা দূর থেকেই ঘনরামের নজরে পড়েছে। এবার চিনতে তাঁর দেবী হয়নি।

গাড়িটা তাঁর পাশ দিয়ে পার হয়ে যাবার সময় ইচ্ছে করেই মুখ নিচু করে তিনি হেঁটেছেন। চোখ নিচের দিকে নামানো থাকা সত্ত্বেও মার্শনেস-এর দৃষ্টিটা তিনি যেন সমস্ত শরীরে অহুভব করেছেন।

সে-দৃষ্টির অর্থটা শুধু ঠিকমত বুঝতে পারেনি।

বুঝতে পারলে তিনি কি কিছু করতেন ?

আরো বেশী সাবধান হতেন কি ?

না, আর সাবধান কি হবেন ! মার্কু ইস মার্শনেসকে চেনার পর থেকেই তিনি যথেষ্ট হুঁসিয়ার হয়ে গিয়েছিলেন। তাঁদের গাড়ির সামনে আর তারপর পড়েননি একবারও।

তবু মার্শনেস তাঁকে সত্যিই বিস্মিত করে দিয়ে পথের মাঝখানে অপ্রত্যাশিতভাবে ধরেছেন।

মার্শনেস-এর সেদিনকার দৃষ্টিটার ঠিকমত অর্থ বুঝলে ব্যাপারটা তাঁর কাছে অপ্রত্যাশিত থাকত না, এই যা।

মুখে প্রকাশ করুন বা না করুন এই অপ্রত্যাশিত সাক্ষাৎ আর মার্শনেস-এর নিজের হৃদয় যেন নিরাবরণ করে মেলে ধরা তাঁকে যে গভীরভাবে নাড়া দিয়েছে, ঘনরামের প্রায় অভিজ্ঞত আচ্ছন্নের মত বাজার থেকে মোরালেস-এর বাড়িতে ফিরে যাওয়া লক্ষ্য করলেই তা বোঝা যেত।

বাড়িতে ফিরেই চলে যাবার জগ্রে তৈরি হতে তাঁর বেশীক্ষণ লাগেনি। কেনই বা লাগবে ? সঙ্গে নেবার মত কোন সম্পদ ত ক্রীতদাসের থাকে না।

মোরালেস-এর কোনকিছু নিজের প্রয়োজনে না বলে ঋণ হিসাবেও সঙ্গে নিয়ে যাবেন, ঘনরামের শিরায় স্নেহ-রক্ত বয় না।

ছেড়ে যেতে মোরালেস-এর জন্তে একটু বিষয় সহ্যভূতি অস্বভব করা ছাড়া আর কোন কষ্টই হয়নি।

১৫২১ খৃষ্টাব্দে একদিন নিজে থেকে বেচে মোরালেস-এর কাছে দাসত্ব স্বীকার করেছিলেন ঘনরাম। ১৫২৩-এর একটি বিশেষ দিনে তিনি নিজেই আবার একেবারে নিঃশব্দে চলে গেছেন।

তাঁর চলে যাওয়ার দিনটি মনে রাখবার মত বিশেষ ঠিকই, কিন্তু কার কাছে ?

তাঁর নিজের, ও মার্শনেসের ত বটেই, আর একজনের কাছেও।

সেই বিশেষ দিনটিতে মার্কুইস কিন্তু পানামায় ছিলেন না। সত্যিই সেদিন দুপুরেই গভর্নর পেড্রারিয়াসের সঙ্গে তিনি শহর থেকে দূরের জংলা জলায় শুধু ও-দেশের কুমির, কেমান বা অ্যালিগেটের নয়, ও-দেশের গুলবাধা চিত্তা, জাগুয়ার শিকারে গেছিলেন।

ফিরেছিলেন দিনতিনেক বাদে বেশ ক'টা কুমিরের চামড়া আর জাগুয়ারের ছাল নিয়ে।

অতিথিশালায় ঢুকে নিজের কামরায় যাবার পথে সত্যিই বিহ্বল হয়ে তাঁকে দাঁড়িয়ে পড়তে হয়েছিল।

সামনে জঙ্গলের জাগুয়ারের চেয়ে অনেক গুণ হিংস্র আরো এক ভয়ঙ্কর বাঘিনী মূর্তিই যেন দেখেছেন।

প্রায় উন্মাদিনীর মত মার্কুইস-এর কাছে ছুটে এসে তাঁর জামার আস্তিন ধরে প্রায় টেনে ছিঁড়ে ফেলে মার্শনেস তরল আগুনের মত গলায় বলেছেন, এখন তোমার আসবার সময় হল ! তিন দিন তুমি বাইরে কাটিয়ে এলে !

দাঁড়ান ! দাঁড়ান ! —সমস্বরে দাসমশাইকে থামিয়ে বলে উঠলেন শিবপদ আর রামগরণবাবু,—তার মানে ঘনরামের সঙ্গে মার্শনেস সেই নিকারাগুয়ার জাহাজে চড়ে পালাননি ? তিনি পানামাতেই থেকে গেছেন ?

আমি তখনই বলেছিলাম না,—ভবতারণবাবু নিজেকে তারিফ করেছেন,—যে ওই ছুঁ—থুড়ি, মার্শনেসকে ঠিক বোঝা যাচ্ছে না। শেষ পর্যন্ত পিছিয়ে গেছল ত মেয়েটা ?

না, মার্শনেস পিছিয়ে যায়নি।—দাসমশাই রহস্তা উদ্ঘাটন করে বলেছেন,

—ঘনরামই কথামত সেদিন সন্ধ্যায় অতিথিশালায় আসেননি। মার্শনেস তখন সাধারণ দরিদ্র এসপ্যানিওল মেয়ের সাজপোশাকে তৈরি হয়ে অপেক্ষা করেছেন নিজের ঘরে। নিজের পরিচারিকাকে নির্দেশ দেওয়া আছে, কেউ খুঁজতে এলে তাঁদের অহুচরদের মহলে যেন তাকে বসিয়ে রেখে তাঁকে খবর দেওয়া হয়। অহু অহুচরদের বকশিশ দিয়ে সেদিন সন্ধ্যায় মত ছুটি দেওয়া হয়েছে। স্বয়ং মার্কু ইসই শিকারে চলে গেছেন, স্মৃতরাং এ-বদান্ততা অস্বাভাবিক কিছু মনে হবার কথা নয়। সন্ধ্যা উত্তীর্ণ হয়ে প্রহরের পর প্রহর বেড়েছে। গভীরের অতিথিশালায় মার্শনেসকে খুঁজতে কেউ আসেনি।

সারারাত জেগে কাটিয়েছেন মার্শনেস, জেগে আর নিজের ঘরে অস্থিরভাবে পায়চারি করে।

সকাল হতে না হতেই কোচোয়ানকে গাড়ি আনতে হুকুম পাঠিয়েছেন।

সে গাড়ি নিয়ে বন্দর পর্যন্ত গেছেন প্রথমেই। খবর নিয়ে জেনেছেন কিছু গোলমালের দরুন শেষ রাত্রে, মাত্র কিছুক্ষণ আগে সকাল হবার পর সে জাহাজ ছেড়েছে। সে জাহাজে যাদের যাবার ব্যবস্থা তিনি করিয়েছিলেন, তারা কেউই কিন্তু আসেনি।

না, কেউই না।—কোচোয়ান ভাল করে তাঁর নির্দেশমত জিজ্ঞাসাবাদ করে জেনে এসে খবর দিয়েছে। হুঁজন যাত্রীর কেউ ভাড়া দিয়ে রাখা সম্ভবও জাহাজে আসেনি।

মার্শনেস তারপর আরেক নির্জন পথের ধারে গিয়ে বহুক্ষণ অপেক্ষা করেছেন। সেইখানেই ঘনরামের দেখা পেয়েছিলেন আগের দিন সকালে।

সেখানে অপেক্ষা করা বৃথা হয়েছে। এরপর বাজারে গিয়ে ঘুরে আসা নিরর্থক। তবু তাই গেছেন। তারপর অপ্রকৃতিস্বের মত গাড়ি নিয়ে সমস্ত পানামা শহর অকারণে ঘুরে বেড়িয়ে গাড়ির সহস্র কোচোয়ানকেও একটু ভাবিত করে তুলেছেন।

এছাড়া মার্শনেসের করবারই বা কি আছে। পানামা ছোট শহর, এখনও গোনানুগতি তার রাস্তা আর বসতি। কিন্তু সেই শহরের দরজায় দরজায় গিয়ে ধাক্কা দিয়ে একজন ক্রীতদাসের খোঁজ ত তিনি করতে পারেন না!

হ্যাঁ, একটা কাজ পারেন বটে!

কথাটা মনে হওয়ারমাত্র মার্শনেস সরকারী কোতোয়ালী দপ্তরে গিয়ে উপস্থিত হয়েছেন।

তাকে দেখে স্বয়ং কোতোয়ালও যে ভড়কে গিয়েছেন, তা বলাই বাহুল্য। স্বয়ং গভর্নর পেড্রারিয়াসের চেয়ে বেশী সন্ত্রস্ত খাতির পেয়েছেন মার্শনেস।

কিন্তু মার্শনেস ত খাতির পাবার জগ্গে আসেননি। তিনি যে-কারণে এসেছেন, তাঁর জলন্তস্বরে তা জানিয়েছেন।

সমস্ত দপ্তর ভীতব্রস্ত হয়ে তাঁকে জানিয়েছে যে, মাকু'ইস একজন দেশ-থেকে পালানো গোলামের খবর আর বর্ণনা দিয়ে গেছেন বটে কিন্তু তিনি যা পরিচয় আর বর্ণনা দিয়েছেন, পানামা শহরে সেবকম কোনো ক্রীতদাসের খোঁজ আশ্রয় চেষ্টা করেও পাওয়া যায়নি।

পাওয়া যায়নি আপনাদের গাফিলতি আর অকর্মণ্যতায়।—মেঝের ওপর জুতোর গোড়ালি ঠুকতে গিয়ে মার্শনেস-এর স্ঠাম পায়ের গোছ একটু দেখা গেছে,—একটা গোলামকে সমস্ত বর্ণনা পেয়েও এই এতটুকু পানামা শহর থেকে আপনারা খুঁজে বার করতে পারেন না, তাকে স্পষ্ট আমরা এই শহরের রাস্তায় দেখেছি বলা সত্ত্বেও? পানামা থেকে আপনাদের পাহারা সজাগ থাকলে পালিয়েই বা সে কোথায় যেতে পারে!

নগর-কোতোয়াল নীরব থাকাই শ্রেয়ঃ মনে করেছেন। জানা থাকলে তিনি হয়ত জবাব দিতে পারতেন যে, এই নতুন মহাদেশ অজানা বিরাট বিশাল। এখানে কেউ হারিয়ে যেতে চাইলে সমুদ্রের চড়ার বালিতে একটা চিনির দানার মত তাকে খুঁজে পাওয়া অসম্ভব।

মার্শনেস-এর সব বকুনি শাসানি শেষ হবার পর দপ্তরের সবাই নিজেরাই ক্রীতদাসের মত নিচু হয়ে জানিয়েছে যে, নেহাৎ পাখি হয়ে উড়ে বা মাছ হয়ে ডুব-সাঁতারে যদি না পালিয়ে গিয়ে থাকে, তাহলে মাকু'ইস ও মার্শনেস-এর গোলামকে জ্যান্ত বা মরা তারা দুদিনের মধ্যে হাজির করবেই।

দুদিনের একদিন বাদে মাকু'ইস শিকার থেকে ফিরে মার্শনেসের ওই রূপ দেখেছেন।

প্রথমে স্ত্রীর উন্নত প্রলাপের অর্থ কিছু বুঝতে না পেরে একটু পরিহাসের চেষ্টা করেই বলেছেন,—তিনদিনটা বড় বেশি তাড়াতাড়ি কেটে গেল মনে হচ্ছে বুঝি!

খামো!—চাপা গর্জনে মার্শনেসের মধুর কণ্ঠও কর্কশ হয়ে উঠেছে,—এ হাসি-ঠাট্টার ব্যাপার নয়। জানো, তুমি এখানে নেই বলেই সেই শয়তানটা পানামা ছেড়ে পালিয়েছে। তাকে এমন পালাবার সুবিধেই যদি দেবে, তাহলে কি

দরকার ছিল দপ্তরে গিয়ে তার কথা জানাবার! কি দরকার ছিল?

প্রথমটা একটু বিয়ুট হলেও মার্শনেস কার বিষয় নিয়ে ক্ষিপ্ত তা বুঝতে মাকু ইস-এর দেবী হয়নি।

এতক্ষণে ব্যাপারটা মনে মনে উপভোগ করতে শুরু করে মাকু ইস দৃষ্টিতে উপহাসের ঝিলিকটা গোপন না করেই জিজ্ঞাসা করেছেন,—সে-শয়তান যে পালিয়েছে তা তুমি জানলে কি করে?

জানলাম, জানলাম—মার্শনেস সামান্য একটু খতমত খেয়ে বলেছেন, জানলাম কোতোয়ালী দপ্তরে গিয়ে। তারা এখনও সে-শয়তানের কোনো পাত্তাই পায়নি। চেষ্টাই কিছু করেনি বলে আমার ধারণা।

তাহলে চেষ্টা করলেই পাবে। উদাসীনভাবে বলেছেন মাকু ইস।

কথার খোঁচা বোঝাবার মত অবস্থা তখন মার্শনেস-এর নয়। তীব্রস্বরে তিনি বলেছেন,—সেই চেষ্টা তাদের দিয়ে করাতেই হবে। তুমি যদি না পারো ত আমি নিজে গভর্নরকে বলব। যেমন করে হোক সে-বদমাসকে ধরে আনা চাই-ই।

আনলে কি করবে কি? —একটু বাঁকা হাসির সঙ্গে জিজ্ঞাসা করেছেন মাকু ইস।

কি করব! —মার্শনেস যেন যন্ত্রণার মত তাঁর আক্রোশে বলেছেন,—জ্যাস্ত তার গায়ের ছাল ছাড়িয়ে নেব নিজের হাতে।

হঁ, মাকু ইস-এর কথাটা মনে ধরেছে,—তাহলে যেগুলো এত কষ্টে শিকার করে আনলাম, সেই কুমিরের চামড়া আর জাণ্ডয়ারের ছালগুলো ত বাতিল করে দিতে হয়।

এ-বিয়ুটটা বোঝার ওপর শাকের জাঁটি হয়েছে। জ্বলন্ত দৃষ্টিতে মাকু ইস-এর দিকে কয়েক মুহূর্ত তাকিয়ে থেকে মার্শনেস ছুটে আবার তাঁর নিজের কামরায় গিয়ে ঢুকে সশব্দে খিল দিয়েছেন।

কয়েকদিন বাদে গভর্নর পেড্রারিয়াস তাঁর মাননীয় অতিথিদের সম্মানে বিদায় দিয়েছেন।

কোতোয়ালী দপ্তর দাস নামের কর্ডোভার মুর-রক্ত-মেশানো ক্রীচান-হওয়া বংশের অভিজাতদের মত ঈষৎ শ্রামল এক হুপুরুষ ক্রীতদাসের তখনো কোন খোঁজ পায়নি।

নয়

১৫২৩-এ মে মাসের একদিন মোরালেস-এর ক্রীতদাস গানাদা নিরুদ্দেশ হয়ে যায়।

সে-ঘটনার প্রায় দেড় বছর বাদে তারই গোপন চেষ্টায় যে উদ্বোধনের সূত্রপাত হয়, তা বহুদূর অগ্রসর হয়ে সত্যি সত্যি পানামার ছোট বন্দর থেকে একটি মাঝারি জাহাজ নিয়ে 'সূর্য কাঁদলে সোনা'-র রাজ্য খুঁজতে পিজারোর অকূলে পাড়ি দেওয়া সম্ভব করে তোলে।

সময়টা ১৫২৪-এর নভেম্বর মাসের মাঝামাঝি।

ঘনরাম গোপনে যে ইঙ্গিত দিয়েছিলেন, পিজারো আর তাঁর দুই অংশীদার তাই অগ্রসরণ করেছেন।

দুটি জাহাজ এ-অভিযানের জন্তে দে লুকে-র হাত দিয়ে পাওয়া টাকায় কেনা হয়েছে। তার মধ্যে বড়টি হল বালবোয়া নিজেবর জন্তে যে জাহাজ তৈরি করিয়েও আর ব্যবহার করতে পারেননি এবং খোলা অবস্থায় পানামার বন্দরে যা পচবার উপক্রম হয়েছিল, সেইটি।

সেটি নতুন করে জুড়ে খাড়া করে তাতে রসদ বোঝাই আর লোকজন অর্থাৎ মাঝি-মাল্লা আর সৈনিক নেবার ব্যবস্থা করেছেন আলমাগ্রো। লোকলঙ্কার মিলিয়ে দাঁড়িয়েছে প্রায় একশ' জন।

এই জাহাজ নিয়ে পিজারো প্রথমে রওনা হয়েছেন। ঠিক হয়েছে যে, পিজারোর বন্ধু ও অংশীদার আলমাগ্রো দ্বিতীয় ছোট জাহাজটির সব ব্যবস্থা যথাশম্ভব তাড়াতাড়ি সেরে ফেলে পিজারোকে কিছুদিন বাদেই অগ্রসরণ করবেন।

জাহাজ নিয়ে কিছুদূর অগ্রসর হবার পরই মোরালেসের বাড়িতে পরিকল্পনাটা কাগজে-কলমে তোলবার সময়কার সেই অদ্ভুত রহস্যময় সংশোধনটার কথা পিজারোর মনে পড়েছে।

তিনবন্ধু মিলে তখনই নভেম্বরে যাত্রা শুভ বলে ঠিক করেছিলেন, কিন্তু আশ্চর্য হয়েছিলেন পরের দিন সেই নভেম্বর কথাটা কাটা দেখে।

মোরালেস নিজেকে সে-কাটাকুটি করেছেন বলে মনে করতে পারেননি। তাঁর

ওভাবে নিজের লেখা কাটবার কোন কারণও ছিল না।

নভেম্বর মাসে ওভাবে কেটে সংশোধন করবার চেষ্টাটা তাই অমীমাংসিত রহস্যই থেকে গেছে।

রহস্যটার মূল কে তা জানা না গেলেও তার মানেনটা এতদিনে যেন স্পষ্ট হয়ে ওঠে পিজারোর কাছে।

নভেম্বরটা এ-অঞ্চলের দারুণ বড়-তুফানের সময়। দক্ষিণের দিকে সমুদ্রযাত্রার পক্ষে সময়টা তাই একেবারেই অল্পকূল নয়।

বড়বৃষ্টির বিরুদ্ধে যুঝতে যুঝতে প্রতি পদে বিপন্ন হয়ে অত্যন্ত মন্থরগতিতে অগ্রসর হতে হতে দৈববাণীর মত নভেম্বরে যাত্রা নিষেধের সেই নির্দেশ তাঁকে দিন দিন অত্যন্ত বিশ্বয়বিহ্বল করেছে।

এ-নির্দেশ কি সত্যিই দৈবিক? তা না হলে তাঁরা নিজেরা এত খোঁজখবর নিয়েও যা জানতে পারেননি, সে-সংবাদ জেনে তাঁদের সাবধান আর কে করতে পারে!

এর আগে একটিমাত্র অভিযানই এদিকে কিছুটা পর্যন্ত অগ্রসর হয়েছিল। সে বিফল অভিযুক্ত অভিযানের নায়ক ছিলেন আন্দাগোয়া। পুয়েতো দে পিনিয়াস নামে একটি অন্তরীপের বেশী শুধু যে তিনি অগ্রসর হতে পারেননি, তা নয়, ফিরে যাবার পর মারাই পড়েছিলেন।

পিজারো সেই অন্তরীপ ঘুরে পার হয়ে এরপর যেখানে পৌছোলেন পৃথিবীর-জানিত সভ্যদেশের কোনো মানুষ ইতিপূর্বে সেখানে আশেনি বলেই তাঁর ধারণা।

বীকু নদীর মোহানায় তখন তাঁর জাহাজ ঢুকতে চলেছে।

এই বীকু নদীর কথা এদেশের আদিম অধিবাসীদের কাছে নানাভাবে শুনে শুনে পিজারো ও তাঁর বন্ধুদের তখন নিশ্চিত ধারণা হয়েছে, এই নদীই তাঁদের চরম সিদ্ধির কূলে পৌঁছে দেবে।

স্পেন থেকে এ পর্যন্ত এই নতুন মহাদেশে যত অভিযান হয়েছে, সেগুলির একটিও পশ্চিমের সমুদ্রকূলের এই অজানা জগতের কোনো সন্ধান পায়নি।

এখানকার যা কিছু পরিচয় সব, আদিবাসীদের অসংলগ্ন ও বেশীর ভাগ সময় আজগুবি অবাস্তব বিবরণ থেকে নেওয়া।

সে-বিবরণ অনেক সময় পরস্পরবিরোধী হলেও, কয়েকটি বিষয়ে সেগুলির মিল উপেক্ষা করবার নয়।

তাঁর একটি হল এই বীর নদীর নাম। এ-নাম নানাঙ্গনের বিবরণে নানাভাবে বহবার শোনা গেছে। সকলের বর্ণনাতেই মনে হয়েছে, একটা রহস্যের আবরণে এ-নামটা ঘেন জড়ানো।

নদীটির বিস্তৃত মোহানার ঘোলা তরঙ্গিত জল কোনো স্বদূর গহন গোপন রহস্য-রাজ্য থেকেই বয়ে আসছে বলে পিজারোর মনে হয়েছে।

তাঁদের পরিকল্পনার খসড়ায় বীর নদীর নামের আগে সেই হয়ত শব্দটা অদ্ভুতভাবে লেখা হবার কথা তখন পিজারো ভুলে গেছেন।

কথাটা বেশ একটু অবাক হয়ে এবং দুঃখের সঙ্গে স্বরণ করতে হল কয়েকদিন বাদেই।

বীর নদী বেয়ে মোহানা থেকে ক্রোশচারেক ভেতরে ঢুকে পিজারো তখন নোঙর ফেলেছেন। জায়গাটা খুব উৎসাহ বাড়াবার মত কিছু নয়। যতদূর দেখা যায়, শুধু বাদা আর জলা জলা। মাটি যেখানে আছে, কিন্তু তুমুল বর্ষার জলে তা এমন পিছল কাদা হয়ে গেছে যে, তার ওপর দিয়ে চলাফেরা প্রায় অসম্ভব। এই বাদার ওপর দিয়ে বহুদূর গেলে কিছুটা উঁচু জমি আর জঙ্গল দেখা যায়। সে-জঙ্গল কিন্তু এমন ঘন, লতায়-পাতায়, কাঁটা-ঝোপে তার তলা এমন দুর্ভেদ্য যে, তার ভেতর দিয়ে পথ করে ওদিকের পাথুরে ডাঙায় পৌঁছোতে পিজারো আর তার সেপাইদের প্রাণান্ত হয়েছে। ক্ষিদের তেঁটায় ক্লাস্তিতে তারা আধমরা, কাঁটায় ছড়ে আর ধারালো পাথরে কেটে হাত-পা তাদের ওরান।

কিন্তু সোনার চেয়ে বড় নেশা নেই। পিজারো তাঁর সৈনিকদের রেহাই দেননি। তাঁর হুকুমে ভারী বর্ম আর অস্ত্রশস্ত্র নিয়েই সেপাইদের কখনো কাঁঠফাটা রোদে পুড়ে, কখনো অবিশ্রান্ত বৃষ্টিতে ভিজে কাদাজল ভেঙে ঘোরাঘুরি করতে হয়েছে। সেপাইদের নিজেদের মনেও সোনার লালসা না থাকলে শুধু পিজারোর হুকুমে তারা এত কষ্ট বোধের সহ্য করত না। সোনার মোড়া সত্যিকার রূপকথার রাজ্য খুঁজে পাওয়ার যে-প্রলোভন পিজারো তাদের দেখিয়েছেন, তারা তা বিশ্বাস করেছে।

কিন্তু সোনার রাজ্য দূরে থাক, মেঠো গাঁয়ের একটা কুঁড়ের সন্ধানও পাওয়া যায়নি।

জনমানবহীন সেই বাদার মল্লুক থেকে বাধ্য হয়েই পিজারোকে ফিরে আসতে হয়েছে নোঙর তুলে। জাহাজ আবার দক্ষিণমুখে চালান হয়েছে।

কিন্তু কোথায় সে 'স্বর্ষ কাঁদলে সোনা'র দেশ!

ভাগ। যেন তাদের সঙ্গে নিষ্ঠুর তামাসা করবার জন্তে দশদিন ধরে ভয়ঙ্কর ঝড়-তুফানে তাদের জাহাজ তলিয়ে দেবার হুমকি দিয়েছে। ভরাডুবি থেকে যদি বা বেঁচেছে, ক্ষিদের তেঁটায় সত্যিই তখন প্রাণ যাবার উপক্রম। নোনা মাংস সঙ্গে যা এনেছিল, সব তখন শেষ। মাথাপিছু দুটো করে ভুট্টার মাথা তখন প্রতিদিনের খাবার হিসেবে বরাদ্দ।

ভুট্টার মাথা!—উদরদেশ যাঁর কুশের মত ফাঁত, ভোজনবিলাসী সেই রামশরণবাবু বাধা না দিয়ে বুঝি পারলেন না,—ওখানে তারা ভুট্টা পেল কোথায়?

ভুট্টা ওই দেশেরই ফসল। এই প্রথম শ্রীঘনশ্যাম দাসকে নিজ থেকে সমর্থন করলেন মর্মরমস্ফণ যাঁর মস্তক সেই ঐতিহাসিক শিবপদবাবু—এই আমেরিকা থেকেই, আলু তামাক ইত্যাদির মত ভুট্টাও পুরানো মহাদেশে আমদানি হয়েছে। কলম্বুসের আবিষ্কারের আগে সমস্ত আমেরিকায় ভুট্টাই প্রধান ফসল ছিল।

শিবপদবাবুর এ সমর্থন পাণ্ডিত্য প্রকাশের সঙ্গে মন-কষাকষি মিটমাটের জন্তে হাত বাড়ানোরও সামিল। কিন্তু দাসমশাই হাত বাড়ানো নয়, আগেকার বেয়াদবির দরুন লম্বা কুর্ণিশই বোধহয় চান। তাই শিবপদবাবুর সমর্থনও তিনি একটু টুকতে ছাড়লেন না।

বললেন,—ভুট্টা বা মকাই-এর আদি জন্মভূমি কোথায় তা অত নিশ্চিত করে কিন্তু বলা যায় না। নতুনের বদলে পুরানো মহাদেশের ফসলও হতে পারে বলে কেউ কেউ মনে করেন। তাঁরা এ-শস্য আরবরা প্রথম স্পেনে নিয়ে যায় বলে প্রমাণ দেখান। প্রাচীন একটি চীনা পুঁথিতেও ভুট্টার ছবিসমেত উল্লেখ তাঁরা পেয়েছেন।

শিবপদবাবুর পাণ্ডিত্যের ওপর ঠোঁকরটুকু ভালো করে টের পেতে দেবার জন্তেই একটু খেমে দাসমশাই নিজেই অবশ্য শিবপদবাবুর পক্ষে শেষ রায় দিলেন,—তবে কথা হচ্ছে এই যে, প্রাচীন চীনে পুঁথিটি কলম্বুসের আমেরিকা আবিষ্কারের প্রায় ষাট বছর বাদে লেখা। তাছাড়া এশিয়ার বা আফ্রিকা ইওরোপের কোথাও ধানের বা গমের যেমন, ভুট্টার তেমন বুনো জাতি আর পাওয়া যায়নি। মধ্য বা আগের যুগের কোনো পর্যটক ভুট্টা জাতীয় কোনো শস্যের দেখা পেয়েছেন বলে লিখে যাননি, আর মিশরের প্রাচীন পিরামিডে নানা রকম শস্যের মধ্যে ভুট্টার একটি দানাও কোথাও নেই। সুতরাং এ ফসল

নতুন মহাদেশেরই দান বললে খুব তুল হয় না।

হস্তীর মতো মেদভারে ঘিনি বিপুল সেই সদাপ্রসন্ন ভবতারণবাবুকে এই প্রথম বুঝি একটু অসন্তুষ্ট হতে দেখা গেল! ঈষৎ ক্ষুণ্ণ স্বরে তিনি বললেন,— ভালো এক ভূটার কুলজির কথা তুললেন শিবপদবাবু! ওসব থাক। পিজারো-র জাহাজ ‘স্বর্ধ কাঁদলে সোনা’র দেশে কখন পৌঁছোলো তাই শুনি!

তা শুনতে হলে আরো অনেক সবুর করতে হবে,—বললেন ঘনশ্যাম দাস,— অন্ততঃ ও যাত্রায় তাদের শুধু হয়রানি সার হয়েছিল। শেষ পর্যন্ত পিজারো মণ্টেনেগরো নামে একজন সৈনিকের অধীনে তাঁর জাহাজ পানামায় ফেরত পাঠাতে বাধ্য হন। নিজে তিনি কয়েকজন বাছাই করা সঙ্গী নিয়ে সেই জলা জঙ্গলের দেশেই থেকে গেলেন, মণ্টেনেগরো মুক্তা-দ্বীপ থেকে রসদ নিয়ে ফিরবে এই আশায়। তাঁর সৈনিক ও মাঝিমাঝিরা তখন প্রায় বিদ্রোহী হয়ে উঠেছে। শুধু আধবুড়ো পিজারোর অসীম কষ্ট-সহিষ্ণুতা আর উৎসাহের দৃষ্টান্ত তাদের সামনে ছিলো বলে তারা একেবারে বেসামাল হয়ে যায়নি। সোনার লোভ তাদের সব কষ্ট সহ্য করতে কিছুটা সাহায্য করেছে বটে কিন্তু সে কষ্ট কী দুঃসহ যে হয়ে উঠবে তারাও কল্পনা করতে পারেনি।

দিনের পর দিন, হস্তীর পর হস্তা কেটে গেছে। মণ্টেনেগরো মুক্তাদ্বীপ থেকে রসদ নিয়ে ফেরেনি। জলা-জঙ্গলের রাজ্যে পিজারো-র লোকদের তখন শামুক-গুগলি আর বুনো ঝোপ-ঝাড়ের ফল খেয়ে দিন কাটেছে। ক্ষিদের জালায় যে-সব ফল তারা খেয়েছে তার কিছু কিছু এমন বিষাক্ত যে তাদের শরীর ফুলে গিয়ে অসহ যন্ত্রণা হয়েছে। কিছুকালের মধ্যে দলের কুড়িজন তো অখাত খেয়ে আর অনাহারে মারাই গেলো।

দলের অগ্র সবাই বয়সে প্রায় তরুণ। শুধু পিজারোরই পঞ্চাশ পার হয়েছে! কিন্তু তিনি যেন অগ্র ধাতুতে তৈরি। সকলের সঙ্গে সব দুঃখ-কষ্ট তিনি সমানভাবে ভাগ করে নিয়েছেন, কিন্তু কিছুতেই দমে যাননি।

সমুদ্রের দিকে হতাশ হয়ে মণ্টেনেগরো-র জাহাজের জগ্গে চেয়ে থাকতে থাকতে চোখ যখন প্রায় ক্ষয়ে যাওয়ার উপক্রম, তখন একদিন ডান্ডার দিক থেকে উত্তেজিত হওয়ার মতো একটি খবর পাওয়া গেল। সেখানে দূরে নাকি একটি আলো দেখা গেছে।

আলো মানেই মানুষ, মানুষের বসতি, গ্রাম, হয়ত শহর, হয়ত সেই সোনার দেশ!

ছোট একটি দল নিয়ে পিজারো সেই আলোর উৎস সন্ধান তখনি বার হলেন। ঘন-জঙ্গল ভেদ করে যেখানে তারা পৌঁছোলেন সেটি একটি উন্নত প্রান্তর। সত্যিই সেখানে ছোট একটি বসতি দেখা গেল। বাসিন্দারা কিন্তু নেহাৎ ভীক নিরীহ ভালো মানুষ। পিজারো-র দলবলকে দূর থেকে দেখেই তারা গ্রাম ছেড়ে পালিয়েছে। পিজারো-র অহুচরের প্রথমেই অবশ্য গ্রাম লুঠ করে খাবার-দাবার যা পেলো আত্মসাৎ করলো। খাবার-দাবার সরেস কিছু নয়, ভুট্টা আর নারকেলই তার মধ্যে প্রধান। কিন্তু পিজারোর উপোসী সৈনিকদের কাছে তা অমৃত।

গাঁয়ের লোকেরা প্রথমে ভয়ে পালালেও পরে একটু ইতস্তত করে তখন ফিরে এসেছে। সম্পূর্ণ অজানা অঞ্চল হলেও সৌভাগ্যের কথা এই যে, তাদের ভাষা পানামা অঞ্চলের আদিবাসীদের থেকে খুব আলাদা নয়। তাদের সঙ্গে কিছুটা আলাপ-পরিচয় তাই সম্ভব হ'ল। আলাপের বিষয় অবশ্য একটি। গাঁয়ের আদিবাসীরা ফিরে আসার পর যা দেখে পিজারো আর তার অহুচরদের চোখ ঝলসে গেছে—তা হোলো আদিবাসীদের গায়ের সোনার সব গয়না। গয়নাগুলোতে সূক্ষ্ম কারু-কাজ না থাকলেও সেগুলির ওজনই পিজারো-র লোকদের উত্তেজিত করে তুলেছে। সোনার দেশের যে কিংবদন্তী তারা শুনেছে তা হলে একেবারে ভুয়ো নয়!

'সূর্য কাঁদলে সোনা'র দেশ সম্বন্ধে যা শুনে এসেছেন, এই আদিবাসীদের সঙ্গে আলাপ করে পিজারো তার সমর্থন পেয়েছেন। আরো প্রায় দশদিনের পথ দক্ষিণে পর্বতমালার ওপারে সত্যি এক বিরাট রাজ্য নাকি আছে। সেখানে সোনা হুড়ি পাথরের মতো ছড়ানো। পিজারো এবং তার অহুচরেরা আদিবাসীদের কথার এই মানেই করেছে।

ভাগ্য কিছুটা অহুকূল এবার হয়েছে। মন্টেনেগরো বসদ ভরা জাহাজ নিয়ে ফিরে এসেছে এতদিনে। পিজারো নতুন উৎসাহে দক্ষিণ দিকে পাড়ি দিয়েছেন। এবার অজানা সমুদ্রের উপকূলে মাঝে মাঝে ছোটো বড়ো মানুষের বসতি দেখা গেছে। অধিবাসীরা কোথাও নিরীহ, অ্যাপানিওলদের লুঠ-পাটে বাধা দিতে সাহস করেনি, কোথাও বা তারা হিংস্রভাবে পাণ্টা আক্রমণ করেছে। এক জায়গায় পিজারোর তো প্রাণসংশয়ই হয়েছিলো।

এত চেষ্টা এত দুঃখ-ভোগের পর লুঠ-পাটের সোনা কিছু জমে উঠলেও সোনার দেশের যথার্থ হৃদিশ কিন্তু মেলেনি। পিজারোর জাহাজের অবস্থা তখন

কাহিল। ভালোভাবে মেরামত না করে তা নিয়ে অজানা সমুদ্রে পাড়ি দেওয়া বাতুলতা। লোকজনও তখন বেশির ভাগ আহত ও অস্থির।

অত্যন্ত অনিচ্ছার সঙ্গে পিজারোকে তাই আবার পানামায় ফিরে যাবার সিদ্ধান্ত নিতে হয়েছে। কিন্তু সেখানে গভর্নরের কাছে মুখ দেখাবেন কী করে? পানামা থেকে কিছু দূরে পশ্চিমে চিকামা বলে একটি জায়গায় তিনি দলের কয়েকজনকে নিয়ে নেমে গেছেন আর জাহাজের খাজাঞ্চি নিকোলাস ই রিবোলাকে লুঠ করা সমস্ত সোনা দিয়ে গভর্নরের পেড্রারিয়াসকে সন্তুষ্ট করবার জন্তে দূত হিসেবে পাঠিয়েছেন।

সেই সোনার ভেট পেয়ে আর পিজারোর অভিযানে আংশিক সাফল্যের বিবরণ শুনে যদি গভর্নরের মন গেলে তাহলে আর একবার নতুন করে সোনার দেশের সন্ধানে বেরুবার সুযোগ হয়ত পেতে পারেন এই ছিলো পিজারোর আশা।

এ আশায় তাঁর ছাই-ই পড়তো যদি না চিকামায় হঠাৎ একদিন একটি বেকার নাবিক পিজারোকে নিজে থেকে না খুঁজে বার করতো।

এই বেকার নাবিকের নাম বার্থালমিউ রুইজ। সাধারণ মানুষ তো বটেই, ইতিহাসও এ নাম ভুলে গেছে বললেই হয়।

কিন্তু যেমন আলমাগরো, লুকে কিংবা মোরালেসের সঙ্গে, তেমনি এই রুইজের সঙ্গে যোগাযোগ হওয়ারটাও 'সূর্য কাদলে সোনা'র দেশ আবিষ্কৃত হওয়া সম্ভব করে তুলেছে।

অনেক বাধা-বিপত্তি জয় করে অর্থ লোকবল ও রাজস্বমতি শেষ পর্যন্ত সংগ্রহ করতে পারলেও পিজারো ও আলমাগরোর দ্বিতীয় অভিযান সফল হয়নি। কিন্তু যত বার্থই হোক বার্থালমিউ রুইজ যদি দ্বিতীয় নৌ অভিযানের পোতাধ্যক্ষ না হতেন এবং কুল ঘেঁষে জাহাজ না চালিয়ে দুঃসাহস ভরে খোলা দরিয়ায় না পাড়ি দিতেন তা হলে নবাবিস্কৃত পশ্চিম সমুদ্রের প্রথম বিস্ময়, সমুদ্রগামী ভেলা বালসার সাক্ষাৎও মিলতো না আর 'সূর্য কাদলে সোনা'র দেশের এ অকাট্য প্রমাণ অভিযাত্রীরা পেতেন না।

বেকার নাবিক বার্থালমিউ রুইজ চিকামার মতো জায়গায় হঠাৎ পিজারোকে খুঁজতে এলেন কেন? পিজারোর এ অদ্ভুত অস্থায়ী ঠিকানা তিনি জানলেন কোথা থেকে?

প্রথম আলাপের পর চিকামায় পিজারোই সে প্রশ্ন করেছিলেন। রুইজ যা

বলেছিলেন তা প্রায় আজগুবি। রুইজ আন্দালুসিয়ার মোণ্ডাইয়েরের অধিবাসী। সেখানকার মাটি জল হাওয়াতেই যেন নিপুণ নাবিক গড়বার মশলা আছে। কলম্বাসের অভিযানে সেখানকার নাবিকরাই প্রধান অংশ নিয়েছিলো বলা যায়।

বিচক্ষণ নিপুণ নাবিক হলেও রুইজ বেকার হয়ে পানামাতে সাধারণ ফেরী পানসিতে তখন কাজ করছিলেন।

সেই ফেরী পানসিতে একদিন এক অদ্ভুত গণৎকারের সঙ্গে রুইজের দেখা হয়। গণৎকার লোকটি কোন্ দেশের, চেহারা দেখে রুইজ ঠিক করতে পারেননি। পোশাক-আসাক ওখানকার আদিবাসীদের মতো হলেও এক মুখ দাড়ি-গোঁফের আড়ালে তাকে ভিনদেশী বলেই মনে হয়। সে নিজে সেধে রুইজের ভাগ্য গণনা করতে চেয়েছিলো। রুইজের অতীত জীবনের দু-একটা খবর নিতুলভাবে বলে তার মনে বিশ্বাস জাগিয়ে শেষে যা বলেছিলো সেইটেই অদ্ভুত। বলেছিলো ফেরী পানসীর চেয়ে অনেক বড়ো জাহাজ অজানা সমুদ্রে রুইজের জন্তে অপেক্ষা করে আছে। পানামা ছেড়ে চিকামায় গিয়ে তিনি যদি পিজারো নামে কাউকে খুঁজে বার করতে পারেন তাহলেই তাঁর বরাত ফিরবে।

রুইজ এই অদ্ভুত গণৎকারের কথা সম্পূর্ণ বিশ্বাস করতে না পারলেও মন থেকে একেবারে মুছে ফেলতে পারেননি। পিজারো নামটা তাঁর একেবারে অপরিচিত নয়। পানামা থেকে পিজারোর দুঃসাহসিক এক অভিযানে যাবার কথা তিনিও শুনেছেন। অভিযানের কোনো খবর পানামায় এসে অবশ্য পৌঁছায়নি। এ সমস্ত অবুর গোঁসাতুঁ মীর যে পরিণাম হয় এ অভিযানেরও তাই হয়েছে বলে সবাই ধরে নিয়েছে।

গণৎকারের মুখে পিজারোর নাম শুনে রুইজ বেশ একটু অবাক ও কৌতূহলী হয়েছেন। গণৎকারকে পরীক্ষা করবার জন্তেই জিজ্ঞাসা করেছেন, পিজারো আবার কে ?

তা জানি না।—গণৎকার যেন সরলভাবেই বলেছে—হাত গুনে ঐ নাম পাচ্ছি।

হাত গুনে নামও পাওয়া যায় ? এ তোমার কোন জ্যোতিষ ?—রুইজ জিজ্ঞাসা করেছেন।

তাতে আপনার কি দরকার ? একটু উদ্ধতভাবেই বলেছে গণৎকার, যা বললাম বিশ্বাস করতে পারেন ত পিজারোর খোঁজে যাবেন নইলে যাবেন না।

পিজারোকে ঐ চিকামায়ই পাবো ?—একটু সন্দিগ্ধভাবে বলেছেন রুইজ,—

তিনি ত অনেকদিন পানামা ছেড়ে গেছেন। তাঁর জাহাজ পশ্চিমের অজানা মহাসমুদ্রে কোথাও ডুবে গেছে বলেই সকলের ধারণা।

আমার গণনা তা বলে না।—বেশ রক্ষ স্বরে বলে গণংকার চলে গিয়েছিল।

বিশ্বাস করুন বা না করুন রুইজ চিকামায় পিজারোর খোঁজে একবার না এসে পারেননি। সেখানে পিজারোর দেখা পেয়ে বিস্মিত বিমূঢ় হয়েছেন।

পিজারোও রুইজের কথা শুনে অবাক হয়ে ভেবেছেন, কে এই গণংকার।

গণংকার যেই-ই হোক। পিজারো আর রুইজের এই মিলনের গুরুত্ব অত্যন্ত বেশি। নতুন স্বর্ণলঙ্কা আবিষ্কারের স্বপ্ন সফল হওয়ার সূচনা এই মিলন থেকেই হয়েছে। কিছুদিন বাদে পিজারোর সহায় ও সহৃদয় আলমাগরো চিকামায় এসে বন্ধুর সঙ্গে যোগ দিয়েছেন।

ইতিমধ্যে তিনিও বেশ কিছু কীর্তি করে এসেছেন। পূর্বকার ব্যবস্থা মত পিজারোর অল্পদিন পরেই আলমাগরো পাত্রী লুকের কাছে টাকার সাহায্য নিয়ে আরেকটি ছোট ক্যারাম্বেল-এ পিজারোকে অহুসরণ করেন। অজানা মহাসমুদ্রে দক্ষিণ উপকূলে এক জায়গায় আদিবাসীদের সঙ্গে লড়াইয়ে একটি চোখ তাঁকে বাদ দিতে হয়েছে। বেশ কিছুদূর পর্যন্ত পাড়ি দিয়েও পিজারোর কোনো হৃদিশ না পেয়ে আলমাগরো আবার পানামাতেই ফিরছিলেন। পথে মুক্তা দ্বীপে নেমে প্রথম পিজারোর খবর তিনি পান। সেই খবর অহুসারেই তিনি চিকামায় এসেছেন।

পানামা যদি নরক হয় তাহলে চিকামা তারো অধম। যেমন সেখানে জলা-জঙ্গলার ভাপসা গুমোট গরম, তেমনি মশা মাছি বিধাক্ত পোকা-মাকড়ের উপদ্রব আর সেই সঙ্গে বন্ধ নোনা জলা অঞ্চলের মারাত্মক সব জ্বর-জ্বালা।

তবু পিজারোর তখন চিকামা ছেড়ে কোথাও যাবার উপায় বা সঙ্গতি নেই। ব্যর্থ অভিযানের দরুন অপমান লাঞ্ছনার সীমা থাকবে না ত বটেই এই অবস্থায় পানামায় ফিরলে পাণ্ডাদাররাও তাঁকে ছিঁড়ে খাবে। পিজারো, আলমাগরো ও রুইজ তিনজনের পরামর্শে শেষ পর্যন্ত গভর্নর পেড্রারিয়াসের কাছে দরবার করবার জন্তে আলমাগরোকেই পাঠানো স্থির হয়েছে। তাঁদের অভিধান যে সম্পূর্ণ ব্যর্থ হয়নি আশ্চর্য এক সোনায় মোড়া দেশের বিশ্বাসযোগ্য কিছু হৃদিশ পেয়েছেন পেড্রারিয়াসকে তা বোঝাতে পারলে দ্বিতীয় অভিযানের অহুমতি পাওয়া যেতে পারে। সে অহুমতি পেলে পাত্রী লুকে-কে ধরাধরি করে অভিযানের খরচা জোগাড় হয়ত অসম্ভব হবে না।

দ্বিতীয় অভিযান শেষ পর্যন্ত সম্ভব হয়েছে কিন্তু তার আগে বাধা-বিপত্তি যা পার হতে হয়েছে তা একেক সময় অলঙ্ঘ্য মনে করে হতাশ হয়ে পড়েছেন উজোগীর।

গভর্নর পেড্রারিয়াস ত খাপ্পা হয়ে উঠেছেন আলমাগরোর অহুরোধ শুনে। অহুমতি দেওয়ার বদলে আগের অভিযানে যে সব সৈনিক নাবিক মারা গিয়েছে তাদের মৃত্যুর জবাবদিহি চেয়েছেন গভর্নর। আলমাগরোর উপহার দেওয়া সোনাদানা জিনিস তাঁকে সন্তুষ্ট করতে পারেনি। অভিযানের আরজি সরাসরি নাকচ করে দিয়ে তিনি মতুন উপনিবেশ নাইকারগুয়ার এক বিদ্রোহী রাজকর্ম-চারীকে শাস্তি দিতে চলে গেছেন।

চিকামায় পিজারো ঋইজের সঙ্গে ছুর্ভোগের দিন গুনছেন আর পানামায় আলমাগরো চরম হতাশায় তখন ডুবে আছেন। যে জগ্রে একটা চোখ তিনি দিয়েছেন সে স্বপ্নও আর সফল হবার নয়। গভর্নর পেড্রারিয়াস ত বটেই, সাধারণ অল্প পরিচিত বন্ধু-বান্ধবও তাঁদের অভিযান বুনোহাসের পেছনে ধাওয়া মনে করেছে। যে মোরালেস একদিন উৎসাহভরে তাদের অভিযানের পরিকল্পনায় যোগ দিয়েছিলেন তিনিও এবারে আলমাগরোকে নিরস্ত করতে চেয়েছেন। সত্যিই আশ্চর্য কোনো সোনার দেশ আছে বলে তিনি আর বিশ্বাস করতে পারেননি। অনেকের মতো তাঁর কাছেও সমস্ত ব্যাপারটা একটা আজগুবি কল্পনা মাত্র। অজানা মহাসমুদ্রে এই আজগুবি রূপকথার দেশ খোঁজার জগ্রে ধন-প্রাণ জলাঞ্জলি দেওয়া তাই মূর্ত্তা।

আলমাগরো হতাশ হয়ে হয়ত চিকামাতেই ফিরে যেতেন কিংবা বন্ধুদের কাছেও মুখ দেখাতে না পেরে পানামা ষোজকের নতুন কোনো উপনিবেশে নিজেই নির্বাসিত করতেন। কিন্তু যার কাছে যেতে তিনি সবচেয়ে ষ্টিখা করেছেন সেই পাত্রী লুকেই একদিন তাঁর খোঁজে মোরালেসের বাড়িতে এসে উপস্থিত।

পিজারো আলমাগরোর ব্যর্থ অভিযান সম্পর্কে আর যে যাই শুনে থাক লুকে কিন্তু সম্পূর্ণ ভিন্ন কিছু শুনেছেন। 'স্বর্ষ কাঁদলে সোনা'র দেশ তাঁর কাছে আজগুবি কল্পনা নয়! সফল সাহস থাকলে সে দেশ খুঁজে পাওয়া যাবেই এই দৃঢ় বিশ্বাসে শুধু গভর্নর পেড্রারিয়াসকেই অভিযানে অহুমতি দিতে তিনি রাজি করাননি দ্বিতীয় অভিযানের জগ্রে অনেক বেশি খরচের টাকাও সংগ্রহ করে দিয়েছেন!

সর্বসাধারণের ধারণার বিরুদ্ধে সোনার মোড়া দেশের অস্তিত্ব সম্বন্ধে পাত্রী লুকের এরকম দৃঢ় বিশ্বাসের ভিত্তি কি? ব্যর্থ অভিযানের বিবরণ সবাই যা শুনেছে, তিনি তার বেশি কি শুনেছেন! কার কাছে, কোথায়? কেউ তা জানে না।

বার্থালমিউ রুইজকে নাবিক-প্রধান করে পিজারো ও আলমাগরো আগের চেয়ে আরো দুটি বড় জাহাজে অস্ত্রশস্ত্র এমন কি ঘোড়া পর্যন্ত নিয়ে পানামা বন্দর থেকে সত্যি একদিন দ্বিতীয় অভিযানে রওনা হয়েছেন।

সে অভিযানও ব্যর্থ। কিন্তু তার ব্যর্থতার ইতিহাসও বিস্ময়কর। 'সুর্ধ কাঁদলে সোনা'র দেশে সেবারেও পিজারো কি আলমাগরো পৌঁছতে পারেননি। কিন্তু অজানা মহাসমুদ্রে দক্ষিণের দিকে যত এগিয়েছেন তত এমন কিছু সব দেখেছেন যা তাঁদের কল্পনারও বাইরে।

এ অভিযানের প্রথম অসামান্য বিস্ময় নাবিক-প্রধান রুইজকে প্রায় স্তম্ভিত করে দিয়েছে। সমুদ্রের উপকূলে নতুন নতুন বর্ধিষ্ণু গ্রাম-নগর, নতুন জাতের মানুষ ও পশু-পাখি তাঁরা এ পর্যন্ত অনেক দেখেছেন। সঠিকভাবে তীরে নেমে কোথাও লুঠপাঠ করে, কোথাও ভদ্রভাবে বিনিময় করে সোনাদানার জিনিস ও অলঙ্কার যা তাঁরা সংগ্রহ করেছেন তা চোখ ধাঁধাবার মতো। 'সুর্ধ কাঁদলে সোনা'র দেশের আশ্বাস এই সব সোনার জিনিসের মধ্যে ভালোভাবেই পাওয়া গেছে। কিন্তু লুক ও মুঙ্ক করলেও এইসব ঐশ্বর্য তাঁদের কল্পনাতীত নয়।

কল্পনাতীত যে বস্তুটি নাবিক-প্রধান রুইজের চক্ষু বিস্ফারিত করে তুলেছে তা তিনি দেখেন উপকূল থেকে বহু দূরে মাঝদরিয়ার।

প্রথমে নিজের চোখকেই বিশ্বাস করতে পারেননি। বিশ্বাস করা সত্যিই কঠিন। কারণ দিগন্তবিস্তৃত সমুদ্রের মাঝে যা তিনি দেখেছেন তা গোড়াতে পাল তোলা কারভেল জাতীয় বেশ বড় জাহাজ বলেই মনে হয়েছে। এ অজানা সমুদ্রে তাঁদের আগে কোনো ইউরোপীয় জাহাজের পাড়ি দেওয়া ত অবিশ্বাস্য ব্যাপার। ইউরোপীয় যদি না হয় তাহলে নিশ্চয়ই জাহাজটি এই দেশীয়দেরই। কিন্তু নৌ-বিদ্যায় এ সব দেশ ত একেবারে আদিম যুগে পড়ে আছে বললেই হয়। সভ্যতার অভাবানি অগ্রসর মেক্সিকোর মানুষও ত সমুদ্রে জাহাজ ভাঙ্গাবার কথা কল্পনাই করতে পারে না। এ পাল তোলা জাহাজ তাহলে কাদের?

কাছাকাছি যাবার পর বিস্ময় আরো বাড়ে।

যা জাহাজ ভাবা গেছিল তা জাহাজ নয়, অদ্ভুত বিরাট সম্পূর্ণ নতুন ধরনের এক রকম ভেলা যা ছোট-খাটো জাহাজেরই সামিল।

প্রথমে যা শুধু দেখেই অবাধ হতে হয়েছিল পরে খুঁটিয়ে তার পরিচয় পাবার পরও সে বিস্ময় বেড়েছে বই কমেনি। এই ভেলা-জাহাজ বড় বড় অত্যন্ত হালকা এক রকম গাছের কাঠ দিয়ে তৈরী। গাছটির নাম বালসা তা থেকে এই ধরনের জাহাজগুলিও বালসা নামে পরিচিত! এই বালসা, কাঠের ভেলায় লোহা ত নয়-ই তাহার কোনো পেরেকও ব্যবহার করা হয় না। সমস্ত কাঠের গুঁড়িগুলো ওখানকার জঙ্গলের এক রকম শক্ত লতায় বাঁধা। ভেলার ওপর মোটা শরের পাটাতন। তার ভেতর থেকে দুটি শক্ত মাস্তুলের খুঁটি বেঁধে তোলা হয়েছে। সেই মাস্তুলে প্রকাণ্ড পাল ঝোলানো। এই বালসা বা ভেলা-জাহাজে দাঁড় বলে কিছু নেই। একটি বড়ো হাল আর বাঁকানো হেলানো যায় এমন 'ইরাক' বা 'কৌল' এর সাহায্যে সেটি চালাবার ব্যবস্থা। এ বালসা যারা চালায় তাদের নৈপুণ্য নিশ্চয়ই খুব উঁচুদরের, তা না হলে খোলা সমুদ্রে এই ধরনের ভেলা নিয়ে তারা চলাফেরা করতে সাহস করতো না।

রুইজ তাঁর জাহাজটি বালসা-ভেলার কাছে ভেড়াবার পর উভয় পক্ষই কিছুক্ষণ অবাধ হয়ে পরস্পরকে লক্ষ্য করেছে। তারপর পরস্পরের আলাপ পরিচয়ের স্বেযোগ হয়েছে বালসার একজন আদিবাসী যাত্রীর সাহায্য।

রুইজ ও তাঁর এসপানিওল নাবিকেরা প্রথমতঃ ভেলা-জাহাজ বালসা আর তারপর তার সওয়ারী নারী পুরুষদের গায়ের সোনাদানা আর পোশাকের বৈচিত্র্য দেখে অত হতভম্ব ও মুগ্ধ না হলে এই সম্পূর্ণ অজানা অঞ্চলের আজব ভেলা-জাহাজে অমন আশাতীত ভাবে দোভাষী পাওয়ারতে কৌতূহলী হয়ে তাকে একটু ভালো করে লক্ষ্য করতেন।

কিন্তু তাঁরা সবাই তখন বালসার যাত্রীদের সোনার গহনার ওজন ও কারুকাজ আর সেই সঙ্গে তাদের গায়ে পশমের মত কি বস্তুতে চমৎকার নজ্রা তুলে বোনা পোশাকের খোঁজ নিতেই তন্ময়।

দোভাষীর কাছেই রুইজ জেনেছেন যে, পশমের মত যা দেখতে সে পোশাক ভেড়ার লোম থেকে তৈরী নয় এ দেশের সম্পূর্ণ ভিন্নজাতের অদ্ভুত এক পশুই তা জোগায়।

সেই দোভাষীই তাঁকে আবেদন কিছু দক্ষিণের এক বন্দর-নগরের খবর দিয়েছে। সে নগরের নাম টমবেজ। সেখানে গেলে এ দেশের পশম যারা

জোগায় সেই অদ্ভুত প্রাণীর পাল মাঠে-ঘাটে দেখা যাবে আর যা দেখা যাবে তার বর্ণনা শুনেই রুইজ ও তাঁর সঙ্গীদের চোখ লোভে চক্‌চক্‌ করে উঠেছে।

সেখানে সোনা আর রূপো নাকি কাঠ-কাঠরার মতোই সস্তা জানিয়েছে দোভাবী। সোনা রূপো সম্বন্ধে এ ধরনের উচ্ছ্বাস রুইজ বা অন্ত এসপানিওলরা এর আগেও অনেক শুনেছে। যত অতিরঞ্জিতই হোক, এ সব বিবরণের মধ্যে কিছু সত্য আছে বিশ্বাস করেই তারা স্ব-শান্তি এমন কি জীবনের মায়াজ জলাঞ্জলি দিয়ে পাড়ি দিয়েছে এই অজানা বিপদের দেশে। কিন্তু ভেলা-জাহাজ বালসার দোভাবীর আশ্বাসের বেশ ভালো বকম প্রমাণ চাক্ষুষই দেখা গেছে। দেখা গেছে ওই বালসাতেই। ওই ভেলা-জাহাজে রুইজ আর তার নাবিকেরা কি দেখেছিল তার একটা তখনকার লেখা বিবরণ আছে, একটা পুরানো পাণ্ডুলিপিতে। তাতে লিখছে ‘এস্পেহোস গুয়ার নাসিহাস দে লা দি চা গাটা। ঈ তাসাগ ঈ গুটাস ভাসিহাস পারা বেবের...’

শ্রীঘনশ্যাম দাসকে খামতে হয়েছে। উদর দেশ যার কুস্তুর মত ফাঁত সেই রামশরণবাবুর গলা থেকে জলে কুস্ত নিমজ্জনের মতই একটা খাবি-খাওয়া গোছের আওয়াজ শোনা গেছে। ধনিটা সত্যিই মারাজক কিছু নয়, দাসমশাইকে তাঁর কি যেন বলার চেষ্টা দ্বিধায় সন্কোচে ওই ধনিরূপ নিয়েছে।

দাসমশাই অক্ষুট বক্তব্যটা সঠিক অহুমান করে নিয়ে বলেছেন—ও আপনারা ত আবার স্প্যানিশ জানেন না। ও পাণ্ডুলিপিতে লেখা আছে...

দাসমশাইকে আবার খামতে হয়েছে। এবার বাধা দিয়েছেন মর্মরের মত মস্তক যার মস্তক সেই শিবপদবাবু। দাসমশাই-এর উন্নাসিক রূপাকটাক্ষটুকুই সহ করতে না পেরে শিবপদবাবু জিজ্ঞাসা করেছেন,—পাণ্ডুলিপিটা কি জানতে পারি ?

পারেন বইকি!—দাসমশাই অহুকম্পাতরে চেয়ে বলেছেন,—পাণ্ডুলিপির পরিচয় হল রিলেসইয়োর সাকাদা দে লা বিব্লিওটেকা ইম্পেরিয়াল দে ভিয়েনা।

শিবপদবাবু সামলে ওঠবার আগেই মেদভারে হস্তীর মত যিনি বিপুল সেই সদাপ্রসন্ন ভবতারণবাবু তাড়াতাড়ি বলেছেন, পাণ্ডুলিপির নাম জেনে কি হবে মশাই! বালসা জাহাজে কি ছিল তাই বলুন!

দাসমশাই যেন ভোট অফ কন্‌ফিডেন্স পেয়ে আবার শুরু করলেন—ওই পাণ্ডুলিপি থেকে জানা যায় যে, ভেলা-জাহাজটিতে সোনা-রূপোর উচুদরের কারুকাজ করা গহনাপত্র ও পশমী পোশাক ছাড়া বিচিত্র আকারের ধাতুর পাত্র আর পালিশ করা রূপোর যে আয়না ইত্যাদি জিনিস রুইজ দেখেন, তা

উচ্চস্তরের সভ্যতারই পরিচয় দেয়। এ পর্যন্ত এ ধরনের সূক্ষ্ম ও উন্নত চাকুশিল্লের নিদর্শন তাঁরা কোথাও দেখেননি।

দোভাষীর কাছে টম্বেজ নামে বন্দরনগরের কথা শুনে রুইজ সেখানেই যাবার জন্তে উদ্গ্রীব হয়ে ওঠেন। পথ দেখাবার জন্তে বালসা থেকে দোভাষীকে যে তিনি নিজের জাহাজে তুলে নেন, তা বলাই বাহুল্য। টম্বেজ-এ একা যাওয়া অবশ্য তাঁর চলে না। এ অভিযানের নেতা পিজারোর অধীনেই সেখানে যাবার আয়োজন করতে হয়। তাই পিজারো আর তাঁর সঙ্গীদের রিও-দে-সান-জোয়ান নদীর তীরে যেখানে ছেড়ে এসেছিলেন, সেখানেই প্রথমে ফিরে গেছেন রুইজ।

পিজারো আর তাঁর দলবলের ইতিমধ্যে দুর্দশার একশেষ হয়েছে। রুইজ জাহাজ নিয়ে সে সময়ে না ফিরলে এ দলের অস্তিত্বই থাকত কিনা সন্দেহ। পিজারোর দলের কিছু নাবিক সৈনিক মারা গেছে অসুখে-বিসুখে ও অনাহারে। সঙ্গের সামান্য খাবার ফুরিয়ে যাবার পর বুনো আলু, নোনা তীরভূমির নারকেল আর গরানগাছের তেতো ফল ছাড়া আর বিশেষ কোন আহার তাঁদের জোটেনি। নদীতীরের বাদা-জঙ্গলে ওদেশের কুমির কেমান-এর পেটে গেছে কেউ কেউ, কারুর জীবনান্ত হয়েছে ওখানকার অজগর আনাকোণ্ডার আলিঙ্গনে। আর কিছু মরেছে আদিবাসীদের গোপন আক্রমণে। ও অঞ্চলের যে আদিবাসীরা প্রথম দিকে স্পেনের অভিযাত্রীদের সূর্যের সন্তান দেবতা বলে ভক্তির চোখে দেখেছিল, তারা এম্পানিওলদের সত্যকার স্বরূপ তখন জেনে ফেলেছে।

রুইজ একেবারে শেষ মুহূর্তে জাহাজ নিয়ে ফিরে পিজারো আর তাঁর অহুচরদের শোচনীয় পরিণাম থেকে বাঁচিয়েছেন। পিজারোর ভাগ্য এবার সবদিক দিয়েই অসুকূল মনে হয়েছে। শুধু রুইজ নয় আলমাগরোও পানামা থেকে প্রচুর রসদ ও নতুন ভর্তি হওয়া নাবিক-সৈনিক নিয়ে এসে পৌঁছেছে সেই সময়।

রুইজ-এর কাছে পিজারো ও আলমাগরো তাঁর অভিযানের বিস্তারিত বিবরণ শুনে উৎসাহিত হয়ে উঠেছেন। টম্বেজ বন্দরনগরের খবর যার কাছে পাওয়া গেছে ভেলা-জাহাজ বালসা থেকে তুলে নেওয়া সেই দোভাষীর সঙ্গে তাঁরা সরাসরি আলাপ করতে চেয়েছেন।

কিন্তু কোথায় সে দোভাষী! কোথাও তাঁর পাত্তা পাওয়া যায় নি। রিও-

দে-সান-জোয়ানের তীরে পিজারোর আস্তানায় ফিরে আসার দিনও দোভাষীকে জাহাজে দেখেছেন, বলে কইজ-এর মনে আছে। অন্ত্য নাবিকরাও তাঁকে সমর্থন করে জানিয়েছে যে, সেই দোভাষীকে তীরে নামতেও তারা দেখেছে। তারপর থেকে তার আর কোন হৃদিশ নেই।

নদীর মোহনায় বালুকাময় তীরভূমিতে পিজারো আর তাঁর সাক্ষপাঙ্ক অহুচরদের ছোট্ট একটা উপনিবেশ। তার চারদিকে দুস্তর বিপদসঙ্কুল বাদাজলা আর দুর্ভেদ্য জঙ্কল। নেহাৎ আহম্মকের মত জলা-বাদা পার হয়ে যদি না সে কুমির, অজগর কি জাঙ্গারের শিকার হবার ভয় তুচ্ছ করে পালিয়ে থাকে তাহলে তার এমনভাবে উধাও হওয়া ত অবিশ্বাস্য ব্যাপার। হঠাৎ অকারণে সে পালাতে যাবেই বা কেন?

দোভাষীর অন্তর্ধান-রহস্যের কোন মীমাংসা শেষ পর্যন্ত হয়নি।

তার দেওয়া বিবরণের ওপর নির্ভর করে পিজারো দক্ষিণের বন্দর-নগরে টম্বেজ খুঁজতে যাওয়ার সংকল্প কিন্তু ছাড়েননি। দলের সকলেরই মনে এখন নতুন আশা, নতুন উৎসাহ। বুনো আলু আর গরানগাছের ফল খেয়ে যাদের হাড়-চামড়া সার হয়েছিল, তাদের এখন আর রসদের অভাব নেই। আলমাগরোর চেষ্টায় লোকবলও তাদের বেড়েছে। তুমুল উত্তেজনা ও উৎসাহের মধ্যে দুটি জাহাজ প্রায় একসঙ্গেই ছেড়েছে। লক্ষ্য, দূর দক্ষিণ সমুদ্রের বন্দর-নগর টম্বেজ, এ যুগের স্বর্ণলঙ্কার যা হয়ত প্রথম সোপান।

অভিযাত্রীদের এবারের স্বপ্নও কিন্তু বিফল হয়েছে। আশ্চর্য বন্দর-নগর টম্বেজ-এ পিজারো তাঁর দলবল নিয়ে পৌঁছেছেন। আশাতীত অভ্যর্থনাও সেখানে পেয়েছেন। বন্দর-নগর টম্বেজ যে অত্যন্ত উন্নত ও সমৃদ্ধ এক অজানা রাজ্যের একটি সীমান্তঘাট মাত্র তা বুঝতে তাঁর দেবী হয়নি। সর্বত্র রাস্তায় ঘাটে দেবস্থানে সোনা-রূপোর ছড়াছড়ি দেখেছেন, দেখেছেন সেই আশ্চর্য প্রাণী যার কোমল মৃগণ লোম ইউরোপের শ্রেষ্ঠ পশমকেও হার মানায়,—অজানা সভ্যতায় ব্যবহৃত নতুন কয়েকটি শব্দ শিখেছেন যেমন কুরাকা, যেন মিনি মারেস্ যেমন ইন্কা।

এই টম্বেজ বন্দর-নগরেই পিজারো মহামহিম রাজ্যেশ্বর ছয়াইনা কাপাক-এর নাম শুনেছেন, সমুদ্রতীর থেকে অনতিদূরের অভ্রভেদী তুষারমৌলি পর্বতশ্রেণী পর্যন্ত যার একছত্র রাজত্ব বিস্তৃত।

এ রাজ্যের শাসনশৃঙ্খলার পরিচয় টম্বেজ নগরীতে ভালোভাবে পাওয়া

গেছে। পূর্বতন এক রাজ্যেশ্বর মহামুহিম টুপাক ইউপাক্ষি এ নগরে একটি দুর্ভেদ্য দুর্গ স্থাপন করেছেন। এ নগরের স্ববর্ণমণ্ডিত দেবস্থান পিজারো ও তার সহ-অভিযাত্রীদের বিস্ময় উৎপাদন করেছে। নগরের একটি আশ্চর্য আবাস-হর্ম্য তাঁরা দেখেছেন সূর্যকুমারীদের জন্তে যা নির্দিষ্ট। নগরময় অসংখ্য জলধারা বহন করবার কৃত্রিম প্রণালী তাঁদের চোখে পড়েছে। তাঁরা দেখেছেন সমুদ্র আর উর্বর মৃত্তিকার দক্ষিণে নগরবাসীদের কোন কিছুই অভাব নেই।

নমুনা স্বরূপ এ নগর দেখেই এ সোনার রাজ্য জয় করবার লালসা তীব্র হয়ে উঠেছে পিজারোর মনে। কিন্তু সে বারের মত এ রাজ্যের বিশদ কিছু বিবরণ আর তার কল্পনাভিত্তিক ঐশ্বৰ্যের বিস্ময়কর কিছু নিদর্শন নিয়েই পিজারোকে সদলবলে পানামায় ফিরতে হয়েছে।

টম্বেজ থেকে আরো কিছু দক্ষিণ পর্যন্ত অবশ্য তিনি পাড়ি দিয়েছিলেন। সে পথে সমুদ্র উপকূলে আরো বহু সমৃদ্ধ নগর তিনি দেখেন আর সর্বত্রই সেই অসামান্য রাজ্যেশ্বরের কথা শোনেন, আকাশছোঁয়া তুষারমৌলি গিরিশ্রেণীর এক গহন গোপন উপত্যকায় যার পরমাশ্চর্য রাজধানী রূপকথার রহস্য বিস্ময় দিয়ে ঘেরা।

সে স্বপ্নপুরীতে পৌঁছোবার সূক্ষ্ম পথ কি নেই ?

দক্ষিণ সমুদ্রে একটু করে পিজারো এগিয়ে গেছেন জাহাজ নিয়ে। তাঁর বাদিকে অজানা তটরেখা। অনতিদূরে আকাশপটে অভ্রালিহ সব গিরিশিখরের একসঙ্গে নিবেদন ও নিমন্ত্রণ। সে সব গিরিশিখরের নাম তিনি শুনেছেন স্থানীয় অধিবাসীদের কাছে।

চিশোরাজো, কোটোপাক্ষি,—সে সব নামগুলিই শঙ্কামেশানো সম্রম আর বিস্ময় জাগায়।

আর একটু, আর একটু করে পিজারো আর তাঁর সঙ্গীরা বিষুবরেখার দক্ষিণে প্রায় নবম অক্ষাংশের কাছে এসে পৌঁছেছেন। ইউরোপের কারুর ইতিপূর্বে এতদূর পর্যন্ত আসার সৌভাগ্য হয় নি।

সুন্দর বিশাল একটি নদীর মোহনায় ঢুকে পিজারো এক বন্দর-নগরে জাহাজ ভিড়িয়েছেন এবার।

প্রশস্ত চওড়া নদী তার ধারে সুন্দর ছোট্ট শহর। তবু এখানে পা দেবার পর থেকেই কেমন যেন একটা অস্বস্তিবোধ করেছে সবাই, কি একটা প্রায় গা ছম-ছম করা ভাব।

কি নাম এ শহরের? নাম জানা গেছে সান্তা।

এখানে এ রকম অদ্ভুত অহুভূতি হবার কারণটা কি হতে পারে? শহরটা কি আলাদা ধরনের কিছু?

এমন কিছু নয়। হাওয়াটা শুধু বড় বেশী রকম যেন শুকনো। নিঃশ্বাস নিতে নাকের ভেতর পর্যন্ত শুকিয়ে দেয়।

আর, আর ওগুলো কি?—জিজ্ঞাসা করেছে পিজারো আর তাঁর দলের লোকেরা, শহরে ঘুরতে বেরিয়ে।

ওগুলো 'গুয়াকাস'!

গুয়াকাস! সে আবার কি?—অবাক হয়ে জিজ্ঞাসা করেছেন পিজারো।

নগরবাসীরা গুয়াকাস কি বুঝিয়ে দিয়েছে। কিন্তু দলের কেউ ত নয়ই, পিজারো বা আলমাগরোও স্পষ্ট করে কিছুই বুঝতে পারেন নি।

বুঝবেন কী করে? আসলে দু'জনেই ত সরস্বতীর ত্যাজ্যপুত্র টিপসই দেওয়া মূর্খ। এ দেশের রাজ্যেশ্বরের পরিবার আর খানদানিরা যে মৃত্যুর পর আপন-জনের মৃতদেহ মিশরীদের মত মামী করে রাখে আর এখানকার আবহাওয়া অসম্ভব রকম শুকনো বলেই সান্তা বন্দর যে সমাধি-নগর হিসেবে নির্বাচিত, তা বোঝবার মত জ্ঞানবিগ্ণে দু'জনের কারুরই নেই।

গুয়াকাস মানে সমাধিস্থান। এইটুকুই তাঁরা বুঝেছেন, আর যত রাজ্যের সেকাল একালের মড়া তার মধ্যে ওষুধে আরকে তাজা রাখবার ব্যবস্থা হয় এইটুকু জেনেই ও শহরে থাকবার আর উৎসাহ পান নি।

জীবিতের চেয়ে মৃতের মর্যাদাই যেখানে বেশী সে বন্দর-নগর ছাড়বার পর পিজারোর লোকজন আর অজানা দক্ষিণে পাড়ি দিতে চায় নি। পিজারোকেও তাদের মতে সায় দিতে হয়েছে।

'সূর্য কাঁদলে সোনা'-র কিংবদন্তীর দেশ যে সত্যি আছে তার যথেষ্ট প্রমাণ ত তাঁরা এবার সঙ্গ করে নিয়ে যাচ্ছেন। ছোটখাট একটা জনপদ ত নয়, এ বিশাল সমৃদ্ধ শক্তিমান রাজ্য জয় করা পিজারোর ওই সামান্য ক'জন সাক্ষ-পাক্ষদের ক্ষমতার বাইরে। তার জন্তে পুরোপুরি তৈরী হয়ে আসতে হবে।

এবারের সার্থক অভিযানের বিবরণ শুনে আর এ অজানা আশ্চর্য রাজ্যের কল্পনাভীত ঐশ্বরের কিছু নিদর্শন চাক্ষুষ দেখলে শাসনকর্তা পেড্রারিয়াস যে কিছুতেই আগের মত বিমূখ থাকতে পারবেন না, নতুন অভিযান সাজাবার

জগ্গে যা কিছু দরকার সাগ্রহেই তা দেবেন, এ বিষয়ে পিজারোর কোনো সংশয় তখন আর নেই।

আশায় উৎফুল্ল হয়ে দৃঢ় আত্মবিশ্বাস নিয়ে প্রায় আঠারো মাস বাদে পিজারো তাঁর সাক্ষপাঙ্ক সমেত দুটি জাহাজ পানামা বন্দরে ভেড়ালেন।

পানামা বন্দরে সে এক অভূতপূর্ব দৃশ্য। সমস্ত শহরই যেন ভেঙে পড়েছে পিজারো আর তাঁর সঙ্গীদের দেখতে আর অভ্যর্থনা জানাতে। তাঁরা যে এখানে প্রাণে বেঁচে আছেন পানামার কেউ তাই ভাবতে পারে নি। আঠারো মাস খাঁদের কোনো সংবাদ নেই, অজানা অসীম সমুদ্রে সম্পূর্ণ অনাবিষ্কৃত ভূভাগে বেপরোয়া হয় পাড়ি দিয়ে নিজেদের গোঁয়াতুমির চরম শাস্তিই তারা পেয়েছে বলে সবাই ধরে নিয়েছিল।

তার বদলে তারা শুধু নিরাপদে ফিরে-ই আসে নি, কিংবদন্তীয় দেশ সত্যিই আবিষ্কার করে তার আশ্চর্য বিবরণ আর নিদর্শন সঙ্কে নিয়ে এসেছে, এ খবর চাউর হবার পর পানামার মত বন্দর-নগরে উৎসাহ-উত্তেজনার জোয়ার বওয়া অস্বাভাবিক কিছু নয়।

পানামা বন্দরে সেদিন গণ্যমাগ্ন থেকে অতিনগণ্যদেরও প্রায় সকলকেই উপস্থিত থাকতে দেখা গেছে।

দেখা গেছে মোরালেসকে, পাদ্রী হার্নান্দো লুকে-কে, আর তখনও পর্বল পিজারোর অভিযানের আসল মহাজন হিসেবে যিনি আত্মপ্রকাশ করেন নি সেই লাইসেনসিয়েট গ্যাস্পার দে এসপিনোসাকেও।

দেখা যায়নি শুধু পানামার গভর্নর পের্দ্রো দে লোস রিয়স ওরফে পেড্রারিয়াসকে। তাঁর সম্মানে বাধলেও তাঁর সরকারী-দপ্তরের কেউ ত তাঁর হয়ে পিজারোদের অভ্যর্থনা জানাতে আসতে পারত। সেরকম কেউও আসে নি।

পিজারো, আলমাগরো ও রুইজ-এর তখনই উদ্বিগ্ন হবার কথা। কিন্তু নাগরিকদের উচ্ছ্বাসিত সমাদরে কিছুকাল মাথা ঠাণ্ডা রাখাই তাঁদের পক্ষে কঠিন হয়েছে।

মেঘলোক থেকে মাটিতে নামবার অবসর হবার পর তিনজনে যখন পেড্রারিয়াসের কাছে নিশ্চিত বিশ্বাসে দরবার করতে গেছেন তখন যে আঘাত তাঁরা পেয়েছেন তা সত্যিই কল্পনাতীত।

‘সূর্য কাদলে সোনা’র দেশ জয় করার স্বপ্ন একমুহূর্তে ধূলিসাৎ করে দিয়ে

গভর্নর পেড্রারিয়াস বলেছেন,—নো এনতেনদিয়া দে দেসপোবলার স্থ
গবনেসিওন পারা কে আভিয়া মুয়েরতো...

নিজেকে যেন কড়া রাশ টেনে থামিয়ে দাসমশাই নিজের ক্রটি স্বীকার করে
বললেন,—ভুলে পেড্রারিয়াস-এর আসল মুখের কথাই বলে ফেলছিলাম। মোক্দা
কথা হ'ল পেড্রারিয়াস পিজারোদের আরজি সরাসরি নাকচ করে দিয়ে রুডভাবেই
জানিয়ে দিয়েছেন যে, নিজের মুল্লুক ভাসিয়ে দিয়ে অগ্নের মুল্লুক গড়ে দেবার
বাসনা তাঁর নেই। সম্ভা ক'টা সোনা-রূপোর খেলনা আর কিছুত একজাতের
ভেড়ার জগ্নে যতজন প্রাণ খুইয়েছে তা-ই যথেষ্ট। তার বেশী প্রাণ অকারণে
নষ্ট হতে তিনি দেবেন না।

পাহাড় টললেও পেড্রারিয়াস টলবেন না। হয় পিজারোদের অভিযানের
অসীম সম্ভাবনা তিনি ধারণা করতে পারেন নি কিংবা সে সম্ভাবনা অত বিরাট
বলেই ভয় পেয়ে গেছেন।

কিন্তু পিজারো আর তাঁর সঙ্গীরা যে চোখে অন্ধকার দেখেছেন! তাঁদের
এত দুর্ভোগ এত প্রাণের-মায়া-ত্যাগ-করা দুঃসাহস? সব নিফল, অগ্নের কাছে
যা সাহায্য পেয়েছেন তার ওপরে নিজেদের যথাসর্বস্ব তাঁরা এই অভিযানের
পেছনে চেলেছেন। এখন তাঁরা পথের ভিখিরী বললেই হয়। পানামার গভর্নর
বিরূপ হবার পর আর নতুন অভিযান সাজাবার কথা ভাষা বাতুলতা। 'সূর্য
কঁাদলে সোনা'র দেশ অনাবিক্তই থেকে যাবে, কিংবা তাঁরা যে প্রথম ধাপ কেটে
দিয়ে যাচ্ছেন তাই দিয়ে ভাগ্যের পরিহাসে আর কেউ সাফল্যের শিখরে উঠবে
এ দেশ আবিষ্কারের গৌরব আত্মসাৎ করতে।

পিজারো আর আলমাগরো একেবারে ভেঙ্গে পড়ে নিজেদের বাসা থেকেই
আর বার হ'ন না।

রুইজ শুধু এত বড় আশাভঙ্গের দুঃখ ভুলতে শুঁড়িখানাতেই প্রায় দিনরাত
পড়ে থাকেন। অনেক রাত্রে শুঁড়িখানার মালিক যখন একরকম জোর করে
তাঁকে রাস্তায় ঠেলে বার করে দিয়ে দোকান বন্ধ করে, রুইজ তখন কোনারকমে
টলতে টলতে মোরালেস-এর বাড়িতেই গিয়ে ওঠেন। সেই তাঁর আস্তানা!

সেদিন অমনি টলতে টলতে মোরালেসের বাড়িতে যাবার পথে রুইজ নির্জন
জলার রাস্তায় যেন ভূত দেখেছেন। নেশায় নিজেকে বেঁহুশ জেনে প্রথমে নিজের
চোখকে বিশ্বাস করতে না পেরে জেগে স্বপ্ন দেখেছেন বলেই মনে করেছেন।
কিন্তু স্বপ্ন বা চোখের ভুল নয়। সত্যিই নির্জন রাস্তায় চাঁদের আলোয়

মাহুঘটাকে স্পষ্ট দাঁড়িয়ে থাকতে দেখা গেছে। নির্জন রাস্তায় এমন একজন মাহুঘ দাঁড়িয়ে থাকা কিছু আজগুবি বাপার নয়। কিন্তু মাহুঘটা যে সেই দোভাষী, ভেলাজাহাজ বালসা থেকে যাকে তুলে নিয়েছিলেন আর পিজারোর তখনকার আস্তানা রিও দে সান জুয়ান-এর তীরে জাহাজ বাঁধবার পর যে নিশিচ্ছ হয়ে গিয়েছিল আশ্চর্যভাবে।

তুমি! তুমি এখানে? রুইজ-এর নেশায় জড়ানো জিত যেন আরো অসাড় হয়ে গেছে।

হ্যাঁ, একটা কথা শুধু বলবার জগে দাঁড়িয়ে আছি এখানে।

কি কথা?—রুইজ মাথাটা পরিষ্কার করবার চেষ্টা করে জিজ্ঞাসা করেছেন।

ইদারায় জল না পেলো নদীতে যেতে হয়।

আঁ!—মাথাটায় ঝাঁকানি দিয়ে বাপসা বুদ্ধি ও দৃষ্টি একটু স্পষ্ট করতে যাবার পর রুইজ সামনে আর কাউকে দেখতে পান নি। লোকটা যেন জ্যোৎস্নার আবছা আলোয় মিশে গেছে।

বালসা থেকে যাকে তুলেছিলেন সেই দোভাষীকেই সত্যি একমাত্র দেখেছেন কিনা মনে সন্দেহ জেগেছে।

যা সে বলে গেল সে কথাটারও মাথা-মুণ্ড কিছু খুঁজে পান নি।

দশ

সারা সেভিল শহরেই সেদিন উৎসবের আনন্দ কোলাহল। এক জায়গায় জনতার চেহারা একটু সম্ভ্রান্ত।

সেখানে ঘুরেফিরে অনেকেরই দৃষ্টি একদিকে পড়ছে। পড়া কিছু আশ্চর্য নয়। অভিজাত সুন্দরী নারী। সৌন্দর্যেও বিশেষত্ব আছে। অনেক সুন্দরী নারীর ভিড়েও এ মহিলাকে আলাদা করে দেখতে হয়।

ভিড় জমেছে অসামান্য এক গীর্জার উৎসব উপলক্ষে। যে সে গীর্জা নয়, সান্তা মারিয়া দে লা সেদে ক্যাথিড্রাল! সেভিল শহরের পরম গর্বের স্থাপত্যনিদর্শন।

পৃথিবীতে গুর চেয়ে বড় গীর্জা আর একটি মাত্রই আছে।

শতাধিক বছর আগে কাজ শুরু হয়ে ১৫১২-এ মাত্র ন' বছর হল গীর্জাটি তৈরী শেষ হয়েছে। সেই থেকে প্রতিবছর এ গীর্জাকে কেন্দ্র করে উৎসব হয়ে আসছে। দর্শকদের ভিড় যেখানে সবচেয়ে বেশী পূজাবেদীর পেছনের সেই অপূর্ব চূয়াগ্লিশটি গিল্টিকরা কাঠের খোঁদাই মূর্তিগুলির কাজ সাতচল্লিশ বছর ধরে নানা শিল্পীর সাধনায় সমাপ্ত হয়েছে মাত্র দু-বছর আগে।

অন্য অনেকের দৃষ্টি বারবার যার ওপর গিয়ে পড়ছে, সেই সুন্দরী মহিলার অঞ্চ মনোযোগ কিন্তু এই অপূর্ব শিল্পনিদর্শনের ওপর নেই। নেহাৎ বাইরের ভড়ং রাখবার জগ্গেই সে মূর্তিগুলির ওপর চোখ বুলিয়ে যাচ্ছে মাত্র। ভালো করে একটু লক্ষ্য করলেই বোঝা যায়, ক্ষণে ক্ষণে সুন্দরী বাইরের গীর্জাতোরণের দিকেই কিসের একটা প্রত্যাশায় যেন তাকাচ্ছে।

রীরডম্-এর মূর্তিগুলি পুরোপুরি না দেখেই মহিলাকে গীর্জার আর একদিকে চলে যেতে দেখা যায়।

এখানেও ক্যাথিড্রালের একটি অতুলনীয় সম্পদ অবশ্য আছে। মেরীমাতার একটি প্রমাণ কাঠের মূর্তি। জননী মেরী রূপোর সিংহাসনে বসে আছেন। তাঁর কেশরাশি সোনার স্ততোয় তৈরী।

এ অপূর্ব মূর্তির সামনে হাঁটু গেড়ে বসে ক্ষণেকের জগ্গে নতি জানিয়েই

মহিলা উঠে পড়ে আবার গীর্জার বাইরের তোরণের দিকেই এগিয়ে যায়।

ক্যাথিড্রালের ঈশঃ স্তিমিত আলো থেকে বাইরে আসবার পর স্ত্রী মহিলাকে কেউ কেউ চিনতে পারে।

মহিলা সেভিলের অধিবাসিনী নয়। কিছুদিন মাত্র এ নগরে তাকে দেখা যাচ্ছে। এই সময়টুকুর মধ্যে মহিলা শুধু মুগ্ধ বিস্ময়ই নয় তার স্বামীর সঙ্গে বেশ একটু তীব্র কৌতূহলও জাগিয়েছে।

মার্কু ইস গঞ্জালেস দে গোলিস নামটা তখন স্পেনের খানদানী মহলে একেবারে অপরিচিত নয়। বনেদী প্রাচীন ঘরানা না হয়েও কিসের দৌলতে মার্কু ইস উপাধি পাবার সৌভাগ্য হয়েছে সেই বিষয়েই সঠিক ধারণা বিশেষ কারুর নেই। নানারকম অনুমান ও গুজব তাই এই নিয়ে প্রচলিত। মার্কু ইস-এর অভিজাত্য কত গভীর সে বিষয়ে অনিশ্চয়তা থাকলেও তাঁর স্ত্রী মার্শনেস-এর সৌন্দর্য সন্দেহে অবশ্য দ্বিমত নেই। সেভিলের সম্রাট মহলে মার্কু ইস ও মার্শনেস-এর খ্যাতির সেই জ্বলন্তই দিন দিন বাড়ছে।

কিন্তু মার্শনেস-এর মত অভিজাত স্ত্রী মহিলাকে এখন দেখলে একটু অবাকই হবার কথা।

সান্তা মারিয়া দে লা সেনে-র ক্যাথিড্রাল থেকে সে রাস্তায় বেরিয়ে এসেছে। নেহাৎ মেলার আবহাওয়া না হলে মার্শনেস-এর এভাবে চলাফেরা অত্যন্ত দৃষ্টিকটু হত।

ধর্মের উৎসবের দিন। রাস্তায় উৎসবমত্ত নাগরিকদের ভিড়। মার্শনেস-এর ওপরে বিশেষভাবে কেউ নজর দেয় না।

এসপানিওলরা জ্ঞাত হিসেবেই ফুঁটিবাজ। তার ওপর সেভিল শহর শুধু নয়, দক্ষিণ স্পেনের সমস্ত সেভিল প্রদেশের লোকেরই আমুদে বলে খ্যাতিটা সবচেয়ে বেশী। খৃষ্টপূর্ব দ্বিতীয় শতাব্দীতে সেভিল শহরের পত্তন থেকেই সেখানকার মাহুঘ আমাদের দেশের বারো মাসে তেরো পার্বণের মত যে কোন ছুতোয় একটা উৎসব করতে পেলে আর কিছু চায় না। স্পেনের নিজস্ব ষাঁড়ের লড়াই নিয়ে তার যেমন মেতে ওঠে তেমনি ধর্মের অহুষ্ঠানের মেলা কি কার্নিভালেও তাদের অদমা উৎসাহ।

তখনকার উৎসবটা আবার ইস্টার-এর। সেভিলের এই উৎসবটাই সবচেয়ে বড়। সেভিল জলার দেশ বললেই হয়। শাখা-প্রশাখা সমেত গুয়াদালকুইভির নদীর বহা সামলাতে বর্তমান যুগেও সেখানে অনেক তোড়জোড় করতে হয়।

কিন্তু জলার দেশ হলেও গোটা আন্দালুসিয়া অঞ্চলটার শুকনো রোদে বলমল আবহাওয়াই সেখানকার মানুষের পোশাক যেমন মনও তেমনি রংচঙে করে তোলে।

শুধু শহরের লোক নয় দূর গ্রামাঞ্চল থেকেও চাষীরা সপরিবারে তখন মেলায় যোগ দিতে এসেছে। তাদের রংবেরং-এর সাবেকী ধরনের সাজের মধ্যে মার্শনেস-এর পোশাক একটু বেমানান হয়ত লাগে। কিন্তু তা নিয়ে মাথা ঘামাবার মত সময় ও উৎসাহ কারুর নেই।

মার্শনেস ক্যাথিড্রাল থেকে বেরিয়ে উত্তর-পূর্ব কোণের ঘণ্টামিনার বা জিরান্ডার নিচে খানিক দাঁড়ায়। এ ঘণ্টামিনার এখন প্রায় দুশ হাত উঁচু। তখন ছিল মাত্র সওয়া একশ হাত। আগের মিনারটি নতুন করে গেঁথে পরে বাড়িয়ে তোলা হয়। পুরানো মিনারটির বয়স কিন্তু গীর্জাটির চেয়ে সাড়ে তিনশ বছরেরও বেশী। সে মিনার ছিল একটি প্রাচীন মসজিদের অংশ। স্পেনের সুদীর্ঘ মুসলিম অধীনতার স্মৃতিচিহ্ন হিসাবে এ ঘণ্টামিনারটি সেভিল ক্যাথিড্রালকে একটি বৈশিষ্ট্য দিয়েছে।

স্থাপত্যরীতির ও সব ভেদাভেদ বুঝে উপভোগ করবার মত ক্ষমতা থাক বা না থাক মার্শনেস-এর তখন সেদিকে দৃষ্টি দেবার মত মনের অবস্থাই নয়। কী একটা অস্থিরতা তাকে যেন তাড়িয়ে নিয়ে ফিরছে।

ঘণ্টামিনারের নিচে একটু অপেক্ষা করে মার্শনেস আবার ক্যাথিড্রালের দিকেই ফেরবার জন্তেই পা বাড়ায়।

ঠিক সেই সময় পেছন থেকে তার পোশাকে একটা টান পড়ে।

বেশ একটু চমকে মার্শনেস ঘুরে দাঁড়ায়। সেভিল-এর লোকেরা ফুর্তিবাজ কিন্তু তাদের শিষ্টতার খ্যাতি অনেককালের। তারা ত পারতপক্ষে এমন অসভ্যতা করে না। তাছাড়া মার্শনেস-এর পোশাকটাই তাকে চিনিয়ে দেয়। সে পোশাক যে হেঁজি-পেঁজির ঘরের নয় তা বুঝে এরকম অসম্মান করবার সাহস করবে কে ?

গাঁ-দেশ থেকে চাষাভূষা অনেক এসেছে। তারা অবশ্য অতশত বোঝে না। মাতাল হয়ে খোশমেজাজে তারাই কেউ কি না জেনেওনে এ বেয়াদপি করেছে ?

ফিরে দাঁড়িয়ে লোকটার দিকে চেয়ে সেই অল্পমানই ঠিক বলে মনে হয়।

রংদার হলেও একেবারে মার্কামারা গ্রাম্য-উৎসবের পোশাকে একটা গাঁইয়া

লোক নেশায় ঢুল্-ঢুলু চোখে তার দিকে তাকিয়ে হাসছে। খাটো জাঁট ইজের, কোমরবন্ধ জাঁটা বোলা কুর্তা আর উবুড়-করা প্রকাণ্ড সানকীয় মত টুপিতে লোকটার গাঁইয়া পরিচয় স্পষ্ট করে লেখা।

মার্শনেস এক মুহূর্তে রেগে আগুন হয়ে ওঠে। তার মধ্যে যে একটা হিংস্র বাঘিনী আছে বাইরের রূপ দেখে তা বোঝবার উপায় নেই।

সেই বাঘিনীটাই যেন হঠাৎ জেগে উঠে লোকটার ওপর ঝাঁপিয়ে পড়তে চায়।

নিজেকে তবু অতিকষ্টে সামলে সে গোলামদের ধমক দেবার ভঙ্গিতে ক্রুদ্ধ চাপা গলায় জিজ্ঞাসা করে,—তুই আমার পোশাক ধরে টেনেছিস বদমাস ?

আজ্ঞে হ্যাঁ, মার্শনেস!—অগ্নানবদনে আগের মতই মূচকে মূচকে হাসতে হাসতে বলে লোকটা।

মার্শনেস! লোকটার কাছে তার পরিচয় তাহলে অজানা নয়। তা সত্ত্বেও চাষাটার এতবড় বেয়াদবী করবার স্পর্ধা হয়েছে!

রাগে মার্শনেস প্রায় ক্ষিপ্ত হয়ে উঠে, চোখের দৃষ্টিতে আগুন ছিটিয়ে বলে,—হাতদুটো কাটিয়ে হুলো হতে চাস ?

তাতে রাজী আছি মার্শনেস দে সোলিস! লোকটার মুখে কোন ভাবান্তর দেখা দেয় না,—তার আগে ওই মিহি কোমরটা একবার জড়িয়ে ধরবার অহুমতি যদি দেন!

মার্শনেস অভদ্র চাষাটার গালে কষাবার জন্তে চড়টা তুলে ছিল তার আগেই। কিন্তু হাতটা তাকে বেশ একটু হতভয় হয়ে নামাতে হয়।

তাকে মার্শনেস বলে চেনা একজন চাষা-ভূষোর পক্ষে যদি বা সম্ভব, মার্শনেস দে সোলিস বলে তার পুরো পরিচয়টা জানা ত প্রায় অবিশ্বাস্য ব্যাপার।

লোকটাকে তীক্ষ্ণদৃষ্টিতে এবার লক্ষ্য করে মার্শনেস সত্যিই চমকে উঠে,—ভূমি!

চাষাড়ে মোটা নকল গৌফটা খুলে আর মাথায় বড় কানাতোলা থালার মত টুপিটা নামিয়ে লোকটি এবার সম্পূর্ণ ভিন্ন গলায় তীব্র বিক্রপের সঙ্গে বলে, হ্যাঁ আমি, মার্শনেস দে সোলিস! তোমার প্রিয়তম স্বামী। সামাগ্র একটু ছদ্মবেশ করে তোমার ওপর নজর রাখছি অনেকক্ষণ থেকে। সামাগ্র মারিয়া দে লা সেদে ক্যাথিড্রালের ইস্টার উৎসবে যোগ দেবার নামে যখন একলা বাসা

থেকে বেরিয়ে এসেছে তখন থেকেই। আমার ছদ্মবেশ অতি সাধারণ। কোনো ছেলেমানুষের চোথকেও বোধহয় এতে ফাঁকি দেওয়া যায় না। কিন্তু কোনো কিছুর চিন্তায় তুমি এত উতলা, এমন অস্থিরভাবে কাউকে খুঁজতে ক্যাথিড্রালের এ প্রান্ত থেকে ও প্রান্ত ছোটাছুটি করে বেড়াচ্ছ যে অমন একটা বেয়াদবীর পরও আমাকে ভালো করে লক্ষ্য করবার ক্ষমতা তোমার হয়নি।

একটু থেমে মার্কু'ইস গঞ্জালেস দে সোলিস বাঁকা হাসিতে বিষ ছড়িয়ে আবার জিজ্ঞাসা করে, এত ব্যাকুল হয়ে কাকে খুঁজছ বলে ফেলো দেখি! কার সঙ্গে এই ক্যাথিড্রালের ভেতরে বা বাইরে দেখা করবার ব্যবস্থা করছে?

একটা গোলামের সঙ্গে : প্রথম চমকের পর ইতিমধ্যেই নিজেকে সামলে নিয়ে মার্কু'ইস-এর চেয়েও তিক্ত তীব্র বিদ্রূপের চাবুক চালিয়ে মার্শনেস বলে, —যাকে শয়তানী ফন্দিতে গোলাম না বানাতে পারলে আজ মার্কু'ইস গঞ্জালেস দে সোলিস-এর বদলে ছদ্মবেশে যা সেজে আছো তোমার অবস্থা তারো অধম হত।

তা যে হয়নি,—মার্কু'ইস যেন স্ত্রীর তীব্র বিদ্বেষটা উপভোগ করে বলে,— তার জন্তে মার্শনেস-এর কাছেই কৃতজ্ঞতা জানাচ্ছি। কারণ শয়তানকেও হার মানানোর ফন্দিটা খাটাবার বাহাদুরী আমার একার নয়, তাতে তাঁরও কিছু কেবামতি আছে। আর আমি আজ মার্কু'ইস না! হয়ে চাষার অধম হলে বেহায়া বিধবা হিসেবে ফার্নানডিনাতেই তাঁরও বোধহয় এতদিনে সোনার অঙ্কে ছাতা ধরত।

জানোয়ার!—দাঁতে দাঁত চেপে কথা দিয়েই মাংস খুবলে নেবার মত গলায় বলে মার্শনেস।

নিশ্চয়ই! তা না হলে তোমার স্বামী হবার যোগ্য হতে পারি!—আগের মতই জ্বালাধরানো হাসির সঙ্গে বলে মার্কু'ইস গঞ্জালেস দে সোলিস,—কিন্তু পরস্পরকে মধুর সব সম্ভাষণ করবার যথেষ্ট সময় পরে পাওয়া যাবে। আপাতত তোমার এত ছটকটানি কার জন্তে সেইটেই বুঝে দেখা যাক। সেই গোলামটার?

মার্কু'ইস একটু থেমে ভুরু কুঁচকে যেন গম্ভীরভাবে ভাববার ভান করে বলে—না গোলামটা নয়। তবে তারই হৃদিস পাবার আশায় আর কারুর জন্তে!

কথাগুলো কিরকম বিধছে বোঝবার জন্তেই স্ত্রীর মুখের দিকে চেয়ে মার্কু'ইস খানিক চূপ করে।

মার্শনেস-এর মুখ যেন পাথর কেটে তৈরী। শুধু চোখছুটো আঙুরার মত জ্বলছে।

সে আর কেউ-কে কি আমি চিনি? মাকু'ইস যেন সরবে চিন্তা করে,— মনে হচ্ছে চিনি। সেই অপদার্থ বুড়ো পাইলটটা, সেই কাপিতান সানসেদো, তোমার তিয়েন সেই আহাম্মকটা, যার ধর্মজ্ঞানের বাড়াবাড়িতে আমাদের সবকিছু বানচাল হতে বসেছিল। হ্যাঁ, ঠিক! সে ছাড়া আর কেউ নয়। বুড়ো জরঙ্গাবটা গোড়া থেকেই আমার বিঘনজরে দেখেছে। সেই গোলামটার ওপরই তার ছিল যত টান। জুয়াতে গোলামটার ওপর দরদের তাকে তার শোধও আমি নিয়েছি। মহামাশ্র স্পেন-সম্রাটের সোনাদানার নজরানা মেক্সিকো থেকে জাহাজে বয়ে আনার সময়ে বেশকিছু সরাবার দায়ে তার পেছনে হলিয়া ছুটছে। বুড়োকে এখন ফেরার হয়ে ফিরতে হচ্ছে গা-ঢাকা দিয়ে। তার মেদেলিনের বাড়িঘর সম্পত্তি সব বাজেয়াপ্ত হয়ে গেছে। সেই বুড়োটার সঙ্গে তোমার কোনওভাবে দেখা হয়েছে নিশ্চয়। বুড়োই গোপনে যোগাযোগ করছে। সে তোমার জপাতে চায় সেদিনকার আসল ব্যাপারটা তার কাছে শ্রায়ধর্মের খাতিরে খুলে বলবার জ্ঞে! আর তুমি তার কাছে গোলামটার হদিস চাও। বুড়ো আবার কিসব ডাইনি বিচ্ছে-টিগের জোরে ভূতভবিষ্যৎ বলে কিনা! দুজনে গোপনে যুক্তি করে এইখানেই কোথাও দেখা হবার ব্যবস্থা তাই ঠিক করেছিলে, কেমন?

শয়তানের মত হেসে ওঠে এবার মাকু'ইস। তারপর আক্রোশ আর বিদ্বেষে মুখচোখের বিকৃত ভঙ্গিতে বলে,—কিন্তু তা হবার নয় মার্শনেস। সেই বুড়ো আহাম্মক, তোমার তিয়েন, কাপিতান সানসেদোকে সেভিল শহরে আর দেখতে পাবে না। তুমি ডালে ডালে ফেরো বলে আমার পাতায় পাতায় থাকবার ব্যবস্থা করতেই হয়। চরেরদের কাছে খবর পেয়ে তোমার আর কাপিতানের জোটবঁধার রাস্তাটা তাই বন্ধ করতে হয়েছে। তোমার আদরের পাতানো মামা কাপিতান সানসেদোর নামে হলিয়াটা এখানেও চালু করে দিয়েছি। এখানে ধরা পড়লে হাজতের দরজা যে তাঁর জ্ঞে হাঁ করে আছে তা জেনে কত পগার তিনি এতক্ষণে পার হয়েছেন কে জানে!

তুমিই তাহলে মেদেলিন শহরে তাঁর ভিটেমাটি নিলামে চড়িয়ে আমার তিয়েনকে দেশছাড়া করেছ, সম্রাটের নজরানা চুরির মিথ্যে অভিযোগ সাজিয়ে তাঁর নামে হলিয়া বার করিয়েছ, আর এই সেভিল শহরে থেকেও তাঁকে

তাড়িয়েছ পাছে আমার সঙ্গে দেখা হয় বলে!

মার্কু'ইসকেও একবার চমকে ভুরু কঁচকে তাকাতে হয় স্তীর দিকে। মার্শনেস যেন হঠাৎ অগ্নি কেউ হয়ে গেছে। এতগুলো কথা যে বলেছে তার মধ্যে উত্তেজনা আক্রোশ কিছুই নেই। এক পর্দায় কথাগুলো যেন ছোটদের মুখস্থ পড়ার মত সে বলে গেছে। কিন্তু সেই একঘেয়ে একটানা বলাটাই যেন আরো বেশী অস্বস্তিকর।

ভেতরে বেশ একটু অস্বস্তি বোধ করলেও বাইরে ভাচ্ছিল্য ও অবজ্ঞার সঙ্গে মার্কু'ইস বলে, ফিরিত্তিটা ঠিকই দিয়েছ। কিন্তু আমায় লুকিয়ে মেদেলিন শহরে সানসেদোকে খুঁজতে গিয়ে যখন রাজদ্রোহের অপরাধে ভিটেমাটি খুঁয়ে তাঁর ফেরারী হবার কথা জেনেছিলে তখনই আমার বাহাদুরীটুকু জাঁচ করা উচিত ছিল। সেভিলে তাঁর সঙ্গে মেলবার মিথ্যে আশা তাহলে আর করতে না। আর যেখানেই পাও সেভিল শহরে তাঁর দেখা পাবে না।

মার্শনেস কিছুই না বলে স্বামীর দিকে একদৃষ্টে কয়েক মুহূর্ত চেয়ে থেকে ক্যাথিড্র্যালের ভেতরেই চলে যায়।

মার্কু'ইস গঞ্জালেস দে সোলিস-এর আফালন কিন্তু মিথ্যে হয়ে গেছে অপ্রত্যাশিত একটি ঘটনায়।

কাপিতান সানসেদোর মত সামান্য একটা মাহুঘের বিরুদ্ধে হলিয়া নিয়ে সেভিল শহরের মাথাব্যথার তখন অবসর নেই। লুকিয়ে থাকতে হলেও কাপিতান সানসেদোকে সেভিল ছেড়ে যেতে হয়নি। তিনি তখন সেভিল ছেড়ে গেলে এ কাহিনীর সমাপ্তি এখানেই টানতে হত কিনা কে জানে!

সেভিল শহর শুধু নয় সারা স্পেনকে পরে সজাগ চকল করে তোলবার মত একটি ব্যাপার তখন ঘটেছে। ঘটেছে প্রথমে কিন্তু নিঃশব্দে।

যাঁর সম্বন্ধে অনেক কিংবদন্তী আগেই স্পেনে এসে পৌঁছেছে সেই ফ্রানসিসকো পিজারো সেভিলের বন্দরে তাঁর জাহাজ নিয়ে এসে নোঙর ফেলার পরই পুরানো দেনার দায়ে গ্রেফতার হয়েছেন।

তাকে গ্রেফতার করিয়ে জেলে যিনি পাঠিয়েছেন ইতিহাসে শুধু সেই একটি কারণেই তিনি স্মরণীয় হয়ে আছেন। তাঁর নাম ব্যাচিলর এনসিসো।

এগারো

হ্যাঁ পিজারো সত্যিই কুড়ি বছর বাদে আবার নিজের দেশ এসপানিয়ার ফিরেছেন।

ছন্নছাড়া অভাগা বাউণ্ডুলে হিসেবে দেশ ছেড়ে দুর্গম অজানা বিপদের রাজ্যে অনিশ্চিতের মধ্যে ঝাঁপ দিয়ে ভাগ্য পরীক্ষা করতে যাবার পর এতদিন বাদে অনেক আশা নিয়ে ফিরে দেশের মাটিতে পা দেওয়া মাত্র জেলখানার কয়েদী হতে বাধ্য হওয়া যদি অভাবনীয় হয়, তাহলে পানামা থেকে তোড়-জোড় করে তাঁর স্পেনে আসার ব্যবস্থা করাই আশ্চর্য ব্যাপার।

পানামার গভর্নর পেড্রারিয়াস ত পিজারো আর আলমাগ্রোর সব আশাফ ছাই ঢেলে দিয়েছিলেন। তাদের আকুল প্রার্থনায় কানই দিতে চান নি- নিজেদের জীবনের তোয়াক্কা না করে চরম দুঃখ দুর্যোগ বিপদের সঙ্গে যুঝে আশ্চর্য এক দেশের যে-সব চাক্ষুষ প্রমাণ তাঁরা এনেছিলেন সস্তা কটা খেলনা বলে তা অগ্রাহ্যই করেছিলেন।

পিজারো আলমাগ্রো ত বটেই তাঁদের সঙ্গীসাথী আর মহাজন পর্যন্ত তখন হতাশায় ভেঙে পড়ে হাল ছেড়ে দিয়েছিলেন। পেড্রারিয়াস যখন বিমুখ তখন চিরকালের মত তাঁদের কপাল ভেঙে গেছে বলে তাঁরা মেনেই নিয়েছিলেন।

তারই মধ্যে হঠাৎ স্পেনে আসার মতলব এল কোথা থেকে!

এল বার্থালমিউ রুইজ-এর সেই নেশার ঘোরে শোনা ভূতুড়ে নির্দেশ থেকে।
ইদারায় জল না পেলে নদীতে যেতে হয়।

এ আবার কি রকম কথা!

মাতালের খেয়ালে কথাটা মুখে আওড়াতে আওড়াতে রুইজ সেদিন মাঝরাত্রে মোরালেস-এর বাড়িতে গিয়ে উঠেছিলেন।

বন্ধুর ঘরেই রুইজ-এর শোবার ব্যবস্থা। রুইজ-এর মাতাল হয়ে রাত করে বাড়ি ফেরা মোরালেস বন্ধুত্বের খাতিরে মেনেই নিয়েছেন। কিন্তু সেদিন এই বিড়বিড়িনির উপজ্জবে ঘুমোতে না পেরে চটে উঠে বলেছিলেন,—মাতাল হওয়ার সঙ্গে পাগলও হয়েছ নাকি! বিড়বিড় করে বলছ কি?

বলছি, ইদারায় জল না পেলে নদীতে যেতে হয়।

তার মানে?—মোরালেস বিরক্ত হয়ে উঠেছিলেন,—রাতছপুরে জপ করবার এ মন্তর আবার কোথায় পেলে?

পেলায় ভূতের কাছে!

খামো! ঘুমোতে দাও বলে ধমক দিয়েছিলেন মোরালেস। রুইজ কিন্তু খামেন নি! বলেছিলেন,—সত্যি বলছি তোমায়, এখানে আসতে জলার ধারের রাস্তায় ভূত দেখেছি। অনেক দূরের অঙ্গুর জঙ্গল ঘেরা, এক জলাবাদার মাঝখানে যে হঠাৎ যেন হাওয়াতেই মিলিয়ে গেছিল একদিন, সেই দোভাষীটাই নির্জন পথে আমার খানিক আগে খামিয়ে ওই কথাটা শুনিয়েছে। শুনিয়েই আবার মিলিয়ে গেছে অন্ধকারে।

কি কথাটা আর একবার বলো তো!—মোরালেস হঠাৎ উত্তেজিত হয়ে উঠেছিলেন।—বলো, বলো।

ইদারায় জল না পেলে নদীতে যেতে হয়।—মোরালেস—এর হঠাৎ এত উত্তেজিত হবার কারণ বুঝতে না পেরে একটু হতভম্ব হয়েই বলেছিলেন রুইজ।

হয়েছে! হয়েছে! ঠিক হয়েছে!—মোরালেস বিছানা ছেড়েই উঠে বসেছিলেন।

কি ঠিক হয়েছে?—রুইজ বন্ধুর জন্মেই তখন চিন্তিত। শুড়িখানা থেকে ত তিনিই আগছেন, মোরালেস তাহলে এমন আবেল-তাবেল বকছেন কেন?

ঠিক হয়েছে তোমাদের এখন কি করতে হবে তাই!—উত্তেজনার ভেতরই গম্ভীর হয়ে এবার বলেছিলেন মোরালেস,—কালই পিজারো আর আলমাগ্রাকে ডেকে আনবে। তোমাদের সব সমস্যা মেটাবার এই উপায়টার কথাই আগে মাথায় আসে নি।

*

*

*

সে উপায় আর কিছু নয়, পেড্রারিয়াস-এর কাছে বিকল হলেও স্পেনে গিয়ে খোদ সম্রাটের কাছেই একবার হত্যা দেওয়া।

কুয়োর জল না পেলে নদীতে যেতে হয়।

কুয়ো হ'ল পেড্রারিয়াস। পেড্রারিয়াস যদি আশা না মেটায় তাহলে চলো, পেড্রারিয়াস যার হুকুমের চাকর সেই সম্রাট পঞ্চম চার্লস-এর কাছে শেষ সেপ্টা করে দেখতে।

কিন্তু যাবে কে এই গুরুভার নিয়ে?

আলমাগ্রো ?

না, মুখু শুধু নয় বেঁটে খাটো গাঁট্টাগোঁটা চোয়াড়ে চেহারা। রাজদরবারে গিয়ে দাঁড়ালে চাকরবাকর ছাড়া আর কিছু মনে হবে না।

হ্যাঁ চেহারার দিক দিয়ে মানায় বটে পিজারোকেকে। তিনিও মুখু বটে, এককালে সুরোরের রাখাল ছিলেন। কিন্তু চেহারা দশসই হোমরাচোমরা গোছের। বলিয়ে-কইয়েও ভালো। অভিযানের কাহিনী ফলাও করে শোনাবার উপযুক্ত লোক।

সুতরাং ঠিক হয়েছে পিজারোই যাবেন স্পেনে সন্ন্যাসের কাছে নিবেদন জানাতে।

কিন্তু এদিকে তখন অভিযাত্রী দলের যে ভাঁড়ে মা ভবানী। পানামা থেকে স্পেনের রাজদরবারে পাঠাবার পাথেয় জোগাড় করাই দায় হয়ে উঠেছে। ছু' দুটো অভিযানে খরচ ত বড় কম হয় নি। 'সূর্য কাঁদলে সোনা'র দেশের হৃদিস তাতে মিলেছে, কিন্তু লাভ যা হয়েছে তা উজ্জ্বল সোনালী আশা, আসল সোনা নয়।

অনেক কষ্টে পোনেরো শ' ডুকাট জোগাড় হয়েছে। তাই নিয়ে পিজারো একদিন পানামার বন্দর নোষর দে দিয়েস থেকে পাড়ি দিয়েছেন।

সঙ্গী হিসেবে নিয়েছেন শুধু পেড্রো দে কান্ডিয়াকে।

জাতে এসপানিওল নয়, গ্রীক। বিশাল দৈত্যাকার চেহারা। পিজারোর অল্পগত বিখ্যাত তেরো সঙ্গীর একজন। টম্বেজ শহরে তার বিশাল বর্মপরা চেহারা দেখেই সেখানকার মানুষ থ হয়ে গেছিল।

স্পেনের রাজদরবারে তাঁদের অভিযানের প্রমাণ হিসেবে দাখিল করার জগ্রে পিজারো সোনাদানার নানা জিনিসপত্র, গয়না, ও-দেশের পশমী কাপড়-চোপড়, আর ছু' তিনটি বিচিত্র প্রাণী লামা ত নিয়েছিলেনই, কয়েকজন ওদেশের আদিবাসীও সঙ্গে নিতে ভোলেন নি।

এইসব লটবহর নিয়ে পিজারোর জাহাজ নিরাপদেই মাঝখানের অকুল সমুদ্র পার হয়ে একদিন সেভিল বন্দরে গিয়ে ভেড়ে।

অতলান্তু দীর্ঘ সমুদ্রপথে যার দেখা পান নি, সে আপদ তাঁর জগ্রে সেভিলের বন্দরেই অপেক্ষা করছিল তা আর পিজারো কেমন করে জানবেন।

স্পেনে নতুন মহাদেশ থেকে কোন জাহাজ এসে ভিড়লেই তখনো একটু উৎসুক হয়ে খোঁজখবর লোকে নেয়।

কোথা থেকে জাহাজ এলো? ফার্নান্ডিনা কি হিসপানিওলা থেকে এলে
তেমন কোন কৌতূহল নেই। মেক্সিকো যুকাটান কি নতুন উপনিবেশ পানামা
গুয়াতামেলা থেকে এলে আগ্রহ একটু বেশী।

এ জাহাজ পানামা থেকে এসেছে শুনে ছ' চারজন বন্দরে একটু কৌতূহলী
হয়ে দাঁড়িয়েছেন, দাঁড়িয়ে দেখাটা সার্থকও হয়েছে। কি সব অদ্ভুত জানোয়ার
নামানো হয়েছে তক্তা ফেলে জাহাজ থেকে! অ্যাডমিরাল কলম্বস ছত্রিশ বছর
আগে সেই নতুন সমুদ্রপারের দেশ আবিষ্কার করার পর থেকে অনেক কিছু
অবাক করবার মত দেখলেও এমন অদ্ভুত জানোয়ার স্পেনের কেউ কখনো
দেখে নি। শুধু জানোয়ারই নয়, একটু ভিন্ন চেহারার আদিবাসীও নেমেছে
জাহাজ থেকে।

কোথা থেকে এসব আমদানি!

তা কেউ সঠিক বলতে পারে না।

এনেছে কে?

এনেছে এমন একজন যার সম্বন্ধে উড়ো খবর এই সেভিলেও কিছু কিছু
শৌছেছে। লোকটার নাম ফ্রানসিস্কো পিজারো।

ফ্রানসিস্কো পিজারো! বন্দরে নতুন জাহাজের মাল খালাস দেখবার
জগ্গে ছোট্ট যে ভিড় জমেছিল তার ভেতর থেকে একজনকে উত্তেজিত হয়ে
উঠতে দেখা গেছে ॥

ফ্রানসিস্কো পিজারো। নামটা শুনে ভুল হয়নি ত? না ভুল হয়নি।
ওই ত পিজারো, একজন দেখিয়ে দিয়েছে। পিজারো তখন জাহাজ থেকে
নামবার জগ্গে ডেকের ধারে এসে দাঁড়িয়ে আর এক দৈত্যাকার সঙ্গীর সঙ্গে কথা
বলছেন।

ভিড়ের উত্তেজিত লোকটিকে এবার ব্যস্ত হয়ে যেতে দেখা গেছে বন্দরেরই
কোতোয়ালীতে।

কিছুক্ষণ বাদে পিজারো জাহাজ থেকে বন্দরে নেমে ছ' পা ষাবারও সময়
পান নি। চারজন সেপাই এসে তাঁকে ঘিরে দাঁড়িয়েছে।

এ কি ব্যাপার!—অবাক হয়ে জিজ্ঞাসা করেছেন পিজারো।

কী ব্যাপার বুঝতে পারছ না!—সেপাইদের পেছন থেকে ভিড়ের সেই
উত্তেজিত লোকটি এবার এগিয়ে এসেছে,—আমায় দেখলে হয়ত বুঝতে পারবে!
চিনতে পারছ আমায়?

পিজারো সবিস্ময়ে তাঁর দিকে তাকিয়ে বলেছেন,—আপনি—আপনি ব্যাচিলর এনসিসো!

নামটা ত মনে আছে দেখছি! ব্যাচিলর এনসিসো ব্যঙ্গ করে বলেছে,— শুধু দেনাটাই ভুলে গেছ বেমালুম। স্বরণশক্তিটা সেদিকে একটু উল্কে দেবার জন্মেই এই হাজতে নিয়ে যাবার ব্যবস্থা করেছি। দেনাটা শোধ করতে পারো ভালো, নইলে হাজতেই পচিয়ে মারব।

পিজারো সত্যিই তখন হতভম্ব। স্পেনের বীর সেবক সে যুগের সবচেয়ে দুঃসাহসিক অভিযানের নায়ক দেশের মাটিতে পা দেবার সঙ্গে সঙ্গেই দেনার দায়ে গ্রেফতার হয়ে হাজতে চলেছেন! তাঁর হয়ে বলবার তাঁকে বাঁচাবার কেউ নেই?

বাধা দেবার জন্মে দৈত্যাকার পেড্রো দে কানডিয়া অবশ্য ছুটে এসেছিল। নেহাৎ সরকারী সেপাই না হলে অমন গোটা দেশক লোককে সে একাই তক্তা বানিয়ে দিতে পারত। কিন্তু মারামারির জায়গা এটা নয়, সেটুকু বুদ্ধি তার ঘটে ছিল।

কানডিয়া নিজেই সামলে যতদূর সম্ভব উদ্ভভাবেই জিজ্ঞাসা করেছে, ব্যাচিলর এনসিসোকে,—কী করছেন আপনি! কাকে ধরে নিয়ে যাচ্ছেন, জানেন?

জানি, জানি!—ব্যাচিলর এনসিসো টিটুকিরি দিয়ে বলেছে,—উনি নাকি সাগরপারে মস্ত এক বীর হয়েছেন আজকাল! বাঁশবনে গিয়ে শিয়াল রাজা! তা উনি রাজাগজা যা-ই হোন আমার কাছে উনি খাতক। দেনা শুধুতে না পারলে ক্রীষর যেতেই হবে।

কত আপনার দেনা? দেনাই-বা কিসের?—জিজ্ঞাসা করেছে পেড্রো দে কানডিয়া।

তারপর দেনা কত আর কিসের ব্যাচিলর এনসিসোর মুখে শুনে কানডিয়া থ হয়ে গিয়েছে একেবারে। পিজারো স্পেন থেকে সমুদ্রে পাড়ি দিয়ে প্রথম ড্যারিয়েনেই গিয়েছিলেন। এখন যাকে পানামা-যোজক বলি তারই তখনকার নাম ছিল ড্যারিয়েন। সেখানে তখন নতুন উপনিবেশ বসছে। যারা সে উপনিবেশে বসতি করতে চেয়েছে মহাজন হিসেবে তাদের ধার দিয়েছিল এই ব্যাচিলর এনসিসো। পিজারোও এরকম ধার নিয়েছিলেন। সে ধার আর শোধ করা তাঁর পক্ষে সম্ভব হয়নি। চক্রবৃদ্ধি হুদে বেড়ে প্রতি এক ডুকাটের

ঋণ বছর কুড়ির মধ্যে একশ ডুকাট হয়ে দাঁড়িয়েছে। সেই денার দ্বায়েই ব্যাচিলর এনসিসো এখন পিজারোকে গ্রেফতার করিয়ে কয়েদখানায় চালান করছে।

সত্যি চোখে অন্ধকার দেখেছে পেড্রো দে কান্ডিয়া। নেহাৎ সাদাসিধে মানুষ। চেহারাটা তার যত বিরাট, বুদ্ধিটা তত অল্প। পিজারো বন্দী হবার পর সবে নজরানার জিনিসপত্র জব্বানোয়ার আর আদিবাসীদের ক'টাকে নিয়ে কী করবে তাই সে ভেবে পায়নি। তার বুদ্ধিতে মুন্সিল আসানের একটিমাত্র যে উপায় সে বার করতে পেরেছে তা হ'ল, সঙ্গে যা কিছু আনতে পেরেছে তা নিলেমে বেচে পিজারোকে দেনা মিটিয়ে খালাস করা।

কিন্তু সবকিছু বেচেও দেনা শোধ হবে কি না সে বিষয়ে তার কোনো ধারণা নেই। তা ছাড়া এ সব বেচে দিয়ে পিজারোকে ছাড়ালে মনের দুঃখে তিনি ত আবার আত্মঘাতী হবেন। পিজারো তখন ছাড়াই পাবেন শুধু, কিন্তু সম্রাটের দরবার কোন্ মুখে কী নিয়ে যাবেন ?

দারুণ ফাঁপরে পড়ে জাহাজ থেকে নামানো মালপত্র তদারক করতে গিয়ে কান্ডিয়াকে মাথায় হাত দিয়ে বসে পড়তে হয়েছে।

জাহাজ থেকে নামানো ল্লামাগুলোর মধ্যে একটা ল্লামা নেই। সেই সঙ্গে সূদূর টম্বেজ থেকে আনা চারজন আদিবাসীর একটিও নিরুদ্দেশ।

পিজারোকে ধরে হাজতে নিয়ে যাওয়ার অপ্রত্যাশিত ব্যাপারে বন্দরের লোকজন বেশ উত্তেজিত চঞ্চল থাকবার দরুনই কখন যে আদিবাসীটি আর ল্লামাটা তাদের চোখের সামনে থেকে উধাও হয়ে গেছে কেউ খয়াল করে নি।

কিন্তু আদিবাসীটার এমন ছুবুন্ধি হলই বা কেন? ল্লামাটাকে সেই যে বাঁধন খুলে ছেড়ে দিয়েছে এ বিষয়ে সন্দেহ নেই। সঙ্গে করেও যদি নিয়ে বেরিয়ে থাকে তাতে তার লাভটা কি? এই সম্পূর্ণ অজানা বিদেশে একটা অদ্ভুত অচেনা জানোয়ার নিয়ে সে পালাবে কোথায়? পালাবার দরকারটাই বা তার কি ছিল?

প্রশ্নগুলোর উত্তর দৈতাকার পেড্রো দে কান্ডিয়া অন্ততঃ ভেবে পায় নি।

সে তখন পিজারোকে ছাড়বার জন্তে ব্যাচিলর এনসিসোরই হাতে পায়ে ধরা একমাত্র উপায় বলে ঠিক করেছে।

ব্যাচিলর এনসিসো কিন্তু অটল নির্মম। денার একটি দামড়ি সে ছাড়তে

প্রস্তুত নয়, আর কড়ায় ক্রান্তিতে দেনা শোধ না হলে পিজারোকে ।

দে কান্ডিয়া নিরুপায় হয়ে যা-কিছু সঙ্গে এনেছে সব নিলেমে ভোলার নিয়ম কানুন খোঁজ করতে বাস্তব হয়েছে ।

মেটা ১৫২৮ খৃষ্টাব্দ । গ্রীষ্মকালের শুরু । ইস্টার পরবের আনন্দে সমস্ত সেভিল শহর তখন মেতে উঠেছে ।

পিজারো সন্ধ্যা একটু-আধটু উড়ো খবর আর গুজব অতলাস্ত সমুদ্র পার হয়ে এ কূলে মাঝে মাঝে ভেসে এসেছে বটে কিন্তু পিজারোর নামে তখনও সে জাহ্নু নেই । বন্দরের দু'চারজন বাদে উৎসবমত্ত সেভিল শহর সেদিন পিজারোর কারারুদ্ধ হবার খবরেও এমন কিছু চঞ্চল হয়ে বোধহয় উঠত না ।

সে খবর তাদের কাছে কতদিন কিভাবে পৌছোত তারই ঠিক নেই । বাসি ও ফিকে হয়ে সে খবর যখন সাধারণের কানে যেত তখন কান্ডিয়ান নিলেমে বিক্রি করা জিনিসপত্র সৌখীন সম্ভ্রান্ত ধনীদেব প্রাসাদে সাধারণের চোখের আড়ালে হ'ত গায়েব । হাজতে থেকে মুক্তি পেলেও বিষদাঁত ভাঙা সাপের মত পিজারো তখন হতেন নিঃসহায় নিঃসম্বল ।

ইস্টার উৎসবে মত্ত সেভিল শহর কিন্তু পিজারো সন্ধ্যা উদাসীন থাকতে পারে নি ।

পিজারোর গ্রেফতারের খবর যাদের কাছে পৌছোলেও এমন কিছু সাড়া তুলত না তারাই গচকিত উত্তেজিত হয়ে উঠেছে একটি অভাবিত ব্যাপারে ?

সেভিল শহরের রাস্তায় রাস্তায় উৎসবমত্ত জনতা হঠাৎ সেদিন বিস্মিত বিহ্বল আতঙ্কিত হয়ে উঠেছে ।

কিষ্কিং সুরা পানে যারা মত্ত তারা আচ্ছন্ন মস্তিষ্কের দুঃস্বপ্নই দেখছে বলে মনে করেছে । যারা সহজ স্বাভাবিক তারা নিজেদের চোথকেই বিশ্বাস করতে পারে নি ।

সেভিল শহরের রাস্তায় চিরপরিচিত রাস্তায় রাস্তায় অবিখ্যাত অদ্ভুত এক প্রাণী ছুটে বেড়াচ্ছে !

এ কি শয়তানের প্রেরিত কোনো মূর্ত অভিশাপ না বাস্তব কোনো প্রাণী ?

মার্শনেস গঞ্জালেস দে সোলিস দুঃসহ রাগে ঘৃণায় স্বামীর কাছ থেকে চলে গিয়েছিল ক্যাথিড্রালের ভেতরে । সেখান থেকে কিছুক্ষণ বাদে বার হয়ে মনের অশান্ত অস্থিরতার উৎসবের ভিড়ের ভেতর দিয়ে হাঁটতে হাঁটতে এসেছিল সেভিলের মুসলিম যুগের বিখ্যাত প্রাসাদ আলকাজার-এর কাছে । গ্রানাদার

আলহাম্ব্রার সঙ্গে তুলনীয় এই প্রাসাদের কাছেই মার্শনেস হঠাৎ জনতার ভীত চিৎকার শুনে দাঁড়িয়ে পড়ে। তারপর তার চোখের সামনে দিয়ে যে প্রাণীটি ছুটে চলে যায় সেটিকে দেখে আতঙ্কে বিশ্বয়বিহ্বলতার মুহূর্তের জন্তে সশিথ হারিয়ে সে প্রায় টলেই পড়ছিল।

পেছন থেকে কে যেন তাকে তখন ধরে ফেলে।

কে ধরে ফেলেছে মার্শনেস-কে ?

হু'এক মুহূর্তের অচেতনতার পরই মার্শনেস সংজ্ঞা ফিরে পেয়ে চমকে পাশে তাকায়।

আলকাজার প্রাসাদের কোল দিয়ে তখন ভীত বিশৃঙ্খল জনতার স্রোত বইছে। তারই ভেতর একপাশে একটু সরে দাঁড়িয়ে যিনি তাকে বৃকে ঈষৎ ভর দেবার স্বযোগ দিয়ে ধরে আছেন, তাঁকে দেখে প্রথমটা মার্শনেস সন্ত্রস্ত হয়ে ওঠে।

এ কোন অজানা অচেনা একটা বুড়ো বাউণ্ডুলে ভিথিরী তাকে ধরে আছে ? বাটকা দিয়ে সরে আসতে গিরে ভিথিরীটার মুখের হাসি দেখেই মার্শনেসকে একটু থমকে যেতে হয়।

জুট পড়া শাদা কালো দাড়ির ফাঁকের হাসিটা তার যেন চেনা।

পরমুহূর্তেই আবার ভিথিরীটার বৃকের ওপরই মাথা গুঁজে রেখে মার্শনেস উচ্ছ্বসিত গলায় বলে ওঠে, তিয়ন! তুমি? আমি যে তোমায়...

বাউণ্ডুলে ভিথিরী চেহারার লোকটি চাপা গলায় এবার বলে,—চূপ! তারপর বেশ একটু জোর করেই মার্শনেসকে দূরে ঠেলে দিয়ে জনতার স্রোতে নিজেকে মিশিয়ে দিয়ে এগিয়ে যায়।

এক মুহূর্তের জন্তে একটু চমক লাগলেও, মার্শনেস আর অবাক হয় না।

বাউণ্ডুলে ভিথিরী চেহারার লোকটিকে চিনতে তার ভুল হয় নি। মাহুঘটা যে তার পাতানো তিরো অর্থাৎ কাকা, কখনো কখনো আদর করে যাকে সে তিয়ন বলে, সেই কাপিতান সানসেদো সে বিষয়ে কোনো সন্দেহ নেই।

কেন যে কাপিতান সানসেদো তাকে অমনভাবে ঠেলে সরিয়ে ভিড়ের মধ্যে নিজেকে মিশিয়ে দিয়েছে মার্শনেস তখন তাও বৃকে নিয়েছে।

শহরের ক'জন পাহারা সেপাই তাদের পাশ দিয়েই তখন ছুটে যাচ্ছে। কাপিতান সানসেদোর সন্ধানে অবশ্য তারা ছুটছেন না। তবু সাবধানের মার নেই বলেই সানসেদো নিশ্চয় মার্শনেসকে ঠেলে দিয়ে সরে গেছেন।

মার্শনেস-এর মত সম্ভ্রান্ত পোশাক ও চেহারার সুন্দরী এক মহিলাকে একটা ঘাঘরে ভিথিরীর সঙ্গে অত ঘনিষ্ঠ হতে দেখলে পাহারাদারদের পক্ষে সন্দিগ্ধ হওয়া স্বাভাবিক।

কিন্তু রাস্তার ধারের এরকম অদ্ভুত কোন দৃশ্যও লক্ষ্য করবার মত অবস্থা তাদের বোধহয় তখন নয়।

রাস্তার জনতা যে কারণে তখন উত্তেজিত, ভয়ানক, পাহারাদার সেপাইরাও অস্থির ও শশবাস্ত সেই কারণেই।

মনের মধ্যে সেই একই আতঙ্ক বিহ্বলতা নিয়েও মার্শনেস জন-প্রবাহের মধ্যে তার তিনেনকে অনুসরণ করেই এগিয়ে চলে।

বেশীদূর মার্শনেসকে এভাবে যেতে হয় না।

আলকাজার প্রাসাদের 'টরে দেল অরো' নামে টুঙ্গির নিচে পৌঁছেই মার্শনেস কাপিতান সানসেদোর সঙ্গে মেলবার সুযোগ পায়।

পাহারাদার সেপাইরা সামনে বেরিয়ে যাবার পর সানসেদো সেখানে জনতার প্রবাহ থেকে সরে টুঙ্গির নিচে একটি কোণে দাঁড়িয়ে পড়েছেন।

মার্শনেসকে বেশী কিছু বলবার অবসর সানসেদো দেন না।

সে গিয়ে তাঁর কাছে দাঁড়াবার পরই চাপা গলায় ব্যস্তভাবে সানসেদো বলেন,—শোনো আনা, তোমার আমার এখানে দাঁড়িয়ে কথা বলাও নিরাপদ নয়। তোমার মাকু'ইস কী করেছে, তা বোধহয় জানো। এখানকার কোতোয়ালীতেও আমার বিরুদ্ধে ছলিয়া বার করিয়েছে! সমস্ত শহরের লোক হঠাৎ অত্যন্ত উত্তেজিত সম্ভ্রান্ত হয়ে উঠেছে তাই...

সানসেদোকে বাধা দিয়ে প্রধান প্রমুখী আপাততঃ স্থগিত রেখে অস্থির উদ্বেগের সঙ্গে আনা জিজ্ঞাসা করে,—কিন্তু ব্যাপারটা কি তিয়ো? শহরের মানুষের মত আমিও ত ভয়ে দিশাহারা। এইমাত্র যা দেখেছি তা সত্যি না ছঃস্বপ্ন তা বুঝতে পারছি না। তুমিও দেখেছ নিশ্চয়!

হ্যাঁ দেখেছি! অস্বস্তির সঙ্গে বলেন সানসেদো,—নিজের চোখকে বিশ্বাস করতে আমারও মন চাইছে না। কিন্তু সমস্ত শহরের লোকের একসঙ্গে দৃষ্টি-বিভ্রম হওয়াও সম্ভব নয়। সুতরাং একটা অদ্ভুত ভয়ঙ্কর কিছু মানে ব্যাপারটার নিশ্চয় আছে। কিন্তু এখন তা নিয়েও কথা বলবার সময় নেই। তোমার সঙ্গে দেখা হবার আশাই ছেড়ে দিয়েছিলাম। ভাগ্যক্রমে তা যখন হয়েছে তখন সন্ধ্যার পর সান মার্কস-এর মিনারের কাছে সাধারণ কিষাণ মেয়ের পোশাকে

আমার সঙ্গে দেখা করো। ও মুসলিম মিনারের কাছে আজকের পরবের দিন
তেমন ভিড় হয়ত না থাকতে পারে। মনে রেখো...

সানসেদোর কথার মাঝখানেই উত্তেজিত আতঙ্কবিহ্বল জনতার আর্ত
চিৎকার হঠাৎ আবার তীব্র হয়ে ওঠে। সামনের দিকে জনতার যে স্রোত বয়ে
গিয়েছিল তা আবার বিশ্লঙ্ঘভাবে সবগে ঘুরে আসছে।

তাদেরই ভেতর দিয়ে ছুটে যায় উদ্ভট কিঙ্কতকিমাকার সেই প্রাণীটি।

কি? কি ওটা তিরো? ছদ্মবেশী সানসেদোর খাটো আলখাল্লা গোছের
পোশাকটা সভয়ে আঁকড়ে ধরে মার্শনেস প্রায় চিৎকার করে ওঠে।

কি তা জানি না। সানসেদো বিচলিত-স্বরে বলেন, তবে এখন তাই
জানবার চেষ্টাই আগে করতে হবে।

*

*

*

সানসেদো না জানলেও সেভিলের নানা জায়গায় খবরটা তখন ছড়াতে শুরু
করেছে।

জনতার মধ্যে এখানে সেখানে সামান্য একটু কানাকানি। বিরাট জলাশয়ে
ছোট ছোট টিল পড়লে যেমন হয়, সেই সামান্য খবর তেমনি চারিদিকে ঢেউ
তুলে ক্রমশঃ বিস্তৃত হচ্ছে তখন।

কে যে কোথায় কলকটি নাড়ছে তা কেউ জানে না। কিন্তু লোকের মুখে
মুখে কটা প্রশ্ন আর উত্তর চালাচালি হচ্ছে প্রায় সর্বত্রই।

কিঙ্কতকিমাকার প্রাণীটা সম্বন্ধে ভয়ের বিহ্বলতাটা তখন তীব্র কৌতূহলে
রূপান্তরিত হতে শুরু করেছে।

এটা কি আজগুবি জানোয়ার? কোথা থেকে এল? শঙ্কিত ব্যাকুল প্রশ্ন।
সে প্রশ্নের উত্তরও কেউ কেউ দিচ্ছে,—ঠিক জানি না। তবে ওরা বলছে
নতুন মহাদেশ থেকে নাকি আমদানি।

নতুন মহাদেশের জানোয়ার! সবিস্ময়ে অবিশ্বাসের সুরে বলেছে অনেকে,
—এরকম জানোয়ার ত সেখান থেকে এপর্যন্ত কখনো আসেনি!

তা আসেনি। তবে এ হিসপানিওলা ফার্নানডিনা মেক্সিকো কি ডারিয়েন-
এর জানোয়ার নয়। একেবারে অজানা আর এক আশ্চর্য মূলুক থেকে আনা।

কে আনল কে? এনে এমন করে রাস্তায় ছেড়েই-বা দিয়েছে কেন?

ছেড়ে দেয় নি। শুনছি, কেমন করে আপনা থেকেই পালিয়ে এসেছে
বন্দরের জাহাজ থেকে।

তা কেউ ধরছে না কেন এখনো! এ জানোয়ার যে এনেছে সেই বা করছে কি? এত অসাবধান সে হয় কেন?

সে আর কি করবে! সে ত শুনছি কয়েদ হয়েছে বন্দরে পা দিতে-না-দিতে পুরোনো দেনার দায়ে।

দেনার দায়ে কয়েদ!

জনতার মধ্যে এই শুনেই আরেক ধরনের উত্তেজনা দেখা দিয়েছে। স্বপথের মহাজনদের ওপর সে যুগের মাছুষের ঘৃণা আক্রোশ কিছু কম ছিল না। বিশেষ করে জীবনমরণ তুচ্ছ করে যারা নতুন মহাদেশ আবিষ্কারে সর্বস্ব পণ করছে তাদের প্রতি মুগ্ধ শ্রদ্ধা ও সহানুভূতি তখন এত বেশী যে কোনো মহাজনের হাতে তাদের একজনের নিগ্রহ জনতাকে ক্রমশঃ অস্থির জুগুপ্স করে তুলেছে।

কাকে কয়েদ করেছে কাকে? এই অজানা নতুন মূলক থেকে কে এনেছে এই অদ্ভুত জানোয়ার? উত্তেজিত জিজ্ঞাসা শোনা গেছে নানা জটলায়।

এনেছেন ফ্রানসিস্কো পিজারো! বন্দরে পা দিয়ে তিনিই হয়েছেন বন্দী। ফ্রানসিস্কো পিজারো!

অনেকের কানেই নামটা একেবারে নতুন শোনায় নি।

হ্যাঁ, হ্যাঁ, এ নামটা ত একটু-আধটু তাদের কানেও পৌঁছেছে। বিশেষ করে ডারিয়েন পানামা থেকে যে সব জাহাজ দেশে ফেরে তাদের কোনো কোনো মাঝিমালা গল্প করেছে এক রূপকথার দেশের মত আজগুবি রাজ্যের। সে রাজ্য খোঁজার দুঃসাহসিক অভিযানের যারা নায়ক তাদের নাম শোনা গেছে এইসব নাবিকদের মুখে। কখনো অবজ্ঞায় বিজ্রপে, কখনো মুগ্ধ বিস্ময়ে। তার মধ্যে সবচেয়ে খাঁর নাম বেশী করে রটেছে, তিনি হলেন ফ্রানসিস্কো পিজারো।

সেই ফ্রানসিস্কো পিজারো দেনার দায়ে বন্দী? কে তাকে বন্দী করেছে? করেছে ব্যাচিলর এনসিসো।

তা দেনা মিটিয়ে দিলেই ত হয়।

মেটাবে কি করে? জানপ্রাণ কবুল করে নতুন দেশ যারা খোঁজে তাদের নিজেব বলতে কিছু থাকে কি। অভিযানের পেছনেই সব কিছু টেলে তারা ত ফতুর। ব্যাচিলর এনসিসোর কাছে দেনাও ত কম নয়। প্রায় কুড়ি বছর আগের তিল প্রমাণ দেনা স্মৃতি ফেঁপে দশ-বিশটা তাল হয়ে দাঁড়িয়েছে। সে দেনা শোধ করবার মত সম্বল পিজারোর নেই। তাই এখন তাঁকে যতদিন বাঁচেন জেলেই পচে মরতে হবে।

জেনেই পচে মরতে হবে। অসহায় আক্রোশ ফুটে উঠেছে নানাজনের গলায় স্বরে,—কেন কেউ কি নেই তাঁর জামিন হয়ে দাঁড়াবার!

কে দাঁড়াবে তাঁর হয়ে! সত্যি সে ক্ষমতা যাদের আছে সেই বড়মানুষরা লাভের আশা যাতে অনিশ্চিত তেমন দায় কি ঘাড়ে নেয়? এখনো ত তিনি কাম ফতে করে আসতে পারেন নি! ফ্রানসিস্কে পিজারো দু'বারের পর তিনবারের অভিযানের খরচা জোগাড় করতে পারেন নি বলেই স্বয়ং সম্রাট পঞ্চম চার্লস-এর কাছে আসছিলেন তাঁর অল্পগ্রহ ভিক্ষা করতে। কিন্তু এখন সম্রাটের কাছে তাঁর খবরই পৌঁছোবে না। আশ্চর্য দেশের সামান্য যে সাক্ষী-প্রমাণ পিজারো সঙ্গে এনেছেন তা কে গাপ করবে কে জানে?

না, কিছুতেই তা হতে দেব না! আজগুবি জানোয়ারটার ছোট্টাছুটি এবার আভঙ্কের বদলে একটা কঠিন সম্বলই জাগিয়েছে নানা জায়গায় ছোট ছোট দলের মধ্যে।

পিজারোকে দেনার দায়ে কয়েদ করার খবর সম্রাটের দরবারে পৌঁছে দিতেই হবে। প্রতিজ্ঞা করেছে অনেকে।

ব্যাটিলর এনসিসো-র মত একটা চামার মহাজনের জুলুমে এতবড় একজন সাহসী বীরের সব চেষ্টা কিছুতেই পণ্ড হতে দেওয়া হবে না।—এই কথাই শোনা গেছে বহুজনের মুখে।

তাদেরই কেউ কেউ কোতুলী হয়ে উঠেছে পিজারোর খবর যার কাছে পাওয়া গেছে তার বিষয়েও।

কিন্তু আপনি এত কথা জানলেন কী করে? জিজ্ঞাসা করেছে দু'একজন।

আমি? মানুষটা একটু হেসেছে। তারপর যা উত্তর দিয়েছে তা সব জায়গায় এক নয়।

কোথাও বলেছে, আমি জানব না ত জানবে কে? আমি যে পিজারোর সঙ্গে এক জাহাজেই আসছি।

লোকে একটু অবাধ হয়ে মানুষটাকে একটু বেশী করে লক্ষ্য করেছে এবার।

হ্যাঁ, মানুষটাকে আগে, এ শহরে দেখেছে বলে কারুর মনে পড়ে না। লোকটার চেহারা পোশাকও একটু কেমন আলাদা। নেহাত ইন্টারের উৎসবের দিন বলেই এতক্ষণ তেমন চোখে পড়ে নি।

লোকটার ভালো করে খবরাখবর দেওয়ার কিন্তু স্বযোগ মেলে নি কারুরই।

তার আগেই কেমন করে ভিড়ের সঙ্গে মিশে লোকটা যেন হারিয়ে গিয়েছে।

দেখা গিয়েছে তাকে আবার আর এক দলে। সেখানেও পিজারোর বন্দী হওয়ার খবরটা একটু হেরফের করে শুনিয়েছে সে।

বেশীর ভাগ জায়গায় প্রক্টা যুরে তার নিজের সম্বন্ধেই ওঠবার আগেই সে হাওয়া হয়ে গিয়েছে। যেখানে তা সম্ভব হয়নি সেখানে কোথাও বলেছে বদর থেকে টাটকা খবর শুনেই সে আসছে। কোথাও নিজেকে পিজারোর জাহাজের মাল্লা বলে চালিয়েছে। কোথাও বা তারই অলুচর।

এ মাহুঘটার আসল পরিচয় সম্বন্ধে দু'একজন একটু সন্দ্বিগ্ন যে না হয়েছে তা নয়।

কিন্তু পিজারো সম্বন্ধে উস্তেজনা সহানুভূতি ও উৎসাহ ক্রমশঃ দুর্বীর হয়ে উঠেছে। সমস্ত সেভিল শহরে শাড়া পড়ে গেছে তখন।

পিজারোকে কয়েদখানা থেকে ছাড়াতেই হবে। ব্যাচিলর এনসিসো যদি তাঁকে নিজে থেকে না মুক্তি দেয়, তাহলে খোদ সম্রাটের কাছে তার জুলুমের খবর না পৌঁছে দিয়ে তারা ছাড়বে না।

সেভিল শহরের এ দৃশ্যকল্পের মূলে আছে অজানা অদ্ভুত একটা প্রাণীর আকস্মিক আবির্ভাব। বন্দরে পিজারোর জাহাজ থেকে নামাবার সময় এই লুলামাটি ছাড়া পেয়ে না পালালে অমন সচকিত সন্ত্রস্ত হয়ে উঠে সেভিলের নাগরিকেরা সেইদিনই পিজারোর দুর্ভাগ্য সম্বন্ধে অবহিত হয়ে তার প্রতিকারে তৎপর নিশ্চয় হত না।

লুলামাটি কেমন করে ছাড়া পেল? কে তাকে ছেড়ে দিয়েছিল?

নগরের পথে পথে পিজারোর বন্দীদের বিবরণ যে সেদিন নানা জটলায় দিয়ে ফিরেছে সে মাহুঘটাই বা কে?

বন্দর থেকে লুলামাটির সঙ্গে আশ্চর্য দেশের অগ্রতম জীবন্ত প্রমাণ হিসেবে সুদূর টামবেজ থেকে আনা একজন আদিবাসীও কেমন করে নিখোজ হয়েছিল, পিজারোর সঙ্গী পেড্রো দে কানডিয়া তার কিনারা করতে পারেননি।

'লুলামা'টি শেষ পর্যন্ত ছুটে ছুটে ক্লাস্ত হয়ে সেভিলের রাস্তায় ধরা পড়েছিল। কিন্তু সেই আদিবাসীর কোন সন্ধান আর মেলেনি।

সম্পূর্ণ অপরিচিত এক দেশের শহরে অজ্ঞ অসহায় একজন ভিন্নজাতের আদিবাসী ওভাবে উধাও হয়ে কোথায় যেতে পারে?

দাসমশাই একটু থামতেই মস্তক ঝাঁক মর্মরের মত ময়ূণ সেই শিবপদবাবু একটু বাঁকা হাসির সঙ্গে কি যেন বলতে যাচ্ছিলেন। কিন্তু শ্রীমদাশ্রম দাস

সে-স্বযোগ তাঁকে দিলেন না।

শিবপদবাবুর মুখের হাসিটা বাঁকা থেকে সোজা করে একেবারে বিমূঢ়তায় পৌঁছে দিয়ে দাসমশাই বললেন,—আপনি যা বলতে চাইছেন, তা জানি। এসব প্রশ্নের জবাব আমি যা দেব, সরকারী ইতিহাসে তা পাবেন না ঠিকই। তবে বিখ্যাত স্থপতি হেরেরা-র তৈরি 'লন্থা'-র নাম শুনেছেন? তার লাল বাদামী মার্বেল পাথরের সিঁড়ি দিয়ে 'আঁচিভো দে ইনদিয়াস'-এ গিয়েছেন কখনো? সেখানে গেলে স্পেনের আদি আবিষ্কারক অভিযাত্রীদের সম্বন্ধে ত্রিশ হাজার বিরল প্রাচীন পুঁথি পাবেন। সেসব পুঁথির অনেকগুলি এখনো যে পরীক্ষাই করা হয়নি আপনার ইতিহাসের পণ্ডিতদের জিজ্ঞাসা করলেই তা জানতে পারবেন। সে-সব পুঁথির পাঠ উদ্ধার হলে স্পেনের ইতিহাস নতুন করে লেখা হবে এইটুকু জেনে রাখুন।

শিবপদবাবুকে নির্বাক করে দিয়ে শ্রীঘনশ্যাম আবার শুরু করলেন,—সান মার্কস-এর মিনারের কাছে আনার সঙ্গে সন্ধার সময় দেখা করবেন বলেছিলেন সানসেদো। শহরের অল্প সব রাস্তাঘাটে সন্ধ্যায় উৎসবে মত্ত নর-নারীর ভিড় বাড়াবে ভয় করেই মুসলিম মিনারের কাছাকাছি নির্জন জায়গা তিনি বেছে নিয়েছিলেন আনার সঙ্গে গোপন সাক্ষাতের জন্তে।

সন্ধ্যার আবছা অন্ধকারে সেকালের সেভিলের বেশীর ভাগই সন্ধ্যার আঁকা-বাঁকা রাস্তা দিয়ে সান মার্কস-এর মিনারের দিকে যেতে যেতে সানসেদো রাস্তায় তেমন কোনো ভিড় কিছু দেখতে পান না।

প্রথমটা একটু অবাক হলেও রাস্তাগুলো এমন ফাঁকা হওয়ার কারণটা তিনি অনায়াসেই বুঝতে পারেন। ইস্টার উৎসবে যে জনশ্রোত নানা দিক থেকে শহরে এসে মিলেছিল তার গতি এখন অছদিকে! শহরের ভেতর থেকে বেশীর ভাগ জনতা এখন সেভিল-এর বন্দরে গিয়ে জমায়তে হয়েছে।

বেশীর ভাগ নাগরিকই সেখানে গেছে নতুন অজানা রহস্যরাজ্য থেকে আশ্চর্য সব জিনিস আর জানোয়ার নিয়ে বন্দরে নেমেই দেনার দায়ে যিনি বন্দী হয়েছেন সেই পিজারো সম্বন্ধে কৌতূহলী হয়ে।

পিজারোর কিংবদন্তী যারা কিছু কিছু আগে শুনেছে তাদের সঙ্গে নামটা যাদের কাছে একেবারে অজানা, তারাও যোগ দিয়েছে শহরের রাস্তাঘাটের অদ্ভুত কয়েকটি রটনার উত্তেজনার। বিকট আজগুবি এক জানোয়ারের সামনে পড়ার ভয়েও সন্ধ্যার পর শহরের মাঝখানে বেশী কেউ আসতে সাহস করেনি।

আলকাজার প্রাসাদের ধারে দুপুরে আনারি কাছে তাড়াতাড়ি বিদায় নেবার পর সানসেদো এই অদ্ভুত জানোয়ারটির রহস্য জানবার জন্তে খোজখবর নিয়ে আরো অনেকের মত পিজারোর সমস্ত বিবরণই পেয়েছেন।

সত্যি কথা বলতে গেলে এ ব্যাপারে খুব বেশী উত্তেজিত হবার কারণ তিনি পাননি। আর পাঁচজন দুঃসাহসী অভিযাত্রীর থেকে পিজারোর কিছু তফাৎ আছে সন্দেহ নেই। এ পর্যন্ত যা আবিষ্কৃত হয়েছে তা থেকে আরো অজানা বিচিত্র কোনো রাজ্যের সন্ধান যে পিজারো পেয়েছেন ওই অদ্ভুত জানোয়ারটি তার প্রমাণ। কিন্তু নতুন মহাদেশে এখনো অনেক রহস্য বিস্ময় আবিষ্কারের অপেক্ষায় থাকারই ত কথা। শুধু ওই জানোয়ারটি দেখেই পিজারোর কীর্তি সম্বন্ধে কোনো ধারণা করা তাই উচিত নয়।

পিজারোর বন্দী হওয়ার দুর্ভাগ্যটা সত্যিই অবশ্য শোচনীয়। কিন্তু তাঁদের সময়কার দুনিয়ার হালই ত এই। বিশেষ করে নিজেদের জীবন নিয়ে অজানা মূল্যকে যারা ভাগ্যের সঙ্গে জুয়া খেলার সাহস করে তাদের ক্ষণে হাতে দড়ি ক্ষণেকে চাঁদ'-এর মত নসীব ত মেনে নিতেই হবে। তাঁর নিজের দুর্ভাগ্যটা কি কম নিদারুণ? ছিলেন এসপানিয়ার রাজদরবারের একান্ত বিশ্বাসী মানুগণ্য একজন কাপিতান। সৎ ও কর্তব্যনিষ্ঠ বলে এমনি ছিল তাঁর সুনাম যে সম্রাটের খাজনা ও নজরানার সোনাদানা মেক্সিকো থেকে এসপানিয়ায় বয়ে নিয়ে আসার ভার তাঁকেই দেওয়া হয়েছে বার বার।

সেই তাঁকেই আজ ফেরারী হয়ে বাউণ্ডলে ভিথিরী সেজে চোরের মত পালিয়ে বেড়াতে হচ্ছে শহর থেকে শহরে। তাঁর নিজের মেদেলিন শহরের বাড়ির সব নিলেম হয়ে গেছে। সেখানে কোতোয়ালীর সেপাইরা তাঁকে খুঁজছে গ্রেফতারী পরোয়ানা নিয়ে।

সে শহর থেকে পালিয়ে এসেও তাঁর নিস্তার নেই। রাহুর মত একজন দুঃমন তাঁর পেছনে লেগে আছে। এই শহরেও তাঁর বিরুদ্ধে হলিয়া বার করিয়েছে সে। এ শহরে স্তবরাং বেশীক্ষণ থাকা তাঁর পক্ষে নিরাপদ নয়। এখান থেকে যত তাড়াতাড়ি সম্ভব চলে যাওয়াই ভালো।

কিন্তু কোথায় বা যাবেন! এসপানিয়ার যেখানেই যান ভয়ে ভয়ে তাঁকে লুকিয়ে ফিরতে হবে। তাতেও আর ক'দিন রেহাই পাবেন! অনিবার্য অভিশাপের মত এ হলিয়া তাঁর পিছনে লেগে থাকবেই।

এসপানিয়া ছেড়ে নতুন মহাদেশে পালাতে পারলে এ অভিশাপ হয়ত

এড়ানো সম্ভব। কিন্তু নতুন মহাদেশে জাহাজ যা যায় তা নেহাৎ গোনাগুণতি। অপরাধীদের দেশ ছেড়ে পালাবার সুযোগ সে সব জাহাজে বন্ধ করবার জগ্লেই বন্দরে বন্দরে কড়াকড়িটা একটু বেশী। সাধারণ চোরছাঁচড় সে কড়াকড়ির ভেতর দিয়ে গলে যেতে পারলেও, তাঁর মত স্বয়ং সম্রাটের কাছে যারা অপরাধী তাদের সে আশা নেই। বন্দর-কোতোয়ালদের শ্রেনচক্ষু তাদের জগ্লেই সারাক্ষণ সজাগ হয়ে আছে।

অন্ত কোন উপায় যখন নেই, রাজদ্বারেই আত্মসমর্পণ করে তাঁর বিকল্পে যা অভিযোগ তা খণ্ডন করাবার চেষ্টা কি তিনি করতে পারেন না?

কেমন করে করবেন? নিজের স্বপক্ষে কোনো সাক্ষ্যপ্রমাণই যে তাঁর নেই। সত্যিই তিনি যে এক হিসেবে হাতে হাতে ধরা পড়েছেন।

একান্ত বিশ্বাসে তাঁর জিন্মায় মেক্সিকো থেকে এসপানিয়ায় সম্রাট পঞ্চম চার্লস-এর রাজ-কর ও উপঢৌকন হিসেবে পাঠানো প্রচুর সোনাদানা ও মহামূল্য রত্নসম্পদের অধিকাংশ তাঁর জাহাজের গোপন সুরক্ষিত সিন্দুক থেকে কিভাবে খোঁয়া গেছে সানসেদো তার কোনো কৈফিয়ৎই দিতে পারেন নি।

এসপানিয়ার বন্দরে নামবার আগে জাহাজের সিন্দুকে রাখা ধনরত্নের হিসাব মেলাতে গেলে এই সর্বনাশা তসক্ষফ-এর ব্যাপারটা তিনি আগেই টের পেতেন। তখন তাঁর হস্ত এ চুরির রহস্য ভেদ করবার কিছু উপায় থাকত।

কিন্তু জাহাজের ওপর আর এক অপ্রত্যাশিত ঘটনায় তুমুল আলোড়ন তখন চলছে। বন্দরে ভেড়াবার আগে সিন্দুক খুলে দেখবার সময়ই তিনি পান নি।

বন্দরে জাহাজ লাগাবার পর সম্রাটের খাজাঞ্জিখানার কর্মচারীদের কাছে সিন্দুক খুলে হিসেব মিলিয়ে দিতে গিয়েই সাংঘাতিক ঘাটতিটা ধরা পড়েছে।

কাপিতান সানসেদো এসপানিয়া সাম্রাজ্যের অনেক দিনের অভ্যস্ত বিশ্বাসী নাবিকপ্রধান। ব্যাপারটা যত গুরুতরই হোক সন্দেহক্রমে তাঁকে বন্দী করার কোন প্রসঙ্গই বন্দরের কোনো রাজপুরুষের মনে তাই ওঠে নি। কাপিতান সানসেদো তাঁর নিজের বিবৃতি দিয়ে বিমূঢ় বিহ্বলভাবে তাঁর মেদেলিন শহরের বাড়িতে ক'দিনের জগ্লে ঘুরে আসতে গিয়েছেন। ফিরে এসে তাঁর যা বন্ধব্য রাজদরবারেই তিনি পেশ করবেন এই স্থির হয়েছে।

রাজদরবারে কৈফিয়ৎ দেবার জগ্লে আর তিনি ফিরে আসেন নি। মেদেলিন শহর থেকেই একদিন হঠাৎ তিনি নিরুদ্দেশ হয়ে গেছেন।

নিরুদ্দেশ না হয়ে তাঁর উপায়ও ছিল না। মেদেলিন শহরে নিজের বাড়িতে

যাবার পরদিনই তাঁর জাহাজের অত্যন্ত অল্পগত ও বিখ্যস্ত এক মাল্লার মারফৎ তাঁর বিরুদ্ধে কি সর্বনাশা ষড়যন্ত্র যে হয়েছে তা তিনি জানতে পেরেছেন। জানতে পেরেছেন যে স্বয়ং সম্রাটের স্বাক্ষরিত পরোয়ানা নিয়ে সওয়ার সেপাই আসছে মেদেলিন-এর কোতোয়ালীতে তাঁকে গ্রেপ্তার করার জন্তে।

তখনও কি তিনি নিজের নির্দোষিতা প্রমাণ করার জন্তে এই অগ্নায় অবিচারের বিরুদ্ধে রুখে দাঁড়াতে পারতেন না ?

না, তা সম্ভব ছিল না। পৃথিবীর সর্বত্রই তখন স্ফায়বিচারের ধারণা অত্যন্ত অস্পষ্ট। বিচারের ফলাফল বেশীর ভাগই দৈবাবীন।

তা ছাড়া তাঁর বিরুদ্ধে যে সাংঘাতিক অভিযোগ করা হয়েছে বলে তিনি জানতে পেরেছেন সত্যিই তা খণ্ডন করার মত কোনো বিশ্বাসযোগ্য যুক্তিপ্রমাণ উপস্থিত করতে তিনি তখন অক্ষম।

জাহাজের গুপ্ত সিন্দুক তাঁরই জিম্মায় ছিল। তাঁর চাবি নিজের কাছছাড়া করাও তাঁর পক্ষে অপরাধ। সে সিন্দুক থেকে ওই সব অমূল্য সম্পদ তিনি নিজে ছাড়া আর কে সরাতে পারে ?

সরিয়ে তিনি রাখবেন কোথায় ? তিনি ত ঝাড়া হাত-পা জাহাজ থেকে নেমে সেই অবস্থাতেই মেদেলিন-এ গিয়েছেন !

সানসেদোর প্রতি শ্রদ্ধা ও বিশ্বাস যাদের তখনও টলেনি তারা কেউ কেউ ওই প্রশ্ন তুলেছে।

কিন্তু সানসেদোর বিরুদ্ধে ওই ভয়ঙ্কর অস্ত্রিযোগ যে সাজিয়েছে, জবাব দিতে তার দেৱী হয় নি।

কাপিতান সানসেদো নিজে সরিয়ে রাখবেন কেন ! তিনি তাঁর দোসর সেই গোলামটার হাত দিয়ে সব চুরির মাল পাচার করে সাধু সেজেছেন। তাঁর যোগসাজস না থাকলে বন্দরের ওই কড়া পাহারার ভেতর দিয়ে সে গোলাম পালাতে পারে ? এ ষড় যে তিনি অনেক আগেই করেছিলেন জাহাজে গোলামটার সঙ্গে তাঁর গলাগলি দেখেই তা বোঝা গেছিল।

এ সব যুক্তি সাজাবার গুণে একেবারে অকাটা বলে মনে হয়েছে। এর ওপর আর বলবার মত কথা কেউ পায় নি। কাপিতান সানসেদোর বিরুদ্ধে অভিযোগ তাঁর জাহাজ থেকে একটা ছদ্মবেশী গোলামের রহস্যজনকভাবে উধাও হওয়ার দরুনই অখণ্ডনীয় হয়ে উঠেছে।

ক্রীতদাস বলে ধরা পড়বার পর একজন যে তাঁর জাহাজ থেকে পালিয়েছিল

এ কথা ত মিথ্যে নয়। তাঁর সঙ্গে সেই ছদ্মবেশী গোলামের যথেষ্ট সম্প্রীতি যে ছিল তাও জাহাজের যাত্রী মাত্রই দেখেছে।

সুতরাং আত্মসমর্পণের চেষ্টাই তাঁর বুখা। ঘটনাচক্র সম্পূর্ণ তাঁর বিপক্ষে বুঝে সানসেদো নিঃশব্দে নিরুদ্ধ হওয়াই শ্রেয় মনে করেছেন।

তার ফলে প্রাণে এখনো বেঁচে আছেন বটে কিন্তু রাজরোষে যথাসর্বস্বই তাঁকে হারাতে হয়েছে। পালিয়ে যাবার দাঁকন তাঁর অপরাধ আরো অত্রান্ত-ভাবে প্রমাণিত বলে যে ধরা হবে তা তিনি জানতেন। তবু এ ছাড়া আর কোনো উপায় তাঁর ছিল না।

সানসেদো ত স্বদূর উদয়সমুদ্রের এক ঐশ্বর্যময় দেশের আশ্চর্য জ্যোতিষ-বিদ্যা কিছুটা শেখবার সুযোগ পেয়েছিলেন। ঘনরামের ভবিষ্যৎ তিনিই গণনা করে বলে দিয়েছিলেন অনেকখানি। অগ্নের ভাগ্যালিপি যিনি অমন নিপুণভাবে পড়েছেন নিজের অদৃষ্ট জানবার কোনো চেষ্টা কি তিনি করেন নি।

করেন নি সত্যিই। জ্যোতিষবিদ্যার হাতেখড়ি যার কাছে তাঁর হয়েছিল এ তাঁর সেই গুরুরই আদেশ।

মৃত্যুর আগে নিজের বিদ্যা যতখানি সম্ভব সানসেদোকে দান করে এই অলজ্ব্য নির্দেশই তিনি দিয়ে গিয়েছিলেন যে নিজের ভবিতব্য নির্ধারণের জন্তে এ বিদ্যা কখনো যেন তিনি প্রয়োগ না করেন।

সানসেদো তখন অবশ্য বিস্মিত হয়েছিলেন এ আদেশে। একটু ক্ষুণ্ণও বোধহয়।

আপনি নিজে ত আপনার বিধিলিপি সম্পূর্ণ জানেন বলেই মনে হয়। তাহলে আমার প্রতি কেন এ নির্দেশ? —জিজ্ঞাসা করেছিলেন সেই আশ্চর্য প্রৌঢ়কে।

তোমার প্রতি এ নির্দেশ প্রথমতঃ বিদ্যা তোমার অসম্পূর্ণ বলে।—বলেছিলেন ঈশ্বরের প্রতিমূর্তি সেই সৌম্য মানুষটি,—এ খণ্ডিত বিদ্যা নিজের জন্তে প্রয়োগ করলে অকারণ উদ্বেগ আর অশান্তিকেই নিত্যসঙ্গী করে শুধু নিজেকে নিয়েই তুমি তন্ময় থাকবে। এ বিদ্যা তাহলে হবে নিষ্ফলা।

একটু খেমে তিনি আবার প্রশান্ত গভীর স্বরে বলেছিলেন—এ বিদ্যা তোমার সম্পূর্ণ হলেও নিজের ভাগ্যালিপি পাঠ করার বিষয়ে এই নিষেধই তোমার জানাতাম।

কেন? —সবিস্ময়ে জিজ্ঞাসা করেছিলেন সানসেদো,—সম্পূর্ণ বিদ্যা নিয়ে আপনি কি নিজের অদৃষ্টলিপি আছোপান্ত পাঠ করেন নি?

তা করেছি। স্নিগ্ধ করুণ অপরূপ একটি হাসি ফুটে উঠেছিল সেই আশ্চর্য মাহুঘটির মুখে। ধীরে ধীরে তিনি বলেছিলেন,—কিন্তু নিজের নিয়তি নিভুলভাবে জেনেও জীবনের ভার অকাতরে শেষ মুহূর্ত পর্যন্ত বয়ে নিয়ে যাওয়ার কঠিনতম পরীক্ষা সকলের জন্তে নয়। যতটুকু বিজ্ঞা পেয়েছ অপরের জন্তে যথাসাধ্য প্রয়োগ করে, অনিশ্চিত ভবিষ্যতের বদলে নিজের বেলা প্রত্যক্ষ বর্তমান নিয়েই ব্যাপৃত থেকে।

সানসেদো গুরুর সেই নির্দেশই একান্ত বাধ্যতার সঙ্গে পালন করে এসেছেন।

প্রলোভন যে আসেনি তা নয়, দুর্বলতাও হয়েছে। কিন্তু তা তিনি জয় করেছেন শেষ পর্যন্ত।

এবার এসপানিয়ার মাটি ছোঁয়ার সঙ্গে সঙ্গে অবিশ্বাস্ত নিদারুণ ভাগ্যবিপর্যয়ের পর নিজের সম্বন্ধে অটল থাকা বুঝি সবচেয়ে কঠিন হয়ে উঠেছিল।

কিন্তু সে কঠিন পরীক্ষায় তিনি উত্তীর্ণ হয়েছেন। ব্যাকুলতা যত তীব্রই হোক গণনার সাহায্যে নিজের ভবিষ্যৎ জানবার চেষ্টা তিনি করেন নি : সামনে যা উপস্থিত সেই ঘটনাপ্রবাহ থেকেই নিজের গতিবিধি ও কর্তব্য নির্ধারণের চেষ্টা করেছেন।

মেদেলিন শহর থেকে নিরুদ্দেশ হবার পর যে কোনো মুহূর্তে ধরা পড়বার আশঙ্কা সত্ত্বেও একটি লক্ষ্য নিয়ে এসপানিয়ার উত্তর থেকে দক্ষিণ পর্যন্ত সমস্ত শহর বাউণ্ডুলে ভিথিরীর সাজে তিনি ঘুরে বেড়িয়েছেন।

সে লক্ষ্য হল তাঁর বিরুদ্ধে অতবড় মিথ্যা অভিযোগ যে সাজিয়েছে তাকে খুঁজে বার করা।

তাকে খুঁজে বার করলেই অবিশ্বাস্তভাবে তাঁর জাহাজের বন্ধ সিদ্ধুকের ঐশ্বর্য লোপাট হবার রহস্য ভেদ করা সম্ভব হবে কি না সানসেদো জানেন না, কিন্তু তাঁর কল্পনাতীত ভাগ্যবিপর্যয়ের মূল কারণে পৌছোবার আর কোন উপায় তিনি ভেবে পান নি।

এক ছদ্মবেশী ক্রীতদাসের সঙ্গে যড়যন্ত্র করে সম্রাটের উদ্দেশ্যে পাঠানো মহামূল্য সব নতুন মহাদেশের সম্পদ চুরি করেছেন বলে সাংঘাতিক অভিযোগ কাপিতান সানসেদোর বিরুদ্ধে সাজিয়েছিল কে, তা বোধহয় আর বলতে হবে না।

যার সঙ্গে বিশেষ প্রীতির সম্পর্কের দরুনই সানসেদো গভীরভাবে সন্দেহভাজন

এসপানিয়ার বন্দরে জাহাজ ভেড়বার পর রহস্যজনকভাবে পলাতক সেই ছদ্মবেশী ক্রীতদাসই বা কে তাও সম্ভবতঃ এখন কারুর অগোচর নয় ।

ক্রীতদাস আর কেউ নয় সেই ঘনরাম দাস আর কাপিতান সানসেন্দোর বিরুদ্ধে অভিযোক্তা হল ঘনরাম দাসের কাছে জুয়ায় জুয়াচুরির চেষ্টায় চরম শিক্ষা-পাওয়া সেই সোরাবিয়া, মাকু'ইস গঞ্জালেস দে সোলিস বলে এসপানিয়ার খানদানী সমাজে যে এখন পরিচিত ।

কিন্তু মেল্লিকোবিজরী কটেজের নিজেই স্বাক্ষরিত মুক্তিপত্র সবেশে ঘনরাম দাসকে আবার ছদ্মবেশে ক্রীতদাসের পরিচয় লুকোবার শাস্তি এড়াতে পলাতক হতে হয় কেন ?

নিজেকে রমণীমোহন মনে করার গর্বে আত্মহারা, অসাধু অপদার্থ জুয়াড়ী সোরাবিয়াই বা মাকু'ইস গঞ্জালেস দে সোলিস হয়ে ওঠে কি করে ?

এ দুই রহস্য হয়ত একসঙ্গেই জড়ানো । একটির সমাধান হলেই আর একটির উত্তর আপনা থেকে মিলে যাবে ।

বাউতুলে ভিখিরীর বেশে কাপিতান সানসেন্দো সেই আশাতেই সান-মার্কস-এর মিনারের তলায় আনার সঙ্গে দেখা করবার জন্তে ব্যাকুলভাবে এদিকে প্রায় নির্জন হয়ে আসা সেভিলের সঙ্কীর্ণ রাস্তা ধরে এগিয়ে চলেন ।

আনা-র সঙ্গে তাঁর যোগাযোগ হয়েছে মাত্র সম্প্রতি । সে যে এখন সামান্য আনা নয়, মার্শনেস গঞ্জালেস দে সোলিস এই সংবাদই তাঁর কাছে বিস্ময়কর । কিন্তু তার চেয়ে বড় বিস্ময় হ'ল আনার স্বামী মাকু'ইস গঞ্জালেস দে সোলিস-এর আসল পরিচয় । এই জমকালো খানদানী উপাধির আড়ালে সোরাবিয়াই যে গা ঢাকা দিয়ে আছে তা তিনি আগে কল্পনা করতে পারেন নি ।

এসপানিয়ার শহরে শহরে ঘুরেও কেন যে সোরাবিয়ার খোঁজ এতদিন তিনি পান নি এই সেভিল শহরে এসে আকস্মিকভাবে আনা-র সঙ্গে দেখা হবার পরই তিনি প্রথম বুঝতে পেরেছেন । তিনি যেখানে সোরাবিয়াকে সন্ধান করে ফিরেছেন মাকু'ইস গঞ্জালেস দে সোলিস সে জগতের মানুষ আর নয় ।

আনার সঙ্গে দৈবাৎ সেভিলের একটি রাস্তায় দেখা না হয়ে গেলে সোরাবিয়ার নামের এ রূপান্তর তাঁর কাছে অজানাই থেকে যেত ।

আনাকে তাঁর নতুন আভিজাত্যের চেহারা পোশাকে দেখে বিস্মিত হলেও সানসেন্দো সেই সঙ্গে অত্যন্ত খুশিও হয়েছেন । তিনি যখন সোরাবিয়াকে

অধীরভাবে খুঁজে ফিরছেন তখন আনা যে আবার তাঁরই সন্ধানে ব্যাকুল এইটুকু তাঁর জানা ছিল না।

আনার কাছে অনেক কিছুর উত্তর তিনি চান, কিন্তু আনা তাঁকে কেন খুঁজেছে তা তিনি ঠিক বুঝতে পারেন নি।

বেশ একটু উবেগ-চঞ্চল মন নিয়েই সানসেদো সান-মার্কস-এর মিনারের নিচে গিয়ে দাঁড়ান। জায়গাটা একেবারে নির্জন। আনা তখনও সেখানে এসে পৌঁছায় নি। বেশ কিছুক্ষণ অপেক্ষা করার পরও আনার দেখা পাওয়া যায় না। সানসেদো এবার অত্যন্ত উদ্বিগ্ন অধীর হয়ে ওঠেন। হঠাৎ তাঁর মনে হয় আনা বোধহয় আর তাঁর সঙ্গে দেখা করবে না।

একথা মনে হওয়ার সঙ্গে সঙ্গে সানসেদোর মন হতাশায় আচ্ছন্ন হয়ে যায়। আনার সঙ্গে দেখা না হলে তাঁর বিরুদ্ধে যে সাংঘাতিক অভিযোগ দাঁড় করানো হয়েছে তার মূল রহস্য জানবার আর বৃষ্টি কোনো উপায় নেই।

আনা তাঁর সঙ্গে দেখা করার ব্যাপারে শেষ পর্যন্ত মত বদলাতে পারে এমন কথা সত্যিই তিনি ভাবতে পারেন নি।

পারলে যত বিপদই থাক সেই দুপুরবেলাই আনার কাছে যা জানবার তা জেনে নেবার চেষ্টা করতেন।

শুধু পথে-ঘাটে ভিড় অত্যন্ত বেশী বলে নয়, সম্ভ্রান্ত মহিলার পোশাকে আনাকে তাঁর মত ভিথিরীর সঙ্গে বেশীক্ষণ দেখলে লোকে সন্দেহ হয়ে উঠতে পারে এই কারণেও সানসেদো তখনকার মত আনাকে ছেড়ে দিয়ে সন্ধ্যায় এই সাংঘাতের ব্যবস্থা করেছিলেন।

তাঁর সামান্য একটা চিরকুটে লেখা চিঠির ডাকেই সকালে আনাকে অমন-ভাবে সান্তা মারিয়া দে লা ক্যাথিড্রালে উপস্থিত হতে দেখেই সন্ধ্যায় তার কথা রাখার বিষয়ে নিশ্চিত ছিলেন তিনি।

এখন কিন্তু তাঁর সন্দেহ গভীর হতে শুরু করে।

সত্যিই আনার মত মেয়ে, আজ মার্শনেস গঞ্জালেস দে সোলিস বলে যার পরিচয় সে তাঁর সঙ্গে দেখা করবার জন্তে এত কষ্ট করে কোনো ব্যক্তি নিতে যাবে কেন!

তাঁকে 'তিরো' বলে ভক্তি-শ্রদ্ধা এককালে সত্যিই করত সন্দেহ নেই। তাঁর কাছে সে সময়ে যে স্নেহ, সাহায্য ও প্রশ্রয় পেয়েছে তার জন্তে মনে হয়ত একটু

কৃতজ্ঞতাও ছিল। সেই জন্মেই তাঁর প্রথম চিঠি পেয়ে তার আহ্বান উপেক্ষা করতে পারে নি।

কিন্তু তারপর একটা অভাগ্য বৃদ্ধা ভিথিরীর জন্মে নিজের মান-মর্যাদা যাতে ধোঁয়াতে হতে পারে এমন ব্যক্তি নেবার কি দায় তার পড়েছে! একবার তাঁর সঙ্গে যে দেখা করতে এসেছিল তাই যথেষ্ট।

সোরাবিয়া তাঁর নামে এখানেও যে হলিয়া বার বরেছে, তা কি আনার অজানা?

স্বামী এ শয়তানীতে তার সায় না থাক বাধাও সে নিশ্চয় দেয় নি।

না, আনার সঙ্গে দ্বিতীয়বার দেখা হওয়ার আশা করাই সানসেদোর ভুল হয়েছে। তাঁর কাছে এককালে যত স্নেহ আদরই পেয়ে থাক সে যে সোরাবিয়ার স্ত্রী হয়েছে এই থেকেই তার স্বরূপ বোঝা তাঁর উচিত ছিল।

অথচ আনাকে চিনে তার সঙ্গে দেখা করার স্বেযোগ পাওয়ার পর কত আশাই না তিনি করেছিলেন! ভেবেছিলেন তাঁর অদৃষ্ট এইবার বুঝি তিনি রাখমুক্ত করতে পারবেন।

আনার দেখা তিনি পেরেছিলেন অবশ্য নেহাৎ দৈবাৎ। তাকে খোঁজবার কোনো চেষ্টাই তিনি ভাগ্য বিপর্যয়ের পর করেন নি।

তিনি সোরাবিয়ার খোঁজেই ভিথিরী বাউজুলের বেশে শহর থেকে শহরে ঘুরে বেড়াচ্ছিলেন।

সোরাবিয়া অত্যন্ত নীচ চরিত্রের ইতর জুয়াড়ী। তার মত লোকের যে রকম আস্তানা ও আড্ডা হতে পারে সানসেদো প্রতি শহরের সেই সব জায়গায় আশে-পাশেই টহল দিয়ে ফিরেছেন।

সোরাবিয়ার দেখা সে-সব মহলে কোথাও না পেয়ে বিস্মিত হয়েছেন সত্যিই।

সোরাবিয়ার মত মাছুষ হঠাৎ চরিত্র স্তবরে সাধু পুরুষ হয়ে উঠেছে এত বিশ্বাস করবার মত কথা নয়। ইসকে পুকুর থেকে ঠেকিয়ে রাখা যায়, কিন্তু জুয়ার আড্ডা থেকে সোরাবিয়ার সরে থাকা অসম্ভব।

বিশেষ করে তাঁর যা অহুমান তা একেবারে ভ্রান্ত না হলে সোরাবিয়ার জুয়ার মহলে এখন বড় চাঁই হিসেবেই পরিচিত হওয়া উচিত।

সে জগতে তাকে খুঁজে না পেলে আবার সে দরিয়া পার হয়ে নতুন মহাদেশে পাড়ি দিয়েছে ভাবতে হয়।

কিন্তু মেক্সিকো থেকে যে বেশ একটু দাগী হয়ে ফিরেছে তার পক্ষে আবার সাগর পাড়ি দেওয়া খুব সহজ নয়। তা-ছাড়া আসলে লোকটা শুধু কপট শঠ ইতর নয়, অলস আয়েসীও বটে। নতুন মহাদেশে ভাগ্যোন্নতির ধকল সহিতে সে সাধি করে পা বাড়াবে না।

তাহলে মান্নুঘটা হঠাৎ এমন উধাও হতে পারে কি করে কাপিতান সানসেদো ভেবে পান নি।

তিনি যখন শহরের আজ্ঞে-বাঞ্চে পাড়ায় জুয়াড়ী সোরাবিয়াকে খুঁজে ষেড়াচ্ছেন তখন সে যে মার্কুইস গল্লালেস দে সোলিস হয়ে হয়ত তাঁর চোখের সামনে দিয়েই কখনো-সখনো সাড়ঘরে চলে গেছে তা তিনি আর কেমন করে জানবেন। ও ধরনের রাজাগজার দিকে তখন তাঁর নজরই নেই।

সোরাবিয়াকে না দেখুন আনাকে হঠাৎ একদিন সেভিলের এক গরিবানী পাড়াতেই তিনি দেখেছেন।

প্রথমে অবশ্য আনাকেও তিনি চিনতে পারেন নি।

ভিথিরী সাজলে তার অভিনয়টাও নিখুঁত রাখতে হয়। সানসেদো তাঁর ভবঘুরে ভিথিরীর পোশাকে সে দিক দিয়ে ত্রুটি রাখেন না। তাঁর মত ভিথিরীদের ষা দস্তর বড় মান্নুষ দেখলেই সেই মত ভিক্ষের হাত পাতেন।

গরীব পাড়া দিয়ে লাগাম ধরে নফরের ধরে নিয়ে যাওয়া জমকালো সাজের ষোড়ায় চেপে সন্ত্রাস্ত চেহারা পোশাকের এক মহিলাকে যেতে দেখে রাস্তার আরো তাঁর মত দু-একজন ভিথিরীর সঙ্গে হাত বাড়িয়েছিলেন একটা 'পেসো'র জন্তে।

ভিক্ষে তিনি পান নি। সন্ত্রাস্ত মহিলার নফর তাঁদের ধমকে তাড়িয়ে দিয়েছিল। কিন্তু সেই সময়টুকুর মধ্যেই আনাকে চিনতে সানসেদোর ভুল হয় নি।

আনা তাঁকে অবশ্য চিনতে পারে নি। চেনবার কথাই নয়। তাচ্ছিল্য ভরে সে তাঁর দিকে একবার চেয়েছে কি না সন্দেহ। সেই এক পলকের নজরে ছেঁড়া-খোঁড়া পোশাকের সঙ্গে ফেরার হওয়া অবধি এক মুখ দাড়ি গোঁফে ষা চেহারা হয়েছে তার আড়ালে কাপিতান সানসেদোকে চেনা সম্ভব নয়।

আনাকে এই অপ্রত্যাশিত ভূমিকায় দেখে সানসেদোর বিশ্বয় কোতূহল যেমন তাঁর হয়েছে, মনে আশাও জেগেছে তেমনি গভীর।

তখন আনার সঙ্গে সোরাবিয়ার দাম্পত্য সম্বন্ধের কথা তিনি জানেন না।

তবু তাঁর মনে হয়েছে তাঁর জাহাজের রহস্যদ্যাটনের ব্যাপারে আনার কথাটাও তাঁর ভাবা উচিত ছিল।

আনার সস্ত্রাস্ত্র মহিলা হিসেবে নতুন পরিচয় জেনে তাঁর সঙ্গে দেখা করার উপায় তারপর সানসেদোকে ভাবতে হয়েছে।

ভিক্ষে না পেয়ে যেন ক্ষুধা হয়ে রাস্তার একজনকে তিনি জিজ্ঞাসা করেছেন, কনোথে উম্বের আ এগা সেনিয়েরা ?

তাঁর প্রশ্নে যতটা নয় তাঁর মুখের ‘কনোথে’ শুনে লোকটা একটু কৌতুকের বাঁকা হাসি হেসে জিজ্ঞাসা করেছে, তুমি আন্দালুসিয়ার লোক নয়, কেমন ?

সানসেদো নিজের ভুলটা ততক্ষণ বুঝে ফেলেছেন। ‘কনোসে’র বদলে ‘কনোথে’ বলে গোড়াতেই সেভিল যার প্রধান শহর সেই আন্দালুসিয়ার বাইরের লোক বলে নিজের পরিচয় ধরিয়ে দেওয়াটা তাঁর ঠিক হয় নি।

তাড়াতাড়ি ভুলটা সামলে বলেছেন, না এখানকারই লোক তবে কাস্তিল-এ অনেকদিন কাটিয়েছি।

সে তোমার দুখে জিভের ‘কনোথে’ শুনেই বুঝেছি। —বলে লোকটা একটু অবজ্ঞা ভরেই হেসেছে। ভবিষ্যতে সমস্ত স্পেনের রাজভাষা যা হয়ে উঠবে তখনও তার কদর তেমন বেশী হয় নি।

আন্দালুসিয়ার কয়েকটা দস্য ‘স’ কাস্তিলে আধ আধ ‘থ’ হয়ে তখন বিক্রপ জাগায়।

শ্রীধনশ্যাম দাস তাঁর ভাষাতত্ত্বের গভীর জ্ঞান জাহির করে বোধহয় যথোচিত তারিফের জগ্গেই থেমেছেন, মোক্ষম সংলাপ বলতে বলতে রঙ্গমঞ্চের জাঁদবেল অভিনেতারী যেমন হাততালির সময় দেবার জগ্গে থামে।

তারিফের তাঁর অভাব হয় নি। মুগ্ধ স্তুতি ফুটে উঠেছে উদ্দেশ্য যার কুস্তুর মত স্ফীত ভোজনবিলাসী সেই রামশরণবাবু আর মেদভারে হস্তীর মত যিনি বিপুল সেই সদাপ্রসন্ন ভবতারণবাবুর মুখে চোখে।

শুধু মর্মরের মত মস্তক যার মস্তক সেই ইতিহাসের অধ্যাপক শিবপদবাবু পাণ্ডিত্যের এ আতসবাজীতে সম্পূর্ণ উদাসীন থেকে জিজ্ঞাসা করেছেন অগোপন ঈষৎ অধৈর্যের সঙ্গে,—‘স’ আর ‘থ’-এর মারপ্যাচ এখন রাখুন। আপনার সানসেদো আসলে জিজ্ঞেস করেছিল কি ?

অজ্ঞ বর্বরদের প্রতি যেন করুণার দৃষ্টি বিতরণ করে দাসমশাই একটু হাসলেন। তারপর বললেন,—জিজ্ঞেস করেছিল,—ওই মহিলাকে কি চেনেন !

মহিলা! রাস্তার লোকটি আবার হেসে উঠেছিল কোতুকভরে। তারপর বলেছিল—ঠেকে শুধু মহিলা ভাবছ নাকি, উনি সাধারণ 'সেনিয়োরা' নয়, দস্তুরমত মার্শনেন্স। কিছুদিন হল স্বামী মার্কু'ইস গঞ্জালেস দে সোলিস-এর সঙ্গে সেভিলের শোভা বাড়াচ্ছেন।

আমুদে আর রসিক বলে সেভিলের লোকের তখনই খ্যাতি ছিল। সানসেদো তাই লোকটির কোতুকের খোঁচাগুলো গায়ে মাখেন নি। আরো খোঁজ খবর নিয়ে শেষ পর্যন্ত মার্কু'ইস গঞ্জালেস দে সোলিসের আবাস খুঁজে বার করেছেন, আর সেখানেই আনা-র সঙ্গে দেখা করবার স্বযোগের জন্তে বাইরে ঘোরাঘুরির সময় স্বয়ং মার্কু'ইসকে দেখে স্তম্ভিত হয়ে গেছেন। আনার মার্শনেন্স হওয়া বিশ্বয়কর হলেও সোরাবিয়ার মার্কু'ইস গঞ্জালেস দে সোলিস হওয়া তাঁর সত্যিই কল্পনাতীত।

সোরাবিয়ারই মার্কু'ইস রূপে আনার স্বামী হওয়ায় ব্যাপারটা যত জটিলই হয়ে উঠুক, সানসেদোকে আনার সঙ্গে দেখা করবার চেষ্টা করতেই হয়েছে! সে-বাড়ির একজন পরিচারককে ঘুষ দিয়ে আনার কাছে গোপনে একটি চিঠি পাঠাবার ব্যবস্থা তিনি করেছেন। সে চিঠিতে আনাকে সান্তা মারিয়া দে লা সেদে ক্যাথিড্রালের কাছে ইস্টারের পরবের দিন তাঁর সঙ্গে দেখা করার অহরোধ ছিল।

সে চিঠি আনা ঠিকই পেয়েছে। কিন্তু তার আগে সোরাবিয়া স্বয়ং। কারণ বাড়ির প্রত্যেকটি চাকর তার চর।

আনাকে লেখা সানসেদোর গোপন চিঠি চর পরিচারক প্রথমে তার প্রভু মার্কু'ইস গঞ্জালেস দে সোলিসকেই দিয়েছিল।

মার্কু'ইস অর্থাৎ সোরাবিয়া সে-চিঠি পড়ে ছিঁড়ে ফেলতেও পারত। কিন্তু ছিঁড়ে সে ফেলেনি। বরং আনার হাতে সে-চিঠি পৌঁছে দেবার হুকুমই দিয়েছিল তার পরিচারককে।

আনা চিঠি পড়ে সানসেদোর সঙ্গে দেখার আশায় সান্তা মারিয়া দে লা সেদে ক্যাথিড্রালে গেলে তাকেই টোপ করে সানসেদোকে নিজের হাতে ধরবে এই ছিল সোরাবিয়ার ফন্দী। এইজন্তেই গাঁইয়া চাষীর ছদ্মবেশে সে আনাকে অহসরণ করে ফিরেছে সেদিন।

তার সে-ফন্দী যে সফল হয়নি, তা আমরা জানি।

সফল না হবার কারণ এই যে, কাপিতান সানসেদোও আগে থাকতে

সাবধান হয়ে গিয়ে আনার সঙ্গে ক্যাথিড্রালের কাছে দেখা করবার কোনো চেষ্টা করেন নি।

আনাকে অবশ্য তিনি চোখে চোখে রেখেছিলেন দূর থেকে, আর তারই দরুন আনা না পারলেও সোরাবিয়ার ছদ্মবেশ গোড়াতেই ধরে ফেলেছিলেন আনার পিছনে তার লেগে থাকবার ভঙ্গি দেখে।

কাপিতান সানসেদো আগে থাকতে সাবধান হতে পেরেছিলেন সোরাবিয়ার অতিরিক্ত উৎসাহের দরুন। সানসেদোকে ধরার আগ্রহাতিশয্যে সে তাঁর চিঠি পড়বার পরই সেভিলের কোতোয়ালীকে সজাগ করে দিয়ে সেখান থেকে সানসেদোর নামে হুলিয়া বার করাবার ব্যবস্থা করে।

ঢেঁড়া পিটে সে-হুলিয়ার কথা শহরে জানান হয় বলেই কাপিতান সানসেদো আগে থাকতে সোরাবিয়ার কন্দী সম্বন্ধে সাবধান হবার সুযোগ পান।

বারো

সোরাবিয়ার শয়তানী ফন্দি এড়িয়ে আনার সঙ্গে কয়েক মুহূর্তের আলাপে সান মার্কসের মিনারের নীচে গোপন সাক্ষাতের যে-ব্যবস্থা তিনি করেছিলেন, তা বার্থ হওয়ার একান্ত হতাশ ও ক্ষুব্ধ হওয়া সানসেদোর পক্ষে স্বাভাবিক। কিন্তু আনার প্রতিশ্রুতিভঙ্গের কারণ তিনি যা ভেবেছিলেন তা ভুল। নিজের আগ্রহেই কথা দিয়েও আনা কেন যে তা রাখতে পারেনি, তা কল্পনা করাও সানসেদোর পক্ষে সম্ভব ছিল না।

আনার জীবনে সেদিন যা ঘটেছে, তা তারও কল্পনাতীত।

সেভিল শহরের রাস্তায় সে এক অদ্ভুত আজগুবি জানোয়ার দেখে শঙ্কাবিহ্বল হয়েছে, তারপর সেইদিন সন্ধ্যাতেই তার নিজের আবাস থেকে বার হবার পথে যা দেখেছে, তা অবিশ্বাস্য ভৌতিক কিছু ছাড়া প্রথমে ভাবতে পারেনি।

তার তিয়ো সানসেদোর সঙ্গে দেখা করবার জন্তেই আনা তখন গ্রামাঞ্চলের চাষী মেয়ের পোশাকে সেজে সান মার্কস মিনারের দিকে রওনা হয়েছিল। বাড়ি থেকে বেরিয়ে কয়েক পা যেতে-না-যেতেই তাকে সবিশ্বয়ে কিন্তু থমকে দাঁড়াতে হয়েছে।

মার্কু'ইস গঞ্জালেস দে সোলিস অর্থাৎ তার স্বামী সোরাবিয়াই সেই পথ দিয়ে বাড়ি ফিরছে।

কিন্তু তার সঙ্গে ও কে আসছে বেশ একটু উদ্বেজিতভাবে আলাপ করতে করতে ?

সন্ধ্যার অন্ধকার তখন গাঢ় হতে শুরু করেছে। আনা রাস্তার ধারের একটি বাড়ির তোরণের নিচে লুকিয়ে দাঁড়াতে পেরেছিল। নিজেদের মধ্যে আলোচনায় মত্ত সোরাবিয়া ও তার সঙ্গী তাকে লক্ষ্য করেনি কিন্তু সেই বিলীয়মান আলোতে স্বামীকে যেমন তার সঙ্গীটিকেও তেমনি আনা নিতুলভাবেই চিনেছে।

চেহারাটা চিনতে ভুল হয়নি বলেই নিজের চোখকে বিশ্বাস করা আনার পক্ষে শক্ত হয়েছে। অবিশ্বাস্য অলৌকিক কিছু বলে মনে হয়েছে ব্যাপারটা।

অবিশ্বাস্য অলৌকিক মনে হওয়া অস্বাভাবিক কিছু নয়। জীবনে যাকে

দেখতে পাওয়ার আশা প্রায় ছেড়েই দিয়েছিল, স্পেনের মাটিতে পা দেওয়া
যানে স্বচ্ছায় আত্মঘাত জেনেও সে শুধু সেভিল শহরের রাস্তাতেই নয় তার
স্বামী সোরাবিয়ারই সঙ্গী হয়ে তাদের বাড়ির দিকে অগ্রসর হচ্ছে এ-ব্যাপার
সতাই আনার সব কল্পনার বাইরে।

সান মার্কস মিনারে যাওয়া আনার আর হয়নি। স্বামী আর তার সঙ্গী
কিছুটা এগিয়ে যাওয়ার পর সে অন্ধকারে একটু দূর থেকে তাদের অগ্রসরণ
করেছে।

সোরাবিয়া তার সঙ্গীকে নিয়ে বাড়ির ভেতর গিয়ে ঢোকবার পর আনা বিমূঢ়
স্তম্ভিত হয়েছে সবচেয়ে বেশী। কিষাণমেষের ছন্নবেশে তখনই বাড়িতে ঢোকা
তার পক্ষে সম্ভব হয়নি। অস্থির উদ্বেগ নিয়ে বাড়ির বাইরে অন্ধকার রাস্তাতেই
তাকে অপেক্ষা করতে হয়েছে। অপেক্ষা করতে তার ক্লান্তি নেই। সোরাবিয়ার
সঙ্গে যে বাড়ির ভেতর গেছে, তার জ্ঞে এমন অনেক দীর্ঘ রাত সে অপেক্ষা
করতে প্রস্তুত।

স্বামীর সঙ্গে কেন যে সে তাদের বাড়িতে গেছে আনা তা অস্বপ্নান করতে
গিয়ে কুল পায়নি। কিন্তু যে কারণেই গিয়ে থাক বার হয়ে সে ত আশ্বেই।
ইন্টারের সময় দক্ষিণ স্পেনের সেভিল শহরে শীতের দাপট আর নেই বললেই
হয়। প্রচণ্ড তুষারঝড়ের রাত হলেও কিন্তু আনা অকাতরে যতক্ষণ প্রয়োজন
অপেক্ষা করতে বিধা করত না। যার চেয়ে কাম্য তার কিছু নেই সেই আশাতীত
স্বযোগই আনা আজ পেয়েছে। যখনই বার হয়ে আনুক আনার কাছে আজ
ধরা না দিয়ে তার উপায় নেই।

খুব বেশীক্ষণ আনাকে অপেক্ষা করতে হয়নি। তাদের বাড়ির ভেতর
থেকে ঘোড়ার ক্ষুরের আওয়াজ শোনা গেছে। কয়েক মুহূর্ত বাদে ঘোড়সওয়ারই
বেরিয়ে এসেছে রাস্তায়।

কিন্তু এ-সওয়ার ত আনার স্বামী সোরাবিয়া!

সঙ্গীকে ভেতরে রেখে একলাই সে ঘোড়ায় চড়ে বেরিয়ে এসেছে কেন?

সোরাবিয়ার ঘোড়ার ক্ষুরের শব্দ দূরে মিলিয়ে যাবার পর আনা একমুহূর্ত
আর অপেক্ষা করেনি। পরনে তার চাষী মেয়ের পোশাক। বাড়ির চাকর-
দাসীদের লুকিয়ে এ-পোশাকে সে বাইরে এসেছিল। এখন কিন্তু তাদের চোখে
পড়ার সম্ভাবনা গ্রাহ্য না করে অস্থির উত্তেজনার আনা বাড়ির ভেতর ছুটে
গেছে।

চাকর-দাসী কারুর সঙ্গে দেখা হয়নি। কিন্তু যাকে সে খুঁজছে, সেই বা কোথায়? সোরাবিয়ার সঙ্গে এসে সে কি এই বাড়ির মধ্যে হাওয়াতেই মিলিয়ে গেল?

সত্যিই আনা কি তাহলে অশরীরী ছায়ামূর্তিই দেখেছে?

অস্থির ব্যাকুল উত্তেজনায় আনা চিৎকার করে ডাকে, দাস!

কোথাও কোনো সাড়া মেলে না।

মেক্সিকো থেকে এম্পানিয়ায় ফেরার জাহাজে সম্ভ্রান্ত কাবালিয়েরা হিসেবে যাকে একদিন দেখা গিয়েছিল আর তারপর ভাগ্যচক্রে স্বেচ্ছায় পিজারোর বন্ধু মোরালেসের কাছে আবার ক্রীতদাস হয়ে কিছুকাল কাটিয়ে যিনি আশ্চর্য-ভাবে নতুন মহাদেশের পানামা থেকে নিরুদ্ধেশ হয়েছিলেন, আনার ব্যাকুল সন্ধানের পাত্র যে সেই ঘনরাম দাস,—তা বোধহয় আনার আকুলকণ্ঠে তাঁর নাম শোনবার আগেই বোঝা গেছে।

ঘনরাম দাসই যে অজানা নতুন দেশ থেকে সঙ্গে আনা লুলামাগুলির একটিকে ছেড়ে দিয়ে সেভিলের নাগরিকদের পিজারোর বন্দীত্ব সম্বন্ধে সচেতন করে তুলেছেন তা-ও বোধহয় অনেকের পক্ষেই অস্বীকার করা কঠিন হয়নি!

নতুন মহাদেশ থেকে আদিবাসীদের একজন হয়ে পিজারোর জাহাজে ঘনরামের এম্পানিয়া এসে নামা রহস্যময় নিশ্চয়ই, কিন্তু সোরাবিয়ার কাছে নিজে থেকে আত্মপ্রকাশ করে তারই বাড়িতে আসা কম বিস্ময়কর নয়।

ঘনরাম সত্যিই তাই করেছিলেন। করেছিলেন পিজারোকে হৃদযৌর মহাজন এনসিসো-র আক্রোশ থেকে বাঁচাবার আর কোন উপায় না দেখে।

শহরের রাস্তায় অদ্ভুত আজগুবি প্রাণী হিসাবে লুলামাটিকে ছেড়ে দেওয়ার কৌশল তাঁর আশাতীতভাবে সফলই হয়েছিল। পথের নানা জটলায় পিজারোর বন্দীত্বের সংবাদ জানিয়ে জানতাকে উত্তেজিত করে তোলবার ফন্দিও তাঁর ব্যর্থ হয়নি। ইস্টারের উৎসবমত্ত সেভিল শহরের প্রায় অর্ধেক নাগরিকই বন্দরের চারিপাশে গিয়ে জড় হয়েছিল।

কিন্তু ওই পর্বস্তই। জনতার মধ্যে মিশে থেকে, ঘনরাম কিছুক্ষণ বাদেই বুঝেছেন যে, তাদের উচ্ছ্বাস আক্ষাফালন সবই বৃথা। ইওরোপে সামন্ততন্ত্রের যুগ শেষ হয়ে গেলেও জনগণের অধিকার স্বীকৃত হতে তখনও অনেক দেরী? ওপরের মহলের ভাগ্যবানরা জনসাধারণ বলে কোনো কিছুই অস্তিত্ব সম্বন্ধে অচেতন। তাদের বিক্ষোভ অভিযোগের কোনো তোয়াক্কাই কেউ করে না।

সেভিলের বন্দরের জনতার কণ্ঠ সশ্রুটি পঞ্চম চার্গ দূরে থাক তাঁর পরিষদের কারুর কান পর্যন্তও গিয়ে পৌছোবে না। তা পৌছে দেবার জগ্গে এমন কাউকে দরকার রাজগভা ষার কাছে অগম্য নয়।

এমন মানুষ কে আছে সেভিলে ?

ঘনরাম জনতার সঙ্গে মিশে সন্ধান নিয়েছেন ! সন্ধান যা পেয়েছেন, তাতে হতাশই হতে হয়েছে।

রাজসভার পর্যন্ত পাতিল আছে এমন মানুষ সেভিল-এ থাকবে না কেন ? সেভিল ত আজ্বেবাজ্জে শহর নয়। কিন্তু পিজারোর মত মানুষের জগ্গে নড়ে বসতে তাদের দায় পড়েছে। হাজার হলেও ব্যাচিলর এনসিসোর মত মহাজন তাদেরই জাত-ভাই। ছুটো আজ্গুবি জানোয়ার এনেছে বলে কোথাকার কোন্ হাথরে বাউগুলের জগ্গে সেই জাতভাইকে চটাতে সেভিল-এর বনেদী বড় ঘরোয়ানার কেউ রাজী নয়।

ব্যাচিলর এনসিসোর ইয়ার-দোস্ত কি জাত-ভাই নয় এমন হোমরা-চোমরা কি আর কেউ নেই তাহলে সেভিলে-এ ?

আছে। ওই ত মাকু'ইস গঞ্জালেস দে সোলিসই আছেন।—দু-চারজন ভিডের ভেতর থেকে দেখিয়েও দিয়েছে।—দরবারে গুঁর নাকি দারুণ খাতির। কোথায় কি ছিলেন কেউ জানে না। একবাপে একেবারে মাকু'ইস হয়ে গেছেন কি অমনি অমনি !

মাকু'ইস গঞ্জালেস দে সোলিস !

ঘনরাম ভিডের ভেতর দূর থেকে মাকু'ইসকে ঘুরতে দেখেছেন। মাকু'ইসকে আরো অনেকের মতই পিজারো আর তাঁর জাহাজের আজ্গুবি জানোয়ারের খবর কৌতূহনৌ করে বন্দরে টেনে এনেছে। সেভিল-এর খানদানীরা অবশু ব্যাচিলর এনসিসোর এ-ব্যাপারের সঙ্গে সংশ্রবের কথা জানবার পর আজ্বেবাজ্জে চাষাভুষো ইতরের ভিড়ে বৈশীক্ষণ সময় নষ্ট করেননি। সেভিল-এর বাইরের মানুষ বলেই মাকু'ইস গঞ্জালেস দে সোলিসকে তখনো বন্দরে ঘুরতে দেখা গেছে।

মাকু'ইসকে দূর থেকে চিনিরে দেবার পর ঘনরাম প্রথমটা চমকে উঠেছেন সতাই। কিন্তু তারপর একটু কৌতুকের হাসিই ফুটে উঠেছে তাঁর মুখে।

মাকু'ইস গঞ্জালেস দে সোলিস-এর ঠিক এই সময়টিতে সেভিল শহরে উপস্থিত থাকা নিয়তির আর এক কুটিল কৌতুক সন্দেহ নেই।

অবস্থা যা দাঁড়িয়েছে, তাতে মাকুঁ ইসকেই শেষ পর্যন্ত তাঁকে ধরতে হবে। পিজারোর খবর সম্রাটের দরবার পর্যন্ত পৌঁছে দেবার এ ছাড়া কোনো উপায় নেই। তাঁকে দেখে চিনতে পারলেই মাকুঁ ইস কি করতে চাইবে, তা তিনি ভালো করেই জানেন। পলাতক ক্রীতদাস হিসেবে তাঁকে ধরিয়ে দেওয়ার উৎসাহ ছাড়া মাকুঁ ইস-এর মাথার আর কোন চিন্তাই তখন থাকবার কথা নয়।

তবু এ-কুক্কি তাঁকে নিতেই হবে। যেমন করে হোক তাকে বিশ্বাস করাতে হবে যে, পিজারোর খবর ঠিকমত সম্রাটের দরবারে পৌঁছে দিলে তার নিজের ভবিষ্যৎই আরো উজ্জ্বল হতে পারে। মাকুঁ ইস-এর ওপরে আরো বড় খেতাব আছে। মাকুঁ ইস হিসাবে সে যা পেয়েছে, তার চেয়ে বড় ইনাম। সোরাবিয়া নাম মুছে যে মাকুঁ ইস গঞ্জালেস দে সোলিস হতে পেরেছে সম্রাটকে বাধিত করে রাখার এ-স্বযোগ ছাড়া তার উচিত নয়।

মাকুঁ ইস গঞ্জালেস দে সোলিসকে এসব কথা বুঝিয়ে বিশ্বাস করানো ঘনরাম যতটা কঠিন হবে ভেবেছিলেন, তা হয়নি! সোরাবিয়া নির্বোধ নয়, সম্রাটের দরবারে পিজারোর হয়ে ওকালতি করতে যাবার লাভ যে কি হতে পারে কথা পড়তে না পড়তেই সে বুঝেছে।

প্রথমে অবশ্য ঘনরামকে দেখে সোরাবিয়া ঠিক চিনতে পারেনি, কিংবা চিনলেও বিশ্বাসও করা তার পক্ষে শক্ত হয়েছে।

ঘনরাম নিজে থেকেই ভিড়ের ভেতর সোরাবিয়ার পাশে গিয়ে দাঁড়িয়ে বলেছিলেন, মহামান্ন মাকুঁ ইস গঞ্জালেস দে সোলিস পুরানো এক আলাপীকে চিনতে পারবেন কি!

সোরাবিয়া মুখ ফিরিয়ে বেশ খানিকক্ষণ একটু হতভম্ব হয়ে তাকিয়ে থেকেছে। তার চোখের বিলম্ব দীর্ঘ দীর্ঘে বিশ্বয় থেকে হিংস্র উল্লাসে পৌঁছেছে তারপর।

তুই! তুই এসেছিস এই সেভিল শহরে আমারই চোখের সামনে!—
পৈশাচিক আনন্দটা সোরাবিয়ার গলায় লুকোনো থাকেনি।

হ্যাঁ, আমি নিজে থেকেই তোমার কাছে এসেছি সোরাবিয়া! শাস্ত অস্বস্তিক্রমিত স্বরে বলেছেন ঘনরাম,—আমি এখানে সম্পূর্ণভাবে তোমার হাতের মুঠোর। আমার যখন খুশি তুমি ধরিয়ে দিতে পারো ফেরারী গোলাম হিসাবে। কিন্তু, তার আগে আমি যা বলতে এসেছি দৈর্ঘ্য ধরে নিজের স্বার্থেই তোমার

একটু শুনতে অস্বরোধ করছি। শুনেন মনে না ধরলে আমার কয়েদ করবার পুরো এক্তিয়ার তোমার থাকবে।

দু-এক মুহূর্ত কি ভেবে নিয়ে সোরাবিয়া বলেছে,—চলো। তোমার কথাই আগে শুনব, কিন্তু আমার নিজের বাসার আমার একটি সত্রে।

তাতেই রাজী হয়ে ঘনরাম সোরাবিয়ার সঙ্গে তার সেজিলের আসানে বসেছেন।

ভেরো

আনা শেষ পর্যন্ত ঘনরামকে খুঁজে পেয়েছে।

খুঁজে পেয়েছে সমস্ত বাড়িতে ব্যাকুল হয়ে ছুটে বেড়াবার পর এমন অবস্থায় এমন একটি জায়গায় যেখানে সন্ধান করার কথা সে প্রথমে ভাবতেই পারেনি।

বাড়িতে দাসদাসী কেউ তখন নেই। ইস্টারের উৎসবের জন্তে বিকেল থেকে সে-রাতের জন্তে যে তাদের ছুটি দেওয়া হয়েছে তা আনার ভুলে যাবার কথা নয়। সোরাবিয়াকে একবার শুধু জানিয়ে ছুপুর থেকে ছুটি দেওয়ার ব্যবস্থাটা আনা নিজেই করেছিল সন্ধ্যায় কিমাণ মেয়ের ছদ্মবেশে বার হবার সুবিধের জন্তে। এখন কিন্তু সাহায্য করবার কাউকে না পেয়ে সে ক্রমশঃই বেশী অস্থির হয়ে উঠেছে। তার সমাজের অন্য মেয়েদের চেয়ে কুসংস্কার তার কম। তবু আজকের সব কাঁটি ব্যাপার মিলে তার মনটা যেন দুর্বল করে দিয়েছে। আশাতীতভাবে যার দেখা সে আজ পেয়েছে এই বাড়ির মধ্যই সোরাবিয়ার সঙ্গে চুকে সে লোকটা হঠাৎ এমন নিশ্চিহ্ন হয়ে যেতে পারে কি করে ?

ব্যাপারটা সত্যিই ভৌতিক কিছু, না সোরাবিয়া নিজের স্বপ্নের এনে মাহুঘটাকে গুমখুনটুন কিছু করেছে ?

তার কাছে জনহীন নিস্তরু তার নিজের চেনা বাড়িটাই কেমন যেন বিভীষিকাময় হয়ে উঠেছে হঠাৎ।

একবার মনে হয়েছে বাড়ি থেকে বার হয়ে গিয়ে কাউকে সাহায্যের সঙ্গী হবার জন্তে ডেকে আনে।

কিন্তু কাকে এখন সে ডেকে আনতে যাবে ? রাস্তায় যাকে তাকে ত সে আহ্বান করতে পারে না। তার নিজের এখনকার সমাজের কাউকে ডাকতে গেলে একটা কৈফিয়ৎ ত দিতে হবে। কি কৈফিয়ৎ সে দিতে পারে !

সোরাবিয়াকে বাড়ি থেকে ঘোড়ায় চড়ে বেরিয়ে যেতে সে দেখেছে। ঘনরামকে সঙ্গে করে এনে তারপর একলা সে গেলই বা কোথায় ?

স্থিরভাবে সমস্ত অবস্থাটা একবার বোঝবার চেষ্টা করবার জন্তে আনা তার নিজের ঘরে এবার গেছে ! তিয়ো সানসেদোর সঙ্গে দেখা করা আজ আর হবে

না। তার নিজেৰ কিষাণ মেয়েৰ পোশাকটোও তাই বদলানো দয়কাৰ।

নিজেৰ ঘৰে ঢুকেই আনাকে স্তম্ভিত বিহ্বল হয়ে দাঁড়িয়ে পড়তে হয়েছে।

ঘনরাম তাঁরই ঘৰে পড়ে আছে, তাঁরই বিছানার ওপৰ।

সমস্ত বাড়ির মধ্যে এই ঘরটিতে ঘনরামের থাকার কথা কল্পনা করতে পারেনি বলেই আনা এখানে খোঁজ করতে আসেনি।

নিজেৰ ঘৰে নিজেৰ বিছানায় ঘনরামকে দেখবার পর আনা কিছুক্ষণ স্থাণুর মত দাঁড়িয়ে থেকেছে। তাঁর হাত পা নাড়বার যেন আর ক্ষমতা নেই।

ঘনরাম কেন যে তাঁর এতক্ষণের ব্যাকুল চিন্তাৰে সাজা দেয়নি তা এইবার বোঝা গেছে।

না, সে মৃত কি আহত বা অজ্ঞান নয়, আনার বিছানার ওপৰই আঠেপৃষ্ঠে খাটের সঙ্গেই বাঁধা। শুধু চোখ দুটি বাদে মুখটো তাঁর কাপড় গুঁজে বন্ধ করা।

তোমাৰ, তোমাৰ এ অবস্থা কে করেছে! কে তোমাৰ বেঁধেছে এখানে! এক হিসেবে অৰ্থহীন প্রশ্ন ক্ষুদ্র চিন্তাৰ হয়ে বেরিয়েছে আনার কণ্ঠ থেকে।

এ অবস্থায় ঘনরামের যে উত্তর দেবার ক্ষমতা নেই পরমুহূর্তে তা স্বরণ করে আনা ছুটে গিয়ে পাশের সোৱাবিয়াৰ ঘৰ থেকে আঁৰ কিছু না পেয়ে তাঁর দীৰ্ঘ ছোৱাটা নিয়ে এসেছে।

সেই ছোৱা দিয়ে বাস্তব্যাকুলভাবে ঘনরাম দাসের বাঁধন সে কেটেছে। সব বাঁধন কাটতে হয়নি। বিছানার সঙ্গে জড়ানো হাতের বাঁধনটা কাটবার পর ঘনরাম নিজেই তাঁর মুখের ওপৰ চাপা দেওয়া কাপড়টা খুলে ফেলে যা বলেছেন তা সেই অবস্থায় একটু অপ্রত্যাশিত আঁৰ অস্বাভাবিক।

অল্প সময় হলে আঁৰ অমন উত্তেজিত বিহ্বল হয়ে না থাকলে আনার মত মেয়ে একথায় বোধহয় জলে উঠত।

ঘনরাম দাস নিজেৰ মুখের বাঁধন খুলে বিছানার ওপৰ উঠে বসে একটু হেসে বলেছেন,—কাজটা কি ভালো করলেন মাৰ্শনেস? একটা ফেৱাৰী গোলামকে পালাবার স্বযোগ দেওয়া যে অপরাধ তা ত জানেন!

কথাটার সূক্ষ্ম খোঁচা যা ছিল তা বোঝবার মত মনের অবস্থা আনার তখন নয়।

জানি! বলে অস্থির আগ্রহে সে স্নিজ্জাসা করেছে,—তোমাকে সোৱাবিয়াই তাহলে এখানে বেঁধে রেখেছে! কিন্তু কেন? বাঁধলই বা কেমন করে? তোমাৰ এমন করে বাঁধবার ক্ষমতা তাঁর হল!

তা হবে না কেন ? ঘনরাম এবার উঠে ঠাড়িয়ে ঈশং কৌতুকের স্বরে বলেছেন,—আমি নিজেই যখন তাকে বাঁধতে দিয়েছি !

তুমি নিজেই তাকে বাঁধতে দিয়েছ ! আনার গলায় প্রথম গভীর বিভ্রান্তি প্রকাশ পেয়েছে। তারপর তীব্রস্বরে সে বলেছে, এ পরিহাসের সময় নয় দাস। মনে হচ্ছে চরম বিপদে পড়ে তোমার বুদ্ধিজংশ হয়েছে ! নইলে তোমার অবস্থা যে কি সাংঘাতিক তুমি বুঝতে !

অবস্থা সাংঘাতিক জেনেই এখানে এসেছি মার্শনেস ! ঘনরামের গলায় আর কৌতুকের স্বর তখন নেই,—আর, পরিহাস করে নয় সত্যই বলছি, আপনার মাকুঁ ইসকে স্বেচ্ছায় এইভাবে আমায় বাঁধতে দিয়েছি !

কিন্তু,—গভীর বিমূঢ়তায়, আনা কয়েক মুহূর্ত থেমেছে নিজের প্রশ্নটা গুছিয়ে নিতে। একটু অধৈর্যের সঙ্গে তারপর জিজ্ঞাসা করেছে—নেহাং উন্নাদ না হ'লে তা কি কেউ দেয় ? তোমাকে ত তার সঙ্গেই এসে আমি এখানে ঢুকতে দেখেছি। তুমি কি এইভাবে বাঁধতে দেবার জন্তেই তার সঙ্গে এসেছিলে ?

তা একরকম বলতে পারেন ! ঘনরামের মুখে একটু তিক্ত হাসি এবার দেখা দিয়েছে,—বাঁধা পড়বার জন্তে না হোক, তাঁর সর্ব মানতে রাজী হয়েই তার সঙ্গে এখানে এসেছিলাম। এখানে আসবার পর তিনি ওই সর্বই জানিয়েছিলেন।

মানে তোমায় বেঁধে রাখার সর্ব ! আনার মূখ দেখে মনে হয়েছে, ঘনরাম তাঁর সঙ্গে যে পরিহাস করছেন না তখনও সে এ বিষয়ে নিঃসংশয় হতে পারেনি,—আর বেঁধে রাখা আমারই ঘরে আমার বিছানার ওপরে ?

হ্যাঁ, এটা মাকুঁ ইস মানে আপনার স্বামীর একটা নীচ ইতর কৌতুক। ঘনরামের গলার স্বর এবার ঘৃণাতীব্র হয়ে উঠেছে,—তিনি তাঁর সর্ব জানিয়ে বলেছেন যে, শুধু বাঁধা পড়লেই হবে না, তাঁর স্ত্রী মার্শনেস-এর ঘরের বিছানায় আমার বাঁধা থাকতে হবে।

এরকম সর্বের মানে ?—তীব্র হয়ে উঠেছে আনার কণ্ঠস্বর !

এ বিশেষ সর্বের কারণ কুংসিত রসিকতা করে তিনি যা বলেছেন তা আপনাকে শোনাতে পারব না মার্শনেস। তিক্তকণ্ঠে বলেছেন ঘনরাম,—তা স্তনেও বাধ্য হয়ে তার সব কথায় যে রাজী হয়েছি তার জন্তে মনের প্লানিটুকু ঘোচাবার স্বেচ্ছা আশা করছি এখনি পাব।

ঘনরামের কথার যথার্থ তাৎপর্যটা আনা তখনো ঠিক ধরতে পারেনি।

কথাটা কেমন অদ্ভুত লাগায় ঘনরামের দিকে সবিস্ময়ে চেয়ে নিজের মনের জ্বালাতেই জিজ্ঞাসা করেছে,—আমার ঘরে আমারই বিছানায় তোমাকে বাঁধবার সর্বের কি কারণ দেখিয়েছিল আমার স্বামী! শুনি কি রসিকতা সে করেছিল?

সে রসিকতাটা ওই নকল কাবালিয়েরো-সাজা ফেরারী গোলামের জিভে বোধহয় বাধছে! অত যখন শোনবার আগ্রহ তখন আমিই শোনাচ্ছি না হয়।

আনা চমকে ফিরে তাকিয়েছে। তার স্বামী সোরাবিয়াই খাপ থেকে খোলা তলোয়ার হাতে সেখানে দাঁড়িয়ে। মুখে তার হিংস্র পৈশাচিক কৌতুকের হাসি।

আনার সাময়িক বিমূঢ় অস্বস্তিটুকু উপভোগ করে সে কথাগুলো এবার যেন কুরিয়ে কুরিয়ে বলেছে,—স্বপ্নে যাকে পাশে দেখে সেই গোলামটাকে জ্যাস্ত তোমার বিছানায় বেঁধে তোমায় দেখানোই ছিল আসল উদ্দেশ্য। সেইজগ্রেই তোমার ফেরার অপেক্ষায় হতভাগাকে বেঁধে রেখে গিয়েছিলাম। ওকে তখন অবশ্য অগ্র কৈফিয়ৎ দিয়েছিলাম। বলেছিলাম,—আমাদের মার্শনেস-এর শুচিবায়ু বড় বেড়েছে। আলাদা ঘরে থাকেন নোংরা হবার ভয়ে তাঁর বিছানা আমার ছুঁতে দেন না। একটা গোলামকে বেঁধে শুইয়ে বিছানাটা তাই একটু পবিত্র করতে চাই।

আনার মুখের চেহারার অঁাং চোখের শানিত তীব্র ঝিলিক দেখে মনে হয়েছে সে বুঝি ক্ষিপ্ত চিত্তার মত তৎক্ষণাৎ সোরাবিয়ার ওপর ঝাঁপিয়ে পড়বে।

কিন্তু তা সে ঝাঁপিয়ে পড়ে নি। তার বদলে ঘনরামের দিকে ফিরে জলন্ত স্বরে জিজ্ঞাসা করেছে,—এই কুৎসিত ইতর বিক্রপ শুনে একটা জবাবও দাওনি! খুব মজা পেয়েছিলে বোধহয়?

না মজা পাইনি। তবে জবাবও দিতে পারিনি তখন।—ঘনরাম অনুভূতজিত গলায় বলেছেন সোরাবিয়ার দিকে চেয়ে।

জবাবটা এখন তাহলে দিবি বোধহয়! হিংস্রভাবে হেসে উঠেছে সোরাবিয়া—তাই পেওয়াই ত আমি চাইছি! ফেরারী গোলাম হিসেবে তোকে শুধু ধরিয়ে দিয়ে আমার কতটুকু আর সুখ হত! মার্শনেস আদর করে তোঁর বাঁধন খুলে দিয়েছে। এখন তাঁর বিছানাতেই তোঁর লাশটা শুইয়ে তাঁর সাধ মেটাই। কই জবাব দে!

সোরাবিয়া তাঁর খোঁলা তলোয়ারটা ঘনরামের দিকে তুলে ধরেছে এবার।

সেটা যেন লক্ষ্যই না করে ঘনরাম অবিচলিতভাবে বলেছেন, জবাব আপনাকে সত্যিই দেব মাকুঁ ইস। কিন্তু শুধু ওই ইতর নোংরা রসিকতার নয়। আরো অনেক কিছুই জবাব আপনাকে দেবার আছে। প্রথম জবাব আপনার বেইমানির। পরস্পরের সৰ্ত্ত মানব বলে আমরা কথা দিয়েছিলাম। আপনার সৰ্ত্ত মেনে আমি আপনারই আবাসে এসে হাত-পা বাঁধা অবস্থায় আমার বক্তব্য আপনাকে শোনাতে রাজী হয়েছিলাম। আপনার নীচ জঘন্ট রসিকতাও নীরবে সহ্য করেছিলাম আপনাকে দিয়ে একটা বড় কাজ করার জন্তে। কথা ছিল আপনার সৰ্ত্ত মানলে আপনিও আমার সৰ্ত্ত মানবেন। আমার বক্তব্য শুনে সেই অহুসারে কাজ করা আপনার পক্ষেও লাভের বুঝলে আমাকে মুক্ত করে সেই কাজই করবেন। এই বিছানায় বাঁধা অবস্থায় আপনাকে যা আমি বলেছি তার মূল্য আপনি বুঝেছেন, বুঝেছেন যে পিজারোর মত অসামান্য আবিষ্কারকের সেভিলে অগ্নায়ভাবে বন্দী হওয়ার খবর সম্রাটের দরবারে পৌঁছে দিতে পারলে আপনার কদর সেখানে অনেক গুণ বেড়ে যাবে। সমস্ত কথা বুঝে মনে মনে আমার পরামর্শ নেওয়ার মতলব করেও আমার বাঁধন আপনি খুলে দেন নি। সত্যি সত্যিই আপনার স্ত্রী মার্শনেসকে তাঁরই বিছানায় আমার বাঁধা পড়ে থাকার দৃশ্য দেখিয়ে চরম অপমান করবার জন্তে তাঁকেই খুঁজতে গেছিলেন। আপনার এতরকম নীচতা ইতরতা বিশ্বাসঘাতকতার পুরোপুরি জবাব এখন অবশ্য দেওয়া চলবে না।

কেন, তৈরী করার স্বযোগ পাস নি বুঝি? বাঁকা হাসির সঙ্গে তলোয়ারের ডগাটা ঘনরামের গলার কাছটায় স্থনিপুণ কৌশলে ছবার ঘুরিয়ে বলেছে সোরাবিয়া—মার্শনেসের সঙ্গে একটু প্রেমালাপেরও সময় মেলেনি? বড় আচমকা এসে পড়েছি, কেমন!

না, আচমকা নয় মাকুঁ ইস।—যেন বিনীতভাবে বলছেন ঘনরাম,—গোলাম হিসেবে মনিবদের কানমলা খেয়ে খেয়ে কান দুটো আমার একটু বেশী সূক্ষ্ম হয়ে গেছে। এইখানে বসে বাড়ির বাইরের রাস্তায় ঘোড়া খামিয়ে নিঃশব্দে আপনার নামবার চেষ্টা আমি টের পেয়েছি। টের পেয়েছি চুপি চুপি পা টিপে আপনার বাড়ির ভেতর ঢোকা। মার্শনেসকে তাই তখন বলছিলাম যে আপনার ইতর মনের জঘন্ট সৰ্ত্ত মেনে নেওয়ার গ্লানিটুকু ধোঁচাবার স্বযোগ বোধিহীন পাব। আপনি তখন সবে বাইরের দেউড়িতে ঢুকছেন।

বটে! তোর কান ত তাহলে কুকুরকেও হার মানায়! কুৎসিতভাবে

হেসে উঠে বলেছে সোরাবিয়া,—তোমার কান দুটোই তাহলে আগে কেটে রাখি তারপর এমন সরেস জবাব দেবার ওই জিভটা।

সোরাবিয়ার আফালিত তলোয়ারের ফলাটা ঝিলিক দিয়ে উঠেছে ঘরের ঝোলানো বাতিদানের আলোয়।

সোরাবিয়ার তলোয়ারের ফলাটা তখনই রক্তপাত করবার জন্তে অবশ্য ঝিলিক দিয়ে ওঠেনি। সোরাবিয়া নিষ্ঠুর কৌতুকে ঘনরামকে নিয়ে একটু খেলাবার জন্তেই তলোয়ারটা তাঁর মুখের চারিধারে নাচিয়েছে একটু।

কিন্তু সে শুধু বুঝি মুহূর্তের জন্তে।

সোরাবিয়ার তলোয়ারটা তাঁর মুখের কাছে নেচে ওঠবার সঙ্গে সঙ্গেই ঘনরাম বিহ্বল গতিতে আনার হাতের ছোরাটা টেনে নিয়ে একটু সরে দাঁড়িয়েছেন।

সোরাবিয়া প্রথম এক লহমা বুঝি একটু হকচকিয়ে গিয়েছিল, তারপরই তার মুখ শয়তানী হাসিতে কুঞ্চিত হয়ে উঠেছে।

বাঃ চমৎকার!—চাপা হিংস্র উল্লাসে বলেছে সোরাবিয়া,—ফেরারী গোলামের ধরা পড়ে ছোরা নিয়ে আক্রমণ! আজকাল আইন-কাহ্নন একটু বেয়াড়া হয়েছে। নফর গোলাম মারলেও কৈফিয়ৎ দিতে হয়। কিন্তু বেয়াড়া গোলাম কি ক্ষ্যাপা কুকুর মারলে ইনাম পর্যন্ত মেলে। তোকে মূর্খ বানাবার এমন নির্দায় স্বযোগ তুই নিজেই দিবি ভাবতে পারিনি।

শোনো!—সোরাবিয়া তলোয়ারটা বাড়িয়ে আবার একটু নাচাতেই রেগে চিৎকার করে এগিয়ে গিয়েছে আনা—এ তোমার অগ্নয় লড়াই সোরাবিয়া। তোমার হাতে তলোয়ার আর দাসের হাতে শুধু একটা ছোরা।

ইস্! গোলাম জাবের জন্ত বড় যে দরদ। তার জন্তেই এ অভিশারের সাজ্জ? কেমন?—কুৎসিতভাবে হেসে উঠেছে সোরাবিয়া। তারপর হঠাৎ তলোয়ারের ফলাটা অদ্ভুত কৌশলে আনার পোশাকের ওপর ঘন বুলিয়ে দিয়েছে।

তলোয়ারের খেলায় সোরাবিয়া যে উঁচু দরের বাহাদুর তার এই গায়ে আঁচড়টি না লাগিয়ে ফলা বুলোবার কায়দাতেই তা বোঝা গেছে। আনার পরনে কিবাণ মেয়ের পোশাক। কাঁধ থেকে কোমর পর্যন্ত সে পোশাক তলোয়ারের ফলার স্পন্দ টানে ছুঁ ফাঁক হয়ে বুলে পড়েছে শরীরের দু-ধারে। হঠাৎ এভাবে বেজাবর হয়ে ক্ষণেকের জন্তে স্তম্ভিত ও তার পরেই লজ্জার

অপমানে দিশাহারা অবস্থায় আনাকে ছুটে বেরিয়ে যেতে হয়েছে ঘর থেকে অফুট আর্তনাদ করে।

গোলাম প্রেমিককে রূপ দেখাতে এত লজ্জা কিসের!—ইতর মুখভঙ্গি করে আনার পেছনে অপমানটা যেন নোংরা কাদার মত ছুঁড়ে দিয়েছে সোরাবিয়া। তারপর ঘনরামের দিকে ফিরে বিদ্রুপে বাঁকা কুৎসিত হাসির সঙ্গে বলেছে,—জানের বলে তোকে একটু খেসারৎ দিতে চেয়েছিলাম। কিন্তু যাবার আগে চক্ষু সার্থক করে যাওয়া তোর কপালে নেই!

ঘনরাম তখন শান্ত স্থির অবিচল, কিন্তু সে স্বৈর্ঘ্য যেন ধমকে যাওয়া তুকানের ভয়ঙ্কর মেঘের।

ভেতরে যে কি চলছে তা শুধু তাঁর চোখের দৃষ্টির তীব্র বিদ্যাহ-জ্বালায় ধরা পড়ে। গলা কিন্তু তাঁর সহজ স্বাভাবিক, বরং একটু যেন পরিহাসলঘু।

সেই হাঙ্কা গলাতেই তিনি বলেছেন,—আপনি যে সত্যিকার বনেদী মাকু'ইস তা আপনার চালচলনেই বোঝা যায়। নিজের স্ত্রীর সম্মান এভাবে রাখতে ইতর ভুইফোড় কেউ পারে! আপনার মত মাকু'ইস-এর উপযুক্ত নজরানা আজই দিয়ে যেতে পারলে খুশি হতাম কিন্তু তার উপায় নেই। আপনাকে শুধু একটা অল্পরোধ করছি। হাতের তলোয়ারটা ফেলে দিন। আমাকে শিক্ষা দেবার বাসনা থাকে ত শুধু হাতেই তা দেবার চেষ্টা করতে পারেন। তলোয়ার হাতে থাকলে আপনার বেশী জখম হবার বিপদ আছে।

বটে!—হিংস্রভাবে হেসে উঠে বলেছে সোরাবিয়া—তলোয়ার চালাতে আমি যে আনাড়ি তা ধরে ফেলেছি, কেমন!

না, আনাড়ি নয় মাকু'ইস—বেশ একটু তারিফ করার ভঙ্গিতেই বলেছেন ঘনরাম,—আমি সমুদ্রের এপারে-ওপারে আপনার মত তলোয়ারের পাকা হাত দেখেছি কি না সন্দেহ। কিন্তু মুস্কিল হচ্ছে এই যে, আপনি তলোয়ার না ছাড়লে আমাকেও ছোরাটা হাতে রাখতে হয়। তলোয়ার ঠেকাতে ছোরা, বুঝতেই ত পারছেন বেসামাল হয়ে যদি একটু বেশী ঘা দিয়ে ফেলি।

বেসামাল হয়ে আমার বেশী ঘা দিয়ে ফেলবি! তোর গুই পুঁচকে ছোরা দিয়ে?—শুনে থ হয়েই সোরাবিয়া বোধহয় হাসতে ভুলে গেছে প্রথমে। তারপর রাগে চিড়বিড়িয়ে উঠে বলেছে,—সত্যিই তোর মরণ ছিট্টিটিনি ধরেছে দেখতে পাচ্ছি। মুখে যাই বলি, ভেবেছিলাম শুধু তোর নাক কান কেটে খাঁদা বোঁচা করে ঠেলে ফেলে দেব রাস্তায় তোর প্রেয়সীর মন ভোলাতে। সত্যি

তোমার শমনের ডাকই এসেছে। নে ইষ্টনাম জপ করে নে।

দাঁড়ান! দাঁড়ান মাকু ইস।—সোরাবিয়া চালাবার জন্তে তলোয়ারটা তুলতেই মিনতির সুরে বলেছেন ঘনরাম,—আবার আপনাকে বলছি তলোয়ারটা ফেলে দিন। এখনো আপনার অনেক কিছু করার আছে। অনেক ওপরের ধাপে ওঠবার...

ঘনরাম তখন তাঁর কথা আর শেষ করতে পারেন নি। সোরাবিয়ার ঘা সামলাতে তাঁকে এক লাফে পাশে সরে যেতে হয়েছে।

সেখান থেকে প্রায় যেন নাচের পায়ে ঘুরে দাঁড়িয়ে তিনি আবার আগের কথার খেই ধরেই বলেছেন,—আপনাকে সম্রাটের দরবারে যেতে হবে মাকু ইস—সে কথা ভুলে যাচ্ছেন কেন?

সোরাবিয়ার পরের মারটাও নাচুনে পায়ে এড়িয়ে ঘনরাম যেন বেশ একটু ক্ষুণ্ণ হয়ে বলেছেন, এই সোজা কথাটা বুঝেছেন না কেন? সম্রাটের কাছে কানা খোঁড়া হয়ে কি গায়ে মাথায় ঘেয়ো পটি বেঁধে যাওয়া কি ভালো দেখাবে!

সোরাবিয়ার তৃতীয় মারটা ঘনরাম তাঁর ছোরা দিয়েই ঠেকিয়েছেন এবার। তারপর কিছুক্ষণ কথা বলার ফুরসৎ পান নি।

সোরাবিয়া তখন সত্যিই একেবারে ক্ষেপে গেছে। আজ্ঞেবাজ্ঞে নয়, যথার্থই সে উঁচুদরের অসিযোদ্ধা। সামান্য একটা ছোরা নিয়ে তাকে ঠেকানো মানে তার চরম অপমান। সে অপমানের শোধ নিতে খোঁচানো বাঘের মত সে তখন হিংস্র হয়ে উঠেছে। ঘনরামকে টুকরো টুকরো করে না কাটলে বোধহয় তার রাগ যাবে না।

কিন্তু ঘনরামকে কাটতে হলে ধরা ত চাই। সেইটেই যে মুশ্বিল। হাতে তাঁর একটা খাটো ছোরা মাত্র। কিন্তু সেই ছোরা দিয়েই যেন তিনি ভেলকি দেখিয়েছেন। হাতের ছোরার চেয়ে তাঁর পায়ের ভেলকি অবশ্য বেশী বই কম নয়। তলোয়ার হাতে ওই ঘরটুকুর মধ্যে চরকিপাক খেতে হয়েছে সোরাবিয়াকে তাঁকে বাগে পাওয়ার জন্তে। হেলে দুলে যেন নাচের পা ফেলার কৌশলে ঘনরাম সোরাবিয়াকে বার বার এড়িয়ে গিয়ে তার তলোয়ারের নিপুণ চাল ও হাশ্বকর করে তুলেছেন।

সোরাবিয়ার ক্ষাপা আক্রোশের প্রথম ধাক্কাটা সামলে ঘনরাম আবার তাকে বোঝাতেও শুরু করেছেন আগের জের টেনে,—তলোয়ার আপনি ভালোই খেলেন, কিন্তু পায়ের কাজ কিছু শিখলে ভালো করতেন। পায়ের

দোষেই ঠিক স্থবিধে করতে পারছেন না। তা ছাড়া আমার এই ছোরাটাকে হেনস্থা করাও আপনার উচিত হয় নি। এ ছোরা আপনারই। শুধু এর দাম যে কত তা আপনি জানেন না। নেহাৎ বাহার হিসেবেই এটা কখনো-সখনো তলোয়ারের কোমরবন্ধে ঝুলিয়েছেন। এ বিষয়ে একটু ওয়াকিবহাল হলে বুঝতেন তলোয়ারের সঙ্গে ডানদিকে শোভার জন্তে ঝোলাবার 'মিস্ত্রিরকর্দে' ছোরা এটা ঠিক নয়। এটা তার চেয়ে অনেক দামী আর কাজের জিনিস। এ ছোরা আপনাদের উত্তর-পূর্বের পাহাড়ী রাজ্যের পেশাদার সেপাইদের কাছ থেকে পাওয়া। আপনি কোথা থেকে এটা হাতিয়েছেন কে জানে, কিন্তু এ ছোরার পুরো মর্ম বোঝেন নি। পাহাড়ী সেপাইদের ছোরার সঙ্গেও এ ছোরার একটু তফাৎ আছে। সে ছোরা একটু বদলে এক ধার দাঁতালো করে এ ছোরা বানানো। নাম হল 'মাইন গাউচে'!

হঠাৎ থেমে গিয়ে জিভে আফসোসের আঁওয়াজ করে ঘনরাম বলেছেন,— এই দেখুন এ বেয়াজা হাতিয়ার এত সাবধানে চালাবার চেষ্টা করেও একটা কান আপনার কেটে ফেললাম। এই জন্তেই আপনাকে তলোয়ার ফেলে হাতে লড়তে বলেছিলাম। যাক, একটা কানই যখন গেছে তখন দুটোই যাক! ছেলেবেলায় যেন কোথায় শুনেছিলাম 'দু' কান কাটা হ'লে আর লজ্জা-সরম কিছুর দরকার থাকে না। আরে আরে আপনি যে আরো ক্ষেপে যাচ্ছেন! ভুলে যাচ্ছেন কেন যে এ ছোরার একধারে দাঁত থাকাকাটা মিথ্যে বাহার নয়। এর কাজ হ'ল অতি ধারালো তলোয়ারও এমনিভাবে কায়দা মার্কি ধরে নিয়ে ছুঁকরো করে ফেলা।

সোরাবিয়ার তলোয়ার তখন সত্যিই ঘনরামের হাতের ছোরার দাঁতালো ধারে পড়ে ছুঁকরো হয়ে সশব্দে মেঝের ওপর পড়েছে।

ব্যাপারটা বোধহয় সোরাবিয়ার একেবারে কল্পনাতীত। মেঝের ওপরকার তলোয়ারের টুকরো দু'টোর দিকে চেয়ে সে একেবারে হতভম্ব, নির্বাক।

প্রথম বিমূঢ়তাটা একটু সামলে সে শব্দে ঘনরামের দিকে তাকিয়েছে। ঘনরামের দিকে ঠিক নয়, তাঁর হাতের ছোরাটার ওপরই তার দৃষ্টি তখন স্থির।

ঘনরাম প্রথমে সজোরে মারবার ভঙ্গিতেই ছোরাটা তুলেছেন।

ফাকাশে মুখে সোরাবিয়া দু'পা পিছিয়ে যেতে একটু মুচকি হেসে ঘনরাম ছোরাটা আবার নামিয়ে বলেছেন,—ভয় নেই মাকু ইস। আগেই বলেছি আপনার সব কীর্তি আর কথার পুরো জবাব আজই দেওয়া হবে না।

দুনিয়ার ইতিহাসের একটা নতুন পাতা খোলাবার জন্তে আপনাকেও এখন একটু দরকার। আপনাকে এই অবস্কাতেই তাই ছেড়ে দিয়ে যাচ্ছি। আমি চলে যাবার পর আপনারও বেশিগণ এখানে থাকার অগ্ৰ বিপদ আছে। আপনার স্ত্রী মার্শনৈসকে যে চরম অপমান করেছেন, তাতে লজ্জায় ঘেদ্রায় দেশাস্তরী হবার মত মেয়ে তিনি বোধহয় নন। পোশাক বদলে উপযুক্ত প্রতিশোধ নিতে আসতে তিনি দেৱী করবেন না এ অনুমান আমার বোধহয় ভুল নয়। আমি সামনে থাকলে ব্যাপারটা একটু কুৎসিত রকম জটিল হতে পারে বলে আমি এখুনি চললাম। তারপর বিলম্ব না করে আপনারও টোলেডো রওনা হওয়া উচিত। সম্রাট পঞ্চম চার্লস সেখানেই দরবার বসিয়েছেন খবর পেয়েছি। আশা করি নিজের স্বার্থ বুঝে আমার পরামর্শটা নেবেন...

হঠাৎ থেমে বাঁ-হাতের প্রচণ্ড ধাক্কায় সোরাবিয়াকে ঘরের কোণে ছিটকে ফেলে দিয়ে ঘনরাম আবার বলেছেন,—না না, মাকু ইস এরকম ভুল করা আপনার উচিত হয়নি। বিশেষ কারণে এখনকার মত উদার হচ্ছি বলে অসাবধান আমি হইনি। আপনার মত প্রাণীর প্যাচালো মাথার অন্ধিসন্ধি আমার জানা। স্ততরাং অগ্ৰমনস্কতার স্বযোগে আচমকা কাবু করবেন, বৃথাই সে-আশা করেছেন। আপনার সঙ্গে হিসেব-নিকেশ সব বাকি রেখেই এখন যাচ্ছি। আশা করছি একটা কান একটু ছিঁড়ে যার নমুনা দেখিয়েছি, একদিন সেই হিসেব পুরোপুরি চোকাবার স্বযোগ পাব।

সেই মুহূর্তে ঘরের বাইরে একটা দ্রুত পদস্ব শোনা গেছে।

ঘনরাম সজোরে ঘরের বাতিদানের দিকে তাঁর ছোরাটা সঙ্গে সঙ্গে ছুঁড়ে মেরেছেন।

বন্বনিয়ে কাচের ঢাকনা সমেত বাতিদানটা মেঝের আছড়ে পড়ে ঘর অন্ধকার হয়ে যেতে-না-যেতেই ঘনরাম সেখান থেকে ছুটে বেরিয়ে গেছেন।

যাবার পথে অন্ধকারে সজোরে একবার ধাক্কা খেয়েছেন।

দেহের উষ্ণ কোমলতা থেকেই সংঘর্ষটা যে কার সঙ্গে হয়েছে তা বুঝতে দেৱী হয়নি।

ধাক্কা খাওয়ার সঙ্গে সঙ্গে কোমল দেহটা তাঁর সঙ্গে জড়িয়ে গিয়ে তা থেকে যেন ইস্পাতের দু'টি বাহু বেরিয়ে তাঁকে ধরে রাখতে চেয়েছে।

সেই সঙ্গে নারীকণ্ঠে শোনা গেছে ব্যাকুল জিজ্ঞাসা,—কে? কে তুমি?
দাস?

ঘনরাম কোনো উত্তর দেননি। নীরবে প্রাণপণ শক্তিতে আনার বাহুবন্ধন থেকে নিজেকে প্রায় নিষ্ঠুরভাবে মুক্ত করে ছুটে বেরিয়ে গেছেন।

বাড়ি থেকে জনহীন নিরালোক রাস্তায় বেরিয়ে এসে তিনি নিশ্চিন্ত হয়েছেন অনেকখানি।

আপাতত সেভিল শহরে সে-রাত্রের মত অশ্রুত তিনি নিরাপদ।

সোরাবিয়ার বাড়ির দেউড়ি থেকে রাস্তায় পা বাড়িয়ে কয়েক পা এগিয়েই তিনি কিন্তু চমকে উঠেছেন।

সেখানে এমন একজন তাঁর পথ আগলে দাঁড়িয়ে আছে, যাকে এখানে দেখবার কথা ঘনরাম কল্পনাও করতে পারেন নি।

চোদ্দ

পিজারোর সেভিলের বন্দরে দেনার দায়ে বন্দী হওয়ার খবর সম্রাট পঞ্চম চার্লসের দরবারে সত্যি পৌঁছেছিল।

সংবাদের প্রধান বাহক মার্কু ইস গঞ্জালেস দে সোলিস। তার আগে একটু-আধটু উড়ো খবর যা পাওয়া গেছিল তা দরবারে যৎসামান্য আলোচনার চেউ তুললেও সম্রাটের কানে তোলবার যোগ্য কেউ ভাবে নি। মার্কু ইস বিশেষ-ভাবে উদ্বোধনী হয়ে এ খবর বয়ে না নিয়ে গেলে পিজারোর মুক্তি কতদিনে হ'ত কে জানে! নাও হতে পারত বছরের পর বছর। তখনকার যুগে অনেক উঁচু দরের মাহুষেরও গারদখানার দেওয়ালের আড়ালে চিরকালের জন্তে হারিয়ে যাওয়ার ঘটনা বিরল ছিল না।

মার্কু ইস গঞ্জালেস দে সোলিস-এর কাছে এ খবর পাবার পর সম্রাটের দরবার উত্তেজিত চঞ্চল হয়ে ওঠে।

পঞ্চম চার্লস তখন টোলেডোতে। পিজারো কে, কী জন্তে সে নতুন মহাদেশ থেকে এসেছে, আর এসেই কুড়ি বছরের পুরনো দেনার দায়ে কিভাবে কয়েদ হয়েছে সম্রাটের কানে যাওয়া মাত্র তিনি পিজারোকে মুক্ত করার হুকুম পাঠিয়ে দেন, সেই সঙ্গে রাজদরবারে তৎক্ষণাৎ পিজারোর আসাবার অহুমতি, যা নিন্দ্রপেরই সামিল।

পিজারো যখন টোলেডোতে এসে পৌঁছোলেন তখন সম্রাটের সেখান থেকে ইটালীতে পাড়ি দেবার তোড়জোড় চলছে। জন্মগত উত্তরাধিকারসূত্রে স্পেনের সম্রাট হলে কি হবে, পঞ্চম চার্লস স্পেনে থাকা খুব পছন্দ করেন না। সময়টাও তখন তাঁর অত্যন্ত ভালো যাচ্ছে। তাঁর যোগ্য প্রতিদ্বন্দ্বী ফ্রান্সের রাজার মাথা তিনি হেঁট করতে পেরেছেন পাভিয়ার যুদ্ধে। জার্মানীর সিংহাসন তাঁর দখলে। এ সব সৌভাগ্যে উৎফুল্ল হয়ে স্পেনের চেয়ে ইউরোপের বড় আসরে রাজাগিরির জাঁক দেখাবার আগ্রহ খুব অস্বাভাবিক নয়।

পিজারো টোলেডোতে এসেই বুঝলেন যে, তাঁর যা-কিছু আর্জি তাড়াতাড়ি মঞ্জুর না করাতে পারলে সব বরবাদ হয়ে যাবে। সম্রাট কদিন বাদেই ইটালীতে

মোম্বান পক্ষি-এর হাত থেকে রাজচক্রবর্তীর মুকুট নিতে যাচ্ছেন। একবার স্পেন ছেড়ে চলে গেলে পঞ্চম চার্লসের নাগাল পাওয়া তাঁর পক্ষে সম্ভব হবে না।

পিজারোর ভাগ্য একটু ভালো যে, সম্রাট খুব সম্প্রতি সাগরপারের নতুন মহাদেশের আবিষ্কার অভিযান সম্বন্ধে একটু উৎসাহী হয়েছেন। প্রথম দিকে কাগজে কলমে বিরাট সব নতুন নতুন দেশ আবিষ্কার ও দখলের প্রমাণ পেলেও সে সব জায়গা থেকে এমন কিছু ভেট নজরানা খাজনা পাননি যাতে তাঁর মন ওঠে। নামে তালপুকুর আসলে ঘটি ডোবে না গোছের নতুন রাজ্য সম্বন্ধে তাই তিনি তখন উদাসীনই ছিলেন।

হাওয়াটা বদলেছে কটেজ-এর মেসিকো বিজয়ের পর। মেসিকো থেকে সোনাদানা মণিরত্ন যা এসেছে তাঁর রাজকোষে, তাতে খুশি হয়ে নতুন মহাদেশের ব্যাপারে তিনি একটু মনোযোগ দিতে সুরু করেছেন।

পিজারো টোলেডোতে এসে সময় নষ্ট করেন নি। সভাসদদের মধ্যে যারা হোমরা-চোমরা তাদেরই নানা উপহার দিয়ে বশ করেছেন সবার আগে। তারপর পশ্চিম অজানা সমুদ্রের উপকূলের পরমাশ্চর্য 'স্বর্ঘ্য কাঁদলে সোনা'র দেশের বলতে গেলে চৌকাঠ থেকে তুলে আনা সম্পদের নমুনা সম্রাটের কাছে নিবেদন করেছেন।

সোনারূপোর তৈজসপত্র আর অলঙ্কারের কারুকাজ আর প্রাচুর্য দেখে মুগ্ধ হয়েছেন পঞ্চম চার্লস, মুগ্ধ হয়েছেন সেদেশের অদ্ভুত পশমের বস্ত্রে। কিন্তু তাতেও পিজারোর ওপর সেরকম সদয় তিনি হতেন কিনা সন্দেহ।

তঁাকে মনস্থির করতে যা সত্যিই সাহায্য করেছে তা হল সেই আজগুবি জানোয়ার, লুলামা, সেভিল শহরে যা পিজারোর দুর্ভাগ্যের প্রথম বিজ্ঞাপন হয়ে নগরবাসীদের সজাগ করে তুলেছিল।

পিজারোর ওপর সন্তুষ্ট হয়ে টোলেডো ছেড়ে যাবার আগে সম্রাট তঁাকে যতখানি সম্ভব সাহায্য করবার হুকুম আমলাদের দিয়ে গেছেন।

সম্রাট ত হুকুম দিয়ে চলে গেলেন। কিন্তু সব দেশে সব যুগেই সরকারী ব্যবস্থার চাকা সমান গদাইলশকরী চালে ঘোরে।

পিজারোর পুঁজি আর কতটুকু। দু দুটো অভিযানের পর সর্বস্বান্ত হয়ে মহাজন আর হিতৈষীদের কাছে কুড়িয়ে-বাড়িয়ে যা এনেছেন রাজদরবারে ধরনা দিতে দিতেই তা প্রায় ফুরিয়ে এল। ফতুর হয়ে রাজদরবারে টেঁকা যায় না,

আর যদি বা টিকে থাকেন, আকালে বীজ পর্যন্ত খেয়ে শেষ করা চায়ীর ক্ষেত্রে বৃষ্টির পশলার মত সম্রাটের অহুগ্রহ ত তখন উপহাস হয়ে দাঁড়াবে! সে অহুগ্রহ ত কোনো কাছেই লাগবে না আর।

মরিয়ন হয়ে পিজারো সম্রাজ্ঞীর কাছেই এবার করণ আর্জি জানালেন, আর তাতেই অঘটন ঘটে গেল। পিজারো রাজাহুগ্রহ যা পেলেন তা তাঁর কল্পনাতীত।

সম্রাট টোলেভো ছেড়ে যাবার পর সম্রাজ্ঞীর ওপরই ছিল এ সব রাজ কার্যের ভার। মেয়েছেলে এসব অভিযান আবিষ্কারের মর্ম আর কতটা বুঝবে এই ছিল পিজারোর ভাবনা। কিন্তু সম্রাটের বদলে সম্রাজ্ঞীর হাতে ভার পড়া পিজারোর কপালে শাপে বর হল। সম্রাজ্ঞী মেয়েছেলে বলেই অহুগ্রহ যা করলেন তা সব হিসেবের বাইরে।

এই অহুগ্রহ বিতরণের পাকাপাকি ব্যবস্থাপত্র সম্রাজ্ঞী দস্তখত করে দেন ১৫২২ খৃষ্টাব্দের ছাব্বিশে জুলাই। সে ব্যবস্থাপত্র অহুসারে শুধু যে নতুন মুল্লুক আবিষ্কার ও জয় করবার অধিকার পিজারোকে দেওয়া হল তা নয়, তিনি সে প্রদেশের গভর্নর ও ক্যাপ্টেন জেনারেল হবেন বলেও সাব্যস্ত হল। তা ছাড়া তিনি, আগলে যা-ই হোক গালভরা নামের 'আদেলাস্তাদো' আর 'আলগাকুয়ামিল' হবেন, সারাজীবনের জন্তে আর বেতন পাবেন বছরে সাত শ পঁচিশ হাজার 'মারাভেদি'। 'মারাভেদি' যে কোন্ মুদ্রা তা এখন সঠিক বলা কঠিন। স্পেনে মুরদের আমলের সোনার মুদ্রা একরকম দিনারকে বলত 'মারাভেদি'। পিজারোকে সেই সোনার দিনারে মাইনে দেওয়ার কথা ব্যবস্থাপত্রে লেখা হয়েছিল কিনা বলা যায় না। স্পেনের মধ্যযুগের আর এক রূপের মুদ্রা 'রিয়াল-এর ভাঙটার নামও ছিল, 'মার ভেদি'। সোনার দিনারের বদলে রূপের 'মারাভেদি' হলেই কিন্তু আমরা খুশি হই বোধহয় মনে মনে। সাড়ে চারশ বছর আগে চুকেবুকে গেলেও অমন বরাত দেখলে এখনও আমাদের যেন চোখ টাটায়।

আমাদেরই অবস্থা যখন এই তখন পিজারোর ওপর এই অহুগ্রহ বর্ষণের ঘটনা দেখে টোলেভোর রাজসভায় ঈর্ষা যে অনেকের হয়েছিল সে বিষয়ে সন্দেহ নেই। কিন্তু এ সৌভাগ্যের সিঁড়ির প্রথম ধাপেই যে জ্বর কাঁটার বেড়া একটা ছিল সেইটেই বোধহয় বড় কেউ খেয়াল করে দেখেন নি।

সে কাঁটার বেড়া হল এই যে, ব্যবস্থাপত্র দস্তখতের তারিখ থেকে ছ'মাসের

মধ্যে পিজারোকে অস্তুত আড়াই শ জনের এক লশকর বাহিনী তার অভিযানের জগ্গে জোগাড় করতে হবে। সে আড়াই শ'র মধ্যে নতুন মহাদেশের উপনিবেশ থেকে একশ জন রংকট নেওয়া চলবে অবশ্য।

শুধু এই নয়, এই লশকর বাহিনী জোগাড় করে পানামায় পৌছোবার দু'মাসের মধ্যে পিজারোকে অভিযানে রওনা হতে হবেই।

পিজারোর তখন যা নামডাক আর নতুন মহাদেশের 'সুর্ধ কঁাদলে সোনা'-র রাজ্যের যা সব কিংবদন্তী তখন সারা এম্পানিয়ার ছড়িয়েছে তাতে এই সামান্য কটা লোক তুড়ি দিয়েই জোগাড় করা যাবে মনে হয়েছিল।

কিন্তু তা হয়নি।

পিজারো টোলেডো থেকে তাঁর নিজের জন্মস্থান ট্রাকসিলোর গেছেন নিজের জানা এলাকায় লশকর সংগ্রহের সুবিধা হবে ভেবে। সেখানে তাঁর চার ভাই তাঁর সঙ্গে যোগ দিয়েছে বটে কিন্তু তাঁর মুখের বিবরণ শুনে যত মোহিতই হোক তাঁর জাহাজের লশকর সেনা হিসেবে নাম লেখাতে বেশী কেউ অগ্রসর হয়নি।

দেখতে দেখতে তাঁর বরাদ্দ ছ' মাস কেটে গেছে।

সেভিল-এর বন্দরে তিনটে জাহাজ তিনি অভিযানের জগ্গে সাজিয়ে রেখেছেন বটে কিন্তু সেগুলির অবস্থা বিশেষ ভালো নয়। মাঝি মাল্লা লশকরও তাঁর যা দরকার তা জোগাড় হয়নি।

ব্যবস্থাপত্রের শর্ত সময়মত প্রাপণে যখন পূরণ করবার চেষ্টা করছে তখন রাজ-সরকার থেকে এক নির্দেশ এসে হাজির।

সম্রাজ্ঞীর দেওয়া ব্যবস্থাপত্রের সমস্ত শর্ত ঠিকমত পূরণ করা হয়েছে কিনা পরীক্ষা করবার জগ্গে সরকারী পরিদর্শক আসছেন।

পিজারো সত্যিই চোখে অন্ধকার দেখলেন। অজানা দূর সমুদ্রের কোনো রহস্যময় উপকূলে নয়—তাঁর নিজের দেশ এম্পানিয়ার ঘাটেই এমন করে তাঁর ভাগ্যের ভরাডুবি হবে তিনি ভাবতে পারেননি।

পিজারোর ভাগ্য যদি অপ্রত্যাশিতভাবে খারাপ হয়ে থাকে তাহলে তাঁর অতিরিক্ত আত্মবিশ্বাসের দরুন হিসাবের ভুল তার জগ্গে কিছুটা দায়ী। তিনি গালভরা সব পদবী আর কঁাড়ি কঁাড়ি 'মারাভেদি' বেতনের আশ্বাসেই গলে গিয়েছিলেন। স্পেনের রাজ-সরকারের সব অহুগ্রহ যে মাছের তেলে মাছ ভাজা, সেটুকু আর তলিয়ে বোঝেননি।

অভিযাত্রীদের উৎসাহ দেবার জগ্গে স্পেনের ব্যবস্থা বড় চমৎকার। নিজের

রাজকোষ থেকে স্পেন একটি পয়সা খরচ করবে না। ধনপ্রাণ পণ করে যদি কেউ নতুন দেশ আবিষ্কার আর জয় করতে পারে সম্রাটের নামে তাহলে তারই সম্পদের ছিটেফোঁটা তাকে দেওয়া হবে অল্পগ্রহ করে। সেই সঙ্গে গালভরা লম্বা লম্বা খেতাব বিলোতেও স্পেন সরকার মুক্তহস্ত।

পিজারোর বেলা ব্যাপারটা যদি গাছে না উঠতে এক কঁাদির স্বপ্ন হয়ে থাকে তা হলেও টোলেডোর রাজদরবারে পিজারোর খবর প্রথম পৌঁছে দেবার বাহাহুরী যে দেখিয়েছে সেই মাকু'ইস গঞ্জালেস দে সোলিসের ত তা হবার কথা নয়।

পিজারোর ভাগ্যে যাই হয়ে থাক মাকু'ইস-এর বরাত ত ওই খবর পৌঁছে দেওয়া থেকেই খুলে যাওয়া উচিত ছিল। আর কিছু না হোক এই এক বাহাহুরির জোরেই টোলেডোর রাজদরবারে তার পেশম তুলে ঘুরে বেড়াবার কথা।

আশ্চর্য কথা এই যে, টোলেডোতে পিজারোর সংবাদ সবিস্তারে স্বয়ং সম্রাটের কাছেই জানাবার পরদিন থেকেই মাকু'ইসকে আর রাজদরবারের ত্রিসীমানায় দেখা যায়নি।

অথচ মাকু'ইস-এর হঠাৎ এমন নিরুদ্দেশ হবার কোনো কারণই পাওয়া যায় না।

সম্রাট পঞ্চম চার্লস এ খবর শুনে কর্তব্যবুদ্ধি আর সুবিবেচনার জন্মে নিজের মুখে মাকু'ইসকে তারিফ করেছেন। সংশ্লিষ্ট রাজকর্মচারী খাতির করে মাকু'ইসকে নিজেদের দক্ষতরে ডেকে সেভিলের কোতোয়ালীতে পাঠাবার হুকুমনামা মুসাবিনা করেছেন তাকে শুনিয়েই।

সেই দক্ষতর থেকে বার হবার মুখে এমন একজন তাকে দেখে একটু ধমকে দাঁড়িয়ে তার সম্বন্ধে খোঁজ নিয়েছেন যার কোতুলটুকুর দরুনই মাকু'ইস-এর কুতর্থাৎ হওয়া উচিত।

খোঁজ যিনি নিয়েছেন তিনি আর কেউ নয় স্বয়ং মেক্সিকো-বিজেতা হার্নান্দো কটেজ। তিনি তখন মেক্সিকো থেকে টোলেডোর রাজদরবারে তাঁর কিছু আর্জি আর অভিযোগ জানাতে কয়েকদিন আগে মাত্র এসেছেন।

ঘটনাচক্র নিয়ে যারা মাথা ঘামায় তারা স্পেনের টোলেডোতে একই সময়ে হার্নান্দো কটেজ আর ফ্রানসিসকো পিজারোর উপস্থিতির একটা তাৎপর্য খুঁজতে পারে।

হার্নাণ্ডো কটেজ আতলান্তিক সাগর পারে উত্তর দিকের এক অসীম ঐশ্বৰ্যের দেশ জয় করে তখন তাঁর কীর্তির শিখরে পৌঁছেছেন।

আর ফ্রানসিসকো পিজারো তখনো দক্ষিণের আর এক আশ্চর্য সোনালী মোড়া দেশ আবিষ্কার ও জয় করবার শুধু স্বপ্নই দেখছেন।

এ দুজনের পরস্পরের মধ্যে আলাপ পরিচয় তখনো বোধহয় হয়নি। অন্ততঃ টোলেডোতে নিশ্চয় নয়। হলে সে সাক্ষাৎ স্বরণীয় হয়ে থাকত।

হার্নাণ্ডো কটেজ সেদিন মাকু'ইসকে দেখে কিন্তু একটু চমকে দাঁড়িয়ে পড়েছিলেন।

মাকু'ইসও দক্ষতরখানা থেকে বেরিয়ে কটেজকে দেখেছিল নিশ্চয়ই। কিন্তু সে একবার দেখেই মুখ ফিরিয়ে হনহন করে যেভাবে বেরিয়ে চলে গেছিল তাতে কটেজকে সে চেনে না বলেই মনে হয়েছে।

কটেজের কিন্তু মাকু'ইসকে সম্পূর্ণ অচেনা বোধহয় মনে হয়নি!

মাকু'ইস চলে যাবার পর পাশের এক কর্মচারীকে তিনি জিজ্ঞাসা করেছিলেন—
—উনি কে বলুন ত?

বাঃ উনিই ত মাকু'ইস গঞ্জালেস দে সোলিস—বেশ একটু সন্ত্রমের সঙ্গে জানিয়েছিল কর্মচারীটি।

মাকু'ইস গঞ্জালেস দে সোলিস!

নিজের মনে নামটা উচ্চারণ করতে করতে কটেজের দ্রা একটু কুঞ্চিত হয়েছিল। চেহারা আর নামটা যেন কিছুতেই তিনি স্বরণ করতে পারছেন না।

আর একবার রাজদরবারে দেখা হলে হয়ত পারতেন। কিন্তু সে স্বযোগ আর মেলেনি।

পরের দিন থেকেই মাকু'ইসকে টোলেডোতে আর দেখা যায়নি।

কর্তব্যটুকু করে সে যেন প্রাপ্য সম্মানটুকু তোয়াক্কা না রেখে চলে গেছে।

শুধু ওই কর্তব্যটুকু সে করেনি। সেভিল থেকে টোলেডো রঙনা হবার আগেই সং নাগরিকের আর একটি প্রয়োজনীয় কর্তব্য সে পালন করে এসেছিল।

পলাতক ক্রীতদাস হিসাবে ঘনরামের বিস্তারিত পরিচয় সেখানকার কোতোয়ালীতে জানিয়ে এসেছিল।

এর আগে কাপিতান সানসেদোর বিরুদ্ধে সে হুলিয়া বার করবার ব্যবস্থা

করছিল এবার বার করিয়েছে ঘনরামের বিরুদ্ধে।

আশ্চর্য ব্যাপারে এই যে, মাকু ইস-এর সেভিল ছাড়ার দুদিন বাদেই এই ছুটি ফেরারী অপরাধীই একসঙ্গে ধরা পড়েছে। ধরা পড়েছে সেভিলে নয়, সানসেদোর নিজের শহর মেদেলিন-এ।

একজন পলাতক রাজদ্রোহী আর একজন ফেরারী ক্রীতদাস। এদের দুজনের জগ্রে এক ফোঁটা সহানুভূতি খরচ করতেও কেউ আসে নি। ছাঘরে চোর বদমায়েসের সঙ্গে দুজনকে নোঃরা শূণ্যরের খোঁয়াড়ের মত কোন এক গরাদে পুরে দেওয়া হয়েছে।

পনেরো

পোনেরো শ' ত্রিণ খুঁধোবের জাহ্নয়ারি মাস। গাঢ় কুয়াশাচ্ছন্ন রাত।

সেভিলের বন্দরে তাঁর খাস জাহাজে পিজারো তাঁর সহকারী পেড্রো দে কাণ্ডিয়ার সঙ্গে নিজের কেবিনে গুম হয়ে বসে আছেন।

খানিক আগে এ কামরায় পিজারোর আরো চার ভাই ছিলেন। পিজারোর জ্যেষ্ঠ হার্নাণ্ডো আর বাকি তিন ভাই গঞ্জালো পিজারো, জুয়ান পিজারো আর ফ্রানসিসকো মার্টিন দে আলকান্টা।

নিজের দেশ টুক্সিলোতে গিয়ে এই চার ভাইকে পিজারো দলে পেয়েছেন।

এই চার ভাই-এর মধ্যে বড় হার্নাণ্ডোই সত্যিকার পিজারো পদবী নেবার অধিকারী। তিনিই পিজারোর পিতার একমাত্র বৈধ বিবাহের সন্তান। অল্প তিন ভাই-এর কেউই সে মর্যাদা দাবী করতে পারেন না। গঞ্জালো আর জুয়ান এ অভিযানের নায়ক ফ্রানসিসকোর মতই অবিবাহিত মাতার সন্তান আর ফ্রানসিসকো আলকান্টা তাঁদের সংভাই শুধু মায়ের দিক দিয়ে।

পাঁচ ভাই মিলে কিছুক্ষণ আগে এই কেবিনে বসে অনেক জল্পনাকল্পনাই করেছেন। কিন্তু সমস্তার কোন মৌমাংসা কেউ করতে পারেন নি।

সমস্তা সতাই বুঝি সব সমাধানের বাইরে।

টোলেডোয় সম্রাটের দস্তখৎ করা দলিল হাতে পেয়ে পিজারো যখন আফ্রান্দে আটখানা হয়েছিলেন তখন স্বয়ং সম্রাটের অল্পগ্রহণ্য এরকম অভিযানে ছ' মাস সময় পেয়েও মাত্র শ' আড়াই লক্ষর আর মজবুত ক'টা জাহাজ জোগাড় করতে প্রাণান্ত হবে ভাবতে পারেন নি।

ছ' মাসের মেয়াদ শেষ হয়ে গেছে। লোকলক্ষর আর জাহাজ বা জোগাড় করতে পেরেছেন 'কাউন্সিল অফ ইণ্ডিজ'-এর কর্তারা তা দেখলে যে খুশি হবেন না তা বলাই বাহুল্য।

'কাউন্সিল অফ ইণ্ডিজ'-ই নতুন মহাদেশ সংক্রান্ত সব কিছু সম্রাটের হয়ে দেখাশুনা করেন। তাঁরা যদি পিজারোর বিরুদ্ধে তাঁদের মতামত জানান তাহলে সম্রাট সেই মুহূর্তে সব অল্পগ্রহ ফিরিয়ে নিয়ে এ অভিযান নাকচ করে দেবেন।

কাউন্সিল অব ইণ্ডিজ-পিজারোর অভিযানের আয়োজন সম্বন্ধে কিছু সন্দেহ নিশ্চয় হয়েছেন। কোনো দেশে, কোনো যুগেই কান ভাঙবার লোকের অভাব হয় না। পিজারোর আশাতীত অহুগ্রহ পাওয়ার অনেকেরই চোখ টাটিয়েছিল, তাদেরই কেউ কেউ পিজারোর সত্যিকার অবস্থার কথা রাজদরবারে জানিয়েছে।

কাউন্সিল অফ ইণ্ডিজ থেকে ক'জন কর্তাব্যক্তি দু'এক দিনের মধ্যেই পিজারোর অভিযানে আয়োজনের সঠিক খবর জানতে সরেজমিনে তদারক করতে আসছেন এ খবর সেইদিনই সবে এসেছে।

পাঁচ ভাই মিলে অনেক রাত পর্যন্ত আলোচনা করেও এ সঙ্কট থেকে উদ্ধার পাবার কোনো পথ দেখতে পান নি।

অন্য কোনো সরকারী বিভাগ হলে ঘুষ দিয়ে মুখ বন্ধ করবার কথা ভাবা যেত। কিন্তু কাউন্সিল অফ ইণ্ডিজ তখনও এ সমস্ত প্রলোভনের উর্ধ্বে বলে সবাই জানে। তাছাড়া কাউন্সিল অফ ইণ্ডিজ-এর কর্তারা ত আর হেঁজিপেঁজি নয়। ঘুষই যদি তাঁরা নেন তাহলে নেংটি ইহুরের নয়, তাঁদের খাঁই হবে একেবারে সিংহের। অভিযানের খরচ জোগাড় করতে যারা হিমসিম খাচ্ছে তারা এ খাঁই মেটাবে কোথা থেকে!

না, কাউন্সিল অফ ইণ্ডিজকে সন্তুষ্ট করবার কি তাদের চোখে ধুলো দেবার কোনো উপায়ই নেই।

আসল অবস্থাটা কাউন্সিলের কাছে জানবার পর সম্রাট বিরক্ত হয়ে শুধু এ অভিযানই বন্ধ করে দেবেন না, তাঁকে মিথ্যা স্তোক দিয়ে ফাঁকি দেবার জগ্রে রেগে আঙন হয়ে আরো কঠিন শাস্তি দেওয়াই তাঁর পক্ষে স্বাভাবিক।

এ বিপদ এড়াবার একমাত্র উপায় এ অভিযানের আশায় জলাঞ্জলি দিয়ে জাহাজ-টাহাজ হেড়ে একেবারে গা ঢাকা দেওয়া কি না, পাঁচ ভাই শেষ পর্যন্ত সেইটেই ভেবে ঠিক করবার জগ্ন মাঝরাতে পরস্পরের কাছে বিনায় নিয়েছেন। বড় ভাই হার্নাণ্ডোর সঙ্গে আর তিন ভাই গেছেন অন্য দুটি জাহাজে। ফ্রানসিসকো পিজারো অহুগ্রহত দে কাণ্ডিয়ার সঙ্গে তাঁর কামরায় এসে বসেছেন হতাশ ভাবে।

এই রাত্রের মধ্যেই একটা কোন সিদ্ধান্ত তাঁকে নিতেই হবে।

হয় কাউন্সিল অফ ইণ্ডিজকে তাঁর যথার্থ অবস্থা জানিয়ে যে কোনো শাস্তির জগ্রে প্রস্তুত হয়ে সম্রাটের কাছে আত্মসমর্পণ, নয় জাহাজ-টাহাজ

সব ছেড়ে নিঃশব্দে পলায়ন।

বাইরের গাট কুয়াশার দিকে চেয়ে হঠাৎ পিজারোর মনে হয়েছে পালাতে হলে এরকম কুয়াশাচ্ছন্ন অন্ধকার রাতই ত সবচেয়ে সুবিধের। মাঝি মাঝি লঙ্করদের এমন কি তাঁর ভাইদেরও কাউকে কিছু না জানিয়ে চুপি চুপি শুতে যাওয়ার নাম করে জাহাজ থেকে জলে নেমে সীতাকে তীরে উঠে একবার নিরুদ্দেশ হয়ে গেলে ক্ষতি কি ?

তাঁর পালানো নিয়ে সাড়া পড়বার আগেই তীরে নেমে কোনোরকমে স্পেন ছেড়ে সাগরপারে উধাও হওয়ার চেষ্টা করা তবু সম্ভব। এ যাত্রায় সেখানে পৌঁছে সম্রাটের কোপদৃষ্টি এড়াতে পারলে ভবিষ্যতে হয়ত আবার সোনায় মোড়া দেশ খোঁজবার সুযোগ পেতে পারেন। আর না যদি পান তাহলেও স্পেনের কারাগারে বন্দী হয়ে ত পচে মরতে হবে না।

ভাইদের কিছু না জানিয়ে যাওয়ার জন্তে মনে তাঁর কোনো খুঁত থাকা উচিত নয়। রাজদরবারের সঙ্গে সর্ভ ত তিনি করেছেন, ভাই-এরা ত নয়। তিনি ফেরারী হলে তাঁর অপরাধের জন্তে তাদের দায়ী করবে না কেউ। লোকসান তাদের বিশেষ কিছু হবে না শুধু একটু আশাভঙ্গ হওয়া ছাড়া। কুড়ি বছরের নিরুদ্দেশ ভাই হঠাৎ উদয় হয়ে তাদেরও ধাপ্লা দিয়ে ঠকিয়ে গেল এই রাগে তারা গালাগাল দিতে দিতে ঘরে ফিরে যাবে নিশ্চয়।

সবচেয়ে বেশী গালাগাল দেবে বড়ভাই হার্নাণ্ডো। সে বয়সেই বড় নয়, মেজাজও তার সবচেয়ে কড়া। বেজন্মা বলে ফ্রানসিসকো পিজারোকে সে যে গাল দেবে সে বিষয়ে সন্দেহ নেই। ও গাল দেবার অধিকার একমাত্র তারই আছে।

ভাই-এরা যা করে করুক, যাই ভাবুক তার লোকলঙ্কর, পিজারোর সামনে ওই একটি রাস্তাই খোলা। এই কুয়াশায় ঢাকা রাত্রে নিঃশব্দে জাহাজ থেকে নিশ্চিহ্ন হয়ে যাওয়া।

পিজারো সঙ্কল্প স্থির করে উঠে দাঁড়াতে গিয়ে হঠাৎ চমকে ওঠেন।

এ কি! তাঁর জাহাজ যে চলতে শুরু করেছে!

কিন্তু কেমন করে তা সম্ভব? বন্দরে নোঙর বাঁধা জাহাজ হঠাৎ নিজে থেকে ভেসে যেতে পারে কি করে? নোঙর কি তাহলে উপড়ে গেছে হঠাৎ? তা ত অসম্ভব। অজানা সমুদ্রে বাঁধবার জন্তে তৈরী অত্যন্ত মজবুত নোঙর। তা ছাড়া নোঙর উপড়ে দেবার মত কোনো ঢেউ কি স্রোতের বেগই এখানে নেই।

নোঙর কি তাহলে তোলা হয়েছে? কিন্তু তাঁর লুকুম ছাড়া কেউ ত তা তুলতে পারে না।

ব্যাপারটা যে একেবারে ভৌতিক বলে মনে হচ্ছে। সবচেয়ে বিপদ হচ্ছে এই যে এই গাচ কুয়াশায় আপনা-থেকে-ভেসে-যাওয়া জাহাজ যেখানে সেখানে ধাক্কা খেয়ে আর লাগিয়ে যে কোনো মুহূর্তে দারুণ ফাসাদ বাঁধাতে পারে!

তখন গভীর রাত। সমস্ত মাঝিমাঝিই বন্দরে বাঁধা জাহাজে কাজকর্মের দায় না থাকায় নিশ্চিন্ত হয়ে ঘুমোচ্ছে।

পিজারো আর তাঁর পিছনে কানডিয়াই শুধু শশব্যস্ত হয়ে জাহাজের হাল ধরবার টঙের দিকে ছুটে যান।

টঙ পর্যন্ত উঠতে হয় না। তার আগেই সিঁড়িতে খমকে দাঁড়াতে হয় পিজারো আর তার পিছনে কানডিয়াকে।

পাইলটের টঙে কে একজন তাঁদের দিকে পিস্তল লক্ষ্য করে দাঁড়িয়ে আছে।

তার হাতে পিস্তল, গলার স্বরে কিন্তু যেন হাসির আভাস।

শান্ত হয়ে আপনি একলা ওপরে ওঠে আহ্নন সেনিয়ার পিজারো। কোনো ভয় আপনার নেই। গোড়ায় না বুঝে একটা হান্কামা-টান্কামা পাছে করে বসেন এই ক্ষত্রে পিস্তলটা উঁচোতে হয়েছে। স্ববোধ ছেলের মত ওপরে এসে সব স্তনলেই বুঝবেন আজ আপনার কতবড় উপকার করেছে।

আমার উপকার করেছেন! আমার জাহাজ লুকিয়ে নোঙর তুলে নদীর স্রোতে ভাসিয়ে দিয়ে?—পিজারো গর্জন করে ওঠেন, আপনাকে হাতে পেলে আমি টুকরো টুকরো করে ছিঁড়ব...

না, কিছুই অমন করবেন না। অত্যন্ত শান্ত গলায় উত্তর আসে,—বরং কি পুরস্কার দেবেন তাই ভেবে সারা হবেন।

পিজারোর এবার সন্দেহ হয় একটা দারুণ উন্মাদের হাতেই তাঁর জাহাজ পড়েছে।

কিন্তু আপনি কি করছেন তা জানেন! রাগের চেয়ে উদ্বেগই এবার পিজারোর গলায় বেশী প্রকাশ পায়, এই অন্ধকার কুয়াশায় জাহাজ যে বানচাল হয়ে যাবে এখুনি।

না, তা হবে না। —এবার উত্তরটা দৃঢ়স্বরে দেওয়া—সেভিলের তাঁর থেকে সমুদ্র পর্যন্ত এই গুয়াদালকুইভীর নদীর সমস্ত আটঘাট অন্ধিসন্ধি নিজের হাতের তেলোর মত আমার জানা। মায়ের কোলে ছেলের মত আপনার এ জাহাজকে

জাহাজকে আমি নদীর মোহনায় সান ল্যুকার-এর চড়া দেখতে দেখতে পার করে দেব।

সান ল্যুকার-এর চড়া!

নামটা সবিস্ময়ে উচ্চারণ করেন পিজারো। তারপর বিমূঢ়ভাবে জিজ্ঞাসা করেন,—সান ল্যুকার-এর চড়া পার করে দেবার কথা বলছেন কেন?

বলছি, সেই মতলবেই বন্দর থেকে নিঃশব্দে নোঙর তুলে এ জাহাজের হাল ধরেছি বলে! —লোকটি তার পিস্তলটা এবার সরিয়ে নিয়েই বলে।

পিজারো তাকে আক্রমণ করবার এ সুযোগ কিন্তু নেন না। বিস্ময়ের সঙ্গে একটু যেন সম্ব্রমের সুরে জিজ্ঞাসা করেন,—কে আপনি?

নাম শুনলে কি চিনতে পারবেন! আমার নাম কাপিতান সানসেদো!

কাপিতান সানসেদো!—সত্যিই কথাটা পিজারোর পক্ষে বিশ্বাস করা কঠিন হয়। কাপিতান সানসেদোর সঙ্গে সাক্ষাৎ পরিচয় তাঁর কখনো হয় নি। কিন্তু হিসাপনিওলা ফার্নানডিনা থেকে নতুন মহাদেশের যে কোনো উপকূলে নিপুণতম নাবিক হিসাবে খাঁদের নাম উচ্চারিত হয় কাপিতান সানসেদো তাঁদেরই একজন। সানসেদো নামটা ত অপরিচিত নয়ই সম্প্রতি টোলেডো আর সেভিলে নানা জনের আলাপ আলোচনায় মানুষটার নিদারুণ ভাগ্য বিপর্যয়ের কাহিনীও তাঁর কানে এসেছে। সানসেদো সম্রাটের ধনরত্ন চুরি করে যে ফেরারী তাও পিজারো জানেন।

এই মানুষটা তাঁর জাহাজে কোথা থেকে এসে উদয় হল? তাঁর জাহাজ নিয়ে এভাবে গোপনে ভেসে পড়ার উদ্দেশ্যই বা কি? সানসেদো কি নিজের পালাবার সুবিধের জগ্রেই এ ফন্দি করেছেন? তা যদি করে থাকেন তাহলে তা ত নেহাৎ আহাম্মুকী ছাড়া কিছু নয়। শুধু ওই পিস্তলের জোরে জাহাজস্বত্ব লোককে কতক্ষণ তিনি ঠেকিয়ে রাখতে পারবেন! চরম দুর্ভাগ্যের চাপে এমন একটা মানুষের সত্যিই কি তাহলে মাথায় গোলমাল কিছু হয়েছে?

কথাগুলো এই ভেবেই একটু সাজিয়ে গুছিয়ে নিয়ে পিজারো এবার সহজ শান্তভাবে জিজ্ঞাসা করেন—নদীর মোহনায় সান ল্যুকার-এর চড়া পার করে দেবেন বললেন। বললেন তাতে আমার এমন উপকার করছেন যার জগ্রে আমি কৃতজ্ঞ হব। উপকারটা কি তা ত বুঝতে পারছি না!

এখনো বুঝতে পারছেন না!—হেসে বলেন সানসেদো, আপনার ওই

দৈত্যাকার সন্ধীকে ফিরে যেতে হুকুম দিয়ে ওপরে উঠে আসুন সব বুঝিয়ে বলছি। সব কথা না শুনে এ বুড়োর ওপর হামলা যে করবেন না এটুকু ভরসা আপনার ওপর বোধহয় রাখতে পারি। আসুন।

পিজারো সানসেদোর নির্দেশ মঙই কানডিয়াকে ফিরে যেতে বলে ওপরে গিয়ে ওঠেন। মনে মনে তখন তিনি স্থির করে নিয়েছেন যে সত্যি উন্মাদ বলে বুঝতে পারলে সানসেদোকে গায়ের জোরে বন্দী করতে তিনি স্বিধা করবেন না।

সানসেদো তাঁর মনের কথা যেন কেমন করে টের পেয়ে বলেন,—এখনো আমাকে সম্পূর্ণ বিশ্বাস করতে আপনি পারছেন না জানি। আশা করি আমার কৈফিয়তটা শুনলে পারবেন। আপনার জাহাজ নিয়ে লুকিয়ে পালিয়ে সান লুকার-এর চড়া পার করে দিয়ে আপনার এই উপকার করছি যে কাউন্সিল অফ ইণ্ডিজ-এর কর্তারা এসে আপনার জাহাজ আর তদারক করতে পারবে না। ওরা যখন আসবে তখন আপনি ওদের নাগালের বাইরে মাঝদরিয়ায়।

কিন্তু তাতে আমার লাভ? হতভম্ব হয়ে জিজ্ঞাসা করেন পিজারো।

লাভ ষোলো আনা। আপনার জাহাজে কতজন লঙ্কর আপনি নিয়ে গেছেন ওদের গুনে দেখার কোনো উপায় নেই। ওরা যখন শুধু হিসেব নিতে আসার খবরই জানিয়েছিল, আপনাকে বন্দরে হাজির থাকার কোনো হুকুম পাঠায় নি তখন আপনার এভাবে চলে আসার কোনো দোষ ধরতে পারবে না। আপনার প্রতিনিধি হিসেবে আপনার ভাই হার্নাণ্ডো যা বলবে তা মেনে নেওয়া ছাড়া ওদের উপায় নেই। লঙ্করদের গুনতিতে যা কম পড়বে সব আপনার জাহাজেই আগে চলে গেছে জানাবে হার্নাণ্ডো। সে হিসেব নিয়ে গোলমাল ওরা নিজেদের গলদ ঢাকতেই করবে বলে মনে হয় না। যে বিপদে আপনি পড়েছিলেন তা থেকে বাঁচবার এর চেয়ে ভালো উপায় অস্তুত: আর কিছু নেই। এখন স্পেন ছেড়ে ক্যানারী দ্বীপাবলির গোমেরায় গিয়ে আপনি অপেক্ষা করুন। হার্নাণ্ডো আর দুটি জাহাজ নিয়ে সেখানেই আপনার সঙ্গে মিলবে।

কিন্তু এসব কি করে সম্ভব? হতাশভাবে বলেন পিজারো,—হার্নাণ্ডোর এ ব্যবস্থার কথা জানা ত দরকার। আজ রাত্রে শেষ দেখা যখন আমাদের হয়েছে তখন এরকম ঘটনা আমাদের কল্পনার বাইরে।

কিছু ভাববেন না। জোরের সঙ্গে আশ্বাস দেন সানসেদো,—কাল সকাল থেকে যা যা করতে হবে তার পুরো নির্দেশ হার্নাণ্ডোকে আপনার নামেই

পাঠিয়ে না দিয়ে আমরা আসি নি। আপনি ত লিখতে জানেন না স্তত্রাং
সকালে আপনার জাহাজ গিয়েব হয়েছে দেখবার পর অন্তের হাতে লেখা সে
নির্দেশ হার্নাঙে অমান্ত করবে না।

নিরক্ষরতার খোঁচাটা হজম করে পিজারো সবিস্ময়ে জিজ্ঞাসা করেন,—
নিজের বুদ্ধিতে এত কাণ্ড আপনি করেছেন একা ?

না। হেসে বলেন সানসেদে, একা নয়, নিজের বুদ্ধিতেও না। আমার
এক সঙ্গী সহায় এই জাহাজেই আছেন।

ষোল

মাকু ইস আর মার্শনেস গঞ্জালেস দে সোলিস-এর বাড়ি থেকে ছুটে বেরিয়ে যাবার মুখে সন্ধ্যার অন্ধকারে কে যে ঘনরাম দাসের পথ আটকে ছিল তা একক্ষণে বোধহয় বোঝা গেছে।

পথ আটকে দাঁড়িয়েছিলেন আর কেউ নয়, স্বয়ং কাপিতান সানসেদো।

কাপিতান সানসেদো আনার জন্তে নির্দিষ্ট জায়গায় বহুক্ষণ অপেক্ষা করার পর প্রথমে অত্যন্ত ক্ষুণ্ণ আর তার পরে সত্যি উদ্বিগ্ন হয়ে তার বাড়িতেই আনার সন্ধানে এসেছিলেন।

সানসেদো প্রথম ক্ষুণ্ণ হয়েছিলেন আনা তাঁর সঙ্গে দেখা করাটা ইচ্ছে করেই এড়িয়ে গেছে মনে করে।

একটু ভেবে দেখবার পর আনার পক্ষে এরকম তাচ্ছিল্য বেশ অস্বাভাবিক বলেই তাঁর মনে হয়েছে।

সোরাবিয়ার স্ত্রী হিসেবে আনার মার্শনেস হওয়া একটা রহস্য নিশ্চয়। কিন্তু যেভাবেই এ অমিথ্যতার ছাপ সে পেয়ে থাকুক তাঁর সঙ্গে ব্যবহারে কোন পরিবর্তন তার মধ্যে দেখা যায় নি। উন্মাদিক ঔদ্ধত্যে তাঁকে তাচ্ছিল্য করলে তাঁর একটা চিঠির চিরকুট পেয়েই অমনভাবে নিজেকে বিপদে ফেলে ক্যাথিড্রালে তাঁর সঙ্গে দেখা করবার জন্তে সে ছুটে আসত না।

আনার ভাব-গতিক দেখে তখন এই কথাই মনে হয়েছে যে, তাঁর সঙ্গে দেখা করবার জন্তে সে নিজেও বিশেষ কোন কারণে ব্যাকুল।

তা সত্ত্বেও যথাস্থানে যথাসময়ে আনা যদি উপস্থিত না হয়ে থাকে তাহলে তার অল্প কোন গুরুতর কারণই সম্ভবত আছে। সেই কারণটা ভাবতে গিয়ে সানসেদো উদ্বিগ্ন হয়ে উঠেছেন।

সোরাবিয়া প্রথম সাক্ষাতের ব্যবস্থার সময় ক্যাথিড্রালে কিভাবে ছদ্মবেশে আনাকে চোখে চোখে রেখেছিল তা তিনি দেখেছেন। তাঁদের এ দ্বিতীয় সাক্ষাৎ ব্যর্থ করার মূলে তারই কি কোন শয়তানী আছে? সে শয়তানী কি হতে পারে অজ্ঞান না করতে পারার দরুনই আরো বেশী উদ্বিগ্ন হয়ে উঠে

কাপিতান সানসেদো শেষ পর্যন্ত আনার বাড়িতেই তার খোঁজ নেবার জন্তে না এসে পারেন নি।

এভাবে আসা যে কতখানি বিপদের তা তাঁর অজানা নয়। যে সোরাবিয়া হিংস্র ব্যাঘের মত তাঁকে সন্ধান করে ফিরছে এখানে আসা মানে সাধ করে তার-ই খপ্পরে পড়া। তবু কাপিতান সানসেদোকে নিরুপায় হয়ে এ দুঃসাহস করতে হয়েছে।

বাড়ির কাছে এসেও কিভাবে আনার খোঁজ নেওয়া যায় তাই নিয়েই হয়েছে মুশ্কিল। সোজা হুজি বাড়ির দেউড়িতে গিয়ে খোঁজ নেওয়া তাঁর পক্ষে সম্ভব নয়। যা সম্ভব তা হল দূর থেকে লক্ষ্য রেখে চাকর-দাসী কাউকে বাড়িতে ঢুকতে কি সেখান থেকে বার হতে দেখলে জিজ্ঞাসাবাদ করার সুযোগ নেওয়া।

বহুক্ষণ পর্যন্ত অপেক্ষা করেছে কোন চাকর-দাসীর সাড়াশব্দ কিন্তু পান নি। বাড়িটাই কেমন অস্বাভাবিক রকম নিস্তরূ মনে হয়েছে। সন্দেহ হয়েছে সেখানে বুঝি কেউ নেই।

সন্দেহ নিরসনের একমাত্র উপায় বাড়ির দরজায় গিয়ে যা দেওয়া কিম্বা গোপনে কোনরকমে ভেতরে গিয়ে ঢোকা।

দেউড়ির দরজায় যা দেওয়া যখন তাঁর পক্ষে সম্ভব নয়, তখন বাড়িতে গোপনে ঢোকবার উপায়ই খুঁজতে হয়।

সেভিল-এর এ সব বাড়ির ছক তাঁর জানা। বাড়িগুলি পুরোনো আমলের মুরদের রীতিতে তৈরী। মাঝখানের একটি বিস্তৃত উদ্যান-প্রাঙ্গণকে ঘিরে সাধারণতঃ এ সমস্ত বাড়ির ঘরগুলি সাজান থাকে। আনাদের বাড়িটা এ ধরনের একটু উচুদরের ইমারতের মত দোতলা।

এ সব বাড়ির সুবিধা এই যে, মাঝখানের উদ্যান-প্রাঙ্গণে কোন রকমে গিয়ে পৌঁছতে পারলে লুকিয়ে থাকবার ব্যবস্থা একটা করা যায়। বেশীর ভাগ উদ্যান-প্রাঙ্গণেই একটি করে ফোয়ারা থাকে মাঝখানে। তারই সঙ্গে চারিদিকে নানা ফুলের গাছ ও লতার কুঞ্জ। সে বাগিচায় তেমন কোন পাহারা থাকে না বললেই হয়।

বয়সে প্রৌঢ় হলেও সানসেদো অর্ধ একেবারেই হন নি। অন্ধকারের মধ্যে বাইরের দেয়াল ডিম্বিয়ে ভেতরে ঢোকবার সুবিধে কোথাও আছে কি না তিনি এবার খোঁজবার চেষ্টা করেছেন।

কিন্তু বেশীক্ষণ তার সুযোগ মেলে নি। হঠাৎ রাস্তার ঘোড়ার পায়ের শব্দ

শনে তাঁকে চমকে উঠতে হয়েছে। নিঃশব্দে রাস্তার এক অন্ধকার কোণে তিনি তারপর সরে দাঁড়িয়েছেন! ঘোড়ার পায়ের শব্দ তখন থেমে গেছে। ঘোড়াটা রুখে তা থেকে সাবধানে যে নেমেছে আবছা অন্ধকারেও তাকে চিনতে সানসেদোর দেবী হয় নি।

লোকটি যে সোরাবিয়া তা আমরাও ইতিমধ্যে জেনেছি। নিজের সত্য ভঙ্গ করে ঘনরামকে আনার বিছানায় বাঁধা অবস্থায় ফেলে রেখে সে ইতরভাবে অপমান করবার জন্তে স্ত্রী আনাকেই খুঁজতে গেল। তাকে না পেয়ে ফিরে চোরের মত সস্তূর্ণনে নিজের বাড়িতে ঢুকেছে।

সানসেদো এগব ব্যাপারের কিন্তু জানেন না। সোরাবিয়ার নিজের বাড়িতে ঢোকান অদ্ভুত ধরনে আরো সন্দেহ ও উদ্ভিগ্ন হয়ে উঠে তিনি অধীরভাবে বাইরে কিছুক্ষণ অপেক্ষা করেছেন। বিপদ যতই থাক আনার জন্তেই বাড়ির ভেতর খোঁজ করতে পারেন কি না এই নিয়ে তাঁর মনে তখন প্রবল দ্বিধাঘন্দ চলছে।

ধৈৰ্য ধরতে না পেরে বাড়ির ভেতরেই ঢুকতে যাবেন এমন সময় ঘনরাম দাস দ্রুতপদে সেখান থেকে বেরিয়ে এসেছেন।

মাহুঘটা যে সোরাবিয়া নয় শরীরের গড়নেই তা বুঝে সানসেদো আরো বিস্মিত চমকিত হয়ে তার পথ আগলে দাঁড়িয়েছেন। তারপর রুক্ষ স্বরে বলেছেন—দাঁড়াও। কে তুমি?

এই উত্তেজিত বাস্তবতার মধ্যে নিরস্ত্র একটা ভিথিরী গোছের পোশাকের লোকের কথা ঘনরাম অন্যায়সে অগ্রাহ্য করতেও পারতেন। কিন্তু তা তিনি করেন নি। অগ্রাহ্য না করবার কারণ এই যে, আবছা অন্ধকারে ভিথিরী গোছের মাহুঘটার চেহারা দেখা না গেলেও তার গলার স্বরটা ঘনরামের মনে কোথায় যেন একটা কীণ সাড়া তুলেছে।

বিনা প্রতিবাদে দাঁড়িয়ে পড়ে তীক্ষ্ণ দৃষ্টিতে মাহুঘটাকে অন্ধকারের মধ্যে চেনার চেষ্টা করে মুখে একটু কৌতূহলের স্বরে ঘনরাম বলেছেন,—এ বাড়ি থেকে বার হবার পরও পরিচয় জিজ্ঞাসা করবার দরকার হয়? সেভিল শহরে কে না জানে যে এ বাড়ি মহামান্য মাকু'ইস গঞ্জালেস দে সোলিস-এর।

এ বাড়ি তার হতে পারে কিন্তু তুমি সে মাকু'ইস নও! সানসেদো কঠিন স্বরে বলেছেন এবার—বলো তুমি কে?

আমি!—ঘনরাম মাহুঘটিকে চিনতে পেরে এবার হেসে উঠেছেন হঠাৎ, মাকু'ইস না হলে আমার ত গোলাম হতে হয়। মনে করুন আমি এক

ফেরারী গোলাম। বহুকাল আগে কাপিতান সানসেদো বলে এক নাথোদার জাহাজ থেকে এই সেভিলের বন্দরেই পালিয়ে ছিলাম।

- কয়েক মুহূর্ত বিশ্বয়ে স্তব্ধ হয়ে থেকে সানসেদো উচ্ছ্বসিতভাবে বলে উঠেছেন—দাস! তুমি? এ যে আমার কল্পনাতীত!

আপনাকে এ বেশে এখানে দেখাও আমার পক্ষে তাই! সানসেদোকে সেখান থেকে সরিয়ে নিয়ে যেতে যেতে ঘনরাম বলেছেন, কিন্তু এখানে আর থাকা আমাদের দুজনের কারুর পক্ষেই নিরাপদ নয়! পরস্পরের অনেক কিছুই আমাদের জানবার আছে। নির্ভয়ে কিছুক্ষণ কাটাতে পারি এমন আন্তানায় তাই এখন যাওয়া দরকার।

কিন্তু সে রকম জায়গা সেভিল-এ পাবে কোথায়? বিষয় স্বরে বলেছেন সানসেদো,—ফেরারী গোলাম হয়ে কোন সাহসে কিভাবে এ শহরে তুমি এসেছ জানি না কিন্তু এ শহরে তোমার চেয়ে আমার বিপদ এখন কম নয়। সোরাবিয়া আমার বিরুদ্ধে এখানে ছলিয়া বার করিয়েছে তা বোধহয় জান না।

না জানলেও আপনার চেহারা পোশাক দেখে সে রকম একটা কিছু অহুমান করেছি। তিরু স্বরে বলেছেন ঘনরাম,—সমস্ত ইতিহাস তাই স্মরণে চাই?

সে ইতিহাস তাহলে এই রাত্রে পথে পথে ঘুরেই তোমাকে শোনাতে হবে। কিন্তু এখন আমার পক্ষে তা সম্ভব নয়। রাস্তার মাঝেই থেমে পড়ে বলেছেন সানসেদো,—আমার অভিশপ্ত জাহাজের আনাকে নিশ্চয় তুমি ভোল নি। সেই আনার খবর না নিয়ে এখান থেকে আমি যেতে পারব না। এ বাড়িতে আসার দুঃসাহস কেন তোমার হয়েছিল জানি না, কিন্তু বাড়িটা যখন তোমার চেনা তখন আনা যে এখন মাকু ইস গঞ্জালেস দে সোলিস অর্থাৎ সোরাবিয়ার স্ত্রী তাও তোমার জানা উচিত। এই আনার খোজ নেবার জন্তেই আমি এখানে দাঁড়িয়ে ছিলাম! তার সম্বন্ধে দুর্ভাবনার কারণ সত্যিই ঘটেছে।

সে দুর্ভাবনা এখন আপনি বেড়ে ফেলতে পারেন। ঈশৎ কৌতুকের স্বরে জোর দিয়েই বলেছেন ঘনরাম,—আপনার ভাগ্যী আনা সম্পূর্ণ নিরাপদ এটুকু আশ্বাস আপনাকে দিতে পারি। দুর্ভাবনা যদি করতে হয় তাহলে মাকু ইস গঞ্জালেস দে সোলিস-এর জন্তেই বোধহয় করা উচিত।

তার মানে?—সানসেদো বিমূঢ় হয়েই জিজ্ঞাসা করেছেন।

মানেটা আমার বিবরণ স্মরণেই বুঝবেন। একটু হেসে বলেছেন ঘনরাম,—

আপনার ইতিহাস শোনবার ও আমরাটা শোনার স্ববিধামত আঁস্তানায় এখন শুধু যাওয়া দরকার।

কিন্তু সে আঁস্তানা সেভিল শহরে ত পাওয়া যাবে না।—হতাশভাবে বলেছেন সানসেদো,—রাত্রিরটুকু পথে পথে যদি-বা কাটাতে পারি, সকাল হলেই সমস্ত শহর ত আমাদের শক্রপুরী।

না, আশ্বাস দিয়ে বলেছেন ঘনরাম,—আমাদের মত অভাগাদের নিশ্চিন্তে গা-ঢাকা দিয়ে থাকবার জায়গা এ শহরে আছে। সেখানে প্রায় সবাই দাগী, স্ততরাং ঝোড়ো কাকের পালে নেহাৎ হাঁস কি কবুতর না হলে কারুর নজর পড়ে না।

কোথায় সে জায়গা?—সবিস্ময়ে জিজ্ঞাসা করেছেন সানসেদো।

এই সেভিল শহরেই নদীর ওপারে ত্রিয়ানায়।—জানিয়েছেন ঘনরাম,—কুমোরদের কাঁচ আর গান-বাজনার জন্তে ত্রিয়ানার সারা স্পেনে যত সুনাম তত দুর্নাম চোর আর বেদেদের চিরকলে আঁস্তানা বলে। চলুন রাতারাতি নদী পার হয়ে যেতে পারলে কিছুদিনের মত অস্তত নিশ্চিন্ত।

নদী পার হয়ে সেই ত্রিয়ানায় গিয়েই দুজনে সে রাত্রে উঠেছেন। বেশী দিন সেখানে কাটান কিন্তু সম্ভব হয় নি। ত্রিয়ানায় তাঁদের লুকিয়ে থাকার অসুবিধে অবশ্য কিছু ছিল না। সেই ষোড়শ শতাব্দীর গোড়ার দিকে ত্রিয়ানা সত্যিই বেপরোয়া বাউলুলেদের স্বর্গ ছিল। স্পেনের বেদেদের সেটা ছিল বড় গোছের একটা ঘাঁটি। যত রাজ্যের চোর-ছাঁচড়দেরও সেটা ছিল মনের মত আঁস্তানা। তারাও বেদেদের মতই ভাগ্যের শ্রোতে ভাসা শেওলা। আজকের ধোঁরাক জুটলে কালকের ভাবনা কেউ ভাবে না। তারা যার যেমন মজি আর পুঁজি সেই মাফিক সেখানে ফুঁতি নাচ-গান খানা-পিনাতেই মেতে থাকত। সবাই সেখানে ছুঁচ বলে চালুনির পেছনে লাগবার গরজ কারুর ছিল না। ইচ্ছে করলে কাপিতান সানসেদো আর ঘনরাম যতদিন খুশি সেখানে অজ্ঞাতবাসে থাকতে পারতেন।

কিন্তু শুধু নিরাপদে থাকাই তাঁদের লক্ষ্য নয়। পিজারোর পরিণামের সঙ্কে ঘনরাম নিজেকে জড়িয়েছেন। ত্রিয়ানায় নিশ্চিত হয়ে বসে থাকা তাঁর চলে না। সানসেদোর ব্রত আলাদা। নিজের অবিশ্বাস্য ভাগ্যবিপর্যয়ের মূলে কি রহস্য আছে তা তাঁর ভেদ না করলেই নয়। সেই জন্তেই ত্রিয়ানায় নিরাপদ আশ্রয় না ছেড়ে তাঁর উপায় নেই!

পরস্পরের সমস্ত বিবরণ শুনে মূল রহস্য সম্পূর্ণ ভেদ না করতে পারলেও নিজেদের সঙ্কল্পে তাঁরা আরো কঠিন হয়েছেন। ত্রিয়ানায় থাকতে থাকতেই টোলোডোর সন্ত্রাস্টের দরবারে পিজারোর সম্মুখানে নিমন্ত্রণের খবর তাঁদের কাছে পৌঁছেছে। ঘনরাম ও সানসেদো দুজনেই এবার যে যার নিজের পথে যাবেন স্থির করেছেন। আলাদা হবার আগে শুধু একটি দুহুহ কাজ তাঁদের সম্পন্ন করতে হবে। সে কাজ হল সানসেদোর অত্যন্ত মূল্যবান একটি সম্পদ তাঁর মেদেলীন শহরের স্পেন সরকারের বাজেয়াপ্ত বাড়ি থেকে উদ্ধার করে আনা।

এ মূল্যবান সম্পদ সোনা-দানা হীরে-মুক্তো কিছু নয়। একটি চামড়ার খেলের মধ্যে রাখা কয়েকটা কাগজপত্র মাত্র। সেগুলির মধ্যে একটি কাগজ আবার কাপিতান সানসেদোর কাছে সবচেয়ে দামী।

ত্রিয়ানা ছেড়ে যে যার নিজের পথে যাবার সঙ্কল্প করবার পরই সানসেদো অত্যন্ত দুঃখের সঙ্গে এই কাগজটির কথা ঘনরামকে বলেন। নিজের একটা অঙ্গের বিনিময়েও এ কাগজটি উদ্ধার করতে তিনি প্রস্তুত। সানসেদোর মুখে এ কথা শোনবার পর ঘনরাম বেশ অবাক হয়েই জিজ্ঞাসা করেন,—কাগজটা কি বলুন ত? কোন দামী সম্পত্তির দলিল।

না, দলিল নয়, একটা চিঠি;—বলেন সানসেদো।

একটা চিঠি!—ঘনরাম অবাক হয়ে জিজ্ঞাসা করেন,—একটা চিঠির এত দাম আপনার কাছে? কার লেখা সে চিঠি? কাকে লেখা? আপনাকে?

না আমাকে নয়।—বিশ্লিষ্ট স্বরে বলেন সানসেদো,—সে চিঠি কাকে লেখা তা জানি না। যে ভাষায় লেখা তা আমার অজানা। স্মরণ্য সে চিঠি পড়েও কিছু বোঝবার ক্ষমতা আমার নেই। সে চিঠির দাম আমার কাছে এত বেশী যিনি লিখেছেন শুধু তাঁর জন্তে।

কে তিনি?

ক্রীতদাস হিসেবে থাকে কিনে মুক্তি দিতে পেরে আমি ধন্য হয়েছি, যার কাছে জ্যোতিষ গণনার যৎসামান্য পাঠ নেবার সৌভাগ্য আমার হয়েছে, তিনি হুদূর উদয় সাগরের দেশের সেই অসামান্য পুরুষ।

একটু থেমে সানসেদো আবার বলেন,—তাঁর নিজের গণনা যদি সত্য হয় তাহলে তাঁর এ লিপির বাহক যথাসময়েই পাওয়া যাবে। কিন্তু তাঁর আগে সেটি আমার হাতে থাকা ত দরকার। রাজরোষের খবর পাওয়ার পর গোপনে মেদেলীন শহরের বাড়ি ছেড়ে আসবার ব্যস্ততায় এই কাগজটি আমি

ভুলে ফেলে আসি। নিজের সে অপরাধ আমি কখনো ক্ষমা করতে পারব না।

সানসেদোর কথা শেষ হবার পর ঘনরাম কিছুক্ষণ ঘেন উদাসীনের মত নীরব থেকে হঠাৎ জিজ্ঞাসা করেন,—আপনার মেদেলীন শহরের বাড়ি ত সেখানকার কোতোয়ালীর জিম্মায়? অল্প কেউ সে বাড়ির দখল নিয়েছে কিনা জানেন?

তা ঠিক জানি না। সানসেদো বলেন,—তবে না নেবারই কথা।

আমরা তাহলে মেদেলীন শহরেই প্রথমে যাচ্ছি। দৃঢ়স্বরে বলেন ঘনরাম, আপনার পূজনীয় গুরুর গচ্ছিত করা লিপি উদ্ধারই এখন আমাদের প্রথম কাজ।

কিন্তু...?

সানসেদোর উদ্বিগ্ন প্রশ্নটা শেষ করতে না দিয়ে ঘনরাম আবার বলেন,—কেমন করে তা সম্ভব তাই ভাবছেন? চারিদিকে একবার চোখ বুলিয়ে দেখুন ফিকির-ফন্দি সামনে সাজান রয়েছে। এই জন্যেই মনে হচ্ছে আমাদের ত্রিয়ানায় আসার মধ্যে নিয়তির হাতই ছিল।

সেভিল শহরে কিছুকাল গা ঢাকা দিয়ে থাকবার জন্যে সানসেদোকে নিয়ে গুয়াদালকুইভির নদীর ওপারে চোর-ছ্যাচড় আর বেদেদের আস্তানা 'ত্রিয়ানা'র ওঠার মধ্যে নিয়তির হাত আছে বলে মনে করেছিলেন ঘনরাম।

নিয়তির হাত ছিল সে বিষয়ে সন্দেহ নেই। কারণ ত্রিয়ানায় গিয়ে কদিন না কাটালে সানসেদোর গুরুর গচ্ছিত করা লিপি উদ্ধারের অমন ফন্দি ঘনরামের মাথায় বোধহয় আসত না।

ফন্দিটা অবশ্য ভালোই কিন্তু তার দরুন নিয়তির হাতটা ঠিক কল্যাণের বোধহয় বলা চলে না।

কারণ মেদেলীন শহরে এই ফন্দি খাটাতে গিয়েই ঘনরাম সানসেদোর সঙ্গে ধরা পড়েন।

ধরা পড়েন আবার যার তার নয় একেবারে মার্কু ইস গঞ্জালেস দে সোলিস-এরই হাতে।

এইখানেই বুঝি নিয়তির কারসাজি। নইলে মার্কু ইস হঠাৎ মেদেলীন শহরে ঠিক ওই সময়টিতেই হাজির থাকে কি করে?

নিয়তি মানতে হলে বলতে হয় যে তার হাতের চাল অনেক আগেই শুরু

হয়েছে। শুরু হয়েছে কটেজ যেদিন টোলোডোর মহাফেজখানায় যেতে যেতে মাকু'ইসকে দেখে একটু কৌতূহলী হয়ে তার পরিচয় জানতে চেয়েছিলেন সেইদিন থেকেই।

পরিচয় শুনেও তাঁর মনের ধোঁকা পুরোপুরি যায় নি। ঠিক চিনতে না পারলেও মালুমটা সন্ধ্যা মনে কোথায় একটা যেন খোঁচা থেকে গেছে। কি যেন তার সন্ধ্যা জানলেও স্বরণ করতে পারছেন না বলে মনে হয়েছে।

মনের এ সংশয় দূর করা কিছু শক্ত নয়। মাকু'ইস গঞ্জালেস দে সোলিস-এর বিশদ বৃত্তান্ত সরকারী দফতরে গিয়ে জানতে চাইলেই হয়। বংশানুক্রমে যারা অভিজাত আর অসামান্য কোনো কীর্তির জন্তে সম্রাট যাদের আভিজাত্যে প্রতিষ্ঠিত করেন তাঁদের সকলের বিস্তারিত পরিচয় ও বিবরণ লিপিবদ্ধ করে রাখার বিশেষ দফতর আছে।

মাকু'ইস ত আর যেমন তেমন পদবী নয়। এ পদবী যারা পান তাঁরা হয় খানদানীদের মধ্যে বংশপরিচয়ে নৈকম্বুকুলীন, নয়ত অসামান্য কীর্তিধর।

গঞ্জালেস দে সোলিস বলে কোনো বনেদী বংশের কথা কটেজ মনে করতে পারেন নি। তবে সেটা এমন কিছু বড় কথা নয়। তিনি নিজে এমন কিছু খানদানী নন। অর্ধেক জীবন বিদেশে কাটিয়ে স্পেনের সব বড় ঘরোয়ানার নাম জানবার সুযোগই বা কতটুকু পেয়েছেন, স্তরায় মাকু'ইস-এর কোনো বনেদী বড় ঘরোয়ানা হওয়া অসম্ভব নয়। আর তা যদি না হয় তাহলে নিশ্চয়ই স্পেনের রাজদরবারকে মুগ্ধ ও বাধিত করবার মত কিছু তিনি করেছেন।

মাকু'ইস-এর সঙ্গে দেখা হবার পর দিনই কটেজ আগল ব্যাপারটা কি জানবার কৌতূহলে উপযুক্ত দফতরে যাবার জন্তে রওনা হয়েছিলেন, সেখানে পৌঁছে মাকু'ইস গঞ্জালেস দে সোলিস-এর বিবরণটুকু জানতে পারলেই সমস্ত রহস্য কটেজ-এর কাছে পরিষ্কার হয়ে যেত।

এ কাহিনীর বেশ কিছু জটও তাহলে ছেড়ে যেতে পারত এখান থেকেই।

কিন্তু তা হবার নয়। ভাগ্য এইখানেই বাদ সেধেছে।

দফতরে যাবার পথে কটেজ হঠাৎ বাধা পেয়েছেন। রাজদরবারের এক দূত তাঁকে ছুটে এসে ধরে জানিয়েছে যে, সম্রাটের টোলোডো ছেড়ে যাবার বিশেষ তাড়া থাকার সেইদিনই কটেজকে রাজদর্শনের অল্পমতি দিয়ে অল্পগ্রহ করেছেন।

কটেজ-এর দফতরখানায় যাওয়া আর হয়ে ওঠেনি। ব্যস্ত হয়ে বাসায় ফিরে

রাজ-সাক্ষাতের জন্তে তাঁকে যথোচিত পোশাক-পরিচ্ছদ আর কাগজপত্র নিয়ে তৈরী হতে হয়েছে।

সম্রাটের সঙ্গে সাক্ষাৎটা কটেজ-এর পক্ষে মোটেই প্রীতিকর হয় নি। মেক্সিকোর মত রাজ্য আবিষ্কার ও জয় করে কুবেরের ভাগ্যের ঘিনি সম্রাটের হাতে তুলে দিয়েছেন তাঁর যথোচিত মর্যাদা দিতে স্পেনের রাজদরবারে কাৰ্পণ্য করেছে। আশাভঙ্গের ক্ষোভে ছুঃখে কটেজের মন থেকে অগ্ন সমস্ত চিন্তা দূর হয়ে গেছে তখন।

মার্কু'ইস গঞ্জালেস দে সোলিস-এর সঙ্গে টোলেডোর দরবারে কি রাস্তাঘাটে এরপর এক-আধবার দেখা হলে কটেজের কৌতূহলটা আবার হয়ত মাথা চাড়া দিত। কিন্তু সেই প্রথম সাক্ষাতের দিনের পর টোলেডোতে মার্কু'ইসকে কটেজ কেন, কেউই আর দেখেনি।

দেখবে কোথা থেকে? কটেজ-এর সঙ্গে দেখা হবার পর সে রাতটা পর্যন্ত মার্কু'ইস টোলেডোতে কাটায় নি। সেই সন্ধ্যাতেই পাত্তাড়ি গুটিয়ে টোলেডোর টাঙ্গুস নদীর সান মার্টিন পোল পেরিয়ে উধাও হয়ে গেছে।

এ রকম হস্তদস্ত হয়ে টোলেডো ছাড়ার কারণ কি কটেজ-এর সঙ্গে শুই আকস্মিক সাক্ষাৎ?

তাই বলেই ত মনে হয়। কটেজ না পারলেও এক পলকের দেখাতেই কটেজকে চিনতে মার্কু'ইস-এর ভুল হয় নি। চিনতে পেরে প্রতিক্রিয়া যা হয়েছে তা একটু অদ্ভুত। লক্ষ্য করবার কেউ থাকলে সেই মুহূর্তে মার্কু'ইসের ছাই মেড়ে দেওয়া মুখ দেখে একটু অবাকই হত।

কটেজকে এতখানি ভয় করবার কি আছে মার্কু'ইসের?

যাই থাক্ সে রহস্যের মৌমাংসা এখন হবার নয়।

আপাততঃ কটেজের নজর এড়িয়ে পালিয়ে মার্কু'ইস ঘনরাম আর সানসেদোরই জীবনের শনি হয়ে উঠেছে।

মার্কু'ইস গঞ্জালেস দে সোলিস অর্থাৎ সোরাবিয়া টোলেডো থেকে সেভিল-এ ফিরে যায় নি। সেখানে ফিরে যাবার কোনো আকর্ষণও তার নেই। সেভিলের বাসা থেকে দলিত ফণিনীর মত প্রতিহিংসার জন্তে উমাদিনী স্ত্রীকে কোনো রকমে ফাঁকি দিয়ে সে রাত্রি ষে পালাতে পেরেছে এই তার সৌভাগ্য। আনা সেখানে এখনও থাক বা না থাক সে বাড়িতে ফিরতে সে এখন আর প্রস্তুত নয়।

একদিকে কটেজ-এর ত্রিসীমানা ছাড়িয়ে আর একদিকে স্ত্রী আনার নাগালের বাইরে নিশ্চিন্তে কিছুদিন কাটাবার পক্ষে মেদেলীন শহরের সুবিধার কথাই সোরাবিয়ার প্রথমে মনে হয়েছে। মেদেলীন শহরে কাপিতান সানসেদোর ভিটেমাটি স্পেন সরকার রাজদ্রোহের দায়ে বাজেয়াপ্ত করেছে। সে জন্তে আর হলিয়ার ভয়ে সানসেদো সে শহরের ধার অন্ততঃ মাড়াবেন। আনার পক্ষেও মেদেলীন শহরে যাওয়া তাই প্রায় অসম্ভব। আনা এখন সাহায্য আর পরামর্শের জন্তে তার তিও সানসেদোর সঙ্গে দেখা করবার জন্তেই যে ব্যাকুল তা সেভিলের ক্যাথিড্রালে তার সেদিনকার ব্যাকুল ছোটাছুটি থেকেই বোঝা গেছে। সানসেদোর যেখানে যাবার সম্ভাবনা নেই সেখানে আনা সাব করে বেড়াতে যাবে না নিশ্চয়। তার নতুন আস্থানা হিসেবে মেদেলীন শহরের সুবিধা তাই অনেক। এ শহর আস্থানা হিসেবে বাছবার সময় শুধু এই কথাটাই সোরাবিয়ার জানা ছিল না যে মেদেলীন কটেজ-এর জন্মস্থান।

মার্কু ইসরুপী সোরাবিয়া টোলেডো থেকে একটু ঘুরপথে মেদেলীন শহরেই গিয়ে উঠেছে তারপর। সেখানে গিয়ে কোতোয়ালী থেকে খবর নিয়ে সানসেদোর বাড়ি তখনো নিলেমে ওঠেনি জেনে খুশি হয়েছে অত্যন্ত। যেখানে যেমন দরকার টাকা খাইয়ে এ-বাড়ি সুবিধামত কিনে নিতে সোরাবিয়াকে খুব বেগ পেতে হয়নি।

তার সব মতলবই এ পর্যন্ত প্রায় নির্বিঘ্নে হাসিল হবার পর আরো এমন একটি বাপার ঘটেছে যা যেমন স্বথের তেমনি তার আশাতীত।

মেদেলীন শহরে সানসেদোর বাড়িতে সোরাবিয়া তখন সবে সাজিয়ে গুছিয়ে বসবার আয়োজন করছে। নিজে সে তখনও সে বাড়িতে এসে ওঠেনি। শহরের এক সরাই-এ থেকে ঠিকাদারকে দিয়ে বাড়িটার যেখানে যা দরকার অদল-বদল মেরামত করাচ্ছে।

সেই সময়ে একদিন একদল বেদেকে সেখানে ঘোরাঘুরি করতে দেখে ঠিকাদারই তাদের ভেতরে ডাকে।

স্পেন বেদেদের আমদানি তখনও খুব বেশীদিন হয় নি। চুরি-চামারী করার দুর্নাম সম্বন্ধে রকমারি নাচ-গান আর ভূতভাবিগ্ন্যং বলার ক্ষমতার জন্তে সাধারণের কাছে তাদের আদর-খ্যাতির যথেষ্ট।

ঠিকাদার প্রথমে অবশ্য বেদেদের ধমক দিয়েই সেখানে ঘুর ঘুর করার কারণ

জিজ্ঞাসা করে। ধমক-ধামক দিয়ে তাদের কাছে একটু গান-বাজনা শোনাই তার মতলব ছিল বোধহয়। কিন্তু বেদেদের সর্দার গোছের একজন তার ধমকের জবাবে যা বলে তা শুনে ঠিকাদারের চক্ষুস্থির।

বেদেরা মিছিমিছি এ বাড়ির কাছে ঘোরাফেরা করছে না। এ বাড়িতে কেউ যা ভাবতে পারে না এমন গুপ্তধনের ইসারা নাকি তারা গুণে পেয়েছে।

অন্য কোথাও হলে যদি বা সন্দেহ হত, কাপিতান সানসেদোর বাড়িতে গুপ্তধন থাকা এমন কিছু আজগুবি বলে ঠিকাদারের মনে হয় না। কাপিতান সানসেদো যে সম্রাটের জন্তে মেক্সিকো থেকে পাঠানো সোনাদানা গাঁপ করে ফেরারী, মেদেলীন শহরের কে না জানে। সে চোরাই মাল সানসেদোর এই বাড়িতেই কোথাও লুকিয়ে পুতে রাখা অসম্ভব কিছু নয়।

ঠিকাদার লুক্ক উৎসাহিত হয়ে বেদেদের গুপ্তধন খোঁজবার অহুমতি দেয়। খুঁজে পেলে তাদের মোটা বকশিশ। মালিক সোরাবিয়া তখনও এসে পৌঁছোয় নি। তার হয়ে এ আশ্বাস দিতে তবু ঠিকাদারের বাধে না।

বেদেরা গুপ্তধন খোঁজার ক্রিয়া-প্রক্রিয়া শুরু করে দেয়। গুপ্তধন তারা যে বার করবেই এ বিষয়ে সন্দেহ নেই, শুধু জায়গাটা নির্ভুলভাবে খোঁজবার জন্যে তাদের একটা জিনিস দরকার।

কি জিনিস ?

এ বাড়ির যে আসল মালিক তার নিজের নাড়াচাড়া জিনিস কিছু।

এ বাড়ির আসল মালিক ত ছিল সানসেদো। কিন্তু তার জিনিস এখন পাওয়া যাবে কোথায়? নাড়াচাড়া যা যায় সব ত এতদিনে 'মীরমিদন'রাই লুটপাট করে নিয়ে গেছে।

কিছুই তাহলে নেই ?

হ্যাঁ আছে বটে পুড়িয়ে দেবার মত কিছু কাগজপত্রের বাণ্ডিল? হবে তাতে কাজ ?

দেখাই যাক—বলে বেদেরা।

কাজ কিন্তু হয় না। বেদেরা সে কাগজ-পত্র ফিরিয়ে দিয়ে আবার খড়ি পেতে গুণতে বসে।

আর ঠিক সেই সময়ে এসে হাজির হয় নতুন মালিক মার্কু ইস গল্লালেস দে সোলিস।

এ সব কি ব্যাপার?—জলে উঠে জিজ্ঞাসা করে সোরাবিয়া।

ঠিকাদার উত্তেজিতভাবে বেদেদের গুপ্তধন খোঁজার কথা তাকে জানায়।

কিন্তু নতুন মালিককে দেখে বেদেরাই কেমন যেন গুপ্তধন খোঁজার উৎসাহ হারিয়ে সরে পড়বার জন্তে ব্যাকুল। দুজন বাদে সবাই তারা সরে পড়বার হুযোগও পায়।

ধরা যে দুজন পড়ে প্রথমে তাদের দেখেই হিংস্র উল্লাসে চিৎকার করে লোক-জনের ভিড় জমিয়ে ফেলেছে সোরাবিয়া।

তা সত্ত্বেও একজন বোধহয় ইচ্ছে করলে অনায়াসে সোরাবিয়া আর দলবলকে বুদ্ধান্ত্র দেখাতে পারত। তা সে দেখায়নি শুধু তার সঙ্গীর জন্যে। সঙ্গীটির প্রথম দিকেই পালাতে গিয়ে বেকায়দায় পড়ে একটি পা মচকে যায়। তাকে নিয়ে পালান যায় না! তাকে ফেলে যাওয়াও অসম্ভব হয়েছে দ্বিতীয় জনের। সে তাই স্বেচ্ছাতেই ধরা দিয়েছে সঙ্গীর আপত্তি সত্ত্বেও।

পা ভাঙ্গা সঙ্গীটি যে কাপিতান সানসেদো আর তাঁরই জন্তে নিজের মুক্তির স্বরোগ যিনি উপেক্ষা করেছেন তিনি যে ঘনরাম দাস তা বোধহয় বলার প্রয়োজন নেই। 'ত্রিগ্নানা'র বেদেদের দিয়ে কাজ হাসিলের ফন্দি তাঁদের পক্ষে সর্বনাশা হয়ে দাঁড়িয়েছে।

এক সঙ্গে এই দুজনকে গারদে ভরতে পারার সৌভাগ্য সোরাবিয়া বোধহয় কল্পনাও করতে পারে নি। খুশিতে উগমগ হয়ে কয়েদখানায় দুজনের যথোচিত সমাদরের জন্যে মেদেলোনের অ্যালগুয়াসিল অর্থাৎ নগর কোর্টালকে সে একদিন ভোজ দিয়েই আপ্যায়িত করেছে।

নগর কোর্টাল অকৃতজ্ঞ নয়। ঘনরাম আর কাপিতান সানসেদোকে এমন এক গারদে পাঠাবার ব্যবস্থা হয়েছে যা কবরখানারই সামিল। যারা সেখানে একবার গিয়ে ঢোকে তারা আর কোনদিন বার হয় না। বাইরের পৃথিবী থেকে তাদের নামই মুছে যায়।

তাদের নাম বাইরের জগৎ ভুলে গেলেও বাইরের খবর তাদের কাছে পৌঁছায়। সে রকম আগ্রহ থাকলে যমদূতের মত রক্ষীদের দিয়েই সে খবর সংগ্রহ অসম্ভব হয় না।

শুধু আগ্রহ নয়, তার সঙ্গে অবশ্য একটু উৎকোচও দরকার। উৎকোচ দেবার মত কিছু ঘনরাম বা সোরাবিয়ার কাছে থাকবার কথা নয়। কিন্তু ঘনরাম কি কৌশলে কে জানে বন্দী হওয়ার পরও কিছু পয়সা-কড়ি লুকিয়ে সঙ্গে রাখতে পেরেছিলেন। তাঁদের বেদের পোশাকের দরুন তল্লাসীও বোধহয় তেমন

ভালো করে কেউ করে নি। তা ছাড়া এক রকম জীবন্ত কবরই যাদের দেওয়া হচ্ছে, তাদের সঙ্গে কি রইল না রইল, তা নিয়ে মাথাব্যথা আর কিসের ?

পেসোটা-আসটা ঘুর দিয়ে ঘনরাম খবর যা বাইরের জগতের পেয়েছেন তা প্রথমে খুশি হবার মতই মনে হয়েছে। একটু অস্পষ্ট গোলমেলভাবে হলেও জানা গেছে যে পিজারো বলে কে একজন নাকি সমুদ্র পারের নতুন এক সোনার দেশ দখল করবার হুকুম পেয়েছে সম্রাটের কাছে। সে নাকি জাহাজ সাজিয়ে তৈরী হচ্ছে পাড়ি দেবার জন্য।

সানসেনো আর ঘনরাম যেমন খুশি তেমনি একটু অস্থির হয়ে উঠেছেন এ খবরে। গারদখানায় বন্দী অবস্থায় ঘনরাম সানসেনোকে যতখানি দরকার পিজারোর অভিধান আর তার লক্ষ্য সম্বন্ধে জানিয়েছেন। পিজারোর অভিধানের বিষয়ে সানসেনো তখন আর নির্লিপ্ত উদাসীন নন।

খুশি হওয়ার সঙ্গে তাঁদের অস্থিরতা শুধু নিজেদের মুক্তির কোনো আশা না দেখে।

যে গারদে তাঁদের রাখা হয়েছে তার অল্প বিষয়ে শাসন তেমন কড়া না হলেও সেখান থেকে বার হবার কথা ভাবাও বুদ্ধি বাতুলতা। সমুদ্রের তলায় পাতালে বন্দী থাকলে বাইরের জগতের মুখ আবার দেখবার যতটুকু আশা থাকে এ গারদখানাতেও তার বেশী কিছু নেই।

দেখতে দেখতে দুই তিন চার পাঁচ মাস কেটে গেছে। এবার যা খবর পাওয়া গেছে তা বেশ একটু ভাবিয়ে তোলাবার মত।

এ খবর রক্ষীদের কাছে নয় পাওয়া গেছে নতুন এক কয়েদীর কাছ থেকে। পিজারোর নাকি দারুণ মুন্সিল হচ্ছে লোকলস্কর যোগাড় করতে। আর কিছুদিনের মধ্যে তা যোগাড় করতে না পারলে তাঁকে কথার খেলাপের জন্তে কাঠগড়ায় উঠতে হবে।

এ খবর যে এনেছে সে নিজেও একজন বার দরিয়ার মাল্লা। হিসপানিওলা ফার্নানডাইন পর্বন্ত এর আগে ঘুরে এসেছে জাহাজে। পিজারোর অভিধানের রংদার গুজব শুনে কাজ নিতে সেভিল-এ গেছিল। সেখানে কিন্তু উন্টে খবর শুনেছে। ওসব খোলামকুচির মত সোনা সস্তার গালগল্প নাকি শুধু বোকাদের ঠকিয়ে জাহাজে তোলাবার ফিকিরে বানানো। পিজারোর জাহাজে নাম লেখাবার চেষ্টা না করেই সে তাই ফিরে এসেছে। তারপর মেদেলীন শহরে এক শুড়িখানায় হস্তা মারামারি করে চালান হয়েছে এই গারদে।

পিজারোর দুর্বহাৰ এ খবৰ শোনবাৰ পর সানসেদো হতাশ হয়েছেন, আৰ ঘনৰাম গুম হয়ে থেকেছেন কয়েকদিন।

তাৰপর এক রাত্রে পাহাৰাদাৰ এক রক্ষী ঘনৰাম আৰ সানসেদোৰ গাৰদ কুঠুৰিৰ পাশ দিয়ে শেষ টহল দিয়ে যাৰাৰ সময় হঠাৎ চমকে খেমে গেছে। ভালো করে নজরবন্দী রাখবাৰ জন্তে সোৱাৰিয়াৰ পরামৰ্শ মতই এ দুজনকে এক কুঠুৰিতে রাত্রে বন্ধ রাখা হয়।

কুঠুৰিৰ ভেতৰ থেকে চুপি চুপি কি আলাপ শোনা যাচ্ছে। চাঁপা গলায় হলো কথাগুলো না বোঝবাৰ মত অস্পষ্ট নয়।

সে আলাপেৰ যেটুকু মৰ্ম রক্ষী বুঝেছে তাইতেই তাৰ চোখ তখন ছানাৰড়া। চুপি চুপি আলাপটা তাৰপর হঠাৎ একেবাৰে তুমুল বগড়া হয়ে উঠে তাকেও চমকে দিয়েছে।

দুজনে রাগে ক্ষেপে গিয়ে পরস্পরকে যা নয় তাই বলতে বলতে বুঝি খুনই করে ফেলে।

অন্ত রক্ষীবাও ছুটে এসেছে দাৰুণ গোলমালে। দরজা খুলে দুজনকে ছাড়িয়ে দিয়ে কুঠুৰিৰ দুপাশে বেধে ফেলে রাখবাৰ ব্যবস্থা হয়েছে তাৰপর।

এমনিভাবে দুদিন কেটেছে ঘনৰাম আৰ সানসেদোৰ।

দুদিন বাদেই কিন্তু আৰ তাৰেৰ দেখা যায় নি। গাৰদখানাৰ পাথৰেৰ দেওয়াল যেন হাওয়াৰ চেয়েও শব্দদেহে তাঁরা ভেদ করে চলে গেছেন।

তাৰপর শেষ পৰ্যন্ত যেখানে গিয়ে তাঁরা উঠেছেন পিজারোর সেই খাস জাহাজ আচমকা সেভিলেৰ বন্দৰ ছেড়ে কেমন করে লুকিয়ে পালায় সে বিবরণ আমরা আগেই জ্ঞেছি।

পনেৰো শ' ত্ৰিশ খুঁটাৰেৰ জাহুয়াৰি মাসেৰ এক গাঢ় কুয়াশাক্তর রাত্রে সেভিলেৰ বন্দরে বাধা তাঁৰ জাহাজ বিনা হুকুমেই হঠাৎ যেন ভৌতিক নিৰ্দেশে গুয়াদালকুইভিৰ নদীৰ শ্রোতে ভেসে যাওয়ায় বিমূঢ় ব্যাকুলভাবে তাৰ কারণ সন্ধান করতে গিয়ে পিজারো হাল চালাবাৰ ঢঙে কাপিতান সানসেদোকে সবিস্ময়ে আৰিষ্কার করে তাঁৰ কাছে জাহাজ এভাবে নিঃশব্দে গোপনে ভাসিয়ে নিয়ে যাওয়ায় অদ্ভুত কৈফিয়তেৰ সঙ্গে আৰ একটি এমন কথা শোনেৰ যা সত্যিই কোতুল জাগাৰ মত।

কাপিতান সানসেদো গোপনে জাহাজ ছাড়ার ব্যাপারে অবিখাশ্র যে-সব কাণ্ড-কাৰখানা করেছেন তাতে তিনি পরামৰ্শ ও সাহায্য পেয়েছেন নাকি আৰ

একজনের কাছে। তাঁর সে সঙ্গী সহায় নাকি সেই জাহাজেই বর্তমান।

কে সে লোকটা?—একটু রুচভাবেই জানতে চান পিজারো। কাপিতান সানসেদোর কৈফিয়ৎটা যতই মনে ধরুক, তাঁর ওপর খোদকারী করে জাহাজ নিয়ে পালাবার ফন্দির স্পর্ধাটা তখন পিজারো পুরোপুরি বরদাস্ত করতে পারছেন না।

সে লোকটার পরিচয় আর কি দেব! দেবার মত কিছু নেই—হেসে বলেন সানসেদো,—এই জাহাজেই সে আছে, সময় মত আপনার সামনে হাজির হবে।

সময় মত মানে?—বেশ গরম হয়ে ওঠে পিজারোর গলা—এখুনি তাকে ডাকান। নইলে সমস্ত জাহাজ আমি তালাশ করাব।

তার দরকার হবে না আদেলানটাভো!

পিজারোকে চমকে পেছন ফিরে তাকাতে হয় এবার। শুধু যে পেছনে অপ্রত্যাশিত কণ্ঠ শুনেই তিনি চমকান তা নয়, ‘আদেলানটাভো’ বলে সস্বোধনও তাঁকে বিস্মিত করে। যে সোনার রাজ্য তিনি আবিষ্কার ও জয় করতে যাচ্ছেন তার পুরস্কারস্বরূপ টোলেডোর রাজদরবার থেকে তাঁকে অগ্নাগ্র স্বর্ষিধা ও সম্মানের সঙ্গে এই পদবীর প্রতিশ্রুতিও যে দেওয়া হয়েছে তা ত যার-তার জানবার কথা নয়।

লোকটাকে দেখবার পর তার মুখে এ সস্বোধন ত আরো অবিশ্বাস লাগে।

চেহারা পোশাক দেখে লোকটা যে জাতে বেদে এ বিষয়ে পিজারোর কোন সন্দেহ থাকে না। চুরি, হাত-সাফাই ছাড়া বেদেদের অদ্ভুত কিছু কিছু ক্ষমতা থাকার গুজব তিনি বহুকাল আগে স্পেনে থাকতে শুনেছিলেন। কিন্তু টোলেডোর রাজদরবারের গোপন ব্যাপার জানবার মত বিদ্যে তাদের থাকতে পারে বলে ত বিশ্বাস হয় না।

আদেলানটাভো বলছ কাকে?—ভ্রকুটি করে জিজ্ঞাসা করেন পিজারো।

আপনি ছাড়া ও সস্বোধনের ষোগ্য আর কে আছে এখানে?—সসন্ত্রমে মাথা হুইয়ে বলে লোকটি—শুধু আদেলানটাভো কিম্বা আলগুয়ালির মেয়র নয়, কাপিতান জেনেরালও আপনাকে বলা উচিত...

খামো!—বেশ একটু অস্বস্তি ও অর্ধেধের সঙ্গে লোকটিকে খামিয়ে দিয়ে পিজারো বলেন,—এসব আবোল-তাবোল কথার মানে কি! কোথায় শুনেছ যে কাপিতান জেনেরাল?

কোথাও শুনি নি আদেলানটাডো।—লোকটা অবচলিতভাবে বলে,—ভর হওয়ার সময় জানতে পেরেছি, যেমন আপনার সেভিল ছেড়ে পালাবার উপায়ও জানতে পেরেছি সেই অবস্থায়।

সেই অবস্থায় জানতে পেরেছ।—হতভয় হলেও গলাটা কড়া রেখে জিজ্ঞাসা করেন পিজ্জারো,—সে ভর হওয়াটা আবার কি!

কি, তা বোঝাতে পারব না আদেলানটাডো। তবে মাঝে মাঝে আমাতে আর আমি থাকি না।—চাপা গলায় যেন ভয়ে-ভয়ে বলে লোকটি,—তখন আশ্চর্য অনেক কিছু আমি জানতে পারি। আমাদের বেদেদের মধ্যেই একেই ভর-হওয়া বলে। দেবতা কি অপদেবতা কেউ তখন আমার মধ্যে এসে ঢোকে।

দেবতা নয় অপদেবতাই হবে।—মুখে তাচ্ছিল্যের ভান করলেও পিজ্জারোর অন্ধ কুসংস্কারে জড়ানো মনে লোকটা সম্বন্ধে বেশ একটু ভয়-ভক্তিই জাগে। নিজে থেকেই তাই আবার জিজ্ঞাসা করেন—কি নাম তোমার? কোথা থেকে এখানে এসে জুটলে?

আজ্ঞে নাম আমার গানাদো।—লোকটি সবিনয়ে জানায়—আসছি ত্রিয়ানা থেকে।

ত্রিয়ানা থেকে আসছ?—গানাদো অর্থাৎ গরু-ঘোড়া নামটা বেদের পক্ষে তেমন বেয়াড়া না লাগলেও আর ত্রিয়ানাই যে স্পেনের বেদেদের বড় ঘাঁটি তা জানলেও পিজ্জারো একটু সন্দেহভাবে জিজ্ঞাসা করেন,—সেখানেই ভর হয়ে আমার আর আমার জাহাজের কথা জানতে পেরে চলে এসেছ আমার সাহায্য করবার জন্তে?

আজ্ঞে; ভর-হওয়া অবস্থার হুকুম ত অমান্য করবার জো নেই।—লোকটি অর্থাৎ গানাদোর গলায় আতঙ্ক মেশানো সম্বন্ধে ফুটে ওঠে।

ভয়ে বিশ্বয়ে পিজ্জারোর সন্দেহ করবার মত মনের অবস্থা তখন আর নেই। একটু দ্বিধাভরেই তিনি শুধু জিজ্ঞাসা করেন,—কিন্তু কাপিতান সানসেদোকে জেটীলে কি করে? তাঁকে পেলে কোথায়?

ওই ত্রিয়ানাতেই পেলাম আদেলানটাডো। তাঁকেও আমার ভর-হওয়া দশার হুকুম মেনে এখানে আসতে হয়েছে।

যত আজগুবিই মনে হোক দেবতা-অপদেবতার নামে জড়ানো কথাগুলোকে অবিশ্বাস করবার সাহস পিজ্জারোর আর হয় না। বেশ একটু আগ্রহের সঙ্গেই তিনি এবার জিজ্ঞাসা করেন,—ক্যানারী দ্বীপপুঞ্জের গোমেরায় গিয়ে অপেক্ষা

করবার হুকুমও কি তুমি ভর-হওয়া অবস্থায় পেয়েছ ?

আজ্ঞে হ্যাঁ আদেলানটাডো! বেদেরূপী গানাদো গলায় সরল বিশ্বয় ফুটিয়ে বলে,—নইলে ক্যানারী দ্বীপপুঞ্জ কি গোমেরার নাম আমি জানব কোথা থেকে !

এসব নামও তুমি জানতে না!—পিজারো সবিশ্বয়ে অদ্ভুত বেদেটাকে ভাল করে লক্ষ্য করবার চেষ্টা করেন। লোকটা তাঁর সম্পূর্ণ অচেনা! গাঢ় কুয়াশার মধ্যে অন্ধকারে তার মুখটা সম্পূর্ণ অস্পষ্ট হলেও মেহের গড়নটা কিন্তু পিজারোকে যেন কার কথা মনে করিয়ে দেয়।

কাকে যে মনে করিয়ে দেয় সে রাত্রে ত নয়ই, তার পরে অনেক কালের সংশ্রবেও পিজারো ধরতে পারেন নি।

শেষ পর্যন্ত ভিন্ন ভিন্ন নানা খণ্ডরহস্য যখন এক সঙ্গে যুক্ত হয়ে তাঁর কাছে পরিষ্কার হয়ে যায় তখন 'স্বর্ষ কাঁদলে সোনা'র দেশকে রক্তে ভাসিয়ে তিনি তাঁর ভয়ঙ্কর নিয়তির শেষ ধাপে গিয়ে পৌঁছেছেন।

সে অবশ্য অনেক পরের কথা।

আপাতত: অদ্ভুত অচেনা বেদেটার কথা আজগুবি মনে হলেও কুসংস্কার জড়ানো ভয়-ভক্তিতে সব সন্দেহ চাপা দিয়ে তার নির্দেশ মেনে পিজারোর সত্যি-সত্যিই যথেষ্ট লাভ বই লোকসান হয় না।

কাপিতান সানসেদো ওই কুয়াশাচ্ছন্ন অন্ধকার রাতেই সান লুকার-এর বিপজ্জনক চড়ার পাশ কাটিয়ে বাবদরিয়ান জাহাজ এনে ফেলে তাঁর নৌবিষ্কার বাহাছুরী দেখান।

পিজারো তাঁর জাহাজ নিয়ে নিবিঘ্নেই তারপর ক্যানারী দ্বীপপুঞ্জের গোমেরাতে গিয়ে ওঠেন। সেখানেই কাপিতান সানসেদোর আদেশ মত পিজারোর ভাই হার্নাণ্ডো বাকি জাহাজ দুটি নিয়ে গিয়ে যোগ দেন কয়েক দিন বাদে। সেভিলের বন্দরে পরের দিনই কাউন্সিল অফ ইণ্ডিজ থেকে যারা তদন্ত করতে এসেছিলেন তাঁদের ধোঁকা দিয়ে পালিয়ে আসা হার্নাণ্ডোর পক্ষে শক্ত হয় নি!

ছোট-বড় অনেক বাধা এর পর দেখা দিলেও 'স্বর্ষ কাঁদলে সোনা'র রহস্য-রাজ্যের অভিযান অনিবার্যভাবেই এগিয়ে গেছে।

সেই কুয়াশাচ্ছন্ন রাতে সেভিলের বন্দর থেকে অপ্রত্যাশিতভাবে জাহাজ ভেসে যাওয়ার সময় উত্তেজনা আর আশঙ্কার মধ্যে কাপিতান সানসেদো ছাড়া

আর যে-লোকটির পরিচয় পেয়েছিলেন তার বিষয়ে পিজারোর কৌতূহল বেশীদিন খুব সজাগ কিন্তু থাকে নি। পরের পর আরও উত্তেজনা জোগানো ঘটনায় আর মাথা-ঘোরানো সমস্রায় সে কৌতূহল আপনা থেকে কিছু পরে ফিকে হয়ে গেছে। ব্যাপারটির অলৌকিকত্বের আভাস থাকলেও বেদেরের সে রকম ক্ষমতা থাকা অসম্ভব নয়, এই বিশ্বাসে মানুষটা সম্বন্ধে বিশেষ মনোযোগ দেবার কোন তাগিদ আর তিনি অনুভব করেন নি যে গানাদো নামে একজন বেদে আর-সব মাঝি-মাঝার মধ্যে তারপর বেমালুম মিশে গেছে! অভিযান অগ্রসর হওয়ার সঙ্গে কাপিতান সানসেদো এবং সেই এক অজানা বেদের কাছে এ অভিযান সম্ভব করার জন্তে কৃতজ্ঞ থাকার কথা পিজারোর নিশ্চয় মনে থাকে নি। থাকলে বেদের ছদ্মবেশে ঘনরাম দাসই বোধহয় সবচেয়ে অসুবিধায় পড়তেন কারণ বিশেষ প্রয়োজনে সামনে আসতে বাধ্য হলেও এ অভিযানে তাঁর যা কাজ তা নেপথ্যে থেকেই সারবার।

ঘনরাম নিজেকে নেপথ্যে রাখবার সুযোগ নিয়ে পিজারোর অভিযানে যে ভূমিকা নিয়েছেন তার বিবরণ দেবার আগে আর একটি রহস্য বোধহয় না পরিষ্কার করলে নয়।

ঘনরাম আর কাপিতান সানসেদোকে যমপুরীর মত এক গারদখানার কুঠুরিতে বদ্ধ অবস্থায় আমরা শেষ দেখে ছিলাম।

নিজেদের মধ্যে হিংস্র মারামারি করার জন্তে প্রহরীরা তখন তাঁদের হাত-পা বেঁধেই কুঠুরির দু-ধারে কেলে রেখেছে। সেখান থেকে মুক্তি পেয়ে সেভিলের বন্দরে তাঁরা উদয় হলেন কি করে? কবরখানার মত যে কারাগারে একবার ঢুকলে আর জীবন্ত ছাড়া পাওয়া যায় না সেখান থেকে মুক্তি পাওয়াই ত অলৌকিক ব্যাপার। কেমন করে তা সম্ভব হল?

সে অলৌকিক ব্যাপার সম্ভব হয়েছে এক হিগাবে বলতে গেলে অতি সহজ একটি কৌশলে। কৌশল আর কিছু নয়, মানুষের মনের একটি বিশেষ রিপুকে উদ্ভানি দেওয়া।

গারদখানার এক প্রহরী এক রাত্রে ঘনরাম আর সানসেদোর কুঠুরির পাশ দিয়ে শেষ টহল দিয়ে যাবার সময় ফিস-ফিস কি আলাপ শুনে থমকে থেমে গিয়েছিল।

কি শুনে অমন চমকিত, বিস্মিত হয়েছিল সে পাহারাদার?

যা শুনেছিল তা সামান্য একজন প্রহরী কেন, নেহাৎ সত্যকার সাধু-সন্ন্যাসী

ছাড়া যে কোন সাধারণ মাহুষের মাথা ঘুরিয়ে চক্ষু বিক্ষারিত করবার পক্ষে যথেষ্ট।

প্রহরী কাপিতান সানসেদো আর ঘনরামকে চুপি চুপি আলাপ করতে শুনেছে গুপ্তধন নিয়ে। স্বয়ং স্পেনের সম্রাটকে লুকু চঞ্চল করে তুলতে পারে এমন গুপ্তধনের কাঁড়ি! এ গুপ্তধন আসলে সম্রাট পঞ্চম চার্লসেরই, আর জাহাজে মেক্সিকো থেকে আসবার সময় তা চুরি করে কাপিতান সানসেদো এমন গোপন জায়গায় লুকিয়ে পুঁতে রেখেছেন যে, তাঁর কাছে হৃদিস না পেলে হাজার বছরেও কেউ খুঁজে বার করতে পারবে না।

এই সব বিবরণের সঙ্গে ফিস-ফিস আলাপে প্রহরী কাপিতান সানসেদোর তীব্র আফসোসও শুনেছে। এত বড় কুবেরের ভাণ্ডার চিরকালের মত মাটির নিচেই পৌঁতা থাকবে, ছুনিয়ার কাউকে তার হৃদিস না দিতে পেরে এই গারদখানাতেই তাঁরা শেষ হয়ে যাবেন, সানসেদো আর ঘনরাম দুজনে এই দুঃখই করেছেন।

নিজেদের ভোগে যখন নেই তখন কাউকে অস্বস্ত: হৃদিসটা দিয়ে গেলে ক্ষতি কি!—বলেছেন এবার সানসেদো।

কিন্তু কাকে এ অল্পগ্রহ করা যেতে পারে সে মীমাংসা কিছুতেই আর হয় নি। তা ছাড়া আর এক সমস্যার কথাও উঠেছে। হৃদিস ত শুধু মুখে বলে দিলেই হবে না, গুপ্তস্থানের মাপ-জোকের এমন শক্ত অঙ্ক আছে যা সেখানে গিয়ে না কষতে পারলে নয়। হৃদিস দিতে হলে আঁক-জোকের তুল করবে না এমন কাউকে দিতে হয়। তা না হলে সব গুপ্ত সঙ্কেতই বৃথা।

হৃদিস যদি দিতেই হয় তাহলে কাকে দেওয়া যায় সে আলোচনা এবার প্রহরী রুদ্ধ নিঃশ্বাসে শুনেছে। প্রহরীদের কাউকেই এ সৌভাগ্য যে দেওয়া উচিত এ বিষয়ে একমত হতে শোনা গেছে দুজনকেই। মতভেদ হয়েছে শুধু কোন্ প্রহরী এ হৃদিস পাবার যোগ্য তারই বিচার নিয়ে।

উৎকর্ণ হয়ে যে প্রহরী তাঁদের কথা শুনেছে ঘনরাম তারই নামই করেছেন প্রথমে।

সানসেদো তাতে সায় দেন নি। সকাল থেকে দিনের বেলা যে তাঁদের পাহারার থাকে সে-ই তাঁর মতে গুপ্তধন পাবার যোগ্য।

দুজনে এবার নিজের নিজের বাছাই নিয়ে ওকালতি শুরু করেছেন।

ঘনরাম স্বাত্তের পাহারাদারের হয়ে লড়েছেন। লোকটা খুব খরাপ নয়।

তার ওপর সারা জীবন এই গারদখানায় কয়েদীদের সঙ্গে একরকম বন্দী হয়েই কাটিয়ে বৃদ্ধ হতে চলেছে। সাত রাজার ধন পেয়ে জীবনের বাকী কটা দিন তারই সুখভোগ করার সুবিধে পাওয়া উচিত।

মানসেদো তীব্র প্রতিবাদ করেছেন নিজের প্রোচস্ব যেন ভুলে গিয়ে।

বৃদ্ধের আবার সুখভোগ কি! তার ত জীবন ফুরিয়েই এসেছে। দিনে যে পাহারার থাকে সে জোয়ান। রাজার ঐশ্বর্য তারই পাওয়া উচিত। পেলে সে তার মান রাখতে পারবে।

মান রাখবে, না যত রকম বদখেয়ালে উড়িয়ে-পুড়িয়ে দেবে!—ঘনরাম গলার স্বর খুব চাপা না রেখে বলেছেন,—জোয়ানদের হাতে টাকা মানেই পাপের প্রশয়।

তাতে হয়েছে কি!—মানসেদোও জলে উঠেছেন,—মঠে গীর্জায় দেবার জন্তে ত এ গুপ্তধন নয়, এ স্মৃতি করবার টাকা জোয়ানকেই আমি দেব। আসলে গুপ্তধন ত আমার। আমার যাকে খুশি আমি হদিস দিয়ে যাবো।

তাই দিন। বিদ্রূপের স্বরে বলেছেন ঘনরাম,—দেখুন কেমন হদিস দিতে পারেন! হদিস লেখা কাগজ আছে আপনার কাছে?

নেই মানে!—মানসেদো অস্থির হয়ে উঠেছেন,—আমার জামার হাতায় তা সেলাই করে রাখা আছে।

আছে নয়, ছিল। আপনি ঘুমোবার সময় জামার সেলাই খুলে তা আমি বার করে নিয়েছি।—ঘনরাম হিংস্রভাবে হেসেছেন—আর এমন জায়গায় রেখেছি সারা কুঠুরি ভেঙে খুঁড়েও তার খোঁজ পাবেন না।

তুই বার করে নিয়েছিল? মিথ্যে কথা।—মানসেদোর ব্যাকুল হয়ে গায়ের জামা খুলে পরীক্ষা করার শব্দ শোনা গেছে।

তারপর চিৎকার করে গালাগাল দিয়ে তিনি ঝাঁপিয়ে পড়েছেন ঘনরামের ওপর!

অন্ধকারে ঘনরামেরও পালটা গালাগাল আর দুজনের ধ্বস্তাধ্বস্তি শোনা গেছে।

সে গোলমালে অস্ত্র গ্রহরীরাও আলো নিয়ে ছুটে এসে দুজনকে আলাদা করে যখন দু'দিকে বেঁধে রেখেছে তখনও মুখের আঁফালনে তাঁদের কামাই নেই।

সে মুখের লড়াই অবশ্য বেশীক্ষণ চলে নি। ক্লান্ত হয়েই দুজনকে বুঝি খামতে হয়েছে।

তাদের কুঠুরি সেই থেকে একেবারে নিস্তর।

দিন দুই বাদে সে কুঠুরি শুধু নিস্তর নয়, সকাল হবার পর একেবারে ফাঁকাই দেখা গেছে। কুঠুরির দরজার তালা খোলা। ভেতরে দুজনের কেউ নেই। সঙ্গে সঙ্গে গারদখানার দুজন প্রহরীও উধাও!

সানসেদো আর ঘনরামের সঙ্গে দুজন প্রহরী উধাও হওয়া থেকেই রহস্যটার কিছুটা হদিস পাওয়া উচিত।

দু-দুজন প্রহরীকে কাবু করে ঘনরাম আর সানসেদো যদি পালাতেন, তাহলে জ্যান্ত কি মরা যে-কোনো অবস্থায় তাদের পাক্সা অবশ্য পাওয়া যেত। কোনো চিহ্ন পর্যন্ত না রেখে গারদখানা থেকে তারা অমন বেমালাম লোপাট নিষ্চয় হত না।

প্রহরীরা তাহলে কয়েদীদের সঙ্গেই পালিয়েছে! শুধু তাই নয়, কয়েদীদের পালাবার সমস্ত স্বেচছা নিজেরাই করে দিয়ে একরকম জোরজবরদস্তি করে তাড়িয়ে বার করেছে তারা।

ঘনরাম সেই ফন্দিই এঁটেছিলেন। যে-পাঁচ তিনি করেছিলেন তা গুরোপুরি সফল হয়েছে।

যে প্রহরী রাত্রে টহলে কয়েদী দুজনের গোপন ফিসফিস থেকে গলাবাজির ঝগড়া শুনেছিল এক রাত্রে বেশী নিজেকে সে সামলে রাখতে পারেনি। স্বপ্নেও যা ভাবতে পারেনি এমন গুপ্তধন বাগাবার এ-স্বেচছা কি ছাড়া যায়?

সমস্ত কিছু একলা হাতাতে পারলেই অবশ্য সে খুশি হত। কিন্তু তার ত উপায় নেই।

বাধ্য হয়েই দিনের পাহারাদারকে গোপনে সব কথা জানিয়ে ভাগীদার করতে হয়েছে।

সেই রাতেই পাহারাদারদের শেষ রৌদের কিছুক্ষণ বাদে কুঠুরির দু-কোণে মুখ গুঁজড়ে শুয়ে থাকা অবস্থায় ঘনরাম আর সানসেদো অতি সন্তর্পণে কুঠুরির দরজার তালা খোলার আওয়াজ পেয়েছেন। তারপর পা টিপে টিপে কুঠুরির ভেতর ঢোকায় শব্দ।

কানের কাছে তারপর ফিসফিস শোনা গেছে গায়ে মুহু ঠেলার সঙ্গে।

এই গুঠো গুঠো, পালাতে চাও ত উঠে পড়ো জলদি!

ঘনরাম আর সানসেদো দুজনেই যেন ধড়মড়িয়ে জেগে উঠে বসেছেন।

কুর্বির মধ্যে আচমকা দুই প্রহরীকে দেখে আংকে চিৎকারই বুলি করে ওঠেন তাঁরা।

তাঁদের মুখে প্রায় হাত চাপা দিয়ে প্রহরীদের সে বিপদ ঠেকাতে হয়েছে। ঘনরাম আর সানসেদোকে নিয়ে তারপরও কম বেগ পেতে হয়নি। প্রহরীদের ধারণা ছিল ছাড়া পাবার নামে দুই করেদীই ধেই ধেই নৃত্য করে গারদঘর থেকে বেরিয়ে যাবে। তার বদলে দুজনের কারুরই যেন ছাড়া পাবার তেমন আশ্রয় নেই।

ছাড়া পেয়ে বাব কোথায়?—বলেছেন ঘনরাম,—আবার ত ধরে এনে গারদে পুরবে!

না, না, সে রকম কুকোনো ভয় নেই বলে আশ্বাস দিতে হয়েছে পাহারাদারদের। কিন্তু তাতেও যেন চিঁড়ে ভেজেনি। ঘনরাম যদি বা রাজী হয়েছেন, সানসেদো আপত্তি তুলেছেন। ছাড়া পেয়ে তাঁর লাভ কি! যে-গুপ্তধন উদ্ধার করতে গিয়ে ধরা পড়েছেন, তা যখন আর উদ্ধার করা যাবে না, তখন বাইরে থাকাকোঁ যা, এই গারদঘরে থাকাকোঁ তাই।

তা কেন হবে!—একটু বেশী উৎসাহই দেখিয়ে ফেলেছে প্রহরীরা। গুপ্তধন উদ্ধার করা আটকাচ্ছে কে? দরকার হলে আমরাই সাহায্য করতে প্রস্তুত।

তোমরাও সাহায্য করতে প্রস্তুত!—ঘনরাম আর সানসেদো দুজনেই যেন খুশিতে ডগমগ হয়ে উঠেছেন।

তারপরই একটু ফ্যাকড়া তুলেছেন সানসেদো—কিন্তু উদ্ধার হলে গুপ্তধনের ভাগটা হবে কি রকম?

ঘনরামের দিকে আঙুল দেখিয়ে বলেছেন,—ওই ঠগটাই সিংহভাগ নেবে তা হতে দেব না।

তা আমি চাইও না।—উদার হয়ে উঠেছেন ঘনরাম,—চারজন আছি, চারজনের ভাগ হবে সমান সমান। কিন্তু তার জন্তে আমার একটা সর্ভ মানতে হবে।

কি সর্ভ?

সর্ভ হল গারদঘর থেকে বেরিয়ে আমি যেমনটি যখনটি বলব, তাই মানতে হবে। আমার ওপর কারুর কথা চলবে না। হদিস যার, হুকুম তার।

সানসেদো একটু যেন মুহু আপত্তি করতে গেছেন। কিন্তু প্রহরীরা তাকে থামিয়ে দিয়েছে। হদিস যার, হুকুম তাঁর—এ-ব্যবস্থা মানতে

তাদের কোনো আপত্তি নেই।

ফিসফিসিয়ে এসব তর্ক মীমাংসার মধ্যে পাহারাদারদের নিয়ে আসা পোশাক বদল হয়ে গেছে ঘনরাম আর সানসেদোর। নতুন পোশাক আর কিছু নয়, পাহারাদারদেরই। সেই পোশাক পরে রাতের অন্ধকারে গারদখানা থেকে যখন তারা বেরিয়েছে, তখন সন্দেহ কেউ করেনি, বাধা তাদের দেয়নি কেউ।

সে-রাত্রে কেউ কিছু না জানলেও পরের দিন হুলস্থূল পড়ে গেছে গারদখানায়। খবর পেয়ে খাঙ্গা হয়ে প্রথমেই ছুটে এসেছে সোরাবিয়া। আলগুয়াসিল মানে শহরকোটাল তার হাতের লোক। খোঁজ করবার সে আর কিছু বাকি রাখেনি। মেদেলিন শহর ত তোলপাড় করে তুলেছেই, ত্রিয়ানায় বেদেদের ঘাঁটিতে পর্যন্ত পরোয়ানা দিয়ে লোক পাঠিয়েছে জায়গাটা চষে ফেলে খোঁজবার জন্তে।

কিন্তু কোথাও তাদের পাত্তা পাওয়া যায় নি।

পাওয়া যাবে কি করে? ঘনরাম আর সানসেদো এবারে বুঝেবুঝেই ত্রিয়ানায় ত্রিসীমানায় যাননি, মেদেলিন শহরেরও ধারে কাছে নয়।

সোরাবিয়ার লাগানো চর যতদূর পর্যন্ত তাঁদের খোঁজ পায়, তা সে ছোট্ট একটি শহর মনটরো। সেই শহরেই তাঁদের সঙ্গী পাহারাদার দুজন ধরা পড়ে। তারাও তখন অস্থির হয়ে ঘনরাম আর সানসেদোকে খুঁজে ফিরছিল। ঘনরাম আর সানসেদো তাদের ধুলো গোথে দিয়ে পালিয়েছেন। কি করে কোথায় যে পালিয়েছেন সেইটেই গভীর রহস্য।

পাহারাদারদের কথায় জানা যায় যে, গুপ্তধনের খোঁজে তাদের মাঁতলর হিসাবে ঘনরাম সকলকে নিয়ে কর্দোভায় আসছিলেন। পথে এই মনটরো শহরে রাতটা শুধু কাটাবার কথা। কর্দোভাও তাদের লক্ষ্য নয়। সেখান থেকে আর একটু থেমে পাসাদাস শহরে গিয়ে গুয়াদালকুইভির-র উপনদী গুয়াদিয়ানা মেনর ধরে আবার উত্তরে যাওয়াই নাকি তাদের উদ্দেশ্য ছিল। কিন্তু এই শহরে প্রায় যেন তাদের চোখের ওপর দিয়ে ঘনরাম আর সানসেদো গায়েব হয়ে গেছেন।

পাহারাদারেরা ত নম্রই, সোরাবিয়া নিজেও চরেরের কাছে খবর পেয়ে মনটরোতে এসে তার দুই শিকারের অন্তর্ধান রহস্যের কোনো কিনারা করতে পারেনি। চেপ্টার ক্রটি অবশ্য তার ছিল না। কাপিতান সানসেদো দুই ফেরারীর একজন বলে প্রথমে তাঁদের ধরাটা সহজই মনে হয়েছে। কাপিতান

মানসেদো মেদেলিন শহরে বেদে সেজে নিজের বাড়িতে খোজাখুজি করতে যাওয়ার দিন সেই যে খোঁড়া হয়ে ধরা পড়েছিলেন, তারপর তাঁর পা আর পুরোপুরি সারেনি। জখম হয়েই আছে। ঘনরাম অনায়াসে পারলেও কাপিতান মানসেদোর পক্ষে হাঁটা পায়ে তাড়াতাড়ি বেশীদূর যাওয়া অসম্ভব। বিশেষ করে উত্তরের দিকে সিয়েরা দে মোরেনার পাহাড়ী অঞ্চলে খোঁড়া পা নিয়ে তিনি যাবার সাহস নিশ্চয় করবেন না। আর ঘনরামও মানসেদোকে ফেলে একলা যে যাবেন না—এ বিষয়ে সন্দেহ নেই। এইসব বিচার করে সোরাবিয়ার দৃঢ় ধারণা হয়েছে যে, পায়ে হেঁটে নয় কোনরকমে সওয়ার হবার মত ঘোড়া জোগাড় করেই তার শিকার পালিয়েছে। মনটরো শহরে খোজখবর করার পর অকাটা প্রমাণও পাওয়া গেছে তার। আজকালকার দিনে স্পেনের যে-ঘোড়ার দারুণ নামডাক, সেই কাম্পিনার ঘোড়ার বনেদী বংশের তখনই পত্তন হয়েছে। মনটরো শহরের সেইরকম ঘোড়ার পালের এক মালিকের কাছে জানা গেছে যে, তার দুটি ঘোড়াও ঘনরাম আর মানসেদোর সঙ্গে একই দিনে নিকৃৎশ।

সোরাবিয়া আর একমুহূর্ত দেবী করেনি। নিজের গাঁটের পরস্যা খরচ করে বেশ কিছু সওয়ার সেপাই ভাড়া করে পাঠিয়েছে সিয়েরা দে মোরেনার দিকে। সেপাইদের বেশী দূর যেতে হয়নি। ফেরারীদের তার পায়নি। পেয়েছে ঘোড়া দুটোকে শুধু। যারাই সে দুটোকে নিয়ে গিয়ে থাক কিছু দূর গিয়েই ছেড়ে দিয়ে গেছে।

ঘোড়া ছেড়ে দুই ফেরারী কিভাবে কোথায় পালিয়েছে, প্রায় টানা জাল দেবার মত করে সিয়েরা অঞ্চল খুঁজেও সোরাবিয়া কোনো হাদিস পায়নি।

হাদিস পাবে কি করে? সবকিছুই সে ভেবেছে, শুধু মনটরো শহরের গা বেয়ে বওয়া স্ক্র নদীটার দিকে তার চোখ পড়েনি। এই নদীই যে কদোভা ছাড়িয়ে দুই উপনদীর প্রণামী পেয়ে বিরাট গুয়াদালকুইভির হয়ে উঠেছে, সে-খেনালই তার ছিল না বোধহয়। চুরি-বাওয়া ঘোড়া দুটোকে উত্তর দিকের রাস্তায় পেয়েই তার হিসেব গিয়েছে গুলিয়ে।

ঘনরামের প্যাচটাই অবশ্য ছিল তাই।

ঘোড়া দুটোকে চুরি করে তাঁরা সিয়েরা দে মোরেনার দিকে রওনা হয়ে-ছিলেন ঠিকই কিন্তু কিছুদূর গিয়ে ধোঁকা দেবার জন্তে সেগুলো ছাড়বার পর আর উত্তরে পা বাড়াননি। গুয়াদালকুইভির সেখানে সবে শুরু-হওয়া দুঃখিনী একটি

সক খালের সামিল। সেই খালের মত নদীতেই একটা জেলে ডিঙি জোগাড় করে তাঁরা দক্ষিণদিকে পাড়ি দিয়েছেন। উত্তরের পাহাড়ে যখন তাঁদের তলাশ চলেছে, তখন তাঁরা সেই জেলে ডিঙি নিয়েই পৌঁছেছেন সেভিলের বন্দর পর্যন্ত।

সেখানে গিয়ে পিজারোর জাহাজ খুঁজে বার করতে কোনো অসুবিধাই হয়নি। কিন্তু জাহাজ পেয়ে লাভ কি? ওই বন্দরেই পিজারোর শিরে সংক্রান্তির যে-খবর পেয়েছেন, তাতে হতাশ হয়ে বুকেছেন যে, নেহাৎ অঘটন ঘটাবার যন্ত্র ছাড়া সে-জাহাজ আর সমুদ্রে পাড়ি দেবে না।

মন্ত্র না হোক, সেই অঘটন ঘটাবার মন্ত্রণাই ঘনরাম শুনিয়েছেন সানসেদোকে।

ঘনরামের কাছে দিনের পর দিন নানা বিবরণ শুনে কাপিতান সানসেদো আগে পিজারোর অভিযানের বিষয়ে উৎসাহী হয়ে উঠেছিলেন ঠিকই, কিন্তু সেভিল-এ এসে ব্যাপার-স্বাপার দেখে সমস্তার জট তাঁর অচ্ছেদ্যই মনে হয়েছে। হতাশ হয়ে ঘনরামের কাছে তিনি বিদায় চেয়েছেন। তাঁর সোত্রিনা আনাকে তিনি খুঁজে বার করবার চেষ্টা করবেন। তার বাড়ির দরজা থেকে সেবার ঘনরামের সঙ্গে বাধ্য হয়ে চলে আসার পর থেকে কোনো খবরাখবর আর তার পাননি। সে সেবারে বাকুল হয়ে তাঁকে খুঁজেছিল কিছু ঘেন একটা বলবার বা কোনো সাহায্য চাইবার জন্তে। কি সে চেয়েছিল জানতে না পেরে মনটার তাঁর একটা কাঁটা বিঁধে আছে। পিজারোর অভিযান যখন আর সম্ভব হবার নয়, তখন সব বিপদ সঙ্গেও আনাকে তিনি খুঁজতে চান।

ঘনরাম ধৈর্য ধরে সানসেদোর সব কথা শুনেছেন। তারপর হেসে ফেলে বলেছেন,—মাপ করবেন কাপিতান। আপনার আদরের সোত্রিনা আনার বিরুদ্ধে কিছু বলছি না, কিন্তু আপনার সাহায্য না পেলে সরলা অবলা হিসেবে সে অকুল পাথারে পড়বে বলে ত মনে হয় না। তাছাড়া স্পেনে তাকে খোঁজার জন্তে এখন থাকতে চাইলে একুল-ওকুল দুকুল-ই ত আপনার যাবে। নিজে গারদঘরে গেলে তাকে খুঁজবেন কখন?

কিন্তু স্পেন ছেড়ে যাচ্ছিই বা কোথায়!—সানসেদো দুঃখের সঙ্গে বলেছেন,—অন্য কোনো জাহাজে আমাদের মত দাগী ফেরারীদের লুকিয়ে-চুরিয়ে জায়গা পাওয়াও শক্ত। পিজারোর জাহাজে যদি বা যাবার আশা ছিল, সে-জাহাজই ত আজ বাদে কাল ক্রোক করবে কাউন্সিল অফ ইঞ্জিঞ্জ।

কেমন করে করবে?—ঘনরামের মুখ গভীর হলো চোখে ঘেন একটু হাসির ঝিলিক দেখা গেছে।

কেমন করে করবে জানো না!—সানসেদো একটু অর্ধেকের সঙ্গে বলেছেন,
—পরোয়ানা এনে জাহাজে কোতায়ালা পাহারা বসিয়ে দেবে। মেয়াদ
ফুরোবার পরও লোক-লঙ্করের বরাদ্দ পুরো যে হয়নি, তা গুণে বার করতে ত
তাদের দেবী হবে না। তখন এ-জাহাজ ক্রোক না করে ছাড়বে!

কিন্তু জাহাজ না পেলে ক্রোক করবে কি? এবার ঘনরামের মুখে হাসির
ঝিলিক আরো স্পষ্ট!

তার মানে!—অবাক হয়ে জিজ্ঞাসা করেছেন সানসেদো।

মানেটা ঘনরাম বুঝিয়ে দিয়েছেন বিশদভাবে। কি যে বুঝিয়েছেন তা
আমরা জানি। সানসেদোর কিন্তু মনের গংশয় তাতে কাটেনি।

দুঃসাহসিক ফন্দিটার বুদ্ধির পরিচয় আছে বলে স্বীকার করলেও তা সফল
হওয়া অসম্ভব বলেই তাঁর মনে হয়েছে।

কিন্তু তা যে হতেই হবে কাপিতান,—এবার গম্ভীর হয়েছেন ঘনরাম,—
নইলে যার কাছে আপনি পরম দীক্ষা নিয়েছেন, আপনার সেই গুরুদেবের
কথাই মিথ্যে হয়ে যাবে!

আমার গুরুদেবের কথা মিথ্যে?—সানসেদো বিমূঢ় যেমন হয়েছেন, অবাস্তুর
কথাটায় তেমনি বেশ একটু ক্ষুব্ধও তাঁর গুরুদেবের অসম্মানে।

হ্যাঁ!—অবিচলিতভাবে বলেছেন ঘনরাম,—পিজারো যদি জাহাজ নিয়ে এ-
অভিযানে যেতে না পারেন, তাহলে আমার নিয়তি যে পূর্ণ হবে না। আর
নিয়তি পূর্ণ না হলে আপনার গুরুদেবের শেষ ইচ্ছা আমাকে দিয়ে পূরণ হবে
কি করে?

সানসেদো এবার অবাক হয়ে ঘনরামের দিকে খানিক তাকিয়ে থেকে ধীরে
ধীরে বলেছেন,—তার মানে তাঁর শেষ ইচ্ছা পূরণের ভার নিতে যার আসবার
কথা বলে গেছেন তুমি সেই!

আমার ত তাই মনে হয়।—মুহূ একটু হেসে বলেছেন ঘনরাম,—নইলে
আপনার সঙ্গে অমন আশাতীতভাবে আমার আবার সেভিল-এর রাস্তায় দেখা
হবে কেন? আপনার গুরুদেবের শেষ লিপি উদ্ধার হবেই বা কেন আমার হাত
দিয়ে! আর উদয়গাগরের তীরের যে আশ্চর্য দেশ থেকে আপনার গুরুদেব
এসেছিলেন, সেই দেশে ফিরে যাওয়ার চেয়ে বড় কামনা আমার কিছু থাকবে
না কেন?

ফিরে যাওয়া!—ঘনরামের সমস্ত কথার মধ্যে শুধু এইটুকুই বিশেষ করে লক্ষ্য

করে কাপিতান সানসেদো সবিস্ময়ে বলতে গেছেন—তাহলে তুমি...

হ্যাঁ কাপিতান।—সানসেদোকে তাঁর বিস্মিত মস্তবাটা শেষ করতে না দিয়ে ঘনরাম বলেছেন,—আমি সেই সুদূর উদয়সাগরের দেশেরই লোক, সেখানেই ফিরে যাব সময় আর স্বেযোগ হলে। কিন্তু নিয়তির সমস্ত দাবী চুকিয়ে শাপমুক্ত না হলে সে সময় আর স্বেযোগও আমার হবে না। তাই বলছি আপনার গুরুদেব সত্যদ্রষ্টা হলে অজানা নিরুদ্ধেশে পাড়ি দিয়ে তিনটির পর চতুর্থ এক মহাসাগর আমার দেখতে হবে, রক্তের নদী বইবে আমার সামনে, আর পৃথিবীর কেউ আজ্ঞা যা জানে না, এমন এক অচিন রহস্যের দেশে সোনার বাঁধানো পথেঘাটে আমি এক রাজকুমারীর বরমালা পাব।

কাপিতান সানসেদোর মুখে একটু স্নেহের হাসি দেখা দিয়েছে এবার। বলেছেন,—কথাগুলো অক্ষরে অক্ষরে মনে রেখেছ দেখছি! কিন্তু এসব ত আমার গুরুদেবের কথা নয়। আমি আমার অসম্পূর্ণ বিচার সামান্য ক্ষমতায় তোমার ওই নিয়তি দেখেছিলাম। তখনই ত বলেছিলাম আমার ও-গণনা অলাভ্য বলে মনে কোরো না। গুরুদেবের কাছে কতটুকু আর আমি শেখার স্বেযোগ পেয়েছি!

কিন্তু যেটুকু শিখেছেন তাতেই আপনার গণনায় আপনার গুরুদেবের হাতের ছাপ স্পষ্ট হয়ে উঠেছে।—স্বার্থ শ্রদ্ধার সঙ্গে বলেছেন ঘনরাম,—আমায় যা বলেছিলেন, তার গুরুটা যখন অমন নিদারুণভাবে ফলেছে, শেষটাও তখন আশ্চর্যভাবে ফলবার আশা আমি রাখি। তাই বলছি, পিজারোর অভিযান বন্ধ হতে পারে না আর গুরুদেবের কাছে আপনার সত্যরক্ষার জন্তে পিজারোর জাহাজ সেভিল থেকে লুকিয়ে সরিয়ে নিয়ে যাওয়ার ব্যাপারে আপনাকে উপলক্ষ হতে হবেই।

সানসেদোর আপত্তির কারণ তখনো হয়ত ছিল কিন্তু তিনি নীরবে এবার নিয়তির নির্দেশ হিসেবেই যেন ঘনরামের কথা মেনে নিয়েছেন।

এত সব বোঝাপড়া সত্ত্বেও ঘনরাম আর কাপিতান সানসেদোর সব ফন্দিফিকিরই বোধহয় ভেসে যেত। পিজারোর জাহাজ সেভিলের বন্দরেই আটক হয়ে থাকত কাউন্সিল অফ ইণ্ডিজ-এর হুকুমে। কারণ, মনটরো শহর থেকে যে জেলে নৌকো ভাড়া করে ঘনরাম আর সানসেদো গুস্তাদালকুইভির নদী দিয়ে দক্ষিণে পালিয়েছিলেন, একটু দেরীতে হলেও শেষপর্যন্ত সোরাবিয়া তার মালিকের কাছে সমস্ত খবর তখন পেয়ে গেছে। খবর পেয়েই জেলে-

নৌকার পেছনে ধাওয়া করতে সে দেবী করেনি। আজকালকার দিনে গুয়াদালকুইভির নদী প্রশস্ত জলপথ হিসেবে সেভিলে এসেই শেষ। কিন্তু মুরদের আমলে ত বটেই, ষোড়শ শতাব্দীর গোড়ার দিকে পর্যন্ত সে-নদী দিয়ে কর্দোভা পর্যন্ত বড় বড় জাহাজের যাতায়াত ছিল। সোরাবিয়া মনটরো থেকে একটি জেলে নোকোতেই কর্দোভায় এসে নেমেছিল নদীপথে তাড়াতাড়ি যাবার জন্তে একটা দ্রুতগামী পান্সী ভাড়া করবার জন্তে। সে পান্সী নিয়ে কর্দোভা থেকে রওনা হতে পারলে পিজারোর জাহাজ অঙ্ককার কুয়াশার মধ্যে গোপনে ভাসিয়ে নিয়ে যাবার সুযোগ ঘনরাম আর সানসেদো পেতেন না। তার আগেই সেভিলে এসে পৌঁছে তাঁদের ধরতে পারুক বা না পারুক সোরাবিয়া সব ফন্দি ভুল করে দিত।

কিন্তু কর্দোভা থেকে পান্সী নিয়ে শিকারের পেছনে ধাওয়া করা সোরাবিয়ার হয়ে ওঠেনি। তাকে নিজেকেই সন্ত্রস্ত হয়ে পালাতে হয়েছে আচমকা।

পান্সী ভাড়া করবার ঘাটে এমন একটি লোকের সঙ্গে তার অকস্মাৎ দেখা, যাকে এড়াবার জন্তে টোলেডোর রাজদরবারে ইনামের লোভও সে ছেড়ে এসেছে।

হ্যাঁ, হার্নাণ্ডো কর্টেজই সেই ঘাটে সেদিন উপস্থিত। তিনিও সেভিল যাবার পান্সী ভাড়া করতে এসেছেন। সোরাবিয়াকে দেখে তিনি থমকে দাঁড়িয়েছেন। সোরাবিয়াও তখন তাঁকে দেখেছে। দেখেও না দেখার ভান করে সরে পড়বার সুযোগ কিন্তু তার মেলেনি।

কর্টেজ তার পথ আগলে বলেছেন—দাঁড়ান। আপনি কি মাকুইস গঞ্জালেস দে সোলিস ?

হ্যাঁ, কেন বলুন ত ? সোরাবিয়া বে-পরোয়া ঔদ্ধত্যের ভান করবার চেষ্টা করেছে, কিন্তু গলা তার তখন শুকনো।

কি করে, কবে মাকুইস হলেন সেইটুকু জানবার জন্তে।—কঠিন কণ্ঠে বলেছেন কর্টেজ,—আমি যেন অন্য একটা নাম জানতাম।

সে অন্য কারুর হবে।—সোরাবিয়া ছাই মেড়ে-দেওয়া মুখে পাশ কাটিক্কে ব্যস্ত হয়ে চলে গেছে। এবার কর্টেজ বাধা দেননি। কিন্তু সেভিল যাওয়া বাতিল করে তিনি আবার রওনা হয়েছেন টোলেডোতে সেই দিনই।

সোরাবিয়া তার ভাড়া-করা পান্সীর দখল নিতেও আর কর্দোভার ঘাটে আসেনি।

সতেরো

‘স্বর্ষ কাঁদলে সোনা’র দেশ শুনতে শুনতে ত কান পচে যাবার যোগাড়! কিন্তু দেশটা কি কেউ বোধহয় বোঝেন নি। দেশটা আসলে হল পেরু। হ্যাঁ, দক্ষিণ আমেরিকার পশ্চিম প্রান্তের পেরু রাজ্য, প্রশান্ত মহাসাগরের উপকূলে একটু সরু বাঁকানো পটির মত যা লাগানো আছে।

দেশটা অবশ্য সত্যিই অদ্ভুত। সাহারার মত মরুভূমি, তার পরেই হিমালয়ের মত পাল্লা দেওয়ার মত নগাধিরাজ আর তারই লাগাও কঙ্কোর মত অজগর গহন জঙ্গল একই রাজ্যে এমন পাশাপাশি পৃথিবীর আর কোথাও পাবার নয়। পেরুর প্রশান্ত সমুদ্রের নীল জল থেকে শুরু করে ধূ ধূ মরু হিমেল তুষারঢাকা পাহাড় আর গহন অরণ্য আজকালকার জেট বিমানে অন্ততঃ দুশটার মধ্যেই বোধহয় পার হওয়া যায়।

পশ্চিমে সমুদ্র উপকূলের মরুভূমি চওড়ায় কোথাও ষাট মাইলের বেশী নয়, কিন্তু লম্বায় প্রায় চৌদ্দ শ মাইল। এই মরুভূমির পরই আণ্ডিজ পাহাড়ের সিয়েরা আর তার পর মনটানা অর্থাৎ গহন জঙ্গল। আণ্ডিজ পর্বতমালা ছোটখাট পাহাড় নয়। মধ্যকার তা হিমালয়ের পরেই। পেরুর মধ্যেই তার ইয়াসকারান চূড়ার উচ্চতা প্রায় বাইশ হাজার ফিট। মরুভূমির সমতল থেকে এ পাহাড়শ্রেণী প্রায় খাড়াভাবেই উঠে গেছে। সমুদ্রের লেভেল ছাড়িয়ে ষোল হাজার ফুট উঠতে পঁচাত্তি মাইলের বেশী যেতে হয় না। আণ্ডিজ পাহাড়ের মাথায় এই পেরুতেই পৃথিবীর সবচেয়ে উঁচু মালভূমির হ্রদ টিটিকাকা। তার উচ্চতা সাড়ে বাবো হাজার ফুটেরও বেশী। টিটিকাকা হ্রদের পশ্চিম তীরের পুনো-ই হল পেরুর দক্ষিণের শেষ বড় শহর। তারপর...

তারপর বস্তা খামলেন।

বস্তা কিন্তু খ্রীষনশ্যাম দাস নন, মরুরের মত মস্তক যার মস্তক সেই ইতিহাসের ভূতপূর্ব অধ্যাপক শিবপদবাবু।

সেদিন অন্য সবাই যথাসময়ের আগেই উপস্থিত হলেও দাসমশাই তখনও এসে পৌঁছোন নি। আসর ফাঁকা পেয়ে শিবপদবাবু তাঁর বিজ্ঞা একটু জাহির করছিলেন।

‘তারপর’-টুকু বলেই তাঁকে ধামতে হয়েছে অবশ্য তাঁর শ্রোতাদের মুখেই
কিরকম একটা অস্বস্তি লক্ষ্য করে।

শ্রোতাদের দৃষ্টি অত্মসরণ করেই এবার পিছন ফিরে শ্রীধনশ্যাম দাসকে তিনি
দেখতে পেয়েছেন। দাসমশাই কখন তাঁর পেছনে এসে নিঃশব্দে দাঁড়িয়েছেন,
শিবপদবাবু টের পান নি।

শিবপদবাবু মুখ ফিরিয়ে একটু অপ্রস্তুতই হলেন। দাসমশাই কিন্তু তাঁকে
উৎসাহ দিয়েই বললেন,—থামলেন কেন? বলুন তারপর কি?

অপ্রস্তুত ভাবটা কাটিয়ে উঠতে শিবপদবাবুর দেবী হল না। দাসমশাই-এর
কথাগুলো উৎসাহের হলেও মুখের হাসিটা কেমন বাঁকা মনে হওয়ার তিনি একটু
গরম গলাতেই বললেন,—তারপর কি আবার? তারপর চিলি আর বলিভিয়া।
এ বৃত্তান্ত বলবারই বা দরকার কি? ভূগোলের ম্যাপ দেখলেই জানা যায়।
আপনি ‘স্বর্ষ কঁাদলে সোনা’র দেশ বলে অত প্যাঁচালো হেঁয়ালী করছিলেন বলে
সেটা একটু ভেঙে দিলাম।

খুব ভালো করেছেন।—দাসমশাই তাঁর নির্দিষ্ট আসনটিতে অধিষ্ঠিত হয়ে
বললেন, কিন্তু পেরুর হেঁয়ালী কি শুধু তার ভৌগোলিক বিবরণ একটু দিয়েই
ঘুচিয়ে দেওয়া যায়? পেরুর বিবরণ যা দিলেন তাও ত ঠিক নয়।

ঠিক নয় মানে! শিবপদবাবু প্রায় খান্সা,—পেরু দক্ষিণ আমেরিকার পশ্চিম
প্রান্তের সুরু একটু লম্বা বাঁকানো ফালির মত রাজ্য নয়? মরুভূমি থেকে
তুম্বার ঢাকা চূড়োর পাহাড় আর অজগর জঙ্গল ও রাজ্যে পাশাপাশি
নেই?

ও সবই ঠিকই! দাসমশাই-এর মুখে সহিষ্ণুতার মুহূর্ত হাসি,—শুধু আয়তনটা
ভুল বলেছেন। আজকের পেরু আর সেই পিঙ্কারোর যুগের পেরু এক নয়।
সেকালে পেরুর শেষ দক্ষিণের শহর পুনো ছিল না। উত্তর-দক্ষিণে তখনকার
পেরু আরো অনেক দূর ছড়ানো। এখনকার ইকোয়েডর বলিভিয়া চিলির বেশ
কিছুটা নিয়ে সেকালের সে পেরু রাজ্য আয়তনে ইকোয়েডর প্রায় তিনভাগের
এক ভাগ ছিল। এই বিশাল দেশের রাজ্যস্বরকে বলা হত ইংকা। জাপানের
শম্ভাটবংশের মত ইংকারা নিজেদের স্বর্ষের সন্তান বলতেন। ইংকাদের সাম্রাজ্যে
লেখার পাট ছিল না। লেখার বিছাই ছিল অজানা। ধাতু হিসেবে তখনো
লোহা পেরুতে আবিষ্কৃত হয় নি। তবু সভ্য সচ্ছল স্থাী রাজ্য গড়ে তোলার
এক আশ্চর্য দৃষ্টান্ত তাঁরা রেখে গেছেন বহুদিক দিয়ে। তাঁদের স্থাপত্য ছিল

অদ্ভুত। চুন স্তরকি সিমেন্ট কিছু ব্যবহার না করে আর লোহার ব্যবহার না জেনেও তাঁরা বড় বড় পাথরের চাঁই দিয়ে যে সব দুর্গ দেবস্থান প্রাসাদ তৈরী করে গেছেন শুধু মাপসই ভাবে খাঁজে খাঁজে বসাবার কৌশলে আজও তা অটল। সে যুগে এই দুর্গম মরু পাহাড় অরণ্যের দেশে তাঁরা দিগ্বিদিকে যোগাযোগের হাজার হাজার মাইল রাস্তা তৈরী করিয়েছেন। তাক তাক করে পাহাড় কেটে চাষের ব্যবস্থা করেছেন। যেখানে যেমন দরকার খাল কেটে আর স্ফুঙ্ক নালা বসিয়ে মরুভূমিকেও উর্বর করবার ব্যবস্থা করেছেন দুঃস্থ পাহাড়ী নদীর সেচের জল দিয়ে। সমস্ত পৃথিবীর আজ যা একটা প্রধান খাত, সেই আলুর চাষ পেরু থেকেই আমাদের পাওয়া। ইংকাদের পেরু রাজ্যে দারিদ্র্য ছিল না বললেই হয়। সমস্ত দেশের যা শস্ত তার একভাগ দেবতার নামে উৎসর্গ করা হত। এক ভাগ বরাদ্দ হত রাজসরকারের জন্তে আর তিন ভাগের বাকি এক ভাগ পেত প্রজারা। শস্যের মধ্যে প্রধান হল ভুট্টা যা আলুর মত আমেরিকা থেকেই সমস্ত পৃথিবী পেয়েছে। সেচের সুব্যবস্থায় চাষের নৈপুণ্য আর অধ্যবসায় ফসল প্রচুরই হত। কাউকে উপবাসী থাকতে হত না। তবু দুর্বৎসরের জন্তে রাজ-ভাণ্ডারে ফসল জমা করে রাখার ব্যবস্থাও ছিল। ইংকারা ছিলেন সূর্যোপাসক। দেবতাকে কেন্দ্র করে রাজ্যশাসন করলেও রাষ্ট্রীয় সমাজতন্ত্রের নীতির আভাস তাঁদের পরিচালনায় পাওয়া যেত।

পেরু রাজ্যের অধীশ্বর এই ইংকারাই কিন্তু সে দেশের সবচেয়ে বড় হেঁয়ালী। নিজেদের সূর্যের সম্মান বলে সূর্যকেই যারা উপাসনা করতেন কোথা থেকে কেমন করে পেরুতে তাঁদের আবির্ভাব ঘটেছে?

প্রমাণ যতদূর পাওয়া যায় তাতে খৃস্টীয় দ্বাদশ শতাব্দীতেই পেরুতে তাঁদের আধিপত্য শুরু হয়েছে মনে হয়।

তাঁরাই কি এসে পেরুকে সভ্যতার দীক্ষা দিয়েছেন?

না, তা নয়। পেরুর সভ্যতা আরো অনেক প্রাচীন। টিটিকাকা হ্রদের কাছে এমন সব ধ্বংসস্তুপ আছে যা ইংকাদের আবির্ভাবের অনেক আগে নির্মিত হয়েছিল। ইংকাদের আগে পেরুতে যারা রাজত্ব করে গেছে এসব তাদের কীর্তি। তাঁরাই বা কোন জাতি, কোথা থেকে এসেছে, পেরুর রক্তমণ্ড থেকে বিদায় নিয়ে গেছেই বা কোথায়?

প্রত্নতাত্ত্বিক ঐতিহাসিকরা এখনও উত্তর খুঁজছেন। সুদূর স্ক্যাগিনেভিয়ার এক তরুণ পণ্ডিত গবেষক এই সেদিন ইংকাদের পূর্বগামীদের রহস্য ভেদ

করতে মাত্র একটি কাঠের ভেলায় অকুল প্রশান্ত মহাসাগর পাড়ি দিয়েই অক্ষয় কীর্তি রেখেছেন। অজানা দেশের উপকূলের সাগরজলে পালতোলা যে বিচিত্র ভেলা দেখে পিজারোর নৌ-প্রধান রুইজ বিস্মিত বিমূঢ় হয়েছিলেন এ সেই 'বালসা' ভেলা। নরওয়ের তরুণ দুঃসাহসী পণ্ডিত থর হেডেরডাল এই 'বালসা' ভেলায় প্রশান্ত মহাসাগরের পারের যে, কোনো পলিনেশীয় দ্বীপবিন্দুতে পৌঁছে প্রমাণ করতে চেয়েছিলেন যে, ইংকাদের আগে পেরুতে যাদের প্রতাপ ছিল তারাই ভেলায় ভেসে এসে পলিনেশিয়ার সমস্ত ছড়ানো দ্বীপে ডেরা পেতে তাদের সম্ভাব্যতা ছড়িয়েছে।

তাঁর সিদ্ধান্ত প্রমাণ করতে পারেন বা না পারেন, মাত্র কয়েকজন সঙ্গী নিয়ে ইস্ক্রুপ পেরেক ছাড়া শুধু দড়িতে বাঁধা কাঠের ভেলায় হেডেরডাল সত্যিই প্রশান্ত মহাসাগর পাড়ি দিয়ে পলিনেশিয়ার এক দ্বীপে গিয়ে পৌঁছেছিলেন।

ইংকা বা তাঁদের পূর্বগামীদের রহস্য কিন্তু আজও সম্পূর্ণ ভেদ করা যায় নি।

যাবে কি করে? পেরু পৃথিবীর এক অদ্ভুত দেশ। বহু বিষয়ে অসামান্য হলেও পেরুর মানুষ লেখবার কৌশলটাই আবিষ্কার করে নি। লেখা পুঁথিপত্রের বদলে তাদের যা ছিল তার নাম হল 'কিপু'—গিঁট দেওয়া কিছু রঙিন স্তূলি। এই গিঁট দেওয়া স্তূলি দিয়ে কেমন করে তারা কাজ চালাত তাই বুঝে ওঠা যায় না।

যা কিছু স্মৃতি-পুরাণ সব তাদের মুখে মুখে চলে এসেছে। ইংকাদের সম্বন্ধে একটি শুধু লিখিত পুরাণ-কথা আছে। এ পুরাণ-কথা লিখে গেছেন গার্সিলাসো দে ভেগা। তিনিও এক অদ্ভুত মানুষ। বাপ এসপানিওল আর মা ইংকা রাজপরিবারের মেয়ে। ইংকা সাম্রাজ্যের মুখে মুখে ফেরা সমস্ত স্মৃতি-পুরাণ স্পেনের কর্দোভা শহরে বসে তিনিই তাঁর মহাগ্রন্থ 'কমেন্টারিয়োস রিয়্যালেস'-এ স্প্যানিশ-এ লিখে গেছেন।

ইংকাদের আবির্ভাব সম্বন্ধে যে পুরাণ-কথা তিনি লিখে গেছেন তা পৃথিবীর অন্য বহু জাতির আদি কথার মতই আজগুবি কল্পনায় বোনা।

পৃথিবীর এক পরম দুর্দিনে স্বর্ষদের মানুষের ওপর দয়া করে তাঁর দুটি সন্তান পাঠিয়েছিলেন।

নিজেদের মধ্যে মারামারি কাটাকাটি খাওয়াখাওয়া করে, যেখানে যা দেখে নির্বিচারে তাই পূজো করে মানুষজাতটা তখন ধ্বংস হতে যাচ্ছে।

স্বর্ষের দুই ছেলে মেয়ে এসে মানুষকে ধ্বংস থেকে বাঁচালেন। এই দুই

ভাই বোনের নাম হল মানকো কাপাক আর মামা ওয়েলো হুয়াকো। এই দুই স্বর্গের ভাই বোন প্রথমে মানুষকে সমাজ গড়তে শেখানোর সঙ্গে সভ্যতার আর সব দীক্ষাও দিলেন। তারপর তাঁরা এক সোনার খুঁটি নিয়ে চললেন উত্তর দিকে। সেখানে টিটিকাকা হ্রদের ধারে এক জায়গায় তাঁদের সোনার খুঁটি আপনা থেকে মাটিতে পুঁতে গেল। সেইখানেই দুজনে তখন ডেরা বাঁধলেন। এই ডেরা থেকেই গড়ে উঠল কুজকো শহর।

সেখানে মানকো কাপাক পেরুর পুরুষদের চাষবাঁশ শেখালেন আর মামা ওয়েলো মেয়েদের শেখালেন সূতোকাটা আর কাপড় বোনা।

ইংকাদের আবির্ভাব সম্বন্ধে আর একটি পুরাণ কাহিনীও আছে। তাতে বলা হয় যে, টিটিকাকা হ্রদের তীর থেকে গৌরবর্ণ শ্মশ্রুশ্রমণ্ডিত কিছু মানুষ এসে পেরুর ওপর আধিপত্য বিস্তার করে। পেরুর লোকেরদের সভ্যতার দীক্ষা তারা এই দিয়েছে।

ইংকাদের সম্বন্ধে বিভিন্ন পুরাণ কাহিনীর মধ্যে অল্প যা তফাৎই থাক একটি বিষয়ে মিল দেখা যায়।

ইংকারা যে দক্ষিণ থেকে এসে প্রথম টিটিকাকা হ্রদের ধারে এবং তারপর কুজকো শহরে তাদের ঘাঁটি গাড়েন এ বিষয়ে সব পুরাণই একমত। তার বিপরীত কথা কোনো পুরাণ কাহিনীতে নেই।

কিন্তু পৃথিবীর সবচেয়ে উঁচু হ্রদের ধারে উদয় হবার আগে দক্ষিণে কোথায় ছিলেন ইংকারা? ওদেশের সাধারণ আদিবাসীদের চেয়ে সভ্যতার ওপরের ধাপে তাঁরা উঠলেন কোথা থেকে? একেশ্বর সৃষ্টিকে পূজা করবার আশ্চর্য বৈশিষ্ট্যও তাঁদের মধ্যে দেখা দিল কেমন করে, কবে?

এ সব প্রশ্নের সুস্পষ্ট উত্তর আজও মেলে নি। সমস্ত আমেরিকার নৃতত্ত্বের ওপর নতুন আলো পড়েছে ইদানীং। বহু ভাস্কর্য ধোঁয়াটে ধারণা দূর হয়ে গেছে। উত্তর ও দক্ষিণ আমেরিকার মহাদেশে খৃস্টজন্মের হাজারখানেক বছর আগে মানুষ প্রথম এশিয়া ও আমেরিকার উত্তরের বেরিং যোজক দিয়ে পদার্পণ করে, এরকম একটা ধারণা বহুকাল বৈজ্ঞানিক পণ্ডিতরাও আঁকড়ে ধরেছিলেন। সে মতবাদ এখন অচল। তারও বহু পূর্বে, খৃস্টপূর্ব প্রায় বারো হাজার বছর আগে প্রস্তর যুগের মানুষ যে উত্তরের আলাস্কা থেকে দক্ষিণ আমেরিকার টেরা ডেল ফুয়েগো পর্বন্ত ছড়িয়ে ছিল তার সুস্পষ্ট প্রমাণ এখন পাওয়া গেছে। কিন্তু মেক্সিকো যুকাটান আর পেরুর উন্নত সভ্যতার জন্মরহস্যের তাতে মীমাংসা হয়নি।

আশ্চর্যের কথা এই যে, যুক্তাটান ও মেক্সিকোর মায়া টোলটেক কি আজটেক সভ্যতার সঙ্গে পেরুর ইংকা সভ্যতা ও স্যাম্রাজ্যের কোনো যোগাযোগই ছিল না। একই যুক্ত মহাদেশের মধ্যে কয়েক হাজার মাইল ব্যবধানে দুটি বিভিন্ন সভ্যতা পরস্পরের সম্পূর্ণ অচেনা থেকে স্বাধীনভাবে গড়ে উঠেছে।

এ দুই সভ্যতার বীজ কি ওই মহাদেশের মাটিতে আপনা থেকে জন্ম নিয়ে সঞ্জাত ও অঙ্কুরিত হয়েছে? না, বাইরের কোথাও থেকে তা বিক্ষিপ্ত হয়ে এসে পড়েছে এই কুমারী মহাদেশের গর্ভে?

অনেক অনুমান অনেক জল্পনা-কল্পনা মতবাদ সিদ্ধান্তের তোলাপাড়া চলেছে আজও এই নিয়ে।

এশিয়ার প্রাচ্য ভূখণ্ড থেকেই এ সব সভ্যতার বীজ সাগর-স্রোতে ভেসে এসেছে এ মতবাদটাও ফেলনা নয়।

আরও আশ্চর্য অবিশ্বাস্য এমন তথ্যও আছে যা সমস্ত তর্ক একেবারে গুলিয়ে দেয়।

উত্তর ও দক্ষিণ আমেরিকা নিয়ে নতুন অজানা মহাদেশ কলম্বসই প্রথম আবিষ্কার করেন আমরা জানি। তার আগে এশিয়া ইউরোপে নতুন মহাদেশ সম্বন্ধে কোনো বিশ্বাসযোগ্য প্রামাণিক উল্লেখ কোথাও নেই। এশিয়া ইউরোপ আফ্রিকা নিয়ে যে সংযুক্ত মহাভূবিস্তার, গৌরাক্ অসামান্য কয়েকটি মানুষের আকস্মিক আবির্ভাব সম্বন্ধে কিছু অস্পষ্ট কিংবদন্তী ছাড়া তার সঙ্গে নতুন মহাদেশের যোগাযোগের কোনো চিহ্ন স্বভাবতই কোথাও দেখা যায় নি। প্রথম বীজ প্রাচীন মহাদেশ থেকে পেলেও নতুন মহাদেশ সম্পূর্ণ বিচ্ছিন্ন আর স্বতন্ত্র হয়ে শতাব্দীর পর শতাব্দী কাটিয়েছে এই সিদ্ধান্তই ছিল সন্দেহাতীত।

হঠাৎ সে সিদ্ধান্তের ভিত্তিও অপ্রত্যাশিতভাবে নাড়া খেয়েছে।

বেশী দিনের কথা নয়। উনিশশো বাহার খৃস্টাব্দ। পেরুর এক অখ্যাত প্রত্নতাত্ত্বিক দানিয়েল রুথো এক আজগুবি কিংবদন্তী অনুসরণ করেই আণ্ডিজের মার্কাহাউসি প্লেটো নামে এক দুর্গম মালভূমিতে যাবার চড়াই ভাঙছেন। যে কিংবদন্তী তাঁকে নাচিয়েছে তা হল এই যে পেরু অভিযাত্রী স্প্যানিশ বাহিনী নাকি কোন এক দুর্গম গোপন অধিত্যকায় নানা মানুষ ও পশুর বিরাট মূর্তি তাদের যাত্রাপথে দেখেছিল।

একটিমাত্র অত্যন্ত দূরারোহ গিরিবন্ধ দিয়ে মার্কাহাউসি প্লেটোতে পৌছানো যায়। সে গিরিপথ দেখেই দানিয়েল রুথো বুঝলেন যে তা মানুষের হাতে তৈরী।

প্লেটোতে যাবার রাস্তা পাহাড়ের ভেতর দিয়ে যারা কেটে তৈরী করেছিল তারা রাস্তার ধারে ধারে পাহাড়ের দেয়ালে সব বড় বড় খোপও রেখেছে শত্রু কেউ আক্রমণ করলে পাথর ছুঁড়ে রাখবার জন্তে।

এই মালভূমিতে যাদের প্রাচীন বসতির চিহ্ন ক্রমশে আবিষ্কার করেন তারা ইংকাদের বহু আগেকার মানুষ। গোপন এই প্লেটোতে তারা বারোটি কৃত্রিম হ্রদ বানিয়েছিল জল জমিয়ে রাখার জন্তে, সেচের জন্তে প্রকাশ্য ও হুড়ঙ্গ নালা কেটেছিল আর যা করেছিল সেইটেই সবচেয়ে অবিখ্যাত।

তারা পাহাড়ের গায়ে অদ্ভুত রহস্যময় এমন সব মূর্তি গড়েছিল যা নতুন মহাদেশের পক্ষে সত্যিই কল্পনাতীত।

মূর্তিগুলির একটি হল বিরাট এক কাফ্রীয় মুখ।

নতুন মহাদেশে কাফ্রী জাতির প্রথম পদার্পণ ঘটেছে কলম্বসের আবিষ্কারের বেশ কিছু পরে ক্রীতদাস হিসাবে। সে আমদানিও হয়েছে কিউবা হিসপানিওলার মত দ্বীপে। প্রাচীন মহাদেশের প্রায় অগম্য দক্ষিণ আমেরিকার পশ্চিম প্রান্তে আণ্ডিজ পাহাড়ের গুপ্ত মালভূমিতে কাফ্রী কোথা থেকে আসবে? তাও কলম্বসের আমেরিকা আবিষ্কারের কমপক্ষে পাঁচ ছ' শতাব্দী আগে!

কাফ্রীর মাথার সঙ্গে মূর্তিটির সাদৃশ্য যদি কিছুটা কাল্পনিক বলেও ধরা হয় তাহলেও অল্প ভাঙ্গুরগুলি সম্বন্ধে সন্দেহের অবকাশ নেই। সেগুলি হাতি ঘোড়া গরু ও উটের।

কলম্বসের আবিষ্কারের আগে এসব প্রাণীর সঙ্গে আমেরিকার কোনো পরিচয় ছিল না।

এসব প্রাণীর মূর্তি কারা তাহলে গড়েছে? চাক্ষুষ পরিচয় না থাকলে এ ধরনের মূর্তি গড়া ত সম্ভব নয়। সে পরিচয় যাদের ছিল এমন এক জাতি ওই দুর্গম কৃত্রিম গিরিপথ দিয়ে আগলানো গোপন মালভূমিতে কোথা থেকে এসে বসতি করেছিল?

না, পেরুর হেঁয়ালী শুধু একটু ভৌগোলিক বিবরণ দিয়ে ঘুচিয়ে দেবার নয়।

'সূর্য কাঁদলে সোনা'র এই হেঁয়ালীর দেশে পোনেরো শ একত্রিশ খৃস্টাব্দের জানুয়ারি মাসে পিজারো তাঁর সঙ্গীদের নিয়ে পানামা উপসাগর থেকে তৃতীয়-বারের অভিযানে পাড়ি দিলেন।

দু' ছবারের মত এ অভিযানও কি ব্যর্থ হবে।

আঠারো

তৃতীয় অভিবানেও পিজারো তিনটি জাহাজ নিয়ে রওনা হন। তবে এবারের জাহাজগুলি আগেকার চেয়ে মজবুত ও বড়। মাঝিমালা লোকলস্কর কাউন্সিল অফ ইণ্ডিজ-এর চাহিদামাফিক না হলেও খুব অল্প নয়। সবশুদ্ধ তিনটি জাহাজে একশ আশিজন লোক আর সাতাশটি সওয়ার সেপাই বাহিনীর ঘোড়া। অস্ত্রশস্ত্র গুলিবারুদের পরিমাণও এবার একটু বেশী।

কিন্তু বেশী হলেও সবশুদ্ধ জড়িয়ে তিনটে জাহাজে ওই ত মাত্র একশ আশিজন মানুষ আর সাতাশটা ঘোড়া। তাই দিয়ে যে রাজ্য জয় করতে যাচ্ছেন উত্তর-দক্ষিণে তা লম্বাই ত দু'হাজার মাইলের বেশী। তখনকার পেরু সাম্রাজ্য উত্তরে এখনকার ইকোয়েডরের কুইটো থেকে বলিভিয়ার উচু পাহাড়ী ডাঙা আর আর্জেন্টিনার উত্তর-পশ্চিম অংশ নিয়ে চিলির মাউলে নদী পর্যন্ত ছড়িয়ে সত্যিই দু'হাজার মাইলের অনেক বেশী লম্বা ছিল।

ওই কটা সেপাই আর ঘোড়া নিয়ে সেই পেরুর মত বিশাল সাম্রাজ্য জয় করার কথা ভাবা মোচার খোলায় সাগর পার হওয়ার কথা ভাবার মতই হাস্যকর আজগুবি দিবাস্বপ্ন।

কিন্তু পিজারোর আত্মবিশ্বাস প্রায় উন্নততারই সামিল। দু-দুবার ব্যর্থতার পর প্রোট বয়সে অন্য উৎসাহে তিনি আবার সেই অসাধ্যসাধনের আশায় পাড়ি দিয়েছেন।

পিজারোর ইচ্ছা ছিল প্রথমেই আর কোথাও জাহাজ না ধরে একেবারে টাশ্বেথ বন্দরে গিয়ে জাহাজ ভেড়ানো। কিন্তু প্রতিকূল হাওয়ায় আর শ্রোতে তা সম্ভব হয় না। তের দিন সমুদ্রযাত্রার পর পিজারোকে নৌবাহিনী নিয়ে টাশ্বেথ-এর অনেক আগেই জাহাজ ভেড়াতে হয়। সেখান থেকে তিনি সৈন্ত-সামন্ত নিয়ে হাঁটাপথে যাত্রা শুরু করেন আর জাহাজ তিনটিকে বলা হয় সমুদ্রপথে তাঁদের সঙ্গী হতে।

অজানা দুর্গম দেশ। আণ্ডিজ পাহাড়ের নদীতে শীতের দিনেই ঢল নামে। সেই ঢল নেমে নদীগুলি ফুলে ফেঁপে দুস্তর হয়ে উঠেছে। লোকলস্করের

হয়রানি আর হুর্দশার সীমা নেই। সোনার লোভ আর পিজারোর আশ্চর্য দৃষ্টান্ত চোখের সামনে না থাকিলে ক'জন এই অভিযানে শেষ পর্যন্ত টিকে থাকত বলা কঠিন।

পিজারো সত্যিই যেন দানোয় পাওয়া মানুষ। পিজারোর জন্মতারিখ নিয়ে অনেক গোলমাল আছে সত্যি কিন্তু তৃতীয় অভিযানের সময় তাঁর বয়স যে পঞ্চাশ ছাড়িয়ে প্রায় ষাটের কাছে পৌঁছেছে এ বিষয়ে মতভেদ নেই। প্রায় ষাট বছরের এই বুড়ো সেদিন শক্র-সমর্থ জেয়ানদের লজ্জা দিয়েছেন। তাঁর শ্রান্তি ক্রান্তি হতাশা বলে কিছু নেই। দরকার হলে ক্ষিদেতেষ্ঠা সব তিনি জয় করতে পারেন। শক্ররা যেমন, অস্থখ-বিস্থখও তেমনি তাঁকে এড়িয়ে চলে।

এই ফ্রানসিসকো পিজারোর দৃষ্টান্তে অল্পপ্রাণিত হয়ে সৈন্যরাও অসাধ্য সাধন করে। অসাধ্য সাধন অবশ্য নিজেদের চেয়ে সংখ্যায় অনেক গুণ বেশী দেশোয়ালীদের মারকাট আর লুটতরাজ।

নতুন মহাদেশে সাদা চামড়ার আগন্তুকদের সম্বন্ধে সাধারণ অধিবাসীদের ধারণা তখনই পাটীতে স্ক্রু করেছে। এর আগের বার অজানা খেতাব এই বিদেশীদের লোকে দেবতার মত অভ্যর্থনা করেছে। এবারে সেই দেবতার আসল পরিচয় ধরা পড়ে গেছে অনেকের কাছেই।

হাঁটাপথে পাড়ি দেবার কিছুদিন বাদেই প্রথম যে আধাশহর তাদের সামনে পড়ে পিজারোর বাহিনী তা লুটেপুটে ছারখার করে। শহরের লোকেদের কাছে ব্যাপারটা তখনও কল্পনাতীত। কারুর কোন ক্ষতি তারা যখন করেনি তখন তাদের ভয় করবার কিছু নেই এই বিশ্বাসে তারা সরল আন্তরিকতার সঙ্গে গৌরব বিদেশীদের তাদের বসতিতে স্বাগত জানায়। কিন্তু বিদেশীরা এ শ্রীতির জবাব দেয় খোলা তলোয়ার নিয়ে তাদের তাড়া করে তাদের ঘরবাড়ির যা কিছু সব লুটেপুটে নিয়ে।

এই আধাশহরেই পিজারোর লোকলস্করেরা প্রথম হুড়ি পাথরের মত এক মণিরত্নের ছড়াছড়ি দেখে। এ মণিরত্ন হল পান্না।

পিজারোর দলে হিডালগো অর্থাৎ বড় ঘরের ছেলে কিছু ছিল না এমন নয়। কিন্তু তারাও বেশীর ভাগ 'ঘটি ডোবে না নামে তালপুকুর' গোছের পড়ে-আসা বংশের হুলাল, তাও বাপে খেদানো মায়ে তাড়ানো। তারা বা বাকি সব নেহাৎ নিচু ঘরের ডানপিটে মুখখু গৌয়াররা পান্নার মর্ম কি বুঝবে। পান্নার ডিমের মত 'কটা অমূল্য পান্না তারা এই শহরেই পায়। সে পান্না তারা হাতুড়ি

দিয়ে হুঁকে ভেঙেছিল। ভেঙেছিল আবার এক পাত্রীর কথায়। পাত্রীবাবা সকলকে বুঝিয়েছিলেন যে পান্না সান্না কি বুটো তা বোঝবার পরীক্ষাই নাকি হাতুড়ি দিয়ে পেটানো। সান্না পান্না নাকি হাতুড়ি দিয়ে পিটেও ভাঙা যায় না। পাত্রীবাবার এই পরামর্শ শুনেই পৃথিবীর অমূল্য একটি রত্ন নষ্ট হয়ে গেছে।

অমূল্য রত্ন মানে পায়রার ডিমের মত একটা পান্না!—এতক্ষণ বাদে খোঁচা দেবার এ সুযোগটুকু মর্মরের মত মস্তক যার মস্তণ সেই শিবপদবাবু ছাড়লেন না—তা, সে অস্পৃশ্য পান্নার ভাঙা টুকরোগুলো কেউ কুড়িয়ে রেখেছিল বোধহয়! নইলে পায়রার না ঘোড়ার ডিম জানা গেল কি করে?

কি করে জানা গেল?—দাসমশাই অবোধকে জ্ঞান দিতে করুণার হাসি হাসলেন,—জানা গেল, রিলেখিওনেস দেল দেশকিউব্রিসিয়েস্তো ঐ কনকুইস্তা দে লস রেনস দেল পেরু-র দৌলতে।

শিবপদবাবু ভুরু কুঁচকে কি যেন বলতে যাচ্ছিলেন। তাঁকে সে সুযোগ না দিয়ে দাসমশাই আবার বললেন—না এসপানিওল-এর বিজে জাহির করছি মনে করবেন না। শুধু সে যুগের চাক্ষুষ দেখা একটি বিবরণের নাম বলছি। যিনি এ বিবরণ লিখে গেছেন তাঁর নাম পেড্রো পিজারো। পিজারো পদবী দেখে যা মনে হয় তা কিন্তু ভুল। তিনি ফ্রানসিসকো পিজারোর আপন বা সত্যতো ডাইটাই কেউ নয়। পিজারোদের জন্মস্থান এসট্রেমাদুরা প্রদেশের টোলেডোতেই অবশ্য তিনি জন্মেছেন আর খুঁজলে তাদের সঙ্গে দূরসম্পর্কের একটা জ্ঞাতিত্ব হয়ত পাওয়া যেতে পারে। পেড্রো পিজারো পনেরো বছর বয়সেই ফ্রানসিসকো পিজারোর খাস অহুচর হিসেবে তাঁর তৃতীয় অভিযানে যোগ দেন। পেরু-বিজয়ের প্রায় সমস্ত বড় বড় ঘটনাতেই তিনি উপস্থিত ছিলেন। পেরু অভিযানের নেতা ফ্রানসিসকো তাঁকে বিশ্বাস করে অনেক কঠিন হুঃসাহসিক কাজের ভার দিয়েছেন। পেড্রো সে সমস্ত কাজে তাঁর বিচক্ষণতা ও যোগ্যতার প্রমাণ দিয়েছেন। নেতার বিশ্বাসের অমর্যাদা কখনো করেন নি। সম্পদে বিপদে সৌভাগ্যে আর ভাগ্যবিপর্যয়ে তিনি সমানভাবে ফ্রানসিসকো পিজারোর অল্লগত থেকেছেন। নিজের ধনপ্রাণ রক্ষা করতেও তাঁর বিরুদ্ধে নেমক-হারামী কখনো করেন নি।

পেড্রো পিজারো সম্বন্ধে এত কথা বলার কারণ এই যে, প্রত্যক্ষদর্শী হিসেবে যে বিবরণ তিনি রেখে গেছেন, 'সুখ কাদলে সোনা'-র দেশ আবিষ্কার ও অধিকারের যথার্থ বৃত্তান্ত সংগ্রহের ব্যাপারে তা অমূল্য। পেড্রো পিজারো

এ বিবরণে নিজের ঢাক পেটবার চেষ্টা কোথাও করেন নি। নিজের কথা যেখানে বলতে হয়েছে সেখানে তিনি উত্তম পুরুষের 'আমি'র বদলে প্রথম পুরুষদের 'সে' ব্যবহার করেছেন। দেখবার চোখ ও বর্ণনার ক্ষমতার সঙ্গে আন্তরিকতা ও সত্যতা মিশে তাঁর বিবরণটিকে অত্যন্ত দামী করে তুলেছে।

এই অমূল্য বিবরণটিও কিন্তু প্রায় হারাতে বসেছিল। এ বিবরণের হাতে লেখা একটিমাত্র পাণ্ডুলিপির কথা সেই ষোড়শ শতাব্দীর পর বহুদিন পর্যন্ত বিশেষ কারুর মনেই ছিল না। শ'খানেক বছর আগে সেনিয়র দে নাভাররেতে-র হাতে পড়বার পর মাদ্রিদ থেকে এটি ছাপাবার ব্যবস্থা হয়।

এ বিবরণ থেকে শুধু পায়রার ডিমের মত পান্নার কথাই নয় পেরু-অভিযানের আরো অনেক ঘটনার উজ্জ্বল বর্ণনা পাই।

অমূল্য একটি পান্না মূর্খের মত ভেঙে নষ্ট করলেও পিজারোর লোকলস্কর লুটপাট করে যা পেয়েছিল তা প্রচুর। ফ্রানসিসকো পিজারো তাঁর বাহিনীর লোকেদের লুটপাট করায় বাধা তখন দেন নি। কিন্তু তাঁর একটি অলজ্বা আদেশ অক্ষরে অক্ষরে পালন করতে সকলকে বাধ্য করেছেন। সে আদেশ হল এই যে যেখান থেকে যা কিছুই লুণ্ঠিত হোক সমস্ত পিজারোর সামনে এক জায়গায় জড় করতে হবে। লুটের মাল পিজারো নিজে তারপর ভাগ করে দেবেন।

লুটের মালের পাঁচ ভাগের এক ভাগ পিজারো বরাদ্দ করেছিলেন স্পেনের সম্রাটের জন্তে, বাকি চার ভাগ নির্দিষ্ট ছিল পদমর্যাদা অনুযায়ী তাঁদের সকলের জন্তে। এ আদেশ অমান্য করার শাস্তি ছিল ছোটখাট কিছু নয় একেবারে প্রাণদণ্ড।

এই কড়া বিধানে আর যাই হোক লুট নিয়ে নিজেদের মধ্যে মারামারি কাটাকাটি পিজারোর বাহিনীতে বন্ধ হয়েছে।

লুটের মাল ভাগ বাঁটোয়্যারার পর পিজারো প্রথমমেই স্পেন সম্রাটের বরাদ্দ পানামায় পাঠাবার ব্যবস্থা করেছেন। সম্রাটের জন্তে যা পাঠানো হয়েছে তা সামান্য কিছু নয়। পেড্রো পিজারো লিখে গেছেন যে সে সওগাতের দাম কমপক্ষে বিশ হাজার কাস্তেললানো। কাস্তেললানো হল প্রাচীন স্প্যানিশ স্বর্ণমুদ্রা! ওজনে ত্রিশ রতির কম নয়।

এই সওগাত পাঠাবার পেছনে রাজভক্তি ছাড়া একটু কুটবুদ্ধিও ছিল। সেভিল থেকে জাহাজ নিয়ে পালিয়ে আসতে পারলেও শত্রুদের তাঁর বিরুদ্ধে

রাজদরবারে গুপ্তন ভোলবার সুযোগ তিনি দিয়ে এসেছেন। সন্ধ্যার নামে এই ধনরত্নের ভেট পৌছোলে সে গুপ্তনই শুধু বন্ধ হবে না, তাঁর অভিযান সম্বন্ধে যারা বিরূপ কি উদাসীন ছিল এতদিন, তারাও নতুন উৎসাহ পেয়ে হয়ত যোগ দিতে পারে।

পিজারোর হিসাবের ভুল হয়নি। নিজে সৈন্যসামন্ত নিয়ে হাঁটাপথে রওনা হয়ে এবার তিনটি জাহাজই তিনি পানামায় ফেরত পাঠিয়ে দিয়েছিলেন। কিছুদূর অগ্রসর হবার পর একটি জাহাজ পানামা থেকে ফিরে তাঁদের সঙ্গে ধরেছে। সে জাহাজে রাজখাজাকী ভীভর অর্থাৎ পরিদর্শক ইত্যাদি নিয়ে স্পেন রাজ্যের বেশ কয়েকজন বড় আমলাই ছিলেন। সেভিল থেকে এঁদের সঙ্গে আনবারই কথা। কাউন্সিল অফ ইণ্ডিজের চোখে ধুলো দিতে অমন লুকিয়ে পালাবার দরুনই তা সম্ভব হয়নি।

রাজপ্রতিনিধিরা এখন বেশ প্রশ্রমনেই পিজারোর অভিযানে যোগ দিয়েছেন। আরো কিছুটা এগিয়ে পুরের্তো ভিয়েখো অর্থাৎ ভিয়েখো বন্দর পর্যন্ত পৌছোবার পর দ্বিতীয় একটি জাহাজও বেলালকাজার বলে একজন সেনাপতির অধীনে নতুন জনত্রিশ সৈন্য নিয়ে তাঁদের সঙ্গে ভিড়েছে।

দলে একটু ভারী হলেও পিজারোকে এবার বেগ পেতে হয়েছে অজানা দেশের লোকের শত্রুতার জন্তে। পিজারোর বাহিনীর লোকেদের কীর্তি-কলাপের খবর তাদের আগে হাওয়ায় ছড়িয়ে গেছে। এই শালা চামড়ার মাহুসগুলো যে দেবতা নয় দানব, সমুদ্র-উপকূলের শহরে গ্রামে কারুর তা জানতে বোধহয় তখন বাকি নেই।

পিজারোর দলকে আগের বারের মত অভ্যর্থনা করতে কেউ এগিয়ে আসেনি। যেখানেই তারা গেছে হয় লোকেরা যা কিছু সম্ভব নিয়ে ঘরদোর ছেড়ে বনে গিয়ে লুকিয়েছে কিংবা প্রাণপণে তাদের অস্ত্রশস্ত্র নিয়ে বাধা দিয়েছে।

পিজারোর প্রথম লক্ষ্য হল টাম্বুজ। সে শহরে পৌছোবার আগে কিন্তু অনেক বিপদ তাঁকে কাটাতে হয়েছে।

টাম্বুজ শহরে যেতে ছোট্ট একটি উপসাগর পথে পড়ে। নাম গুয়াকুইল উপসাগর। সেখানে পুনা বলে ছোট্ট একটি দ্বীপের সর্দারের নিমন্ত্রণে বর্ষাকালটা কাটাতে গিয়ে পিজারো সমস্ত বাহিনী সমেত প্রায় ধ্বংস হতে বসেছিলেন।

পুনা দ্বীপের লোকেদের সঙ্গে পেরুর ইংকাদের প্রজাদের ঝগড়া। এই ঝগড়ার স্বযোগ নিয়ে পুনাবাসীদের নিজের কাজে লাগাবার ফন্দি কিন্তু সফল হয়নি! পিজারোর বাহিনীর লোকেদের নির্মমতা ও কপটতায় ক্ষেপে উঠে পুনার অধিবাসীরা একদিন তাদের আক্রমণ করেছে।

শরীরের বর্ম, লম্বা বল্লম আর বন্দুকের জোরে কোনোরকমে সে আক্রমণ ঠেকালেও পুনা দ্বীপে থাকা পিজারোর পক্ষে সর্বনাশ হয়েছে। সম্মুখ যুদ্ধে গুলি-বারুদের সামনে দাঁড়াতে না পেরে জঙ্গলে গিয়ে আশ্রয় নিলেও পুনার লোকেরা তাদের শত্রুতা ত্যাগ করে নি। রাতের অন্ধকারে লুকিয়ে হানা দিয়ে তারা পিজারোবাহিনীর রসদ নষ্ট করেছে, দলছাড়াভাবে বাগে পেলে নিকেশ করে দিয়েছে।

এই দুর্দিনে পানামা থেকে আরো শ'খানেক নতুন সৈন্যই আর কিছু ঘোড়াসমেত দুটি জাহাজ এসে পৌছোবার দক্ষন পিজারো ধড়ে প্রাণ পেয়েছেন।

এই নতুন সেনাদল যার অধীনে এসেছে তাঁর নাম হার্নাণ্ডো দে সটো—পেরু অভিযানে অবজ্ঞা করবার মত না হলেও এ নাম স্মরণীয় হয়ে আছে আরো একটি বড় কীর্তির জন্তে। সে কীর্তি হল উত্তর আমেরিকার মিসিসিপি নদী আবিষ্কার। সেই মিসিসিপির তীরেই তাঁর সমাধি বহুকাল তাঁর অক্ষয় কীর্তি ঘোষণা করেছে।

হার্নাণ্ডো দে সটো নতুন সৈন্যসামন্ত সমেত দুটি জাহাজ নিয়ে আশার পর পিজারো তাঁর পক্ষে অভিগম্য পুনা-দ্বীপ ছেড়ে আবার পেরুর উপকূলে গিয়ে উঠেছেন। সেই উপকূলের পথে টাষেজ পর্যন্ত পৌছোনো অবধি দুর্ভাগ্য তাঁকে একেবারে ত্যাগ করেনি। পুনা দ্বীপ থেকে উপকূলে নামবার সময়েই একটি ছোট দল একলা পড়ে গিয়ে শত্রুদের হাতে মারা পড়েছে! টাষেজ শহরে পর্যন্ত এবারে পিজারো প্রথমে সম্পূর্ণ ভিন্ন অভ্যর্থনা পেয়েছেন!

আগের বার যে টাষেজ শহরের স্বথশাস্তি ঐশ্বৰ্য দেখে তাঁরা মুগ্ধ বিস্মিত হয়ে ফিরে গিয়েছিলেন, সে শহর এখন যেন অশ্মান। লোকজন ত শহরে নেই-ই তার ওপর দু-চারটি ছাড়া সমস্ত বাড়িঘরও সম্পূর্ণ ধ্বংস হয়ে গেছে।

বুখাই এ দুর্দশার যথার্থ কারণ জানবার চেষ্টা করেছেন পিজারো। টাষেজের কুরাকা অর্থাৎ শাসকও শহর ছেড়ে পালিয়েছিল। কোনরকমে তাকে ধরে আনবার ব্যবস্থা হয়েছে। কুরাকা যা বলেছে তা বিশ্বাস করা পিজারোর পক্ষে

সম্ভব হয়নি। পুনা-দ্বীপের অধিবাসীরাই অত্যন্ত আক্রমণ করে টাংগেজের এই দুর্দশা করেছে বলে বোঝাতে চেয়েছে কুরাকা।

টাংগেজ শহরে যে দুজন প্রতিনিধি পিজারো রেখে গিয়েছিলেন এবারে ফিরে এসে তাদের আর দেখতে পাননি। তাদের নিশ্চিহ্ন হওয়ার ব্যাপারে উন্টোপাণ্টা নানা কথা শোনা গেছে।

কেউ বলেছে, তারা মারা গেছে মহামারীতে, কেউ বলেছে, পুনার লোকদের সঙ্গে লড়াই-এ। দু'-একজন ভয়ে ভয়ে জানিয়েছে যে, মেয়েদের ইচ্ছা নষ্ট করবার চেষ্টার দরুনই তাদের প্রাণ হারাতে হয়েছে।

শেষের ব্যাখ্যাটাই ঠিক মনে হলেও পিজারো রক্তের বদলে রক্ত চেয়ে এবার কাউকে সাজা দেবার ব্যবস্থা করেন নি। নিঃশব্দে সমস্ত ব্যাপারটা যেন হজম করে নিয়েছেন।

এ দেশের মানুষ সম্বন্ধে পিজারোকে তাঁর নীতিই হঠাৎ বদলে ফেলতে দেখা গেছে এর পর। আর কারণে-অকারণে মারকাট জুলুম জবরদস্তি লুট নয়, একেবারে তৃণাদপি স্নানীচ তার তরোরিব সহিষ্ণু হতে হবে সকলকে। বাহিনীর প্রত্যেকটি সৈনিকের ওপর এই আদেশ।

হঠাৎ এ পরিবর্তন কেমন করে হল ?

এ কি মনেরই পরিবর্তন না শুধু নীতির ?

পরিবর্তন যে রকমই হোক, তার মূলে কিছু একটা ব্যাপার নিশ্চয় আছে। কি সে ব্যাপার ? একটি নতুন মানুষের আমদানি ?

সেই মানুষ কি হার্নাণ্ডো দে সটো স্বয়ং ? না। হার্নাণ্ডো দে সটোর অধীনে দুটি জাহাজে শুধু ঘোড়া আর সোনা সন্ধানী সেপাই ছাড়া আরো একটি মানুষ এসেছেন।

পানামা থেকে ১৫৩১-এর জাহ্নয়ারীতে 'স্বর্ঘ কাঁদলে সোনা'র দেশের উদ্দেশে পাড়ি দেবার সময় পিজারোর কোনো জাহাজে তিনি ছিলেন না।

ইয়া ঘনরামই সেই আশ্চর্য মানুষ যিনি পিজারোর অভিযানের নীতি বদলাবার মূলে ছিলেন।

কিন্তু পিজারোর সঙ্গে এক জাহাজেই ত তিনি কাপিতান সানসেঙ্কোকে নিয়ে কুয়াসাচ্ছর মধ্যরাতে সেভিলের বন্দর ছেড়েছিলেন বেদের সাজে। গোপনে নোঙর তুলে জাহাজ ছাড়ার ফন্দিও তাঁর।

তারপর তিনি গেলেন কোথায়। ১৫৩১-এর জাহ্নয়ারী মাসে পিজারো যখন

পানামা থেকে তাঁর তৃতীয় অভিযানে বার হন তখন ঘনরাম আর সানসেদো পিজারোর দল থেকে বাদ পড়েছিলেন কেন ?

না বাদ তাঁরা পড়েননি। ঘনরাম কাপিতান সানসেদোকে নিয়ে নিজে থেকেই পিজারোর খাস জাহাজ ছেড়ে পানামায় পৌঁছোবার আগেই সান্তা মার্তায় নেমে গিয়েছিলেন।

সান্তা মার্তায় জাহাজ ভেড়ানো পিজারোর পক্ষে শুভ হয়নি। ১৫৩০-এর জানুয়ারী মাসে সেভিল ছেড়ে সান লুকার-এর চড়া এড়িয়ে ক্যানারী দ্বীপপুঞ্জের গামেরাতে জাহাজ ভিড়িয়ে তিনি ভাই হার্নাণ্ডোর জন্তে অপেক্ষা করেন।

কাপিতান সানসেদো সেভিলে জাহাজ নিয়ে লুকিয়ে পালাবার সময় যে আশ্বাস দিয়েছিলেন তা মিথ্যে হয়নি। পিজারোর ভাই হার্নাণ্ডো সেভিলে কাউন্সিল অফ ইণ্ডিজ-এর মাতব্বরদের ধোঁকা দিয়ে ঠিকই সেখানে এসে তাঁর সঙ্গে মিলিত হন।

তারপর মহাসাগর নিরাপদে পেরিয়ে তাঁদের জাহাজ ভেড়ে সান্তা মার্তা বন্দরে। এইখানেই পিজারোর লোকলঙ্করের মধ্যে অনেকে বিগড়ে যায়। সান্তা মার্তার বাসিন্দারা তাদের বেশ দমিয়ে দেয়। এসব বাসিন্দারাও এককালে এসপানিয়া থেকে সোনাদানা আর নামমণের লোভে পাড়ি দিয়েছিল। তারপর তাদের সব আশায় ছাই পড়েছে। জোরার বয়ে যাবার পর স্রোতের জগালের মত তারা আটকে পড়ে আছে এই জলাজঙ্কলের রাজ্যে।

এসব পোড়-খাওয়া বানচাল মানুষের কোনো কিছুতেই আর বিশ্বাস নেই। পিজারোর লোকলঙ্কর বন্দরে নেমে বুঝি তাদের অভিযান সম্বন্ধে একটু বড়াই করেছিল।

সান্তা মার্তার লোকেরা তাদের উৎসাহে একেবারে বরফজল ঢেলে দিয়েছে।

তারা হেসে যা বলেছে তার সোজা বাংলা হল এই যে, মার কাছে মাসির গল্প আর কোরো না। খোলামকুচির মত সোনা ছড়ানো এমন দেশ সত্যি কোথাও আছে নাকি! ওই সব ভুজু দিয়ে শুধু তোমাদের স্পেন থেকে ভুলিয়ে আনা।

সান্তা মার্তার লোকেরা নিজেদের দৃষ্টান্তই দিয়েছে। তারাও দেশ ছেড়ে অমনি সব মিথ্যে আশ্বাসে ভুলেই এসেছিল। এসে এখন তাদের এই হাল। তাদের এ-অঞ্চল ত তবু পদে আছে। ‘সূর্য কামলে সোনা’র দেশ ত এরও অধম। সে-দেশের কথা জানতে ত আর তাদের বাকি নেই। সে যদি সত্যি

অমন সোনার দেশ হত তাহলে তারা নিজেরা পচে মরত এই নরকে ।
পিজারোকে যে স্পেন পর্যন্ত ধাওয়া করতে হয়েছে লোকলঙ্কার আনতে, তাতেই
ত তার ফাঁকিটা বোঝা উচিত । হাতের কাছে এখানে লোক পেলে সাগর-
পারে তাকে পাড়ি দিতে হয় ?

মুখে একটু-আধটু তর্ক করবার চেষ্টা অবশ্য পিজারোর লোকেরা করেনি এমন
নয়, কিন্তু তাদের মনে একটু করে খোঁচা উঠতে শুরু করেছে সেই থেকেই ।

কিন্তু সে-দেশ কেমন কেউ ত তোমরা জানো না । হু-একজন মুহু প্রতিবাদ
জানিয়েছে—ভালোও ত হতে পারে ।

হ্যাঁ তা পারে বৈকি ! তারা টিটকিরি দিয়ে বলেছে,—সেখানকার আবহাওয়া
আরো গরম আর ভাপসা, মশা-মাছি জ্বলা পোকা-মাকড়ের ঝাঁক আরো পাগল-
করা, ডাঙ্গায় কিলবিলে সাপ আরো বড় আর বিষাক্ত, আর জলে কেয়ান অর্থাৎ
কুমির আরো ভয়ঙ্কর । সবদিক দিয়েই সে-দেশ ভালো ত বটেই ।

সান্তা মার্তায় বসে কথাগুলো শোনার দরুনই তা মনে দাগ কেটেছে আরো
বেশী । স্পেন ছেড়ে যারা বড়জোর ক্যানারিজ দ্বীপপুঞ্জ, কি হিসপানিওলা
কার্নানডিনা পর্যন্ত এক-আধবার এসেছে তাদের কাছে সান্তা মার্তা সত্যিই প্রত্যক্ষ
নরক ।

এরকম জায়গার সঙ্গে তাদের পরিচয়ই নেই । তারা আর যাই হোক
খোলামেলা জায়গার মানুষ । এ-ধরনের বুকচাপা লতায়পাতায় ডালপালায়
দিনহুপুরেই অন্ধকার দুর্ভেগ জঙ্গল তারা কল্পনাই করেনি । শুধু জঙ্গল নয়, যেন
বিষাক্ত নিঃশ্বাসে আকাশ ভারী করে রাখা বিরাট সব জলা । আর শয়তানের
দূতের মত বিদঘুটে সব কীট-পতঙ্গের জ্বালায় এক দণ্ড স্বস্তি নেই । এ-
জলাজঙ্গলের জন্তুজানোয়ারগুলোও যেন সত্যি-হয়ে-ওঠা দুঃস্বপ্ন ।

প্রথম অভিজ্ঞতা যাদের এইরকম, নতুন মহাদেশটা আগাগোড়াই ভয়াবহ
বলে তাদের বোঝানো খুব কঠিন হয়নি । প্রথম পরিচয়টুকুই সারাদেশের নমুনা
বলে তারা মেনে নিয়েছে ।

এরকম ধারণা ঠেকাবার চেষ্টা কেউ করেনি এমন নয় । কিন্তু তাতে বিশেষ
কিছু ফল হয়নি ।

তখন সান্তা মার্তার বন্দরে জাহাজ তিনটিতে সামান্য কিছু রসদ আর জল
তোলার সঙ্গে সেগুলির ছোটখাট একটু-আধটু মেরামতি চলছে । মাঝি
মাল্লা সেপাইরা বেশীর ভাগই বন্দরের লোকজনের সঙ্গে সেই স্বেযোগে অবসরমত

একটু আড্ডা দেয়। আড্ডা মানে অবশ্য শুদ্ধিখানায় বসে 'পুলকে' টানা। আমেরিকার-ই একটি অদ্ভুত গাছ 'আগেভি'র ডাঁটার রস থেকে গাঁজানো, ছুধে রং-এর এই 'পুলকে' তখন নেশা হিসেবে এসপানিওলদের দারুণ পেয়ারের হয়ে উঠেছে।

এই 'পুলকে'-র আসরেই সান্তা মার্তার লোকেরা পিজারোর লোকদের কান ভাঙিয়েছে।

বাধা দেবার চেষ্টা যে করেছে সে একটা বেদে মাত্র! পিজারোর দলের লোকেরা তাকে গানাদো বলে জানে। সেভিলের বন্দর ছাড়বার পর জাহাজে নতুন মুখ হিসেবে তাকে দেখা গিয়েছিল। তা নতুন মুখ ত ওই একটাই নয়। এ-ধরনের অভিযানে হামেশাই তা দেখা যায়। গানাদো নামটা একটু অদ্ভুত কিন্তু বেদেদের নাম হিসেবে তাও কানে গয়ে গিয়েছে।

কিছু যারা পুরানো তারা বেদে বলে তুচ্ছ-তাচ্ছিল্য কি ঘেরা ঘেমন করেনি, তেমনি সমীহও নয়। আসলে গানাদোকে নিয়ে তাদের বিশেষ মাথা ঘামাতেই হয়নি। লোকটা নিজে থেকেই একটু যেন সরে সরে থেকেছে সবকিছু থেকে।

এই গানাদোকে কিন্তু 'পুলকে'-র মৌতাতের আসরে একটু ঘন ঘন দেখা গেছে আর সব দলের সঙ্গে।

সেটাও কিছু এমন অদ্ভুত নয়। 'পুলকে'-র মত নেশার টানে কে না বেরিয়ে আসে।

কিন্তু সান্তা মার্তার লোকদের সঙ্গে তাকে কথা-কাটাকাটি করতে দেখে একটু অবাক।

'সূর্য কঁাদলে সোনা'-র দেশের নিন্দে শুনে গানাদো অবশ্য ক্ষেপেটেপে যায়নি। সে যা বলেছে, তা বিক্রপের স্বরে।

বলেছে, হ্যাঁ, কথাটা মন্দ নয়। নিজের পচা জলের গর্ত যার ছাড়বার ক্ষমতা নেই, সে কুয়োর ব্যাণ্ডের পক্ষে বাইরের সব-ই এঁদো পুকুর মনে করাই ভালো।

'পুলকে'-র নেশা ভেদ করে খোঁচাটা মর্মে গিয়ে পৌঁছোতে একটু দেৱী হয়েছে। সান্তা মার্তার মাতালরাই ক্ষেপেছে তারপর।

আমরা কুয়োর ব্যাণ্ড! নিজেদের মান বাঁচতে আমরা বানিয়ে বানিয়ে মিথ্যা জুর্নাম রটাচ্ছি। তাহলে শুনবে একটা ছড়া?

কি ছড়া?—জিজ্ঞাসা করেছে পিজারোর মাঝিমাঝীদের অনেকে।

গানাদো অর্থাৎ মনরাম প্রমাদ গুণেছেন তখনই। ছড়ার উল্লেখ শুনেনই

তিনি বুঝেছেন সমস্তটা সঙ্গীত।

সাস্তা মার্তার মাতাল নিন্দুকরা তখন ছড়া আওড়াতে শুরু করেছে—

পুয়েস সেনিয়র গোবেরনাদর

মিরেলো বিয়েন পোর এস্তেরো

কুয়ে আলিয়া ভা এল রেকোখেদর

ঈ আকা কুয়েদা এল কার্নিথেরো

এ-ছড়া আওড়ানো শেষ হবার পর গানাদোকে আর সেখানে দেখা যায়নি।

অবস্থা বেগতিক দেখে গানাদোরূপী ঘনরাম সরে পড়েছেন আগেই।

কেন? ঘনরাম ওই ছড়া শুনেই পালালেন কেন? ও-ছড়া ভূতের মস্তুর-
টস্তুর নাকি!—শিরোদেশ খাঁর মর্মরের মত মস্তুর সেই শিবপদবাবু জো পেয়ে
চিমটিটুকু কাটলেন।

না, ভূতের মস্তুর নয়। ক্ষমার অবতার হয়ে দাসমশাই কিন্তু অনায়াসে
এ-বেয়াদবি মাপ করে বললেন, তবে এ বড় সাংঘাতিক ছড়া। এ-ছড়ার
নাম শুনেই ঘনরাম বুঝেছিলেন যে সাস্তা মার্তা তাঁদের পক্ষে বেশ একটু গরম
জায়গা। এ-ছড়া যারা আওড়ায় তাদের ঠাণ্ডা করবার মত জবাব তখনও
তৈরী হয়নি।

কিন্তু ছড়াটা অত সাংঘাতিক কেন? ওর মানেটানে কিছু আছে?
মেদভারে হস্তীর মত যিনি বিপুল সেই সদাগ্রসর ভবভারণ সরল কোতুহলে
জিজ্ঞাসা করলেন,—

হ্যাঁ, মানে আছে বইকি!—দাসমশাই আশ্বস্ত করে জানালেন, আর সেই
মানেটার জন্তেই ছড়াটা সাংঘাতিক। ও-ছড়ার বাংলা মানে মোটামুটি এইরকম
করা যায়—

ফৌজদারসাব থাকুন হাঁশিয়ার,

আড়কাটিটার ওপর রাখুন নজর!

ভেড়ার পাল সে যায় তাড়িয়ে আনতে

কসাই হেখায় ছুরি শানায় জবর।

এই ছড়াকে...পর্যস্ত বলেই শিবপদবাবুকে খামতে হ'ল।

শিবপদবাবু টিপ্পনিটুকু নিজেই পূরণ করে দিয়ে দাসমশাই বললেন,—
এই ছড়াকে এত ভয়! সবাই আপনারা তাই ভাবছেন নিশ্চয়। ছড়াটার
ইতিহাস জানলে তা আর ভাবতেন না। ছড়াটা রচনা বিশেষেও উচু দরের

নয়, মানোটার ভেতরেও এমন ভয়ঙ্কর কিছু শুধু কানে শুনে পাওয়া যায় না। তা পাওয়া যায়, কেন, কারা, কবে, ও ছড়া বেঁধেছিল, তা জানলে। ও ছড়া বেঁধেছিল পিজারোর দ্বিতীয় অভিযানের কয়েকজন খান্না নাবিক সেপাই! সোনার প্রলোভনে পিজারোর অভিযানে যোগ দেবার পর তাদের তখন সব দিক দিয়ে হুর্দশার একশেষ হয়েছে। কোনো রকমে দেশে ফিরতে পারলে তারা বাঁচে। কিন্তু পিজারো আর আলমাগ্রো তাদের জোর করে গাল্লো বলে এক অঞ্চলে দ্বীপে ধরে রাখবার ব্যবস্থা করেন। ক্ষেপে আগুন হয়ে নাবিক-সেপাইদের বেশীর ভাগই তখন পানামায় তাদের বন্ধুদের কাছে তাদের অবস্থার কথা জানাবার চেষ্টা করে। গাল্লো দ্বীপে এক দলকে রেখে নেহাৎ রুগ্ন আর অকর্মণ্য কয়েকজনকে নিয়ে আলমাগ্রো তখন নতুন লোকজন আর রসদ সংগ্রহ করে আনতে একটি জাহাজে পানামায় ফিরছেন। এই জাহাজে ফিরে যাওয়া সেপাইদের মারফতই গাল্লো দ্বীপে যাদের থাকতে বাধ্য করা হয় তারা তাদের চিঠি পাঠাবার ব্যবস্থা করে। কিন্তু ব্যাপারটা জানতে পেরে আলমাগ্রো সে সব চিঠি কেড়ে নিয়ে তাদের বিক্ষোভ পানামায় পৌঁছোবার রাস্তা বন্ধ করেন। তা সত্ত্বেও একটি চিঠি পানামায় গিয়ে পৌঁছায়। পৌঁছোয় আবার যার তার কাছে নয়, একেবারে খোদ গভর্নর পেড্রো দে লস রিয়সের বিবিশাহেবের কাছে।

কেনন করে এ চিঠি তাঁর হাতে পৌঁছোল? সাবধানের মার নেই বলে আলমাগ্রো ত তন্ন তন্ন করে খুঁজিয়ে লেখা কাগজের একটা টুকরোও কোথাও জাহাজে থাকতে দেন নি। এ চিঠি তাঁর নজর এড়াল কি করে?

নজর এড়িয়েছিল খুব চতুর একটি ফন্দির জোরে। আলমাগ্রো ভাবতেই পারেন নি যে তাঁরই হাত দিয়ে চিঠিটা যথাস্থানে পৌঁছে দেবার ব্যবস্থা হয়েছে। আলমাগ্রো তাঁদের ভেট হিসেবে পানামার গভর্নর আর তাঁর স্ত্রীর কাছে যা সব নিয়ে গিয়েছিলেন তার মধ্যেই চিঠিটা স্ক্রোশলে রাখা ছিল!

না সোনাদানার কোনো জিনিসে নয়, শুধু একটা তুলোর গুলির ভেতর। নতুন দেশের আজব তুলো হিসাবে সেটা উপহার দেওয়া হয়েছিল গভর্নরের স্ত্রীকে।

গভর্নরের স্ত্রী সেই তুলোর গুলি একটু ছাড়িয়ে দেখতে যেতেই সে চিঠি বেরিয়ে পড়েছে। এক-আধজন নয় বেশ কয়েকজনের সহকরা চিঠি। সে চিঠিতে তারা পিজারো আর আলমাগ্রোর নির্মম জুলুমবাজির বিরুদ্ধে তাঁর নালিশ

জানিয়েছে, আর সেই সঙ্গে বর্ণনা দিয়েছে নিজেদের অকথা দুর্দশার। এই চিঠির শেষেই ওই ছড়াটি ছিল।

পুরোপুরি সত্য হোক বা না হোক এ চিঠির কথা জানবার পর তা বিশ্বাস করে গভর্নর পেড্রো দে লস রিয়স আগুন হয়ে উঠেছিলেন রাগে। টাফুর নামে একজন সেনাপতিকে দুটি জাহাজ দিয়ে তখনই তিনি হুকুম করেন পিজারো আর তার অনিচ্ছুক সাজপাঙ্ককে ফিরিয়ে আনতে।

টাফুর গভর্নরের সে হুকুম পুরোপুরি তামিল করতে পারেনি। পিজারো সব পরিণাম তুচ্ছ করে পানামায় না ফিরে অভিযান চালিয়ে যাবার সঙ্কল্পই জানিয়েছেন।

টাফুর বার্থ হয়ে ফিরে পিজারোর অবাধ্যতার কথা গভর্নরকে জানিয়েছে। গভর্নর তাতে ক্ষিপ্ত হয়েছেন নিশ্চয়ই, কিন্তু শেষ পর্যন্ত পাদ্রি লুকে আর আলমাগ্রোর ধরাধরিতে গভর্নরের রাগ খানিকটা পড়েছে। জালা যায় নি শুধু টাফুরের। টাফুর সেই থেকে পিজারোর শত্রু। গভর্নরের স্ত্রীকে লেখা চিঠির ছড়া সাধারণের কাছে পৌঁছে দেবার ব্যাপারে তার বেশ কিছুটা হাত থাকার অবিশ্বাস কিছু নয়।

গভর্নরের বিরূপতার চেয়ে এই ছড়া পিজারোর ক্ষতি করেছে বেশী। মুখে মুখে ছড়িয়ে ও অঞ্চলের মাহুষের মনে পিজারোর অভিযান সম্বন্ধে অবিশ্বাস তীব্র করে তুলেছে।

এ ছড়া যেখানে পৌঁছেছে সেখানে পিজারোর স্বপক্ষে কোনো কথায় কেউ কান দেবে না বুঝেই অত্যন্ত ভাবিত হয়ে সেদিন ঘনরাম 'পুলকে'র আড্ডা ছেড়ে সরে পড়েন।

আড্ডা ছেড়ে তিনি সোজা বন্দরে গিয়ে কাপিতান সানসেদোকে খুঁজে বার করে সব কথা আলোচনা করেন।

তাহলে কী করা এখন উচিত? জিজ্ঞাসা করেন সানসেদো।

উচিত এখনি এ বন্দর ছেড়ে যাওয়া। জোর দিয়ে বলেন ঘনরাম,—তা না হলে এই সান্তা মার্তা থেকে জাহাজ নিয়ে বার হবার লোক পাওয়া যাবে না। খবর নিয়ে জেনেছি, টাফুর এখানকার ফৌজদার হয়ে কিছুকাল কাটিয়ে গেছে। পিজারোর বিরুদ্ধে এখানকার মন বিষিয়ে দেবার কিছু সে বাকি রাখে নি। এখানে বেশীদিন থাকলে আমাদের লোকলস্কর সব ছেড়ে যাবে।

কাপিতান সানসেদো পিজারোকে সেই পরামর্শই দিতে গেছেন।

কিন্তু পিজারো যদি বা তাঁর কথায় কান দিতেন তাঁর দাস্তিক ভাই হার্নাণ্ডো প্রায় অপমান করেই হটিয়ে দিয়েছে সানসেদোকে। অবজ্ঞাভরে বিক্রম করে বলেছে,—এখানকার শুঁড়িখানায় একটু বেশী ‘পুলকে’ টানা হয়ে গেছে না? যাও সেই আসরে গিয়ে এ সব গুল ঝাড়ে।

সানসেদো অপমানিত হয়ে ফিরে গিয়ে ঘনরামকে সব জানিয়েছেন।

তার পরদিনই জানা গেছে যে একটি দল জাহাজ ছেড়ে পালিয়েছে। দলটা খুব বড় নয় এই যা রক্ষে। সে দলে যারা পালিয়েছে তাদের মধ্যে কাপিতান সানসেদোর নামটাই পিজারো খেয়াল করেছেন। গানাদো নামে একটা বেদের কথা তাঁকে জানানো কেউ প্রয়োজনও মনে করে নি।

দল ছোট হলেও তাতেই পিজারোর টনক নড়েছে। সান্তা মার্তায় আর একটা বেলাও তিনি কাটাতে সাহস করেন নি। সেইদিনই বাকি লোকলস্বর নিয়ে রওনা হয়েছেন নোম্ব্রে দে দিওস-এ। সেইখানেই লুকে আর আলমাগ্রো পানামা যোজকের শিরদাঁড়ার পাহাড় ডিঙিয়ে তাঁর সঙ্গে মিলেছেন। তারপর ছোটখাট বাধাবিপত্তি সত্ত্বেও পিজারোর তৃতীয় অভিযান বন্ধ হয়নি।

পোনেরো শ ত্রিশের জাহুয়ারিতে তিনি সেভিল ছেড়েছিলেন কাউন্সিল অফ ইণ্ডিজের ভয়ে। পুরো এক বছর বাদে ঠিক ওই জাহুয়ারি মাসে তিনি পানামা থেকে রওনা হতে পেরেছেন।

সান্তা মার্তা ছাড়বার পর এতদিনের মধ্যে কাপিতান সানসেদো বা তার সঙ্গী বেদে সেই গানাদোর কোনো খবর তিনি পান নি। তাদের কথা পিজারোর মনেই ছিল কি না সন্দেহ।

টাংহেজ শহরে হঠাৎ একদিন একটি লোককে দেখে তিনি বিস্মিত হন। বিস্মিত হন তার অদ্ভুত পাগলামিতে। তখনও তাকে দেখে তাঁর স্বত্তিতে কোনো সাড়া জাগে নি।

লোকটির চেহারা পোশাক দেখে তাঁর নিজেস্ব বাহিনীর কেউ বলেই বুঝতে পারেন। হার্নাণ্ডো দে সটোর সঙ্গে তারই জাহাজে এসেছে নিশ্চয়। এ নতুন দলের ছ’ একজন ছাড়া কেউই তাঁর চেনা নয়।

লোকটি যা করছে তাই অদ্ভুত লাগবার জন্মেই তিনি সেখানে পাড়িয়ে পড়েছেন। টাংহেজ শহরে এবারে এসে তখনও বেশীদিন তাঁদের কাটে নি। শ্মশানের মত শহরের চেহারা দেখেই সবাই তাঁরা তখন বিমূঢ়। তাঁদের নিজেদের লোকজন ছাড়া শহরের বাসিন্দা কেউ নেই বললেই হয়।

সেই নির্জন শহরে একটা ছোট পুকুরের ধারে লোকটা করছে কী ?

কাছে গিয়ে সেই কথাই জিজ্ঞেস করতে গিয়ে সম্পূর্ণ অন্ধ প্রাণ করেন পিজারো। তার কারণ লোকটার মুখের দিকে চাইতেই ঢাকাপড়া শ্বতিটা একটু ঝিলিক দিয়ে উঠেছে।

তুমি ! তুমি সেই বেদে না ?—ক্রকুটিভরে জিজ্ঞাসা করেন পিজারো।

হ্যাঁ। গোবেরনাদর, আমি সেই বেদে গানাদো...

গানাদোর আর তার কথাটা শেষ করবার স্বেযোগ মেলে না। পিজারো জ্বলন্ত স্বরে বলেন, তুমি না সান্তা মার্তার জাহাজ ছেড়ে পালিয়েছিল সেই বদমাসদের সঙ্গে। আবার তুমি ফিরে এসেছ ?

তাতেই ত বুঝবেন আদেলানটাদো যে ইচ্ছে স্বেখে পালাই নি। পালাতে তখন চাইনি বলেই আবার ফিরে এসেছি।—ঘনরামের গলায় সত্তম থাকলেও ভয়ের লেশ নেই।

পিজারো তাতে আরো গরম হয়ে ওঠেন,—পালাতে চাওনি তবু পালিয়েছিলে ? কার পরামর্শে ? সেই কাপিতান সানসেদো ? পালের গোদা তাহলে সে ?

আজ্ঞে হ্যাঁ, আদেলানটাদো। ঘনরাম শ্রদ্ধাভরে বলেন,—তিনি ছাড়া দলপতি আর কে হবেন ? তিনি আপনার অভিযানের ভালোর জন্তেই অত বড় ত্যাগ স্বীকার করেছিলেন।

প্রথমটা হতভম্ব হয়েই বোধহয় পিজারোর মুখ দিয়ে কোনো কথা বার হয় না। তারপর একেবারে আশুভ হয়ে তিনি বলেন,—আমার অভিযানের ভালোর জন্তে তিনি ত্যাগ স্বীকার করেছেন ! জাহাজ থেকে লোক ভাঙিয়ে পালানোর নাম আমার অভিযানের ভালো করা ? আর তা-ই হল ত্যাগ স্বীকার ?

আজ্ঞে হ্যাঁ, গোবেরনাদর। ঘনরাম অবিচলিত হয়ে জানান,—তিনি আমাদের ক'জনকে নিয়ে দল বেঁধে না পালালে আপনার টনক নড়ত না। আপনি তাঁর হাশিয়ারী গ্রাহ্য না করে আর কিছুদিন সান্তা মার্তায় থাকলে আপনার সব লোকলব্ধরই বিগড়ে যেত। আপনার বিপদ ঠেকাতেই ছোট একটা দল ভাঙিয়ে নিয়ে গিয়ে তিনি আপনাকে সজাগ করে দিয়েছেন। বেছে বেছে যাদের তিনি সঙ্গে নিয়ে গেছেন তারা আপনার বাহিনীর সবচেয়ে গুঁচা বদমাস। তাদের সরিয়ে নিয়ে গিয়ে আর সকলকে ছোঁয়াচ থেকে বাঁচানো

একটা বড় কাজ। এ ছাড়া নিজেকে তিনি ত্যাগ স্বীকার করেছেন অনেক। প্রথমতঃ যেচে মিথ্যে দুর্নাম মাথায় নিয়ে আপনার অভিশাপ কুড়িয়েছেন তার ওপর বৃড়ো খোঁড়া মানুষ হয়ে জলাজঙ্ঘল আর পাহাড় ডিঙিয়ে পালাতে গিয়ে ছুর্ভোগ যা ভুগেছেন তার সীমা নেই। একেও ত্যাগ স্বীকার বলবেন না?

পিজারো খানিক চুপ করে থাকেন। কথাগুলো গুছিয়ে বুঝতে তাঁর বেশ একটু সময় লাগে বোধহয়। তারপর রাগটা কাটিয়ে উঠলেও একটু উত্তাপের সঙ্গে তিনি জিজ্ঞাসা করেন গম্ভীর হয়ে,—তা অভিযানের খাতিরই অত কষ্ট যিনি করলেন তিনি তোমার সঙ্গে ফিরলেন না কেন? তুমি ত একাই এসেছ দেখছি?

পিজারোর গলায় রাগটা না থাকলেও একটু জ্বালা তখনও আছে।

হ্যাঁ আমি একাই এসেছি। ঘনরামের মুখে তাইতেই এবার একটু হাসির আভাস বোধহয় দেখা যায়,—আসতে চাইলেও তাঁর মত বৃড়ো খোঁড়া মানুষকে এ অভিযানে কেউ পাত্তা দিত কি! না, উপায় নেই বলেই পানামাতেই তাঁকে ফেলে আসতে হয়েছে।

ও,—একটু বোধহয় অপ্রস্তুত হয়ে সেটা চাকবার জগ্গেই পিজারো এবার তীক্ষ্ণ স্বরে জিজ্ঞাসা করেন,—কিন্তু তুমি করছ কি এ পুকুরের ধারে?

গানাদো বলে যে নিজের পরিচয় নিয়েছে সে যা করছিল তা সত্যিই অবাক করবার মত।

তার অদ্ভুত কাণ্ড-কারণানা দেখেই পিজারো প্রথম নির্জন জলাশয়টার ধারে দাঁড়িয়ে পড়েছিলেন কৌতূহল ভরে। কাউকে লক্ষ্য একটা আঁকশি গোছের কাঠি নিয়ে কোনো পুকুরের ধারে থামোথা জল ঠেঙাতে দেখলে বিস্ময় কৌতূহল হওয়া স্বাভাবিক।

সেখানে দাঁড়িয়ে পড়বার পর অপ্রত্যাশিতভাবে মানুষটাকে চিনতে পেরে তারই উত্তেজনায় অগ্র প্রসঙ্গ তুললেও শেষ পর্যন্ত অদ্ভুত ব্যাপারটার মানে না জেনে চলে যাওয়া পিজারোর পক্ষে সম্ভব হয় নি।

পিজারোর প্রশ্নে গানাদো একটু কি অপ্রস্তুত হয়ে পড়েছে?

পিজারোর তাই অন্ততঃ মনে হয়েছে।

কয়েক মুহূর্ত একটু ইতস্ততঃ করে গানাদো যা বলেছে তাতে হাসবেন না আহাম্মক বলে ধমক দেবেন পিজারো ঠিক করতে পারেন নি।

শেষ পর্যন্ত নিজের গাম্ভীর্য বাঁচিয়ে ধমকই তিনি দিয়েছেন।

আহাম্মক কোথাকার। জলে তোমার আংটি পড়েছে, আর তাই তুলতে

তুমি আঁকশি দিয়ে জল ঠেঙাচ্ছ। লাঠি আছড়ালে জল সরে গিয়ে তোমার আঁটি ফিরিয়ে দেবে? জলটা থিতোতে দিয়ে আস্তে আস্তে আঁকশিটা নামাও উজ্বুক, আঁটি থাকলে বিনা হান্দামায় পাবে। বুকেছো?

আজ্ঞে হ্যাঁ আদেলানটাদো। গানাদোকে অত্যন্ত লজ্জিত মনে হয়েছে।

এ আহাম্মকটার কাছে আর সময় নষ্ট না করে পিজারো তাঁর নিজের সাময়িক শিবিরের দিকে এগিয়ে গিয়েছেন।

কিন্তু খানিকদূর যেতেই হঠাৎ তাঁর মনে একটা খটকা লেগেছে। গানাদো একটা বেদে মাত্র বটে, কিন্তু আঁটি তুলতে জল ঠেঙাবার মত আহাম্মক বলে ত তাকে মনে হয় না। দেবতা-টেবতার ভর হয়ে দৈববাণী গোছের যা সে পেয়েছে বলেছে, তাঁর মধ্যে তার নিজস্ব বুদ্ধি-শুদ্ধির কোনো প্রমাণ নেই বলে ধরলেও সাধারণ কাজ-কর্ম কথায়বার্তায় ওরকম নিবুদ্ধিতার পরিচয় ত সে দেয় নি এ পর্যন্ত।

কেমন একটু সন্দিগ্ধ হয়ে পিজারো আবার সেই জলাশয়টার ধারে ফিরে গিয়েছেন। ফিরে গিয়ে কিন্তু গানাদোকে আর দেখতে পান নি।

সে কি এর মধ্যেই তাঁর আঁটিটা তুলে ফেলে চলে গেছে! পুকুরের ধারে যখন সে নেই তখন তা-ই বুঝে নেওয়া উচিত। কিন্তু পিজারোর মনের খটকাটা যায় নি। আর সেই খটকা থেকেই হঠাৎ তিনি যেন নতুন এক হৃদয় পেয়েছেন তাঁর অভিযান সম্পর্কে।

তিনি নিজেও হাতে আঁকশি নিয়ে জল ঠেঙাচ্ছেন না কি? ঠেঙালে জল সরে, না, সমান জোরো পান্টা যা দেয়?

নতুন দেশের মানুষ সশব্দে পিজারোর নীতি সেইদিন থেকেই বদলেছে। অন্তত: তখনকার মত।

আর মারকাট লুণ্ঠরাজ নয়। বন্ধুর মত প্রীতির হাত বাড়িয়ে দিয়ে অজানা দেশের রহস্যময় দুর্গমতা জয় করতে এগিয়ে যাওয়া।

পিজারো পোনোরো শ বত্রিশ খৃস্টাব্দের মে মাসে টাম্বুজ শহরে সামান্য কিছু অক্ষয় রুগ্নকে রেখে ইংকা সাম্রাজ্যের হৃদয়স্থল খুঁজতে তুষার কিরীটি কার্দোলিয়েরাসের দিকে যাত্রা শুরু করেন।

পথে টাম্বুজ থেকে নব্বই মাইল দূরে গান মিগুয়েল নামে একটি নতুন শহরেরও পত্তন করে যান। এ শহর ছাড়বার আগে এ পর্যন্ত যা-কিছু সংগ্রহ হয়েছে সমস্ত সোনা-রূপো গলিয়ে তার পাঁচভাগের একভাগ যথারীতি সম্রাটের

জগ্ন বরাদ্দ করে বাকি সব কিছু দেনা শোধের জন্তে তিনি পানামায় পাঠাবার ব্যবস্থা করেন। দেনা ত কম নয়, জাহাজ যার কাছে কেনা হয়েছে তার কাছে যেমন, তেমনি মালপত্র অস্ত্রশস্ত্র সব কিছুর যোগানদারদের কাছেই তখনও তাঁরা বাকি দামের জন্তে দেনদার। সে দেনার টাকা যেটাবার জন্তে তাঁর লোক-লব্বরদের ভাগের সোনাদানাও তাঁকে বুকিয়ে-শুকিয়ে নিতে হয়েছে। তারা যে পিজারোর কথায় বিশ্বাস করে ভবিষ্যতের আশায় অত কষ্টের ও সাধের বথরা ছাড়তে রাজী হয়েছে এতেই অভিযাত্রীদের মধ্যে তখন নতুন উৎসাহের সঞ্চার হয়েছে বলে বোঝা যায়।

এ উৎসাহ তারপর ম্লান না হয়ে আরো তীব্র হবার কারণই ঘটেছে।

প্রায় আধা-মরুর তীরভূমি ছেড়ে যত তারা আকাশছোঁয়া পাহাড়ের দেশে এগিয়েছে তত মধুর অপরূপ হয়ে উঠেছে তাদের পরিবেশ। আর সেই ভাপসা জলাজ্বলার হৃদশা নয়, চারিদিকে যেন স্বপ্নরাজ্যের ক্ষেত-খামার বাগান বিছানো। এদেশের লোক পাহাড়ী নদীকে বাগ মানিয়ে চাষের জন্তে সেচের কাজে লাগাতে শিখেছে, পাহাড়কে খাঁজে খাঁজে কেটে ফসলের ক্ষেত বানাবার কৌশল তারা জানে। যেখানে ক্ষেত খামার গ্রাম নেই সেখানে বিরাট সব অজানা মহীকূহের অরণ্য আর ঢেউ-এর পর ঢেউ তোলা পাহাড়ের সারির মহিমাময় রূপ। ইংকাদের প্রতাপ যেন সে নিসর্গ শোভার মধ্যে ফুটে উঠেছে।

বন্ধুভাবে অগ্রসর হবার জন্তে পিজারোর বাহিনী প্রায় সর্বত্রই সাদর অভ্যর্থনা পেয়েছে এবার। যেখান দিয়ে তারা গেছে সেখানকার বসতির লোকেরা অতিথি হিসেবে তাদের সংস্কারের কোনো ক্রটি রাখেনি।

যাত্রাপথে পার্বত্য উপত্যকায় এই সব বসতিতে পিজারো যা দেখেছেন শুনেছেন তা বেশ একটু ভয়-ভাবনা জাগাবার মত। ইংকা সাম্রাজ্যের বিধি ব্যবস্থা যে কিরকম উচুদরের, তীরভূমি থেকে পাহাড়ের দেশে আসবার পথে পদে পদে নিদর্শন মিলেছে। পার্বত্য নদী কোথাও বেঁধে কোথাও হুড়ঙ্গপথে চালিয়ে তাদের সেচের ব্যবস্থা তাঁর নিজের দেশকেও লজ্জা দেবার মত। তীরভূমি থেকে সমস্ত পার্বত্য অঞ্চলে দূর-দূরান্তরের যোগাযোগের জন্তে যেভাবে রাস্তাঘাট তৈরী ও তা রক্ষার ব্যবস্থা চালু রাখা হয়েছে তা সত্যিই বিস্ময়কর। নিরক্ষর পিজারোর পূর্ববিদ্যা সঙ্কে কোনো জ্ঞান না থাকলেও এসব দুঃসাধ্য কারিগরির অসাধারণত্ব বুঝতে কষ্ট হয় নি। নেহাৎ নগণ্য না হলে পার্বত্য পথের প্রতি

জনপদে পিজারো ইংকা নরেশের জন্তে নির্দিষ্ট বিশাল সব পাছ-নিবাসই শুধু দেখেন নি, দেখেছেন প্রতিরক্ষার স্বনির্মিত সব দুর্গ।

জনপদের অধিবাসীদের কাছে ইংকা সাম্রাজ্যের বিস্তারিত বিবরণও তিনি সংগ্রহ করেছেন। মাত্র বাষট্টি জন রিসালা নিয়ে সবশুদ্ধ এক শ আটষট্টি জন সৈন্য ধীর সম্বল তাঁর পক্ষে সে বিবরণ একেবারেই মনোরম নয়।

ইংকা সাম্রাজ্য কত বড় আর কতখানি তার ঐশ্বর্য এ সবের চেয়ে ইংকা নরেশের সৈন্যবল কত ও কি দরের সেই কথা জানবার আগ্রহই পিজারোর তখন বেশী। সঠিক খবর পাওয়া না গেলেও তাঁর মুষ্টিমেয় বাহিনীকে ইংকা সাম্রাজ্যের বিরূপ সেনাদল যে পায়ে মাড়িয়েই শেষ করে দিতে পারে এটুকু পিজারো জেনেছেন।

সৈন্যবল কত ইংকা নরেশের? কেউ তা ঠিকমত বলতে পারে না কিন্তু এটুকু তারই মধ্যে জানা গেছে যে সম্প্রতি ইংকা সম্রাট যেখানে শরীর সার্বাঙ্গের জন্তে আস্তানা নিয়েছেন সেখানেই তাঁর সঙ্গে আছে অস্তুতঃ হাজার পঞ্চাশ সোপাই।

পিজারোর কি এবার মানে মানে ফিরে যাবার ব্যবস্থাই করা উচিত ছিল না?

কিন্তু তিনি তা করলেন কই? এক শ আটষট্টি জন সৈন্য সঙ্গে নিয়েই তিনি আতাহুয়ালপার সঙ্গে দেখা করবার জন্তে কাক্সামালকার উদ্দেশ্যে এগিয়ে চললেন।

আতাহুয়ালপা কে তা বোধহয় আর বলতে হবে না।

তিনি হলেন সূর্যপ্রভব ইংকা সাম্রাজ্যের অধীশ্বর, আর কাক্সামালকা হ'ল পেরুর এক আশ্চর্য ঝরনা-জলের শহর, তখনকার ইংকা নরেশদের মত এখনও মানুষ যেখানে স্বাস্থ্যোদ্ধারের জন্তে যায়।

ইংকা আতাহুয়ালপার নিজের ডেরায় কভিলিয়েরাস-এর পার্বত্য গোলোক ধাঁধা ভেদ করে এ ভাবে যাওয়া এক হিসেবে বাতুল গৌন্সাতুমি ছাড়া কিছু নয়। কি করবেন পিজারো তাঁর ওই কটা সঙ্গী নিয়ে সেই ইংকা সম্রাটের কাছে উপস্থিত হয়ে? তিনি কি শুধু সেই মহামহিমের দর্শনলাভের জন্তেই যাচ্ছেন? অকূল সাগর আর দুর্গম গিরি-মরু পেরিয়ে এসেছেন শুধু কিছু অল্পগ্রহ ভিক্ষা করতে?

সে অল্পগ্রহ চাইলেই যে পাবেন তারই বা ভয়সা কি? রাজা-গজার

মেজাজের কিছু ঠিক আছে? পিজারো আর তাঁর দলবল এ অজানা দেশের রেওয়াজ দস্তুর আদব-কায়দা কিছুই জানেন না বললে হয়। সামান্য একটু ভুলচুক হওয়া আশ্চর্য কি! আর তাতেই ইংকা রাজ্যেশ্বরের মেজাজ যদি বিগড়ে যায়, তখন? যে পঞ্চাশ হাজার সৈন্য ইংকা আতাছয়ালপার সঙ্গে রক্ষা হিসেবে আছে তারা সবাই একটা করে টোকা দিলেই ত তাঁরা গুঁড়িয়ে ধুলো হয়ে যাবেন। যদি বা তাদের এড়িয়ে কোনমতে কাক্সামালকা থেকে পালাতে পারেন, তারপর নিস্তার পাবেন কি? এ পাহাড়ী গোলক-খাঁধার রাজ্যে পথে পথে দুর্গের পাহারা। তা ছাড়া দূর-দূরান্তরে রাজ্যদেশ নিয়ে যাওয়া ও খবর দেওয়া নেওয়ার জন্তে দৌড়বাজ দূতের ব্যবস্থা আছে। তাঁর পাঁচ পা না যেতে যেতেই তাঁদের খবর পাহাড় থেকে সাগর-তীর পর্যন্ত পৌঁছে যাবে।

এ সব কথা একেবারেই ভাবেন নি, পিজারো এমন নির্বোধ গৌয়ার সতিহই নন। তবু তিনি যে অটল সরল নিয়ে কাক্সামালকা শহরের দিকে এগিয়ে গেছেন তা শুধু বাতুল জেদের জন্তই বোধহয় নয়। ভরসা পাবার মত কিছু একটা তিনি সম্ভবতঃ জেনেছিলেন।

ভরসা যা থেকে পেয়েছিলেন তা কি ইংকা সাম্রাজ্যের সাম্প্রতিক ইতিহাস? মনে হয় তাই। এ বিশাল রহস্যময় সাম্রাজ্যের ভয়-জাগানো নানা বিবরণের মধ্যে আতাছয়ালপার রাজ্যেশ্বর হওয়ার কাহিনীটুকুই হয়ত তাঁকে কিছুটা আশা দিয়ে থাকতে পারে।

আশা এই কারণে যে আতাছয়ালপার ভাগ্যে নিরঙ্কুশ সাম্রাজ্য লাভ ঘটে নি। রক্তসমুদ্র পার হয়ে তাঁকে সিংহাসনে পৌঁছাতে হয়েছে। আর তাও তিনি পৌঁছেছেন মাত্র সেদিন ভ্রাতৃহত্যার পাতকে কলঙ্কিত হয়ে।

ইতিহাসের জ্ঞান নিরঙ্কর পিজারোর ছিল না বটে কিন্তু ধূর্ত বিচক্ষণতা নিশ্চয় ছিল যাতে ঘরোয়া খুনোখুনিই যে বাইরের ছবমণির রাস্তা সাফ করে দেয় তা তিনি বুঝতেন।

সাম্রাজ্য নিয়ে যে ঘরোয়া সংগ্রামে আতাছয়ালপাকে ভ্রাতৃহত্যার পাতকী হতে হয় ইংকা রাজবংশের ইতিহাসে তা অভাবনীয়।

ইংকাদের আদি অভ্যুত্থান টিটিকাকা হ্রদের তীরের সময়ের কুঞ্চটিকায় অস্পষ্ট। নিজেদের খাঁরা সূর্যের সন্তান বলতেন সেই ইংকা রাজবংশের ইংকা টুপান যুপানকি ছিলেন এক অসামান্য পুরুষ। পঞ্চদশ শতাব্দীর শেষের দিকে তাঁর মৃত্যু হয়। তার আগেই ইংকা সাম্রাজ্য তাঁর বাহুবলে উত্তরে বর্তমান ইকোয়েডরের

কুইটো থেকে দক্ষিণে এখনকার চিলি রাজ্যের মরুপ্রায় তীরভূমি আতাকামা ছাড়িয়েও বিস্তৃত হয়েছে।

ইংকা যুপানকির পুত্র ও উত্তরাধিকারী হুয়াইনা কাপাক, কীর্তিতে পিতাকেও তারপর ছাড়িয়ে গেছেন। ইংকা সাম্রাজ্যের সবচেয়ে সুখ শান্তি ও সম্মানের যুগ তাঁর রাজত্বকালেই এসেছিল কিন্তু এ সাম্রাজ্যের ধ্বংসের বীজও তিনি নিজের অজ্ঞাতে রোপণ করে গিয়েছিলেন।

পনেরো শ চব্বিশের নভেম্বর মাসে পিজারো যখন প্রথম পানামা বন্দর থেকে 'সূর্য কাঁদলে সোনা'র দেশ আবিষ্কারের আশায় পাড়ি দেন, হুয়াইনা কাপাক তখনও জীবিত।

নতুন মহাদেশে খেতাব সম্পূর্ণ অপরিচিত এক জাতের বিদেশী মানুষের পদার্পণের কথা তিনি জেনে গিয়েছিলেন বলে শোনা যায়। জেনেছিলেন সম্ভবত পিজারোর প্রথম অভিযান সুরু হবার আগেই। বালবোয়া প্রশান্ত মহাসাগর আবিষ্কার করে সেন্ট মাইকেল উপসাগর পার হয়ে ইংকা সাম্রাজ্যের প্রথম কিংবদন্তী যখন শোনে তখনই এই অচেনা আগন্তুকদের খবর হয়ত হুয়াইনা কাপাকের কানে পৌঁছেছিল। তখন যদি এ খবর নাও পেয়ে থাকেন, পিজারো আর আলমাগ্রো তাঁদের প্রথম অভিযানে রিও দে সান খুয়ান নদী পর্যন্ত পৌঁছোলে তার বিবরণ হুয়াইনা কাপাক নিশ্চয় পেয়েছিলেন। শোনা যায় এ বিবরণ শুনে তিনি নাকি বেশ একটু বিচলিত হয়েছিলেন ভবিষ্যতের কথা ভেবে। পিজারোর সৈন্যদের বন্দুক ও সওয়ারী ঘোড়ার বর্ণনা বেশ একটু অতিরঞ্জিতভাবেই কাপাক শুনেছিলেন নিশ্চয়। এ রকম অদ্ভুত যাদের শক্তি তাদের নামমাত্র সংখ্যা আর ব্যর্থ হয়ে ফিরে যাওয়ার কথা জেনেও হুয়াইনা কাপাক নিশ্চিত হননি। দিকচক্রবালে সামান্য একটা কালো ফোঁটা থেকেই ইংকা সাম্রাজ্যের ভিৎ নাড়ানো প্রলয়-তুফানের আবির্ভাব তিনি নাকি অনুমান করেছিলেন।

নিজের অনুমান সত্য হয়ে ওঠা দেখে যাবার দুর্ভাগ্য তাঁর হয়নি। সঠিক তারিখ নিয়ে কিছু মতভেদ আছে তবু পনেরো শ পঁচিশ কি ছাব্বিশে তিনি মারা যান।

মারা যাবার আগে এমন একটা কাজ তিনি করে যান যা ইংকা রাজবংশের চিরকালের রীতি ও সংস্কারের বিরোধী। ইংকা রাজবংশের প্রাচীন রীতি অনুসারে ইংকা নরেশের নিজের ভগিনীই একমাত্র খাসরাণী হবার যোগ্য এবং তারই প্রথম পুত্রসন্তান রাজশক্তির একমাত্র উত্তরাধিকারী।

সে হিসেবে হুয়াইনা কাপাকের সাম্রাজ্য তাঁর বৈধ বিবাহজাত জ্যেষ্ঠ পুত্র হুয়াসকারের ওপরই বর্তাবার কথা। হুয়াসকার পুত্র হিসেবে কাপাকের অপ্রিয়ও ছিলেন না। তাঁর হুয়াসকার নামের কুইচুয়া ভাষার অর্থ হল শৃঙ্খল। এরকম অদ্ভুত নাম রাখবার কারণ এই যে হুয়াসকারের জন্মোৎসবের নাচের আসরে অভিজাত খানদানীদের জাতীয় নৃত্যের সময় ধরবার জন্তে হুয়াইনা কাপাক চার শ হাতেরও বেশী লম্বা ও জোয়ান মালুঘের কবজির মত মোটা একটি স্বর্ণশৃঙ্খল তৈরী করিয়েছিলেন।

হুয়াসকারের প্রতি তাঁর স্নেহের অভাব তারপর ঘটেনি, কিন্তু আর এক টান তাঁর ছিল প্রবলতর।

হুয়াইনা কাপাক উত্তরের কুইটো জয় করবার পর সে রাজ্যের শেষ স্থিরি বা অধীশ্বর পরাধীনতার দুঃখেই মারা যান। কাপাক তাঁর কন্যাকে তখন বিয়ে করেন। তখনকার যুগের প্রায় সব দেশের রাজাবাদশার মত ইংকাদের বৈধ মহিষী ছাড়া অন্য রাণী ও শয্যাসঙ্গিনী থাকত অসংখ্য। কাপাকের সবচেয়ে প্রিয় রাণী ছিল কিন্তু কুইটোর এই রাজকন্যা। এরই প্রেমে শেষ জীবনটা তিনি নিজের রাজধানী ছেড়ে কুইটো থেকেই শাসনকার্য চালিয়েছেন।

কুইটোর এই রাজকন্যাই আতাহুয়ালপার জননী। ছেলেবেলা থেকে আতাহুয়ালপা বাপের সঙ্গে সঙ্গেই থেকেছে। বড় হয়ে উঠেছে তাঁরই শিক্ষায়-দীক্ষায় স্নেহের প্রস্রায়ে। ইংকা ছাড়া আতাহুয়ালপার শরীরে অন্য রক্ত ছিল বলেই বোধহয় ছেলেবেলা থেকে তার মধ্যে একটা অতিরিক্ত বুদ্ধির উজ্জ্বলতা আর প্রাণের উজ্জ্বলতা দেখা গেছে। দিনে দিনে পুত্রস্নেহাতুর হুয়াইনা কাপাকের তিনি নয়নের মণি হয়ে উঠেছেন। মৃত্যুকালে স্নেহাঙ্ক হসেই হুয়াইনা কাপাক ইংকা রাজবংশের সমস্ত বিধিনিষেধ লঙ্ঘন করে সমস্ত সাম্রাজ্য বৈধ উত্তরাধিকারী হুয়াসকার আর আতাহুয়ালপার মধ্যে ভাগ করে দিয়েছেন। ধ্বংসের বীজ রোপিত হয়েছে তখনই।

হুয়াইনা কাপাকের মৃত্যুর পর প্রথম পাঁচ বছর একরকম নিরঙ্কণ্টেই কেটেছে। হুয়াসকার দক্ষিণে আর আতাহুয়ালপা উত্তরে নিজের নিজের অংশে রাজত্ব করেছেন পরস্পরের সম্মান রেখে। কিন্তু বিরোধের কারণ দেখা দিতে দেরী হয়নি।

হুয়াসকার আতাহুয়ালপার চেয়ে বয়সে বছর-পাঁচের বড়। বিধিসম্মতভাবে একমাত্র গ্রাঘা উত্তরাধিকারী হলেও প্রকৃতিটা শাস্তিশিষ্ট হওয়ার দরুন পিতার

পক্ষপাতিত্ব মেনে নিয়ে তিনি হয়ত নির্বিরোধে নিজের অংশটুকুর ওপরে রাজত্ব করেই স্থখী থাকতে পারতেন কিন্তু আতাহয়্যালপার সম্পূর্ণ বিপরীত চরিত্রের জন্মেই তা সম্ভব হয়নি।

বাইরে থেকে দেখলে বিরোধের প্রথম প্রত্যক্ষ সূত্রপাত হয়াসকারই করেছেন কিন্তু করেছেন অনেক কিছুতে দৈর্ঘ্য হারিয়ে।

আতাহয়্যালপার প্রকৃতি হয়াসকারের ঠিক উল্টো। স্বখেস্বচ্ছন্দে শান্তিতে রাজত্ব করবার মানুষ তিনি নন। রাজ্য পেয়েই তিনি তা বাড়াবার জন্মে নানাদিকে সৈন্য-সামন্ত নিয়ে হানা দিতে শুরু করেছেন। প্রথমে হয়াসকার-এর এলাকার হাত না বাড়ালেও অল্পদিকে তাঁর দুর্দাস্ত সব অভিযানের সাফল্যের খবর হয়াসকারকে ভাবিত করে তুলেছে। রাজসভায় তাঁকে উল্লেখ দেবার লোকের অভাব হয়নি। তারা বুঝিয়েছে যে, গোড়াতেই বিষদাত না উপড়ে নিলে এ-সাপ বড় হয়ে একদিন হয়াসকারের রাজধানী কুজকোর ওপরও ছোবল দেবে।

আতাহয়্যালপার। চালচলন ভাবগতিক দেখে এ-সন্দেহ আরো জোরদার হয়েছে। শেষপর্বন্ত হয়াসকার আতাহয়্যালপার রাজধানী কুইটোতে দূত পাঠিয়েছেন।

এসপানিওলদের এ-রাজ্যে পা দেওয়ার কিছুদিন মাত্র আগের ঘটনা। তবু পেরুর রাজতন্ত্র নিয়ে দুই ভাই-এর সংগ্রামের সঠিক বিবরণ কেউ সংগ্রহ করতে পারেনি। একমত অল্পসারে হয়াসকার কুইটোতে দূত পাঠিয়ে আতাহয়্যালপাকে খুশিমত নিজের রাজ্যের বাইরে চড়াও হতে মানা করেছিলেন আর তাঁর কাছে বশ্ততার প্রমাণস্বরূপ রাজত্ব চেয়েছিলেন। অল্প এক বিবরণে পাওয়া যায় যে, ঝগড়ার সূত্রপাত টুমেবাসা বলে এক প্রদেশ নিয়ে। আতাহয়্যালপার অধিকারে থাকলেও সেটি তাঁর প্রাপ্য বলে দাবী করেই নাকি হয়াসকার দূত পাঠান।

কারণ যা-ই হোক ভেতরে ভেতরে যা ধোঁয়াছিল সে-বিরোধের আগুন দাউ-দাউ করে এবারে জলে ওঠে।

আতাহয়্যালপা প্রথম দিকে এ-লড়াই-এ স্থবিধে করতে পারেননি। যে টুমেবাসা নিয়ে বিরোধ, সেই জায়গাতেই হয়াসকারের কাছে যুদ্ধে হেরে গিয়ে তিনি বন্দী হন।

পেরুর ভাগ্য নির্ণয় অত সহজে কিন্তু হয়ে যায়নি। আতাহয়্যালপা বন্দীশিবির

থেকে পালাবার সুযোগ পেয়েছেন আর তারপর নিজের রাজধানী কুইটোয় ফিরে গিয়ে দুই প্রবীণ বিচক্ষণ সেনাপতির সাহায্যে এমন এক বাহিনী গড়ে তুলেছেন, যা প্রলয়ের ঢেউয়ের মত দুর্বার গতিতে হ্রাসকারের রাজধানী কুজকো পর্যন্ত পৌঁছে গেছে।

আতাহ্যালপার সহায় এই দুই প্রবীণ সেনাপতির একজন হলেন তাঁর বাবা ছ্যাইনা কাপাকেই বন্ধু কুইথকুইথ, আর দ্বিতীয়জন আতাহ্যালপার মাতুল চালিকুচিমা।

আতাহ্যালপার বাহিনী রাজধানী কুজকোর কাছে প্রান্তর কুইপেইপান-এ এসে পৌঁছে গেলেও হ্রাসকার ভয় পাননি। শত্রুকে একেবারে নিজের এলাকায় মুঠোর মধ্যে এনে ফেলাই নাকি ছিল তাঁর গোপন অভিসন্ধি। কোন নিপুণ অভিজ্ঞ সেনাপতি নয়, এ রণ-কৌশলের পরামর্শ তাঁকে দিয়েছিলেন সূর্যমন্দিরের পুরোহিতেরা।

এ-পরামর্শ হ্রাসকারের পক্ষে সর্বনাশ হয়ে দাঁড়ায়। কুইপেইপান-এর যুদ্ধে হ্রাসকারের সৈন্যবাহিনী বিশ্বাসঘাতকতা করেনি, প্রাণ দিয়ে তারা লড়েছে, কিন্তু ইংকা রক্ত ঝাঁর মধ্যে বইছে, সাম্রাজ্যের সেই মথার্থ অধীশ্বরের জন্তে, কিন্তু আতাহ্যালপার সৈনিকদের শিক্ষা ও শৃঙ্খলা অনেক উঁচু দরের। মাতুল চালিকুচিমা আর পিতৃবন্ধু কুইথকুইথ-এর রণকৌশলও অনেক শ্রেষ্ঠ। হ্রাসকারের বাহিনী মৃত্যুপণ করে বুঝেও তাদের সামনে দাঁড়াতে না পেয়ে ছারখার হয়ে গেছে।

হ্রাসকার হাজারখানেক সেনার ছোট একটি অল্পগত দল নিয়ে পালাবার চেষ্টা করে সফল হতে পারেননি। তাঁকে বন্দী করে বিজয়ী বাহিনী কুজকো নগর দখল করেছে।

এর পরেরকার ধে-ইতিহাস পাওয়া যায় তা হয়ত অতিরঞ্জিত কিন্তু তার মধ্যে আতাহ্যালপার নৃশংসতার সব বিবরণ সম্পূর্ণ অবিশ্বাস করা যায় না।

আতাহ্যালপা প্রথমে বড়ভাইকে যথাযোগ্য সম্মান দিয়েই নাকি বন্দী করে রাখবার ব্যবস্থা করেছিলেন। কিন্তু সে-ব্যবস্থা হয়ত একটা ধূর্ত রাজনীতির চাল মাত্র। হ্রাসকারের হিতৈষী অল্প অভিজাত ইংকা-প্রধানরা তাতে বেশ কিছুটা আশ্বস্ত হয়েছিলেন, সে-বিষয়ে সন্দেহ নেই।

তা না হলে সমস্ত দেশের দূরদূরান্তর থেকে কুজকো নগরে এসে সমবেত হতে তাঁরা রাজী হবেন কেন!

আতাহ্যালপা তাঁদের ডেকে পাঠিয়েছিলেন পেরু সাম্রাজ্য দুই ভাই-এর মধ্যে
ন্যায্যভাবে ভাগবাঁটোয়ারায় সাহায্য করবার জন্যে। এমন ভাগাভাগি তিনি
চান ভবিষ্যতে যাতে বিরোধের কোনো জড় আর না থাকে।

বিশ্বাস করে যারা কুজকো নগরে সেদিন জড় হয়েছিলেন, তাঁদের কেউই আর
নিজের ঘরে ফিরে যেতে পারেননি।

আতাহ্যালপার সৈন্যেরা তাঁদের ঘেরাও করে প্রত্যেককে নির্মমভাবে হত্যা
করেছে।

শুধু এই ইংকা-প্রধানদেরই নয়, ইংকা রক্তে যাদের জন্ম ও এ-রক্ত
ভবিষ্যতে যাদের মধ্য দিয়ে প্রবাহিত হতে পারে, এমন বালক-বালিকা যুবক-
যুবতী, বৃদ্ধ-বৃদ্ধা কাউকে জীবিত থাকতে দেওয়া হয়নি। তাঁর প্রতিদ্বন্দ্বী হয়ে
সাম্রাজ্যের অধিকার দাবী করতে পারে এমন সব বংশধারা আতাহ্যালপা নিশ্চিহ্ন
করে দিয়েছেন।

এ-বিবরণ আর কারুর কাছে নয়, ইংকা বংশেরই উত্তরপুরুষ স্বয়ং সার্সিলাসো
দে লা ভেগা-র কাছে পাওয়া বলে একেবারে উড়িয়ে দেবার নয়।

এসব ঘটনার মাত্র কিছুদিন বাদে পেরুতে পৌছে পিজারোর যত বিকৃত
জটিলভাবেই হোক কোন বিবরণ শুনতে নিশ্চয় বাকি থাকেনি। ভাই-এ ভাই-এ
এই ঘরোয়া লড়াই আর দু'পক্ষের দলাদলির খবরই তাঁকে উৎসাহিত করেছে।
সাম্রাজ্য বিরাট হতে পারে কিন্তু তার মাঝখানে এই সর্বনাশা ফাটল যখন ধরেছে
তখন তার ধ্বংস একেবারে অসম্ভব কিছু হয়ত নয়।

তাঁর সেনাদল নিয়ে পিজারো তখন খারান বলে এক পাহাড়ী শহরে
আস্তানা পেতেছেন। তাঁর আস্তানা ইংকা রাজপুরুষদের ব্যবহারের জন্যে
নির্দিষ্ট একট চমৎকার সরাইখানা। সে শহরের কুরাকা মানে মোড়ল পিজারো
ও তাঁর লোকজনের যথাসম্ভব পরিচর্যা করেছেন।

কিন্তু সে আদর আপ্যায়নে পিজারোর উদ্বেগ অশান্তি আরো বেড়েছে।

সমুদ্রের তীরভূমি থেকে তুষার ঢাকা পাহাড়ে অনেক দূর পর্বন্ত ত উঠে
এসেছেন, এখনও ইংকা আতাহ্যালপার কোনো সাড়াশব্দ নেই কেন ?

এই পাহাড়ী চড়াই উংরাই-এর গোলকধাঁধার রাজ্যে পিজারো আর তাঁর
দলবলের জন্যে নতুন ধরনের কোন ফাঁদ পাতা হচ্ছে কি ?

খারান ছেড়ে নিজে আর না অগ্রসর হয়ে পিজারো তাঁর বিশ্বস্ত বুদ্ধিমান
সহকারী হার্নাণ্ডো দে সের্টোকে করেকজন অল্পচর সঙ্গে নিয়ে সামনের পথে

কিছুদূর পৰ্বন্ত টহল দিয়ে আসতে বলেছেন। টহল দিতে পাঠাবার উদ্দেশ্য কাক্সাস বলে একটি জায়গার খবর নেওয়া। পিজারো কয়েকজনের মুখে শুনেছেন যে কাক্সাস-এ ইংকা সেনাদের একটি বড় গুপ্ত ঘাঁটি আছে। এ সব ঘাঁটি কি ধরনের, সেখানকার অস্ত্রশস্ত্র ও লোকবল কি রকম তার একটু আভাস না পেলে অন্ধের মত সদলবলে এগিয়ে যাওয়া অত্যন্ত আহাশ্বকী হবে।

কিন্তু দে সটো সেই যে গেছে তার আর ফেরবার নাম নেই! একদিন দুদিন করে পুরো হপ্তাই কেটে গেছে, দে সটোর কোন সাড়া-শব্দই মেলে নি।

এই পাহাড়ী গোলকর্ধাধায় সে তার দলবল সমেত কোথাও গুম হয়ে গেল নাকি!

পিজারো যখন রীতিমত শঙ্কিত হয়ে উঠে সদলে এগোবেন না পেছোবেন মনে মনে তোলাপাড়া করছেন তখন দে সটো হঠাৎ আশাতীতভাবে ফিরে এসেছে। ফিরে এসেছে একা নয় সঙ্গে তার স্বয়ং ইংকা আতাওয়ালপারই এক রাজদূত।

রাজদূত যে পেরুর বড় ঘরোয়ানা তা তাঁর চেহারা পোশাকেই বোঝা গেছে। তাঁর সঙ্গে অহুচরই এসেছে বেশ কয়েকজন। কাক্সাস দুর্গ-শহরে দে সটোর সঙ্গে দেখা হবার পর ইংকা রাজ্যেশ্বরের বার্তা আর উপহার তিনি পিজারোর কাছে পৌঁছে দিতে এসেছেন।

উপহার যা তিনি এনেছেন তা বেশ দামী ও অদ্ভুত। এনেছেন আলপাকা আর ভিকুয়ানার পশমে বোনা সোনা রূপোর জরিব কাজ করা পোশাক, খাবার জন্তে নয়, গুড়িয়ে স্বগন্ধ হিসেবে ব্যবহার করবার জন্তে মশলা মাখা শুখানো বিচিত্র একতাল হাঁসের মাংস আর দুটি পাখরের তৈরী ফোয়ারা। এই শেষের উপহার দুটিই একটু উদ্ভিন্ন করে তোলার মত। খেলনা ফোয়ারা দুটি দুর্গের আকারে তৈরী। এই দুর্গাকার খেলনা উপহার হিসেবে পাঠাবার মধ্যে কোন গুট ইঙ্গিত আছে কি না পিজারোকে ভাবতে হয়েছে।

ইংকার রাজদূত যে শুধু পেরু সম্রাটের আমন্ত্রণবার্তা নিয়ে সৌজন্য দেখাতে আসেন নি, এগপানিওলদের খোজখবর নিয়ে তাদের ক্ষমতার বহর জেনে যাওয়াই যে তাঁর আসল উদ্দেশ্য পিজারোর তা বুঝতে দেবী হয় নি। মনের কথা মনেই চেপে রেখে বাইরে পিজারো যথাসাধ্য সমাদরই করেছেন রাজদূত আর তাঁর অহুচরদের। রাজদূতকে বিদায় দেবার সময় উপহারের বদলি উপহার দিতেও ভোলেন নি। সেই সঙ্গে সর্বিনয়ে জানিয়েছেন যে স্বদূর অকূল সমুদ্রপারের এক

দেশের মহামহিম অধীশ্বরের প্রজ্ঞা হিসেবে এই অজানা দেশে এসে ইংকা আতাছ্যালপার আশ্চর্য বীরত্বের বহু কাহিনী তাঁরা শুনেছেন। তাই শুনে আতাছ্যালপাকে শত্রু দমনে সাহায্য করতে পিজারো সদলবলে উৎসুক। ইংকা রাজ্যেশ্বরের আমন্ত্রণ পাবার সৌভাগ্য যখন তাঁদের হয়েছে তখন তাঁরা রাজসন্দর্শনে যেতে আর একমুহূর্ত বিলম্ব করবেন না।

তা, বিলম্ব করবেন না ঠিকই, কিন্তু রাজসন্দর্শনে যাবেন কোথায়? ইংকা রাজ্যেশ্বরের দূত তার হৃদিস ত দিয়ে যায় নি।

শেষ পর্বস্ত সে হৃদিস পাওয়া গেছে। জানা গেছে যে, ইংকা রাজ্যেশ্বরের বিরাট এক বাহিনী নিয়ে কাক্সামালকায় বিশ্রাম করছেন। হ্যাঁ, সেই স্বাভাবিক উষ্ণপ্রস্রবণের শহর কাক্সামালকা, তখনকার ইংকা সম্রাটদের মত আজও যেখানে ধনী-মানীরা স্বাস্থ্যোদ্ধারের জন্তে যায়।

অনেক দ্বিধা সংশয় দমন করে অনেক বাধা-বিপত্তি কাটিয়ে পিজারোর বাহিনী একদিন সেই কাক্সামালকার নগর সীমান্তেই উপস্থিত হয়েছে। কাক্সামালকার পৌছোতে পাহাড়ের ওপর থেকে উংরাই-এর পথে নামতে হয়। নামতে নামতে যে দৃশ্য চোখে পড়ে তা অপূর্ব। চারিদিকে অভ্রভেদী পর্বত প্রাচীরে ঘেরা নাতিপ্রশস্ত একটি ডিম্বাকৃতি উপত্যকা। লম্বায় আন্দাজ সাড়ে চার ক্রোশ আর চওড়ায় তিন। এ উপত্যকার মাঝখান দিয়ে বেশ বড় ও চওড়া একটি নদী বয়ে গেছে। এই মনোহর উপত্যকার মধ্যে পরিচ্ছন্ন যেন ছুধে ধোওয়া সব বাড়ি দিয়ে সাজান নগর কাক্সামালকা।

পিজারো তাঁর বাহিনীর সঙ্গে পাহাড় ঘেরা উপত্যকার সৌন্দর্য আর নীল আকাশে পতাকার মত উষ্ণ প্রস্রবণের শাদা ধোয়ার কুণ্ডলী তোলা শহরের শোভা দেখে মুগ্ধ হবার অবসর কিন্তু পান নি। নিচের শহরের দিকে চেয়ে আরেকটি যে দৃশ্য তাঁদের চোখে পড়েছে তাতেই বুক তাঁদের তখন কঁপে উঠেছে নিশ্চয়।

শহরে ঘিরে যে সব পাহাড়ের দেয়াল উঠে গেছে তার কোলে কোলে ক্রোশের পর ক্রোশ মুঠো মুঠো করে ছড়ানো শাদা তুষারের মত ওগুলো কি?

ওগুলো যে কি তা বুঝতে দেয়ী হয় নি। ওগুলো আর কিছু নয় ইংকা আতাছ্যালপার বিরাট সৈন্যবাহিনীর অগণন সব তুষারশুভ্র শিবির।

শিবিরই যেখানে অমন অগুণতি সেখানে সৈন্য যে কত তা বুঝে পিজারোর লোকের বুক যদি বেশ দমে গিয়ে থাকে তাতে আশ্চর্য হবার কিছু নেই।

উপায় থাকলে তাদের ক'জন ওই উংরাই-এর পথে নিচের উপত্যকায় তখন নামত তা বলা কঠিন। ইংকা আতাহয়ালপার ওই সৈন্সসমুদ্রে বাঁপ দেওয়া মানে নিশ্চিত নিফল আত্মহত্যা বুঝে অনেকের মনেই ফিরে যাওয়ার আকুলতা যে জেগেছিল 'কনকুইস্তেদর' মানে অভিযাত্রীদের একজনই তা স্বীকার করে গেছেন তাঁর লেখায়।

'ভয় যতই হোক'—তিনি লিখে গেছেন, 'ফিরে যাওয়ার তখন আর সময় নেই। এতটুকু দ্বিধা দুর্বলতা দেখালেও সর্বনাশ। সঙ্গে ওদেশী যেসব লোকজন আছে তারাই তাহলে আমাদের ওপর প্রথমে চড়াও হবে। স্তত্রাং যথাসাধ্য মনের ভাব মনেই চেপে আমরা উংরাই-এর পথে নামতে শুরু করলাম।'

উনিশ

পোনেরো শ বছরশের পোনেরই নভেম্বর।

মাত্র দু বছর আগে মোগল-সাম্রাজ্যের প্রতিষ্ঠাতা ভারতবিজেতা বাবর আটচল্লিশ বছর বয়সে আগ্রা শহরে মারা গেছেন। তাঁর পুত্র ও উত্তরাধিকারী হুমায়ুন আফগান সর্দার শের শাহকে সায়েস্তা করবার উদ্দেশ্যে চূণার তুর্গ অবরোধ করে তাকে সাময়িক বশতা স্বীকার করিয়েছেন মাত্র এক বছর আগে।

ইওরোপে তিন বছর আগে তুর্কীরা ভিয়েনা দখল করেছে। ভয়ঙ্কর আইভান বলে সে যুগে যিনি পরিচিত সেই চতুর্থ আইভানের রাশিয়ার জারের সিংহাসনে বসতে আর এক বছর মাত্র বাকি।

চীনে পোটু'গীজরা ইওরোপের প্রতিনিধি হিসেবে মাত্র আঠারো বছর আগে পা দিয়েছে কিন্তু নিজেদের জুলুম জবরদস্তির দোষে কোথাও স্থায়ীভাবে বাস করবার স্বযোগ পায় নি। কোথাও তাদের মেরে শেষ করা হয়েছে আর কোথাও থেকে হয়েছে বিতাড়িত। কান্টনের দক্ষিণে ছোট্ট দ্বীপ সাংচুয়ান থেকে তারা কোনরকমে তখন ব্যবসা চালাচ্ছে।

পৃথিবীর ইতিহাসের নানাদিক দিয়ে স্মরণীয় এই সময়ে ওই তারিখে স্ক্রুদর সাগরপারের একদেশ থেকে মুষ্টিময় কটি সৈন্য নিয়ে পিজারো অজানা রহস্যময় পেরু সাম্রাজ্যের অধীশ্বর আতাছ্যালপার সম্পূর্ণ নিজস্ব পাহাড়ঘেরা স্বরক্ষিত দুর্গনগরে নামবার জন্তে পা বাড়ালেন।

কি আছে ভবিষ্যতের গর্ভে তার কোন আভাস কি পিজারো পেয়েছিলেন ?

নইলে তিনি সেদিন যা করেছিলেন তাকে ত উন্নত আত্মঘাতী বাতুলতা ছাড়া আর কিছু বলা যায় না।

পাহাড়ের ঢালু পথে যখন পিজারো তাঁর দলবল নিয়ে নিচের শহরে নামছেন তখন বিকেল হয়ে এসেছে।

সারাদিন আকাশ পরিষ্কার ছিল হঠাৎ সেই সময় ঘেন নিয়তির ইঙ্গিত নিয়ে ঝড় উঠল। ঝড়ের সঙ্গে বৃষ্টি। শুধু জলের ফোঁটা নয় শিলাবৃষ্টিও। সেই সঙ্গে আর হাড়-কাঁপানো শীত যা ভয়ের কাঁপুনি লুকোবার স্বযোগ দিয়েছে কাউকে কাউকে।

তিনটি দলে ভাগ হয়ে পিজারো নামছিলেন। শহরে নেমে তিনি নিজের দল নিয়ে তাঁর বিশ্বাসের জন্তে নির্দিষ্ট পান্থনিবাসে গেলেও তৎক্ষণাৎ দে সটোকে পনেরোজন সওয়ার সমেত ইংকা আতাছয়ালপার কাছে সেলাম দিতে পাঠিয়েছেন। শুধু দে সটোর দলকে পাঠিয়ে তিনি নিশ্চিন্ত হতে পারেন নি। নিজের ভাই হার্নাণ্ডোকেও তার পিছনে বিশজন সওয়ার নিয়ে সহায় স্বরূপ যেতে বলেছেন।

দে সটোর পানেরো আর হার্নাণ্ডোর কুড়ি এই মোট পঁইত্রিশ জন ত সওয়ার। সত্যিই যদি বিপদ কিছু ঘটে, কে কাকে কি সাহায্য করবে!

বিপদ কিন্তু কিছু ঘটেনি। পিজারোর প্রতিনিধিরা নিরাপদে বহাল তবিয়তেই ফিরে এসেছে। ইংকা নরেশ তাঁর শিবির ফেলেছেন নগরের বাইরে পাহাড়ের কোলের মুক্ত প্রান্তরে গরম জলের স্বাভাবিক ফোয়ারাগুলির কাছে। সেখান থেকে ফিরে দে সটো আর হার্নাণ্ডো ইংকা আতাছয়ালপার চরিত্র চেহারা ও ব্যবহারের বিবরণ দিয়ে যে খবর জানিয়েছে তা শুনে পিজারো সেই রাত্রেই তাঁর বাহিনীর প্রধানদের এক গোপন মন্ত্রণাসভা ডেকেছেন।

সেই দিনই বিকেলে ত সবে পিজারো কাক্সামালকা শহরে পা দিয়েছেন ইংকা নরেশের অতিথি হয়ে।

শহরে পৌছোবার পর কর্তব্য হিসেবে রাজদর্শনে যাদের পাঠিয়েছিলেন তারা ফিরে এসে কি এমন খবর দিলে যে পিজারো সেই রাত্রেই গোপন মন্ত্রণাসভা ডাকবার জন্তে ব্যস্ত হয়ে উঠলেন।

ইংকা আতাছয়ালপা কি রাজদর্শনে যারা গিয়েছিল তাদের ওপর জুলুম জ্বরদস্তি কিছু করেছেন, কিংবা অপমান-টপমান?

না, মোটেই নয়।

তবে কি অগ্রাহ্য, অবজ্ঞা?

না, তাও নয়।

পিজারো তাঁর বিশ্বস্ত সেনাপতি দে সটোকে পাঠিয়েছিলেন ইংকা নরেশকে কুর্নিশ করে আসতে আর সেই সঙ্গে ভাই হার্নাণ্ডোকেও ভরসা দেওয়ার জন্তে সঙ্গে থাকতে বলেছিলেন।

ফিরে এসে তাঁরা যে বিবরণ দিয়েছেন তাতে বিচলিত হবার কারণ অল্প।

এই নতুন মহাদেশে এ পর্যন্ত এস্পানিওলরা অনেক কিছু দেখেছে, বড় ছোট

অনেক মাহুষের সংশ্রবে এসেছে। তুষার ঢাকা অভভেদী পাহাড়ের বুকে 'স্বর্ষ কাঁধলে সোনা'র দেশ যত রহস্যময়ই হোক সত্য-মিথ্যা নানা বর্ণনা শুনে তার রাজ্যের ইংকা আতাহ্যালপা সম্বন্ধে একটা মোটামুটি ধারণা তাই পিজারো আর তাঁর দলবলের মনে গড়ে উঠেছিল।

আতাহ্যালপার চাক্ষুষ যে রূপ দেখা গেছে তার সঙ্গে সে ধারণায় একেবারে মিল নেই।

আতাহ্যালপার মত এরকম সত্যিকার সম্রাটোচিত চেহারাই এর আগে এদেশে কোথাও পিজারো বা তার সঙ্গীদের কারুর চোখে পড়ে নি।

দে সটো আর হার্নাণ্ডো পিজারোর এই ইংকা নরেশের সামনে আপনা থেকেই নিজেদের কেমন ছোট মনে হয়েছে। নিজেদের স্বাভাব্য দেখাবার চেষ্টা সত্ত্বেও তাঁদের ব্যবহারে আর কথায় সম্ভ্রম ফুটে উঠেছে আপনা থেকেই।

সত্যি কথা বলতে গেলে দে সটো বা হার্নাণ্ডো পিজারোর মনে নিজেদের শাদা চামড়া থেকে শুরু করে লম্বা চওড়া চেহারা আর গুলি-বারুদ বন্দুক আর ঘোড়া নিয়ে শক্তি সামর্থ্যের একটু গুমর ছিলই। তাঁরা ভেবেছিলেন আর কিছু না হোক এদেশের পক্ষে সম্পূর্ণ অজানা এসব জাঁক-জমক দিয়ে ইংকা নরেশকে একটু হকচকিয়ে দিতে অসম্ভবত: পারবেন।

তার বদলে দে সটো আর হার্নাণ্ডোকেই ভেতরে ভেতরে বেশ একটু বিচলিত হতে হয়েছে।

বিচলিত হবার কারণ ইংকা নরেশের রাজসমারোহ কিন্তু নয়।

কাক্সামালকা নগরের বাইরে আতাহ্যালপার সেই সময়ের শিবির এমন কিছু জমকালো নয়। বেশ বড় গোছের খোলা একটা চত্বর, তার চারিধারে ধাপে ধাপে বসবার আসনের ব্যবস্থা। চত্বরের মাঝখানে একটি জলের কুণ্ড। হুড়ঙ্গ নালী দিয়ে তাতে ঠাণ্ডা আর গরম জলের স্রোত আসে।

বিরাত এই চত্বরে বড় ঘরোয়ানা ইংকা নারী-পুরুষ সব জড় হয়েছে আতাহ্যালপার অল্পচর হিসাবে পরিচর্যার জন্তে।

আতাহ্যালপা কুণ্ডের কাছে একটি নিচু আসনে বসে আছেন। তাঁর পোশাক-আশাক সভাসদদের তুলনায় বরং সাদাসিধে। শুধু তাঁর মাথায় কপাল পর্বন্ত ঢাকা ইংকা রাজশক্তির প্রতীকচিহ্ন রক্তের মত লাল 'বোলা'।

মাথায় এই 'বোলা' না থাকলেও তাঁকে আলাদা করে চেনা যেত এমনি তাঁর বিরল বৈশিষ্ট্য।

হুবে মাটি আঁচড়াতে আঁচড়াতে যেন অকস্মাৎ ক্ষেপে গিয়ে সামনের বিরাট চত্বরে
ঝড়ের বেগে ছুটতে শুরু করেছে।

এই বার বোঝা যায় দে সটোর কেরামতি। অদ্ভুত কৌশলে কখনো বিদ্যুৎ-
বেগে ছুটিয়ে, কখনো চরকিবাজির মত ঘুরপাকের পর ঘুরপাক খাইয়ে, দৌড়ের
মধ্যেই বেপরোয়া বাক নিয়ে বা সামনের দু পা শূণ্ডে তুলিয়ে দে সটো
সওয়ারগিরিতে তাঁর আশ্চর্য নৈপুণ্যের পরিচয় দিয়েছেন।

শুরুতে ঘোড়াটার অস্থির হয়ে ওঠাটা হস্তত আকস্মিক। কিন্তু ঘোড়া নিয়ে
পরের বাহাদুরকা খেল দে সটো ইচ্ছে করেই দেখিয়েছেন বলে মনে হয়।
ঘোড়াটা নিজে থেকে চকল হয়ে ওঠার পর তার দৌড়-রাপ নাচন-কৌদন দেখিয়ে
ইংকা প্রধানদের আর বিশেষ করে স্বয়ং আতাহয়্যালপাকে একটু ভড়কে চমকে
দেওয়ার মতলব বোধহয় দে সটোর মাথায় আসে। আতাহয়্যালপার নির্বিকার
তাচ্ছিল্যের মুখোশটা সরে কিনা দেখবার ছুটু বুদ্ধিও তার সঙ্গে ছিল।

চমকে দেওয়ার চেষ্টাটা কিন্তু অমন মাত্রা ছাড়িয়ে যাবে দে সটোও ভাবেন
নি বোধহয়। আতাহয়্যালপার একেবারে গায়ের কাছে তুফানের মত
ঘোড়াটাকে হঠাৎ রুখে দাঁড় করিয়ে দিয়ে দে সটো তাঁর বাহাদুরকা খেল শেষ
করেছেন।

তাঁর সওয়ারগিরির আশ্চর্য কেরামতিতে ঘোড়াটা আতাহয়্যালপার প্রায়
মাথার ওপর দু পা তুলে দাঁড়িয়ে উঠে আবার সামলে নিয়ে মাটির ওপর পা
নামিয়ে স্থির হয়েছে সত্যি কিন্তু তেজী ছুট-করানো ঘোড়াটার মুখের কিছুটা
ফেনা ইংকা নরেশের পোশাকের ওপর গিয়ে পড়েছে।

ভড়কে দিতে গিয়ে এসপানিওল সেনাদল সমেত হান্নাঙোর সঙ্গে দে সটো
নিজেই ভড়কে গিয়ে প্রমাদ গুণেছেন। কি করবেন এবার আতাহয়্যালপা?

কিন্তু কিছুই তিনি করেন নি। তাঁর পাথরে খোদাই মূর্তির মত কঠিন মুখে
সমস্ত বাহাদুরীর খেলার সময়ে ত নয়ই, শেষমুহূর্তের এই মাত্রাছাড়া উপজ্রবেও
এতটুকু ভাবান্তর দেখা যায় নি। গায়ের ওপর ঘোড়া এসে পড়বার উপক্রম
হওয়ার ইংকা প্রধানদের কাউকে কাউকে নিজের অনিচ্ছাতেই একটু শিউরে
সরে দাঁড়াতে দেখা গেছে কিন্তু আতাহয়্যালপার চোখের পাতাও একটু
কাঁপে নি।

হ্যাঁ, পোশাকে ঘোড়ার মুখের ফেনা ছিটিয়ে পড়ার পর আতাহয়্যালপা কিছুই
করেন নি বলাটা ঠিক নয়। কিছু তিনি সত্যিই করেছেন। সে বেয়াদবিতে

তঁার ক্ষেপে ঠাঁবার কথা তা যেন লক্ষ্যই না করে তিনি অতিথিদের খাতে পানীয়ে
আপ্যায়িত করবার আদেশ দিয়েছেন।

এসপানিওলরা ঘোড়া থেকে নামবার অনিচ্ছার দরুন খাবার জিনিস
প্রত্যাখ্যান করেছে কিন্তু ইংকা রাজপরিবারের আয়তাক্ষী সুন্দরীরা বড় বড় সব
সোনার পাতে 'চিচা' নামের যে দেশোয়ালী সূরা পরিবেশন করেছে তার প্রতি
বিমুগ্ধতা দেখায় নি।

আতাছ্যালপাকে বিদায় অভিবাদন জানিয়ে ফিরে আসবার সময় সে সূরার
নেশাও দে সটো আর তঁার সঙ্গীদের চাক্ষা করতে পারে নি। সবাই বেশ একটু
শুভ হয়েই ফিরেছেন।

পিজারোকোকে বিবরণ শোনার সময় তাঁদের শঙ্কিত উদ্বেগের কারণগুলো
আরো স্পষ্ট হয়ে উঠেছে।

আতাছ্যালপা দে সটোর বেয়াদবীতে ক্ষেপে উঠে কিছু করলে বা মনে
হত তার চেয়ে তঁার অবিচলিত নির্বিকার ভাবটা ভয়াবহ লেগেছে আরো বেশী।

আর একটি সাংঘাতিক খবর ইতিমধ্যে পিজারোর বর্তমান আন্তানায়
পৌছে গেছে।

খবর পাওয়া গেছে যে, দে সটোর ঘোড়ার খেলায় যে দু-একজন ইংকা বীর
আন্তক গোপন করতে পারে নি, আতাছ্যালপা সরাসরি তাদের প্রাণদণ্ডের
আদেশ দিয়েছেন।

এই খবরেই আতাছ্যালপার সমস্ত ব্যবহার আর কথার ওপরকার মোলায়েম
খোলসটা সরে গিয়ে ভেতরকার ভয়ঙ্কর চেহারাটা যেন বেরিয়ে পড়েছে।

আতাছ্যালপা পিজারোর বাহিনীর সঙ্গে ওপর থেকে দেখলে অত্যন্ত ভাল
ব্যবহারই করেছেন এ পর্যন্ত। কাক্সামালকা শহরে তাদের রাজসমাদরে থাকবার
ব্যবস্থা করে দিয়েছেন। তাদের বেয়াদা বেয়াদবীতে জক্ষেপ পর্যট করেন নি।
নিজে থেকে ইংকা প্রধানদের দর্শন দিতে আসবেন বলেছেন।

শুনতে যেমন চমৎকার ব্যাপারগুলো তেমন সরল সোজা কি ?

রাজসমাদরে পিজারোর লোকজনদের রাখবার ব্যবস্থা করা হয়েছে ঠিকই
কিন্তু সে ব্যবস্থা তাদের জবাই করবারই ভূমিকা নয় কে বলবে ?

প্রতিদ্বন্দী ভাই ছয়াসকার-এর হিতৈষী ইংকা প্রধানদেরও ডাকিয়ে এনে
আতাছ্যালপা এমনি করে সম্মানে কুজকো শহরে রাখবার ব্যবস্থা করেছিলেন।
তারপর শেষ করে দিয়েছিলেন সকলকে।

দে সটোর বেয়াদবীতে ক্রক্ষেপ না করে যেন তা মাপ করেছেন বলেই মনে হয়েছে।

কিন্তু ভয় যারা পেয়েছিল সে সব ইংকা সভাসদদের প্রাণদণ্ড দিয়েছেন কেন? নিজে থেকে পিজারোর সঙ্গে দেখা করতে আসবেন বলেছেন ইংকা প্রধানদের নিয়ে।

কিন্তু এ কি শুধু সম্মাটোচিত উদারতায় পিজারোকে অহুগ্রহ করতে আশা? ইংকা প্রধানদের নিয়ে সদলবলে আসার আশ্বাসের মধ্যে কোন ভয়ঙ্কর গৃঢ় অভিসন্ধি লুকিয়ে আছে?

না, এক মুহূর্তও আর নষ্ট করবার নয়। পিজারোকে শশব্যস্ত হয়ে মন্ত্রণা-সভা ডাকতে হয়েছে।

মন্ত্রণা-সভায় স্থির-ধীর আলোচনা সম্ভব হয় নি। সবাই কেমন দিশেহারা। পালিয়ে যাওয়া ছাড়া আর কোন উপায় নেই এখন।—বলেছেন কাউন্সিল অফ ইণ্ডিজ-এর প্রতিনিধি খাজ্জাকী।

অনেকেই তাতে সায় দিয়েছেন। কিন্তু তাতে হবে কি?

সবাই মিলে সায় দিলেও ও পরামর্শ যে বেকার তা কারুর জানতে বাকি নেই। পালিয়ে বাঁচবার কোন আশা তাদের নেই সুতরাং অল্প কোন উপায় ভাবতে হবে।

উপায় আর কি? যতক্ষণ প্রাণ থাকবে ততক্ষণ অকাতরে লড়ে যাওয়া।—বীরের মত বলেছেন দে সটো।

আহাম্মকের মত মিছিমিছি প্রাণটা এখানে রেখে যেতে কি এতদূরে এসছি।—দে সটোকে একটু বিক্রম করেই বলেছে পিজারোর আর এক সেনাপতি জুয়ান দে হেরাদা, রাদা নামে যে পরিচিত।

বুদ্ধিমানের মত প্রাণটা লাভের সঙ্গে রাখার উপায়টা তাহলে বাংলাও শুনি!—দে সটো পাণ্টা খোঁচা না দিয়ে পাবেন নি।

উপায় হল, সিসিলির আগাথোক্লিস যা করেছিল তাই।—উদ্ধতভাবে জবাব দিয়েছে হেরাদা। অদূরভবিষ্যতের ইতিহাস গাঢ় রক্তের ছোপে সে যে কলঙ্কিত করে যাবে তার ইঙ্গিত তখনই যেন তার আলাপে আচরণে দেখা গেছে।

সিসিলির আগাথোক্লিস আবার কে? কিই বা করেছিল সে? পিজারোর মন্ত্রণা-সভার সবাই হতভম্ব হয়ে প্রশ্ন তুলেছে এবার।

সে প্রশ্নের উত্তরে হেরাদা যা বলেছে সবাই তাতে থ।

শেষ মীমাংসা কিছুই অবশ্য তখন হয় নি। কিন্তু মন্ত্রণা-সভার আর সঞ্চলের মত পিজারো নিজেও কেমন বিমূঢ় দৃষ্টিস্তায় সে রাতটা কাটিয়েছেন।

পিজারোর এ গোপন মন্ত্রণা-সভার গানাদো নামে পরিচিত বেদিয়ার যে জায়গা হয় নি তা বলাই বাহুল্য।


সভার সব বিবরণ সেই রাত্রেই কিন্তু তিনি পেয়েছেন। পিজারোর সেনাপতিদের মধ্যে দুটি মাহুঘ, অস্ত্রদের তুলনায় অনেক সরল সোজা ও সং। এ দুজন হলেন দানবাকার গ্রীক পেড্রো দে কাণ্ডিয়া আর দুর্ধর্ষ বীর দে সটো।

কি কারণে সঠিক বলা শক্ত, দে সটো প্রথম পরিচয়ের পর থেকেই গানাদো নামে বেদিয়াকে একটু বেশী রকম সমীহ করেন। সময়ে-অসময়ে এই অদ্ভুত মাহুঘটার কাছে অত্যন্ত দামী সলাপরামর্শ কয়েকবার পেয়েই বোধহয় দে সটোর শ্রদ্ধাটা অত গভীর হয়েছে।

মন্ত্রণা-সভা থেকে বেরিয়েই দে সটো প্রথমে গানাদোর খোঁজ করেছেন। তারপর একটু নিরিবিলিতে নিয়ে গিয়ে গানাদোর কাছে সভার বিবরণের সঙ্গে হেরাদা যা বলেছে তা সবই শুনিয়েছেন সবিস্তারে।

সব কিছু শোনবার পর গানাদোর মুখে একটু বিক্রপের হাসি দেখা গেছে।

একটু বিরক্ত হয়েই দে সটো বলেছেন,—এতে হাসবার কি পেলো ?

হাসবার পেলাম আপনাদের হেরাদার ঠগবাজি !—হেসে বলেছেন গানাদো, —যে বিত্তে জাহির করে সে আপনাকে  তুষ করেছেন তা তার বেমালুম চুরি করা।

চুরি করা বিত্তে ?—দে সটো অবাক হয়ে জিজ্ঞাসা করেছেন,—তার মানে কি ?

মানোটা সত্যি ভয়ানক !—এবার গভীর হয়েছেন গানাদো,—সেনাপতি হেরাদা আপনাদের কাছে চুরি-করা বিত্তেরই ভড়ং করেছে। সেটা দোষের বটে কিন্তু তার চেয়ে যা সে পরামর্শ দিয়েছে তা অনেক বেশী সাংঘাতিক। আশা করি তার কথায় কেউ কান দেবে না, কিন্তু চুরি-করা বিত্তের জ্বোরেই এ শয়তানীর প্যাচ যার মাথায় খেলে সে মাহুঘ সম্বন্ধে সাবধান থাকা দরকার বলে মনে করি।

হেরাদা সম্বন্ধে গানাদোর এত বিরাগের কারণটা ভাল করে না বুঝলেও দে সটো সে বিষয়ে প্রতিবাদ করবার কিছু পান নি। হেরাদা মাহুঘটাকে তাঁর নিজেরও কেন বলা যায় না অত্যন্ত খারাপ লাগে।

গানাদোর সঙ্গে একমত হয়ে হেরাদার বিত্তের ভড়ং সম্বন্ধেই ঘৃণাভরে দে সটো এবার প্রশ্ন করেছেন,—যে বিত্তে জাহির করে তা তাহলে ওর চুরি করা ?

হ্যাঁ,—হেসে বলেছেন গানাদো,—ওর চুরি ধরিয়ে দিয়ে ভড়ং ভাঙত চান ত এক কাজ করুন। জোকের মুখে তাহলে ছুন পড়বে।

কি কাজ ?—আগ্রহভরে জিজ্ঞাসা করেছেন দে সটো।

আজ ত আবার আপনাদের মন্ত্রণা-সভা বসবে ?—কৌতুকের স্বরে বলেছেন গানাদো,—আজ ওর কাছে শুধু একটা নাম উচ্চারণ করবেন। শুধু বলবেন মাকিয়াভেল্লী।

কি বললেন ? মেকিয়াভেল্লী ?

এবারের প্রশ্নটা দে সটোর নয়, মর্মরের মত মস্তক ষাঁর মস্তক সেই শিবপদবাবুর।

মেকিয়াভেল্লী নয়,—অহুস্পাভরে বলেই ফেললেন দাসমশাই,—ওটা হল ইংরেজী উচ্চারণ। হেরাদা যখন পিঙ্গারোর দলের কাছে চুরি-করা বিত্তে জাহির করেছে তখন ক্লোরেন্সের নবচাবক্য মাকিয়াভেল্লীর নাম ইংরেজরা শুনেছে কিনা সন্দেহ।

ইংরেজদের কাছেও কূটনীতির যে নবকোটিলের নাম পৌঁছোয়নি, তা তখনই শুনেছিলেন শুধু আপনার সেই গানাদো !

শিবপদবাবুর বিস্মিত মস্তব্যে বিক্রপের খোঁচা নিশ্চয় একটু ছিল, কিন্তু দাসমশাই-এর নির্বিকার প্রশান্তি তা ভেদ করতে পারল না।

বরং এরকম একটা উপযুক্ত প্রশ্নে যেন খুশি হয়ে তিনি ব্যাখ্যা করে বোঝালেন—হ্যাঁ ঘনরাম তা শুনেছিলেন আর শোনা খুব একটা আশ্চর্য কিছুও নয়। নিককলো দি বের্ণাদো মাকিয়াভেল্লী মাত্র পাঁচ বৎসর আগে ইতালীর ক্লোরেন্সে মারা গেছেন। ইতালী আর স্পেনের দূরত্ব এমন কিছু নয় আর ইংরেজরা না জানলেও ল্যাটিন দেশগুলিতে সে-যুগে জ্ঞান বিত্তা রাজনীতির চর্চা ধারা করতেন ইতালীর এই অসামান্য মানুষটির খবর তাঁরা অনেকেই রাখতেন—বিশেষ করে গনজালো ফার্নানডেজ দে ওভিয়েডো ঈ ভালডেজ-র মত স্বনামধন্য মানুষ ত বটেই ! তিনি রাজনীতিবিদ পণ্ডিত শুধু ছিলেন না, এক সময়ে ইতালী গিয়ে নেপলসের রাজ্য ফার্ডিন্যান্ডের অধীনে কাজও করেছেন। গানাদো বলে ষাঁর পরিচয়, এককালে এই ওভিয়েডোর কাছেই তিনি ক্রীতদাস ছিলেন।

লেখাপড়া শেখবার স্বযোগও পেয়েছিলেন সেইখানেই। মাকিয়াভেল্লোর নাম হুতরাং তাঁর অজানা থাকারটাই অস্বাভাবিক।

সব ত বুঝলাম!—শিবপদবাবু আর বোধহয় নীরব থাকতে পারলেন না— কিন্তু আসলে ব্যাপারটা হল কি! পিজ্জারোর গোপন মন্ত্রণাসভায় হেরাদা চুরি-করা বিদ্রোহ জাহির করে কি বলেছিল কি? যা বলেছিল তার সঙ্গে মাকিয়াভেল্লোর কি এমন সম্পর্ক যে, সে-নামটা শোনালেই মুখে ছুন-দেওয়া জেঁকের মত সে জঙ্ক হবে ভেবেছিলেন আপনার গানাদো?

হেরাদার কাছে মাকিয়াভেল্লোর নামটা কেন জেঁকের মুখে ছুনের মত জিজ্ঞাসা করছেন?—পরম ধৈর্য আর অহুকম্পার সঙ্গে বললেন, দাসমশাই,—তাহলে হেরাদা মন্ত্রণাসভায় যা বলেছিল, সেইটে একটু বিশদভাবে আগে শোনা দরকার। হেরাদা সিসিলি দ্বীপের অ্যাগাথোক্লিস-এর নাম করে তার উপায় নিতে বলেছিল। উপায়টা কি আর অ্যাগাথোক্লিস-ই বা কে? অ্যাগাথোক্লিস বড় ঘরের ছেলে নয়, একেবারে অতি সাধারণ দীন দরিদ্র এক কুমোরের ছেলে। বেপরোয়া সাহস আর বদমায়েসী বুদ্ধির জোরে সে সিরাকুস নগরের ‘পুটার’ পর্বন্ত হয়। তারপর সিরাকুস-এর শাসন-পরিষদের সমস্ত নগরপ্রধানদের সে একদিন সকালে ডেকে পাঠিয়ে জড় করে তার নিজের সেনাদের দিয়ে অতর্কিতে নির্মমভাবে হত্যা করায়। হোমরা-চোমরাদের একজনও এ-মরণফাঁদ থেকে বেহাই পায় না। এইভাবে পথের সব কাঁটা সরিয়ে অ্যাগাথোক্লিস সিসিলির রাজদণ্ড অনায়াসে শুধু নীচ নৃশংসতার জোরেই অধিকার করে।

হঁ,—শিবপদবাবুর মুখে এবার একটু গর্বের হাসি ফুটল,—এসব ত মাকিয়াভেল্লোর ‘গু প্রিন্স’ মানে ‘রাজপুত্র’ বই-এ আছে। তাই থেকে নেওয়া।

না।—দাসমশাই গম্ভীর প্রতিবাদে শিবপদবাবুকে নীরব করে পাণ্ডিত্যের শিলাবৃষ্টি করলেন,—মাকিয়াভেল্লোর বিখ্যাত হয়ে আছেন, অবশ্য যাকে ‘গু প্রিন্স’ বা ‘রাজপুত্র’ বলছেন সেই ‘ইল প্রিন্সিপে’ বইটির জন্মে। এ-বইটি পেরুকুসিনি গ্রামের উপাস্তে তাঁর বিশ্রামাবাস থেকে ১৫১৩ খৃষ্টাব্দে মাকিয়াভেল্লোর শেষ করেন। ‘ইল প্রিন্সিপে’ বইটি আসলে কিন্তু আরো একটি বড় বই। ‘ডিসকোরসি সোপ্রা লা প্রাইমা দেকা দি টিটো লিভিও’-র একটি অংশ মাত্র। এই বড় বইটি লেখা শুরু হয় ‘রাজপুত্র’-এর আগে, শেষও হয় অনেক পরে। মাকিয়াভেল্লোর ছিলেন প্রাচীন রোমক ঐতিহাসিক লিভিও অর্থাৎ টাইটাস লিভিয়স-এর দারুণ ভক্ত। ওই বড় বইটির লম্বা নামটার বাংলা মানে হল :

‘লিভিঙর দশকগুলি সম্বন্ধে আলোচনা’। ‘লিভিঙ’-র বিষয় আলোচনা করতে গিয়ে ইউরোপের মধ্যযুগের নব-কৌটিল্য মাকিয়াভেল্লী তাঁর বিচক্ষণ কূটনীতির পুরো পরিচয় ওই বড় বইটিতে রেখে গেছেন। হেরাদার সেই বইটি কোনরকমে পড়া ছিল। তাই বেমালুম গাপ করে সে পিজারোর মন্ত্রণাসভায় নিজের বলে চালিয়ে বাহাদুরী দেখিয়েছে...

আর গানাদো মানে ঘনরাম তা ধরে ফেলেছেন!—এতক্ষণ আচ্ছন্ন অভিভূত থাকার পর শিবপদবাবুর স্বরে একটু ঝাঁজ ফুটে উঠল,—কিন্তু তাতে হল কি!

যা হল তা বড় সাংঘাতিক!—দাসমশাই সকলকে যেন তৈরী হবার সূযোগ দিতে একটু থেমে হঠাৎ নাটকের যবনিকা তুলবেন,—চার শ’ বছরের প্রাচীন দোর্দণ্ডপ্রতাপ ইংকা রাজশক্তি কর্ডিলিয়েরার তুষার-ঢাকা পার্বত্য সাম্রাজ্য থেকে কুয়াশার মত চিরকালের জন্তে মিলিয়ে গেল।

মিলিয়ে গেল!—উদ্বোধন যার কুশের মত স্ফীত, ভোজনবিলাসী সেই রাম-শরণবাবুর কণ্ঠ থেকে বিমূঢ় আপেক্ষ শোনা গেল,—কেমন করে?

যেমন করে মিলিয়ে গেল তা প্রায় অবিশ্বাস্য।—দাসমশাই বলে চললেন,—মাত্র বাষট্টি জন সওয়ার আর একশ’ ছ’জন পদাতিক যার সম্বল, ইংকা সম্রাটের নিজের দুর্গনগরে অগণন বিপক্ষবাহিনীর মধ্যে যিনি একরকম বন্দী, সেই পিজারো এক কল্পনাতীত স্পর্ধা দেখিয়ে এ অসম্ভব সম্ভব করে তুললেন।

একটি বিশেষ দুঃখের কথা এই যে, ঘনরাম সম্পূর্ণভাবে এই ব্যাপারটার প্রত্যক্ষদর্শী হবার সূযোগ পাননি।

যে-রাত্রে দে সটোর কাছে মন্ত্রণাসভার বিবরণ তিনি শোনেন, তারপরের দিন সকালে কাকসামালকার পাহাড়-ঘেরা উপত্যাকাটির অন্ধিসন্ধি ভালো করে একটু জানবার জন্তে একা একাই তিনি বেরিয়েছিলেন।

কুড়ি

তারিখটা ষোলই নভেম্বর, ১৫৩২, শনিবার।

ইংকা আতাছ্যালপা সেইদিনই পাণ্টা লৌকিকতা করতে সদলে পিজারোকে দর্শন দিতে আসবেন এরকম একটা কথা ঘনরাম শুনেছিলেন। কিন্তু আতাছ্যালপা এত তাড়াতাড়ি সে-অনুগ্রহ করবেন, ঘনরাম তা বিশ্বাস করতে পারেননি।

সেইখানেই তাঁর সর্বনাশা ভুল।

এ-ভুল না করলে ইংকা সাম্রাজ্যের ইতিহাস কি ভিন্ন হ'ত ?

তা হয়ত হত না, কিন্তু পিজারো আর তাঁর বাহিনীকে ইচ্ছাপূরণের জন্তে আর একটু বেশী দাম দিতে হ'ত নিশ্চয়।

ঘনরাম নিশ্চিত নিরুদ্ভিন্ন মন নিয়েই সকালবেলা একটা ঘোড়ায় চড়ে বেরিয়েছিলেন। ডিম্বাকৃতি কাক্সামালকা উপত্যকার চারিদিকে কঠিন আকাশ-ছোঁয়া পর্বতপ্রাচীর। সেই পর্বতপ্রাচীর সত্যিই কতখানি দুর্ভেদ্য, তা জেনে আসা ঘনরামের প্রয়োজন মনে হয়েছিল।

বেলা দুপুর পর্যন্ত দূর পাহাড়ের কোলে কোলে কাটিয়ে ঘনরাম ফিরে এসে শহরে ঢুকতে গিয়ে অবাক হয়েছেন। শহরের চেহারা বদলে গিয়েছে। চারিদিকে উৎসবমত্ত জনতার উত্তেজিত আনন্দ কোলাহল। তার ভেতর দিয়ে ইংকা নরেশ আতাছ্যালপা সদলবলে পিজারোকে দর্শন দিতে আসছেন।

শোভাযাত্রার সামনে আসছে অসংখ্য অন্নচর। ইংকা নরেশের যাত্রাপথে এতটুকু আবর্জনা কোথাও যাতে না থাকে তার জন্তে তারা আগে আগে পথ পরিষ্কার করতে করতে চলেছে। তার পরে আসছে অভিজাত ইংকা প্রধানরা সারিবদ্ধ হয়ে। তাদের মধ্যে যারা মানে সবচেয়ে বড় ইংকা সম্রাটকে তাঁর শিবিকায় তারা কাঁধে করে বয়ে নিয়ে আসছে।

ইংকা নরেশের অভিজাত সব সেবকদের সারা অঙ্গে বিচিত্র সব সোনার অলঙ্কার। বিকেলের রোদে সেই সব স্বর্ণালঙ্কার যেন আগুনের মত জ্বলছে।

অভিজাত অন্নচর আর সেবক ছাড়া ইংকা নরেশের শোভাযাত্রায় আছে

অগণন সৈন্যসামন্ত। রাজপথে তাদের সকলকে কুলোয় নি। বৈশীর ভাগ পথের ধারের প্রান্তরে যতদূর দৃষ্টি যায় ছড়িয়ে পড়েছে।

ঘনরাম তাঁর ঘোড়াটি এক জায়গায় বেঁধে রেখে এসে কাক্সামালকার নাগরিকদের সঙ্গে মিশে এ দৃশ্য দেখছিলেন।

দেখতে দেখতে মনে তাঁর একটু আশঙ্কাই জেগেছে। ইংকা আতাহয়ালপা এত সমারোহ করে পিজারোকে দেখা দিতে আসছেন শুধু কি নিজের ঐশ্বর্ষের পরিচয় দিয়ে এসপানিওলদের চমকে দিতে? না এই দেখা দিতে যাওয়ার মধ্যে ভয়ানক কোনো উদ্দেশ্য সত্যিই আছে?

ইংকা নরেশের অহুচরদের ভালো করে লক্ষ্য করে সেরকম সন্দেহের কারণ আছে বলে কিন্তু মনে হয় নি। তাদের ভাবভঙ্গি চালচলনে উৎসবের আনন্দমত্ততার লক্ষণই দেখা গেছে। মনে মনে অল্প অভিসন্ধি থাকলে ছ' একজনের পক্ষে তা হয়ত গোপন করা সম্ভব, কিন্তু এত বড় বিশাল বাহিনীর সকলেই অমন নিপুণ অভিনেতা নিশ্চয় হতে পারে না।

ইংকা নরেশের এটা কপট মিছিল নয় বোঝবার পরও কেন যে মনটা তাঁর সম্পূর্ণ নিশ্চিন্ত হয়নি, ঘনরাম সত্যিই তখন ভেবে পান নি।

আতাহয়ালপার একটি সিদ্ধান্তে ঘনরাম কিছুটা তবু আশ্বস্ত হয়েছেন! পিজারো আর তাঁর বাহিনী নগরের যে অতিথি-মহলা অধিকার করে আছে তার আধমাইলটুকু দূরে এসে শোভাযাত্রা থেমে গেছে। থেমে গেছে আতাহয়ালপারই আদেশে।

চারিদিকের মাঠে শিবির পাতবার আয়োজন দেখে ঘনরাম বুঝেছেন ইংকা নরেশ সে রাত্রের মত তাঁর বাহিনী নিয়ে সেখানেই কাটাতে চান।

ঘনরাম এবার নাগরিকদের ভিড় ঠেলে নিজেদের আস্তানার দিকেই এগিয়েছেন। কিন্তু বৈশীদুর যাবার স্বযোগ তাঁর হয় নি। রাজপথ মুক্ত রাখবার জগ্গে আবার নাগরিকদের পথের পাশে সরিয়ে দিয়েছে ইংকা নরেশের সেবকবাহিনী।

জানা গেছে যে আতাহয়ালপা তাঁর মত পরিবর্তন করেছেন পিজারোর খাতিরে। ইংকা নরেশকে রাত্রের মত অতিথিপন্নী থেকে দূরে মুক্ত প্রান্তরে বিশ্রামের আয়োজন করতে দেখে পিজারো দূত পাঠিয়ে তাঁকে এ সংকল্প ত্যাগ করবার অহুরোধ জানিয়েছেন। অহুরোধের কারণ বলা হয়েছে এই যে পিজারো সেই রাত্রেই মহামায়া ইংকা অধীশ্বরের অভ্যর্থনার আয়োজন করে

সেই সঙ্গে ভোজন-সভার সব ব্যবস্থা করেছেন। ইংকা নরেশ তাঁদের অল্পগ্রহ না করলে সমস্ত আয়োজনই শুধু পণ্ড হবে না মনে মনে পিজারোর বাহিনীর সকলে অত্যন্ত দুঃখ পাবে।

পিজারোর অহুরোধ রক্ষা করতে আতাওয়ালপার রাজকীয় শোভাযাত্রা আবার অগ্রসর হয়েছে।

এবার আগের চেয়ে কাছে দাঁড়িয়ে ঘনরাম ইংকা নরেশ আর তাঁর বাহক-সেবকদের শোভাযাত্রা দেখবার সুযোগ পেয়েছেন।

আতাওয়ালপার অহুচরদের বেশভূষা অত্যন্ত বিচিত্র ত বটেই, তাঁর নিজের পোশাকপরিচ্ছদ অলঙ্কারও অপূর্ব।

যে শিবিকার তাঁকে বয়ে নিয়ে আসা হচ্ছে তা সোনা রূপের পাত দিয়ে মোড়া আর নানা বিচিত্র রংবেরংয়ের পাখির পালক দিয়ে অপূর্ব শোভায় সাজানো। এই শিবিকার ওপর নিরেট সোনার তৈরী একটি সিংহাসনে আতাওয়ালপা বসে আছেন। আগের ব্রত উপবাসের দিনের সঙ্গে আতাওয়ালপার এদিনের সাজসজ্জার অনেক তফাত। রাজক্রবর্তীর নিদর্শন-স্বরূপ কপাল ঢাকা রান্ধা 'বোলাটি' তাঁর মাথায় আগের দিনের মতই আছে, কিন্তু সেই সঙ্গে গলায় যে অসাধারণ পান্নার মালাটি দেখা যাচ্ছে তা পিজারোর নিজের দেশের যে কোনো জহুরীর চোখ ধাঁধিয়ে দেবার মত।

সাজপোশাক অলঙ্কারের চেয়ে আতাওয়ালপার চেহারা ও মুখের ভাবই ঘনরাম বেশী করে লক্ষ্য করেছেন।

সত্যিই বেশ একটু সশক্ সন্ত্রম জানাবার মত চেহারা। চার শ' বছরের মহিমান্বিত ইংকা রক্তের ধারা তাঁর মুখে অনায়াস অসামান্য আভিজাত্য ছুটিয়ে তুলেছে।

ইংকা নরেশের শিবিকা বহন করে বিরাট শোভাযাত্রা ধীরে ধীরে এবার অতিথি পল্লীর প্রশস্ত চত্বরে প্রবেশ করেছে।

রাজশিবিকাকে পথ করে দেবার জন্তে ইংকা নরেশের নিজের বাহিনীর লোকেরা দুধারে সরে গিয়েছে। সমস্ত ব্যবস্থা সুশৃঙ্খল। কোথাও একটু বিভ্রান্তি কি গোলযোগ নেই। ইংকা নরেশের হাজির পাঁচেক সেবক অহুচর-তখন অতিথিভবন বেষ্টিত মহাচত্বরে সমবেত।

নিঃশব্দে আতাওয়ালপার শিবিকা চত্বর পার হয়ে সামনের মহামণ্ডপের প্রায় কাছাকাছি গিয়ে হঠাৎ থেমেছে। থামবার আদেশ আতাওয়ালপা নিজেই

দিয়েছেন। তাঁর প্রশান্ত গভীর মুখে এবার একটু সন্দ্বিগ্ন ভ্রুকৃষ্টি দেখা গেছে। সেটা অস্বাভাবিক কিছু নয়।

যাদের তিনি দর্শন দিতে এসেছেন সেই এসপানিওলরা কোথায়? সমস্ত চত্বরে পিজারোর বাহিনীর একটি লোককেও ত দেখা যাচ্ছে না।

কিছু দূরে দাঁড়িয়ে ঘনরামও তখন এই ব্যাপারে বেশ বিস্মিত হয়েছেন। ইংকা নরেশকে অভ্যর্থনা করবার এ কি রকম ব্যবস্থা? ব্যবস্থার কোথাও কোন গুরুতর ভুল হয়েছে কি!

না তা বোধহয় হয় নি। সেই মুহূর্তে পিজারোর বাহিনীর ডোমিনিগিয়ান পাদ্রী ফ্রে ভিসেস্তে দে ভালভেদেকে বেরিয়ে আসতে দেখা গিয়েছে। তাঁর এক হাতে একটি ক্রুশ-প্রতীক আর এক হাতে একটি বাইবেল।

আতাহুয়ালপা একটু অপ্রসন্নভাবেই পাদ্রী-বাবার দিকে তাকিয়েছেন। অভ্যর্থনার এ অভিনব রীতিটা তিনি ঠিক পছন্দ করতে পারেন নি।

তবু রাজকীয় ধৈর্য তাঁর যথেষ্ট বলতে হবে। পাদ্রীসাহেব ইংকা নরেশের সামনে এসে দাঁড়িয়েই এক নিঃশ্বাসে কি যেন বলতে শুরু করেছেন। আতাহুয়ালপা মুখে একটু বিরক্তি প্রকাশ করা ছাড়া সে দীর্ঘ বক্তৃতায় বাধা দেন নি।

শুধু পাদ্রীসাহেবের ভাষণের অর্থ যখন তাঁকে অস্বাভাবিক করে শোনানো হয়েছে তখনই তাঁর মুখ কঠিন হয়ে উঠেছে ধীরে ধীরে।

দোভাষী পাদ্রীসাহেবের বক্তৃতার যথাযথ অস্বাভাবিক নিশ্চয়ই করতে পারেনি। তার অক্ষম অস্বাভাবিক থেকে এইটুকু কিন্তু বোঝা গেছে যে পাদ্রীসাহেব পেরু সাম্রাজ্যের অধীশ্বরকে তাঁর নিজের অপবিত্র মিথ্যা ধর্ম ছেড়ে নবাগত এসপানিওলদের সত্য ধর্ম গ্রহণ করে ধন্য হতে বলছেন।

নতুন ধর্মের মাহাত্ম্য ও সুখ-সুবিধা বোঝাতে পাদ্রীসাহেব ক্রুশবিদ্ধ যিশুর জীবনী থেকে শুরু করে রোমের পোপের মহিমা আর স্পেনের সম্রাটের অসামান্য প্রতাপ প্রতিপত্তি সব কিছুই সবিস্তারে ব্যাখ্যা করেছেন।

দোভাষীর কাঁচা অস্বাভাবিক থেকেই আতাহুয়ালপা কতখানি যে বুঝেছেন তা তাঁর জবাবেই এবার বোঝা গেছে।

আমি পৃথিবীর যে কোন অধীশ্বরের চেয়ে বড়।—জলন্ত স্বরে তিনি বলেছেন—কারুর অধীন আমি হব না। তোমাদের সম্রাট মস্ত কেউ হতে পারেন। এত দূরে সমুদ্র পারে তোমাদের যখন তিনি পাঠাতে পেরেছেন তখন তাঁর

অসাধারণত্ব আমি স্বীকার করি। তাঁর সঙ্গে তাই আমি বন্ধুত্ব পাতাতে চাই। আর যে পোপের কথা তুমি বলছ তাঁর ত মাথা খারাপ বলে আমার মনে হয়। নইলে যা তাঁর নয় সে দেশ তিনি দান করেন কি হিসেবে? আমার ধর্ম আমি ছাড়ব না জেনে রাখো। তুমি নিজেই বলছ তোমাদের ঈশ্বরকে তাঁর তৈরী মানুষই হত্যা করেছে। আর চেয়ে দেখো, আমার ঈশ্বর এখনো নিজের দেবলোক থেকে তাঁর সন্তানদের দিকে করুণার দৃষ্টি মেলে আছেন।

পশ্চিম আকাশে কাক্সামালকার পর্বত প্রাচীরের আড়ালে রক্তিম সূর্য তখন অস্ত যাচ্ছে। সূর্যপ্রভব ইংকাবংশের শেষ সম্রাট আতাহুয়ালপাকে সেই দিকেই অঙ্গুলি নির্দেশ করে তাঁর আরাধ্য ঈশ্বরকে যে দেখাতে হয়েছিল তাঁর মধ্যেই নিয়তির নির্মম ইঙ্গিত কি ছিল না?

অস্তাচলের রাঙা সূর্যকে ইংকা সাম্রাজ্যের একেশ্বর দেবতা হিসাবে দেখিয়ে প্রায় তেমনি রক্তনেত্রে ইংকা-নরেশ আতাহুয়ালপা পাদ্রীবাবা ভালভের্দে-র দিকে চেয়ে জিজ্ঞাসা করেছেন কঠিনস্বরে—আমায় এইমাত্র যা গুনিয়েছ সেসব কথা বলবার অধিকার কে তোমায় দিয়েছে? কার হুকুমে তুমি আমার সামনে এসে দাঁড়িয়েছ?

এরপর যা ঘটেছে তার কোন বিবরণ সম্পূর্ণ সঠিক তা বলা শক্ত। প্রত্যক্ষদর্শী হয়েও একটু দূরে থাকার দরুন ঘনরামও তখনকার বিশৃঙ্খল উত্তেজনার মধ্যে ঘটনার ধারা ঠিকমত অনুসরণ করতে পারেননি।

আতাহুয়ালপার ক্রুদ্ধ কণ্ঠ শোনবার পরই তাঁর অহুচর বাহক ও প্রহরীরা অস্তির চঞ্চল হয়ে উঠেছে।

আতাহুয়ালপার রক্তচক্ষু দেখে আর জলস্ত স্বর শুনে পাদ্রীবাবা ভালভের্দেও তখন বেশ ভড়কে গিয়েছেন নিশ্চয়। তিনি নাকি তাঁর হাতের একটি বই আতাহুয়ালপার দিকে এগিয়ে দিয়ে বলেছেন,—হুকুম আমি পেয়েছি এইটি থেকে।

আতাহুয়ালপা বইটি হাতে নিয়ে দু-একটা পাতা উল্টেই নাকি রাগে ফেটে পড়েছেন। বইটি ছুঁড়ে ফেলে দিয়ে বজ্রস্বরে পাদ্রীসাহেবকে শাসিয়ে বলেছেন,—তোমার সঙ্গীদের গিয়ে বলা যে তারা এপর্যন্ত যা যা অন্বেষণ করেছে সবকিছুর জবাবদিহি না নিয়ে আমি যাব না।

এই বই ছুঁড়ে ফেলাই নাকি বারুদের গাদায় আগুনের ফুলকির কাজ করেছে, কারণ বইটি ছিল নাকি 'বাইবেল'।

পাদ্রীবাবা ভালভের্দে এরপর বাইবেলটি কুড়িয়ে নিয়ে অতিথিশালার ভেতরে

পিজারোর কাছে ছুটে ফিরে গিয়েছেন। আর তার কয়েকমুহূর্ত বাদেই যা শুরু হয়েছে তা ঘনরামের কাছেও অবিখ্যাত দুঃস্বপ্ন বলে মনে হয়েছে।

ভিড়ের মধ্যে যেখানে দাঁড়িয়েছিলেন সেখান থেকে 'বাইবেল' ছুঁড়ে ফেলার মত কোনো ব্যাপার ঘনরাম দেখতে পান নি। আতাহ্যালপাকে ঘিরে জনতার একটা ক্রুদ্ধ উত্তেজিত আলোড়নই শুধু লক্ষ্য করেছেন। পাদ্রীবাবা ভালভেদে-র ব্যস্ত হয়ে অতিথিশালার ভেতরে ছুটে যাওয়াটা অবশ্য তাঁর নজর এড়ায় নি।

কিছু একটা অপ্রত্যাশিত যে ঘটতে যাচ্ছে এটুকু তিনি ঠিকই অহুমান করেছেন। শুধু অপ্রত্যাশিত ঘটনাটা যে কি হতে পারে তা বলনাও করতে পারেন নি।

আতাহ্যালপার অভ্যর্থনার ব্যাপারটা এমন বিশৃঙ্খল হয়ে যাবার কারণ ভালো করে বোঝবার জন্তে ঘনরাম অতিথিশালার দিকেই তখন এগুতে শুরু করেছিলেন। হঠাৎ তাঁকে চমকে দাঁড়িয়ে পড়তে হয়েছে।

চমকে দাঁড়িয়ে পড়েছেন তিনি অকস্মাৎ কামানের গর্জনে।

এই সময়ে কামান গর্জে উঠল কি করে, কোথা থেকে ?

বিস্মিত বিহ্বলভাবে চারদিকে চেয়ে ঘনরাম এবার কোথা থেকে কামান ছোঁড়া হচ্ছে দেখতে পেয়েছেন। অতিথিমহল্লার প্রবেশদ্বারের দুর্গ থেকেই কামান ছোঁড়া হচ্ছে ইংকা-বাহিনীর ওপর। ছুঁড়ছে পিজারোরই সৈনিকরা। স্ককৌশলে কামান ঢেকে রেখে এতক্ষণ তারা ভেতরে লুকিয়ে ছিল।

লুকিয়ে থাকা এসপানিওল সৈন্য চারিদিকের সমস্ত অতিথিশালা থেকেই এবার পিলপিল করে বেরিয়ে এসেছে। নেতা হিসেবে তাদের চালনা করছেন স্বয়ং ফ্রানসিসকো পিজারো। 'জয় সন্ত খাগো-র! মেরে শেষ করো ওদের!' —এই চিৎকার ধ্বনি তুলে নিজের 'রিসালা' নিয়ে তিনি ঝাঁপিয়ে পড়েছেন ইংকা-বাহিনীর ওপর।

সম্পূর্ণ অতর্কিত অগ্নয় এ আক্রমণ। এর চেয়ে নীচ জঘন্য বিশ্বাসঘাতকতা আর কিছু হতে পারে না!

কিন্তু এ পৈশাচিক শঠতায় লাভ কিছু হবে কি? এত শুধু অন্ধ মূঢ়তায় সাধ করে সর্বনাশ ডেকে আনা। ইংকা নরেশের হাজার হাজার প্রহরী অল্পচর আর সৈন্যবাহিনীর মধ্যে ওই ক'টি এসপানিওল যোদ্ধা ত দেখতে দেখতে নিশ্চিহ্ন হয়ে যাবে।

তা কিন্তু হয় না।

অতিথিমহল্লার বিরাট চত্বরে আতাউল্লাহপার সঙ্গে কমপক্ষে হাজার ছয়েক সৈন্য তখন উপস্থিত। কামান-বন্দুক যাই থাক পিজারোর হয়ে লড়বার লোক ত বাষট্টিজন ঘোড়সওয়ার আর একশ ছয় পদাতিক নিয়ে সবশুদ্ধ একশ আটষট্টিজন মাত্র।

ইংক। নরেশের বাহিনী যদি একবার শুধু দুঃসংকল্প নিয়ে রুখে দাঁড়াত কামান-বন্দুক আর সওয়ারী ঘোড়া নিয়েও পিজারোর দল কতক্ষণ পারত ঘুরতে! তাদের সব গোলাবারুদ কখন যেত ফুরিয়ে, আর সেই সঙ্গে ছ' হাজার ইংক। সেনার পায়ের চাপেই তারা দলে পিষে যেত।

তার পরিবর্তে যা অসম্ভব কল্পনাতীত তাই ঘটেছে এবার। পিজারোর সওয়ার সৈনিকরা খোলা তলোয়ার এলোপাখাড়ি চালাতে চালাতে ছুটে গেছে জনতার ভেতর দিয়ে। বন্দুক-কামানের গুলিগোলা আর তীরন্দাজদের তীর এই জনতার ওপর বর্ষিত হয়েছে ঝাঁকে ঝাঁকে। নিহত আহত হয়েছে অসংখ্য ইংক। নরেশের সৈন্য। যারা তা হয়নি, তারা গুলিগোলায় ভয়ঙ্কর ধ্বনি-প্রতিধ্বনিতে আর তার অজানা উৎকট গন্ধমিশ্রিত ধোঁয়ার আতঙ্কে দিশাহারা হয়ে এ মরণফাঁদ থেকে পালাবার চেষ্টাতেই নিজেদের গুরুতরভাবে দলিতে পিষ্ট করে গেছে। পিজারোর মুষ্টিমেয় ক'জন সৈনিক সওয়ার ঘোড়া চালিয়ে আর কামান-বন্দুক ছুঁড়ে যা পারেনি ভয়ে জ্ঞানশূন্য হয়ে ইংক।বাহিনী নিজেরাই নিজেদের সে দারুণ সর্বনাশ করেছে। চত্বরে ঢোকবার ও তা থেকে বাইরে যাবার একটিমাত্র পথই ছিল খোলা। সে পথ পালাবার জন্তে ব্যাকুল ইংক। সেনাদের উন্নত ঠেলাঠেলিতেই যারা নিহত তাদের স্তূপীকৃত শবে রুদ্ধ হয়ে গেছে। শেষ পর্যন্ত শুধু মাহুঘের প্রচণ্ড চাপেই চত্বর প্রাকারের একটি মাটি ও পাথরে গাঁথা অংশ ধ্বংস পড়েছে আর সেই ফাঁক দিয়ে ইংক।বাহিনীর যারা পেরেছে তারাই ছুটে পালিয়েছে নগর ছাড়িয়ে যতদূর সম্ভব বাইরের মুক্তপ্রান্তরে।

সেখানে গিয়েও তারা রক্ষা পায়নি। হত্যার আনন্দে এসপানিওল সওয়ার সৈনিকরা তখন উন্নত। তারা অসহায় আতঙ্কবিহ্বল পলাতকদের ভেতর সুবেগে ঘোড়া ছুটিয়ে অবাধে তাদের দেহ ছিন্নভিন্ন করেছে ডাইনে-বামে তলোয়ার চালিয়ে।

ইংক। নরেশ আতাউল্লাহপার তখন কি হয়েছে? তিনিও কি এই আকস্মিক পৈশাচিক আক্রমণের শিকার হয়ে প্রাণ দিয়েছেন?

না প্রাণ তাঁকে দিতে হয়নি। দেওয়ান যদিও তাঁর পক্ষে আর ইংকা শাহাজ্যের ইতিহাসের পক্ষে গৌরবের হত।

আতাহ্যালপা তখন পিজারোর হাতে বন্দী হয়েছেন। প্রাণে মারা নয় এই বন্দী করাই ছিল পিজারোর অভিপ্রায়। আতাহ্যালপাকে জীবন্ত অবস্থায় বন্দী করবার জন্তে শেষ-পর্যন্ত পিজারো বেশ একটু আহতও হয়েছিলেন ইংকা নরেশের ওপর এসপানিওল এক সৈনিকের নিক্ষিপ্ত অস্ত্র ঠেকাতে।

সে এসপানিওল সৈনিক অর্ধৈর্ষ হয়েই নিশ্চয় ইংকা নরেশকে মারবার জন্তে অস্ত্র ছুঁড়েছিল। অর্ধৈর্ষ হবার কারণ আতাহ্যালপাকে কিছুতেই অক্ষত অবস্থায় বন্দী করবার মত বাগে না পাওয়া।

আতাহ্যালপার সঙ্গে যারা ছিল সেই বাহক-সেবক অল্পচরেরা সবাই নিরস্ত। পিজারোর সৈনিকদের অতর্কিত ভয়ঙ্কর আক্রমণের পর আর সকলের মত তারা কিন্তু পালাবার জন্তে ব্যাকুল হয়নি। তারা সকলে অভিজাত বংশের বীর। এই কল্পনাভীত বিভীষিকার মধ্যেও তারা তাদের অধীশ্বরকে রক্ষা করবার জন্তে নিরস্ত অবস্থাতেই মরণশয় করে যুঝেছে।

পিজারোর আদেশ ছিল আতাহ্যালপাকে বিন্দুমাত্র আহত না করে বন্দী করতে হবে। অতর্কিত আক্রমণে গোড়া থেকেই এসপানিওল সওয়ার সৈনিকরা সেই চেষ্টা করেও কিন্তু সফল হয়নি। সওয়ার সৈনিকরা ঘোড়ার ওপর থেকে খোলা তলোয়ার চালিয়েছে আর নিরস্ত নিরুপায় ইংকাবীরেরা তাদের বাধা দেবার চেষ্টা করেছে জীবন তুচ্ছ করে সে ঘোড়ার লাগাম ধরে ঝুলে পড়ে। একের পর এক বীর কাটা পড়েছে কিন্তু তার জায়গা নেবার লোকের অভাব হয়নি।

এদিকে সূর্য অস্ত গিয়ে সন্ধ্যার অন্ধকার ক্রমে গাঢ় হয়ে আসছে। পিজারোর সৈনিকদের ভয় হয়েছে শেষ পর্যন্ত সেই অন্ধকার বিশৃঙ্খলার মধ্যে ইংকা নরেশ তাদের খপ্পর থেকে না পালাবার সূযোগ পায়। অসহিষ্ণু এক সৈনিক তখনই আতাহ্যালপাকে লক্ষ্য করে বল্লম ছুঁড়ে মেরেছে আর নিজে আহত হয়ে সে বল্লম ঠেকিয়েছেন স্বয়ং পিজারো।

সে সন্ধ্যার একতরফা হত্যাতাণ্ডবে এসপানিওলদের নিজেদের ক্ষতির পরিমাণ নাকি ওইটুকুই! পিজারো ছাড়া তাঁর সৈন্য-সামন্তদের একজনও নাকি বিন্দুমাত্র আহত হয়নি।

পিজারোর ওই আঘাতটুকু নেওয়া অবশ্য সার্থক হয়েছে পুরোমাত্রায়।

কিছুক্ষণ বাদেই শিবিকাবাহী বীরদের প্রায় সবাই একে একে প্রাণ দেবার পর আতাহয়্যালপার শিবিকাই ভেঙ্গে পড়েছে মাটিতে। পিজারো আর তাঁর কয়েকজন সঙ্গী ইংকা নরেশকে সেই অবস্থাতেই বন্দী করে নিয়ে গেছেন অতিথিশালার একটি পাহারা দেওয়া কামরায়। আতাহয়্যালপার মাথায় রাজ-চক্রবর্তীর প্রতীক-চিহ্ন রক্তিম 'বোর্লা' তখন আর নেই। তাঁর শিবিকা ভেঙে পড়ার সঙ্গে সঙ্গেই সাধারণ এক সৈনিক তা ছিনিয়ে নিয়েছে।

এই বোর্লা ছিনিয়ে নেওয়ার দৃশ্যটুকু ঘনরাম নিজের চোখেই দেখেছেন। অবিশ্বাস এ হত্যাতাণ্ডব স্তম্ভ হবার পর প্রথমটা বিমূঢ় হয়ে দাঁড়িয়ে পড়লেও তারপর তিনি আতাহয়্যালপার শিবিকা ঘিরে যেখানে উন্নত সংগ্রাম চলেছে সেইদিকেই অগ্রসর হবার চেষ্টা করেছেন।

অগ্রসর হওয়া অবশ্য সহজ হয়নি। মাস্তুষের উন্নত বস্ত্রাশ্রোত ঠেলে কাছাকাছি যখন গিয়ে পৌঁছোতে পেরেছেন তখন সেখানকার নিষ্ঠুর করুণ নাটক শেষ হয়ে এসেছে। রক্তাক্ত বাহকরা ধরাশায়ী হবার সঙ্গে সঙ্গে ইংকা নরেশের টলমল শিবিকা মাটিতে ভেঙে পড়েছে এবার, আর ঘনরামের চোখের ওপরেই মিশুরেল এসতেতে নামে এক সাধারণ সৈনিক আতাহয়্যালপার মাথার বোর্লা খুলে নিয়েছে টান মেরে।

ঘনরামের ডান হাতটা আপনা থেকেই তাঁর কোমরে বাঁধা তলোয়ারের হাতলের ওপর গিয়ে একবার পড়েছিল। তৎক্ষণাৎ নিজেকে তিনি কিন্তু সামলে নিয়েছেন। বুঝেছেন যে নীরবে নিম্পন্দ দর্শকমাত্র হওয়া ছাড়া তাঁর করণীয় আর কিছু নেই।

করণীয় সত্যিই কি কিছু তাঁর ছিল ?

করণীয় কিছু আছে মনে করেই কি তিনি এতক্ষণ তাহলে প্রাণপণে আতাহয়্যালপার শিবিকার কাছে পৌঁছোবার চেষ্টা করেছিলেন ?

কিই বা তাঁর পক্ষে করা সম্ভব ছিল ? কি তিনি চেয়েছিলেন করতে ?

কাক্সামালকা নগরের কয়েকটি অদ্ভুত পরবর্তী ঘটনায় তার আভাস পরে হয়ত পাওয়া যেতে পারে।

সেই মুহূর্তে ঘনরাম কিন্তু নির্লিপ্ত দর্শকের মতই সবকিছু দেখেছেন, তারপর নিঃশব্দে একসময়ে অতিথিমহল্লার চত্বর ছেড়েই বেরিয়ে গেছেন রাতের গাঢ় অন্ধকারে। আতাহয়্যালপার সম্মানে আয়োজিত পিজারোর ভোজসভায় সে রাত্রে তাঁকে দেখা যায় নি।

হ্যাঁ, পিজারো তাঁর কথার মর্যাদা রেখে সত্যিই সেই রাতে ইংকা নরেশকে ভোজ দিয়েছেন। কয়েক ঘণ্টা আগে যেখানে ইংকাবাহিনীর রক্তবছা বয়ে গেছে কাকসামালকার সেই অতিথিমহলেরই একটি বিরাট হলে ভোজসভার আয়োজন হয়েছে। পিজারো আতাহয়ালপাকে সম্মানে নিজের পাশের আসনে বসিয়ে আপ্যায়িত করেছেন।

সেই ভোজসভায় উপস্থিত থাকার সৌভাগ্য যাদের হয়েছিল তারা আতাহয়ালপাকে দেখে বেশ একটু বিস্মিতই হয়েছে। কল্পনাতেই এই আকস্মিক ভয়ঙ্কর ভাগ্যবিপর্যয়ের পর ইংকা নরেশ বিমূঢ় বিহ্বলতায় বিবশ হয়ে পড়লে অবাধ হবার কিছু ছিল না। ভেতরে ভেতরে তাঁর মনের মধ্যে যে আলোড়নই চলুক আতাহয়ালপার বাইরের চেহারায় তার বিন্দুমাত্র আভাস কিন্তু কেউ দেখতে পারনি। সম্রাটোচিত প্রশান্তিই প্রকাশ পেয়েছে তাঁর মুখের ভাবে। তিনি যেন নিজের ঔদার্যে অহুগ্রহ করে এই অজানা বিদেশীদের ভোজসভা অলঙ্ঘন করতে এসেছেন মনে হয়েছে তাঁর আলাপে আচরণে।

পিজারোর এই পৈশাচিক শঠতা সম্বন্ধেও আতাহয়ালপা প্রশংসাসূচক মন্তব্য করেছেন বলে এই ভোজসভার একজন নিমন্ত্রিত প্রত্যক্ষদর্শী বিবরণ রেখে গেছেন।

আতাহয়ালপা কি সত্যিই তাঁর বন্দীদের সম্পূর্ণ ভয়াবহ তাৎপর্য তখনও বোঝেন নি? না, এতবড় বিরাট সাম্রাজ্যের বৃকের একটি কোণে মুষ্টিমেয় ক'জন বিদেশী শত্রুর উন্নত বাতুল স্পর্ধার উপযুক্ত জবাব দিতে ইংকা রাজশক্তির দেবী হবে না, নিশ্চিত নিশ্চিত এই বিশ্বাসে পিজারো আর তাঁর সঙ্গীদের একটু প্রচ্ছন্ন বিদ্রোহ করেছেন মাত্র।

একুশ

আতাহুয়ালপা যখন পিজারোর ভোজসভার আপ্যায়িত হচ্ছেন ঘনরাম তখন কাক্সামালকা নগরের বাইরে উষ্ণ প্রস্রবণের কাছে ইংকা নরেশের নিজের বিশ্রাম-শিবিরের একটি বেদীর ওপর একলা বসে আছেন।

এই জায়গাটিতে এসে বসবার আগে বহুক্ষণ নগরের বাইরের প্রান্তরে তিনি প্রায় অপ্রকৃতিস্বের মত ঘুরে বেড়িয়েছেন। পিজারোর এই পৈশাচিক শঠতায় তাঁর সমস্ত শরীর মন তখন আশ্রনের মত জ্বলছে। কাক্সামালকা শহরে কিছুক্ষণ আগে যে হত্যাতাণ্ডব হয়ে গেল তাতে তাঁর বিন্দুমাত্র হাত নেই। কিন্তু প্রত্যক্ষ যোগ না থাকলেও এই অবিশ্বাস্ত পরিণামের নিমিত্তমাত্র হিসাবেও তাঁর কিছুটা দায়িত্বও অস্বীকার করবার নয়। ‘সূর্য কাঁদলে সোনা’র দেশের অভিযান সফল করবার জন্তে চেষ্টার ক্রটি ত সত্যিই তাঁর ছিল না।

সে সাফল্যের এই চেহারা শুধু যদি তিনি কল্পনা করতে পারতেন! নির্যম পৈশাচিকতায় এই সোনার দেশে রক্তগন্ধা বহাবার তিনি সহায় হবেন জানলে কাপিতান সানসেদোর গণনা সফল করবার জন্ত এমন ব্যাকুল তিনি নিশ্চয় হতেন না। কাপিতান সানসেদোর গণনায় এত কিছু ধরা পড়া সত্ত্বেও এই ভয়ঙ্কর নিয়তির কোনো আভাস কেন পাওয়া যায় নি?

এই নিয়তি ঘটনার স্রোতকে কোন অমোঘ সর্বনাশের দিকে এগিয়ে নিচ্ছে চলেছে তা তিনি জানেন না। জানতেও তা চান না। ফল যাই হোক তাঁর জীবনের একমাত্র কাজ এখন এই নিয়তির গতিতে বাধা দেওয়া।

এখনো হয়ত একেবারে হতাশ হবার কিছু হয়নি। সর্বনাশা ঘটনা-প্রবাহের মুখ ফিরিয়ে এখনো হয়ত জল্লাদ পিশাচদের অত্যাচারের উপযুক্ত জবাব দেওয়া যায়।

অজ্ঞভেদী পর্বতশৃঙ্গের দেশের সমগ্র সাম্রাজ্য-শক্তির দরকার নেই। এই কাক্সামালকা শহরের ইংকাবাহিনী আর নাগরিকদের একবার ঋখে দাঁড় করাতে পারলেই এসপানিওল পিশাচেরা ফুৎকারে উড়ে যাবে এ পর্বতশিখর থেকে।

ইংকা নরেশের সেনাবাহিনী আর কাক্সামালকার নাগরিকেরা তখন

আতঙ্কে উন্নত হয়ে শহর ছাড়িয়ে দিখিদিবক্জনশূন্য হয়ে ছুটে পালাতে ব্যস্ত।

ঘনরাম ইংকা বাহিনীর একজন সৈনিককেই ধরে থামিয়েছেন। কোথায় পালাচ্ছ? লজ্জা করে না তোমার!—বলেছেন তীব্র কঠিন স্বরে।

ঘনরামের হাত ছাড়াবার চেষ্টায় আকুলি-বিকুলি করতে করতে লোকটা পশুস্বলভ একটা আর্তধ্বনি ছাড়া একটা স্পষ্ট শব্দও উচ্চারণ করতে পারে নি। আবছা অন্ধকারেও লোকটার মুখে কসাই-এর হাতে-পড়া মেঘশিশুর কাতর ভয়-বিহ্বলতা শুধু দেখা গিয়েছে।

তাকে ছেড়ে দিয়ে আরো অনেককে ঘনরাম থামিয়েছেন। ছ-একজন তাঁর কথার জবাবও দিতে পেরেছে।

সে জবাব শুনে হতাশায় স্তব্ধ হয়ে গেছেন ঘনরাম।

আকাশের বজ্র বাদ্যের অজ্ঞ, বিদ্যুৎগতি দানবীয় পশু বাদ্যের বাহন, গায়েব বর্ণ বাদ্যের তুষারের মত শুভ্র সেই অতিমানবদের বিরুদ্ধে যোরাবার চেষ্টাই বাতুলতা!—আতঙ্কবিহ্বল আর্তনার হিসাবে এই বিবাসই নানাভাবে ধ্বনিত হয়েছে নানাঙ্গনের মুখে।

বহুক্ষণ পর্যন্ত একজনকেও ফেরাবার চেষ্টায় বিফল হয়ে ঘনরাম অবশেষে এই বেদীর ওপর এসে বসেছেন ক্লান্ত হতাশায়।

অবসন্ন হতাশায় সারা রাতই হয়ত ঘনরাম সেই উষ্ণ প্রাশ্রবণের কাছে ইংকা নরেশের বিশ্রাম-শিবিরের পাষণ বেদিকার ওপর বসে থাকতেন।

কিন্তু তা থাকা তাঁর হয় নি।

হঠাৎ রাত্রির অন্ধকারে অদূরে তিনি একটা তীব্র আর্তনাদ শুনে অস্থির চঞ্চল হয়ে উঠে দাঁড়িয়েছেন। এই ভয়ঙ্কর পিশাচ-তাণ্ডবের রাতে তীব্র কোন আর্তনাদ সচকিত বিন্মিত করবার মত কিছু নয় অবশ্য। এর আগে বহু আর্তনাদই তিনি শুনেছেন কাছে দূরে, রাত্রির আকাশে যা আতঙ্কের শিহর তুলেছে।

সে সব আর্তনাদ শুনে উত্তেজিত হলেও বিশেষ কিছু করতে তিনি পারেন নি। আর্তধ্বনির উৎসস্থান অনুমান করে কয়েক পা যেতে-না-যেতেই সে ধ্বনি মিলিয়ে গেছে। বেশীর ভাগ আর্তনাদের উৎপত্তি স্থান খুঁজে বার করা সম্ভব হয়নি। ছ-একবার তা পারলেও সেখানে উপস্থিত হয়ে কোন হতভাগ্য ইংকা সৈনিক কি প্রজ্ঞার মৃতদেহই শুধু পড়ে থাকতে দেখেছেন যার অঙ্গহার নিরস্ত্র দেহের ওপর বীর এসপানিওল রিশালাদার বোড়ার ওপর থেকে তার ইম্পাতের

তলোয়ারের ধার পরীক্ষা করে গেছে।

এবারে শুধু তীব্র আর্তনাদ শুনেই স্মৃত্যং তিনি বিচলিত হয়ে ওঠেন নি।
বিচলিত হয়েছেন এ আর্তনাদ নারীকণ্ঠের বলে।

শুধু নারীকণ্ঠের বললেও তার ষথার্থ পরিচয় দেওয়া হয় না। স্মৃথাময়
অপার্থিব কোন বিহঙ্গই যেন মানবীর কণ্ঠ অহুকরণ করে এ আর্তধ্বনি তুলেছে!

পুক্ণের গলার কাতর চিংকার এ পর্যন্ত যা শোনা গেছে তা দীর্ঘ হয় নি
কোনবারই। একবার কি বড়জোর ছবায়ের পরই তা স্তব্ধ হয়ে গেছে নিহত
হতভাগ্যের রুদ্ধকণ্ঠে।

এ আর্তধ্বনি কিন্তু ক্ষীণ হয়ে এলেও একেবারে থামেনি। হত্যা নয় হরণ
করার উদ্দেশ্যেই কোন নারীকে যে ধরে নিয়ে যাওয়া হচ্ছে তা বোঝা গেছে
করণ আর্তনাদের এই ধরন থেকে।

আর্তনাদ কোন দিক থেকে আসছে তা অস্হমান করতে দেবী হয় নি
ঘনরামের। তৎক্ষণাৎ সেই দিকে তিনি ছুটে গেছেন কিন্তু বিপন্নাকে সত্যিই
উদ্ধার বা সাহায্য করার বিশেষ কোন আশা মনের মধ্যে রাখেন নি।

আশা না রাখবার কারণ এই যে, রিসালাদার সওয়ার সৈন্ত ছাড়া রাতের
অন্ধকারে এতদূর পর্যন্ত কেউ যে হত্যাবিলাসে মাততে আসে নি তা তিনি
জানেন। তাদেরই কেউ নিশ্চয় কোন অসহায় নারীকে জোর করে ধরে নিয়ে
চলেছে। তিনি যত জোরেই ছুটে যান না কেন ঘোড়সওয়ারের সঙ্গে পাল্লা
দেওয়া তাঁর পক্ষে সম্ভব নয়। নিফল জেনেও আর্তধ্বনি অহুকরণ করে ছোট্ট
কিন্তু তিনি বন্ধ করতে পারেন না।

অন্ধকারে কিছুদূর ছুটে যাবার পরই একটা ব্যাপারে তিনি বিস্মিত হন।
অসহায় আর্ত বিলাপটা তখন ক্ষীণ হতে হতে প্রায় থেমে এসেছে। কিন্তু সেটা
এতক্ষণে যত দূরে মিলিয়ে যাবার কথা ছিল তা ত যায় নি! এই নিস্তব্ধ প্রান্তরে
ঘোড়ার দ্রুত শব্দও পাওয়া যাচ্ছে না।

হঠাৎ সামান্য একটু আশার আলো তাঁর মনের মধ্যে ঝিলিক দিয়ে ওঠে।
ঘনরাম নিজের গতি বিশেষ না কমালেও পদশব্দ সম্বন্ধে একটু সাবধান হন।

আকাশে ক্ষীণ একটু জ্যোৎস্নাও নেই। তবু তারার আলোতেই অস্পষ্টভাবে
কিছুদূর পর্যন্ত দেখা যায়।

ঘনরাম অস্হমান যা করেছিলেন তাই ঠিক। এসপানিওল সওয়ার সৈনিক
আর তার ঘোড়াটাকে এবার আবছাভাবে দেখা যাচ্ছে। ঘোড়াটা দাঁড়িয়ে

আছে আর সওয়ার সৈনিক নিচে নেমে ঘোড়াটার পিঠের ওপর যা বাঁধবার চেষ্টা করছে তা নিশ্চয়ই তার বন্দিনীর প্রায় অসাড় দেহ ।

বন্দিনীর ঘোড়াবার শক্তি আর নেই বললেই হয়, তবু দুর্বল অবশ শরীরে এখনো সে মাঝে মাঝে উম্মাদের মত মুক্তি পাবার জন্তে অস্থির হয়ে উঠছে । বেঁধে ফেলাটা সওয়ার সৈনিকের পক্ষে তাই সহজ হচ্ছে না । - বিনা বাধায় এই লুপ্তিত নারী শিকারটিকে ধরে নিয়ে যাওয়া সম্ভব হয় নি বলেই সওয়ার সৈনিককে এরকমভাবে বাঁধবার ব্যবস্থা করতে হয়েছে মনে হয় ।

সওয়ার সৈনিক এ নারীরত্নকে অক্ষত অবস্থায় ধরে নিয়ে যাওয়ার জন্তে লুক্ক না হলে তার নাগাল পাওয়ার সুযোগ ঘনরাম নিশ্চয় পেতেন না ।

অনেকটা কাছাকাছি গিয়েও ঘনরাম কিন্তু ইংকা নরেশের বিশ্রামাগারের প্রান্তে একটি স্তম্ভের আড়ালে নিঃশব্দে নিশ্চেষ্ট হয়ে দাঁড়িয়ে থাকেন ।

সওয়ার সৈনিক মেয়েটিকে বাঁধা শেষ করে নিজে এবার ঘোড়ার পিঠে উঠতে যায় ।

কিন্তু রেকাবে পা দিতে গিয়ে তাকে চমকে নেমে দাঁড়াতে হয় ।

অন্ধকার নির্জন প্রান্তরে একটা ঘেন অশরীরী ধ্বনি হঠাৎ শোনা গেছে কঠিন ধমকের সুরে,—‘পারে !’

‘পারে !’ অর্থাৎ হয়ে এসপানিওল বীর এবার একটু সম্বস্তভাবেই চারিদিকে চায় । ‘পারে’—মানে থামো । এমন সময় এই জারগায় কে তাকে এই ধমকের সুরে থামতে বলতে পারে ! স্বয়ং ইংকা নরেশকে বন্দী করার পর আজ রক্তবন্ধ্যা বইয়ে এই অবাধ হুল্লোড়ের দিন এরকম হুকুম দেবার আহাম্মকী কোন সেনাপতিও ত করবেন না ।

সওয়ার সৈনিকের গায়ে একটু কাঁটা দিয়ে ওঠে সত্যিই । বিশেষ করে দূরের একটা স্তম্ভের আড়াল থেকে একটা অস্পষ্ট ছায়ামূর্তিকে বেরিয়ে আসতে দেখে একবার বুকটা কঁপেও ওঠে ।

কিন্তু ভেতরে যাই হোক, সাত সমুদ্র পেরিয়ে এই অজানা রহস্যের দেশে সমস্ত বিপদ তুচ্ছ করে আসবার মুরোদ যার হয়েছে এত সহজে সে বেশামাল হয় না । ধমক দেওয়া হুকুমের পাঁটা জবাব তাকে দিতেই হয় ।

‘পারে !’ বলে হুকুমটার শব্দই একটু ঘুরিয়ে সে দাঁত থিঁচিয়ে বলে ওঠে,—
পেরো ! কুইয়েন এস্তা তু ?

কে তুই কুত্তা ? এত বড় অপমান শুনেও ছায়ামূর্তির কোন চাঞ্চল্য কিন্তু

দেখা যায় না। ঠিক যেন একটা অসাড় কবন্ধের মত নিঃশব্দে ধীরে ধীরে মূর্তিটা এগিয়ে আসে।

কবন্ধের মত মনে হবার কারণটা বুঝতে সওয়ার সৈনিকের দেবী হয় না। কিছুটা কাছাকাছি আসার দরুন দেখা যায় যে মূর্তিটার মুখটা মুখোশের মত কালো পর্দায় যেন ঢাকা।

এসপানিওল বীর নিজের অজান্তেই দু পা পিছিয়ে যায় এবার। কোমরের খাপ থেকে তলোয়ারটা খুলে সে তখন হাতে নিয়েছে।

মূর্তিটা কিন্তু তখনও নির্বিকারভাবে নিঃশব্দে এগিয়ে আসছে। তার কোমরবন্ধ থেকেও খাপে-ভরা তলোয়ারটা খুলতে দেখা যায়। কিন্তু সে তলোয়ার খোলবার বিন্দুমাত্র চেষ্টা না করে মূর্তিটা মাথার ওপর দু হাত তুলে কি যেন করে মনে হয়।

সওয়ার সৈনিক হাত তোলার মানে বোঝবার জগ্গে আর অবশ্য অপেক্ষা করে না। মূর্তিটা আরেক পা বাড়াত্তে-না-বাড়াত্তে খোলা তলোয়ার নিয়ে হিংস্রভাবে তার ওপর ঝাঁপিয়ে পড়ে।

ওই ঝাঁপিয়ে পড়াই সার। হঠাৎ কি যেন কোথা দিয়ে হয়ে যায় এসপানিওল বীর বুঝতেই পারে না।

ঝাঁপিয়ে পড়ার পরমুহুর্তে দেখা যায় সওয়ার সৈনিক মাটির ওপর সচাপ্টে আছড়ে পড়ে আছে। তার শিখিল হাত থেকে তলোয়ারটা ছিটকে পড়েছে একটু দূরে। মুখোশ ঢাকা মূর্তিটা কাছে এসে সে তলোয়ারটা ফুড়িয়ে নেয়। তারপর যা করে তা অদ্ভুত। অন্ধকারেই সেই তলোয়ারটা সৈনিকের মুখের ওপর একটু শুধু যেন সে কাঁপায়।

কপালে হাতটা তুলে সওয়ার সৈনিক অক্ষুট একটা চিৎকার করে ওঠে এবার।

চিৎকার শুধু কপালের ওপর সূক্ষ্ম আঘাতের জগ্গেই নয়। তার তলোয়ারটা সেই ভয়ঙ্কর মূর্তি নিজের হাঁটুর ওপর নিয়ে এক চাপে তখন দু টুকরো করে ফেলেছে। ভাঙা টুকরো দুটো সৈনিকের দিকে ছুঁড়ে-দিয়ে মূর্তিটা তারই ঘোড়ার ওপর লাফিয়ে গিয়ে উঠে সবেগে সেটা খোলা প্রান্তরে ছুটিয়ে দেয়।

বাইশ

পরের দিন সকালে ঘনরামকে তাঁর নির্দিষ্ট সেনাবাসে ঠিক মতই দেখা যায়।

আগের রাতের হত্যাভাণ্ডের উত্তেজনার পর ক্লান্ত সৈনিকদের কোন কিছু খুঁটিয়ে লক্ষ্য করবার মত তখন অবস্থা নয়। সে অবস্থা থাকলে একজন এসপ্যানিওল সৈনিকের কপালের ওপরকার অদ্ভুত কাটা দাগটা অনেকেরই বোধহয় বিস্ময় জাগাত।

তার কপালের ঠিক মাঝখানে নাকের ওপর কে যেন সূক্ষ্ম ছুরির কলা দিয়ে গুণক চিহ্নের মত দুটো লম্বা ঢা়া কেটে দিয়েছে।

শুধু তার কপালের ওই কাটা দাগ নয়, তার মুখের চেহারাও লক্ষ্য করবার মত। কি যেন এক অজানা আতঙ্কে তার মুখ ফ্যাকাশে হয়ে আছে তখনও।

সেই সৈনিককে ছাড়া ঘনরামকেও লক্ষ্য করবার মত কিছু ছিল। ঘনরামের এরকম চেহারা আগে কখনো অন্তত দেখা যায় নি। তাঁর সঙ্গে ঘনিষ্ঠভাবে যারা পরিচিত তাদের কেউ, যেমন কাপিতান সানসেদোও ঘনরামের এ চেহারা দেখলে বোধহয় চিন্তিত হতেন।

না, বেশী বা অল্প ঘনরাম কোন রকম আহত হন নি। আগের রাত্রে তাঁর মুখে যে ক্লান্ত হতাশার ছাপ পড়েছিল তা সম্পূর্ণ মুছে না গেলেও তার চেয়ে আরেকটা রহস্যজনক কিছু তাঁর মুখের ওপর যেন গভীর ছায়া ফেলেছে। ভাষা-ভাষাভাবে দেখলে সেটা এক রকম অগ্ৰমনস্কতা বলেই মনে করবার মত। বাইরে যাই করুন ভেতরে ভেতরে তিনি যেন আর কোন দূর ভাবনায় তন্ময় হয়ে আছেন।

অতিথিমহল্লার সৈন্য শিবিরে ফিরে ঘনরাম অবশ্য নিজের ভাবনায় তন্ময় হয়েই সময় কাটান নি। তাঁর প্রথম কাজ হয়েছে গত দিনের অবিশ্বাস্ত ব্যাপার কেমন করে সম্ভব হল তার বিবরণ সংগ্রহ করা।

যা ঘটেছে তার পেছনে শুধু আকস্মিক উত্তেজনা যে ছিল না, সমস্ত ব্যাপারটা যে আগে থাকতে সুপরিকল্পিত, ঘনরাম তার সমস্ত খুঁটিনাটি প্রমাণই ক্রমে ক্রমে পেয়েছেন।

বাতুল হাশ্বকর বলে যা ধরে নেওয়া হয়েছিল হেরাদার সেই পরামর্শই গ্রহণ করেছেন পিজারো আর তাঁর সাদ্দপাদরা। মাকিয়াভেল্লী থেকে চুরি করে হেরাদা সিসিলির পিশাচ আগাথোক্লিস-এর সার্থক শয়তানীর যে দৃষ্টান্ত দিয়েছিল তারই ছক ধরে পিজারো ইংকা নরেশকে হাতের মুঠোয় নেবার কূট কৌশল সাজিয়েছেন।

কাকসামালকা শহরের অতিথিমহল্লার মাঝখানে যে বিরাট উদ্যান প্রাঙ্গণ তার তিন দিক বিশাল সব মণ্ডপালয় দিয়ে ঘেরা। সেই সব মণ্ডপের বড় বড় দরজা উদ্যান প্রাঙ্গণের দিকেই উন্মুক্ত।

পিজারো এই সব মণ্ডপের ভেতর দু ভাগে তাঁর সওয়ার সৈন্য রাখবার ব্যবস্থা করেছিলেন। পদাতিকদের তিনি রেখেছিলেন অল্প একটি আয়তনে। তা থেকে নিজের সঙ্গে তিনি বাছাই করা কুড়িজন মাত্র রেখেছিলেন বিশেষ প্রয়োজনের জন্তে। এসব ব্যবস্থা ছাড়া পেড্রো দে কাগুয়ার অধীনে ছুটি ছোট কামান সমেত কয়েকজন বন্দুকধারী তিনি রেখেছিলেন নগর তোরণের দুর্গের ভেতর।

সকলের ওপরই হুকুম ছিল নির্দিষ্ট সংকেত পাবার আগে কেউ যেন ঘুণাক্ষরে নিজের উপস্থিতি জানতে না দেয়।

নির্দিষ্ট সংকেত হল একটি কামানের আওয়াজ। সে সংকেত পাওয়ার পর যে যেখানে আছে বগাবোগে ইংকা নরেশ আর তাঁর অহুচর-বাহিনীর ওপর ঝাঁপিয়ে পড়বে এই ছিল নির্দেশ।

সংখ্যায় অনেক বেশী হলেও এই অত্যধিক আক্রমণের চমকেই শত্রুবাহিনী বিহ্বল দিশাহারা হয়ে ভেড়ার পালের মত প্রাণ দেবে ও হার মানবে এই অহুমানই ছিল পিজারোর কূট পৈশাচিক যুদ্ধ-কৌশলের ভিত্তি।

তাঁর অহুমান আশাতীতভাবে অবশ্য নির্ভুল বলে প্রমাণিত হয়েছে।

ঘনরাম এ সমস্ত বিবরণই তন্ন তন্ন করে সংগ্রহ করেছেন। কিন্তু কি লাভ তাঁর এ নীচ পৈশাচিক চক্রান্তের কথা খুঁটিয়ে জেনে? যা ঘটে গেছে তারপর কিছু কি তাঁর করবার আছে এ অন্বেষণের প্রতিবিধানের জন্তে?

সত্যিই কিছু নেই। আতাহ্যালপার নিজের সৈন্য-সামান্ত আর প্রজা-মণ্ডলীই এ নিয়তি মেনে নিয়েছে নির্বিচারে।

হত্যাতাওবের পরের দিন সকালে পিজারো যেখানে যত যতদেহ জমে আছে সমস্ত সৈন্য নগর পরিষ্কার করবার হুকুম দিয়েছেন। যতদেহ ত

দু-চারটি নয়। পিজারোর সচিব সেরেস হাজার দুয়েক ইংকা প্রজার নিহত হওয়ার কথা লিখে গেছেন। গাসিলাসো দা ভেগার চেয়েও বিশ্বাসযোগ্য আরেক বিবরণে দশ হাজার মৃতদেহের কথা পাওয়া যায়। এ বিবরণ যিনি লিখে গেছেন তিনি নিজেও একজন ইংকা বংশধর। ছয়াইনা কাপাকের তিনি নাতি, স্ততরাং আতাহুয়ালপার ভাইপো!

তাঁর বিবরণ পুরোপুরি বিশ্বাস না করলেও সেই এক ভয়ঙ্কর রাত্রে বড় জোর এক ঘটীর মধ্যে অন্তত হাজার পাঁচেক ইংকা সাম্রাজ্যের প্রজা যে পিজারোর জ্ঞানদ-সৈনিকদের হাতে প্রাণ দিয়েছিল এ বিষয়ে সন্দেহ নেই।

পিজারোর হুকুমে নগর পরিষ্কার করা হয়েছে, সেই সঙ্গে উষ্ণপ্রস্রবণ ঘেরা আতাহুয়ালপার বিশ্রাম বা বিলাস শিবির লুণ্ঠন করতেও ভুল হয় নি।

সোনা রূপোর বাসন কোন্সন গয়নাপত্রের যে স্তুপাকার সম্পদ তাতে পাওয়া গেছে তা সোনার নামে পাগল এসপানিওল সেনারা স্বপ্নেও বোধহয় আশা করতে পারে নি।

সোনাদানা নিয়ে যেমন উৎফুল্ল হয়েছে পিজারো আর তার দলবল তেমনি ফাঁপরে পড়েছে বন্দীদের সমস্তা নিয়ে।

তাদের রাজ্যেশ্বরই বন্দী হবার পর বিমুঢ় হতাশায় অতিসম্ভ্রান্ত থেকে সাধারণ অসংখ্য ইংকা প্রজা প্রায় স্বেচ্ছাতেই এসপানিওলদের কাছে আত্মসমর্পণ করেছে। স্বয়ং ইংকা নরেশকেই যারা এত সহজে বন্দী করতে পারে তাদের বিকল্পে দাঁড়াবার চেষ্টাই বুথা, ইংকা প্রজাদের এই তখন বহুমূল ধারণা। দলে দলে তারা দাসত্ব স্বীকার করেছে এসপানিওলদের।

কিন্তু এই অসংখ্য বন্দীকে নিয়ে কি করা হবে তাই কঠিন সমস্তা হয়ে দাঁড়িয়েছে পিজারোর বাহিনীর কাছে।

হোমরা-চোমরারা তো বটেই সাধারণ পাঁওদল সৈনিকরাও জনে জনে অমন দশটা বিশটা করে বিনা মাইনের খিদমদগার পেয়েছে। কিন্তু তাতে সমস্তা মেটে নি। খিদমদগার পেলেই ত হবে না, তাদের খোরাক ত যোগাতে হবে। তা জুটবে কোথা থেকে?

গরম জলের ফোয়ারাগুলির কাছাকাছি পাহাড়ী উপত্যকার প্রচুর লামার পালের সন্ধান অবশ্য পিজারো পেয়েছেন। ইংকা নরেশের রাখালরা সেখানে সে পশুপাল চরায়।

সে লামার পাল দিনে প্রায় শ'দেড়েক করে মেরে পিজারোর বাহিনীর

রসদ যোগান হয়েছে। সে বরাদ্দ থেকে গোলামদের ভাগ দেবার কথা নিশ্চয় ভাবা যায় না।

কয়েকজন তাই যুক্তি দিয়েছে বন্দীর সংখ্যা কিছু কমিয়ে ফেলবার জন্তে।
কেমন করে? কেন, শ্রেফ নিকেশ করে দিয়ে। কমপক্ষে পাঁচ-ছ হাজার
বেখানে আগেই খতম হয়ে গেছে সেখানে আর দু-তিন হাজার গেলে এমন কি
আসবে-যাবে!

এ যুক্তি অহুসারে কাজ অবশ্য হয় নি। কিন্তু পেরুবাসীদের ওপর অত্যাচার
ক্রমশ বেড়েই গেছে অবাধে।

কাক্সামালকা উপত্যকার একটি অদ্ভুত কিংবদন্তীর সূত্রপাত হয়েছে বুঝি
তখন থেকেই।

আশ্চর্য সে কিংবদন্তী। হয়ত তা পরাজিত নিপীড়িত নিরুপায় পেরুবাসীর
মিথ্যে সাদৃশ্য খোঁজার জন্তে বানানো অলীক কাহিনী মাত্র।

নিজেদের হাতে যে প্রতিকার করবার ক্ষমতা তাদের নেই, দেবতাকে দিয়ে
তাই করাবার কল্পনা করে তারা মনের আশা মেটাতে চেয়েছে হয়ত।

এ দেবতা হলেন ভীরাকোচা। হৃদয় অজানা সমুদ্রে পর্বত পার হয়ে যারা
ইংকা সাম্রাজ্যে এসেছে সেই এসপানিওলদের মতই ভীরাকোচার গায়ের রঙ
শুভ্র। তিনি নাকি এসপানিওলদের বিচার ও শাস্তি নিজের হাতে তুলে নিয়ে
কাক্সামালকার পর্বত বেষ্টিত অধিত্যকায় মাঝে মাঝে সশরীরে দেখা দেন।

এসপানিওলদের কানেও এ কিংবদন্তী পৌঁছেছে। বাইরে হেসে উড়িয়ে
দিলেও অনেকেই মনে মনে এ কাহিনী সম্পূর্ণ অবিশ্বাস করতে পারে নি।

কারণ ভীরাকোচাকে স্বচক্ষে সূক্ষ্ম না দেখলেও এ দেবতার রহস্যময়
আবির্ভাবের প্রমাণ কেউ কেউ একটু বিশ্রীভাবেই পেয়েছে।

পেরুবাসীদের ভীরাকোচা নামে দেবতাটি বেশ একটু অসাধারণ ও রহস্যময়।

ভীরাকোচা ইংকা সাম্রাজ্যের আরাধ্য সূর্যদেব নন। অথচ তাঁর প্রভাব-
প্রতিপত্তি আর মহিমা সূর্যদেবেরই সমান। এই দেবতাটি শুধু ভীরাকোচা নয়,
পাচাকামাক নামেও পরিচিত। এই নামের একটি নগর পাচাকামাক দেবতার
পীঠস্থান হিসেবে সে-সুগে বিখ্যাত ছিল। এ-নগরের অবস্থান কর্ডিলিয়ারা অর্থাৎ
আণ্ডিজ পাহাড়ের শীর্ষদেশের কোনো মালভূমিতে নয়, পশ্চিমের সমতল
সমুদ্রতীরে।

সেখানে পাচাকামাক বা ভীরাকোচার পূজামন্দিরের স্থাপত্যও ইংকা

সম্রাটদের প্রতিষ্ঠিত সূর্যমন্দিরের চেয়ে অনেক বেশী পুরানো বলে প্রত্নতাত্ত্বিকদের সিদ্ধান্ত।

পাচাকামাক বা ভীরাকোচা হলেন সেই দেবতা, সমস্ত সৃষ্টির যিনি প্রাণের উৎস। এ-সৃষ্টির রক্ষকও তিনি।

ইংকা সম্রাটরা বিজয়ীরূপে দেখা দিয়ে সমস্ত পেরু রাজ্যে যে সূর্যপূজার প্রবর্তন করেন, ভীরাকোচা দেবতা হিসাবে তার অনেক আগে থেকেই প্রতিষ্ঠিত।

ইংকা বিজয়ীরা রাজনৈতিক সুবুদ্ধির পরিচয় দিয়ে এই আগেকার দেবতাকে সূর্যদেবের সঙ্গেই সমান মর্যাদা দিয়ে স্বীকার করে নিয়েছেন। আমরা যে-রাজ্যকে পেরু বলে জানি ইংকা সম্রাটদের কাছে জিভে গিঁঠ-পড়ানো তার একটা অদ্ভুত নাম ছিল—‘তাভাস্তিন্‌সুইয়ু’। শব্দটার মানে হল, দুনিয়ার চার তরফ। এই ‘তাভাস্তিন্‌সুইয়ু’র মধ্যে ‘পাচাকামাক’-এর মন্দিরের দৈববাণীর খ্যাতি ছিল অসামান্য। সমস্ত পেরু রাজ্য থেকে তীর্থযাত্রীরা আসত এই ‘পাচাকামাক’ বা ভীরাকোচার মন্দিরে দৈববাণীর জ্ঞেয় ধরনা দিতে। ‘ভীরাকোচার’ প্রাধান্য ইংকা সম্রাটদের আরাধ্য সূর্যদেব তাই খর্ব করতে পারেননি।

আগাগোড়া শ্রামলা মাহুয়ের দেশে এই ভীরাকোচা দেবতার গায়ের রং শাদা বলে কল্পনা করা আর তাঁর মন্দির নগর ঠিক সমুদ্রকূলেই স্থাপিত থাকার মধ্যে পেরুর লুপ্ত ইতিহাসের কোনো অক্ষুট ইঙ্গিত আছে কিনা কে বলতে পারে!

এই আশ্চর্য দেবতা ভীরাকোচাই কি সত্যি এত যুগ বাদে তাঁর ভক্তদের সাহায্য করতে পৃথিবীতে নেমেছেন? এরকম কিংবদন্তী রটবার কারণ কি?

পেরু রাজ্যের প্রজারা ভীরাকোচার পুরাণ কথা শ্রবণ করেই এসপানিওলদের প্রতি প্রথম সশ্রদ্ধ আকর্ষণ অহুভব করেছিল। এসপানিওলদের গায়ের রং শাদা সুতরাং সেই সুদূর পুরাণের যুগের ভীরাকোচার সঙ্গে তাদের হয়ত কোনো সম্পর্ক থাকতে পারে—এইরকম একটা ধারণাই গোড়ায় গড়ে উঠেছিল তাদের মনে। তাদের এ-ভুল মর্যাস্তিকভাবে ভাঙতে দেয়ী হয়নি অবশ্য।

নিষ্ঠুর আঘাত পেয়ে পেয়ে কিছুদিনের মধ্যেই তারা বুঝেছে, সমস্ত সৃষ্টি ধার কাছে জীবন পেয়েছে, জীবনের যিনি পরম রক্ষক, সেই ভীরাকোচার সঙ্গে সামান্যও একটু সন্দেহ থাকলে, এসপানিওলরা এমন পিশাচ কখনো হতে পারত না।

কাক্সামালকা নগরে ইংকা নরেশ আতাহুয়ালপা পিজারোর হাতে বন্দী

হবার কয়েকদিন পর থেকেই অত্যন্ত গোপনে প্রায় চুপি চুপি একটা কথা তাই কান থেকে কানে ছড়িয়ে যেতে শুরু করেছে। কথাটা কি? কথাটা এই যে, গায়ের রং শাদা হলেও, এসপানিওলরা অনাদি জীবন-দেবতা ভীরাকোচার কেউ নয়। ভীরাকোচার সঙ্গে তাদের মিলটা একটা প্রতারণা। ওপরটাই তাদের শাদা, ভেতরটা একেবারে ঝুলের মত কালো।

ভীরাকোচার কাছে তাদের আসল চেহারা ত লুকোনো নেই। তিনি তাই যুগযুগান্তর বাদে অকস্মাৎ দেখা দিয়ে পিশাচ এসপানিওলদের উচিত শিক্ষা দিতে আরম্ভ করেছেন।

পেকুর লোকেরা এরকম আজগুবি কিছু ভেবে নিয়ে সান্না পেতে চায় ত পাক, কিন্তু এ-অদ্ভুত কিংবদন্তী এসপানিওলদের মধ্যেও ছড়িয়ে একটু-আধটু ভয় জাগালেই ভাবনার কথা। পিজারোর বিশ্বস্ত বীর সেনাপতি দে সটোর মনে সেই ভাবনাই হয়েছে।

ব্যাপারটা আলোচনা করবার জন্তে তিনি বেদে গানাদোর খোঁজ করছেন। এ-ধরনের ব্যাপারে তাঁর মতামতের একটা দাম আছে বলেই মনে হয়েছে দে সটোর।

গানাদোর খোঁজ দে সটো শেষ পর্যন্ত পেয়েছেন, কিন্তু দিন-তিনেক চেঁচা করার পর।

গানাদোকে পাকড়াও করবার পর সেই প্রশ্নই তিনি আগে করেছেন।

কোথায় ছিলে বল ত হে ক'দিন?—জিজ্ঞাসা করেছেন দে সটো,—রোজ তোমার খোঁজ করতে এসে পাইনি।

কখন খোঁজ করতে এসেছিলেন কাপিতান?—গানাদোর গলায় সঙ্গমের সঙ্গে একটু যেন অগ্নি স্বর শোনা গেছে।

দে সটো অবশ্য তা লক্ষ্য না করে বলেছেন,—কখন আবার? রোজই সন্ধ্যার পর খোঁজ করেছি তোমার ছাউনিতে। তোমায় পাইনি।

পাবেন কি করে কাপিতান,—গানাদো যেন সরলভাবেই বলেছেন,—সন্ধ্যার পর কাউকে এখন পাওয়া যায়!

কেন, পাওয়া যায় না কেন?—দে সটো অবাক হয়ে জিজ্ঞাসা করেছেন,—কোথায় যায় সবাই?

আজ্ঞে, কেউ যায় লুট করতে, আর কেউ লুকোতে,—গানাদো যেন দে সটোর মনের ভাবনাটা আঁচ করেই জবাব দিয়েছেন।

লুকোতে কি রকম?—দে সটো একটু চমকে উঠেই প্রশ্ন করেছেন এবার—এসপানিওলরা স্বর্ষিধে পেলো লুট করে, মানি। কিন্তু তাদের কেউ কেউ ভয়ে লুকোচ্ছে বলতে চাও? কার ভয়ে? এ-দেশের মানুষের?

শেষ কথাগুলো বলবার সময় দে সটোর গলায় উত্তেজনার সঙ্গে বেশ একটু রাগই ফুটে উঠেছে।

গানাদো কিন্তু তাতে বিচলিত হননি। বরং এবার একটু কৌতুকের স্বরে বলেছেন,—না, এ-দেশের মানুষের ভয়ে নয় কাপিতান, লুকোচ্ছে ভূতের ভয়ে।

ভূত আবার কি?—ধমক দিয়েছেন দে সটো,—স্পষ্ট করে বলা।

ভূতকে যে স্পষ্ট করা যায় না কাপিতান।—যেন দুঃখের সঙ্গে বলেছেন গানাদো,—আমাদের মনের অঙ্ককার সব কোণেকানাচেই যে তার আস্তানা।

বেদে গানাদোকে ধমক দিলে এইরকম ধোঁয়াটে ধাঁধাই বার হবে বুঝে দে সটো এবার নরম হয়ে সোজাসুজি তাঁর প্রশ্নটা জানিয়েছেন।

সত্যিই ভৌতিক কিছু ব্যাপার কাক্সামালকায় ঘটছে বলে তুমি মনে করো? ওরা যা বলে তার ভেতর কিছু সত্য আছে বলে তোমার ধারণা।

ওরা যা বলে, তা তাহলে আপনি জানেন?—এবার গানাদোর গলা গম্ভীর।

হ্যাঁ জানি।—দে সটো অনিচ্ছার সঙ্গে স্বীকার করেছেন,—সেইজন্তেই তুমি এ-ব্যাপারের কি কতটুকু জানো জিজ্ঞাসা করছি।

আমাকে জিজ্ঞাসা করে কি লাভ কাপিতান!—গানাদো যেন পাশ কাটাতে চেয়েছেন,—আপনার মত আমিও ওরা যা বলে সেইটুকুই জানি।

না, না,—প্রায় অহুরোধের স্বর ফুটে উঠেছে দে সটোর গলায়—আমার কাছে লুকিও না গানাদো। আমাদের সৈনিকদের মধ্যে এরকম অদ্ভুত কথা রটবার মূলে কিছু আছে কিনা আমার চেয়ে নিশ্চয় তুমি বেশী জানো। যা জানো তা বলা।

এবার খানিক চূপ করে থেকে গানাদো ধীরে ধীরে বলেছেন,—বলবার বেশী কিছু নেই কাপিতান দে সটো। এইটুকু শুধু নিজে ভেবে দেখলেও বুঝতে পারতেন যে, নেহাত হাওয়ার ওপর এরকম একটা অদ্ভুত ভয়ের গল্প এই ক’দিনে গড়ে উঠতে পারে না। কিছু একটা ভিত্তি তার আছেই।

সেই ভিত্তিটা কি তাই ত জানতে চাইছি।—দে সটোর গলায় অর্ধৈর্ষের

সঙ্গে বিশ্বয়বিহ্বলতা মেশানো,—ধবধবে শাদা ঘোড়ায় শাদা পোশাকে শাদা মুখোশ ঢাকা এক মূর্তি এসপানিগুলদের কাউকে একা পেলে হঠাৎ যেন ভোজবাজিতে যেখানে সেখানে দেখা দিয়ে তাদের আক্রমণ করে এরকম আজগুবি কল্পনার কি ভিত্তি থাকতে পারে? তুমি নিজে দেখেছ কখনো সে-মূর্তি?

না কাপিতান।—একটু যেন ভয়ে কাঁপানো গলায় বলেছেন গানাদো,—আপনাকে হলফ করে বলতে পারি, এ-মূর্তি নিজের চোখে দেখার ভাগ্য আমার হয়নি। তবে শাদা ঘোড়ায় শাদা মুখোশ-ঢাকা সওয়ার দেখার ব্যাপারটা সত্য বা কাল্পনিক যা-ই বলুন না কেন, সেইরকম অদ্ভুত কোনো কিছুর ধরবার ছোঁবার মত প্রত্যক্ষ প্রমাণ দু-একটা নেই এমন নয়।

একটু থেমে দে সটোকে তাঁর প্রশ্নটা করবার অবসর না দিয়ে গানাদো আবার বলেছেন,—প্রমাণগুলো অবশ্য লুকিয়ে রাখবার চেষ্টাই হয়েছে। যারা ভুক্তভোগী তারাই ব্যস্ত হয়েছে লুকিয়ে রাখতে। তবু রহস্যটা সম্পূর্ণ চাপা দেওয়া যায়নি।

কি বলছ তুমি আবোল-তাবোল!—দে সটো এবার একটু বিরক্তির সঙ্গেই বলেছেন,—কি প্রমাণ লুকিয়ে রাখার চেষ্টা হয়েছে? যারা ভুক্তভোগী তারাই বা প্রমাণ লুকোতে ব্যস্ত হয়েছে কেন?

ব্যস্ত হয়েছে প্রমাণগুলো একটু লজ্জার বলে।—গস্তীরভাবে বলেছেন গানাদো,—আস্ত না থেকে তলোয়ার যদি কারো ছুঁ-টুকরো হয়, তাহলে ঢাক পিটিয়ে তা জানাতে নিশ্চয় কেউ ব্যাকুল হয় না। সাহসী বীরের হাতের তলোয়ার ছুঁ-টুকরো, হওয়ার কৈফিয়ত বানানো ত সোজা নয়। ভাঙা তলোয়ার লুকিয়ে ব্যাপারটা বেমালুম চেপে যাওয়ার চেষ্টাই তাই করতে হয়। মুশ্বিল হয় শুধু কপালের কলঙ্কের দাগটা নিয়ে।

ভাঙা ছুঁ-টুকরো তলোয়ার, কপালে কলঙ্কের দাগ, এসব কি হেঁয়ালি করছ গানাদো? দে সটো ক্ষুব্ধরে বলেছেন,—আমি তোমার কাছে হেঁয়ালি শুনতে চাইনি, তার জবাব চেয়েছি।

জবাবই আপনাকে দিয়েছি কাপিতান।—এবার একটু হেসে বলেছেন গানাদো,—একটু খোঁজ নিলে ভাঙা ছুঁ-টুকরো তলোয়ার আর কপালের দাগের প্রমাণ আপনি নিজেই বার করতে পারবেন। প্রথমে ‘আরযেরিয়া’য় গিয়ে অস্ত্রাগারের ভাঁড়ারীর কাছে গত এক হস্তার মধ্যে ক’জন সৈনিক নতুন

তলোয়ারের আর্জি জানিয়েছে খবর নিন, তারপর পারেন ত কুচকাওয়াজে সবাইকে ডেকে কপাল পরীক্ষা করে দেখুন।

একটু চূপ করে দে সটোর বিমূঢ় মুখের দিকে চেয়ে গানাদো আবার বলেছেন,—কপাল পরীক্ষা করাটা এসপানিওলদের পক্ষে একটু বেশী অপমান হয়ে যাবে কাপিতান। স্ত্রতরাং তার দরকার নেই। শুধু ভাঙা তলোয়ারের হিসাবটা গোপনে নিলেই বুঝতে পারবেন একটা অদ্ভুত কিছু ঘটনা নিশ্চয়ই তার পেছনে আছে। সেই অদ্ভুত কিছু ঘটনার সঙ্গে শাদা মুখোশধারী ঘোড়সওয়ারের কিংবদন্তীর সম্পর্ক কি, আর কতটুকু, তা আপনাকে বলতে পারব না।

বেশ কিছুক্ষণ দে সটো বিশ্ববিমূঢ় হয়েই নীরব হয়ে থেকেছেন। তারপর গভীর সংশয়েরই স্বর গলায় নিয়ে বলেছেন,—ভাঙা তলোয়ারের ব্যাপারটার নির্ভুল প্রমাণ যখন আছে, তখন তার মূলে শাদা মুখোশধারী কোনো শত্রু ঘোড়সওয়ারের রহস্য থাকতেও পারে তুমি মনে করো ?

তা করি।—স্বীকার করতে যেন বাধ্য হয়েছেন গানাদো।

কিন্তু,—দে সটো তাঁর অবিশ্বাসের কারণগুলো প্রকাশ করেছেন—এই কাক্সামালকার পাহাড়ঘেরা অধিত্যকায় ওরকম শাদা ঘোড়া আর তার সওয়ার আসবে কোথা থেকে ? ঘোড়া ত এ-দেশের প্রাণী নয়। আমরা যে ক’টি সন্ধে এনেছি তাছাড়া একটি ঘোড়াও এই বিশাল রাজ্যে নেই। রোগে, অপঘাতে যে-ক’টা গেছে, তা বাদে ঘোড়া এখনো আমাদের যা আছে, তা গোনাগুনতি। সে-সব ঘোড়ার মধ্যেও সত্যিকার দুধে ঘোড়া থাকে বলে, তা ত একটাও নেই যে, বলব কেউ চুরি করে নিয়ে গিয়ে চালাচ্ছে। আমাদের কোনো ঘোড়া চুরি সত্যিই যায়নি এপর্যন্ত। তা গিয়ে থাকলেও ত রহস্যের কিনারা হয় না। মুখোশধারী সওয়ার তার ঘোড়া নিয়ে কোথা থেকে আসে, চলে যায়ই বা কোথায় ? তাহলে ব্যাপারটা কি সত্যিই ভৌতিক বলে ধরে নেওয়া ছাড়া উপায় নেই ? অশরীরী কোনো মূর্তি কি হঠাৎ দেখা দিয়ে আবার শূন্যে মিলিয়ে যায় ?

দে সটো শেষ প্রশ্নটা নিজেকেই যেন করেছেন। দরকার নেই বলেই বোধ হয় গানাদো তার কোনো জবাব দেবার চেষ্টা করেননি।

দে সটো আবার নিজেই অল্প প্রশ্ন তুলেছেন,—শাদা ঘোড়ার মুখোশধারী মূর্তি অশরীরী ছায়া মাত্র হতে পারে কিন্তু সে যা করে থাকে, তা ত অলীক স্বপ্ন গোছের কিছু নয় ! ভাঙা ছ’ টুকরো তলোয়ার আর কপালের কাটা চিহ্নের

কথা যা বলছে, তা যদি ঠিক হয়, তাহলে সে ত বিশ্রী বাস্তব সত্য। অলীক ছায়া
আর এই বাস্তব সত্যে যে মেলানো যাচ্ছে না।

মেলাবার দরকার কি কাপিতান দে সটো! এবার হেসে বলেছেন গানাদো,
—দু-চারটে ভাঙা তলোয়ার আর কপালের কাটা দাগ কত আর আপনাদের
ক্ষতি করবে? আপনাদের পেরু বিজয় তাতে আটকে থাকবে না।

তা হয়ত থাকবে না।—চিন্তিতভাবে বলেছেন দে সটো,—কিন্তু এরকম
একটা রহস্যের কিনারা না হলেও ত নয়। আস্ত তলোয়ার কেমন করে দু'
টুকরো হয়, সৈনিকদের কপালে কি করে কাটা দাগ পড়ে, তার ঠিক মত হদিস
না পেলে অজানা আতঙ্কটা ক্রমশ আসো ছড়িয়ে যাবে। ভুতুড়ে অত্যাচারটা
বাড়তে বাড়তে কতদূর পৌঁছাবে, আর কখন কার ওপর পড়বে তারই বা
ঠিক কি?

না কাপিতান।—প্রতিবাদ জানিয়েছেন গানাদো,—ভুতুড়ে রহস্যের মীমাংসা
হবে কিনা জানি না, কিন্তু যেটুকু দেখা গেছে তাতে এটুকু বোধহয় বলা যায় যে,
ভুতুড়ে অত্যাচারটা এলোপাথাড়ী খামখেয়ালীভাবে যার-তার ওপর হয়নি ও
হবে না।

তার মানে?—দে সটো সবিস্ময়ে জিজ্ঞাসা করেছেন।

তার মানে, যাকে অত্যাচার বলেছেন, তা এপর্ষন্ত যার-তার ওপরে নয়,
বাছাই-করা কয়েকজনের ওপরেই শুধু হয়েছে।

বাছাই-করা ক'জনের ওপর হয়েছে!—গানাদোর কথাটাই আবার আউড়ে
দে সটো বিমূঢ়ভাবে জানতে চেয়েছেন,—কি হিসেবে বাছাই করা?

তাদের কীর্তি ধরে বাছাই-করা। গানাদোর গলাটা একটু যেন তীব্র মনে
হয়েছে,—এ-দেশের নিরীহ অসহায় স্ত্রী-পুরুষের ওপর সবচেয়ে অগ্রায় অত্যাচার
যারা করেছে, শুধু তাদের কয়েকজনকেই যেন ভুতুড়ে সওয়ার বেছে নিয়ে শাস্তি
দিয়েছেন দেখা যাচ্ছে।

তুমি ত তাহলে এ-দেশের লোকের অঙ্ক কুসংস্কারেই সায় দিচ্ছ?—
গানাদোর দিকে সবিস্ময়ে চেয়ে বলেছেন দে সটো।

কোন অঙ্ক কুসংস্কার?—জিজ্ঞাসা করে যেন সরলভাবেই মন্তব্য করেছেন
গানাদো,—এদের অঙ্ক কুসংস্কারের ত অন্ত নেই।

এদের পুরাকালের দেবতা ভীরাকোচা সম্বন্ধে এরা যা বলছে, সেই অঙ্ক
বিশ্বাসের কথা বলছি।—দে সটো ব্যাখ্যা করে বলেছেন—ভীরাকোচাই এদের

হয়ে প্রতিশোধ নিতে নেমেছেন বলে এদের ধারণা। তুমি তা বিশ্বাস করো?

বিশ্বাস ঠিক করি না, কিন্তু অবিশ্বাসও বা পুরোপুরি করতে পারছি কই!—
গানাদো ধরাছোঁয়া না দিয়ে বলেছেন,—দেবতারা কখন কিভাবে দেখা দেন
কেউ কি জানে!

এ-দেশের দেবতাও তাহলে তুমি মানো!—সাদাগিধে মাহুয় দে সটোর
গলাতেও একটু তিক্ত বিক্রপের স্বর শোনা গেছে,—তুমি যে জাতে থিতানো,
সেটাই আমি ভুলে গিয়েছিলাম।

হ্যাঁ কাপিতান, আমি যে আসলে বেদে, সেটা আমাকেও ভুলতে দেবেন
না।—বলে গানাদো একটু অদ্ভুতভাবে হেসে চলে যাচ্ছিলেন, কিন্তু ‘দাঁড়াও’
বলে দে সটো তাঁকে থামিয়েছেন।

তারপর একটু তীক্ষ্ণ দৃষ্টিতেই তাঁর দিকে চেয়ে জিজ্ঞাসা করেছেন,—আচ্ছা,
সন্ধ্যার পর ক’দিন তোমার খুঁজে পাইনি কেন বলো ত? তুমি-ই ত বলেছ
শঙ্ক্যার পর এখন কেউ লুট করে, কেউ লুকোয়। তুমি নিজে কি করেছ?
লুটের ধান্দায় বেরিয়েছ, না লুকিয়েছ?

ছুটোর কোনটাই করিনি কাপিতান।—একটু হেসে বলেছেন গানাদো।

তাহলে?—সন্দ্বিগ্নভাবে গানাদোর দিকে তাকিয়েছেন দে সটো।

পাছে ভেঙে যায় ভয়ে একটা স্বপ্নকে আমি পাহারা দিয়ে রাত কাটিয়েছি
কাপিতান। আর সেই পাহারা দিতে গিয়ে ভীরাকোচা সত্যি কোথায় নামতে
পারেন সন্ধান নিয়েছি তারও।

হতভয় দে সটোর এরপর অনেক কিছুই হয়ত বলবার ছিল। কিন্তু
সে-স্বযোগ হয়নি। মোক্ষম হেঁয়ালিটুকু ছেড়েই গানাদো সেখান থেকে উধাও
হয়ে গেছেন।

এসপানিওলদের কাছে যিনি গানাদো আমাদের সেই ঘনরাম দে সটোর
কাছে সব শেষে যা বলেছিলেন তা কি সত্যিই নেহাত অর্থহীন হেঁয়ালি ছাড়া
আর কিছু নয়? না, তার ভেতর অল্প কোনো গূঢ় ইঙ্গিত ছিল।

পাছে ভেঙে যায় ভয়ে একটা স্বপ্নকে আমি পাহারা দিয়ে রাত কাটিয়েছি
কাপিতান।—তিনি বলেছিলেন। সেই সঙ্গে বলেছিলেন—আর সেই পাহারা
দিতে গিয়ে ভীরাকোচা সত্যি কোথায় নামতে পারেন সন্ধান নিয়েছি তারও।

ছুটো উক্তিরই ওপর থেকে বিচার করলে কোনো মানে আছে বলে মনে
হয় না। শুধু যেন একটু ধোঁয়াটে ধাঁধা তৈরী করবার জগ্গেই তা বলা।

‘খিতানো’ মানে এসপানিয়ার বেদেদের ওরকম একটু-আধটু মিথ্যে হেঁয়ালি দিয়ে বাহাদুরী করা যে স্বভাব তা দে সটোর অজানা ছিল না। শেষপর্যন্ত কথা দুটোকে তাই তিনি তেমন আমল দেন নি। গানাদোর কাছে এসপানিওল সৈনিকদের আরমেরিয়া থেকে ভাঙার বদলে নতুন তলোয়ার চাওয়ার ব্যাপারটা যা শুনেছেন তা কতখানি ঠিক যাচাই করাই তাঁর কাছে বেশী জরুরী মনে হয়েছে।

যাচাই করে যা জেনেছেন তা সত্যিই তাঁকে রীতিমত ভাবিত করে তুলেছে। একজন দুজন নয় প্রায় সাতজন সৈনিক এ ক’দিনে নতুন তলোয়ার অস্ত্রাগার থেকে নিয়ে গেছে। ব্যাপারটা খোদ কাপিতান জেনেরাল পিজারোর কানে তোলবার মত। তবে তার আগে আর একটু খোঁজ খবর নেওয়া দরকার।

সেই চেষ্টায় অস্ত্রাগারের ভাঁড়ারীর কাছে নতুন তলোয়ার যারা বদলী নিয়েছে দে সটো তাদের নাম জানতে চেয়েছেন। কিন্তু সঠিকভাবে তা জানা সম্ভব হয়নি। সত্যিকারের কেতাদুরস্ত আরমেরিয়া ত নয়, নেহাত চিলে টালা ব্যাপার। সৈনিকদের নিজেদের সঙ্গে যা থাকে তার ওপর বাড়তি অশ্রুশ্রেণী একটা সঙ্ঘ অভিযাত্রীদের সঙ্গে সঙ্গে বওয়া হয়। সকলে যার যখন যা দরকার হয় তা থেকে নেয়। নামকা ওয়াস্তে একজন ভাঁড়ারী আছে, সে খাতাপত্র কিছু রাখেনা বললেই হয়।

আর খাতাপত্র থেকে পাওয়াই বা যাবে কি! বেশীর ভাগই ত মুখু। নাম লেখার বদলে ঢেরা কাটে মাত্র। সেরকম কয়েকটা ঢেরাই শুধু খাতায় পাওয়া গেছে। সেই দিতে যারা জানে তারাও ধরা না পড়বার জন্তে ঢেরা কেটেছে কিনা কে জানে।

অস্ত্রাগারের ভাঁড়ারীর নাম সোর্টেলো। এই অভিযানেই প্রথম যোগ দিয়েছে। একটু আনাড়ি। দে সটোর তাগাদায় তলোয়ার যারা নিয়েছে তাদের একজনের নাম অতি কষ্টে সে মনে করে বলতে পেরেছে। দে সটোর ধমকে তার অপ্রস্তুত ধরনধারণে বোঝা গেছে যে একদিন লুটপাটের উত্তেজনায় সে নিজেও এমন মেতে ছিল যে আর কোনো কিছুর হাঁস রাখে নি।

একটিমাত্র যে নাম পেয়েছেন দে সটো তাই দিয়েই শুরু করেছেন তাঁর সন্ধান। খবর দিয়ে সৈনিকটিকে ডেকে পাঠিয়েছেন অতিথিশালায় তাঁর নিজের ঘরে।

সৈনিকের নাম গাল্লিয়েথো। ঠিক কাবালিয়েথো মানে ভদ্রবংশের না হলেও

একেবারে হেঁজিপেঁজি ইতর সাধারণ থেকে সেনাদলে নাম লেখায় নি। লম্বা-চওড়া বলিষ্ঠ চেহারায় একটু বড় ঘরোয়ানার ছাপ আছে। চালচলনে একটা উগ্র দাস্তিকতাও। শরীরের শক্তি সত্যিই অস্বরের মত, অল্প সৈনিকরা ছুচাবার ঠেকে শিখে তাকে একটু সমীহ করে চলে বলেই আফালনটা একটু বেশী।

দে সটো অনেক ওপরওয়লা কাপিতান। তবু গাল্লিয়েথো তার সামনে একটু যেন ব্যাজার মুখেই এসে দাঁড়িয়েছে! সে নিজে অল্প একজন সেনাপতির অধীন বলেই বোধহয় দে সটোর ডাকে আসতে বাধ্য হওয়াটা তার পছন্দ নয়।

বিরক্তিটুকু দে সটোর নজর এড়ায় নি; কিন্তু তখন অল্প একটা কারণে ভেতরে ভেতরে তিনি উত্তেজিত হয়ে উঠেছেন। বাইরে তবু সেটা দমন করে তিনি জিজ্ঞাসা করেছেন যথাসাধ্য শাস্তভাবেই,—তোমার নাম ত গাল্লিয়েথো?

হ্যাঁ,—দে সটোকে যেন কথাটা স্মরণ করিয়ে দেবার জন্তেই অতিরিক্ত পরিচয় দিয়ে বলেছে,—দে কাণ্ডিয়া আমাদের দলপতি।

অযাচিত এ অতিরিক্ত খবরটুকু দেওয়ার মধ্যে ইঙ্গিত নিশ্চয় এই যে দলপতি ছাড়া আর কারুর কোনো সৈনিককে এভাবে তলব করা ঠিক দস্তুর নয়।

দে সটো এ ইঙ্গিত বোঝেন নি এমন নয়, কিন্তু তা অগ্রাহ্য করে এবার একটু কঠিন গলায় জানতে চেয়েছেন—তুমি আরমেরিয়া থেকে নতুন তলোয়ার নিয়েছ কেন?

নতুন তলোয়ার! প্রথমটায় চমকে ওঠার পর এক মুহূর্তের মধ্যে গাল্লিয়েথোর মুখ লাল হয়ে উঠেছে রাগে।

কে বললে আমি নতুন তলোয়ার নিয়েছি! গলার স্বরেই বোঝা গেছে যে বেশ একটু কষ্ট করেই তাকে নিজেকে সামলাতে হচ্ছে।

আমি বলছি!—গাল্লিয়েথোর দিকে একদৃষ্টে চেয়ে জলদগন্তীর স্বরে বলেছেন দে সটো,—তাড়াতাড়ি জবাব দাও আমার প্রশ্নের। নতুন তলোয়ার কেন তোমার দরকার হল?

গাল্লিয়েথো খানিকক্ষণ চুপ করে থেকেছে। তার চোখ মুখের ভাব দেখে এমন সন্দেহও একবার হয়েছে যে সে হয়ত হঠাৎ বেপরোয়া হয়ে সেনাদের অবশ্য-বাধ্যতার অলজ্য আইনটাই ভেঙে বসবে।

কিন্তু তা সে করে নি। সম্ভবতঃ প্রতিবাদ নিষ্ফল বুঝেই এবার অল্প ভক্তি

নিয়েছে। একটু চাপা তাচ্ছিল্যের সঙ্গে যেন সহজভাবে জবাব দিয়েছে,—
নতুন তলোয়ার যে জন্মে দরকার হয় সেই জন্মেই নিয়েছি। আগেরটা ভেঙে
গেছে বলে।

আগেরটা ভাঙল কি করে? দে সটোর সেই বজ্রগম্ভীর স্বর।

গাল্লিয়েথো আবার খানিক চূপ করে থেকেছে। বোধহয় ভাববার সময়
নেবার জন্মেই। জিভের ডগায় তার যে উত্তরটা আপনা থেকে উঠে এসেছে,
সেটা খুব বিনীত বোধহয় নয়। সেটাকে একটু বদলে তাই সে প্রশ্নের আকার
দিয়েছে।

কি করে ভাঙল তার কৈফিয়ত দিতে হবে? আগে ত কখন হ'ত না।

আগে না হলেও এখন দিতে হবে। গাল্লিয়েথো সম্বন্ধে রীতিমত সন্দিগ্ধ হয়ে
উঠে দে সটো কড়া গলায় জিজ্ঞাসা করেছেন,—আগে কখনো তোমার তলোয়ার
ভেঙেছে কি?

না, ভাঙে নি। গাল্লিয়েথোর গলার ঔদ্ধতাটা সম্পূর্ণ চাপা থাকে নি,—
ভেঙেছে এইবারই। তলোয়ার কি কারুর কখনো ভাঙে না!

নিশ্চয়ই ভাঙে। তীক্ষ্ণদৃষ্টিতে তার দিকে চেয়ে বলেছেন দে সটো,—স্বতরাং
কি করে ভেঙেছে বলতে তোমার এত আপত্তি কেন!

আপত্তি!—গাল্লিয়েথো যেন অবাক হয়ে অস্বীকার করে বলেছে—আপত্তি
থাকবে কেন? ব্যাপারটা বলার মত কিছু নয় তাই বলতে চাইনি। খোলা
তলোয়ার নিয়ে এ দেশী কটা হতভাগাকে বরনামহল থেকে তাড়িয়ে বার
করছিলাম। হঠাৎ ঘোড়াটা হৌচট থেয়ে পড়ায় তলোয়ারের ফলাটা একটা
পাথরে থামে লেগে ছুটুকরো হয়ে যায়।

কৈফিয়তটা বেশ সাজানো গোছানো। খুঁত ধরবার কিছু নেই।

সেই জন্মেই কি দে সটো চূপ করে গিয়ে শুধু একটু ভ্রুকুটিভরে গাল্লিয়েথোর
দিকে তাকিয়ে থাকেন।

তা যে নয় তা তাঁর পরের কথাতেই বোঝা যায়। তীক্ষ্ণ তীব্র বিজ্রপের
স্বরে গাল্লিয়েথোকে শুধু নয় ঘরটাকে পর্যন্ত কাঁপিয়ে তিনি বলেন,—আর
তাইতেই তোমার কপালের মাঝখানে ওই ছুটো ঢায়া দাগ আপনা থেকে কেটে
বসল! খোলো তোমার ও মাথার বাহারে ফেটি। দাগ ছুটো আমি ভাল
করে দেখতে চাই।

একেবারে চূপ হয়ে গেছে এবার গাল্লিয়েথো। আর মুখ চোখ তার রাগে

লাল নয় বেশ একটু ফ্যাকাশে।

মাথার বাহারে ফেটি খোলবার জন্তে হাত সে তোলে নি বটে কিন্তু দে সটোর কথার কোনো প্রতিবাদও করে নি। নীরবে ফ্যাকাশে মুখে কেমন একটু আড়ষ্ট হয়ে দাঁড়িয়ে থেকেছে।

কই? খুলবে তোমার মাথার ফেটি। না তার অল্প ব্যবস্থা করতে হবে?

দে সটোর মুখের দিকে একবার তাকিয়ে নিয়ে গাল্লিয়েখো আর দেবী করে নি। মাথার চারিধারে জড়ানো ইংকা নরেশের 'বোর্লা'র ধরনের ফেটিটা ধীরে ধীরে খুলে ফেলেছে। ফেটিটার নিচে সামান্য যে কাটাটুকু লক্ষ্য করে দে সটো সন্নিগ্ন হয়েছিলেন, তা এবার স্পষ্ট দুটি চ্যারার মত কাটা দাগ বলে বোঝা গেছে। দে সটোর অহুমান স্ততরাং ভুল হয় নি।

কাটা দাগ তোমার কপালে হল কি করে? কঠিন স্বরে জিজ্ঞাসা করেছেন দে সটো,—কিছু লুকোবার চেষ্টা কোরো না। বলো কেউ কি এ দাগ দিয়েছে?

হ্যাঁ দিয়েছে! গাল্লিয়েখোর গলা দিয়ে যেন আগুনের হুঙ্কার বার হয়েছে এবার। তবে তার জ্বলন্ত রাগের লক্ষ্য এখন আর দে সটো নন।

তখনি পেলেন যেন দাঁত দিয়ে ছিঁড়ে কেলে এমনি হিংস্র আক্রোশে সে আবার বলেছে,—এ যার কাজ, সে যদি শয়তানের খাস সাংগরেন্দ কি স্বর্গের দেবদূতও হয় তবু এই দাগের শোধ আমি নেবই। তলোয়ারের ডগায় তার দুটো চোখ আমি উপড়ে নেব। একটা একটা করে হাতের পায়ের সমস্ত আঙুল আমি পেঁচিয়ে পেঁচিয়ে কাটব তারপর...

তারপর হাতের স্বথ যা করবে তা আরো ভালো করে পরে ভেবে নিও। কঠিন হলেও এতক্ষণে তার সঙ্গে একটু কৌতুক মেশানো অবজ্ঞার স্বরে দে সটো খমক দিয়ে গাল্লিয়েখোকে খামিয়ে দিয়ে বলেছেন,—এখন লোকটা কে বলো ত? তোমার তলোয়ারও কি সেই ভেঙেছে?

হ্যাঁ কাপিতান। গাল্লিয়েখো এবার দে সটোর যোগ্য সন্মান দিয়ে রাগে ফুলতে ফুলতে বলেছে,—তলোয়ার মে-ই ভেঙেছে। তা যদি না ভাঙত, যদি তলোয়ার নিয়ে আমার সঙ্গে লড়ত...

তাহলে তার দুটো চোখ তুমি উপড়ে নিতে তা জানি। আবার বাধা দিয়ে গাল্লিয়েখোকে খামিয়ে দে সটো বলেছেন,—কিন্তু লোকটা কে তাই আগে জানতে চাই।

তা আমি জানি না কাপিতান। সে কোন জাতের কি রকম মানুষ তাও আমি জানি না।

জানো না কি রকম! গানাদোর কথাগুলো মনে করেই বোধহয় দে সটোর গলায় উদ্বিগ্ন বিস্ময় ফুটে উঠেছে,—যে তোমার তলোয়ার ভাঙল, তোমার কপালে দাগ দিল, সে লোকটার কিরকম চেহারা তা ত বলতে পারো অস্বতঃ।

না, তাও পারি না। ক্ষুব্ধভাবে মাথা নেড়েছে গাল্লিয়েথো,—তার মুখ আমি দেখতে পাইনি। শুধু দেখেছি তার মুখোশ।

শুধু মুখোশ দেখেছ? শাদা মুখোশ? দে সটোর গলাটা আপনা থেকে ধরে গিয়ে যেন বুজে এশেছে,—আর তার ঘোড়া যা ছিল তার রঙও শাদা?

হ্যাঁ কাপিতান! সংশয়বিমুক্ততার সঙ্গে তীব্র আক্রোশ মেশানো স্বরে বলেছে গাল্লিয়েথো,—রাতের অন্ধকারে যেন প্রেতমূর্তি বলে মনে হয়।

ভূত প্রেত বা সত্যি মানুষ যাই হোক, রাত্তিরবেলা তাকে তুমি দেখেছ তাহলে? দে সটোর কণ্ঠস্বর আবার তীব্র হয়ে উঠেছে, কিন্তু হঠাৎ তলোয়ার ভেঙে তোমার কপালেই বা সে দাগ দিতে গেল কেন। আচমকা অকারণে কি তোমার ওপর এসে চড়াও হল?

গাল্লিয়েথোর উত্তর দিতে কয়েক মুহূর্ত এবার দেবী হয়েছে।

অর্ধঘণ্টার মধ্যে দে সটো তাকে ধমক দিতে যাচ্ছেন এমন সময় নিজে থেকেই হঠাৎ বেপরোয়া হয়ে উঠে সে মুখের বাঁধন খুলে দিয়েছে। লজ্জা-সকোচের বালাই না রেখে বিষঢালা গলায় বলেছে,—কারণ যদি বলতে হয় তাহলে একটাই ত খুঁজেপেতে ধরা যায়। দিনের বেলা জানলায় একটা মুখ দেখে শহরের একটা বাড়ি চিহ্নিত করে রেখেছিলাম। রাত্রে সে বাড়িতে হানা দিয়ে দরজা ভেঙে বার করে আনছিলাম মেয়েটাকে। ঘোড়াটা বাইরে বাঁধা ছিল। আটকাতে যে ছুঁচরটে হতভাগা এসেছিল তাদের হাত-পাগুলো উড়িয়ে দিয়ে দামী মালটা টেনে হিঁচড়ে ঘোড়ার পিঠে তুলতে যাব এমন সময় ঘোড়াটাই চিঁহি করে বিকট ভয়ের ডাক ছেড়ে খাড়া হয়ে দাঁড়িয়ে পড়ল। সামনে তখন চেয়ে দেখি ওই এক অদ্ভুত মূর্তি। শাদা ঘোড়া শাদা পোশাক মুখে শাদা মুখোশ। এর আগে কানাঘুসায় এরকম মূর্তির কথা শুনেছিলাম। বিশ্বাস করিনি। এবার স্বক্ষে দেখলাম। ভয় আমি কিন্তু পাইনি। মগড়া নেবার জন্তে আমি তখন প্রস্তুত।

হ্যাঁ তুমি খুব সাহসী সবাই জানে।—তিন্ত গম্ভীর স্বরে বলেছেন দে সটো,
—কিন্তু এদেশের লোকদের ওপর হামলা করা, তাদের মেয়েদের ওপর
অত্যাচার করা যে গুরুতর অপরাধ বলে ঘোষণা করা হয়েছে তা কি তুমি
জান না!

অপরাধ বলে ঘোষণা! কথাটা নেহাত আজগুবি মনে হয়েছে বলে এবার
দে সটোর মুখের ওপরই হেসে উঠতে গাল্লিয়েখোর বাধে নি,—আমরা সাত-
সমুদ্রের তের নদী পেরিয়ে জীবনমরণ তুচ্ছ করে এদেশে এসেছি কি গির্জের
ব্রহ্মচারী পাত্রী হব বলে? এ দেশের লোকের গায়ে জাহুর হাত বুলোব,
মেয়েদের দেখলে চোখ বন্ধ করে থাকব এই আমাদের কাছে আশা করেন?
না কাপিতান। ও সব ঘোষণার মানে আপনিও জানেন আমরাও জানি।
লোক দেখানো ও সব ভঙ্গ একটু করতে হয় বলে সত্যি কিছু দাম ওর আছে
না কি!

গাল্লিয়েখো যা বলেছে তাই যে বেশীর ভাগ সৈনিকের মনের কথা তা জেনে
দে সটো তীব্র প্রতিবাদ আর কিছু করতে পারেন নি। সামান্য একটু ভৎসনার
স্বরে শুধু বলেছেন—পাত্রী হতে কাউকে বলা হয়নি কিন্তু এ দেশের মানুষের
ওপর যা খুশী অত্যাচার ত করতে পারো না। জন্তু-জানোয়ার হলেও তা করা
যায় না।

এরা জন্তু-জানোয়ারের অধম। বেপরোয়া হবার পর ক্রমশঃ যেন মনের
আর গলার জোর পেয়ে বলেছে গাল্লিয়েখো,—এদের ওপর অত্যাচারের আবার
জবাবদিহি আছে নাকি! তার জন্তে যদি ওই মূর্তি দেখা দিয়ে থাকে তাহলে
ভূত, প্রেত, শয়তানের বাচ্চা যাই হোক তার সঙ্গে আবার আমার মোকাবিলা
হবেই আর তখন শোধ কি করে নেব তা আমি জানি।

কিন্তু শোধ নেবার দরকারই বা হচ্ছে কেন? তীব্রভাবেই বিদ্রূপ করে
বলেছেন দে সটো,—প্রথম দেখা হবার সময় কোথায় ছিল তোমার বীরত্ব।
তখন তলোয়ারই বা! ভাঙল কেন আর দাগই বা পড়ল কেন কপালে? তখন
লড়তে পারো নি?

না, পারি নি বলেই ত আফসোস। প্রচণ্ড জ্বালা ফুটে উঠেছে গাল্লিয়েখোর
গলায়,—শয়তানি চালাকিতে আমার ঠুঁটো পঙ্কু করে দিয়েছে আগেই।
তলোয়ার আমি ধরতেই পারি নি।

তার মানে? এবার সবিস্ময়ে জিজ্ঞাসা করেছেন দে সটো,—তোমার সে

মূর্তির সঙ্গে লড়াই-ই হয় নি ? শয়তানী চালাকী সে করেছে ?

গাল্লিয়েথো এবার যা বিবরণ দিয়েছে তা সত্যিই অবিশ্বাস্য মনে হয়েছে দে শটোর।

গাল্লিয়েথো বলেছে শাদা মুখোশধারী মূর্তিকে দেখেই হাঁশিয়ার হয়ে সে দাঁড়িয়ে পড়ে। শাদা মুখোশধারীও তখন তার ঘোড়া থেকে নেমেছে। কোমরে ঝোলানো তলোয়ার তখনও কিন্তু সে খুলে হাতে নেয় নি। গাল্লিয়েথোর হাতে তখন খোলা তলোয়ার। সেই সুবিধেটা কাজে লাগাবার জন্তে গাল্লিয়েথো মূর্তিটার দিকে তলোয়ার উঠিয়ে এবার ছুটে যায়। মূর্তিটা খাপ থেকে তলোয়ার খুলতে খুলতে গাল্লিয়েথো তাকে বেকায়দায় পেয়ে যাবে। কিন্তু সে সুযোগ আর মেলে না। হঠাৎ দড়ির মত একটা বাঁধনে জড়িয়ে সে হোঁচট খেয়ে পড়ে। তলোয়ারটা ছিটকে যায় হাত থেকে। তলোয়ারটা কুড়োবার জন্তে উঠে দাঁড়াতে গিয়ে সে টের পায় যে অদ্ভুত একটা দড়ির ফাঁশে হাত পা তার জম্পেস করে বাঁধা হয়ে গেছে। এ বাঁধনটা যে মূর্তিটারই কারসাজি তা বুঝতে দেবী হয় না। তলোয়ার নিয়ে এগিয়ে যাবার সময় মূর্তিটাকে অন্ধকারে মাথার ওপর হাত তুলে কি যেন একটা করতে দেখেছিল। কিন্তু সেটা যে এই শয়তানী ফাঁস ছোড়া তা কল্পনা করতে পারে নি।

রাগে সমস্ত শরীর জ্বলেও তখন কিছু করবার নেই। হাত পা বাঁধা পঙ্ক অবস্থায় শুধু চেয়ে দেখতে হয় যে শাদা মুখোশ ঢাকা মূর্তিটা এগিয়ে আসছে।

মূর্তিটা কাছে এসে প্রথমে গাল্লিয়েথোর তলোয়ারটা কুড়িয়ে নেয়। তাই দিয়ে তাতেই ঘোড়ার বাঁধনটা প্রথমে কেটে সেটাকে ছুটিয়ে দেয় খোলা প্রান্তরে। তারপর তলোয়ারটা নিয়ে গাল্লিয়েথোর কাছে এসে দাঁড়ায়।

যার জন্তে এত কাণ্ড সেই মেয়েটা ভয়েই এতক্ষণ বোধহয় অজ্ঞান হয়ে পড়েছিল। এতক্ষণে সাড়ি ফিরে পেয়ে সে আতঙ্কে চিৎকার করে উঠে তার বাড়ির দিকেই ছুটে পালায়। তলোয়ারটা তুলে সে দিকে দেখিয়ে মূর্তিটা হঠাৎ তলোয়ারটা গাল্লিয়েথোর কপালের ওপর ছবার কাঁপায়। গাল্লিয়েথো একটু অশুট চিৎকার না করে উঠে পারে না। চিৎকারটা শুধু কপালের কাটার জ্বালার জন্তে নয় অক্ষম রাগের জন্তেও বটে। তার চোখের ওপরই মূর্তিটা তার তলোয়ারটা হাঁটুর ওপর ছমড়ে এক বাটকায় তখন ভেঙে ফেলেছে। ভাঙা

টুকরোগুলো মাটির ওপর দূরে ছুঁড়ে দিয়ে মূর্তিটা তারপর তার শাদা ঘোড়ায় চড়ে চলে যায়।

মূর্তিটা আর তার শাদা ঘোড়া তাহলে তুমি স্পষ্ট দেখেছ? গাল্লিয়েখোর বিবরণ শেষ হবার পর দে সটো তাঁর কাছে সবচেয়ে যা অবিশ্বাস্ত সেই বিষয়টা সম্বন্ধেই আগে প্রশ্ন করেছেন।

হ্যাঁ, স্পষ্ট দেখেছি কাপিতান। বলেছে গাল্লিয়েখো,—আর দ্বিতীয়বারও দেখব বলে আশা রাখি।

কিসের ওপর এ আশা? সন্দিক্ভাবে প্রশ্ন করেছেন দে সটো।

সত্যিই এদেশের মানুষের সহায়, অবলা সরলার বিপদতারণ হ'লে মানের দায়ে সে মূর্তিকে যাতে আসতে হয় সেই ব্যবস্থা করছি বলে। হিংস্র আনন্দের সঙ্গে যেন তাড়িয়ে তাড়িয়ে বলেছে গাল্লিয়েখো,—আমার হাত-কসকানো সুন্দরীকে এখন কোথায় লুকোন হয়েছে তার পাকা খবর পেয়েছি। সেখান থেকেই তাকে জাস্ত বা মরা লুঠ করবই। মুখোশওয়ার সঙ্গে মোলাকাত সেইখানেই হবে আশা করছি।

শোনো গাল্লিয়েখো! অগ্নিমূর্তি হয়ে উঠে দাঁড়িয়েছেন দে সটো,—তোমায় আমি সাবধান করে দিচ্ছি আগে থাকতে। তোমার বিরুদ্ধে এরকম কোনো অত্যাচারের নালিশ যদি আমার কানে আসে তাহলে আমি নিজে হাতে তোমায় কোতল করব।

তাই করবেন। কিন্তু আপনার কানে নালিশ এলে ত!—গাল্লিয়েখো এখন একেবারে সম্পূর্ণ বেপরোয়া হয়ে বলেছে,—নালিশ করতে আসছে কে?

জবাবে কিছুই যে বলবার নেই তা বুঝে দে সটোকে বাধ্য হয়ে চুপ করে থাকতে হয়েছে। সত্যিই গাল্লিয়েখোকে এতক্ষণ যে জেরা করেছেন তাই যথেষ্ট। তার বিরুদ্ধে প্রমাণ করবার মত কোনো অভিযোগ ত নেই। এই কাকসামালকা শহরের নিরীহ অসহায় স্ত্রী-পুরুষের ওপর যত বড় অত্যাচারই সে করুক হাতে হাতে ধরা না পড়লে এসপানিওল সৈনিক বলে কেউ তার বিরুদ্ধে নালিশ জানাতে সাহস করবে না, কোনো শাস্তিও তাকে দেওয়া যাবে না তাই।

শাস্তি কিন্তু গাল্লিয়েখো পেয়েছে। অবিশ্বাস্ত শাস্তি। কাকসামালকা শহরে একদিন সকালে হৈ-টো পড়ে গেছে। শহরের বড় রাস্তার ওপরই একটা খুটির সঙ্গে বাঁধা এক এসপানিওল সৈনিক। তার কপালে শুধু নয় দুই গাশেও চারো কাটা দাগ।

হিডালগো অর্থাৎ খানদানী বংশের না হোক, ভাল ঘরের নামকরা এক এসপানিওল বীর। সেই বীর কিনা কপালে আর দু'গালে দাগ নিয়ে সদর রাস্তার মাঝখানে বাঁধা! এ লজ্জা যে রাখবার জায়গা নেই।

কিন্তু এ কাজ কে করতে পারে! এতখানি ক্ষমতা কার হতে পারে তাই ভেবেই ত অবাক হতে হয়। গাল্লিয়েখো যেমন-তেমন যোদ্ধা ত নয়। মানুষটা অতি বদ সন্দেহ নেই। তার সঙ্গী-সাথীরাও তাকে হুঁজরে দেখে না। বরং বেশ একটু ভয়ে ভয়েই থাকে। দূরে দূরে থাকে গাল্লিয়েখোর দাস্তিক স্বভাব, অস্বরের মত শত্রুরের শক্তি আর তারই সঙ্গে হাতিয়ার চালাবার অদ্ভুত দক্ষতার দরুন। মানুষটার সব কিছু নিম্নের হলেও সাহস শক্তি আর অস্ত্রকৌশলের প্রশংসা না করে উপায় নেই।

সেই অসামান্য বীরের এমন মুখ-পোড়ানো অপমান লাঞ্ছনা কার হাতে হল?

এ কাজ করবার ক্ষমতা যদি-বা কারুর থাকে তার এত বড় সাহস আর স্পর্ধা হয় কি করে?

এ দেশের মানুষের কাছে এসপানিওলদের দেবতার চেহারা এখন আর নেই। কিন্তু দানবের চেহারাটা তার বদলে খাড়া না রাখলে ত নয়। এমন দানব যে ইচ্ছে করলে যা খুশি করতে পারে, নিজেদের সম্বন্ধে এরকম একটা ভয় জাগিয়ে রাখতে না পারলে মুষ্টিমেয় কটা এসপানিওলের এ দেশে দুদিন টিকে থাকাই ত সম্ভব হবে না।

সুতরাং যে কোন একজন এসপানিওলের চূড়ান্ত অপমান এভাবে এদেশের মানুষের গোচর করার মানে পিজারোর সমস্ত বাহিনীকে এদের চোখে খাটো করে তাদের ভয় ভাঙার ব্যবস্থা করা।

ধরা পড়লে এ কাজের শাস্তি পিজারোর কাছে যে কি হবে তা বোঝা শক্ত নয়। এসপানিওল হয়ে অত বড় সাহস আর স্পর্ধা কারুর পক্ষে দেখানো ত অসম্ভব মনে হয়।

কিন্তু এসপানিওল কোন সৈনিকের যদি না হয় তাহলে কাজটা কার? এদেশের আজগুবি কুম্ভারের গল্পই কি তাহলে বিশ্বাস করতে হয়?

পিজারোর বাহিনীর মধ্যে একটা চাপা ভয়ের গুঞ্জন আগে থাকতেই ছিল। এবার তা তীব্রভাবে ছড়াতে শুরু করেছে।

এ গুঞ্জন ক্রমশ কি চেহারা নিত বলা যায় না, কিন্তু পিজারোর কাছে অহমতি

নিরে আর কাণ্ডিয়ার সন্ধে পরামর্শ করে দে সটো একটা বুদ্ধিমানের মত ব্যবস্থা করেছেন, ব্যাপারটার মূলেই কোপ দিয়ে।

ঘটনার পরের দিন থেকেই গাল্লিয়েথোকে আর কাক্সামালকায় বেশি যায় নি।

কোথায় সে গেছে জানতে পারে নি কেউ। জল্পনা-কল্পনা অবশ্য কয়েকদিন চলেছে নানারকম। কেউ বলেছে লঙ্কার অপমানে আত্মঘাতী হয়েছে গাল্লিয়েথো, স্বয়ং পিজারোই তাকে এসপানিওলদের মুখে চুন-কালি দেবার অপরাধে গোপনে কোতল করবার হুকুম দিয়েছেন বলেছে কেউ। কার হাতে গাল্লিয়েথোর এমন লাঞ্ছনা হয়েছিল তা নিয়ে লুকোছাপা আলোচনাটা এবার একটু অগ্র দিকে ঝাঁক নিয়েছে। কাপিতানদেরই কাউকে, হয়ত স্বয়ং দে কাণ্ডিয়া কি দে সটোর মত মাহুসকেই ঘাঁটাতে গেছিল বলে গাল্লিয়েথোর শাস্তি আর লাঞ্ছনাটা অমন চরম হয়েছে বলে শোনা গেছে কারুর মুখে।

এ গুজবে পুরোপুরি বিশ্বাস কেউ বোধহয় করে নি। তবু গাল্লিয়েথো সামনে থাকলে অক্ষুট সন্দেহ আর ভয়টা যে ইন্ধন পেয়ে সাংঘাতিক হয়ে উঠতে পারত সেটা না পাওয়ার দরুন এ গুজবও সৈনিকদের আশস্ত করবার কাজে কিছুটা লেগেছে।

কাপিতানদের কারুর হাতে শিক্ষা পেয়ে গাল্লিয়েথোর বেমালুম গায়ের হওয়ার গুজব রটাবার ফন্দিটা কিন্তু দে সটোর নয়, কুটচক্রী সেই হেরাদার, মাকিয়াজেভলী থেকে চুরি করা বিত্তে দিয়ে এক হিসেবে যে ইংক সাম্রাজ্য ধ্বংসের সবচেয়ে শরতানী উপায় বাতলেছে।

দে সটোর হেরাদার উপর ভক্তি-শ্রদ্ধার বদলে বেশ একটু ঘৃণাই ছিল। তার কাছে পরামর্শের জন্তে তিনি যান নি।

সদর রাস্তার ওপর গাল্লিয়েথোর লঙ্কার লাঞ্ছনাটা শহরস্থল সবাই-এর চোখে পড়বার পর এসপানিওল বাহিনীর মান-সম্মত বাঁচাবার জন্তেই দে সটো তাকে কাক্সামালকা থেকে সরিয়ে দেবার কথা ভেবেছেন।

এ বিষয়ে পরামর্শ করবার জন্তে প্রথমে গানাদোরই খোঁজ করেছিলেন। তাকে কোথাও না পেয়ে গাল্লিয়েথো যার দলের লোক সেই দে কাণ্ডিয়ার সন্ধেই পরামর্শ করেছেন গোপনে। দে কাণ্ডিয়া তাঁর মতেই সায় দেবার পর দুজনে মিলে গেছেন পিজারোর কাছে।

পিজারোর কাছে খবরটা ঠিক মত তখনও পৌঁছায় নি। সকাল থেকে

তিনি বন্দী ইংক সন্ধান আতাহয়ালপার কাছেই উপস্থিত আছেন বলে বোধহয় সবাই তাঁকে যথার্থ খবরটা দিতে দ্বিধা করেছেন।

শহরে কিছু একটা গোলমাল হয়েছে এমনি একটু ভাঙ্গা-ভাঙ্গা খবর ছাড়া পিজারোর কানে আর কিছু পৌঁছায় নি। ইংক নরেশ আতাহয়ালপার সঙ্গে এমন একটা অত্যন্ত লোভনীয় আলোচনায় তিনি তখন তন্ময় যে দে সটো আর কাণ্ডিয়ার তাঁর সঙ্গে দেখা করতে সেখানে আসাটা তিনি উপদ্রবই মনে করেছেন প্রথমে।

আসলে বন্দীনিবাস হলেও ইংক নরেশ আতাহয়ালপার জন্তে নির্দিষ্ট মহলে সন্ধানটোচিত স্বাচ্ছন্দ্যবিলাসের কোন উপকরণেরই অভাব নেই বললে হয়। পিজারো সে দিক দিয়ে কোন ক্রটি না রাখবার ঢালাও হুকুম দিয়েছেন। আতাহয়ালপা যেন তাঁর নিজের বরনা-মহল ছেড়ে সাধ করেই অতিথি মহল্লায় কিছুদিন ডেরা বেঁধেছেন বাইরে থেকে দেখলে এমনি মনে হবে। তাঁর পেশারের সব পত্নীরা সেখানে জায়গা পেয়েছেন, তাঁর সেবা করবার খিদমদগার আগে যেমন থাকত তেমনিই আছে। অভিজাত থেকে সাধারণ তাঁর ভদ্র প্রজারা নিত্য ভেট নিয়ে যথাসময়ে তাঁকে এখানে দর্শন করে যাবার সুযোগ পায়। পিজারো স্বয়ং আর তাঁর হুকুমে এসপানিওলরা সবাই তাঁকে সন্ধানটোর উপযুক্ত খাতিরই দেখায়।

সেদিন সকালেও পিজারো যেন রাজদর্শনে আসার ভঙ্গিতে আতাহয়ালপার কাছে বসেছিলেন। আতাহয়ালপার সেটি এখানকার দরবার-ঘর। তিনি নিজে তাঁর বিশেষ সোনা-রূপোর কাঙ্গ করা আসনে বসে আছেন, পিজারোও দাঁড়িয়ে নেই। কিন্তু তিনি বসেছেন অতি সাধারণ আর আরো নিচু একটি আসনে। ঘরে আর একটি মাত্র লোক দাঁড়িয়ে আছে। সে দোভাষী।

পিজারো তাঁর আলোচনায় একেবারে তন্ময় থাকার দরুন প্রথমে দে সটো আর কাণ্ডিয়াকে দেখতেই পান নি। দোভাষীই তাদের উপস্থিতির কথা তাঁকে জানিয়েছে। পিজারোর মুখে তাতে একটু ক্রকুটি ফুটে উঠেছে গোড়ায়। সেটা এক মুহূর্তের জগ্বেই। তাঁর হুই প্রিয় কাপিতানকে পরে দেখা করবার কথা বলতে গিয়ে তাই তিনি থেমেছেন। দে সটো আর কাণ্ডিয়ার মুখের ভাব দেখেই গুরুতর কিছু একটা ঘটেছে বুঝতে তাঁর দেরী হয় নি। তাঁরা মুখ ফুটে কিছু বলার আগে, নিতান্ত অনিচ্ছাসঙ্গে হলেও নিজে থেকেই তিনি উঠে পড়ে ইংক নরেশের কাছে সসন্ত্রমে বিদায় চেয়েছেন।

কিন্তু আমার যে আশা কিছু বলার ছিল।—দোভাষীর মারফত জানিয়েছেন আতাহ্যালপা। তাঁর বক্তব্যটার ক্ষোভের আভাস থাকলেও মুখ তাঁর নির্বিকার উদাসীন।

আমি ফিরে এসেই সব শুনব।—পিজারোই কুণ্ঠিত প্রার্থনার ভঙ্গিতে বলেছেন,—আমায় সামান্য কিছুক্ষণের জন্তে মাপ করুন সশ্রী।

সশ্রীটির কথা পুরো না শুনে চলে যাওয়ার যে স্পর্ধার জন্তে এককালে মাথাটাই কেটে রাখতেন, আতাহ্যালপাকে প্রসন্ন মুখে তা মাপ করবার উদারতা দেখাতে হয়েছে।

পিজারো দুই কাপিতানকে নিয়ে নিজের কামরায় যেতে যেতেই সমস্ত ব্যাপারটা শুনেছেন। শুনে চিন্তিত হয়েছেন অত্যন্ত বেশী। দে সটোর গাল্লিয়েথেকে কাক্সামালকা থেকে সরিয়ে দেবার প্রস্তাবে সায় দিয়েও উদ্বিগ্ন দুশ্চিন্তা তাঁর ঘোচে নি।

কে এ কাজ করতে পারে, এ প্রশ্নের চেয়ে একজন এসপানিওল সৈনিকের এ রকম লজ্জাকর প্রকাশ্য দুর্গতির কি প্রতিক্রিয়া এ দেশের লোকের ও এসপানিওল বাহিনীর অন্ত সকলের মনে হতে পারে তাই নিয়েই তাঁর দুশ্চিন্তা অত্যন্ত বেশী দেখা গেছে।

এরপর ত এদেশের লোকের মনে সন্দেহ জাগবে আমাদের ক্ষমতার আর আমাদের নিজেদের সৈনিকদের মনে ভয়। পিজারো যেন যন্ত্রণার সঙ্গে বলেছেন,—এত কষ্টে যে চেষ্টা প্রায় সফল করে তুলেছি তা ত সব যাবে পণ্ড হয়ে। গাল্লিয়েথেকে সরিয়ে দিতে বলছেন তা দিচ্ছি, কিন্তু তাতে কি ধিকি-ধিকি সন্দেহের আশুনি নিভবে, না লোকের মুখ বন্ধ হবে!

দে সটো আর কাগিয়া নিজেদের মনের সংশয় নিয়ে এ প্রশ্নের জবাব খুঁজে পান নি। পিজারো নিজে থেকে এবার হেরাদাকে ডেকে পাঠিয়েছেন। ইংকা নরেশকে বন্দী করার ব্যাপারে তাঁর বাতলানো শয়তানী কল্পি সফল হবার পর থেকে পিজারোর কাছে হেরাদার খাতির বেড়ে গেছে।

হেরাদা এসে সমস্তা শুনে সব দিক রক্ষা করবার জন্তে যে রটনার পরামর্শ দিয়েছে তাতে একেবারে মুঞ্চিল আসান না হলেও হেরাদার বিচক্ষণতারই পরিচয় পাওয়া গেছে সন্দেহ নেই।

কাক্সামালকা নগরের ইংকা প্রজাদের কাছে এ রটনা কতখানি পৌছেছে আর তারা কিভাবে সেটা নিয়েছে তা বোঝবার স্ববিধে পিজারোর সৈনিকদের

হয় নি কিন্তু তাদের নিজেদের মনে গান্ধিরেখোর কথা চাপা দেবার জন্তে কোন চতুর রটনার আর বিশেষ দরকার হয়নি। এমন এক উদ্ভেজনায় এর পর তারা মেতে উঠেছে যা অল্প সব ভয়-ভাবনা ফিকে করে দিয়েছে।

এ উদ্ভেজনায় সূত্রপাত হয়েছে আতাছয়ালপার দরবার-ঘরে দে কাণ্ডিয়া আর দে সটো যখন পিজারোর সঙ্গে দেখা করতে যান তার কিছুক্ষণ মাত্র আগে।

আতাছয়ালপা তাঁর দোভাষীকে দিয়ে গেইদিনই পিজারোকে বিশেষ একটি অহুরোধ করে পাঠিয়েছিলেন। পিজারো সেই সকালেই সম্মত করে তাঁর একটি বিশেষ প্রস্তাব যদি শুনে যান তাহলে আতাছয়ালপা অত্যন্ত খুশী হবেন।

পিজারো মনে মনে একটু বিরক্তি নিয়েই আতাছয়ালপার কাছে গেছিলেন। বাইরে থেকে ইংকা নরেশের মর্বাদা রক্ষার কোন ক্রটি না রাখলেও তাঁর কাছে দণ্ডবৎ রাজভক্তির ভান করতে কত আর ভাল লাগে! আতাছয়ালপা কদিন ধরে আবার মুক্তি পাবার জন্তে অস্থির হয়ে উঠেছেন। মুক্তি চাইবার ধরনটা ভিক্টর মত না হলেও দেখা করলেই সেই এক কথা,—তোমরা ত এখন ইংকা সাম্রাজ্যের সহায় আর আমি তোমাদেরই লোক। আমার কি আর এই কাক্‌সামালকা শহরের অতিথি মহল্লায় বসে বসে দিন কাটানো ভাল দেখায়? চলো, তোমাদের নিয়ে আমার সাম্রাজ্য ঘুরিয়ে দেখাই।

তা ত দেখাবেনই।—আতাছয়ালপাকে নানাভাবে স্তোক দিতে হয়েছে পিজারোকে,—এখানকার গোলমালগুলো একটু সামলেই আপনার সঙ্গী হব।

গেদিন সকালের তুলবটাও ওই এক কথার জন্তে ধরে নিয়ে অগ্রসর মনে আসবার পর আতাছয়ালপার প্রস্তাবটা শুনে থ হয়ে গেছেন পিজারো।

প্রথমটা আতাছয়ালপার প্রস্তাব সত্যি বলে বিশ্বাস করতেই পারেন নি। অবাক হয়ে আতাছয়ালপাকে না জিজ্ঞাস করে পারেন নি,—আপনি আমার সঙ্গে পরিহাস করছেন না নিশ্চয়!

পরিহাস করব! আপনার সঙ্গে?—আতাছয়ালপা একটু আহত হয়ে দোভাষী মারফত জানিয়েছেন,—ইংকা সাম্রাজ্যের অধীক্ষরেরা পরিহাস করতে জানে না সাগর পারের বীর। তারা চিরকাল হয় তিরস্কার করেছে না হয় পুরস্কার দিয়েছে। আমি আপনাকে পুরস্কার দিতে চাই। এমন পুরস্কার যা আপনার কল্পনার বাইরে।

আতাছয়ালপা সেদিন তাঁর মুক্তির কথা একবার ইঙ্গিতেও জানান নি, পিজারোকেও তাই ঘুরিয়ে কথা বলতে হয়েছে।

আপনার কাছে পুরস্কার পাব, এ তো আমার পরম সৌভাগ্য, কিন্তু তা পাবার মত কি যোগ্যতা আমার আছে?—সবিনয়ে জিজ্ঞাসা করেছেন পিজারো।

এবার আতাহ্যালপা যা বলেছেন, তা অস্বাভাবিক করতে দোভাষীর বেশ বেগ পেতে হয়েছে। ইংকা নরেশ বলেছেন,—কি আছে তা আমার চেয়ে তিনি বেশী জানেন, সারা বিশ্বের দীপ্তিদাতা পরমারাধ্য সূর্যদেবের যিনি দোসর ও অগ্রদূত। আপনাদেরই মত শুভ্র বর্ণ নিয়ে যিনি পশ্চিম সমুদ্রকূলে ইংকা রাজশক্তির অভ্যুদয়-বার্তা নিয়ে এসেছিলেন সেই মহিমাযিত ভীরাকোচাই আমার এ আদেশ দিয়েছেন।

ভীরাকোচা! অক্ষুণ্ণভাবে নিজের অজ্ঞাতেই পিজারোর মুখ দিয়ে বিশ্বিত উচ্চারণটা বেরিয়ে গেছে। কিছুদিন ধরেই ভীরাকোচা দেবতার নামটা নানাভাবে তাঁর কানে আসছে। ভীরাকোচার নতুন করে আবির্ভাবের কিংবদন্তীও তিনি কয়েকজনের কাছে শুনেছেন।

মনের বিশ্বয়-চাকল্যাটা চাপা দিয়ে তিনি জিজ্ঞাসা করেছেন,—কিন্তু আপনাদের আরাধ্য ত সূর্যদেব। ভীরাকোচাকে আপনারা মানেন? তিনি ত সূর্যদেবের প্রতিদ্বন্দ্বী।

প্রতিদ্বন্দ্বী!—আতাহ্যালপার মুখে একটু বিক্রপের হাসি দেখা দিয়েছে দোভাষীকে বোঝাবার সময়,—আপনাদের পণ্ডিতরা তাই আপনাকে বুঝিয়েছে বুঝি! ছুঁদিন আমাদের দেশে পা দিতে না দিতেই আমাদের জাতি-ধর্ম-সমাজ তারা বুঝে ফেলেছে!

একটু থেমে আতাহ্যালপা গভীর হয়ে আবার বলেছেন,—না, আপনি যা শুনেছেন তা ভুল। ভীরাকোচা সূর্যদেবের প্রতিদ্বন্দ্বী নয়, দোসর। তাঁর আরেক নাম পাচাকামাক। সে নামের মানে হল যিনি জীবন দেন। তিনি সৃষ্টির মধ্যে জীবনের উৎস আর সূর্যদেব তার প্রাণশিখা। ছুঁজনের কোন বিরোধ নেই। ভীরাকোচা তাঁর দোসরের অগ্রদূত হয়ে বরং আগে আমাদের রাজ্যে পদার্পণ করেছেন। পশ্চিম সমুদ্র উপকূলে তাঁর বিশাল দেবায়তন আপনাদের দেখাবার বাসনা রাখি।

কি করে তাঁর আদেশ পেলেন একটু জানতে পারি?—পিজারো তাঁর এ কয়দিনের শোনা উদ্ভট কল্পনা কিংবদন্তীগুলোতে আতাহ্যালপারই অদৃশ্ণ হাত আছে কিনা কৌশলে জানবার চেষ্টার সবল সশ্রদ্ধ কৌতূহলের ভান করেছেন।

উত্তর যা শুনেছেন তা তাঁকে বিমুগ্ধ করে দিয়েছে।

আতাহ্যালপা জানিয়েছেন,—ভীরাকোচার এ আদেশ আপনাদের একজনেরই মুখ দিয়ে পেয়েছি।

আমাদেরই একজনের মুখ দিয়ে!—সন্ধিগ্ন স্বরটা লুকোতে পারেন নি পিজারো।

হ্যাঁ, আপনাদেরই একজন। অবিকলিতভাবে বলেছেন আতাহ্যালপা,— আপনারা যাকে ‘গানাদো’ বলেন সেই দৈবজ্ঞই জানিয়েছেন এ আদেশ। এ দৈবজ্ঞ আপনারই পাঠানো মনে আছে বোধহয়?

আতাহ্যালপার কাছে দৈবজ্ঞ পাঠাবার কথা পিজারোর ঠিকই মনে পড়েছে। না মনে পড়বার কথা নয়।

এই ত মাত্র কয়েকদিন আগের ব্যাপার। আতাহ্যালপা সম্বন্ধে একটা মজার খবর পিজারোর কানে আসছিল। খবরটা এমন কিছুই বলতে গেলে নয়। অল্প কোথাও বা অল্পসময় হলে হেসেই উড়িয়ে দেওয়া যেত।

আতাহ্যালপাকে কদিন ধরে মাঝে মাঝে কিরকম সব রংচঙে স্তুতো নাড়াচাড়া করতে দেখা যাচ্ছে, এই ছিল খবর।

খবর এনেছিল অবশ্য গুপ্তচরেরা। ইংকা নরেশকে রাজসমাদরে রাখলেও পিজারো তাঁকে পুরোপুরি বিশ্বাস ত আর করেন নি। আতাহ্যালপার মহল ঘিরে সারাক্ষণ কড়া পাহারা বেমন ছিল, তেমনি ছিল এ দেশেরই বাছা বাছা আর শেখানো পড়ানো দু-একজনকে দিয়ে তাঁর ওপর গোপনে নজর রাখবার ব্যবস্থা।

এসব গুপ্তচর হয় পুনা দ্বীপ কিংবা কুজকো শহরের কাছাকাছি দক্ষিণ অঞ্চলের লোক। পুনা দ্বীপের অধিবাসীরা ইংকা সম্রাট মাজেরই বিরুদ্ধে শত্রুতা করে আসছে বহুকাল ধরে। কোনো ইংকা সম্রাটের অধীনতাই তারা খুশিমনে মেনে নেয় নি। তারা দুর্দান্ত লড়াইবাজ। পিজারো নিজেই তাদের হাতে দলবল সমেত প্রায় মারা পড়তে বসেছিলেন একবার। তা সত্ত্বেও ইংকা সাম্রাজ্যের বিরুদ্ধে তাদের মজাগত আক্রোশের কথা জেনে তাদের দু-একজনকে দলে নিতে তিনি দ্বিধা করেন নি।

পেকর দক্ষিণ অঞ্চলের লোকও সানন্দে পিজারোর হয়ে গুপ্তচরের কাজ করেছে, আতাহ্যালপার ভাই তন্নাসকারকেই তারা সত্যকার ইংকা মনে করে বলে। কুইটো নয়, কুজকোই তাদের কাছে আসল রাজধানী। কুইটোর

ভিনদেশী রাজকুমারীর গর্ভে যার জন্ম সেই আতাহ্যালপাকে তারা ইংকা বলেই স্বীকার করে না।

এই দুই জাতির চরই পিজারোর কাছে অদ্ভুত রঙিন স্মৃতোর খবরটা দিয়েছিল।

খবরটা শুনে মনে মনে হাসিই পেয়েছিল পিজারোর। আতাহ্যালপার ওপর এদের জাতক্রোধের কথা তিনি ভালো করেই জানেন। সেই রাগে এরা নেহাত তিলকে তাল করে তুলেছে বলে মনে হয়েছিল তাঁর।

তবু জিজ্ঞাসা করেছিলেন চরেরদের একটু ঠাট্টার স্বরে, রঙিন স্মৃতোগুলো কি রকম? নিজেদের বা অন্য কারুর গলায় ফাঁস দেবার মত কিছু?

না তা নয়। জানিয়েছিল চরেরা প্রত্যেকেই,—নেহাত রংবেরং—এরা কটা গিঁট-বাঁধা স্মৃতুলী।

এসব স্মৃতুলী পেলেন কোথায় আতাহ্যালপা? মুখটা কষ্ট করে গম্ভীর রেখে জিজ্ঞাসা করতে হয়েছিল পিজারোকে।

তা জানি না। একই উত্তর দিয়েছিল জনে জনে।

দোষটা কি, অমন ছুচারটে রঙিন স্মৃতো নাড়াচাড়া করলে? ইংকা নরেশের হয়ত ওগুলো একরকম খেলার জিনিস! বলে চরেরদের মুখের দিকে একটু বাঁকাভাবে চেয়ে পিজারো জিজ্ঞাসা করেছিলেন,—ওগুলো নিয়ে ভাবনা করবার কিছু আছে? শুধু কটা রঙিন গিঁট-পড়া স্মৃতো বই আর কিছু ত নয়?

চরেরদের সঙ্গে আলাদা আলাদা করে কথা বলেছিলেন পিজারো। তাঁর শেষ প্রশ্নের জবাব তারা কেউ দেয়নি।

আতাহ্যালপা আর ইংকা-সাম্রাজ্যের বিরুদ্ধে জন্মগত আক্রোশ নিয়েও রঙিন গিঁট-পড়া কটা স্মৃতোর বিষয়ে খবরটুকু মাত্র জানিয়ে তারা নীরব থেকেছে।

কিন্তু ওগুলো ত 'কিপু'! হঠাৎ উত্তেজিত উচ্ছ্বাস শোনা গেছে—গিঁট-দেওয়া যে রঙিন স্মৃতো দিয়ে পেরুতে লেখাপড়ার কাজ চলত!

ষোড়শ শতাব্দীর কোনো এসপানিওল কি পেরুবাসীর কণ্ঠে নয়, ঐ উচ্ছ্বাস শোনা গেছে মেদভারে যিনি হস্তীর মত বিপুল সেই সদাপ্রসন্ন ভবতারণবাবুর কণ্ঠে।

দাসমশাই কি বিরক্ত হয়েছেন?

আর সকলেই প্রায় তটস্থ হয়ে চেয়েছেন তাঁর দিকে। এ ধরনের মূঢ়

বেদাদবির ফল কি হ'তে পারে তাঁদের অজানা নয়। দাসমশাই মুখে একেবারে
তালাচাবি দিতে পারেন। মাঝপথেই পূর্ণচ্ছেদ পড়তে পারে কাহিনীর ধারায়।

মস্তক ষাঁর মর্মরের মত মক্ষণ দাসমশাই-এর প্রতি নাতিপ্রসন্ন সেই
ঐতিহাসিক শিবপদবাবুও ভবতারণবাবুর মূর্ততাকে ঈষৎ তিরস্কার করেছেন
বিপদটা কাটাবার জন্তে।

বলেছেন—আপনার এখনি বিগে জাহির না করলে চলছিল না ভবতারণবাবু!
ওগুলো কি, তা কি শুধু আপনিই জানেন, যে 'কিপু' বলে না চেঁচিয়ে উঠলে
আমরা অন্ধকারে পড়ে থাকতাম! পিজারো নিজেই কি 'কিপু' কথা একেবারে
জানতেন না।

না, তিনি জানতেন না বিন্দুবিসর্গও। দাসমশাই শিবপদবাবুকে সংশোধন
করতে পেরেই খুশি হয়েছেন—'কিপু' তখন সত্যিই তাঁর কাছে হেলাফেলার কটা
রঙিন স্ততো ছাড়া কিছু নয়। আতাহয়ালপাকে জন্ম করার এমন একটা স্বযোগ
পেয়েও গুপ্তচরেরা 'কিপু'র রহস্য ফাঁস করে দিতে পারেনি।

কেন ?

হিংসা, বিদ্বেষ, স্বার্থবুদ্ধির চেয়ে মনের আরো গহীন গভীর কোনো নির্দেশে
বোধহয়। ব্যক্তিগত সত্তা ছাড়িয়ে যে নির্দেশ এসেছে রক্তের অতলতা থেকে।

চরেরা সব বলতে চেয়েও এক জায়গায় এসে থেমে গেছে এবং পিজারোও
আতাহয়ালপার হাতে সামান্য ক'টা রঙিন স্ততোর খবর নিয়ে ব্যস্ত হবার কিছু
পান নি।

তা সত্ত্বেও ওরই মধ্যে একদিন কথায় কথায় আতাহয়ালপার কাছে প্রসঙ্গটা
তুলেছিলেন পিজারো।

আপনি নাকি কি সব রঙিন স্ততো নিয়ে খেলা করেন সন্ন্যাসী ?

হ্যাঁ করি—ভাবাস্তরহীন মুখে বলেছেন আতাহয়ালপা, আর কোনো কাজ
নেই যখন—সময় কাটাবার একটা কিছু ত চাই !

দেখতে পারি রঙিন স্ততোগুলো!—পিজারো বিনীতভাবে যেন প্রার্থনা
জানিয়েছেন।

খুব পারেন! বলে নিজের রাজাসনের পাশ থেকেই একটি রঙিন স্ততুলী
আতাহয়ালপা পিজারোর দিকে এগিয়ে দিয়েছেন।

নেড়ে চেড়ে সেটা দেখতে দেখতে পিজারোর ঠোঁটের কোণে একটু অবজ্ঞার
হাসি একবারে চাপা থাকে নি। নেহাত সাধারণ কটা বংবেরং-এর গিঁটপড়া

স্বতো একসঙ্গে জড়ানো। ছেলেখেলার যোগাও সেটা নয়।

মনে যা হয়েছে বাইরে তার বিপরীতটাই প্রকাশ করে পিজারো উৎসাহ দেখিয়ে বলছেন, জিনিসটা ত বেশ মজার! সত্যি কি করেন এগুলো নিয়ে?

তা জানেন না? পিজারো চরনের সম্বন্ধে বিজ্রপের ইঙ্গিতটুকু খুব অস্পষ্ট না রেখে আতাহ্যালপা জিজ্ঞাসা করেছেন,—কেউ কিছু বলে নি আপনাকে?

বিজ্রপের প্রচ্ছন্ন খোঁচাটাই লক্ষ্য করেছেন পিজারো। আতাহ্যালপার নির্বিকার মুখে যায় আভাসও পাওয়া যায় নি এ প্রশ্নের পেছনে সেই আসল উদ্দেশ্যটা কি নিয়ে তা পিজারো ধরতেই পারেন নি।

শুধু খোঁচাটা টের না পাবার ভান করে তাই তিনি সরল সত্য কথাই বলেছেন,—না, বলবে আবার কে কি! এ যে খেলার জিনিস তা ত বোঝাই যাচ্ছে। তবে সময় কাটাতে এর চেয়ে ভালো খেলার জিনিস আপনাকে দিতে পারি। তা শেখাও সহজ।

পিজারো তাঁদের তখনকার স্পেনের চালু তাসের জুয়া 'ব্যাকারা'-র কথা ভেবেই ও প্রস্তাব করেছিলেন নিশ্চয়। জুয়ার মতিয়েও আতাহ্যালপার কাছে যা কিছু পারা যায় নিংড়ে বার করবার লোভ বোধ হয় তাঁর হয়েছিল।

আতাহ্যালপা কিন্তু সে ফাঁদে পা-ই বাড়ান নি। একটু উন্নাসিকভাবেই বলেছিলেন, সময় কাটাবার জন্তে নতুন খেলা শেখবার দৈর্ঘ্য আমার নেই সাগরপারের বীর। চান ত, নতুন খেলা শিখিয়ে নয়, সময় কাটাতে আমার অন্ত একটা নেশার জিনিস জুগিয়ে সাহায্য করতে পারেন।

কি নেশা আপনার? একটু সন্দিক্তস্বরেই জিজ্ঞাসা করেছিলেন পিজারো। আতাহ্যালপার একটু-আধটু 'চিচা' পান ছাড়া আর কোনো নেশার কথাই জানা যায় নি এ পর্যন্ত।

ভবিষ্যৎ গণনার নেশা! পিজারোকে বেণ অবাক করে দিয়ে বলেছিলেন আতাহ্যালপা।

সে নেশা মেটাতে আমি কি করতে পারি!—পিজারোর মুখে একটু ভ্রুকুটি এবার অস্পষ্ট থাকে নি। আমি ত আর গণংকার নই।

আপনি নিজে না হন আপনার দলের মধ্যে তেমন কি কেউ নেই?—আতাহ্যালপার সাধারণত নির্বিকারমুখে এবার একটা ঔৎসুক্য ফুটে উঠেছিল।

আবেদনটা সত্যিই অদ্ভুত লেগেছিল পিজারোর। বিস্মিতভাবেই জানতে চেয়েছিলেন,—আপনি আমাদের দল থেকে একজন জ্যোতিষী চান! কেন?

আমার নিজের দেশের গণংকারদের ওপর আর ভক্তি নেই বলে।—
অসকোচে জানিয়েছিলেন আতাহ্যালপা,—যে কোন পাপে হোক তাদের
দিব্যদৃষ্টি নষ্ট হয়ে গেছে। এ পর্যন্ত যা ঘটল তার একটু ইঙ্গিতও তারা দিতে
পারে নি।

আমাদের কেউই যে তা পারবে তার ঠিক কি?—পিজারো নিজের মনের
সত্যকার সংশয়টাই জানিয়েছিলেন।

কিন্তু আতাহ্যালপা এ সংশয়কে আমল না দিয়ে বলেছিলেন,—তবু চেষ্টা
করতে আপত্তি কি! আছে আপনাদের মধ্যে কেউ এমন দৈবজ্ঞ?

পিজারো তৎক্ষণাৎ জবাব দিতে পারেন নি। প্রথমটা কারুর নামই মাথায়
আসে নি তাঁর। তারপর হঠাৎ বেদে গানাদোর কথা মনে পড়েছিল।
জ্যোতিষবিদ্যা সত্যি সে জানে কি-না তা পিজারো নিজেই বলতে পারেন না।
কিন্তু জাতে বেদে বলে তার অদ্ভুত কিছু ক্ষমতা-টমতা বোধ হয় আছে। তার
পরিচয়ও একটু-আধটু পাওয়া যায় নি এমন নয়। আর কিছু না হোক,
আতাহ্যালপাকে কিছুটা ভুলিয়ে রাখতে সে পারবে। আতাহ্যালপার পেটের
কথাও একটু-আধটু বার করা তার পক্ষে হয়ত অসম্ভব হবে না।

পিজারো গানাদোকেই আতাহ্যালপার কাছে একদিন পাঠিয়ে দিয়েছিলেন।
পাঠাবার আগে তাকে একটু তালিম দিতে জেলেন নি।

তোমার ত ভর-টর হত বলেছিল। ভর হলে আবার নাকি দিব্যদৃষ্টি খুলে
যায়। তা এখন ভর-টর হয়?—একটু যেন কড়া গলাতেই জিজ্ঞাসা করেছিলেন
পিজারো।

যাঁরা ভর করেন তাঁদের মর্জি হলেই হয় আদেলানতাদো।—সবিনয়ে
জানিয়েছে গানাদো।

আদেলানতাদো ছাড়া আর কিছু বলে গানাদো তাঁকে সম্বোধন করে না।
আগে বিরক্তি লাগত। এখন সয়ে গেছে।

তবু ধমক দিয়ে পিজারো বলেছেন,—ও-সব প্যাচালো কথা ছাড়ো।
দেবতা-অপদেবতার ভর হালফিল হয়েছে কি না জানতে চাইছি।

আজ্ঞে তা অনেক দিন হয় নি।—কুণ্ঠিতভাবে যেন স্বীকার করেছে
গানাদো।

হঁ—পিজারো বিক্রপের খোঁচাটুকু না দিয়ে পারেন নি,—যাঁরা ভর করতেন
তাঁরা সাগর পেরিয়ে আর তোমার নাগাল পাচ্ছেন না কেমন?

গানাদো লজ্জাতেই যেন কোন জবাব দেয় নি।

পিজারোই আবার বলেছেন,—শোনো, ইংকা নরেশ আতাহয়ালপার আমাদের জ্যোতিষীদের দিয়ে ভাগ্য গণাবার সখ হয়েছে। পারবে তাঁকে সন্তুষ্ট করতে ?

দেবতারা যদি দয়া করেন আদেলানতাদো তাহলে নিশ্চয়ই পারব।—প্রায় করুণভাবে জানিয়েছে গানাদো।

দেবতারা দয়া করুন না করুন আতাহয়ালপাকে খুশি তোমায় করতেই হবে।—এবার কঠিন আদেশের স্বরেই বলেছেন পিজারো,—ছার চেষ্টা করতে হবে গণনা করার ছলে ওর পেটের কথা বার করবার। ওর সোনাদানা কোথায় কি লুকোনো আছে যদি জানতে পারো...

তাহলে আপনাকে তৎক্ষণাৎ জানাব আদেলানতাদো।—পিজারোর কথাটা পূরণ করে দিয়েছে গানাদো মাঝখানে বাধা দিয়ে।

পিজারো এ বেয়াদবি কিন্তু গ্রাহ্যই করেন নি। লুকু প্রত্যাশায় বদাশ্ব হয়ে বলেছেন,—হৃদিস যা তুমি দেবে তা নিভুল হলে সোনাদানা যা কিছু উদ্ধার হবে তার মোটা বখরা তোমার।

আপনার অসীম দয়া আদেলানতাদো।—বলেছে গানাদো।

গানাদো তারপর থেকে আতাহয়ালপার কাছে নিয়মিতভাবে যাতায়াত যে করেছে পিজারো তা জানেন।

আতাহয়ালপা জ্যোতিষের বিবয়ে আর উচ্চবাচ্য না করায় এইটুকু তিনি ধরে নিয়েছেন যে, ইংকা নরেশকে খুশি করতে না পারুক, একেবারে হতাশ সে করে নি।

আতাহয়ালপার গোপন কোনো খবর সে এখনো আনতে পারে এইরকম একটু ক্ষীণ আশায় বেশী পিজারোর মনে আর কিছু ছিল না।

হঠাৎ আতাহয়ালপার অবিশ্বাস প্রস্তাব শুনে আর সে প্রস্তাবের মূলে সেই গানাদোই আছে জেনে প্রথমটা পিজারো সত্যিই তাই রীতিমত অভিভূত বিহ্বল হয়ে যান।

আতাহয়ালপা যা বলেছেন, তা বিশ্বাস করা সত্যিই কঠিন। বন্দানিবাসে আতাহয়ালপার দরবার ঘরটির মাপ ছিল লম্বায় প্রায় চব্বিশ আর চওড়ায় বারো হাত। পিজারোর সঙ্গে পুরস্কারের কথাটা আলাপ করতে করতে আতাহয়ালপা প্রথমে ঘরের মেঝেটার নিকে আঙুল দেখিয়ে বলেছেন—এই

মেঝের মাপটা ভালো করে দেখে রাখুন সাগরপারের বীর।

পিজারো অবাধ হয়ে মেঝের দিকে তাকাবার পরই আতাছ্যালপা হঠাৎ তাঁর রাজ্যসন থেকে উঠে পড়ে প্রশস্ত ঘরটির দেয়ালের কাছে চলে গিয়েছেন। পিজারোকে রীতিমত চমকে দিয়ে তারপর পায়ের বুড়ো আঙুলে ভর দিয়ে দাঁড়িয়ে একটা হাত যতদূর সম্ভব ওপরে তুলে আঙুলের ডগা দিয়ে দেওয়ালে একটা দাগ টেনে বলেছেন,—আমার হাতটা কতদূর পৌঁছায় তাও লক্ষ্য করুন।

দেওয়ালের কাছ থেকে আবার ঘরের মাঝখানে নিজের রাজ্যসনে এসে বসে আতাছ্যালপা তারপর যা বলেছেন তাই উম্মাদের প্রলাপ বলে মনে হয়েছে পিজারোর।

মেঝে থেকে যতদূর পর্যন্ত হাত তুলে দাগ দিয়েছেন দরবার ঘরের সেই সমস্ত জায়গা আতাছ্যালপা উপহার হিসেবে সোনার যদি ভরে দেবেন বলেন, তাহলে তা প্রলাপ ছাড়া আর কি ভাবা যায় ?

প্রলাপ কিংবা পরিহাস !

প্রলাপ নয়, পরিহাস নয়, পিজারোর নিজেরই মনের এক দৈবজ্ঞ গানাদোর মুখ দিয়ে পেরুর আদিম দেবতা ভীরাকোচার নাকি এই আদেশ !

আতাছ্যালপার মুখে এই পর্যন্ত শোনবার পর দে সটো আর কাণ্ডিয়া এসে পড়ায় গুরুতর সমস্যার মীমাংসার জন্তে পিজারোকে আলোচনার ছেদ টেনে চলে যেতে হয়েছিল।

দ্বিতীয়বার এ বিষয়ে আলাপ করতে পেরেছিলেন তার পরের দিন।

যা ভয় করেছিলেন, তা অমূলক বলে বোঝা গেছে। আতাছ্যালপার ইতিমধ্যে মতিগতি বদলায় নি। আগের দিন যা বলেছিলেন এখনো তাঁর মুখে সেই এক কথা। ভীরাকোচার আদেশে স্বেতবাহিনীর সেনাপতিকে পুরস্কৃত তাঁকে করতেই হবে, আর সে পুরস্কার কি তা তিনি আগেই দেখিয়ে দিয়েছেন।

কিন্তু এত সোনা আপনার আছে কোথায় ?—এবার লুকুভাবে প্রশ্ন করেছেন পিজারো।—এই কাকুসামালকা শহরে ?

না।—জানিয়েছেন আতাছ্যালপা,—আছে আমার সমস্ত রাজ্যের নানা জায়গায় লুকোন। সেখান থেকে সে সব আনার ব্যবস্থা করতে হবে।

কিন্তু যদি নিজের কথা আপনি না রাখতে পারেন,—পিজারোর গলা লুকোবার চেষ্ঠা সঙ্গেও তীক্ষ্ণ কঠিন হয়ে উঠেছে,—যদি মিথ্যে আশ্বাস দিয়েছেন বলে জানা যায় শেষ পর্যন্ত ?

তাহলে ভীরাকোচা আমার ক্ষমা করবেন না।—একটু হেসে বলেছেন
আতাহয়ালপা।

তার বেশী কোন ভয় আপনায় নেই?—পিজারোর গলায় ব্যস্তের স্বরটা খুব
অস্পষ্ট থাকে নি এবার।

না, তার চেয়ে বড় ভয় কিছু আমার নেই। পিজারোর প্রচ্ছন্ন ব্যক্তিত্ব
গ্রাহ্য না করে দৃষ্টিতে বলেছেন আতাহয়ালপা—বেশন বড় সৌভাগ্য কিছু নেই
তাকে প্রসন্ন করার চেয়ে।

ভীরাকোচা প্রসন্ন হলে কি সৌভাগ্য আপনায় হবে বলে আশা করেন?—
পিজারোর মুখে আপনা থেকেই প্রশ্নটা যেন উঠে এসেছে।

আশা কেন করব, কি সৌভাগ্য আমার হবে আমি জানি। আগের মতই
গভীর বিশ্বাসের সঙ্গে বলেছেন আতাহয়ালপা,—সমস্ত অভিশাপের মেঘ কাটিয়ে
উঠে আমার আরাধ্য স্বর্গদেবের মতই আমি আবার দীপ্ত হয়ে উঠব।

তাই যেন হতে পারেন।—ব্যঙ্গ ভরে নয় পরম আন্তরিকতার সঙ্গেই
পিজারো এ শুভকামনা জানিয়েছেন মনে হয়েছে।

পরের দিন থেকেই আতাহয়ালপার নির্দেশ মত পিজারোর হুকুম নিয়ে সমস্ত
শেক রাজ্যের দূরদূরান্তরে পাইক-পেয়াদারা ছুটে গেছে যেখানে যত সোনা সঞ্চিত
আছে সব কাক্সামালকায় বসে নিয়ে আসবার জন্তে। দেখা গেছে এসপানিওদের
হাতে বন্দী হওয়া সত্ত্বেও কি আশ্চর্য আতাহয়ালপার প্রভাপ প্রতিপত্তি! দূর-
দূরগম পথে ভারে ভারে সোনা এসে পৌঁছেছে প্রতিদিন কাক্সামালকা শহরে।
দেখতে দেখতে দরবার ঘর সত্যিই সোনার ভরে উঠেছে।

সমস্ত এসপানিওল বাহিনীর মধ্যে তীব্র হয়ে উঠেছে এই সোনার স্তূপ জমা
হওয়ার উত্তেজনা।

কল্পনাভীত দুর্ভোগ, যন্ত্রণা আর বিপদ মৃত্যু সব কিছু তুচ্ছ করে তাদের এ
দুঃসাহসী অভিযানের পরম সার্থকতা এবার তারা নিজেদের চোখে দেখতে
পাচ্ছে, স্পর্শ করতে পারছে নিজেদের হাতে ওই সোনার স্তূপের মধ্যে।

তাঁর বাহিনীর আর সবাইকার মতই পিজারোর উল্লাসের আর সীমা নেই।
এমন আশাতীত সৌভাগ্যের জন্তে পরমেশ্বরকে ধন্যবাদ দেবার জন্তে তিনি
কাক্সামালকা শহরে নতুন এক গীর্জা প্রতিষ্ঠিত করেছেন। গীর্জার জন্তে নতুন
আয়তন তাঁকে তৈরী করাতে হয় নি। অতিথি মহল্লার একটি জমকালো বাড়িই
একটু-আধটু অদলবদল করে তিনি গীর্জা বানিয়েছেন।

পিজারো একেবারে অকৃতজ্ঞ নয়। দেবতাকে সন্তুষ্ট করতে গিয়ে মানুষের কথা এবার তাঁর মনে হয়েছে।

গানাদোর অবস্থা নিজে থেকেই তাঁর কাছে আসবার কথা। এতবড় একটা বাহাদুরী দেখাবার পর কেন যে সে নিজের তারিফ গুনতে আর বথরা চাইতে আসে নি সেইটেই একটু আশ্চর্য লেগেছে পিজারোর।

আতাহ্যালপার প্রতিজ্ঞা পূরণ হতে আর সামান্য কিছু বাকি। হয়ত কাজটা শেষ হবার পর আরো মেটো বকশিশ দাবী করবার জোর পাবে বলেই গানাদো এখন ধৈর্য ধরে অপেক্ষা করে আছে কিংবা নিজে হাত বাড়িয়ে পুরস্কার চাইতে তার সাহসে কুলোয় নি। গানাদোর এ-পর্যন্ত দেখা করতে না আসার কারণ এইরকমই ধরে নিয়েছেন পিজারো।

বকশিশ নেবার জন্তে অপেক্ষা করার ধৈর্য গানাদোর যদি থাকে ত থাক পিজারোর সে ধৈর্য নেই। গানাদো আতাহ্যালপাকে জ্যোতিষের কি ভড়ং ভাঁওতায় এমন করে কাবু করেছে জানবার জন্তে তিনি ব্যাকুল। আতাহ্যালপার পেটের কথা আরো কিছু সে বার করতে পেরেছে কিনা তাও তাঁর জানা দরকার।

পিজারো গানাদোকে তাঁর সঙ্গে দেখা করবার জন্তে তলব পাঠিয়েছেন। গানাদোকে ডেকে আনতে যে গেছল সেই সেপাই যা খবর এনেছে পিজারো তা বিশ্বাস করতেই পারেন নি।

গানাদো তার ডেরায় নেই। ডেরায় ত নয়ই কাক্সামালকার অতিথি মহল্লার সৈন্ত-শিবিরের কোথাও নাকি তাকে খোঁজ করে পাওয়া যায় নি!

খোঁজ করতে গিয়ে অনেকেরই খেয়াল হয়েছে যে শুধু সেইদিনই নয় গত কয়েকদিন ধরেই গানাদোর সঙ্গে দেখা হওয়ার কথা কেউ মনে করতে পারে না।

কোথায় গেল তাহলে গানাদো!

এসপানিওল একজন সৈনিক হিসেবে কাক্সামালকা থেকে একেবারে তার নিকরদেশ হয়ে যাওয়া ত আজগুবি ব্যাপার। সোনা নিয়ে সবাই তখন যেতে আছে, গানাদোও কেণ্ডেকেটাদের একজন নয়, তবু তাকে নিয়েও কিছু জল্পনা-কল্পনা শুরু হয়েছে।

তার অন্তর্বানের পেছনেও ভীরাকোচার রহস্য কিছু আছে নাকি! কিন্তু তা থাকলেও মানুষটা এমন হয়ে যায় কি করে?

ভীরাকোচার হাতে যাদের লাঞ্ছনার কথা জানা গেছে তাদের ত সব সশরীরেই উপস্থিত থাকতে দেখা গেছে। একেবারে গায়ের ত কেউ হয়ে যায় নি গানাদোর মত।

অস্ত্রেরা যত না হোক পিজারো আর তাঁর দুই বিশ্বস্ত সেনাপতি দে সটো আর কাণ্ডিয়া চিস্তিত অস্থির হয়েছেন সবচেয়ে বেশী।

দে সটোকে নিয়ে পিজারো শেষ পর্যন্ত আতাহয়ালপার কাছেই গেছেন এ রহস্যের হৃদয় পাবার আশায়।

আপনার কাছেই ত সে ইদানিং আসত যেত। পিজারো প্রায় অভিযোগের সুরে বলেছেন,—শেষ তাকে দেখেছেন কবে?

কবে? আতাহয়ালপাকে যেন ভাবতে হয়েছে।

এই ত দিন তিনেক আগেই। ভেবে নিয়ে জানিয়েছেন আতাহয়ালপা, হ্যাঁ, সেইদিনই আমাকে ভীরাকোচার কোপে পড়বার ভয় দেখায়।

ভীরাকোচার কোপে পড়বার ভয় দেখায়? আপনাকে!

পিজারোর সঙ্গে দে সটো আর কাণ্ডিয়ার মুখে একই বিস্মিত প্রশ্ন শোনা গেছে।

এ ভয় দেখাবার কারণ? গানাদোর অস্তর্ধান রহস্যের মীমাংসা আপাততঃ স্থগিত রেখে জিজ্ঞাসা করতে হয়েছে পিজারোকে।

ভয় দেখাবার কারণ প্রতিজ্ঞা রাখবার মেয়াদ আমার ফুরিয়ে আসছে বলে। আতাহয়ালপা যেন অনিচ্ছার সঙ্গে জানিয়েছেন,—নির্দিষ্ট সময়ের মধ্যে কথা না রাখতে পারলে ভীরাকোচা ত আমার ক্ষমা করবেন না। আপনাদের গানাদো তাই সেদিন আমার জমানো সোনা দূরদূরান্তর থেকে বয়ে আনবার জন্তে আরো বেশী লোকজন লাগাতে বলেছিল। তা না লাগালে আমারই শুধু প্রতিজ্ঞা ভঙ্গ হবে না, আমার লুকোনো সব পুঁজি হয়ত বেহাতই হয়ে যাবে।

বেহাত হবে কেন? সোনার পুঁজি থেকে বঞ্চিত হবার ভয়, গানাদোর অস্তর্ধান রহস্য সঘণ্টে উদ্বেগে কৌতুহল ছাপিয়ে পিজারোর গলা রুক্ষ করে তুলেছে।

হবে-ই বলছি না, আতাহয়ালপা মনে মনে নিশ্চয় পিজারোর এই অস্থিরতাটুকু উপভোগ করে বাইরে অবিচলিত গান্ধীধ্বজের সঙ্গে সত্রাটোচিত কুঁতুব্ধির পরিচয় দিয়েছেন তাঁর জবাবে,—তবে আমার নিজের টহলে বার হওয়া বন্ধ দেখে কেউ কেউ শয়তানির চেষ্টা করতে পারে বলে ভাবনা হচ্ছে। তাই

উপরি লোক লাগিয়ে যেখানে যা আছে যত তাড়াতাড়ি সম্ভব আনিয়ে ফেলা দরকার মনে করছি।

বেশ, উপরি লোকই আজ থেকে পাবেন। পিজারো আশ্বাস দিতে দেবী না করলেও আর একটা প্রশ্ন তুলেছেন,—কিন্তু আপনার লোকজনের অমন ঘটনা করে জাঁকজমকের সাজপোশাকে যাবার দরকার কি? অত সাজগোজের মধ্যে আবার মুখে রং চং আর মুখোশের ছড়াছড়ি দেখলে ত মনে হয় কোণ বিয়ের বরযাত্রীদের সঙ্গে তামাসা দেখাবার সব ভাঁড় চলেছে। ও সব হৈ-হুল্লোড় না করে আর সোনা আনতে যাওয়া যায় না?

চুপি চুপি কাউকে কিছু না জানিয়ে যাওয়া আসার কথা বলছেন!

দোভাষীকে দিয়ে বলাবার ভেতরও আতাছয়ালপার প্রচ্ছন্ন বিক্রপের রেণ একটু বুকি থেকে গেছে। সেটা চাপা দেবার জন্তে একটু বেশী গাশ্চীরের সঙ্গে আতাছয়ালপা তারপর জানিয়েছেন—চোরের মত লুকিয়ে গেলে আসল কাজই যে হবে না। লুকোনো পুঁজির জিম্মাদাররাই যে অবিশ্বাস করবে। ইংকা অধীশ্বরদের সম্পদ, স্বর্ঘদেবের জমানো চোখের জল রাখতে বা বার করে আনতে এমনি সমারোগ করাই যে এ দেশের দস্তুর।

'দস্তুর' শোনাবার পর পিজারো তার বিরুদ্ধে আর কিছু বলার পান নি। গানাদো সঙ্কে আর দু'চারটে প্রশ্ন করে আতাছয়ালপাকে বাড়তি কিছু লোক লাগাতে দেওয়ার আশ্বাস দিয়ে দে সটো আর কাণ্ডিয়াকে নিয়ে ফিরে গেছেন।

গানাদোর মত একজন সৈনিকের বেমালুম গায়েব হয়ে যাওয়া যত বড় রহস্যই হোক তা নিয়ে মাথা ঘামাবার বেশী সময় পিজারো বা তাঁর বিশ্বস্ত সেনাপতির পাননি।

আতাছয়ালপার দরবার ঘর সোনায় ভরে ওঠার উদ্বেজনা ত আছেই তার ওপর আর এক খবর দৃষ্টমুখে এসে পিজারো আর তাঁর বিশ্বাসী সেনাপতিদের অস্থির চঞ্চল করে তুলেছে।

আর কারুর কাছ থেকে নয়, খবর এসেছে আতাছয়ালপারই ভাই আর প্রতিদ্বন্দ্বী ইংকা সাম্রাজ্যের ঞাষ্য প্রথা-সঙ্কত অধীশ্বর হ্রাসকারের কাছ থেকে।

রাজশিংহাসন নিয়ে হ্রাসকার আর আতাছয়ালপার জীবনপণ সংগ্রামের কথা আমরা জানি। আতাছয়ালপার কাছে পরাজিত হয়ে হ্রাসকার যে ইংকা সাম্রাজ্যের যথার্থ রাজধানী কুজকোর কাছে শেসা'-র স্বরক্ষিত দুর্গে বন্দী হয়ে আছেন তাও আমাদের অজানা নয়।

সৌসার বন্দী থাকতেই হুয়াসকার এসপানিওল নামে অজানা এক শত্রুর হাতে আতাহুয়ালপার কল্পনাভীত ভাগ্য বিপর্যয়ের কথা শুনেছেন। শুনেছেন যে আতাহুয়ালপা বন্দী থেকে মুক্তি পাবার জন্যে প্রচুর ধনবস্তু এসপানিওলদের দেবার কড়ার করেছেন।

এই সংবাদই উৎসাহিত করে তুলেছে হুয়াসকারকে। আতাহুয়ালপার ওপর পরাজয়ের প্রতিশোধ নেবার আর নিজের মুক্তি কেনবার একটা কুটকৌশল তাঁর মাথায় এসেছে। গোপনে নিজের বিশ্বাসী গুপ্তচরকে দিয়ে এসপানিওলদের অধিপতির কাছে তিনি একটা প্রস্তাব করে পাঠিয়েছেন। প্রস্তাব এই যে আতাহুয়ালপার বদলে তাঁকে মুক্তি দিলে তিনি আতাহুয়ালপার চেয়ে অনেকগুণ বেশী সোনাদানার সম্পদ এসপানিওলদের দিতে প্রস্তুত। সে ক্ষমতা তাঁর সত্যিই আছে কারণ কুজকে তাঁর নিজের রাজধানী। ইংকা সাম্রাজ্যের সবচেয়ে বেশী সম্পদ স্বাভাবিকভাবে এই শহরেই মজুত। কোথায় তা কি পরিমাণ আছে তা বাইরের লোক হয়ে আতাহুয়ালপা আর কতটুকু জানে!

হুয়াসকারের এই প্রস্তাবে পিজারো আর তাঁর ঘনিষ্ঠ সাক্ষপাঙ্কের উত্তেজিত চঞ্চল হয়ে ওঠা অস্বাভাবিক কিছু নয়। কি এ বিষয়ে করা উচিত স্থির করা সত্যিই তাঁদের পক্ষে কঠিন হয়ে উঠেছে।

প্রলোভন ত বড় সামান্য নয়। আতাহুয়ালপা যা দিতে চেয়েছেন তাই পিজারো আর তাঁর দলবলের কাছে কল্পনাভীত। হুয়াসকার তার চেয়েও অনেকগুণ বেশী দেওয়ার লোভ দেখাচ্ছেন। এখন আতাহুয়ালপা না হুয়াসকার কার দিকে হেলা যায়?

গোপন রাখবার চেষ্টা সত্ত্বেও হুয়াসকারের এ প্রস্তাবের খবর আতাহুয়ালপার কানে একেবারে পৌঁছায় নি এমন নয়।

তাঁর ত এ খবরে অত্যন্ত বিচলিত হবার কথা। কিন্তু তা তিনি হন নি।

হননি এই কারণে যে এই রকম একটা অবস্থা যে হতে পারে তা জেনে তিনি আগে থাকতেই প্রস্তুত ছিলেন অনেকখানি। এসপানিওলরা এই দোটারানার মধ্যে মনঃস্থির করে ওঠবার আগেই তারা যা ভাবতে পারে না এমন কিছু ঘটে যাবে। আতাহুয়ালপা আর হুয়াসকারের মধ্যে একজনকে বেছে নেবার সমস্ত সুযোগ তখন আর পিজারোর থাকবে না এই মেঘ-ছাড়ানো তুষার-চূড়ার দেশে।

নিভুলভাবে সমস্ত মতলব ঝাঁজা হয়েছে, ধাপে ধাপে শেষ লক্ষ্যে পৌঁছাবার যে আয়োজন করা হয়েছে তা নিখুঁত।

প্রথম ধাপ হল পিজারোকে স্তূপাকার সোনা উপহার দিয়ে বিমূঢ় বিহ্বল করার সেই প্রস্তাব। এসপানিওলরা সোনা বলতে অজ্ঞান। তাদের সেই উন্নত লোভই তাদের বিরুদ্ধে অস্ত্র হিসেবে ব্যবহার করার ফন্দি হয়েছে তাই।

এ ফন্দি অবশ্য আতাছ্যালপার নিজের মাথা থেকে বার হয়নি। ধাপে ধাপে আগাগোড়া সমস্ত চালগুলো যিনি কষে কষে সাজিয়েছেন তিনি যে কে তা আতাছ্যালপা এখনো ঠিকমত জানেন না। গানাদো নামে পরিচিত এ লোকটি এসপানিওল বাহিনীরই একজন। তবু আতাছ্যালপা লোকটিকে বিশ্বাস করতে বাধ্য হয়েছেন। বাধ্য হয়েছেন তার কাজ দেখে।

কিন্তু ঘনরামকে কাক্সামালকা শহরে ত পাওয়া যাচ্ছে না। সমস্ত ফন্দি সাজিয়ে তিনি নিজে গেলেন কোথায়?

আর কেউ না জানুক আতাছ্যালপা তা জানেন।

হু'দিন বাদে আতাছ্যালপা নিজে যেখানে রওনা হবেন নেহাত অসম্ভব কিছু না ঘটে থাকলে গানাদো সেই 'সৌসা'য় ইতিমধ্যে পৌঁছে তাঁর জন্তে অপেক্ষা করছেন।

হ্যাঁ 'সৌসা' সেই সুরক্ষিত দুর্গনগরী আতাছ্যালপার ভাই হুয়াসকার যেখানে বন্দী হয়ে আছেন।

আর কোথাও নয়, গানাদো 'সৌসা'-তে গেছেন কেন, আতাছ্যালপার জন্তে অপেক্ষা করতে?

তাঁর পরাজিত রাজভ্রাতা ভূতপূর্ব ইংকা নরেশ হুয়াসকারকে যেখানে বন্দী করে রেখেছেন, সেই দুর্গনগরী 'সৌসা'তেই আতাছ্যালপার নিজেরও গোপনে যেতে চাইবার কারণ কি?

হুয়াসকার যে তাঁর ভাগ্যবিপর্যয়ের সুযোগ নিয়ে নিজের স্বাধীনতা আর ক্ষমতা ফিরে পাবার জন্তে বেশী সোনার লোভ দেখিয়ে পিজারোকে হাত করতে চাইছে, এ গোপন খবর জানবার পরও আতাছ্যালপার সংকল্প ত বদলায়নি।

এরকম সম্ভাবনার কথা আগে থাকতেই অহুমান করে নিয়ে তিনি অবিচলিত ছিলেন কিসের জোরে?

শুধু কি গানাদোর ছকে দেওয়া চালের ওপর অটল বিশ্বাসে?

কিন্তু গানাদোর চাল যে অব্যর্থ এ বিশ্বাস তাঁর হল কি করে? গোড়ায় ত গানাদোকে পিজারোর গুপ্তচর বলে ধরে নিয়ে তাঁর সমস্ত কিছুই অবিশ্বাসের চোখে দেখেছিলেন।

যে নির্দেশ পেয়ে পিজারোর কাছে প্রথম একজন এসপানিওল দৈবজ্ঞের কথা পাড়েন তাই ত রীতিমত সন্দেহজনক মনে হয়েছিল। নির্দেশ পেয়েছিলেন অবশ্য সেই রঙিন সূতোর জট থেকে। সেই 'কিপু' ক'টা তাঁর মহলে কোথা থেকে এল তাই প্রথম বুঝে উঠতে পারেননি। পিজারোর চরেদেরই সেটা কারসাজি ভেবেছিলেন প্রথমে। এমন কথাও ভেবেছিলেন যে, ইংকা-সাম্রাজ্যের কোনো কুলাঙ্কার দেশধর্মের চরম অপমান করে বিদেশী পিজারোর কাছে 'কিপু'র রহস্য জানিয়ে দিয়েছে, আর পিজারো সেই 'কিপু' দিয়ে তাঁকে পরীক্ষা করতে চাইছেন।

'কিপু'গুলো পর পর হাতে পড়ার পরও আতাহুয়ালপা তাই তার নির্দেশ মানবার কোনো চেষ্টা করেননি। সেগুলো যেন বাজে রঙিন সূতো হিসেবেই নাড়াচাড়া করেছেন। সত্যিই 'কিপু'র রহস্য জেনে থাকলেও পিজারো আতাহুয়ালপাকে ধরা-ছোঁয়ার ষাতে কিছু না পান।

গুপ্তচরেদের চরম দেশদ্রোহ সন্দেহে তাঁর আশঙ্কা যে অমূলক, পিজারোর 'কিপু'গুলো সন্দেহে খোঁজ নেবার ধরন দেখেই আতাহুয়ালপা বুঝতে পারেন একদিন। 'কিপু'গুলো পিজারোর কাছে যে খেলাধুলোর রঙিন সূতোর বেশী কিছু নয়, তা বুঝে সেই দিনই এসপানিওল একজন দৈবজ্ঞের কাছে ভাগ্য গনাবার ইচ্ছে জানান।

'কিপু'গুলোর মধ্যে সেই নির্দেশই ছিল।

সব দুর্ভাগ্য ঘোচাতে চাও ত এসপানিওল দৈবজ্ঞ ডাকাও।—এই ছিল 'কিপু'র রঙিন জটপাকানো সূতোর আদেশ-বাণী।

গি'ট-দেওয়া রঙিন সূতোর জট দিয়ে এ আদেশ-বাণী প্রকাশ করা যেমন, তার পাঠোদ্ধার করাও তেমনি পেরু-রাজ্যের নিত্যন্ত গুপ্তবিদ্যা। 'কিপু' কি জিনিস জানলেও তা পড়বার ও তা দিয়ে কিছু বলবার ক্ষমতা যাব-তার থাকে না।

ইংকা রাজবংশের লোক হিসাবে আতাহুয়ালপাকে ছেলেবেলাতেই এ বিদ্যা শিখতে হয়েছে। রাজ ও অত্যন্ত অভিজ্ঞত বংশের লোক ছাড়া, পুরোহিতদেরই শুধু এ বিদ্যা শেখার অধিকার আছে।

'কিপু'গুলির আদেশ-বাণী সৈদিক দিয়েও আতাহুয়ালপাকে বিস্মিত চিন্তিত করেছিল।

'কিপু'র রঙিন সূতোয় ভাষা কোটাতে যারা জানে, ইংকা রাজ্যের এমন কে

এরকম অদ্ভুত নির্দেশ পাঠাতে পারে। হুঁতগ্যা ঘোচাবার জন্ত শক্রর দৈবজ্ঞের শরণ নেবার পরামর্শ দেওয়া তাদের কারুর পক্ষে সম্ভব বলেই আতাহয়ালপা ভাবতে পারেন না।

মনের এ সমস্ত দ্বিধাসংশয় নিয়েও আতাহয়ালপা পিজারোর কাছে 'কিপু'র নির্দেশ অহুগারে একজন এসপানিওল জ্যোতিষীর খোজ করেছিলেন। সেরকম কেউ থাকলে পাঠিয়ে দিতে বলেছিলেন তাঁর কাছে। নেহাত 'কিপু'গুলোর মানে বোঝা যায় কিনা দেখবার চেষ্টাতেই এ অহুরোধ।

সেই অহুরোধ রাখতে পিজারো কয়েকদিন বাদে যাকে পাঠিয়েছিলেন, তাকে দেখে ত গোড়াতেই মনটা বিরূপ হয়ে উঠেছিল।

এই কি এসপানিওল জ্যোতিষী! না, পিজারো তাঁর নিজের মতলব হাসিল করতে যাকে-তাকে দৈবজ্ঞ সাজিয়ে পাঠিয়েছেন?

লোকটার চেহারা হই ত প্রথমত অস্ত্র এসপানিওলদের থেকে কেমন আলাদা। গায়ের রংটা তাদের মত অমন কটা নয়। আরেক পৌঁচ ময়লা হলে ইংকা রাজবংশের ছেলেদের সঙ্গেই প্রায় মিলে যেত। মুখ-চোখ ধরন-ধারণও অস্ত্র এসপানিওলদের সঙ্গে মেলে না। লোকটা তাদের মতই লম্বা হলেও, পাতলা একহারা ধরনের। জ্যোতিষের মত বিণের চর্চা যারা করে, তাদের মুখ-চোখে যে ধীর-স্থির গাভীঘটুকু থাকা উচিত তাও এর মুখে নেই। কেমন একটা অস্থির-চঞ্চল ভাব তার জায়গায়, আর সেই সঙ্গে চোখের দৃষ্টিতে একটা চাপা কোতুকের আভাঙ্গ, মাঝে মাঝে যা হঠাৎ আবার যেন অস্ত্রভাবে ঝিলিক দিয়ে ওঠে।

লোকটার নাম জেনেছিলেন গানাদো। গানাদোর সঙ্গে প্রথম দেখার সময় যা-কিছু হয়েছিল তাও বেশ একটু অদ্ভুত বেয়াড়া ধরনের।

গানাদোর সঙ্গে কথা বলবার জন্তে আতাহয়ালপা সঙ্গে তাঁর দোভাষীকে রেখেছিলেন।

দোভাষী কিন্তু গানাদোর কথা কিছুক্ষণ শোনবার পর অহুবাাদের চেষ্টা না করে একেবারে বোঝা হয়ে গিয়েছিল। বোঝা হওয়ার আর দোষ কি? গানাদোর কথা সে একবর্ষ বুঝতে পারেনি।

চূপ করে থাকতে দেখে আতাহয়ালপা জুকুটিভরে তার দিকে চেয়েছিলেন।

গানাদোকেও অত্যন্ত বিরক্ত মনে হয়েছিল। তিনি রাগের চোটে মুখে যেন ভুড়ি ছুটিয়ে কি সব বলেছিলেন দোভাষীকে।

দোভাষী ঘেমে উঠে কাঁচুমাচু মুখ করে এবার আতাহুয়ালপার কাছে স্বীকার করেছিল যে, গানাদোর কথা অমুবাদ করবার ক্ষমতা তার নেই।

কেন?—আতাহুয়ালপা রেগে উঠেছিলেন,—তুমি এসপানিওলদের ভাষা জানো না?

জানি। কিন্তু উনি যা বলছেন, তা কাস্তেলিয়ানো মানে এসপানিওলদের ভাষা নয়।—করণস্বরে নিবেদন করেছিল দোভাষী।

কি!—এসপানিওল শব্দটা থেকেই যেন দোভাষীর কুইচুয়া ভাষায় বলা বক্তব্যটা বুঝে ফেলে গানাদো একেবারে অগ্নিশর্মা হয়ে বলেছিলেন,—আমি যা বলছি, তা এসপানিওল নয়? এসপানিওলদের ভাষা শুধু কাস্তেলিয়ানো? কেন, বান্ড, গালিসিয়ান কাটালান কি বানের জলে ভেসে এসেছে। আমি কাটালান বলছি, কাস্তেলিয়ানো নয়। বুঝেছ?

ভাবাচাকা খেয়ে গানাদোর কথাগুলো যে কাস্তেলিয়ানোতেই বলা সে খেয়াল হয়নি দোভাষীর।

কিন্তু আমি ত শুধু কাস্তেলিয়ানোই শিখেছি।—অপরাধীর মত সে জানিয়েছে—কাটালান আমি জানি না।

না যদি জানো তা এখানে করছ কি! ষাও।

আর কিছু না বুঝুন আতাহুয়ালপা গানাদোর রাগের সঙ্গে বলা শেষ কথাটা বুঝেছিলেন। বন্দী হবার পর থেকে এসপানিওলদের সংসর্গে যে 'জু'-একটা শব্দ তিনি এই ক'দিনে শিখেছেন তার একটা হল 'ভায়িয়া'। 'ভায়িয়া' মানে ষাও। গানাদো রাগের মাথায় দোভাষীকে সেই কথাই বলেছে।

কথা যে বোঝে না এমন দোভাষীর ওপর রাগ হওয়া অবশু স্বাভাবিক। তার খাকা-না-খাকা সমান। ষাও বলে তাকে তাড়ালে স্তবরাং কোনো ক্ষতি নাই। আতাহুয়ালপা দোভাষীকে বিদায় দেওয়ায় তাই আপত্তি করেন নি।

কিন্তু যে গেছে তার জায়গায় গানাদোর কথা বোঝে এমন দোভাষী ত একজন দরকার। নইলে ইসারায় ত তাঁদের পরস্পরের আলাপ আর হতে পারে না।

ইসারায় কথা বোঝাতে হয়নি, দরকার হয়নি কোনো দোভাষীরও, হঠাৎ চমকে উঠে অবাক হয়ে আতাহুয়ালপা গানাদোর দিকে তাকিয়েছেন। নিজের কানকেই তিনি বিশ্বাস করতে পারছেন না তখন।

বিশ্বাস করা সত্যিই শক্ত ।

গানাদো তাঁর সঙ্গে কথা বলছে । কথা বলছে পেরুর সাধারণ ভাষা কুইচুয়ায় নয়, ইংকা রাজপরিবারের নিজস্ব বিশেষ ভাষায়, বাইরের প্রজা-সাধারণেরও যা অজানা ।

গানাদোর এ ভাষা ব্যবহারে স্তম্ভিত হয়ে আতাহুয়ালপা প্রথমে তার কথাটাই মন দিয়ে শুনতে পারেননি ।

গানাদো একটু হেসে দ্বিতীয়বার কথাটা বলার পর তিনি সজাগ হয়েছেন ।

দোভাষীকে তাড়িয়েছি বলে রাগ করেননি নিশ্চয় ?—বলেছেন গানাদো ।

না, তা করিনি ।—জুকুটিভরে বলে আতাহুয়ালপা নিজের তীব্র কৌতূহলটা আর চাপতে পারেননি,—তুমি—তুমি আমাদের এভাষা শিখলে কোথায় ?

এভাষা কি এমন অদ্ভুত কিছু যে শিখলে আশ্চর্য হতে হয় !—গানাদো ঘেন সরল বিশ্বয়ই প্রকাশ করেছেন ।

হ্যাঁ তাই !—ইংকা নরেশ একটু উক্ষণ্নরেই বলেছেন,—এ দেশের সবাই যা বলে এ সেই কুইচুয়া নয় । ইংকা-রক্ত যাদের গায়ে আছে, রাজবংশের তারাই শুধু এ ভাষা ব্যবহার করে ।

ইংকা রক্ত আমার গায়ে নেই ।—সবিনয়ে বলেছেন গানাদো,—স্বতরাং এ ভাষা ব্যবহার করে আমার যদি অগ্রায় হয়ে থাকে ত মা প করবেন । আমি কুইচুয়াতেই যা বলবার বলতে চেষ্টা করব ।

সে চেষ্টা করতে তোমায় বলছি না ।—আতাহুয়ালপা অধৈর্যের সঙ্গে বলেছেন—কোথায় এ রাজভাষা তুমি শিখলে তাই জানতে চাইছি ।

রাজভাষা ত যার-তার কাছে শেখা যায় না ।—আবার প্রশ্নটা এঁড়িয়ে গিয়েছেন গানাদো,—কোথায় কেমন করে শিখেছি আশা করি তা জানাবার সময় সন্যোগ পরে পাব । কিন্তু এখন সবচেয়ে যা জরুরী, সেই কথাগুলোই আপনার সঙ্গে আগে আলোচনা করতে চাই । দোভাষীকে সেইজন্তেই ওভাবে সরিয়ে দিলাম ।

কি জরুরী কথা আলোচনা করতে চাও ?—আতাহুয়ালপা অত্যন্ত সন্দেহ-ভাবে গানাদোর দিকে তাকিয়েছেন, তারপর রুচস্বরে বলেছেন,—এসপানি-ওলদের জ্যোতিষবিদ্যার দৌড় কতটা তাই আমি তোমায় দিয়ে পরীক্ষা করতে চাই । গোপন আলোচনা করবার জন্তে তোমায় ডাকিনি । পারো তুমি ভাগ্য গণনা করতে ।

না।

সোজা স্পষ্ট দৃঢ়স্বরে এ অপ্রত্যাশিত জবাব শুনে চমকে উঠে আতাহ্যালপা সবিস্ময়ে গানাদোর দিকে তাকিয়েছেন। লোকটা বলে কি! অস্মানবদনে স্বীকার করছে যে, সে জ্যোতিষী নয়! গানাদোর অবিচলিত নির্বিকার মুখের ভাব দেখে একমুহুর্তে মেজাজ তাঁর আরো গরম হয়ে উঠেছে।

তীব্রস্বরে তিনি বলেছেন,—ভাগ্য গণনা করতে জানো না, তবু তুমি এখানে এসেছ! এসেছো কি পরিহাস করতে?

না, সন্ন্যাসী।—শান্ত দৃঢ়স্বরে বলেছেন গানাদো,—পরিহাস করবার জন্তে নিজের মাথায় খাঁড়া ঝুলিয়ে এখানে আসিনি। এসেছি আর এক উদ্দেশ্যে আর আশা নিয়ে। ভাগ্য গণনা করতে আমি জানি না কিন্তু ভাগ্য বদলাতে হয়ত পারি।

ভাগ্য বদলাতে পারো!—আতাহ্যালপা জলস্তম্ভে ওইটুকু বলে গানাদোর স্পর্ধাতেই বোধহয় নির্বাক হয়ে গেছেন।

আপনি আমার বিশ্বাস করতে পারছেন না জানি।—গানাদো আগের মতই স্থির-ধীরভাবে বলেছেন,—ভাবছেন পিজারোর চর হিসেবে আপনার মনের কথা বার করবার চেষ্টা করছি। নিজেকে বাঁচাতে পিজারোর কাছে আমার সব কথা ফাঁস করে দেবেন কিনা তাও তোলাপাড়া করছেন মনে মনে। তা আমার ধরিয়ে দিতে আপনি সত্যিই পারেন। মুখ-সাপাটিতে তখন নিজের সাফাই গেয়ে পার পাৰ কিনা জানি না। পাই বা না পাই, এই তাভান্তিন্‌স্বইয়ু-র যিনি জীবনের উৎস, সেই ভীরাকোচা আর তাহলে ইংকা সাম্রাজ্যের অভিশাপ মোচন করতে বোধহয় দেখা দিতে পারবেন না।

তাভান্তিন্‌স্বইয়ুর জীবনের উৎস ভীরাকোচা!—আতাহ্যালপার গলায় রাগের চেয়ে বিস্ময়বিমুচতাই বেশী স্পষ্ট হয়ে উঠেছে এবার।—কি জানো তুমি তাঁর বিষয়ে?

এইটুকু জানি যে তাঁর নাম নিয়ে তাঁর ভরসার জোরে এই ইংকা সাম্রাজ্য আবার জাগিয়ে তুলে তার সমস্ত অভিশাপ কাটিয়ে দেওয়া যায়। আতাহ্যালপার দিকে স্থির দৃষ্টিতে তাকিয়ে বলেছেন গানাদো,—আপনার ভাগ্য সত্যিই বদলে যেতে পারে সন্ন্যাসী শুধু যদি যা আপনাকে বলব তা বিশ্বাস করতে পারেন।

বিশ্বাস তোমায় আমি করব কেন?—এবার বিদ্রূপের স্বরে বলেছেন আতাহ্যালপা, শুধু আমাদের রাজভাষা তুমি কোথা থেকে শিখেছ, আর

স্বীবনদেবতা ভীরাকোচার দোহাই দিচ্ছ বলে ?

না, সম্রাট !—একটু হেসে বলেছেন গানাদো,—রাজভাষা শিখেছি বা ভীরাকোচার দোহাই দিচ্ছি বলে আমার বিশ্বাস করতে হবে না। তার চেয়ে ভালো প্রশ্নাং ..

গানাদো কথাটা শেষ করতে পারেননি। ইংকা রাজবংশের সম্রাট কেউ একজন আতাহয়ালপার সঙ্গে দেখা করতে দরবার ঘরে এসে দাঁড়িয়েছেন। ষথারীতি, খালি পায়ে কাঁধে বশুতার নিদর্শন-হিসেবে একটা বোঝা কাঁধে নিয়ে কাছে এসে দাঁড়িয়ে প্রশ্নামী দিয়ে ও কুর্শিণ করে তিনি ষেভাবে বেশ একটু ব্যাকুল অসস্তির সঙ্গে গানাদোর দিকে তাকিয়েছেন, তাতে বোঝা গেছে, ইংকা নরেশের কাছে খুব গুরুতর কিছু তাঁর নিবেদন করার আছে।

আতাহয়ালপাকেও একটু বিব্রত মনে হয়েছে।

আগন্তুক ইংকা জ্ঞাতির কাছে তার জরুরী নিবেদনটা গোপনে তিনি শুনতে চান কিন্তু আলাপ অসমাপ্ত রেখে গানাদোকে বিদায় দিতে বাধছে।

গানাদোই আতাহয়ালপার এ দোটানার অসস্তি দূর করেছেন অপ্রত্যাশিত-ভাবে।

হঠাৎ আগন্তুক ইংকা-প্রধানকেই উদ্দেশ করে তিনি বলেছেন,—ভুল হলে মাপ করবেন। আপনার নামই ত পাউলুলো টোপা ?

ইংকা নরেশ ও আগন্তুক দুজনেই সবিস্ময়ে গানাদোর দিকে তাকিয়েছেন।

আতাহয়ালপাই জিজ্ঞাসা করেছেন জ্রুকুটিভরে,—তুমি ওর নাম জানলে কি করে ?

শুধু ওঁর নাম নয়, উনি আপনার কাছে কি আবেদন জানাতে এসেছেন, তাও আমি জানি।—ঈষৎ কঠিনস্বরে বলেছেন গানাদো,—ওঁকে আপনি আশ্বাস দিতে পারেন সম্রাট, যে স্বয়ং ভীরাকোচা ওঁর সহায় হবেন। একবার শিক্ষা পেয়েও বার সংশোধন হয়নি, পাউলুলো টোপার জ্বীর ওপর পাশব লালসা নিয়ে আবার যে তাঁকে লুণ্ঠন করে নিয়ে যাবার আয়োজন করেছে, আজ রাত্রেই এমন চরম শাস্তি সে পাবে, এমপানিওল বাহিনীর কাছে যা গল্প-কথা হয়ে থাকবে বহুদিন। প্রকাশ্য রাজপথে কলঙ্কচিহ্ন-ভরা মুখে হাত-পা বাঁধা অবস্থায় কাল সকালে তাকে পাওয়া যাবে।

কি বলছ কি তুমি !—যেন একটু অধৈর্যের সঙ্গে বলেছেন আতাহয়ালপা—
ভীরাকোচার নাম নিয়ে তামাশা করছ কোন সাহসে !

তামাদা করিনি সত্রাট!—গানাদো দৃচস্বরে বলেছেন,—সত্য কথাই বলছি যে, ভীরাকোচাই পাউল্লো টোপাকে চরম অপমান থেকে রক্ষা করবেন।

একদিকে যেমন বিশ্বয়বিমূঢ় আর একদিকে তেমনি ক্রুদ্ধ উত্তেজিত হয়ে আতাহয়ালপা জলস্তস্বরে পাউল্লো টোপাকেই জিজ্ঞাসা করেছেন,—এ এসপানিওল তোমার দুর্ভাগ্যের কথা যা বলছে, তা সত্য টোপা!

হ্যাঁ সত্য, সত্রাট!—নত আরকুমুখে স্বীকার করেছে পাউল্লো টোপা।

কিন্তু ভীরাকোচার পবিত্র নাম নিয়ে যে আশ্বাস দিচ্ছ, তা যদি শুধু মিথ্যে দস্ত হয়...?—গানাদোর দিকে ফিরে তীক্ষ্ণ-দৃষ্টিতে তাঁকে ঘেন বিদ্ধ করে আতাহয়ালপা প্রশ্নটা অসমাপ্তই রেখেছেন।

তাহলে আমার প্রভারক গুপ্তচর বলেই বুঝবেন!—কুঠাহীন গলায় বলেছেন গানাদো।—আমি কতখানি বিশ্বাসের যোগ্য আমার এই দাস্তিক আফালনই তার প্রমাণ দিক।

তার পরদিন সত্যিই সে প্রমাণ পেয়েছিলেন আতাহয়ালপা, গাল্লিয়েখো নামে সেই পাবও এসপানিওল সৈনিকের অবিশ্বাস্ত লাহনায়।

আতাহয়ালপা বিশ্বয়বিমূঢ় হয়েছিলেন সত্যিই কিন্তু গানাদোকে পরিপূর্ণভাবে বিশ্বাস করা আর তাঁর পক্ষে কঠিন হয়নি।

বিশ্বাস যে তাঁর অপাত্রে পড়েনি তার প্রমাণ এরপর পদে পদে পাওয়া গেছে। যা প্রায় কল্পনাতীত ছিল গানাদোর নিখুঁত চাল সাজাবার গুণে তা সম্ভব হয়েছে আশ্চর্যভাবে।

সোনার টিবি উপহার দেবার টোপ বিফল হয়নি। অসম্ভবভাবে পিজারো সে টোপ গিলেছেন। সবচেয়ে বড় সমস্যার সমাধান হয়েছে তাই দিয়েই।

সে বড় সমস্যা কি?

চারদিকে দুর্লভ্য পাহাড়ের প্রাচীরে ঘেরা, কাকামালকা থেকে এসপানিওল বাহিনীর সজাগ পাহারা এড়িয়ে বার হওয়া।

সেই সমস্যার কিনারাই করেছেন গানাদো সোনার কাঁড়ির প্রলোভন দেখিয়ে।

তা না করতে পারলে পিজারোর পাহারাদারদের একরকম চোখের ওপর দিয়ে গানাদো কি অমন উধাও হতে পারতেন।

কিন্তু কৌশলটা সত্যিই কি ছিল?

পিজারোর ঝাহু সব সঙ্গী-সাথী সেনাপতিরা ভেবেই পারনি।

শুধু পিজারোই একবার নিজের অশান্তে কোশলটা প্রায় ধরি-ধরি করে ফেলেছিলেন একটা কৌতূহল মেটাতে গিয়ে। রহস্যের চৌকাঠ পার হওয়া কিন্তু তাঁর হয়নি। সত্যিই কিছু সন্দেহ না করে দরজা থেকেই, তিনি ফেরত গেছেন বলা চলে। গানাদোর অস্ত্রধান-রহস্য শেষ পর্যন্ত ভেদ করা তাঁর পক্ষে সম্ভব হয়নি।

কি কোশলে গানাদো কাকশামালকা থেকে পালিয়েছেন তা শুধু একজনই জানেন। পালিয়ে তিনি কোথায় গেছেন তাও শুধু আতাছয়ালপাই জানা।

আতাছয়ালপার অহুমান নিভুল হলে গানাদো তখন দুর্গনগর সৌসানগরে পৌঁছে সাগরপারে ছুষমনবাহিনীর বিরুদ্ধে একেবারে মোক্ষম মাত-এর চালটি চলে আতাছয়ালপার জন্তে অপেক্ষা করছেন।

মাত-এর মোক্ষম চালটি কি ?

তা আর কিছুই নয় দুভাগ হয়ে যা পলকা হয়ে গেছিল তা-ই আবার এক করে জুড়ে দেওয়া। সে জোড়া হাতিয়ারের সামনে তখন দাঁড়াবে কে ?

আতাছয়ালপা আর হয়াসকার নিজেদের মধ্যে যুদ্ধ করে যখন শক্তি ক্ষয় করছেন শত্রু এসে তখন হানা দিয়েছে এই গৃহ বিবাদের স্রবোণে। দুই ভাই একবার দেশের জন্তে জাতির জন্তে আকাশের যিনি অধীশ্বর সেই সূর্যদেব আর জীবনের যিনি উৎস সেই ভীরাকোচার জন্তে মিলিত হলে এসপানিওল বাহিনী ত ফুৎকারে উড়ে যাবে।

হয়াসকার তাঁর সঙ্গী-সখীর কুপরামর্শে পিজারোর কাছে অভ্যস্ত গর্হিত একটা প্রস্তাব পাঠিয়েছেন।

তা পাঠালেও ক্ষতি নেই। পিজারো আর তাঁর দলবল যতক্ষণ সে প্রস্তাবের সুবিধে-অসুবিধে লাভ লোকসান হিসেব করছেন ততক্ষণে গানাদো সৌসায় পৌঁছে হয়াসকারের সঙ্গে ষোণাঘোণ করে ফেলেছেন নিশ্চয়।

হয়াসকার নির্বোধ নন। গানাদোর ছকা চালগুলি যে অব্যর্থ তা বুঝতে তাঁর দেরী হবে না। তারপর শুধু আতাছয়ালপার সৌস পৌছাবার জন্তে অপেক্ষা। আতাছয়ালপাকে সগরীর সামনে দেখলে হয়াসকারের মনে দ্বিধা দ্বন্দ্ব তখনও যদি কিছু থাকে নিশ্চিহ্ন হয়ে যাবে নিশ্চয়। ইংকা রাজরক্ত ষাদের মধ্যে প্রবাহিত সেই দুই রাজভ্রাতা এখন এক হয়ে মিললে সমস্ত কার্ডিলিয়েরাই কেঁপে উঠবে তাঁদের বাহিনীর পদভরে। কোথায় তখন দাঁড়াবে ওই কটা ছুষমন বিদেশী।

কিন্তু আতাহয়ালপা ত পিজারোর কড়া পাহারায় তাঁর নিজের অতিথি মহল্লাতেই বন্দী। অতিথি মহল্লা থেকে বাইরের চত্বরে পর্যন্ত একটু পা ছাড়িয়ে আসার সুযোগ তাঁর নেই!

তিনি সেই দূর দুর্গনগর সোস্য যাবেন কেমন করে?

কেমন করে আর! গানাদো য়েমন করে সকলের চোখে ধুলো দিয়ে গেছেন তেমনি করে।

পিজারাকে সোনার কাঁড়ি উপহার দিয়ে ভীরাকোচাকে প্রসন্ন করবার ব্রত কি আতাহয়ালপা অকারণে নিয়েছেন!

প্রতিদিন সমারোহ করে সূর্যদেবের জমানো চোখের জল বয়ে আনবার শোভাযাত্রীর দল কি এদিকে-ওদিকে মিছিমিছি পাড়ি দিচ্ছে?

তাদের রংবেরং-এর পোশাক, মুখের রং চং মুখোশ আর যাবার পথে নাচগান বাজনা দেখতে শুনতে গোড়ায় গোড়ায় এসপানিওলরাও রাস্তায় জড় হত। সং দেখার মত একটা মজা ছিল তার মধ্যে।

কিন্তু দুবেলা দেখে দেখে তারপর অবশ্য একষয়েমিতে অরুচি ধরে গেছে। এখন আর সোনা-বরদার মিছিল দেখলে কেউ দাঁড়িয়ে ভিড় জমায় না। যেটুকু আগ্রহ তাদের বিষয়ে আছে তা শুধু ভারে ভারে তারা সোনা আনছে বলে।

কাক্সামালকা থেকে কুজকো যাবার রাস্তায় প্রতিদিন একটা করে অন্ততঃ মিছিল যায় আসে। তার মধ্যে একটা বিশেষ দলকে কে আর লক্ষ্য করেছে।

লক্ষ্য করলেই বা বুঝত কি! সেই মুখোশ পরে সং সাজা রংবেরং-এর পোশাক পরা ভেঁপুর মত বাঁশি আর করতালের মত বাজনা নিয়ে একদল আধা নাচের ভঙ্গিতে চলেছে।

হ্যাঁ একটা ব্যাপার লক্ষ করবার মত ছিল বটে। মুখোশ জাঁটা নানা রং-এর প্রায় ঘেরাটোপ পরা একটা নেহাত ছোটখাট পাতলা ছুলা চেহারা। একেবারে বাচ্চা ছেলেই মনে হয়। এত অল্পবয়সের কেউ সাধারণতঃ এ সব সোনা-বরদার মিছিলে থাকে না।

কিন্তু থাকলে দোষও কিছু নেই। বুড়োখাড়ি ছাড়া ছেলে-ছোকরার এ দলে থাকা বারণ ত আর নয়! কারুর চোখে পড়লে তা নিয়ে জেরা সে করতে পারত না হুতরাং। এসপানিওলরা ত নয়ই। কারণ তারা এ সব মিছিলের

নিয়ম-কাহ্ন কি আর জানে !

কিন্তু লক্ষই যখন কেউ করেনি, তখন সন্দিগ্ন হবে কে ? আর এ দলের পক্ষে বেমানান এই ছেলে-ছোকরার মত চেহারা যদি নজরে না পড়ে থাকে তাহলে তার সঙ্গী হিসেবে আর কেউ দৃষ্টি আকর্ষণ করেনি নিশ্চয় ।

না বলতেই বোঝা গেছে বোধহয় যে গানাদো এই দলের সঙ্গে সোনা-বরদার সঙ্গেই কাক্সামালকা থেকে উধাও হয়েছেন । উধাও হয়েছেন কুজকোর পথে । কুজকো কাক্সামালকার খুব কাছাকাছি নয় । পথও বেশ দুর্গম । তবে ইংকা স্থপতিরা সেখানে পাহাড় কেটে পথ বানাবার এমন আশ্চর্য বাহাদুরী দেখিয়েছেন, তখনকার ইউরোপে অন্ততঃ যার তুলনা ছিল না ।

এ পথে তখনও পর্যন্ত ইংকা সাম্রাজ্যের নিজস্ব দৌড়বাজ হরকরার ব্যবস্থা চালু আছে । পেরুর উত্তর থেকে দক্ষিণ প্রান্ত আর শাদা তুষারের পাহাড়ের রাজ্য থেকে মরুর মত ধূ-পশ্চিম সমুদ্র তীরের নগর বসতি এই পর্যন্ত ডাকবিলির ব্যবস্থা সে যুগের এক বিস্ময় । দৌড়বাজ ডাক-হরকরা প্রতিদিন অবিশ্রান্ত তৎপরতার সঙ্গে রাজ্যের সংবাদ ও ইংকা নরেশের আদেশ সর্বত্র বহন করে নিয়ে যায় ।

এই দৌড়বাজ হরকরাদের পর পর হাতফেরতা হয়ে ডাক বিলি হত অবশ্য । বিলে রেসের মত এক হরকরার দৌড় যেখানে শেষ সেখানে আরেক হরকরা তৈরী থাকত তার বার্তা নিয়ে ছুটে যাবার জন্যে ।

এই ব্যবস্থা সবেও কাক্সামালকা থেকে কুজকোর ডাক পৌঁছোতে পাঁচ দিন অন্ততঃ লাগত ।

সোনা-বরদার শোভাযাত্রীদের দলের সঙ্গে গানাদোর কুজকো পৌঁছোতে আরো বেশী কিছুদিন লাগা তাই স্বাভাবিক ।

কুজকো শুধু নয়, সেখান থেকে সোলা পর্যন্ত পৌঁছোতে যে সময় লাগতে পারে, তার হিসেব ধরেই গানাদো আতাছ্যালপার অন্তর্ধানের সব ব্যবস্থা পাকা করে ছকে রেখে গেছেন ।

সোমায় পৌঁছেই দূত হিসাবে বিশ্বাসী দৌড়বাজ হরকরাদেরই একজনকে হ্রাসকারের পাঞ্জা দিয়ে আতাছ্যালপার কাছে গোপন খবর দেবার জন্তে পাঠানো হবে ।

আতাছ্যালপা কিন্তু কাক্সামালকাতেই তার অপেক্ষায় বসে থাকবেন না । গানাদো যেদিন থেকে নিকরদেশ তার ঠিক গুনে গুনে একপক্ষকাল বাদে তিনি

কাক্সামালকা থেকে রওনা হয়ে পড়বেন। কুজকোর দূতের সঙ্গে মারপথেই যাতে তাঁর দেখা হয়।

আতাহ্যালপা রওনা হবেন ওই সোনা-বরদার দলের শোভাযাত্রী হয়েই অবশ্য। কিন্তু অতিথি মহল্লার বন্দীশালার যারা তাঁকে দিনরাত পাহারায় রাখবে সেই এসপানিওল সেপাইদের দৃষ্টি তিনি এড়াবেন কি করে?

যদি বা কিছুক্ষণের জন্তে তাদের ফাঁকি দিয়ে অতিথি মহল্লার বন্দীশালা থেকে শোভাযাত্রী সঙ্গে পথে বেরিয়ে পড়তে পারেন, তারপর যথাস্থানে তাঁকে না দেখতে পেলে হুলস্থূল ত বাধবেই।

গানাদোর বেলা যা হয়েছিল তার চেয়ে সহস্র গুণ বেশী নিশ্চয়ই। আতাহ্যালপা আর গানাদো ত এক নয়। আতাহ্যালপা তাঁর চোখের ওপর থেকে নিকরদেশ হলে পিজারো আর প্রকৃতিস্থ থাকবেন কিনা সন্দেহ। কিন্তু হয়ে সমস্ত পেরু রাজ্য তোলপাড় করে ফেলবেন নিশ্চয়।

গানাদোর পক্ষে যা সম্ভব হয়েছিল আতাহ্যালপার পক্ষে সেইরকম শুধু রংবেরং-এর পোশাকে মুশোশ এঁটে এসপানিওলদের চোখে ধুলো দেওয়া বোধহয় সম্ভব হবে না। কাক্সামালকা থেকে বার হতে পারলেও কুজকোর পথেই তিনি ধরা পড়ে যাবেন।

সোমায় পৌঁছে ছয়াসকারের সঙ্গে যতক্ষণ না মিলিত হতে পারছেন ততক্ষণ পর্যন্ত অতিথি মহল্লা থেকে তাঁর অন্তর্ধানটা পিজারো আর তাঁর সহচর অহুচরদের কাছে গোপন রাখবার ব্যবস্থা তাই না করলেই নয়।

কেমন করে তা সম্ভব?

সম্ভব যেভাবে হতে পারে তার কূট-কৌশলও বলে দিয়ে গেছেন গানাদো।

গানাদোর অন্তর্ধানের কয়েকদিন বাদে পিজারো ছয়াসকারের প্রস্তাব সম্বন্ধেই আতাহ্যালপার সঙ্গে আলোচনা করতে এসে বিস্মিত ও হতাশ হয়েছেন।

আতাহ্যালপা শয্যাশায়ী না হলেও অত্যন্ত অস্থূল। রাজাসনে বসেই তিনি পিজারোর সঙ্গে কথা বলবার চেষ্টা করেছেন। কিন্তু অস্থূলতার জন্তে তাঁর কণ্ঠ এমন রুদ্ধ যে তা থেকে কোনো আওয়াজই বার হয়নি। অতি কষ্টে তিনি পিজারোকে পরের দিন আসবার অহুরোধটা শুধু করতে পেরেছেন।

পরের দিন অবস্থা আরো খারাপই দেখা গেছে। আতাহ্যালপা সেদিন শয্যাশায়ী। গলার স্বপ্ন সম্পূর্ণ রুদ্ধ। ইংকা পরিবারের রাজবৈজ্ঞ তাঁর শয্যাপার্শ্বে দোভাষীর সঙ্গে দাঁড়িয়ে চিকিৎসার ব্যবস্থা করছেন। ব্যবস্থা বেশ একটু অদ্ভুত

লেগেছে পিজারোর। আতাহয়ালপার শয্যার পাশে এক তাল সোনার গুড়ো মেশানো কাদামাটির তাল।

রাজবৈষ্ণু সেই মাটি চাপড়া চাপড়া করে আতাহয়ালপার মুখে মাখায় লাগাচ্ছেন।

এ আবার কি চিকিৎসা! সবিস্ময়ে জিজ্ঞাসা করেছেন পিজারো।

এই হল ইংকা রাজ্যের চিকিৎসা। দোভাষীর মারফত জানিয়েছেন রাজবৈষ্ণু। রাজবৈষ্ণু আর কেউ নয়, পাউল্লো টোপা।

হ্যাঁ, ইনি সেই পাউল্লো টোপা যার পরিবারের মর্যাদা অক্ষুণ্ণ রাখতে স্বয়ং ভীরাকোচাই বুধি এক এসপানিওল পাষণ্ডকে চরম শাস্তি দিতে নেমে এসেছিলেন।

গানাদো আতাহয়ালপাকে উদ্ধার করবার যে চক্রান্ত করেছেন তাতে বিশ্বাস করে একজনকেই শুধু দলে নেওয়া হয়েছে। পাউল্লো টোপা-কে।

পাউল্লো টোপাও সম্ভ্রান্ত নাগরিক। তাঁর শরীরেও ইংকা রক্ত বয়। কিন্তু শুধু সে জন্তে তাঁকে এতখানি বিশ্বাস করা হয় নি। বিশ্বাস করা হয়েছে ভীরাকোচা ও তাঁর মুখপাত্র বলে নিজেকে যিনি প্রমাণ করেছেন সেই গানাদোর প্রতি অকৃতজ্ঞ হওয়া টোপা-র পক্ষে সম্ভব নয় জেনে।

পাউল্লো টোপা এ বিশ্বাসের মর্যাদা রেখেছেন। কেমন করে রেখেছেন তা পরে যথাস্থানে জানা যাবে।

আপাতত গানাদোর কুট কৌশল সব দিক দিয়েই সফল হয়েছে!

দ্বিতীয় দিনের পর তৃতীয় দিন পিজারো আতাহয়ালপাকে দেখতে এসে বিরক্তই হইছেন।

আতাহয়ালপার মুখ হাত পা সব যেন সোনালী মাটিতে পলস্তারা করা।

চোখ নাক আর মুখের হাঁটুকু বাদে সমস্ত মুণ্ডটা একটা যেন সোনালী কাদার তাল। তার ভেতর থেকে আতাহয়ালপার গলার স্বরেই শুধু তাঁকে চেনা গেছে।

গলার রুদ্ধ স্বর সেদিন কিছুটা খুলেছে। এটা চিকিৎসার গুণ বলেই দাবী করেছেন রাজবৈষ্ণু।

এ আশ্চর্য চিকিৎসা কতদিন আর চলবে?—বিরক্ত হয়ে জিজ্ঞাসা করেছেন পিজারো। চিকিৎসার গুণ পুরোপুরি কবে বোঝা যাবে জানতে চেয়েছেন।

চলবে দক্ষিণায়নের শেষ দিন পর্যন্ত। দোভাষী মারফত জানিয়েছেন

রাজবৈষ্ণবেশী টোপা,—সূর্যদেবের উত্তরায়ণের প্রথম দিন রেইমি-র উৎসব শুরু হলেই ইংকা নরেশ সম্পূর্ণ স্তব্ধ হয়ে উঠে বসবেন। সকাল-সন্ধ্যায় সূর্যদেবের অমুগত পার্শ্বচর হয়ে যে সেবা করে দেব-কিশোর সেই চাক্ষা আতাহয়ালপার প্রতি ঈর্ষায় তাঁর গলার স্বর চুরি করে পাতালে লুকিয়ে রেখে এসেছে। সূর্যদেব দক্ষিণায়নের শেষ সীমায় পৌঁছে সে স্বর খুঁজে নিয়ে আতাহয়ালপাকে ফিরিয়ে দেবেন, রেইমি-র উৎসবের দিন সূর্যদেব উত্তর আকাশে আরোহণের প্রথম ধাপে পা দেবার সঙ্গে সঙ্গে যাতে আতাহয়ালপা তাঁকে বন্দনা করতে পারেন। আর...

ঠিক আছে। ঠিক আছে!—ইংকা পুরাণের হিং টিং ছটে ধৈর্য হারিয়ে প্রায় ধমকের সঙ্গে বাধা দিয়ে পিজারো দোভাষীকে বলেছেন,—রেইমির উৎসবের পরেই একদিন আসব, দেখা করতে। তখনও যদি তোমাদের ওই চাক্ষা না কার কাছ থেকে ইংকা নরেশের গলার স্বর না উদ্ধার হয় তাহলে এই সোনার গুঁড়ো মেশানো মাটির তাল ঠেসে ওই রাজবৈষ্ণোর গলাই বুজিয়ে দেব বলে দাঁও।

পিজারো বিরক্ত হয়ে আতাহয়ালপার ম হল ছেড়ে গেছেন।

রাজবৈষ্ণু সঙ্গে টোপা তাঁকে হিং টিং ছট পুরাণই শুনিয়েছেন সত্যি, কিন্তু সূর্যের পার্শ্বচর সেবায়িত চাক্ষা-র নামটা মিথ্যে করে বানানো নয়। পেরুতে শুরুতারা ও সন্ধ্যাতারারূপী শুরু গ্রহকে চাক্ষা নামে কমনীয় দেব-কিশোররূপেই কল্পনা করা হয়।

রেইমি উৎসবের দিনটা উল্লেখ করবার মধ্যেও একটা গুঢ় অর্থ আছে।

আর মাত্র কয়েকদিন বাদেই সূর্যের দক্ষিণায়ন শেষ হবার তারিখ। পেরুর রেইমি উৎসব তার পর দিন থেকেই শুরু। তার আগে তিন দিন ধরে সমস্ত পেরু রাজ্যে অরক্ষণ। কোথাও কোন বাড়িতে কারুর উল্লুং এই তিন দিন জ্বালান হয় না।

রেইমি উৎসবের প্রথম দিনে উত্তরায়ণের প্রথম সূর্যোদয় দেখবার জন্তে সমস্ত পেরুবাসী যে যেখানে আছে সক্ষম হলে ভোরের আগে মুক্তাকাশের তলায় পূর্ব দিগন্তে উৎসুকভাবে চেয়ে থাকবে।

উদয় দিগন্তে সূর্যের প্রথম রক্তিম রেখাটুকু দেখার মত পূণ্য আর কিছু নেই।

সেই সূর্যোদয় দেখবার সব আনন্দোচ্ছ্বাসে আকাশ-বাতাস মুখর হয়ে উঠবে তখন। তারপর সারাদিন চলবে উৎসব-মঙ্গলতা।

গানাদো আতাছয়ালপার কাক্সামালকা ত্যাগের জন্তে এই দিনটিই স্থির করে দিয়ে গেছেন।

পরার্থীনার প্রাণি সন্তেও পেরুর মাগুঘ এ দিনটিতে উংসব-মত্ত হবেই।

সেই উংসব-মত্ত নগরের বিশৃঙ্খলার ভেতর আতাছয়ালপার নিঃশব্দে আত্মগোপন করে কাক্সামালকার সৌমানা ছাড়িয়ে যাওয়া অত্যন্ত সহজ।

একবার কাক্সামালকা ছাড়িয়ে কুজকো যাবার রাস্তা ধরতে পারলে আর কোন ভাবনা নেই।

পথে এমন সব গুপ্ত আশ্রয় আছে ইংকা নবরেশদের অত্যন্ত বিশ্বস্ত পার্শ্বচর ছাড়া যার সন্ধান কারুর জানবার কথা নয়।

আতাছয়ালপার শরীরে ইংকা রাজরক্ত থাকলেও তিনি কুইটোর যুবরাজ। এ সব গুপ্ত আশ্রয়ের রহস্য তাঁর অজানা।

কিন্তু তাঁকে সাহায্য করবার জন্তে আছেন পাউল্লো টোপা। সোনা-বরদার শোভাযাত্রীদের একজন হয়ে টোপাই তাঁকে পথ দেখিয়ে নিয়ে যাবেন। পূর্বকার ইংকা নবরেশ হ্রাসকারের বিশ্বস্ত সহচর হিসেবে সমস্ত গুপ্ত আশ্রয় তাঁর জানা। একবার কাক্সামালকা থেকে বার হতে পারলে এসপানিওল বাহিনীর তাই সাধ্য নেই তাঁদের ধরবার।

শুধু তাই নয়, আতাছয়ালপা বিদেশী খেতদানবের কবল থেকে ছাড়া পেয়েছেন জানলে সমস্ত পেরু রাজ্য জুড়ে উঠবে উত্তেজনা। যেখান দিয়ে আতাছয়ালপা তাঁর সঙ্গীদের নিয়ে যাবেন সেখানেই জলে উঠবে প্রতিরোধের প্রচণ্ড আঙুনের বেষ্টনী, এসপানিওলদের পক্ষে যা ভেদ করা অসম্ভব।

সূর্যের উত্তরায়ণের আর মাত্র কটা দিন বাকী।

ইংকা নবরেশের রাজ পালকে সোনালী কাদার শ্রলেপে ঢাকা বিশ্বাসী এক অল্পচর শায়িত থাকে।

রাজ্য অন্তঃপুরে গোপনে আতাছয়ালপা প্রস্তুত হয়ে অপেক্ষা করেন অল্পকূল মুহূর্তটির জন্তে।

গানাদোর পরিকল্পনা এ পর্যন্ত প্রতি ধাপে আশাতীতভাবে সফল হয়েছে। এখন শুধু শেষের কটি চালই বাকি।

গানাদো ইতিমধ্যে সৌসার না হোক পেরুর রাজধানী কুজকোতে পৌছে গেছেন নিশ্চয়।

সেখানে সূর্য মন্দিরে আশ্রয় নিয়ে আতাছয়ালপার নিজের হাতে পাকানো

ও সাজানো 'কিপু' তিনি এমন একজনর হাত দিয়ে পাঠাবেন যাকে হয়সকার নিজেও যেমন অবিশ্বাস করতে পারবেন না, বাধাও দিতে পারবে না তেমনি তাঁর প্রহরীরা।

হয়সকারের প্রহরীরা আতাহয়্যালপার-ই দলের লোক। কিন্তু তারা হয়সকারকে পরাজিত শত্রু বলেই জানে, নির্যমভাবে যাকে বন্দী করে রাখাই তাদের কাজ।

আতাহয়্যালপা যে হয়সকারের সঙ্গে মিলিত হতে চাইতে পারেন এ তারা কল্পনা করতেও পারে না। হয়সকারের সঙ্গে বাইরের যে কোন যোগাযোগ সম্পর্কে তাই তারা অতদ্রুতভাবে সজাগ।

কিন্তু তারাও যাকে বাধা দেবে না এমন কার হাতে 'কিপু' দিয়ে হয়সকারের কাছে পাঠাবার ব্যবস্থা ভেবে রেখেছেন গানাদো ?

এমন আশ্চর্য দূতটি কে ?

আর কেউ নয়, মুখোশ-আটা সম্বন্ধে কিশোর বালকের মত কমনীয় চেহারায় যে শোভাযাত্রাটির অস্বাভাবিক ব্যতিক্রম হিসেবে কোতুহলী দর্শককে সন্দ্বিষ্ট করে তুলে গানাদোর দলের বিপদ ডেকে আনতে পারত।

এমন সহযাত্রী গানাদো জেটালেন কোথা থেকে তাঁর দলে ? কুইটো আর কুজকো সেদিনকার দুই পরম শত্রুশিবিরের দু পক্ষের কাছেই যার অমন খাতির, কিশোর বালকের মত চেহারায় আসলে সে কে ?

তা জানতে হলে সোনা-বরদাদের দলের সঙ-এর মুখোশ খুলে তাকে দেখতে হয়।

আর দেখলে নির্বাক বিস্ময়ে স্তব্ধ হয়ে থাকতে হয় কিছুক্ষণ।

যেমন হয়েছিলেন গানাদো।

কবে ?

আতাহয়্যালপাকে নীচ চক্রান্তে যেদিন বন্দী করা হয়, এসপানিওলদের চরম বিশ্বাসঘাতকতার সেই পৈশাচিক হত্যাতাণ্ডবের রাত্রে।

ইয়া সেই রাত্রেই আতাহয়্যালপার বিশ্রামশিবিরের কাছে এক অসহায় লুপ্তিতা নারীর আতর্কধনি শোনা গিয়েছিল, এসপানিওল এক পাষাণের ললাটে প্রথম দেখা গিয়েছিল তলোয়ারে আঁকা এক অদ্ভুত কলঙ্ক চিহ্ন, আর কয়েক দিন বাদে সেনাপতি দে স্টোর কাছে নিজের সম্ময় কাটাবার কৈফিয়ত দিতে গিয়ে গানাদো হেঁয়ালি করে বলেছিলেন,—পাছে ভেঙে যায় ভয়ে একটা স্বপ্নকে আমি

পাহারা দিয়ে রাত কাটিয়েছি কাপিতান।

এই তিনটি ব্যাপার একই স্তরের বাঁধ।

পাছে ভেঙে যায় ভয়ে যে স্বপ্নকে পাহারা দিয়ে রাত কাটাবার কথা গানাদো বলেছিলেন, সে স্বপ্নকে শরীরিণীরূপে সেই রাত্রেরই তিনি প্রথম দেখেছিলেন।

দেখে নির্বাক বিস্ময়ে কিছুক্ষণ স্তব্ধ হয়েছিলেন সত্যিই।

সাত সমুদ্রের জল ইতিমধ্যে যথার্থই তিনি ঘেঁটেছেন, মধ্যোপসাগর থেকে আতলাস্তিকের এপারে-ওপারে নারীর সৌন্দর্যের বিচিত্র প্রকাশ দেখেছেন, তবু এ রূপ যেন তাঁর কল্পনার বাইরে ছিল।

ক্ষণিকের জন্তে জালা একটা মশালের আলোর বা দেখেছিলেন তাতে নিজের প্রকৃতিস্থতা সম্বন্ধেই তাঁর সন্দেহ জেগেছিল। মনে হয়েছিল অলীক কোন মায়াই তাঁর অস্বাভাবিক কল্পনায় সময়ের কটি বৃষ্টিতে ভেসে উঠেছে, এখুনি বুঝি মিলিয়ে যাবে।

মশালটা নিভিয়ে দেবার সঙ্গে সঙ্গে গিয়েও ছিল যেন মিলিয়ে।

মশালটা সংগ্রহ করেছিলেন ইংকা নরেশের প্রশ্রবণ-ঘেরা বিশ্রাম শিবির থেকে শহরের প্রান্তে পর্বতপ্রাচীরের দিকে যেতে যেতে এক জায়গার থেমে। কোনো হতভাগ্য কাকসামালকার নাগরিক সে মশাল জেলে তার কোনো আপনার জনকে বোধহয় খুঁজে ফিরছিল সেই শাসন প্রান্তরে। হিংস্র কোনো এসপানিওল সৈনিকের হাতে নিহত তার দেহটার পাশেই পড়েছিল নিভে-বাওয়া মশালটা।

গানাদো তাঁর তলোয়ারের উল্টো পিঠ সেখানকার ছড়ানো পাথরে ঠুকে ফুলিঙ্গ বার করে অনেক কষ্টে মশালটা ধরিয়েছিলেন শুধু মৃত্যুর চেয়ে নিদারুণ নিয়তি থেকে যাকে তখনকার মত উদ্ধার করতে পেরেছেন তার সত্যকার অবস্থাটা এক পলকে দেখে একটু বুঝে নেবার জন্তে।

পাশে এসপানিওল সেপাই তার বন্দিনীকে ঘোড়ার ওপর বেঁধে রেখেছিল।

সেই ঘোড়াই চালিয়ে গানাদো প্রশ্রবণ-শিবির থেকে কাকসামালকার পর্বত-বেষ্টনীর দিকে বেশ কিছুদূর যাবার পর থেমেছিলেন। থেমেছিলেন, ঘোড়ার পিঠে বাঁধা বন্দিনী জীবিত কি মৃত বুঝতে না পেরে।

সম্বর্পণে বাঁধন খুলে বন্দিনীকে তারপর তিনি মাটিতে নামিয়েছিলেন।

বন্দিনীকে বাঁধন খুলে পার্বত্যভূমির ওপর নামাবার সময় যেটুকু স্পর্শ

লেগেছিল, তাতে গানাদো বুঝছিলেন যে, অচৈতন্য অসাড় হলেও দেহে প্রাণ তখনও আছে। কিন্তু সে-প্রাণ ওষ্ঠসীমায় এসে পৌঁছেছে কিনা, আর কতক্ষণ সেখানেই বা থাকবে, সেইটেই ভাবনার বিষয় হয়েছিল।

অন্ধকার তখন চোখে কিছুটা সয়ে এসেছে। বন্দিনীকে মাটিতে নামাবার পর কিছুদূরেই একটি মৃতদেহ দেখতে পেয়ে অস্বস্তিভরে বন্দিনীকে আবার একটু সরাতে যাচ্ছেন এমন সময় নেভানো মশালটা চোখে পড়েছিল।

সেই রাত্রে হত্যাকাণ্ডের ওই মশান-প্রান্তরে মশাল জালা কোথাও নিরাপদ নয়। তবু সে বিপদের ঝুঁকি গানাদো নিয়েছিলেন শুধু বন্দিনীর অবস্থাটা তাঁর না বুঝলেই নয় বলে।

অনেক কষ্টে মশালটা জালাবার পর বিহ্বল এক বিশ্বয় ছাড়া আর সব ভাবনাই তাঁর মন থেকে মিলিয়ে গিয়েছিল অবশ্য।

বেশ কয়েকটি মুহূর্ত কেমন একটা অবর্ণনীয় মুগ্ধ বিহ্বলতায় কাটাবার পর তাঁর হাঁস ফিরে এসেছিল।

মুঁছতার চোখ মুখের ভাব আর নাড়ির গতি পরীক্ষা করে তিনি তাড়াতাড়ি মশালটা নিভিয়ে দিয়েছিলেন।

যেটুকু তিনি দেখেছেন তাতে বন্দিনী সম্বন্ধে একেবারে হতাশ হবার কিছু পাননি। সমস্ত উপযুক্ত সুরক্ষা ও বিশ্রামের ব্যবস্থা করলে এখনও তাকে বাঁচান যেতে পারে।

কিন্তু কোথায় সে ব্যবস্থা করবেন !

কাকন আর কামিনীলোলুপ, লুণ্ঠন হত্যা আর ধর্ষণের নেশায় উন্মত্ত পিশাচদের দৃষ্টির আড়ালে কোথায় এ স্বপ্নমূর্তিকে লুকিয়ে রাখা সম্ভব ?

বন্দিনীর শুধু রূপ নয়, তার পরিচ্ছদ অলঙ্কারও ওই কয়েক মুহূর্তের আলোয় দেখে বিস্মিত হয়েছিলেন গানাদো।

এ রাজ্যে আসবার পর প্রায় সব শ্রেণীর নারী-পুরুষই তাঁর চোখে পড়েছে। দরিদ্র সাধারণ থেকে সম্ভ্রান্ত রাজপরিবারের বহু সুন্দরী তিনি দেখেছেন। অল্পবিস্তর তাদের বেশভূষাও লক্ষ্য করেছেন।

বন্দিনীর বেশভূষা তাদের থেকে বেশ একটু ভিন্ন।

কাকসামালকা নগরে শাপভ্রষ্টা স্বয়ং-সুন্দরীর মত এ মৃত স্বপ্ন কোথায় ছিল লুকোনো ? কোথা থেকে পাষাণ এসপানিওল সৈনিক তাকে লুট করে নিয়ে যাচ্ছিল !

ঘটনা বিচার করে গানাদোর মনে হয়েছে নগরে হত্যাভাণ্ডব শুরু হবার পর বন্দিনী বোধহয় কোনো সঙ্গী দলের সাহায্যে নগর থেকে পালাবার জন্তে বার হয়ে পড়েছিল। তারপর নারীমাংসলোলুপ এসপানিওল সৈনিকের দৃষ্টিতে পড়ে তার এই দশা হয়েছে। তার সঙ্গীরা হয়ত সবাই নিহত। রক্ষা কেউ যদি পেয়েও থাকে তারা এখন পলাতক।

বন্দিনীকে কারুর হাতে সমর্পণ করবার সুতরাং উপায় নেই। তাকে শুক্রবার হুস্থ করে তোলবার চেষ্টা গানাদোকে করতে হবে।

একটা নির্জন নিরাপদ গোপন আশ্রয় তার জন্তে অবিলম্বে প্রয়োজন।

ব্যাকুল হয়ে সেরকম আশ্রয়ের কথা ভাবতে গিয়ে গানাদোর হঠাৎ তাঁর সেইদিনকার সকালের টহলদারীর কথাই মনে পড়েছে।

কাক্সামালকা নগর যে উপত্যকার ওপর বসানো সেইদিন সকালেই তার চারিদিকের উত্তুঙ্গ পর্বতপ্রাচীর কতখানি দুর্ভেদ্য গানাদো ঘোড়ায় চড়ে তা দেখতে বেরিয়েছিলেন।

উপত্যকা ঘিরে-রাখা পাহাড়গুলোর তলায়-তলায় ঘুরেওছিলেন বেশ বেলা পর্যন্ত আর তাই জন্তেই আতঙ্কিতপার পিজারোকে দর্শন দিতে আসবার সংকল্প আর পিজারোর তারই ওপর পৈশাচিক আয়োজনের কথা আগে থাকতে জানতে পারেন নি। এসপানিওল শিবিরের ভেতর থেকে নয়, বাইরের পেরুবাসী দর্শকদের মধ্যে থেকে এসপানিওলদের হাতে ইংকা নরেশের বন্দিদের অবিশ্বাস্য করুণ কুৎসিত নাটকটা তাঁকে দেখতে হয়েছিল নিরুপায়ভাবে।

সারা সকালের টহলদারীতে গানাদো কাক্সামালকার পর্বতপ্রাচীরে গোপন কোনো গিরিবর্ত্ত অবস্থান পাননি, কিন্তু এমন একটা কিছু দেখেছিলেন যা সেই মুহূর্ত্তে তাঁর কাছে ভাগ্যের আশাতীত দান বলে মনে হয়।

উপত্যকার বেঠনীরূপ একেবারে অলজ্ব্য পাহাড়ের নানা খাঁজ গোপন-পথের খোঁজে পরীক্ষা করতে গিয়ে গানাদো এক জায়গায় একটি গুহা দেখে বিস্মিত হয়েছিলেন। গুহাটি পাহাড়ের খাঁজের আড়ালে এমনভাবে লুকানো যে, গুপ্তপথ জানা না থাকলে অত্যন্ত কাছে দিয়ে যাতায়াত করলেও তার হদিস পাওয়া যায় না।

গানাদো গুহাটির সন্ধান যে পেয়েছিলেন, তাও নেহাত দৈবাৎ।

কিংবা তাঁর নিয়তিই ভাবী সম্ভাবনার কথা স্বরণে রেখে তাঁকে এই অপ্রত্যাশিত আবিষ্কারের সুযোগ দিয়েছিল বলতে ইচ্ছে করে।

গুহাটার কথা মনে হওয়ার পর গানাদো আর এক মুহূর্ত অপেক্ষা করেননি। বন্দিদীকে ঘোড়ার পিঠে তুলে তৎক্ষণাৎ রওনা হয়েছিলেন সেই গোপন গুহার সন্ধানে।

কিছু দিনের আলোতেই যে গোপন গুহার প্রবেশপথ খুঁজে পাওয়া কঠিন, রাতের অন্ধকারে তা চিনে বার করবার আশাই বাতুলতা।

ঘোড়া চালিয়ে পর্বতপ্রাচীরের কাছে পৌঁছে কিছুক্ষণ বৃথা চেষ্টার পরই গানাদো নিরস্ত হয়েছিলেন।

দিনের আলোর জন্ত অপেক্ষা করা ছাড়া আর কোনো উপায় তাঁর নেই।

ছোট একটি ঝরনা-ধারার ধারে বন্দিদীকে নামিয়ে কিছুটা নরম বালির শয্যায় শুইয়ে রেখে গানাদো ঘোড়াটাকে একটু মৃদু চাপড় মেরে ছেড়ে দিয়েছেন। ছাড়া পাওয়া মাত্র ঘোড়াটা নিজে থেকেই ছুটে শহরের দিকে চলে গেছে।

ঘোড়াটাকে ছেড়ে দিয়ে একটু নিশ্চিন্ত হয়েছেন গানাদো। জায়গাটা বেশ নির্জন ও নিরাপদ। রাতের অন্ধকারে কারুর এদিকে আসার সম্ভাবনা অল্প। এলেও সহজে কেউ সন্ধান পাবে না। ঘোড়াটা সঙ্গে থাকলে তার আকস্মিক ডাক বা পায়ের শব্দে ধরা পড়ার যেটুকু ভয় ছিল, তাও এখন নেই। নিঃশব্দে এখন শুধু রাত ভোর হবার জন্তে অপেক্ষা করে থাকাই আসল কাজ। আলো ফুটলে গোপন গুহাপথ খুঁজে বার করা খুব কঠিন হবে না বলেই মনে হয়। খুঁজে বার করার অস্ববিধা বুঝেই গানাদো আশ-পাশের পাহাড়ের কিছু বৈশিষ্ট্যের চিহ্ন মনে করে রেখেছিলেন। দিনের আলোয় দেখলেই সেগুলি চিনতে পারবেন এ বিষয়ে তাঁর সন্দেহ ছিল না।

ভেইশ

দিনের আলোর জন্তে অপেক্ষা করা কিন্তু সে রাত্রে এক দুঃসহ ধৈর্যের পরীক্ষা বলে মনে হয়েছিল।

মূর্ছিতা বন্দিনীকে বালির ওপর শোয়াবার পরে ঘোড়া ছেড়ে দিয়ে প্রথমে ঝরনার জল মুখে চোখে ছিটিয়ে জ্ঞান ফেরাবার চেষ্টা করেছিলেন গানাদো।

জ্ঞান তাতে ফেরেনি। মেয়েটির গলায় একটা অক্ষুট আতঙ্কের গোঙানিই শুধু শোনা গিয়েছিল।

গানাদো মুখে জলের ঝাপটা দেওয়া বন্ধ করেছিলেন। তাঁর মনে হয়েছিল নিদারুণ আতঙ্কে মেয়েটির চেতনা অসাড় হয়ে গিয়ে একটা গাঢ় আচ্ছন্নতার মধ্যে সে ডুবে আছে। এ আচ্ছন্নতাই তার একরকম সুরক্ষা। হঠাৎ তা ভাঙতে গেলে বিপরীত প্রতিক্রিয়া হওয়া অসম্ভব নয়। চেতনার সূক্ষ্ম স্তরে সচকিত আঘাত হ্রত স্থায়ী ক্ষতিই করতে পারে।

বন্দিনীকে তাই সম্পূর্ণভাবে বিশ্রাম করতে দিয়ে গানাদো নীরব অতল্র পাহারায় দাঁড়িয়ে থেকেছেন।

ধীরে ধীরে তাভানতিনহুইয়ুর দেবাদিদেবের প্রথম স্বর্গকিরণ স্পর্শ করেছে কাক্সামালকার গিরি-প্রাকার চূড়া।

সে সোনালী ঈষৎ রঞ্জিত আলো তারপর ছড়িয়ে পড়েছে পাহাড়ের কোলে কোলে।

গানাদো সবিস্ময়ে ঝরনার ধারে বালির শয্যায় শোয়ানো বন্দিনীর দিকে চেয়েছেন।

না, দিনের আলোয় অপ্সরা-অক্ষুট স্বপ্ন-কায়ার মত সে মূর্তি শূন্যে মিলিয়ে যায়নি। কিন্তু তখনও এক অপার্থিব লাভণ্যের আভায় তাকে যেন মগ্নিত মনে হয়েছে। সূর্যালোকের স্পষ্টতাতেও সে তার রহস্যমায়া হারায়নি।

সেই মুখের দিকে অনিমেষে চেয়ে থাকতে থাকতে গানাদো গাঢ় নীল জলে পদ্মকোরকের মত দুটি চোখ উন্মীলিত হতে দেখেছেন।

বন্দিনী প্রথমে বিস্মিত বিহ্বলভাবে একবার তার পরিবেশ আর একবার

গানাদোর দিকে চেয়েছে।

তারপর তার মুখ অকস্মাৎ পাণ্ডুর হয়ে উঠেছে আতঙ্কে। সর্পাহতের মত সন্ত্রস্ত হয়ে উঠে বসে শঙ্কিত অক্ষুট চিংকারে কি যেন বলে সে ছুটে পালাবার চেষ্টা করেছে।

সাধো কিন্তু তার কুলোয়নি। দাঁড়িয়ে উঠে এক-পা যেতে-না-যেতে সে টলে পড়ে গেছে। তারপর অনিবার্যভাবে এগিয়ে আসা অজগরের সামনে পাখা-ভাঙা পাখির মত দৃষ্টিতে গানাদোর দিকে চেয়ে আবার আকুল আর্তনাদে যা বলেছে গানাদো তার কিছুই বুঝতে পারেন নি।

এ রাজ্যের ভাষার সঙ্গে গানাদো নিজের চেষ্টায় ভালোভাবেই পরিচিত। কিন্তু এই মেয়েটির অপক্লপ অপার্থিব কণ্ঠে যে ভাষা শোনা গেছে, তা তাঁর সম্পূর্ণ অজানা। তার কণ্ঠের মত সে ভাষাও যেন অপার্থিব।

গানাদো তাঁর বিচক্ষণতার দরুন একটি ভুল এড়াতে পেরেছেন। এগিয়ে গিয়ে মেয়েটিকে ধরবার চেষ্টা দূরে থাক, একটা হাত নেড়েও তাকে আশ্রয় করার চেষ্টা তিনি করেননি।

যেখানে ছিলেন, সেখানেই নিখর নিষ্পন্দ পাথরের মূর্তির মত দাঁড়িয়ে তিনি তাঁর যা জানা সেই কুইচুয়া ভাষায় শাস্ত্রস্বরে মেয়েটিকে অস্থির আতঙ্কবিহ্বল না হতে অনুরোধ করেছেন। বলেছেন যে, অবুঝ অস্থির হলে তার বিপদ বাড়বে বই কমবে না। তিনি যে মেয়েটির শব্দ নন, এ কথা তার পক্ষে বিশ্বাস করা প্রায় অসম্ভব তিনি জানেন। যারা মেয়েটির ও তার আপনার জ্ঞানের ওপর পৈশাচিক নির্মমতা দেখিয়েছে, তার চরম সর্বনাশের চেষ্টা যারা করেছিল, তাঁর নিজের সঙ্গে তাদেরই দলের পোশাক। তিনি তাদের দলেরও বটে। তবু দলের মধ্যে সবাই একরকম হয় না। তাঁকে মেয়েটি কখনও যে বিশ্বাস করবে এমন আশা তিনি করেন না, তিনি শুধু চান যে, সে যেন তাঁকে পরীক্ষা করে দেখে নিতে দ্বিধা না করে।

মেয়েটি কুইচুয়া ভাষায় তাঁর কথা বুঝেছে কিনা গানাদোর পক্ষে জানা সম্ভব হয়নি। কিন্তু তাঁর শাস্ত্র গলার স্বরে ও বলার ধরনে কিছু বোধহয় কাজ হয়েছে। মেয়েটির মুখের আতঙ্ক-পাণ্ডুরতা কেটে গেছে অনেকখানি।

কাছে যাওয়ার বদলে আরো একটু দূরে গিয়ে ঝরনার ধারে একটি পাথরের ওপর বসে এবার গানাদো সংক্ষেপে গত রাজ্যের ঘটনার কথা বলেছেন। কিভাবে তার আর্ত আবেদন শুনে পাষণ্ড এসপানিওলের হাত থেকে তাকে

উদ্ধার করেছেন তারও আভাস দিয়েছেন একটু।

মেয়েটি কুইচুয়া ভাষা জানে কিনা তখনও বুঝতে পারেননি গানাদো, তার মুখে শকা-বিস্ময়তার জায়গায় যে বিমূঢ় কোতূহলের আভাসটুকু এবার ফুটে উঠেছে তাতে গানাদোর কথা তার একেবারে অবোধ্য হয়নি এইটুকু শুধু মনে হয়েছে।

বেলা বাড়ছে। এ পার্বত্য অঞ্চল সাধারণত নির্জন ও নিরাপদ, তবু নগরের বর্তমান অবস্থায় নিশ্চিন্ত নির্ভয় হয়ে কোনো জায়গাতেই থাকা যায় না।

গানাদো তাই একটু ব্যস্ত হয়েই মেয়েটিকে গোপন গুহাশ্রয়ের কথা বলেছেন। জানিয়েছেন যে, সে গুহা তিনি মেয়েটিকে দেখিয়ে দেবেন শুধু-সেখানে তাকে অশ্রুস্রবণ করবেন না। সারারাত বাইরে থেকে তাকে পাহারা দেবেন আর যতদিন না এ শত্রুপুরী থেকে তাকে মুক্ত করতে পারেন, ততদিন এই গোপন আশ্রয়ে যথাসাধ্য স্বাচ্ছন্দ্যে তাকে রাখবার চেষ্টা করবেন।

হঠাৎ চমকে উঠে নিজের কানকেই বিশ্বাস করতে পারেননি গানাদো।

মেয়েটি ভাঙা-ভাঙা কুইচুয়াতেই তাঁকে বলছে,—তুমি কি উদয়-সমুদ্রতীরের মাহুষ?

বেশ কয়েক মুহূর্ত বিস্ময়ে নির্বাক হয়ে ছিলেন গানাদো।

মেয়েটি তাঁর বোধ্য কোনো ভাষায় কথা বলতে পারে বলেই তিনি আশা করেন নি। তার ওপর এরকম অদ্ভুত একটা প্রশ্ন তার পক্ষে করা সম্ভব, এ কল্পনাই তাঁর ছিল না।

অবাক হয়ে মেয়েটির মুখের দিকে তাকিয়ে তিনি জিজ্ঞাসা করেছিলেন কুইচুয়া ভাষায়, এমন অদ্ভুত প্রশ্ন হঠাৎ তুমি করলে কেন? উদয়সমুদ্র বলতে কি বোঝো তুমি?

মেয়েটির মুখে গানাদোর পাণ্টা প্রশ্নে প্রথমে কি রকম একটা অপ্রতিভ অস্বস্তি ফুটে উঠেছিল।

হঠাৎ নিজের ওইটুকু প্রগলভতার জগ্নেই যেন লঙ্কিত হয়ে সে শুধু কাতর-ভাবে মাথা নেড়ে বোঝাতে চেয়েছিল যে এ বিষয়ে আর কিছুই সে বলতে চায় না।

না, তোমার ভয় কিছু নেই।—গানাদো তাকে স্নিগ্ধ স্বরে উৎসাহ দিয়েছিলেন,—পরস্পরের কথা যে আমরা বুঝতে পারছি এই আমাদের দুজনেরই সৌভাগ্য। এ সৌভাগ্য যেন বিফল না হয়। নির্ভয়ে যা বলবার তুমি বলো।

বলো উদয়-সমুদ্রের কথা কি তুমি জানো ?

তেনন কিছুই জানি না! গানাদোর আশ্বাসে ধীরে ধীরে সাহস পেয়ে সরল মধুকরা কণ্ঠে বলেছিল মেয়েটি,—শুধু দেবাদিদেব বিশ্বজ্যোতি প্রতিদিন যে সমুদ্র থেকে স্বান করে আকাশ-সোপানে ওঠেন তারই তীর থেকে কেউ একদিন এসে এ রাজ্যের চরম অভিশাপের দিনে আমার পরম সহায় হবে এই আমি শুনেছিলাম...

মেয়েটির কথায় বাধা না দিয়ে পারেন নি গানাদো। গভীর বিশ্বাসের সঙ্গে তার কথারই পুনরাবৃত্তি করে বলেছিলেন,—উদয়-সমুদ্র তীর থেকে কেউ এসে তোমার সহায় হবে শুনেছিলে? কার কাছে? কি ভাবে?

আগ্রহের তীব্রতায় গানাদো উঠে দাঁড়িয়ে কয়েক পা বৃষ্টি এগিয়ে গিয়েছিলেন মেয়েটির দিকে।

মেয়েটিও উঠে দাঁড়িয়েছিল আপনা থেকেই। কিন্তু এক পা পিছিয়ে গিয়েই সে থেমে গিয়েছে। তারপর মিনতির স্বরে বলেছে—আমার কাছে এসো না। যা বলবার আমি সবই বলছি।

সম্মাগ হয়ে গানাদো নিজেই তখন থেমে পড়েছেন। লজ্জিত হয়ে তিনি বলেছিলেন, আমার মার্জনা করো। যেটুকু তুমি বলেছ তাতেই বিশ্বাসে কৌতূহলে উত্তেজনায় আমি একটু আত্মহারা হয়ে গিয়েছিলাম। তোমার সব কথা না শুনে আমার স্বস্তি নেই। তবু এখন আমার আত্মসংবরণ করতে হবে। এখানে প্রকাশ্যে জায়গায় আর তোমার থাকি নিরাপদ নয়। আমি পথ দেখিয়ে নিয়ে যাচ্ছি। বিশ্বাস করে শুধু আমার অনুসরণ কর।

একটু থেমে মেয়েটিকে তখনও দ্বিধা করতে দেখে আবার বলেছিলেন,—উদয়-সাগরের তীরের কেউ তোমার সহায় হবে এ গণনার কথা কোথায় কার কাছে তুমি শুনেছ জানি না। এ গণনা সত্য কি না তাও বিচারের ক্ষমতা আমার নেই। এইটুকু শুধু তোমায় জানাচ্ছি যে যাদের দলে আমরা দেখছ তাদের দেশের মানুষ আমি নই। সত্যিই বহু বহু দূরের উদয়-সাগরের তীর থেকেই আমি আসছি। এইটুকু জেনে আমার বিশ্বাস করলে তোমার ক্ষতি হবে না।

মেয়েটি কি বুঝেছিল বলা যায় না। কিন্তু এবারে দূর থেকে হলেও গানাদোকে অনুসরণ করতে সে আপত্তি করে নি।

গুহা মুখের গুপ্ত পথের কাছে পৌঁছে সেটি নির্দেশ করে দেখিয়ে গানাদো যা

করেছিলেন তাতে মেয়েটি পৰ্বস্তু বিস্মিত চমকিত হয়ে উঠেছিল।

হঠাৎ কোমর থেকে তাঁর ছোরাটা খুলে নিয়ে মেয়েটির কাছে ছুঁড়ে দিলে তিনি শাস্ত দৃঢ়বরে বলেছিলেন,—যে গুপ্তপথ দেখিয়ে দিলাম তা দিয়ে গুহার ভেতর নির্ভয়ে চলে যাও। এবার ওই সামান্য অস্ত্রটাও তুলে নিয়ে যাও। আমিই হই বা আর যে কেউই হোক, দুর্জন হিসেবে আক্রমণ করলে ও অস্ত্রে তাকে রুখতে হয়ত পারবে না কিন্তু জীবনের চেয়ে যার মূল্য বেশী নিজের সেই মৰ্যাদা ত বাঁচাতে পারবে এই অস্ত্রটুকুর সাহায্যে!

মেয়েটি বেশ কিছুক্ষণ নীরবে দাঁড়িয়ে থেকেছিল গানাদোর মুখের দিকে চেয়ে।

কিন্তু তখন তার চোখের দৃষ্টিতে ষিধা স্বপ্নের ছায়া আর নেই। তার বদলে বিস্ময় মেশানো একটা কৃতজ্ঞ নির্ভরতার আভাস ফুটে উঠতে শুরু করেছে।

খানিক বাদে ছোরাটি তুলে নিয়ে মেয়েটি গানাদোর নির্দেশ করা গুপ্ত পথ দিয়ে উঠে গুহামুখের দিকে যেতে শুরু করেছিল। গানাদো কিছু দূরে নিচেই ছিলেন দাঁড়িয়ে।

বিরাট একটা পাথরের চাঁই-এর আড়ালে মেয়েটি অদৃশ্য হবার আগে গানাদো হঠাৎ তাকে ডেকেছিলেন!

শোনো।

মেয়েটি একটু চমকে ফিরে দাঁড়িয়েছিল।

কয়েকটা কথা তোমায় বলে যেতে চাই,—বলেছিলেন গানাদো,—গুহাপথে তোমায় আমি অনুসরণ করব না। এখান থেকেই বিদায় নেব এখনি। সারাদিন আমায় নিজেদের শিবিরে থাকতে হবে। তারপর আবার রাত্রে গোপনে শিবির ছেড়ে এসে তোমায় আমি পাহারা দেব। যতদিন তোমায় এ পাপ-নরক থেকে উদ্ধার করতে না পারি ততদিন এই হবে প্রতিদিনের নিয়মিত ব্যবস্থা। আজ সারাদিনের জন্তে তোমায় উপবাসীই থাকতে হবে বুঝতে পেরেছি। এখানে ঝরনাধারা বইছে। গুপ্ত পথের মুখ থেকে ভালো করে চারিদিক লক্ষ্য করে নিরাপদ বুঝলে তার জলে তৃষ্ণা নিবারণ করতে পারো। রাত্রে আমি তোমার জন্তে আহাৰ্য কিছু নিয়ে আসব। নিশ্চিত থাকো যে তখনও গুহা মুখে আমি যাব না। কিন্তু বাইরে থেকে তোমায় ডাকা প্রয়োজন। কি নামে তোমায় ডাকব শুধু বলে দাও।

গানাদোর কথা শেষ হবার পরও মেয়েটি এতক্ষণ চুপ করে দাঁড়িয়েছিল যে
লন্দেহ হয়েছিল সমস্ত বক্তব্য হয়ত সে বুঝতে পারে নি।

গানাদো আবার প্রশ্নটা করবেন কি না ভাবছেন এমন সময়ে মেয়েটি যেন
বিস্ময় স্বরে বলেছিল,—আমার নাম ত কিছু নেই।

নাম নেই! গানাদো বিস্ময় প্রকাশ না করে পারেন নি।

না, নাম আমাদের থাকে না। মেয়েটি মুহূ কণ্ঠে বলেছিল,—সূর্যকণ্ঠা আর
সেই দেবাদিদেবের সেবিকা এই আমাদের পরিচয়।

চকিবল

মেয়েটির সমস্ত রহস্য এই একটি উক্তিভেই পরিষ্কার হয়ে গিয়েছিল গানাদোর কাছে। তার অদ্ভুত অপার্থিব সৌন্দর্য, তার বেশভূষার ভিন্নতা, প্রথম যে ভাষা আপনা থেকে সে ব্যবহার করেছিল, সেই সব কিছুরই অর্থ বোঝা গিয়েছিল এবার।

মেয়েটি 'তাভানতিনসুয়ু'র সেই পরম রহস্যে ঘেরা সূর্যসেবিকা দিব্য-কুমারী সমাজের একজন।

এই সূর্যকন্যাদের কথা শুনে প্রাচীন রোমের ভেটা দেবীর মন্দিরে পূত হোমায়ি নির্বাণ রাখবার ভার যাদের ওপর দেওয়া হত সেই কুমারীদের বা ভারতের দেবদাসীদের কথা মনে হতে পারে। কিন্তু পেরুর দিব্যকন্যা কুমারী সূর্য-সেবিকারা ভেটার ভার্জিন বা দেবদাসীদের থেকে বেশ একটু আলাদা।

'ভেটা' দেবীর কুমারী সেবিকাদের সঙ্গে সেই সূর্যকন্যা দিব্যকন্যাদের একটি বিষয়ে শুধু মিল। 'ভেটা' দেবীর সেবিকাদের মত এই সূর্যকন্যাদেরও একটি পবিত্র অগ্নি নির্বাচিত না হতে দেওয়ার ভার নিতে হয়। সূর্যদেবের উত্তরাধিকারের দিন থেকে যার আরাধন্য এ অগ্নি সেই 'রেইমি'-র উৎসবের।

কুমারী দিব্যকন্যারা সূর্যসেবিকা হলেও কিন্তু সম্পূর্ণ অসূর্যম্পত্তা।

একবার সূর্যসেবিকা হবার সৌভাগ্য লাভ করার পর বাইরের জগতের সঙ্গে সমস্ত সম্পর্ক তাদের ছিন্ন হয়ে যায়।

অতি অল্প বয়সে কৈশোরে পা দিতে-না-দিতে তারা 'তাভানতিনসুয়ু'-র এই চরম গৌরবের জন্মে নির্বাচিত হয়। তারপর নিজেদের আত্মীয়স্বজন এমন কি পিতামাতাও তাদের আর দেখতে পান না। বাইরের জগতের কোনো পুরুষ কি নারীর অধিকার নেই তাদের কন্যাশ্রমে প্রবেশ করবার।

পুরুষের মধ্যে একমাত্র ইংকা স্বয়ং আর নারীদের মধ্যে শুধু 'কন্যা' বা মহাজ্ঞী তাদের আশ্রমে প্রবেশ করতে পারেন।

সূর্যসেবিকাদের শ্রেষ্ঠ কন্যাশ্রম হল কুজকো নগরে। সেখানে শুধু ইংকা-রাজরক্ত যাদের মধ্যে আছে সেইসব পরিবার থেকেই সূর্যকন্যা নির্বাচিত হয়। পরিবার থেকে সূর্যকন্যা নির্বাচিত হওয়া একটা অসামান্য গৌরব। কিন্তু

গৌরবের যেমন তেমনি নিদারুণ উদ্ভিন্ন আতঙ্কের ব্যাপারও পরিবারের পক্ষে। স্বর্ধকল্পাদের সামান্যতম বিচ্যুতিরও ক্ষমা নেই। ভ্রষ্টা কেউ হলে তাকে ত জীবন্ত সমাধি দেওয়া হয় আর যে পুরুষ এ ব্যাপারে জড়িত থাকে তার নিজেই শুধু মৃত্যুদণ্ড হয় না, ধূলিসাৎ করে তার গ্রামের বা নগরের বসতির চিহ্ন পর্যন্ত লুপ্ত করে দেওয়া হয়।

এ রাজ্যে আসবার পর থেকে এই বিচিত্র স্বর্ধসেবিকাদের সম্বন্ধে গানাদো ষথাসাধ্য অনেক বিবরণই সংগ্রহ করেছিলেন। এটুকুও জেনেছিলেন যে তাঁদের অল্প পুষ্টির মত তারা অদর্শনীয়।

মেয়েটি সেই দিব্যাক্ষনা স্বর্ধসেবিকাদেরই একজন শোনবার পর তীব্র বিস্ময়-বিহ্বলতায় তাকে লক্ষ্য করতে গিয়ে স্থানকাল কয়েক মুহূর্তের জন্তে ভুলে গিয়েছিলেন বোধহয়। তারপরই আত্মস্থ হয়ে বলেছিলেন—স্বর্ধসেবিকা বলে কোনো পরিচয় আর ত তোমার নেই। কণ্ডাশ্রমের সীমানা পার হওয়ার সঙ্গে সঙ্গে বাইরের আলো-বাতাস আর পাপের সংসারের স্পর্শে তোমার সে নামহীন একাগ্র সাধিকার জীবন শেষ হয়ে গেছে। এখানে তোমায় নাম নিয়ে চিহ্নিত হতে হবে। বলা কি নামে তোমায় ডাকব ?

একটু থেমে চূপ করে থেকে হঠাৎ উৎসাহভরেই গানাদো বলেছেন, পেয়েছি তোমার নাম। তুমি আজ থেকে ‘কয়া’।

না, না।—নামটা শুনেই মেয়েটি আপনা থেকেই যেন শিউরে উঠেছিল,— আর যে নাম দাও, ‘কয়া’ নয়।

কেন নয়! একটু হেসেই এবার বলেছিলেন গানাদো,—‘কয়া’ মানে রাজেশ্রমী বলে তোমার আপত্তি? কিন্তু রাজেশ্রমী বললেও তোমায় বুঝি তুচ্ছ করা হয়। তবু তোমার নাম আমি ‘কয়া’ই রাখলাম। আজ সন্ধ্যায় ওই নামেই এসে ডাকব।

গানাদো আর সেখানে দাঁড়ান নি। মেয়েটির দিকে ফিরেও আর না তাকিয়ে সোজা কাকসামালকার অতিথি মহল্লায় তাঁদের শিবিরের দিকে পা বাড়িয়েছিলেন।

ফিরে এসেছিলেন সন্ধ্যা না হতেই।

গুহামুখের গুপ্ত পথের কাছে এসে নাম ধরে ডাকতে কিন্তু তাঁকে হয়নি। কয়া আগে থাকতেই সেখানে এসে একটি পাথুর-সুপের আড়ালে তাঁর জন্য অপেক্ষা করছে।

তখনও সন্ধ্যার আকাশে সব আলো মিলিয়ে যায় নি। যেন কোন নববধূর মুখের সলজ্জ রক্তিম আভা ছড়িয়ে আছে পৃথিবীর ওপর।

সেই অবাস্তব আলোয় 'কয়া'র স্নিগ্ধ কোমল দুটি চোখে একটি মধুর ঔৎসুক্য যেন দেখেছিলেন গানাদো।

সে ঔৎসুক্যের উৎস সারাদিনের উপবাসক্লিষ্ট তনু না তার জাগরণোন্মুখ হৃদয় বিচার করবায় সাহস হয় নি গানাদোর।

শিবির থেকে আনা আহাৰ্য এক জায়গায় রেখে কয়াকে তা ভুলে নিয়ে যেতে বলে তিনি কিছু দূরে এসে বসেছিলেন।

কয়া সে খাবার ভুলে নিয়েছিল ঠিকই কিন্তু দূরে নয় তাঁর বেশ কাছেই এসে বসেছিল।

এত কাছে এসে বসার সাহস তোমার হল? গানাদো বিশ্বয়ের সঙ্গে ঈষৎ কৌতুকের স্বরে বলেছিলেন।

হল। কয়া-র মুখে এই প্রথম হাসি দেখেছিলেন গানাদো,—আগেই হওয়া উচিত ছিল। শুধু ইংকা নয় আমি যে মুইস্কা বংশের মেয়ে তা ভুলে যাওয়া উচিত হয় নি।

মুইস্কা বংশের মেয়ে!

গানাদো কয়ার কথাটার সবিস্ময়ে শুধু পুনরাবৃত্তি করেছিলেন। তার অর্থ কিছুই বুঝতে পারেন নি। এই অজানা বিচিত্র পার্বত্যরাজ্যে পা দেবার পর থেকে এদেশের সব কিছু তিনি যথাগম্যব খুটিয়ে জানবার চেষ্টা করেছেন। এসপানিওল বাহিনীর পণ্ডিত গোছের দু-একজনের তুলনায় তাঁর জ্ঞান যে অনেক বেশী এ নিয়ে তাঁর মনে গোপন একটু গৰ্বও বোধহয় ছিল। কিন্তু সে গৰ্ব কয়ার উচ্চারিত ওই একটি শব্দ 'মুইস্কা' চুরমার করে দিয়েছে।

মুইস্কা বংশের মেয়ে বলতে কি বোঝাতে চায় কয়া?

মাত্র একদিন এক রাত্রির মধ্যে ভাগ্য তাকে নিয়ে যা ছিনিমিনি খেলেছে তাতে কিছুটা মাথার গোলমাল হয়ে কয়া কি প্রলাপ বকছে নাকি? তার অমন করে হঠাৎ কাছে এসে বসাই ত বেশ একটু অদ্ভুত।

গানাদো সন্ধ্যার-ঘনায়মান অন্ধকারে কয়ার মুখের দিকে তীক্ষ্ণ দৃষ্টিতে তাকিয়েছিলেন।

সে মুখে স্নিগ্ধ সরল একটু হাসির আভাস। সে হাসিতে বা তার চোখের

প্রসন্ন দৃষ্টিতে বাতুলতার লক্ষণের বদলে একটা পরম নির্ভরতার তৃপ্তিই ফুটে উঠেছে।

নিজের অজ্ঞতাটা প্রথমে গোপন করবার ইচ্ছাই হয়েছিল গানাদোর। বিমূঢ় বিশ্বয়ে প্রথমে যেটুকু প্রকাশ করে ফেলেছিলেন তা চাপা দিয়ে কোশলে ‘মুইস্কা’ শব্দের রহস্যটা জেনে নেবার কথা ভেবেছিলেন একবার।

কিন্তু এই শিশির-স্বচ্ছ পবিত্র মেয়েটির সঙ্গে চাতুরী করার কথা মনে যে একবার উঠেছিল তার জন্তেই নিজেকে থিকার দিয়েছিলেন তখনই।

সোজাসুজিই তারপর জিজ্ঞাসা করেছিলেন—মুইস্কা আবার কি? গুরুকম বংশের নামও ত কখনও শুনি নি।

না শোনবারই কথা। কল্পা হেসে বলেছিল,—এই তাভানতিনহু-তেও কতজন আর মুইস্কাদের কথা শুনেছে! কিন্তু মুইস্কারা না বলে দিলে রেইমি উৎসবের দিন নির্ভুলভাবে কেউ জানতে পারত না, আকাশ-পথে ভেসে যেতে কবে চন্দ্রদেবীর মুখ যন্ত্রণায় কালো হয়ে উঠবে তা আগে থাকতে জেনে পারত না প্রস্তুত হয়ে থাকতে। বংশ-মর্যাদার ইংকাদের সমতুল্য হলেও, পেরুর ধারা অধীশ্বর তাঁদের কাছে তাই মুইস্কাদের সম্মান সবচেয়ে বেশী।

তার মানে মুইস্কারা জ্যোতিষী?—সবিশ্বয়ে জিজ্ঞাসা করেছিলেন গানাদো।

সাধারণ জ্যোতিষী নয়, তার চেয়ে অনেক বেশী কিছু।—একটু গর্বিই প্রকাশ পেয়েছিল কল্পা-র গলায় স্বরে,—ইংকা রাজ্যে আরো অনেক জ্যোতিষিদ আছে, কিন্তু দেবাদিদেব পরম জ্যোতির সৃষ্টি পরিক্রমার গুঢ় রহস্য একমাত্র মুইস্কাদেরই জানা।

পেরু রাজ্যবাসীরা অল্প অনেক বিষয়ে টেনচটিটলান অর্থাৎ মেক্সিকোর অধিবাসীদের চেয়ে ষথেষ্ট অগ্রসর হলেও জ্যোতির্বিদ্যায় যে তাদের চেয়ে অনেক পিছিয়ে আছে, গানাদো ইতিমধ্যেই তার প্রমাণ পেয়েছিলেন! সমস্ত পেরু রাজ্যে একমাত্র মুইস্কারাই যে মেক্সিকোর আজটেকদের মত শুধু নয়, প্রশান্ত মহাসাগরের ওপারের এশিয়ার সভ্য জাতিদের মত জ্যোতির্বিদ্যার মূল স্ত্রুণ্ডলি আশ্চর্য ও স্বাধীনভাবে আবিষ্কার করেছি ৭ কিছুদিন বাদে গানাদো তা জানতে পারেন বিশ্বদভাবে।

সেই মুহূর্তেই কিন্তু এ সব আলোচনার কোন উৎসাহ তাঁর হয়নি। নিজের মনের সবচেয়ে বড় কৌতুহলটাই তিনি প্রকাশ করেছিলেন।

জিজ্ঞাসা করেছিলেন বিমূঢ় বিশ্বয়ের স্বরে,—কিন্তু তুমি যে শুধু ইংকা নও,

মুইস্কাও, তা মনে পড়ায় আমার এত কাছে এসে বলার সাহস হল কি করে ?
ষিধা সঙ্কোচ ভয় কি তাইতেই চলে গেল ?

হ্যাঁ গেল। গভীর নির্ভরতার স্বরে বলেছিল, কয়া,—তোমাকে ভয় করা
যে আমার ভুল তা মুইস্কা হিসাবে আগেই আমার বিশ্বাস করা উচিত ছিল।
উদয়সাগর তাঁর থেকে তোমার আসা যখন মিথো হয়নি, তখন আর সব গণনাই
বা সত্য হয়ে উঠবে না কেন ?

তার মানে এ সব ঘটনা আগেই তোমাদের কেউ গণনা করে জেনেছিলেন !
—সবিস্ময়ে জিজ্ঞাসা করেছিলেন গানাদো,—কে তিনি ? কি তাঁর গণনা ?

কি তাঁর গণনা সব জানতে চেও না।—মধুর অহুরোধের স্বরে বলেছিল
কয়া,—ভবিষ্যৎ জানবার অধিকার সকলের থাকে না। জানলে জীবনের স্বাদ
তাদের কাছে স্নান কিংবা ফিকে হয়ে যায়। একথা বলতেন আমার পিতামহ।
তিনিই তাভানতিনসুইয়ু-র সঙ্গে জড়িত আমার নিয়তি গণনা করে বলে
গিয়েছিলেন যে, এ রাজ্যের চরম দুর্যোগের দিনে সূর্যকণ্ঠা হিসেবে আমি ব্রতভট্টা
হব আর আমার জীবনে পরম সহায় রূপে দেখা দেবে উদয়সাগর তীরের কোন
এক অচেনা ভিনদেশী।

একটু থেমে গানাদোর দিকে উৎসুক চোখ তুলে আবার বলেছিল কয়া,—এর
বেশী আর কিছু বলার অহুরোধ আমার করে না। বলতে নিষেধ আছে
আমাদের মুইস্কা সংস্কারে। ভবিষ্যতকে অজানা থাকতেই দাও। সুখ-দুঃখ
জয়-পরাজয় নিয়ে জীবনের সব পাশুনাই আশুক গভীর অন্ধকার থেকে
অভাবিতের চমক নিয়ে।

তাই আশুক!—‘কয়া’র প্রতি মুগ্ধ আকুলতার সঙ্গে নতুন এক সন্দেহ নিয়ে
বলেছিলেন গানাদো,—তোমার পিতামহ যা বলতেন আমার নিজেও মত
তাই। শুধু একটা কথা তোমায় জিজ্ঞাসা করি। সূর্য-সেবিকা যখন তুমি
হয়েছিলে তোমার পিতামহ কি তখন জীবিত ?

হ্যাঁ, জীবিত।—স্নান একটু হেসে গানাদোর পরের প্রশ্নটা যেন অস্বাভাবিক
করে বলেছিল কয়া।

তাহলে ব্রতভট্টা হবে জেনেও তোমাকে সূর্য-সেবিকার অস্বাভাবিকতা তিনি
দিয়েছিলেন কেন ?—কয়ার অস্বাভাবিক প্রশ্নই তুলে গানাদো বলেছিলেন,—সূর্যকণ্ঠা
হওয়া ত এ রাজ্যে হেলাফেলার ব্যাপার নয়। এ জীবন-ব্রতে সার্থকতার
গৌরব যেমন অসামান্য, স্থান পতনের লজ্জা স্নানি লাক্ষনা তেমন অপারিসীম।

সব জেনে-শুনেও তোমার এ চরম দুর্গতি ঠেকাবার চেষ্টা তিনি করেন নি কেন ?

করেছিলেন।—মুখে একটি বিষয় ছায়া নিয়ে বলেছিলেন কয়া,—অনিবার্ধের বিরুদ্ধে সব সংগ্রামই নিষ্ফল জেনেও করেছিলেন। তবু সূর্য-সেবিকারূপে আমার নির্বাচন বন্ধ করতে পারেন নি। কৈশোর না পায় হতে একদিন কুজকোর প্রধান কন্যাশ্রমের অলজ্য প্রাচীরের আড়ালে আমি নির্বাসিত হয়েছিলাম। সেখানে নিষ্কলঙ্ক দিব্যান্ধনার জীবন কিন্তু আমি কাটাই নি। এ রাজ্যের এই চরম বিপর্যয়ের দিনেই প্রথম নয়, মনে পাপের স্পর্শ লেগে ভ্রষ্ট হয়েছি আমি অনেক আগেই!

তুমি ভ্রষ্টা হয়েছ ওই কন্যাশ্রমের মধ্যে? ওই পবিত্র সূর্যকন্যা ব্রত তুমি ভঙ্গ করেছ?—বিশ্বয়ে সংশয়ে তীক্ষ্ণ হয়ে উঠেছিল গানাদোর গলার স্বর।

হ্যাঁ! ভ্রষ্টা আমি হয়েছি সত্যিই অনেক আগে।—গানাদোর উত্তেজিত মন্দির প্রবেশের জবাব শান্ত স্নিগ্ধ আর সেই সঙ্গ কেমন যেন অল্পশোচনামূলক কণ্ঠে বলেছিল কয়া,—ভ্রষ্টা হয়েছি সেইদিন থেকে যেদিন নিজের নিয়তির কথা জেনে শঙ্কিত বিহ্বল হবার বদলে আমার উৎসুক কল্পনা কন্যাশ্রমের অলজ্য দেয়ালের বাইরে আমি ছড়িয়ে দিয়েছিলাম। কঠিন আচার অনুষ্ঠানের বন্ধনে সূর্যকন্যাদের সমস্ত জীবন বাঁধা। আমার মন সে বন্ধন কিন্তু আর স্বীকার করতে চায় নি। অমোঘ নিয়তিই আমার কাছে যেন মুক্তির দ্বার হয়ে মনে মনে আমার ব্যভিচারিণী করেছে। এ অমোঘ নিয়তির কথা না জানলে কি হত আমি জানি না, কিন্তু পিতামহ তাঁর মৃত্যুর আগে নিজেই কন্যাশ্রমের কঠিন চিরসতর্ক পাহারা ভেদ করে তাঁর গণনার কথা আমার জানাবার ব্যবস্থা করেছিলেন।

কেন? কি করে?—গানাদো সবিশ্বয়ে জিজ্ঞাসা করেছিলেন।

কেন তা তিনিই জানেন।—মুহূ হেসে বলেছিল কয়া,—তবে সূর্যসেবিকাদের কন্যাশ্রমের অলজ্য প্রাচীর বিফল করবার মত ছিদ্রপথও কিছু কিছু আছে। পিতামহ সেই ছিদ্রপথেই আমার কাছে তাঁর শেষ বার্তা পাঠিয়েছিলেন। নামে বারা সূর্য-সেবিকা বাইরের জগতের কাছে তারা অস্বর্ষস্পঞ্জা। স্বয়ং ইংকা কিংবা তাঁর সাম্রাজ্যী 'কয়া' ছাড়া তাদের সাফাং দর্শন পাবার অধিকার কারুর নেই। বাইরের সঙ্গে কন্যাশ্রমের যোগাযোগ রক্ষা করেন বর্ষিয়দী তপোদিদ্বা কয়েকজন পূর্বতন সূর্য-সেবিকা, 'মামাকোনা' বলে খারা পরিচিত। কি উপায়ে জানি না আমাদের এক মামাকোনাকেই প্রভাবিত করে পিতামহ তাঁর হাত দিয়ে আমার কাছে তাঁর গোপন 'কিপু' পাঠিয়েছিলেন। ইংকা নয় সে আরো জটিল ও উন্নত

মুইস্কা কিপু। মামাকোনা চেষ্টা করলেও তার অর্থ উদ্ধার করতে পারতেন না। ছেলেবেলার বংশগত শিক্ষায় আমি তা পেরেছিলাম। কৈশোর থেকে যৌবনে উত্তীর্ণ হয়ে আমি তখন বেইমি উৎসবের পবিত্র শিখা রক্ষণের ভার পেয়ে সূর্যকণ্ঠরূপে চিহ্নিত হয়েছি। কিন্তু পিতামহের সেই কটি স্মৃতুলী কিপু আমার মনের কাঠিন্য নিষ্ঠা ও সঙ্কল্পের ভিত্তিতে চিড় ধরিয়ে দিল। অনাগত ভবিষ্যৎ সম্বন্ধে ঔৎসুক্যে আমার মন একাগ্র সূর্য-সাদনার পক্ষে অশুদ্ধ হয়েছিল তখনই। পিতামহ সেই উদ্দেশ্যেই তাঁর গণনা আমায় জানিয়ে গেছিলেন কি না এক-একবার আমার সন্দেহ হয়।

কয়ার কথা শেষ হবার পর অনেকক্ষণ গানাদো স্তব্ধ হয়ে বসেছিলেন।

সন্ধ্যার অন্ধকার তখন বেশ গাঢ় হয়ে চারিদিকের দৃশ্যবৈচিত্র্য মুছে দিয়েছে। মৌন এক বিচ্ছিন্নতার যবনিকায় তাঁরা দুজনে যেন বেষ্টিত।

অনেকক্ষণ বাদে, ক্রমশঃ নিবিড় হয়ে ওঠা অন্ধকারে পরস্পরের কাছেও অস্পষ্ট হয়ে আসার পর কয়া কুণ্ঠিত মুহূ কণ্ঠে জিজ্ঞাসা করেছিল, আমাকে একটু ঘৃণা করছ নিশ্চয়ই।

ঘৃণা!—বিস্মিত স্বরে বলেছিলেন গানাদো,—ঘৃণা করব তোমাকে? কেন?

তোমার কাছে আমার গোপন ঋণের কথা প্রকাশ না করে পারলাম না বলে। সূর্য-সেবিকা হিসাবে আমি ত সত্যিই ভ্রষ্টা।—প্রায় অস্ফুট স্বরে বলেছিল কয়া।

এবার হেসে উঠেছিলেন গানাদো। বলেছিলেন,—হ্যাঁ সত্যিই তুমি ভ্রষ্টা। কিন্তু এ ঋণ তোমার লজ্জা নয়, তোমার গৌরব। বেগের আনন্দে বয়ে যাবার নদী বলেই বন্ধ জলের বাঁধানো পাড় তুমি না'ভেঙে পারো নি। তোমার পিতামহ এই নিয়তির জগ্নেই তোমাকে প্রস্তুত রাখতে চেয়েছিলেন এই কথাই ভাবতে ইচ্ছে করে না কি?

গানাদোর কথা কয়া কি সব বুঝেছিল? কোন উত্তর সে অন্তত দেয় নি।

অন্ধকারে অনেকক্ষণ নীরবে বসে থাকবার পর গানাদো উঠে পড়ে বিদায় চেয়েছিলেন। কয়াকে আশ্রয় নিতে বলেছিলেন গোপন গুহায়।

এখনই তুমি যাবে?

দেহের শিরা-উপশিরায় সূর্যার শ্রোত ছড়িয়ে কয়ার ঈষৎ কাতর প্রশ্ন গানাদোর কানে বেজেছিল।

আগেল বিহ্বলতার জগ্ৰেই কয়েক মুহূর্ত তিনি বুঝি উত্তর দিতে পারেন নি। তারপর শাস্ত আশ্বাসের কণ্ঠে বলেছিলেন,—হ্যাঁ এখনি যাব, তবে বেশীক্ষণের জগ্ৰে নয়। তুমি নিশ্চিত থেকে যে, মধ্য রাত্রেই আগেই ফিরে এসে স্মৃতিদেয় পৰ্বস্ত এ গুহামুখ আমি পাহারা দেব। এখন শুধু কাকসামালকা নগরে একটি দায় না সেরে এলে নয়।

কি সে দায়, কয় কিস্তি আর জিজ্ঞাসা করে নি। নীরবে সে গুহামুখের গোপন পথে চলে গেছে।

কিছুক্ষণ সেখানে দাঁড়িয়ে থাকার পর গানাদো যা করেছেন তা দেখতে পেলে কয় কেন কাকসামালকা নগরের যে কেউ বিস্মিত হত।

পার্বত্যপথে কিছুদূর পৰ্বস্ত হেঁটে গানাদো একটি প্রস্তর স্তূপের আড়ালে গিয়ে দাঁড়িয়েছেন।

একটি ঘোড়া সেখানে বাঁধা। ঘোড়াটির বিশেষত্ব এই যে, অন্ধকারেও তার গা থেকে যেন ক্ষীণ একটু শাদা আলো ছড়াচ্ছে। ভাল করে লক্ষ্য করলে অবশ্য দেখা যেত ঘোড়ার গায়ের এ শুভ্রতা স্বাভাবিক নয়। কাছের একটি পাত্রই তার প্রমাণ। কাকসামালকা শহরের বাড়িগুলি যার কল্যাণে সবই উজ্জ্বল ধবল সেই চুনই খানিকটা রাখা আছে পাত্রটিতে।

গানাদো নিজেই যেভাবে বেশ বদল করেছেন তা একটু অদ্ভুত। যা পরেছিলেন তার ওপর শাদা আলখাল্লা জাতের একটি পোশাক তিনি চাপিয়েছেন। কোমরবন্ধে সে আলখাল্লা বেঁধে খাপ সমেত তলোয়ার ত সেখানে ঝুলিয়েছেনই তার সঙ্গে আর একটি যা জিনিস নিয়েছেন সেইটিই বিস্ময়কর। জিনিসটি এমনিতে দেখলে একটা লম্বা দড়ি ছাড়া কিছু মনে হয় না।

এই দড়িটি জিনের ওপর রেখে ঘোড়া খুলে তাতে সওয়ার হয়ে আপাদমস্তক শুভ্র আবরণে ঢেকে গানাদো যখন নগরের দিকে রওনা হয়েছেন তখন সত্যিই ঘোড়া সমেত তাঁর মূর্তি অলৌকিক কোন আবির্ভাব বলে মনে করা কারুর পক্ষে অস্বাভাবিক ছিল না।

রাতের পর রাত নগরের নির্জন পথে এ মূর্তি দেখবার সৌভাগ্য বা দুর্ভাগ্য কারুর কারুর হয়েছে তারপর। কাকসামালকা নগরে পেরুবাসী ত বটেই এসপানিওলদের মধ্যেও এ মূর্তি নিয়ে তখনই বিস্ময় সংশয় ভরা আলোচনা শুরু হয়ে গেছে।

শুধু কাকসামালকা নয় আরেক জায়গাতেও ভীরাচৌচাক্সী এ মূর্তি কিভাবে

যে কিছুকাল বাদেই আলোচিত হয়েছে তা জানলে গানাদো নিজেই বোধহয় একটু বিচলিত হতেন।

জায়গাটির নাম টাষেজ বন্দর। আলোচনা যারা করেছে তাদের দু'জনেই আমাদের চেনা। একজনের নাম গাল্লিয়েথো আর একজন মার্কু'ইস গঞ্জালেস দে সোলিস।

মার্কু'ইস গঞ্জালেস দে সোলিসের কাছে স্পেন ও মেক্সিকো দুই একটু বেয়াড়া হয়ে ওঠায় অজানা নতুন মহাদেশ পেরতেই ভাগ্য পরীক্ষা তার কাছে স্ববিধের মনে হয়েছে। পানামা থেকে একটি অভিযাত্রী জাহাজে সে তখন সবে এসে নেমেছে টাষেজে।

কাক্সামালকায় যার মুখ দেখানো আর স্ববিধের নয়, পিজারোর হুকুমে বিতাড়িত সেই গাল্লিয়েথোও তখন পাহাড় থেকে নেমে টাষেজ বন্দরে ওই জাহাজেই ফিরে যাবার জন্তে অপেক্ষা করছে।

বন্দরের পথেই দু'জনের দেখা। মার্কু'ইস গঞ্জালেস দে সোলিসকে না হলেও পুরোনো আলাপী সোরাবিয়াকে গাল্লিয়েথো চিনেছে। সোরাবিয়া সে পরিচয় অস্বীকার করে নি।

নেণার আড্ডায় সোরাবিয়ার না হোক গাল্লিয়েথোর জিভের রাশ আলগা হয়ে গেছে তারপর। অদ্ভুত ভীরাকোচা মূর্তির কাছে তার চরম লাঙ্নার কথা সবই বলে ফেলেছে গাল্লিয়েথো।

শুনতে শুনতে উত্তেজিত হয়ে উঠেছে সোরাবিয়ার মুখ। গাল্লিয়েথোর কপালের আর মুখের অগ্নি-কলক চিহ্নগুলি তখনও মেলায় নি। সে-গুলি তীক্ষ্ণ দৃষ্টিতে পরীক্ষা করে প্রায় নিষ্পেষিত দস্তে অদ্ভুতভাবে হেসে সোরাবিয়া বলেছে, —তোমার এ লাঙ্নার শোধ শীগগিরই হবে গাল্লিয়েথো। কাক্সামালকার এসপানিওলদের বিভীষিকা, ভীরাকোচার এ অবতারণকে আমি বোধহয় চিনি।

তীব্র উৎসাহ উত্তেজনা নিয়ে সেই দিনই সোরাবিয়া রওনা হয়েছে কাক্সামালকার পথে।

গানাদো তখন অবশ্য কাক্সামালকার নেই। সোনাবরদারদের দলে সবে কুজকো শহরে পৌঁছে ইংকা সাম্রাজ্যের শ্রেষ্ঠ সূর্য-মন্দির কোরি-কাঞ্চায় আশ্রয় নিয়ে কন্নাকে তিনি সোয়াস হ্রাসকারের কাছে কিপু নিয়ে দুঃসাহসিক দৌত্যে পাঠাবার আয়োজন করছেন।

হ্রাসকারের কাছে গোপন কিপু নিয়ে যে দৌত্যে যাবে সোনাবরদার দলের

সঙ্গে কোরিকাঞ্চার সূর্যমন্দিরে আশ্রয় পাবার পরই তার চেহারা পোশাক আশ্চর্য-ভাবে পাণ্টে গেছে।

হাঙ্গা পাতলা নেহাত কিশোর গোছের যে একজনকে সোনারবরদার দলের সঙ্গে কাক্সামালকা থেকে কুজকো পর্যন্ত আসতে দেখা গেছিল কুজকো শহরে পা দিয়ে সোনারবরদার দল কোরিকাঞ্চায় ঢোকবার পর আর তার পাতলা পাওয়া যায় নি।

কোরিকাঞ্চার মন্দিরে সে যেন কোথায় হারিয়ে গেছে বলেই মনে হয়েছে প্রথমে।

তা কোরিকাঞ্চার মন্দিরে হারিয়ে যাওয়া এমন কিছু আশ্চর্য ত নয়! কুজকো শহরের একেবারে মাঝখানে এ যেন বিশাল এক আলাদা জগৎ।

প্রধান সূর্য-দেউল একটিই। কিন্তু সেটিকে ঘিরে অসংখ্য ছোট বড় সব আয়তন চারিদিকে বহুদূর পর্যন্ত যেন অল্পগত সেবক-সেবিকার মত ভিড় করে দাঁড়িয়ে আছে। সূর্য-মন্দির থেকে শুরু করে ছোট বড় সব দেবায়তনই পাথরে তৈরী। কিন্তু আশ্চর্যের বিষয় এই যে সেগুলির ছাউনি ঘাসের। বাইরে সেগুলির চেহারা তেমন জমকালো না হলেও ভেতরের ঐশ্বর্য ইওরোপের অন্তত রাজা-মহারাজাদেরও চোখ কপালে তোলবার মত। সারা তাভানতিনসুয়ু-ই বলতে গেলে সোনা-রূপেয় মোড়া। তার মধ্যে সমস্ত দেশের সেরা যা কিছু সোনাদানা সব জড় হয়েছে এই কোরিকাঞ্চার দেবস্থানে। সোনার ছড়াছড়ি বলেই এ দেবায়তনের নাম হয়েছে কোরিকাঞ্চা। কোরিকাঞ্চা মানে হল সোনার পুরী।

আশ্চর্য ত!—উৎসাহ দমন করতে না পেরে মেদভারে যিনি হস্তীর মত বিপুল সেই সদা-প্রসন্ন ভবতারণবাবু শ্রীঘনশ্যাম দাসকে বাধা দিয়ে ফেলেছেন।

বাধা পেয়ে দাসমশাই একটু ভুরুটিভরে তাকাতে বেশ একটু অপ্রস্তুত হলোও ভবতারণবাবু তাঁর বিশ্বয়স্থচক মস্তব্যটা শেষ না করে পারেন নি।

কুণ্ঠিতভাবে দুবার ঢোক গিলে বলে-ই দিয়েছেন,—কোরিকাঞ্চার মানে সোনার পুরী হওয়া ভারী অদ্ভুত নয়?

অদ্ভুতটা কোথায় দেখলেন? মস্তক ঝাঁর মর্মরের মত মন্থণ সেই শিবপদবাবু তাঁর পাণ্ডিত্যের উচ্চ শিখর থেকে একটু অবজ্ঞার খোঁচা না দিয়ে পারেন নি—কাঞ্চা শব্দটার সঙ্গে কাঞ্চনের সম্পর্ক খুঁজছেন নাকি? ভাবছেন, সংস্কৃতের কাঞ্চন শব্দই কালাপানি, ভারত সমুদ্র আর গোটা প্রশান্ত মহাসাগর পেরিয়ে গিয়ে

পেরুতে কাঞ্চা হয়েছে? আর তা যদি হয়ে থাকে তাহলে ইংকা সভ্যতার পেছনে ভারতবর্ষই উঁকি দিচ্ছে বলে ধরে নিচ্ছেন?

ভবতারণবাবু কাঁচুমাচু, সভার অন্ত সবাই একটু দিশাহারা।

কিন্তু সাহায্য এসেছে অপ্রত্যাশিতভাবে শ্রীঘনশ্যাম দাসের কাছ থেকেই। শিবপদবাবুর ইন্সট্রাকশনের টেকার ওপর চিঁড়িতনের রঙ্গের ছুরির তুরূপ মারবার এমন সুরোগ কি দাসমশাই ছাড়েন!

ঈশং কুঞ্চিত চোখে শিবপদবাবুর দিকে চেয়ে তিনি বলছেন, ভারতবর্ষ উঁকি দিচ্ছে কিনা কেউ জানে না, তবে সেকালের কুইচুয়া ভাষার কয়েকটা শব্দ যে কৌতূহল জাগাবার মত এ বিষয়ে সন্দেহ নেই। যেমন ধরুন অমাউত্যা। উচ্চারণ অমাউত্যা ছিল মনে হয়। সংস্কৃতে অমাত্যা হল রাজাকে মন্ত্রণা দেন এমন প্রাজ্ঞ বিদ্বান মানুষ্য আর পেরুতেও অমাউত্যা বলতে বোঝাত বিজ্ঞ পণ্ডিত। তফাত শুধু ছিল এই যে, রাজাকে মন্ত্রণা দেবার বদলে ইংকা রাজপুত্রদের শিক্ষাদীক্ষা দেবার ভার তাঁদের ওপর থাকত। শুধু কাঞ্চা আর অমাউত্যা কেন, পেরু শব্দটাই সংস্কৃত পারুর কথা মনে করিয়ে দেয়। পারু মানে সংস্কৃতে সূর্য। কাঞ্চা শুনে ভবতারণবাবুর কান একটু খাড়া হয়ে ওঠা স্তরাং দোষের নয়।

শিবপদবাবু পান্টা কিছু প্রশ্ন তোলার জগ্গে যদি ভৈরী হয়ে থাকেন, তাব সুরোগ দাসমশাই তাঁকে দেন নি। সরাসরি আবার গল্পে গা ভাসিয়ে দিয়েছেন:—

যে কোরিকাঞ্চার কথা বললাম কুজকোর একেবারে বুকের মাঝখানে হুদপিণ্ডের মত আরেক সেই মন্দির-নগর চারিদিকে আবার যথেষ্ট উঁচু দেওয়াল দিয়ে ঘেরা। উৎসবের দিনেও এক ইংকা ছাড়া আর সকলকে সে নগরে ঢোকবার আগে দেওয়ালের বাইরে জুতো খুলে ঢুকতে হয়।

এ মন্দির-নগরের হর্তাকর্তা হলেন ভিলিয়াক ভুমু, অর্থাৎ প্রধান পুরোহিত। পেরু সাম্রাজ্যে মর্ঘাদার দিক দিয়ে তাঁর স্থান ইংকার পরেই। ইংকা রাজরক্ত গায়ে না থাকলে কোরিকাঞ্চার ভিলিয়াক ভুমু হওয়া যায় না। কোরিকাঞ্চাতেই তাঁর অধীনে চার হাজারের ওপর তাঁবেদার।

এ রকম একটা মন্দির-নগরের ভিড়ের মধ্যে অনায়াসেই নিপাত্তা হওয়া সম্ভব। গানাদোর দলের কিশোর চেহারার এক সোনারবরদার তাই হয়েছে। কিন্তু নিখোঁজ হলেও নিশ্চিহ্ন সে হয়নি। কয়েকদিন বাদেই তাকে ওই কোরিকাঞ্চাতেই দেখা গেছে সম্পূর্ণ ভিন্ন রূপে।

মন্দির-নগরের একটি অতিথিশালায় গানাদো অগ্নাঙ্গ সোনাবরদারদের সঙ্গে তখন আশ্রয় পেয়েছেন। ইতিপূর্বে সোনাবরদার হিসেবে যারা এসেছে, এই অতিথিশালাতেই আশ্রয় নিয়ে তারা আতাহ্যালপার হুকুমনামা ভিলিয়াক ভুমুর কাছে দাখিল করেছে। সে হুকুমনামা অহুযায়ী রাজপুরোহিত ভারে ভারে সোনা তাদেরই মারফত পাঠিয়েছেন কাক্সামালকায়।

এবারে কাক্সামালকা থেকে সোনাবরদারদের দল মন্দির-নগরে এসে আশ্রয় নেবার পর দিন-কয়েক কেটে যাওয়া সত্বেও আতাহ্যালপার হুকুম নিয়ে কেউ তাঁর কাছে না আসায় রাজপুরোহিত বেশ একটু অবাক হয়েছেন।

কোরিকাকা উজাড় করে আতাহ্যালপার হুকুম তামিল করতে যে তাঁর ভালো লাগে তা নয়, মনে মনে আতাহ্যালপার এ অগ্নায় আদেশ তাঁর কাছে বাতুলতার লক্ষণ বলেই মনে হয়। কিন্তু বিদেশী শত্রুর হাতে বন্দী হলেও আতাহ্যালপা-ই এ রাজ্যের সর্বসর্বা। ঘাড়ে একটা মাত্র মাথা নিয়ে তাঁর আদেশের প্রতিবাদ করা যায় না।

সোনাবরদারদের কেউ তাঁর সঙ্গে দেখা না করতে আসায় রাজপুরোহিত প্রথমে অবাক এবং পরে তাই চিন্তিত হয়ে উঠেছেন। পাছে সোনাবরদারদের আলগ্ন্য কি গাফিলতি তাঁর নিজের অবাধ্যতা বলে কেউ ধরে বসে এই ভয়ে অতিথিশালায় নিজেই তিনি সোনাবরদারদের খোঁজ নিতে পাঠিয়েছেন।

সেখান থেকে খবর যা পাওয়া গেছে তা দুর্ভাবনা করবার মত নয়। সোনাবরদার দল রেইমির উৎসব না দেখে কুজ্জকো থেকে রওনা হবে না। উৎসবের এখনো কয়েকদিন দেরী আছে। তাই তারা ভিলিয়াক ভুমুরে এ কয়দিন বিরক্ত করেনি। তাদের হয়ে একজন সেইদিনই আতাহ্যালপার হুকুমনামা নিয়ে তাঁর কাছে যাচ্ছে।

সোনাবরদারদের প্রতিনিধি হয়ে এসেছে একজন ঠিকই কিন্তু তাকে দেখে রাজপুরোহিত একেবারে বিমূঢ়।

কাক্সামালকা থেকে সোনাবরদারদের দলকে যারা কুজ্জকো আসতে দেখেছে তাদেরও সে মূর্তি একটু বিস্মিত, সন্দিক্ত কি করত না? সে দলের কিশোর গোছের একটি চেহারার সঙ্গে একটা রহস্যজনক সাদৃশ্য তাদেরও লক্ষ্য এড়াই না বোধহয়। তবু সাক্ষাৎ নক্ষত্রলোক থেকে নেমে আসা অপ্সরার মত সুন্দরী মেয়েটিকে সেই সোনাবরদারদের একজন বলে ভাবা বেশ কঠিন হত তাদের পক্ষে।

গানাদো যার নাম কন্না রেখেছিলেন কন্না সূর্যসেবিকাদের নিতান্ত বেচপ পোশাকের বদলে কুঞ্জকোর সস্ত্রাস্ত ঘরের মেয়েদের বেশে তার সৌন্দর্য সত্যিই যেন অপার্থিব হয়ে উঠেছে।

রাজপুরোহিতও সে মূর্তি দেখে প্রথমটা বিস্মিত বিহ্বল হয়েছেন সত্যিই, কিন্তু তারপরে জলে উঠেছেন রাগে।

তঁার সঙ্গে এটা কি ধরনের পরিহাস!

নারীর সৌন্দর্য দেখবার চোখ থাকলেও তাতে মোহিত হয়ে বুদ্ধিগুপ্তি হারাবার বয়স তঁার নেই।

সোনাবরদারদের প্রতিনিধি হিসাবে একটি সুন্দরী মেয়েকে তঁার কাছে পাঠান তাই তঁার ক্ষমার অযোগ্য রসিকতার স্পর্ধা বলে মনে হয়েছে।

কি করতে এসেছ তুমি এখানে?—বজ্রস্বরে বলেছেন ভিলিয়াক ভুমু,— এসেছ কোন্ অধিকারে!

একটি মধুর সরল হাসি ফুটে উঠেছে ‘কন্না’র মুখে। তঁার অমন প্রচণ্ড ধমকের উত্তরে এ হাসিতে রাজপুরোহিত একটু অস্বস্তি বোধ করেছেন। তবু কঠিন স্বরে আবার বলেছেন,—উৎসবে অল্পটানে ছাড়া কোরিকাকাঁর এ সূর্যবেদিকার কক্ষে মেয়েদের প্রবেশ নিষেধ তুমি জানো না?

জানি।—শাস্ত চোখ তুলে স্নিগ্ধস্বরে বলেছে কন্না,—তবে একথাও জানি যে এ নিষেধ কারুর কারুর জন্তে নয়।

হ্যাঁ নয়।—স্নিগ্ধ স্বরের কথাগুলিতে স্পর্ধার আভাস প্রচ্ছন্ন বলে সন্দেহ করে রাজপুরোহিত আরো রূঢ় হয়ে উঠেছেন,—কিন্তু নয় শুধু কাদের জন্তে? শুধু ইংকা রাজঅঙ্ক:পুরিকা সূর্যসেবিকাদের কন্নাশ্রমের প্রধান মামাকোনার, আর মুইস্কা বংশের কুমারীদের জন্তে।

আমি মুইস্কা বংশেরই কুমারী!—একটু যেন বিষন্ন স্বরেই বলেছে কন্না।

তুমি মুইস্কা!—স্নিগ্ধ স্বরে জিজ্ঞাসা করেছেন রাজপুরোহিত,—তোমার বিশ্বাস করব কেমন করে?

আমায় বিশ্বাস করতে হবে না।—মুহূ একটু হেসে বলেছে কন্না,—যাঁর কাছ থেকে আমি এসেছি সেই মহামহিম আতাছয়ালপার আদেশবাহী কিপু থেকেই তঁার যা নির্দেশ তার সঙ্গে আমার পরিচয়ও জানতে পারবেন।

রাজপুরোহিত দ্রুতভরে ‘কন্না’র হাত থেকে আতাছয়ালপার হুকুমনামা এবার নিয়েছেন।

সোটির ওপর চোখ বোলাতে গিয়ে তাঁর ক্রকুটি প্রথমে আরো তীক্ষ্ণ হয়ে উঠেছে। তারপর কেমন একটা সংশয় বিহ্বলতার ছায়া ফুটে উঠেছে তাঁর দৃষ্টিতে।

কয়র দিকে যেভাবে তিনি চেয়েছেন তাতে মনে হয়েছে আতাহ্যালপার এ নির্দেশের কিপুই জ্বাল বলে বুঝি তিনি ঘোষণা করবেন।

কিন্তু তা তিনি করেন নি। করা সম্ভব নয়। ইংকা নরেশের নিজস্ব গোপন এমন কিছু গ্রন্থিবৈশিষ্ট্য এ 'কিপু'তে আছে যার রহস্য একমাত্র ইংকা নরেশ স্বয়ং, পেরুর রাজপুরোহিত আর প্রধান সেনাপতিই জানেন। অন্য কারুর পক্ষে তা নকল করা অসম্ভব।

এ 'কিপু' স্মরণ্য অবিশ্বাস করা যায় না।

কিন্তু তাতে যে আদেশ দেওয়া হয়েছে তা সত্যিই বিশ্বাসের বাইরে।

আতাহ্যালপার কিপুতে এবার সোনা পাঠাবার নির্দেশ নেই।

দূতী হিসেবে মুইঙ্কা বংশের মেয়েটির পরিচয় দিয়ে এমন একটি কাজে তাকে যথাসাধ্য সাহায্য করার আদেশ আছে যা সর্বনাশা বাতুলতা বলেই মনে হয়েছে রাজপুরোহিতের।

আতাহ্যালপা জানিয়েছেন যে, তাঁর দূতী মুইঙ্কা কুমারী সোসা দুর্গে বন্দী হয়াসকারের কাছে একটি বিশেষ প্রস্তাব নিয়ে যাচ্ছে। যত ক্রত সম্ভব তাকে সোসা দুর্গে পৌঁছে দেবার ব্যবস্থা ভিলিয়াকে জমুক করতে হবে। আর আতাহ্যালপার প্রস্তাবে রাজী হলে মুক্ত করতে হবে হয়াসকারকে।

মুক্ত করতে হবে হয়াসকারকে!

কিপুর রঙীন গ্রন্থিপুলোর ভুল অর্থ করেছেন কিনা একবার এমন সন্দেহও হয়েছে রাজপুরোহিতের।

হয়াসকারকে মুক্ত করা মানে ত ছেনে শুনে গলায় দোকর মরণ-ফাঁস টানা। আতাহ্যালপার গলায় শাদা বিদেশী শয়তানের ফাঁস ত লাগানই আছে তার ওপর হয়াসকারকে ছেড়ে দিলে সর্বনাশের কি বাকি থাকবে কিছু?

আতাহ্যালপার প্রস্তাবে রাজী হলে তবে হয়াসকারকে ছাড়বার কথা আছে অবশ্য।

কিন্তু সত্যের তেজ ছাড়া মিথ্যের এক রস্তুি কালো ছায়া যার দেহে নেই হয়াসকার কি সেই স্বর্গদেব? ছাড়া পাবার জন্মে আতাহ্যালপার প্রস্তাবে রাজী

হবার ভান করতে তার আটকাচ্ছে কোথায়? একবার ছাড়া পেলেই সে যে নিজমূর্তি ধরবে, এবিষয়ে কোনো সন্দেহই নেই। কি বিশ্বাসে ছয়াসকারকে এরকম সুরোধগ তাহলে দেওয়া হচ্ছে?

এরকম অনেক প্রশ্নেই রাজপুরোহিতের মন অস্থির হয়ে উঠেছিল। এতসব উদ্বেগ দুর্ভাবনা কি সত্যিই ইংকানরেশের বিপদের কথা ভেবে? তা যদি হয় তাহলে আতাছয়ালপা নিজেই যে এসব প্রশ্ন একদিন তুলেছিলেন এইটুকু জানলে রাজপুরোহিত বিস্মিত হতেন নিশ্চয়।

গানাদোর আর সব পরামর্শ মেনে নিলেও প্রথমে আতাছয়ালপা ছয়াসকারকে মুক্তি দেওয়ার সম্পূর্ণ বিপক্ষে ছিলেন সত্যিই। বিদেশী শত্রুর বিরুদ্ধে মরণপন করে আতাছয়ালপার পাশে দাঁড়িয়ে লড়বে, এমন কথা দিলে ছয়াসকারকে মুক্তি দেওয়া হবে। কিন্তু তার কথার দাম কি? গভীর সন্দেহের সঙ্গে জিজ্ঞাসা করেছিলেন আতাছয়ালপা। বলেছিলেন,—মুক্তি পাবার জন্তে সে ত অম্লান বদনে কথা দেবে মিথ্যে করে।

হ্যাঁ মিথ্যে করেই কথা দিতে পারেন,—বলেছিলেন গানাদো,—কিন্তু মুক্তি পাবার পর তিনি কথা রাখবেন সত্যি করে।

কেন?—বিশ্বয় প্রকাশ করেছিলেন আতাছয়ালপা।

কারণ আপনার বিরুদ্ধে যত আক্রোশই থাক, সাচ্চা ইংকান হলে, মুক্তি পাবার পর আরো ভালো করে তিনি বুঝবেন যে সৌসা দুর্গ থেকে ছাড়া পাওয়ারটা কিছুই নয়, বিদেশী শত্রুকে না তাড়ানো পর্যন্ত সমস্ত পেরুই সৌসা দুর্গের চেয়ে অসহ্য বন্দীশালা। আর বিদেশী শত্রুকে তাড়াতে হলে আপনার পাশে না দাঁড়ালেও নয়।

আতাছয়ালপা এরপর আর কোনো প্রশ্ন তোলেন নি।

রাজপুরোহিতের মনে অসংখ্য প্রশ্নের খোঁচা কিন্তু থেকেই গেছে। সে সমস্ত এই মেয়েটির কাছে তোলবার নয়। তাকে শুধু একটি প্রশ্নই তিনি করেছেন,—সৌসায় ছয়াসকারের কাছে তোমায় পাঠাবার ব্যবস্থা করছি। কিন্তু তুমি যে সত্যিই আতাছয়ালপার দূতী তা তিনি বিশ্বাস করবেন কেন? এটা যে তাঁকে ফাঁদে ফেলবার একটা ষড়যন্ত্র নয় তা তিনি বুঝবেন কিসে?

যাতে বোঝেন সেই ব্যবস্থাই করেছেন গানাদো।—গভীর বিশ্বাসের সঙ্গে বলেছে কয়।

গানাদো! তিনি আবার কে?—সবিশ্বয়ে জিজ্ঞাসা করেছেন রাজপুরোহিত।

• তিনি উদয়-সমুদ্রতীরের এক আশ্চর্য মাল্লু!—কন্নর কর্ণস্বর গাঢ় হয়ে উঠেছে মুগ্ধতায়,—তাভানতিনস্বয়কে উদ্ধার করবার সমস্ত পরিকল্পনার মূলে তিনিই আছেন।

রাজপুরোহিতের চোখে হঠাৎ কি যেন একটা ঝিলিক দেখা গেছে। কোতুহল আর সন্ত্রম মেশানো গলাতেই যেন জিজ্ঞাসা করেছেন,—এ মহাপুরুষের দৈবদর্শন পাওয়া কি, সম্ভব ?

পাঁচিশ

প্রচ্ছন্ন বিদ্রূপের সঙ্গে কি না বলা যায় না, মহাপুরুষ থাকে বলেছিলেন, তাঁর সঙ্গে রাজপুরোহিত ভিলিয়াক ভ্রমর দেখা হয়েছিল সেইদিনই।

গানাদোর সামান্য পরিচয় কন্না-র কাছে পাবার পর কেন যে রাজপুরোহিতের চোখে একটা ঝিলিক দেখা গিয়েছিল তা একটু ঘেন বোঝা গিয়েছিল এবার।

ভিলিয়াক ভ্রমু আতাহয়্যালপারই দলের লোক। ইংকা নরেশের অধীন হলেও তাভানতিনসুইয়ুর ধর্মজগতের প্রধান হিসেবে ক্ষমতা তাঁর অশেষ। বিদেশী শত্রুর বিরুদ্ধে দেশব্যাপী অভ্যুত্থানে তাঁর ভূমিকাটা কারুর চেয়ে ছোট হবে না।

গানাদো তাই হুয়াসকারকে মুক্তি দেবার প্রয়োজন বোঝাতে তাঁর পরিকল্পনাটা রাজপুরোহিতকে একটু বিশদভাবেই জানিয়েছিলেন।

শুনতে শুনতে স্পষ্টই উত্তেজিত হতে দেখা গিয়েছিল রাজপুরোহিতকে!

খুটিয়ে খুটিয়ে অনেক কথাই তিনি জানতে চেয়েছিলেন গানাদোর কাছে। তারই মধ্যে হঠাৎ জিজ্ঞাসা করেছিলেন,—যে বিদেশী শয়তানদের বিরুদ্ধে পেরুবাঙ্গীদের জাগাতে চাচ্ছেন, আপনি নিজেও তাদেরই একজন। এ দেশকে উদ্ধার করার আপনার কি স্বার্থ?

গানাদো খানিক চুপ করে থেকেছেন। তারপর ঈষৎ গম্ভীর স্বরেই বলেছেন,—যদি বলি পাপের প্রায়শ্চিত্ত।

রাজপুরোহিতের দ্রু কুঞ্চিত হয়ে উঠতে দেখে একটু হেসে তৎক্ষণাৎ আবার বলেছেন,—না, না, সত্যিকার স্বার্থ যে কি তা-ত বুঝতেই পারছেন। নিজের দলের প্রতি বিশ্বাসঘাতকতার দাম হিসেবে আপনারদের কাছে বড়গোছের ইনাম চাই। ধরুন দেশে নিয়ে যাবার মত এক জাহাজ সোনা।

না।—তীক্ষ্ণদৃষ্টিতে গানাদোর দিকে চেয়ে রাজপুরোহিত মাথা নেড়ে বলেছেন,—তা হতে পারে না। এ বিশ্বাসঘাতকতার পর সোনার জাহাজ নিয়ে ফেরবার দেশ আর আপনার থাকবে না। এইখানেই আপনাকে জীবন কাটাতে হবে।

তাই না হয় কাটাও। প্রশ্ন মুখে বলেছেন গানাদো,—থাকবার পক্ষে এ

তো সত্যি শোনার দেশ! শুধু এর অভিশাপটা না দূর করলে নয়। তারই জন্তে
হ্যাসকারের কাছে এখুনি যাওয়া দরকার। আমাদের জন্তে সেই ব্যবস্থাই করুন,
এই অনুরোধ। কাল সকালেই যেন আমরা রওনা হতে পারি।

কাল সকালেই?—বেশ একটু চিন্তিত দেখা গেছে রাজপুরোহিতকে।

নিজের মনে কি যেন তোলাপাড়া করে নিয়ে কয়েক মুহূর্ত বাদে দুঃখের
সঙ্গে মাথা নেড়ে বলেছেন,—না, কাল সকালে আপনাদের পাঠানো সম্ভব নয়।
প্রস্তুত হবার জন্তে সময় দিতে হবে আর একটু।

প্রস্তুত আবার কিম্বের জন্তে হবেন!—গানাদো একটু অবাক হয়ে বলেছেন
—এ তো আপনারই এলাকা। আমাদের সৌসা যাবার অনুমতিটা শুধু
দিলেই হবে।

না, শুধু তাই দিলেই হবে না।—গম্ভীরভাবে বলেছেন রাজপুরোহিত,—
আমার অনুমতি নিয়ে আপনারা সৌসা গিয়ে পৌছোতে পারেন। সেখানে
হ্যাসকার ওই মুইস্কা মেয়েটিকে আতাছরালপার দূতী বলে বিশ্বাস করবেন ধরে
নিচ্ছি, ধরে নিচ্ছি যে আতাছরালপার প্রস্তাবে তিনি রাজী হবেন কিন্তু তাতেই
তাঁর বন্দোবস্তের শিকল ত আপনাদের থেকে খসে পড়বে না! সৌসা দুর্গকারার
দরজাও খুলে যাবে না ভোজবাজিতে!

রাজপুরোহিত যুক্তি যা দেখিয়েছেন তা অগ্রাহ্য করবার নয়। তবু গানাদো
একটু মূহু প্রতিবাদ না করে পারেন নি। বলেছেন একটু হেসে,—আপনার
আদেশই ত সেই ভোজবাজি! আমাদের সৌসা যাবার অনুমতি যেমন দিচ্ছেন,
সেই সঙ্গে আমাদের সায় পেলে হ্যাসকারকে যাতে মুক্তি দেওয়া হয়, সে লক্ষ্যে
পাঠিয়ে দিন।

ব্যাপারটা কি এত সোজা!—এবার একটু অধৈর্যই প্রকাশ পেয়েছে রাজ-
পুরোহিতের কণ্ঠস্বরে,—ফাঁস দেবার দড়ি গলায় পরিয়ে একলহমায় তাকে ফুলের
মালা বানানো যায় না। হ্যাসকারকে পরম শত্রু হিসেবে আগলানো যাদের
ধর্মকাজ বলে বুঝিয়েছি তারা হঠাৎ আমার উন্টে লক্ষ্যে বেকে দাঁড়াবে না তার
ঠিক কি! খেলার ঘুঁটে ঘুরিয়ে সাজাবার তাই সময় চাই একটু। বেশী নয়,
ধৈর্য ধরে দু চারটে দিন কোরিকাকার অতিথি হয়ে আয়েশ করুন। সব ব্যবস্থা
পাকা করে তারপরই আপনাদের সৌসা পাঠাচ্ছি।

দু'চারদিন অপেক্ষা করা মানে যে কি বিপদের ঝুঁকি নেওয়া, তা বুঝিয়ে
গানাদো এ ব্যবস্থার প্রতিবাদ করতে পারতেন। কিন্তু তা তিনি করেন নি।

বরং রাজপুরোহিতের যুক্তি যেন অকাট্য বলেই মেনে নিয়ে খুশি মুখে বিদায় নিয়ে গেছেন।

সূর্যবেদিকার কক্ষ থেকে নিজেদের আন্তানায় কিন্তু তিনি ফিরে যান নি। দূরদূরান্তরের পূজারিণীদের জন্তে কোরিকাকায় যে কয়েকটি পৃথক অতিথিশালা আছে তারই একটিতে গিয়ে 'কয়া'র সঙ্গে প্রথমে দেখা করেছেন। সোনারবরদারের ছদ্মবেশ ছাড়বার পর থেকে কয়া দূর অঞ্চলের তীর্থযাত্রিণী হিসেবে অতিথিশালাতে আশ্রয় নিয়েছে।

'কয়া'র সঙ্গে দেখা হওয়ার পর গানাদো প্রথমে রাজপুরোহিতের সঙ্গে তাঁর যা আলাপ হয়েছে তার বিবরণ দিতে দিতে হঠাৎ অপ্রত্যাশিতভাবে জিজ্ঞাসা করেছেন,—এই তাভানতিনস্বয়ুকে আবার পবিত্র করে তুলতে চাও কয়া?

এ প্রশ্ন কেন? গানাদোর দিকে বিমূঢ় ব্যাকুল দৃষ্টি তুলে জিজ্ঞাসা করেছে কয়া।

কারণ তা করতে চাইলে চরম আত্মবলির জন্তে এবার তোমায় প্রস্তুত থাকতে হবে।—বলেছেন গানাদো,—সে সঙ্কল্পের সাহস আছে কিনা তাই জানতে চাই।

সাহস আছে।—সরল স্নিগ্ধ স্বরে বলেছে কয়া,—কিন্তু নিজের মনকে ত কেউ সত্যি চেনে না। যথার্থ পরীক্ষার দিনে এ সাহস কতখানি থাকবে এখন কি করে বলব! তবু কি আমার করতে হবে বলা। যারা আমাদের এই পবিত্র দেশকে ধ্বংস করেছে তাদের পাপস্পর্শ দূর করবার জন্তে যা তুমি বলবে তাই করতে আমি প্রস্তুত।

তাহলে শোনো কয়া,—বিষণ গম্ভীর স্বরে বলেছেন গানাদো,—তোমাকে প্রায় অসাধ্য কাজেই পাঠাচ্ছি। সৌসায় হ্রাসকারের কাছে একাই তোমায় যেতে হবে। যেতে হবে একা শুধু নয়, রাজপুরোহিতের অহুমতি ছাড়া এবং আজ এখনই।

প্রতিবাদ করেনি কয়া, কোনো প্রশ্ন তোলে নি এ আদেশ নিয়ে। গানাদোর মুখের দিকে পরম নির্ভরতার দৃষ্টিতে চেয়ে শুধু বলেছে,—তাই যাচ্ছি। তুমি কি এখানেই থাকবে?

না, বোধহয়। একটু তিক্ত হাসি ফুটে উঠেছে গানাদোর মুখে,—যতদূর ব্যুত্রে পেরেছি আমাকে আরো নিরাপদ জায়গায় রাখবার আয়োজনই করছেন তোমাদের রাজপুরোহিত।

পরিহাসের স্বরে বলা কথা। কিন্তু তারই মধ্যে কি যেন একটা অল্পভব করে

শক্তি কাতরতা ফুটে উঠেছে কন্ঠ্যর দু-চোখে। ব্যাকুলভাবে বলেছে—কি
তুমি বলতে চাইছ আমি বুঝতে পারছি না।

বোঝবার মত কবেই তাহলে বলি,—গম্ভীর হয়ে উঠেছে এবার গানাদোর
মুখ আর গলার স্বর,—কত বড় শক্তির বিরুদ্ধে আমাদের যুদ্ধতে হবে তা তোমার
জেনে রাখাই উচিত।

সময় অল্প, তবু গানাদো কয়াকে বা একটু জানিয়েছেন তা এই—
তাভানতিনস্বয়র এই চরম দুর্ভাগ্যের দিন রাজপুরোহিত ভিলিয়াক ভুমু তাঁর
নিজের কাজে লাগাবার জন্তে কোনো গভীর শয়তানির খেলা খেলছেন বলে
গানাদোর দৃঢ় বিশ্বাস হয়েছে। কাকশামালকায় আতাহয়ালপা আর সোঁসায়
হয়সকার বন্দী থাকায় নিজের চাল তিনি নির্বিশ্বে সাজাতে পেরেছেন। এ
দুজনকেই ডিঙিয়ে বিদেশী শত্রুর সাহায্যে পেরতে সর্বেসর্বা হওয়াই তাঁর স্বপ্ন।
রাজপুরোহিত ত আছেনই, তার ওপর ইংকা নরেশই বানয় কেন? ইংকা
রাজরক্ত তাঁর শরীরেও আছে। সেদিক দিয়ে কোনো বাধা নেই। অল্প
বাধা দূর করবার ব্যবস্থাও স্বকোশলে তিনি অনেক আগেই শুরু করেছেন।
হয়সকার নিজের মুক্তি কেনবার জন্তে আতাহয়ালপার চেয়েও
বেশী সোঁসা যুধ দেবার প্রস্তাব বিদেশীদের সোঁসাপতির কাছে
গোঁপনে পাঠান। এ প্রস্তাবের খবর কিন্তু আতাহয়ালপারও
অগোচর থাকে না। হয়সকার সোঁসায় বন্দী হয়েও কেমন করে তাঁর এ
প্রস্তাব পাঠাবার স্বযোগ পেলেন, আর সে গোঁপন প্রস্তাবের খবর আবার সন্দে
সন্দে আতাহয়ালপার কাছেও কেমন করে পৌঁছলো ভাবতে গিয়ে তখনই
গানাদো একটু সন্দিগ্ধ হয়েছিলেন। সে সন্দেহ ভুল নয় বলে এখন জেনেছেন।
রাজপুরোহিত নিজেই এক টিলে দু'পাখি মারার এ ব্যবস্থা করেছিলেন। এ
ব্যবস্থায় যা আশা করেছিলেন তার উন্টো ফল দেখে ভিলিয়াক ভুমু বেশ অস্থির
হয়েছেন। দুই-ভাই-এর পরস্পরের ওপর আক্রোশ হিংসা চরমে গুঁটার বদলে
আতাহয়ালপার কাছ থেকে এরকম মিলনের প্রস্তাব আসবে রাজপুরোহিত
ভাবতে পারেন নি। তাঁর অনেক পাকা ঘুঁটি তাতে কেঁচে গিয়েছে। নতুন
করে তাঁকে আবার চাল ভাবতে আর সাজাতে হবে। আতাহয়ালপার প্রস্তাব
হয়সকারের কাছে পৌঁছাতে দিতে তিনি চান না। সেই জন্তেই প্রস্তুত হবার
ছুতো করে সময় নিয়েছেন। কিন্তু সময় এক মুহূর্ত আর নষ্ট করা চলবে না।
যত তাড়াতাড়ি সম্ভব হয়সকারের হাতে আতাহয়ালপার কিপু পৌঁছে দিতেই

হবে। গানাদোর নিজের পক্ষে সৌন্দর্য বাগ্ম্য আর সম্ভব নয়। গেলে ধরা পড়তে হবে। রাজপুরোহিত তাঁর ওপর কড়া নজর রাখবার ব্যবস্থা ইতিমধ্যেই নিশ্চয় করেছেন। যতদূর বোঝা যাচ্ছে তাঁকে বন্দী করবার মতলবই তাঁর আছে। অতিথিশালায় এখনই রাজপুরোহিতের অহুচরেরা হস্ত মোতায়ন হয়ে আছে সে উদ্দেশ্যে। গানাদোকে বাদ দিয়ে কয়াকে একাই তাই সৌন্দর্য বাবার দুঃসাধ্য ভার নিতে হবে। কেমন করে কয়া সেখানে যাবে, রাজপুরোহিতের অহুচরদের পাহারা ও দৃষ্টি এড়িয়ে কিভাবে ছয়াসকারের সঙ্গে গোপন সাক্ষাতে স্মরণ করে নেবে সে বিষয়ে কোনো পরামর্শ গানাদো দিতে পারবেন না! যা কিছু উপায় নিজেকেই ভেবে বার করতে হবে কয়াকে। চরম লাঞ্ছনার দিনের আগে কন্যাশ্রমের বাইরে কখনো যে পা দেয় নি তার ওপর এ দাবী যে নির্ভর অর্থোক্তিক তা গানাদো জানেন কিন্তু এ ছাড়া আর কোনো পথ এখন নেই। রাজপুরোহিতের কুটিল চক্রান্তে এ পরিকল্পনা যদি ব্যর্থ হয়, ছয়াসকার আর আতাহ্যালপাকে মিলিত করবার এই পরম স্মরণ যদি তারা না নিতে পারে, তাহলে পেরুর উদ্ধারের আশা আর বৃষ্টি নেই। অসম্ভব জেনেও কয়াকে তাই গানাদো এ কাজে পাঠাচ্ছেন। মৃত্যু, আর তার চেয়েও বড় হর্ভাগ্য এ দুঃসাহসের পুরস্কার হতে পারে জেনেই যেন কয়া এ ভার নেয়।

শেষ কথাগুলো বলতে বলতে গানাদোর কণ্ঠস্বর কি একটু রুদ্ধ হয়ে এসেছে আপনা থেকে ?

মুখের ভাবে কিন্তু কোনো আবেগই তিনি ফুটতে দেন নি।

প্রায় কঠিন মুখে সমস্ত বক্তব্য শেষ করে নিজের আলখাল্লা গোছের পোশাকের ভেতর থেকে ভিকুনার পশমী কাপড়ে বোনা একটি ছোট থলি তিনি কয়র হাতে দিয়ে বলেছেন,—ছয়াসকারের কাছে যদি পৌঁছোতে পারো কোন-রকমে, তাহলে শুধু আতাহ্যালপার কিপু দেখে তিনি তোমার বিশ্বাস নাও করতে পারেন। আতাহ্যালপার নিজস্ব গ্রন্থি-চিহ্ন ছয়াসকার জানেন না, জানবার কথা নয়। তুমি যে মথার্থই আতাহ্যালপার দূতী, আর আতাহ্যালপার কোনো কপট উদ্দেশ্য ঘে নেই, তার প্রমাণ এই থলির মধ্যেই রইল। এই তোমার সত্যকার অভিজ্ঞান। এ অভিজ্ঞান দেখলে তোমাকে বা আতাহ্যালপাকে আর অবিশ্বাস করা যে ছয়াসকারের পক্ষে সম্ভব নয় এইটুকু নিশ্চিত বলে জেনো। এ অভিজ্ঞান যেন না হারায়।

যা বলবার সবই বলা হয়েছে। এইবার পরস্পরের কাছে বিদায় নিলেই হয়।

তবু গানাদো কয়েক মুহূর্ত যেন স্বাগুর মত দাঁড়িয়ে থেকেছেন। কয়াও নিষ্পন্দ নীরব।

হঠাৎ ভেতরের কি যেন এক অস্থিরতায় গানাদো একেবারে যেন অল্প মাহুষ হয়ে গেছেন। কয়ার হাত থেকে থলিটা প্রায় ঝটকা দিয়ে ছিনিয়ে নিয়ে উত্তেজিত গলায় বলেছেন,—না কয়া কোথাও তোমাকে যেতে হবে না। আতাহুয়ালপা আর হুয়াসকারের ভাগ্যে যা থাকে থাক পেরুর পরিণাম যা হয় হোক, তা রোধ করবার এই বাতুল নিফল চেষ্টায় তোমাকে এমন করে আত্মবলি দিতে পাঠাবার কোনো অধিকার আমার নেই। তুমি যেখানে আছ সেইখানেই থাকো কয়া। দরকার বোধ করলে রাজপুরোহিতের আশ্রয়ও তুমি চাইতে পারো। তুমি সব চক্রাস্তের বাইরে, নির্দোষ নিরাপরাধ আমারই হাতের পুতুল মাত্র বুঝে তিনি নিশ্চয় তোমায় কোনো শাস্তি দেবেন না। আমি এবার চলি। তোমার দেখা পাওয়ার পর স্বপ্নের মত যে কটা দিন আমার কেটেছে তার জন্তেই ভাগ্যের কাছে আমি চিরকৃতজ্ঞ থাকব।

গানাদো ফিরে দাঁড়িয়ে এক পা বাড়াবারও সময় পান নি। কয়া এসে তাঁর হাত ধরে ফেলেছে।

পরস্পরের মুখের দিকে চেয়ে দুজনের কেউই কিছুক্ষণ কোনো কথা বলতে পারেন নি। হাতও ছাড়েন নি কেউ কারুর।

কয়াই স্নিগ্ধ স্বরে প্রথমে বলেছে,—ও থলি আমায় দাও।

চোখ তার সজল, মুখে অদ্ভুত একটি হাসি।

এ থলি নিয়ে কি হবে কয়া?—গলার স্বর অকম্পিত রাখবার চেষ্টা করেছেন গানাদো,—তোমায় যেতে দিতে আমি পারি না। উদয়সাগরের তীরের মাহুষ হয়ে তোমায় একবার উদ্ধার করবার সৌভাগ্য আমার হয়েছে বলে তোমার মৃত্যুদণ্ড আমার হাতে নেই। তোমার পিতামহের গণনাই নিফল।

তাঁর গণনার কতটুকু আর তুমি জানো!—বিষণ্ন একটি হাসি মুখে নিয়ে বলেছে কয়া,—মনে করো তাঁর গণনা সফল করতেই আমার যেতে হবে! তা ছাড়া সূর্যকন্ঠা হিসেবে ভ্রষ্টা বলে তাভানতিনহুয়-র জন্তে প্রাণ দেবার অধিকারও কি আমার নেই?

এর উত্তরে আর কিছু বলতে পারেন নি গানাদো। নীরবে অভিজ্ঞানের থলিটি কয়ার হাতে ফিরিয়ে দিয়েছেন।

ফিরিয়ে দিয়ে আর সেখানে দাঁড়ান নি।

ছাবিশ

অহুমান ভুল হয় নি গানাদোর। যে অতিথিশালায় সোনাবরদার হিসেবে তাঁরা আশ্রয় পেয়েছিলেন তার দরজায় সত্যিই রাজপুরোহিতের অহুচর প্রহরীরা তখন খাড়া হয়ে আছে।

রাজপুরোহিতের সূর্যবেদিকার কক্ষ থেকে বাস হয়ে সে আন্তানায় ফিরে গেলে এ প্রহরীদের সঙ্গে তাঁর দেখা হত। রাজপুরোহিত বেশীক্ষণ অপেক্ষা করেন নি। গানাদো বিদায় নিয়ে চলে যাবার খানিক বাদেই তাঁর অহুচরদের পাঠিয়েছেন।

অহুচর প্রহরীরা অতিথিশালায় এসে জোর-জুলুম কিছু করে নি। অত্যন্ত সম্মতের সঙ্গেই সোনাবরদারদের নায়ক গানাদোর কাছে রাজপুরোহিতের একটা অহুরোধ জানাতে চেয়েছে। রাজপুরোহিত বিশেষ জরুরী কোন প্রয়োজনে গানাদোর সঙ্গে এখন আর একবার দেখা করতে চান। প্রহরীরা তাই গানাদোকে সম্মানে নিয়ে যেতে এসেছে।

কিন্তু গানাদো ত এখানে নেই! অতিথিশালা থেকে বেরিয়ে এসে পাউল্লো টোপাই প্রহরীদের প্রধানকে বলেছেন,—তিনি ত রাজপুরোহিতের সঙ্গেই দেখা করতে গেছেন।

হ্যাঁ গেছিলেন?—বিমূঢ়ভাবে বলেছে প্রহরী-প্রধান,—দেখা শেষ করে চলেও এসেছেন অনেক আগে। এতক্ষণে ত তাঁর এখানেই ফিরে আসবার কথা।

ফিরে কিন্তু গানাদো আসেন নি। নিরুপায় হয়ে প্রহরী-প্রধান পাউল্লো টোপাকেই রাজপুরোহিতের কাছে নিয়ে গেছে। পাহারায় দাঁড় করিয়ে গেছে কয়েকজন অহুচরকে গানাদো যদি ফিরে আসেন সেই ভরসায়।

প্রহরীদের দাঁড়িয়ে থাকা-ই সার হয়েছে। গানাদোর দেখা তারা পায় নি। ওদিকে পাউল্লো টোপাকে তখন অস্থির হয়ে উঠতে হচ্ছে রাজপুরোহিতের জেরায়।

গানাদো এখনো অতিথিশালায় ফেরেন নি কেন? এখান থেকে আর কোথায় তাঁর পক্ষে যাওয়া সম্ভব?

পাউল্লো টোপা সরলভাবেই এ বিষয়ে তাঁর অজ্ঞতা জানিয়েছেন! তাতে রেহাই মেলে নি এবং আরো কঠিন প্রশ্নের মুখে পড়তে হয়েছে।

বিদেশী শত্রুদেরই একজন হওয়া সত্ত্বেও গানাদো তাঁদের দলপতি হয়েছেন কি করে?

আতাহ্যালপার এত গভীর বিশ্বাস তাঁর ওপর কেমন করে জন্মাল যে তাঁরই পরামর্শ নিয়ে এমন বিপজ্জনক ষড়যন্ত্রের মধ্যে নিজেকে জড়িয়েছেন?

পাউল্লো টোপা এসব প্রশ্নের উত্তর যতটুকু জানতেন তাও দেন নি। রাজপুরোহিতের গলার স্বর আর চোখের দৃষ্টিতে এমন কিছু তিনি পেয়েছেন যা তাঁকে সতর্ক করে দিয়েছে। তিনি জানিয়েছেন যে, ইংকা নরেশ আতাহ্যালপার আদেশ পালন করতেই সোনাবরদার দলের সঙ্গে তিনি এসেছেন। গানাদো সশস্ত্রে কোন প্রশ্নের উত্তর দেবার ক্ষমতা তাঁর নেই।

রাজপুরোহিত বিশ্বাস করেন নি সে কথা। পাউল্লো টোপার কাছ থেকে কোন কথা বার করতে না পেরে শেষ পর্যন্ত তাঁকে বন্দী করেছেন। সেই সঙ্গে প্রহরীদের আদেশ দিয়েছেন যেমন করে হোক গানাদোকে খুঁজে আনবার।

গানাদোকে কিন্তু খুঁজে পাওয়া যায় নি। কোরিকাঞ্চার মন্দির-নগর তোলপাড় করে ফেলেছে রাজপুরোহিতের অহুচরেরা। সেখানে অস্তুত তিনি নেই।

কোরিকাঞ্চায় না থাকলে কুজকো নগরেই কোথাও তিনি গা ঢাকা দিয়ে আছেন নিশ্চয়। সেইখানেই তাঁর খোঁজ করা দরকার। কিন্তু কুজকো শহরে তাঁর সন্ধান করা বেশ একটু কঠিন হয়ে পড়েছে তখন রেইমির উৎসবের দরুন।

সূর্যদেবের উত্তরায়ণ একেবারে আসন্ন। রেইমির উৎসবের আয়োজন তার আগে থাকতেই শুরু হয়ে গেছে। দূর-দূরান্তর থেকে এ উৎসবে যোগ দিতে যারা কুজকোয় এসে জড় হয়েছেন তাদের ভিড়ে নগরে চলা ফেরাই দায় হয়ে দাঁড়িয়েছে।

লুকিয়ে থাকতে চাইলে এ জনারণ্যে কাউকে খুঁজে বার করা অসম্ভব।

গানাদোর খোঁজ না পেয়ে অত্যন্ত অস্থির উত্তেজিত হয়ে উঠেছেন রাজপুরোহিত। গানাদো কি তাহলে কুজকো ছেড়ে সৌসার দিকেই গেছে? না, তা অসম্ভব। প্রথম দিন থেকেই সৌসার পথে তিনি কড়া পাহারা রেখেছেন।

তাঁর কাছে আতাহ্যালপার দৃতী হয়ে যে এসেছিল সেই মুইকা মেয়েটির কথা এবার মনে পড়েছে তাঁর। দলপতি গোছের কারুর সাহায্য ও নির্দেশ না পেলে

তায় মত অবলা অসহায় একটি মেয়েকে যে কিছু করবার ক্ষমতা নেই তা জেনেই এ পর্যন্ত তাকে হিসেবের মধ্যে ধরেন নি।

এবার কিন্তু তাকেও প্রয়োজন মনে হয়েছে। পাউল্লো টোপা চরম উৎপীড়নেও কোন গোপন কথা প্রকাশ করেন নি। কোন প্রলোভনেও আতাহুয়ালপার প্রতি বিশ্বাসঘাতকতায় সম্মত করা যায় নি তাঁকে।

পাউল্লো টোপার বেলা যা বিফল হয়েছে ওই মুইস্কা মেয়েটির বেলা তা সফল হতে বাধ্য। শুধু উৎপীড়নের ভয় দেখিয়েই মেয়েটির কাছে কথা যা আদায় করবার করা যাবে নিশ্চয়। তাছাড়া তাকে টোপ করে গানাদোর মত ধুরন্ধরকে ধরা হয়ত শক্ত হবে না। ইতিপূর্বে এ কৌশলটা কেন মাথায় আসে নি ভেবে আফসোস হয়েছে রাজপুরোহিতের।

এইবার মাথায় আকাশ ভেঙে পড়ার মত সবচেয়ে অপ্রত্যাশিত যা ঘেয়েছেন রাজপুরোহিত। মুইস্কা মেয়েটি কোথায় আশ্রয় নিয়েছে তা তাঁর জানা। দূর-দূরান্তের তীর্থযাত্রিগীদের সেই অতিথিশালায় কিন্তু তাকে পাওয়া যায় নি। জানা গেছে যে গানাদো যেদিন থেকে নিরুদ্দেশ মেয়েটিকেও সেই দিন থেকে অতিথিশালায় আর দেখা যায় নি। তীর্থযাত্রিগীদের অতিথিশালায় থাকা না থাকা তাদের স্বেচ্ছাধীন বলেই এ বিষয়ে সন্দেহ করবার কিছু পায় নি কেউ।

মুইস্কা মেয়েটি কি তাহলে গানাদোর সঙ্গেই কুজকো শহরে রেইমি উৎসবের ভিড়ে আত্মগোপন করে আছে?

রাজপুরোহিত তাঁর অহুচরদের প্রাণপণে এ হুজনের সন্ধান করতে বলেছেন। নিজে কিন্তু তিনি এ সন্ধানের ফলাফলের জন্তে অপেক্ষা করেন নি। তাভানতিনসুয়ুর প্রধান পুরোহিত হয়েও চিরদিনের বিধি লঙ্ঘন করে রেইমি উৎসবের আগেই হুজন বিশ্বাসী অহুচর নিয়ে তিনি কোরিকাঞ্চা শুধু নয় কুজকো শহরই গোপনে ত্যাগ করেছেন।

কি তাঁর গন্তব্য তা অহুমান করা কঠিন নয়। হুয়ালকার বেখানে বন্দী সেই সোসা দুর্গই তাঁর লক্ষ্য।

প্রথমে যত অস্থির উত্তেজিতই হয়ে থাকুন রওনা হবার পর রাজপুরোহিতের মনে বিশেষ কোনো উদ্বেগ আর থাকে না। অসম্ভবও যদি সম্ভব হয়ে থাকে তবু তাঁর ভাবনা করবার কিছু নেই। কুজকো থেকে সোসার এমন গুপ্ত গিরিপথ আছে যা ভাক হরকরাদেরও অজানা। সে গুপ্তপথের বিশেষ দিশারী

রক্ষী আছে। ইংকা নবরেশ, সেনাপতি ও রাজপুরোহিত, এই তিন ইংকা শ্রেষ্ঠ ও তাঁদের চিহ্নিত কোন প্রতিনিধিকে ছাড়া আর কাউকে এ পথ চিনিয়ে তারা নিয়ে যাবে না। সুতরাং সাধারণ সরকারী রাস্তায় যদি কেউ সমস্ত সতর্ক পাহারা এড়িয়ে এগিয়ে যেতে পেরেও থাকে তবু তার অনেক আগে তিনি গুপ্তপথে সোঁসায় পৌঁছে যাবেন।

হয়্যাসকারের কাছে আতাছয়্যালপার প্রস্তাবই কোনদিন আর পৌঁছোবে না। যা অসম্ভব অবিশ্বাস্য তাই কিন্তু ইতিমধ্যে ঘটে গেছে। কচ্ছাশ্রমের বাইরের পৃথিবী যার কাছে চন্দ্রলোকের মত অজ্ঞান, শিশিরস্নিগ্ধ তেমনি একটি অবলা সরলা মেয়ে অসাধ্য সাধন করে আতাছয়্যালপার প্রস্তাব সত্যিই পৌঁছে দিয়েছে হয়্যাসকারের কাছে।

শুধু গুপ্ত গিরিপথই তার কাছে উন্মুক্ত হয়ে যায় নি, সোঁসায় সন্তসতর্ক প্রহরীরা তাকে বাধা দেবার বদলে সসন্ত্রমে অভ্যর্থনা করেছে, আর হয়্যাসকার আতাছয়্যালপার দূতী হিসেবে তাকে অবিশ্বাস করবার কথা কল্পনাও করেন নি।

এ অলৌকিক ব্যাপার কেমন করে সম্ভব হল ?

রাজপুরোহিত সোঁসায় পৌঁছে স্তম্ভিত হয়ে সেই প্রশ্নেরই উত্তর খুঁজেছেন।

সোঁসা দুর্গে উপস্থিত হবার পর প্রথমেই তিনি হয়্যাসকারের সঙ্গে সাক্ষাৎ করতে গেছিলেন। সেখানে প্রেতমূর্তি দেখবার মত তিনি চমকে উঠেছেন। সেই মুহূর্তে মেয়েটিকে আর যেখানে হোক হয়্যাসকারের কাছে দেখবার কথা তিনি কল্পনাও করতে পারেন নি। ভেতরে ভেতরে যত বিচলিতই হোন, বাইরে নিজেকে সম্পূর্ণ সংযত রেখে হয়্যাসকারের মুখে আতাছয়্যালপার প্রস্তাবের কথা ধৈর্য ধরে তিনি দ্বিতীয়বার শুনেছেন। হয়্যাসকার যে এ প্রস্তাবে সম্পূর্ণ সম্মত তা বুঝতে রাজপুরোহিতের দেয়ী হয় নি !

সব কিছু শোনবার পর প্রথমেই তাই তিনি প্রশ্ন করেছেন,—এ প্রস্তাব স্বয়ং আতাছয়্যালপাই পাঠিয়েছেন বলে আপনি বিশ্বাস করেন ?

এ স্বকম প্রশ্নে বেশ একটু বিস্মিত হয়ে হয়্যাসকার বলেছেন,—নিশ্চয় করি !

শুধু ওই 'কিপু'টি দেখে ?—চেষ্টা করেও রাজপুরোহিত তাঁর গলার স্বর সম্পূর্ণ স্বাভাবিক রাখতে পারেন নি,—কেমন করে জানছেন যে ও কিপু জাল নয় ? এই সম্পূর্ণ অজানা মেয়েটি যে আমাদের প্রতারণা করতে আসে নি তার প্রমাণ কি ?

যার চেয়ে বড় প্রমাণ আর হতে পারে না সেই প্রমাণই ও দিয়েছে !—হয়্যাসকার গভীর বিশ্বাসের সঙ্গে একটু হেসে বলেছেন,—তাছাড়া ওর দিকে

একবার চেয়ে দেখলেই বুঝবেন, ভাভানতিনসু-র পবিত্রতম গিরিসাগর টিটকাকার জলের মত অন্তর গর স্বচ্ছ। কোন প্রমাণ ছাড়াই বিশ্বাস করা যায় যে, সেখানে প্রতারণা থাকতে পারে না।

সুধু ওই রূপ দেখেই তাহলে ভুলেছেন?—রাজপুরোহিত ভিলিয়াক ভূমুর গলা তিক্ত বিক্রমে একটু তীক্ষ্ণ হয়েছে.—ওর মুখে ইংকা রাজভাষা শুনে মনে করেছেন ও সত্যিই মুইস্কা বংশের কুমারী।

মুইস্কা বা ইংকা না হলে এ ভাষা ত কারুর পক্ষে জানা সম্ভব নয়।—রাজপুরোহিতের অস্থায় সন্দেহে একটু কৌতুকই বোধ করেছেন ছয়াসকার,—তা ছাড়া ওর বংশপরিচয়ের কথা এখানে অবাস্তব নয়?

না নয়।—জোর দিয়ে বলেছেন রাজপুরোহিত। মিথ্যা বংশপরিচয়ের মধ্যেই ওর প্রতারণার সূক্ষ্ম প্রমাণ। ইংকা রাজভাষা ওর মুখে শুনে ভুলবেন না। যেদিন থেকে এ পবিত্র দেশ বিদেশী পাষণ্ডদের পায়ের স্পর্শে কলুষিত হয়েছে সেদিন থেকে মাহুয়ের বৃক সত্যের আর ধর্মের দৌপ নিভে গেছে। কুইচুয়ার বদলে পবিত্র রাজভাষা অশুচি জিহ্বায় উচ্চারণ করতে সাধারণ প্রজার আর বুক কাঁপে না। বিদেশী পাষণ্ডরা দেশজোহী এদেশের কুলান্কারদের এ ভাষা শেখবার স্বযোগ করে দিচ্ছে চর হিসেবে নিয়োগ করবার জন্তে।

ছয়াসকার একটু হেসে এ উত্তেজিত ভাবে বাধা দিয়েছেন,—আপনি বলতে চান এ মেয়েটি সেই রকম বিদেশী শত্রুর চর!

হ্যাঁ তাই বলতে চাই!—ছয়াসকারের কৌতুকের স্বরে রাজপুরোহিত আরও উত্তেজিত হয়েছেন,—মুইস্কা কুমারী বলে ও নিজের পরিচয় দিচ্ছে। ইংকা আর মুইস্কা কোনো পরিবারেরই কুলপঞ্জী আমাদের অজানা নয়। কোথাকার কোন মুইস্কা বংশে ওর জন্ম আমি জানতে চাই। জানতে চাই এই বয়সে এই কঠিন দৌত্যের ভার ও কেমন করে পেল!

রাজপুরোহিতের এ তীব্র আক্রমণের সামনে মেয়েটি যেন একটু বিবর্ণ হয়ে উঠেছে, লক্ষ করেছেন ছয়াসকার।

রাজপুরোহিতের দৃষ্টিতেও তা এড়ায় নি। আরো নির্মম তীব্রতার সঙ্গে তিনি জিজ্ঞাসা করেছেন,—নিজের কোনো নাম এ পর্যন্ত ও যে জানায় নি তা লক্ষ করেছেন? নিজের নামটুকু জানাতে কেন ওর এ দ্বিধা।

দ্বিধা হবে কেন!—মেয়েটির একেবারে পাণ্ডুর হয়ে আসা মুখের দিকে চেয়ে

স্বতন্ত্র মমতায় তার পক্ষ নিয়ে বলেছেন ছয়াসকার,—নাম বলার প্রয়োজন হয় নি বলেই বলে নি।

একটু খেমে সাহস দিয়ে বলেছেন আবার, বলো, কি নাম তোমার ? মেয়েটি বিপন্ন কাতর দৃষ্টি মেলে ছয়াসকারের দিকে নীরবে চেয়ে থেকেছে শুধু। কিছুই বলতে পারে নি।

বল তোমার নাম।—একটু বিমূঢ় স্বরে ছয়াসকার আবার তাকে উৎসাহ দেবার চেষ্টা করেছেন।

হিংস্র উল্লাসে দীপ্ত হয়ে উঠেছে রাজপুরোহিতের মুখ। নিষ্ঠুর শাপিত দৃষ্টিতে যেন শিকারকে বিদ্ধ করে তিনি বলেছেন,—নাম ও বলবে না। কারণ ও জানে মিথ্যা নাম দিয়ে ও পরিভ্রাণ পাবে না। শুধু নামটুকু পেলেই কুলজি মিলিয়ে ওর প্রতারণা আমি প্রমাণ করে দেব। নাম বলবার সাহস তাই ওর নেই।

নিশ্চয় আছে।—এতক্ষণে একটু অর্ধেক প্রকাশ পেয়েছে ছয়াসকারের কণ্ঠে ! স্নেহের স্বরে বলেছেন,—বলো তোমার নাম, দ্বিধা কোরো না।

এখনো কি নীরব থাকবে মেয়েটি !

ছয়াসকার উদ্বিগ্নভাবে তার মুখের দিকে তাকিয়েছেন। রাজপুরোহিত তাকিয়েছেন হিংস্র ব্যাধের দৃষ্টিতে।

মেয়েটির ঠোঁটগুলি বারকয়েক কেঁপে উঠেছে। তারপর অক্ষুট স্বরে সে যা বলেছে, তাতে বিমূঢ় জিজ্ঞাসা ফুটে উঠেছে ছয়াসকারেরও চোখে আর রাজপুরোহিতের কণ্ঠে একটা তীক্ষ্ণ বিক্রপের হাসি।

আমার নাম কয়া।—বলেছে মেয়েটি।

কয়া !—সবিস্ময়ে তার দিকে তাকিয়ে নিজের মনেই যেন কথাটা উচ্চারণ করেছেন ছয়াসকার।

এ-নাম এ-দেশের কোনো কুমারী মেয়ের হওয়া সম্ভব ?—বিক্রপের সঙ্গে একটা তীব্র অভিযোগ ফুটে উঠেছে রাজপুরোহিতের গলায়,—তোমায় এ-নাম দেবার স্পর্ধা কোন পরিবারের হয়েছে ?

কি বলবে কয়া ? এ-নাম কোথায় কে তাকে দিয়েছে স্বীকার করবে ? প্রকাশ করবে তার চরম কলঙ্কের কথা ? সে যে কতশ্রম থেকে লুপ্তিতা সূর্যসেবিকা, সূর্যসেবিকা হিসাবে কোনো নাম যে তার কোনদিন ছিল না, তার জীবনে অভাবিত মুক্তির দূত হয়ে যে দেখা দিয়েছে, এ-নাম যে উদয়সমুদ্রতীরের সেই আশ্চর্য পুরুষের দেওয়া, সবিস্তারে জানাবে কি সে কাহিনী ?

কি তার ফল হবে সে ভালো করেই জানে। আর যারই থাক ভ্রষ্টা স্বর্ধকুমারীর কোনো ক্ষমা নেই তাভানতিনস্বয়ুতে। ইতিহাস যাই হোক কেউ তার কোনো মূল্য দেবে না। আপামর সকলের সে স্মৃণা ও অবিধাসের পাত্রী ? স্বয়ং স্বর্ধদেবের অভিধাপে ছাড়া স্বর্ধকুমারী কখনো ভ্রষ্টা হতে পারে না, এ রাজ্যের এই দৃঢ়বিশ্বাস। কারও সহায়ভূতি সে পাবে না। পাপাচারিণী বলে চিহ্নিত হয়ে তার পক্ষে প্রতারণাই স্বাভাবিক বলে সবাই ধরে নেবে।

এমন আশ্চর্য কৌশলে, এত দুঃসাহসে ও অবিধাসে চেষ্টির সাজিয়ে তোলা আয়োজন কি শুধু তার জন্মেই ব্যর্থ হয়ে যাবে তাহলে ?

কুজকো থেকে সৌসায় এসে হ্রয়সকারের সাক্ষাৎ পাওয়ার মত অসাধ্যসাধনের পর সার্থকতায় পৌছোবার সেতু ভেঙে পড়বে শেষমুহুর্তে। হ্রয়সকার তাকে অবিধাস করবেন ? দুই রাজভ্রাতার মিলন আর হবে না ? বিদেশী শত্রুর কলুষমুষ্টি থেকে তাভানতিনস্বয়ু উদ্ধারের সব আশা শূণ্ণে বিলীন হয়ে যাবে এক মুহুর্তে ?

কয়র পায়ের তলার কঠিন মাটি যেন ঢুলে উঠেছে। সেই অবস্থাতেই হ্রয়সকারের বজ্রকঠিন স্বর সে গুনতে পেয়েছে।

হ্রয়সকার যা বলেছেন তা আশাতীত অবিধাস।

গুনুন ভিলিয়াক ভয়ু।—কঠিন স্বরে বলেছেন হ্রয়সকার,—কয়র নামে নিজের পরিচয় যে দিচ্ছে, সে মুইস্কা বংশের কেউ না হতে পারে। কিন্তু পরিচয় ও ইতিহাস যাই হোক আতাহ্রয়ালপার দূতী হিসেবে তাকে অবিধাস করবার কোনো অধিকার আমাদের নেই। অগ্ন সবকিছু মিথ্যা হলেও তার দৌত্যের মধ্যে যে-প্রতারণা নেই, তার পরম সন্দেহাতীত প্রমাণ সে দিয়েছে। বুরতেই পারছেন, সে প্রমাণ না দিতে পারলে কুজকো থেকে গুপ্ত গিরিপথে সৌসায় আসা তার পক্ষে সম্ভব হত না আর সৌসায় এ-কারাহুর্গের নির্মম গ্রহরীরাও দেবীর সম্মান দিয়ে আমার কাছে তাকে উপস্থিত হবার স্বযোগ দিত না।

বুরতে সবই পারছি!—দাঁতে দাঁত চেপে বলেছেন রাজপুরুহিত,—কিন্তু এতসব অসাধ্যসাধন যা করেছে সেই আশ্চর্য প্রমাণটা চাক্ষুষ একবার দেখতে চাচ্ছি।

তাই দেখুন।—এবার হেসে বলেছেন হ্রয়সকার।

কয়র ধীরে ধীরে ভিকুনার পশমে বোনা খলিটি এবার খুলে ধরে যা বার করে এনেছে, সেদিকে চেয়ে শুরু হয়ে গেছেন রাজপুরুহিত।

রাজপুরোহিতের মুখেই শুধু যে কথা সরেনি তা নয়, তাঁর চোখছটো যেন কোটর থেকে ঠেলে বেরিয়ে এসেছে বিমূঢ়বিশ্বয়ে।

না, আর সন্দেহ কি প্রতিবাদের একটি শব্দও উচ্চারণ করেননি রাজপুরোহিত। নীরবে নতমস্তকে কল্পার এগিয়ে দেওয়া প্রমাণ সন্দেহাতীত বলে মানতে বাধ্য হয়েছেন।

সান্তাশ

কয়্যার 'ভিকুনা'র পশমে বোনা থলিতে কি এমন প্রমাণ ছিল যার সামনে সকলের সমস্ত দ্বিধা সংশয় প্রতিবাদই শূন্যে মিলিয়ে গিয়েছে ?

কুজকোর মন্দিরপুরী কোরিকাঙ্কার তীর্থযাত্রিীদের অতিথিশালায় গানাদেও শেষ বিদায় নেবার সময় কয়্যার হাতে প্রাণপণ সতর্কতায় রক্ষা করবার উপদেশের সঙ্গে অমূল্য অভিজ্ঞান হিসেবে এটি দিয়েছিলেন আমরা জানি।

কয়্যার নিজেও প্রথমে পশমের থলি থেকে বার করে সে অভিজ্ঞান যে কি তা দেখতে সাহস করেনি।

সংকটতারণ জাতদণ্ড হিসাবে এ-অভিজ্ঞান প্রথম ব্যবহার করতে বাধ্য হয়েছিল কুজকো থেকে সোলা যাবার সংকীর্ণ গিরিপথে।

রেইমির উৎসবের জন্তে সে-পথে দূরদূরান্তর থেকে তখন উৎসুক জনপদবাসীরা কুজকো নগরে আসছে।

কৃষক-দুহিতার বেশে সেই জনতার ভেতর দিয়ে কিছুদূর পর্বস্ত অগ্রসর হতে কয়্যার তেমন অস্থবিধা হয়নি।

কিন্তু কৃষক-কন্য়ার বেশে থাকলেও সমস্ত কুজকোমুখী জনতার মধ্যে বিপরীত পথের একজন যাত্রিণী কতক্ষণ দৃষ্টি এড়িয়ে থাকতে পারে !

রাজপুরোহিত ভিলিয়াক ভূমুর গুপ্ত প্রহরীদের একজন তাই সন্নিহ্ন হয়ে কয়্যাকে আটক করেছিল। সবাই যখন রেইমি উৎসবের জন্তে কুজকো শহরে চলেছে, তখন উণ্টো পথে সে যাচ্ছে কেন এই ছিল প্রহরীর প্রশ্ন।

এরকম প্রশ্নের জন্তে তৈরী ছিল কয়্যার। বিশ্বাসযোগ্য একটা উত্তরও দিয়েছিল। বলেছিল, তীর্থযাত্রীদের একদলের মুখে তার মা মরণাপন্ন শুনে সে নিজেদের বসতিতে ফিরে যাচ্ছে। আসবার সময় মাকে সামান্য একটু অস্থস্থ দেখে এসেছিল। তাঁর এরকম অবস্থা হতে পারে জানলে সে উৎসবে আসত না। কুজকো শহরে রেইমির উৎসবের আনন্দের চেয়ে মার টান বেশী বলেই সে ফিরে যাচ্ছে।

কৈফিয়তটা ভালোই দিয়েছিল। মরণাপন্ন মার জন্তে উদ্বেগের অভিনয়ে কোনো ক্রটি ছিল না। কিন্তু বিপদ বেধেছিল তারপরই।

কন্নার কথা বিশ্বাস করে সহানুভূতি থেকেই প্রহরী কন্নার গ্রামের নাম জিজ্ঞাসা করেছিল এবার। তাকে সাহায্য করার উদ্দেশ্যই ছিল হয়ত প্রহরীর।

এইবার ধরা পড়েছে কন্না। কাল্পনিক একটা গ্রামের নাম সে কোনোমতে বানিয়ে বলেছিল কিন্তু তাতে হিতে বিপরীত হয়েছে। সেরকম কোনো গ্রামের অস্তিত্ব নেই জেনে হিংস্র কঠোর হয়ে উঠেছে প্রহরী। কন্নাকে তার সঙ্গে সেখানকার 'কুরাকা' অর্থাৎ অঞ্চলপ্রধানের কাছে যেতে হবে এই তার আদেশ।

এ-বিপদ কাটাবার শেষ চেষ্টা করেছিল এবার কন্না। কাক্শামালকা শহরের সেই ভয়ঙ্কর প্রলয় রাত্রির পর থেকে গানাদোর সঙ্গে সোনারবরদার সঙ্গে কুজকা এসে পৌঁছোনো পর্যন্ত সংক্ষিপ্ত অথচ তীব্র প্রগাঢ় যে অভিজ্ঞতা তার এই সময়টুকুর মধ্যে হয়েছে, তারই স্মৃতি সন্ধান করে আর একটা কৈফিয়ত সাজিয়েছিল।

বলেছিল,—গ্রামের নাম হয়ত আমি ভুল বলেছি। আমরা 'মিতিমায়েস' বহু দূরের কুইটোর এলাকা থেকে সবে এ অঞ্চলে আমাদের বসতি বদল করতে হয়েছে। আমাদের বসতির ঠিক নাম তাই আমার মনে থাকে না।

এ কৈফিয়ত সাজানোর মধ্যে কন্নার বুদ্ধি ও কল্পনাশক্তির যথেষ্ট পরিচয় ছিল সন্দেহ নেই। পেরু রাজ্যের সতিই একটি প্রথা ছিল এক জায়গার অধিবাসীদের গ্রামকে গ্রাম জনপদ কে জনপদ বহুদূরের আর এক জায়গায় স্থানান্তরিত করার। ইংকারা প্রজাদের বিদ্রোহের সম্ভাবনা রোধ করবার জন্তেই এ ব্যবস্থা করতেন। অসামন্ত্যের অঙ্কুর কোথাও আছে সন্দেহ করলে এক জনপদের সমস্ত অধিবাসীদের এমন দূর প্রবাসে সরিয়ে দেওয়া হত, যেখানে সে অঙ্কুরের শিকড় মেলবার সুযোগই নেই। রাজ্যদেশে এরকম বাধ্যতামূলক বসতি বদল যাদের করতে হত, তাদের নাম ছিল 'মিতিমায়েস'। 'মিতিমায়েসদের' একটি মেয়ের পক্ষে নতুন বসতির নাম ভুলে যাওয়া খুব অস্বাভাবিক নয়।

গুপ্ত প্রহরী কিন্তু কন্নার এ কথায় হেসে উঠেছিল নির্মমভাবে। বলেছিল,—এ কৈফিয়ত কুরাকার কাছেই দেবে চলো। তিনি শুনে স্বয়ং রাজপুরোহিতের কাছেই তোমায় পাঠাবেন মনে হচ্ছে। এসো আমার সঙ্গে।

হাত বাড়িয়ে 'কন্না'কে ধরতে গিয়ে চমকে উঠেছিল প্রহরী।

না!—কোনোদিকে কোনো আশা আর নেই জেনে মরিয়া হয়ে উঠে তীব্রস্বরে বলেছিল কন্না,—তোমার সঙ্গে আমি যাবো না, তোমাকেই আসতে

হবে আমার সঙ্গে সোনার যাবার গোপন গিরিপথ দেখাতে। এই আমার আদেশ!

কৃষক-কন্ঠাবেশী মেয়েটির এ আশ্চর্য রূপান্তরে প্রথমটা সত্যিই বিমূঢ়-বিচলিত হয়ে গিয়েছিল প্রহরী। তারপর নিজেকে অত্যন্ত অপমানিত বোধ করে ক্রোধে জলে উঠে বলেছে,—তোমার এই আদেশ! তোমার আদেশে সোনার গোপন গিরিপথ দেখিয়ে তোমায় নিয়ে যেতে হবে! কে তুমি?

অযথা প্রশ্ন কোরো না।—এবার শাস্ত দৃঢ় হয়ে এসেছে কয়লার কণ্ঠ। তবু তার মধ্যে উদ্বেগের ঝঞ্ঝকম্পন বৃষ্টি সম্পূর্ণ প্রচ্ছন্ন থাকেনি।

এক মুহূর্ত খেমে কয়লা আবার বলেছিল,—আমার পরিচয় তোমার জানবার নয়। কেন আমার আদেশ তোমার অলজ্ঞানীয় তাই শুধু দেখো।

ভিকুনার পশমে বোনা থলিটি এবার খুলে ধরেছিল কয়লা। খোলবার সময় নিজের অনিচ্ছাতেই তার হাত যে একটু কেঁপে উঠেছিল, সেটা বোধহয় অস্বাভাবিক নয়।

কি আছে সে রহস্যময় থলির মধ্যে সে তখনো জানে না। যে অভিজ্ঞান সে দেখাতে যাচ্ছে শরুপক্ষের সন্দিগ্ধ প্রহরীর কাছে, তার কোনো মূল্য হবে কিনা তা সম্পূর্ণ অনিশ্চিত।

রাজপুরোহিতের গুপ্ত প্রহরীর চেয়ে অনেক বেশী উৎকণ্ঠিত কৌতূহল নিয়ে থলিটি থেকে অভিজ্ঞানের নিদর্শনগুলি সে বার করে এনেছিল।

তারপর প্রহরীর চেয়ে অভিভূত হয়ে সেদিক থেকে আর দৃষ্টি ফেরাতে পারেনি।

অভিজ্ঞান হিসাবে এমন কিছু তখন তার হাতে শোভা পাচ্ছে, যা তাঁরও কল্পনাতীত।

এ কল্পনাতীত অভিজ্ঞান নিদর্শন হল কোরাকেঙ্কুর ছুটি পালক আর উন্নয়-স্বর্ষের মত রক্তিম ইংকা নরেশের শিরোশোভা ব্লাস্টুর একটি টুকরা।

ইংকা নরেশের প্রত্যক্ষ উপস্থিতির চেয়ে তাঁর অখণ্ড আধিপত্যের এ কটি নিদর্শনের মূল্য কম নয়। কোরাকেঙ্কুর এ পালক পেরুর বিরলতম বস্তু। তাভানতিনহুয়র অতিগোপন দুর্গম একটি মরুশুষ্ক সর্বসাধারণের নিষিদ্ধ অঞ্চলে কোরাকেঙ্কু নামে আশ্চর্য একটি পক্ষীজাতি যুগ যুগ ধরে সযত্নে লালিত হয়ে আসছে। পোষা দূরে থাক সে পাখি চোখে দেখবার অধিকারও পেরুর প্রজা-সাধারণের নেই। অভিষেকের সময়ে সেই পাখির ছুটি মাত্র পালক প্রত্যেক

ইংকাকে শিরোভূষণ হিসাবে দেওয়া হয়। কোরাকেছুর সেই পালক আর বিশেষ ভিকুনার পশমে বোনা রক্তিম মাথায় জড়াবার বস্ত্র লাস্টু ইংকা রাজশক্তির সবচেয়ে সম্মানিত প্রতীক। আর যা-কিছুরই হোক কোরাকেছুর এ পালকের জাল হওয়া অসম্ভব। স্বয়ং ইংকা নরেশের মত এ পালক দ্বিতীয়রহিত। রাজশক্তির প্রতীক হিসাবে তাই এ নিদর্শন সমস্ত সন্দেহ সংশয়ের উর্ধ্বে।

এ প্রতীক চিহ্ন আতাছয়ালপার কাছে গোপনে চেয়ে নিয়ে গানাদো আশ্চর্য দূর-দৃষ্টির পরিচয় দিয়েছিলেন সন্দেহ নেই। এ প্রতীকচিহ্ন আতাছয়ালপার কাছে আদায় করা অবশ্য সহজ হয়নি। গানাদোর ওপর আতাছয়ালপার বিশ্বাস তখন গভীর, তবু এ প্রস্তাব শুনে রীতিমত স্তম্ভিত হয়ে গিয়েছিলেন আতাছয়ালপা। তীক্ষ্ণ অবিশ্বাসের সুরে সবিশ্বয়ে গানাদোর দিকে চেয়ে বলেছিলেন,—কি বলছ কি তুমি! কোরাকেছুর পবিত্র পাখির পালক আমি তোমার হাতে তুলে দেব প্রতীক-চিহ্ন হিসেবে চরম সংকটে ব্যবহার করবার জন্তে!

হ্যাঁ, স্বর্গসম্ভব।—দৃঢ়স্বরে বলেছিলেন গানাদো,—আর সবকিছু যেখানে বিফল, সেখানে অসাধ্যসাধনের জাহ্নুদণ্ড হিসাবে এই পালকে যে কাজ হবে, আর কিছুরে তা হবার নয়।

কিন্তু,—স্কন্ধ প্রতিবাদ জানিয়ে বলেছিলেন আতাছয়ালপা,—এ তো আমাদের সমস্ত সংস্কার আর ঐতিহ্যের অপমান! তাভানতিনস্বয়ুর ইতিহাসে এ পবিত্র প্রতীক কোনোদিন কোনো ইংকা নরেশের হাতছাড়া হয়নি।

শাস্ত্রকণ্ঠে একটি উত্তর দিয়েই আতাছয়ালপাকে নীরব করে দিয়েছিলেন গানাদো। বলেছিলেন,—তাভানতিনস্বয়ুর ইতিহাসে এমন চরম লজ্জার আর দুর্ভাগ্যের দিনও কখনো আসেনি।

পরিকল্পনায় ভুল হয়নি গানাদোর। চরম সংকটে অলৌকিক জাহ্নুদণ্ডের মতই কাজ করেছে ইংকা নরেশের প্রতীক-চিহ্ন।

রাজপুরোহিত ভিল্লিগাক ভুমু নত-মস্তকে সে প্রতীক-চিহ্ন মেনে নিয়ে চলে গেছেন। ছয়াসকার এবার মুক্তি পাবেন।

আঠাশ

পরের দিন থেকেই সূর্যদেবের উত্তরাংশের সঙ্গে রেইমির উৎসব শুরু হবে।

কাক্সামালকা শহরে আতাছয়ালপা নিশ্চয়ই প্রস্তুত হয়ে আছেন সম্পূর্ণ ভাবে। রেইমির উৎসবের সুরোং নিয়ে আনন্দমত্ত জনতার মধ্যে নিজেকে গোপন করে সৌসার পথে তিনি রওনা হবেন। শুদিকে ছয়াসকারও তখন সৌসায় বসে থাকবেন না। পার্বত্যপথের এক গোপন দুর্গে দুই রাজভ্রাতার সাক্ষাতের ব্যবস্থা সম্পূর্ণ হয়ে আছে। বিদেশী শত্রুদের যা তাভানতিনসুয়ুর পবিত্র গিরিরাজ্য থেকে ঘৃণ্য ক্রুদের মত ধুয়ে দূর করে দেবে পেরুর সে নবজাগরণের চল নামতে শুরু করবে ওই গোপন দুর্গ থেকেই।

ভিলিয়াক ভুয়র সমস্ত পাহারাদারদের চোখে ধুলো দিয়ে গানাদো সেই পবন মুহূর্তের অপেক্ষায় কুজকো শহরেই এমন এক অবিশ্বাস গোপন আশ্রয় খুঁজে নিয়েছেন, সমস্ত কুজকোবাসীর প্রায় চোখের ওপরে থেকেও যা তাদের কল্পনাভীত।

অপেক্ষা আর কটা দিন মাত্র, অর্ধেই নেই তাই গানাদোর মনে।

কাক্সামালকায় কি হচ্ছে তা যেন তিনি মনশ্চক্ষে দেখতে পান। যা দেখতে পান না, তা হল এই যে, এসপানিওল সেনাপতি পিজারোর সঙ্গে কাক্সামালকা শহরের নতুন এক আগন্তুক গভীর উত্তেজিত আলোচনার মত্ত। সে আগন্তুকের নাম মাকু'ইস গঞ্জালেস দে সোলিস।

দৌসা কারাদুর্গের একটি ঘটনাও তখন গানাদোর কল্পনার বাইরে।

কোরাকেছুর পালক দেখিয়ে সৌসা দুর্গে কয়। যখন সমস্ত সন্দিক্ত অভিযোগের জবাব দিয়ে রাজপুরোহিতের কুটিল গোপন চক্রান্ত ব্যর্থ করে দিয়েছে, আর কাক্সামালকা নগরে পেরু বিজয়ী এসপানিওল সেনাপতি পিজারোর সঙ্গে স্বরণীয় সাক্ষাৎ হয়েছে মাকু'ইস গঞ্জালেস দে সোলিস-এর, গানাদো নিজে তখন কুজকো শহরেই দিন নয়, দণ্ডপল গুনছেন।

সমস্ত তাভানতিনসুয়ু যাতে কেঁপে উঠবে সে বিস্ফোরণের আর বিলম্ব

হবার কথা নয়। হাওয়ায় তিনি উদ্‌গ্রীব কান পেতে আছেন সৌসা থেকে প্রথম সে জয়ধ্বনি শোনবার জন্তে।

কিন্তু কান তিনি পেতে আছেন কোথায়?

নেহাত জাহ্নমন্ডে কাঁটপতক না হয়ে থাকলে কুজকো শহরে তাঁর লুকিয়ে থাকা ত অসম্ভব। রাজপুরোহিত ভিলিয়াক ভূম্ব প্রকাণ্ড গ্রহরী ও গোপন চরেরা বাড়ি ঘর রাস্তাঘাট ত তন্নতন্ন করে খুঁজেছে-ই, রেইমি উৎসবের জন্তে সমবেত তীর্থযাত্রীদেরও জনে জনে পরীক্ষা করবার ক্রটি রাখেনি। ভিলিয়াক ভূম্ব সৌসা রওনা হবার আগে সেই আদেশই দিয়ে গিয়েছিলেন। কুজকো থেকে বাইরে যাবার গোনাপ্তনতি পাহাড়ী রাস্তা ত আগেই বন্ধ করবার ব্যবস্থা হয়েছিল। গানাদো তাঁর সঙ্গে দেখা করে চলে যাবার পর তাঁকে অতিথিশালায় গিয়ে বন্দী করার আদেশের সঙ্গে কুজকো থেকে যাবার আসবার পথগুলিতে কড়া পাহারার ব্যবস্থা রাজপুরোহিত করেছিলেন। নেহাত স্ত্রীলোক বলেই কয়া সে পাহারা এড়িয়ে কিছুদূর পর্যন্ত অন্ততঃ বিনা বাধায় যেতে পেরেছিল। গানাদোর সম্বন্ধেই সতর্ক হওয়া দরকার মনে করে মেয়েদের সম্বন্ধেও হুশিয়ার থাকবার নির্দেশ দেবার কথা রাজপুরোহিতের মাথায় আসে নি। রাজপুরোহিতের এই হিসেবের ভুলটুকু অগ্রহণ করেই গানাদো কয়াকে একা অতবড় কঠিন বিপদের কাজে পাঠিয়েছিলেন নিশ্চয়।

কিন্তু কয়া কুজকো ছেড়ে সৌসার পথে রওনা হতে পারলেও গানাদো ত তা আর পাবেন নি। ভিলিয়াক ভূম্ব গ্রহরীদের দৃষ্টি এড়িয়ে কুজকো শহরে থাকাও তাঁর পক্ষে অসম্ভব।

সেই অসম্ভবই কিন্তু গানাদো সম্ভব করে তুলেছেন শুধু বুদ্ধির জোরে আর বেপরোয়া সাহসে। এ রাজ্যের মানুষের হাড়হুদ জানবার চেষ্টায় সত্যিই এমন এক লুকোবার আস্তানার হৃদিস তিনি পেয়েছেন সামনা-সামনি দেখেও কুজকো শহরের কেউ যেখানে তাঁকে খোঁজবার কথা কল্পনাও করবে না।

দরকার শুধু সে আস্তানায় নিজেকে লুকোবার সাহস। গানাদোর সে সাহসের অভাব হয় নি।

সূর্যের দক্ষিণায়ন শেষ হবার সঙ্গে রেইমির উৎসব শুরু হবে পরের দিন। আগের বছর হুয়াকার-ই ইংকা নরেশ হিসাবে এ উৎসবের প্রধান ভূমিকা নিয়েছিলেন। এবারের উৎসবে বিজয়ী নতুন ইংকা হিসেবে এ ভূমিকা যার নেবার কথা তিনিও কাকসামালকায় বিদেশী শত্রুর হাতে বন্দী।

রাজপুরোহিত ভিলিয়াক ভমুকেই তাই এবারের উৎসব অল্পঠানে একাধারে ইংকা আর রাজপুরোহিতের দায়িত্ব নিতে হবে।

কুজকো নগরে কোরিঝাঞ্চা ঘিরে সমবেত নাগরিক আর তীর্থযাত্রীরা বৃষ্টি উদ্ভিগ্ন হয়েছে। তাদের সোনার রাজ্যে একটা গভীর অমঙ্গলের ছায়া যে পড়েছে তা তাদের জানতে বাকি নেই। তবু যে তারা এ উৎসবে যোগ দিতে সব কিছু তুচ্ছ করে এসেছে তার কারণ শুধু অন্ধ ধর্মভীরুতা নয়। তাভানতিনসুয়র এই প্রধান ধর্মীয় অল্পঠানে দেবাদিদেব আকাশপতি সূর্য তাঁদের কাতর প্রার্থনায় প্রসন্ন হয়ে তাদের পবিত্র রাজ্য থেকে পানের ছায়া সরিয়ে নিতে পারেন এ আশাও একটু তাদের মনে আছে।

তারা উদ্ভিগ্ন একটু হয়েছে পাছে অল্পঠানের কোন ক্রটি হয় এই ভয়ে। ইংকা নরেশ হিসাবে হুয়াসকার বা আতাছয়ালপা এ উৎসবে কোন ভূমিকাই নিতে পারবেন না। কিন্তু ইংকা রাজশক্তির প্রতিনিধি হিসেবে যিনি এ উৎসব পরিচালনার দায়িত্ব নেবেন সেই রাজপুরোহিত ভিলিয়াক ভমুও যে কুজকো শহরে তখনো অল্পপস্থিত।

কয়েকদিন আগে বিশেষ কোনো জরুরী প্রয়োজনে রাজপুরোহিত কুজকো ছেড়ে গেছেন তা তারা জানে। যেখানেই গিয়ে থাকুন রেইমি উৎসবের দিন উত্তরায়ণের প্রথম সূর্যোদয়কে অভিনন্দিত করে অর্থাহুয়া বিতরণ করবার জন্তে কুজকোয় তিনি উপস্থিত থাকবেন নিশ্চয়।

কিন্তু রাত্রির শেষ যাম অতিক্রান্ত হতে চলেছে। পূর্ব দিগন্তের তারারা নিশ্চিন্ত হয়ে আসছে। সে দিকের অন্ধকার তরল হওয়ার সঙ্গে সঙ্গে, নগরসীমার পার্বত্য প্রান্তরে ভক্ত জনতা সমবেত হয়েছে মধ্য-রাত্রি থেকে। অর্থাহুয়ার বিরাট পাত্র যথাস্থানে স্থাপিত হয়েছে অনেক আগেই। শুধু রাজপুরোহিতেরই তখনো দেখা নেই।

গত তিন দিন কোন গৃহস্থ বাড়িতে আগুন জলে নি, তিন দিন ধরে সমস্ত ভক্ত পেরুবাসীরা উপবাসী। পূর্বাকাশে প্রথম সূর্যকিরণ দেখবার সৌভাগ্যে ধন্ত ও পবিত্র হবার জন্তে তারা দূরদূরান্তর থেকে এসে এই কুচ্ছসাধন করেছে। স্বয়ং ইংকা নরেশ কি রাজপুরোহিত সোদিনের শিশুসূর্যকে প্রশস্তি মন্ত্রে বরণ না করলে ত সমস্ত অল্পঠানই ব্যর্থ হয়ে যাবে। দেবাদিদেব পরমজ্যোতির আশীর্বাদে বদলে অভিশাপই বর্ষিত হবে সমস্ত তাভানতিনসুয়র ওপর।

আকাশের দিকে আর নয়, জনতা ভীত উদ্ভিগ্ন দৃষ্টিতে পিছনের নগরবজ্বার

থেকে তাকায়, কোরিকাণ্ডার অধস্তন পুরোহিতদের উৎকণ্ঠিত দৃষ্টিও সেই দিকে। এত বড় বিশাল জনারণ্যকে একই আশঙ্কা যেন ঝড়ের মত উবেলিত করেছে। অতি দীনদরিদ্র কৃষক থেকে যথার্থ ইংকা রক্তের অভিজাত সম্প্রদায় পর্যন্ত সকল শ্রেণীর আবালবৃদ্ধ নরনারীই ত সেখানে উপস্থিত। শুধু জীবিত নয়, মহান মৃতেরাও এশেছেন উত্তরায়ণের প্রথম সূর্যকে বন্দনা করতে।

তাভানতিনসুয়ুর প্রাচীনতম প্রথা সত্যিই পালিত হয়েছে এই দিনটির জন্তে। পেরু রাজ্যে মৃত ইংকাদের বিশ্বতির অতলে হারিয়ে যেতে দেওয়া হয় না। অনেকটা মিশরের ধরনে তাঁদের মরদেহ শাখত করে রাখবার চেষ্টা হয়। জীবনকালে যা পরতেন সেই জমকালে মহার্ঘ পোশাকে সাজিয়ে নিরেট সোনার সিংহাসনে কোরিকাণ্ডার সূর্যমন্দিরে সারিবদ্ধ তাঁদের শবদেহ বসানো থাকে। পরলোকগত ইংকাদের জন্তে একটি করে প্রাসাদও পৃথক ভাবে বরাদ্দ। সেখানে তাঁদের নিত্যব্যবহার্য জিনিস ও ঐশ্বর্য কোন কিছুই অভাব রাখা হয় না।

বিশেষ বিশেষ দিনে মৃত ইংকাদের শবদেহ তাঁদের ঐশ্বর্যবিলাসের উপকরণ সমেত এ কাজে নিয়োজিত স্বতন্ত্র প্রহরী ও অল্পচরেরা জনসাধারণের সামনে এনে উপস্থিত করে। মৃত ইংকারা তখন জীবিতদের সমানই সশক্ত সমাদর পান।

সেই প্রথা মতই রেইমির উৎসব উপলক্ষে মৃত ইংকাদের সংরক্ষিত শবদেহ এনে রাখা হয়েছে নগর সীমার প্রান্তরে। পূর্বতন ইংকাদের মধ্যে ছয়াসকার ও আতাছয়ালপা দুজনেরই পিতা ছয়াইনা কাপাকের শবদেহকে ঘিরে ঐশ্বর্যগরিমার সমারোহ সবচেয়ে বেশী। পেরুর প্রজাসাধারণের মনে ইংকা ছয়াইনা কাপাকের স্মৃতি এখনো অত্যন্ত উজ্জ্বল। সোনার সিংহাসনে বসানো, সোনা-রূপের কাজে ঝলমল পোশাকে সাজানো তাঁর শবদেহের পাশ দিয়ে যাওয়ার সময় ইংকা প্রজারা সসন্ত্রমে তাঁকে অভিবাদন জানিয়ে যায়। তাদের কাছে তিনি মৃত নন। রাজপুরুহিত যথাসময়ে না এসে পৌছোবার দরুন রেইমি উৎসব যে পণ্ড হতে চলেছে তার জন্তে তিনিও গভীরভাবে উৎকণ্ঠিত বলেই তাদের ধারণা। পূর্ব দিগন্ত আরো পাণ্ডুর হয়ে আসার সঙ্গে সঙ্গে শক্তিত ব্যাকুলতায় তারা অনেকে ছয়াইনা কাপাকের কাছেই নিজেদের প্রার্থনা জানায়। যথাবিহিত অল্পষ্ঠান না হলে সূর্যদেবের যে অভিশাপ সমস্ত তাভানতিনসুয়ুতে বর্ষিত হতে পারে তা থেকে শেষ মুহূর্তে তিনিই রক্ষা করতে পারেন এই তাদের অন্ধ বিশ্বাস।

সেই অন্ধ বিশ্বাসেই কি তাদের কেউ কেউ সোনার সিংহাসনে বসানো

হুয়াইনা কাপাকের স্বসজ্জিত শবদেহে ঈশ্বর প্রাণের স্পন্দন লক্ষ্য করে, বিদ্বাং-শিহরণ অল্পভব করে সারা দেহে।

এই নিদারুণ সংকটে সত্যিই কি মহাশক্তিধর হুয়াইনা কাপাক আবার জেগে উঠবেন? অসামান্য বাহুবলে কুজকো থেকে কুইটো পর্যন্ত যিনি ইংকা সাম্রাজ্য বিস্তৃত করেছিলেন তিনিই কি আবার এসেছেন তাভানতিনসুয়ুকে বিদেশী গ্রাস থেকে মুক্ত করতে?

শক্তি উৎকণ্ঠিত জনতার মধ্যে একটা উত্তেজিত গুঞ্জন শুরু হয়ে যায়।

পুনের আকাশ আরো পরিষ্কার হয়ে আসছে। কোরিকাকার উষ্ণ অধস্তন পুরোহিতেরা দিশাহারা হয়ে পড়েছেন, এ বিপদে কি যে করণীয় তা স্থির করতে না পেরে।

তঁারা নিজেরাই কি কেউ আজ ইংকা নরেশ আর রাজপুরোহিতের হয়ে উত্তরায়ণের সচোজাত সূর্যদেবকে বরণ করবার ভার নেবেন?

কিন্তু তাদের ধর্মের সবচেয়ে পবিত্র অল্পষ্ঠানের এ নিদারুণ ক্রটি রেইমি উৎসবের জগ্রে সমবেত বিরাট জনতা মেনে নেবে বলে ত মনে হয় না। রাজপুরোহিত স্বয়ং এসে এখনো সব দিক রক্ষা করতে পারেন। আর কিছুক্ষণ দেরী হলে উত্তেজিত উৎকণ্ঠিত ধর্মপ্রাণ জনতার মধ্যে কি উত্তাল আলোড়ন যে জাগবে তা অল্পমান করাই কঠিন।

এই অস্থির বিহ্বলতার মধ্যে জনতার গুঞ্জন পুরোহিতদের কানেও এসে পৌঁছোয়। ব্যাকুল হয়ে তাঁদের কেউ কেউ হুয়াইনা কাপাকের শবদেহের দিকে ছুটে যান।

পেকর চরম দুর্দিনে এই ভয়ঙ্কর সঙ্কট মুহূর্তে সত্যিই কি এক অলৌকিক বিশ্বয় প্রত্যক্ষ করবার সৌভাগ্য তাঁদের হবে? উত্তরায়ণের সূর্যকে বরণ করবার জগ্রে অদ্বিতীয় ইংকা কুলতিলক হুয়াইনা কাপাক তাঁর সমস্ত সংরক্ষিত শবদেহ আবার সঞ্জীবিত করে তুলবেন? এ অঘটন কি সত্যিই সম্ভব?

সাধারণ জনতার সঙ্গে নিষ্পলক দৃষ্টিতে তাঁরাও স্বর্ণ-সিংহাসনে আগীন মূর্তির দিকে চেয়ে থাকেন। এ মূর্তির মধ্যে প্রাণের স্পন্দন প্রথম কে দেখেছে কেউ জানে না। কিন্তু মুখে মুখে কথাটা বহুদূর পর্যন্ত ছড়িয়ে গেছে। পূর্ব দিগন্তে উৎস্রকভাবে যারা চেয়েছিল তাদের অনেকেই ভূতপূর্ব ইংকা নরেশের শবদেহ যে রজ্জু-বেষ্টনীর মধ্যে সাড়সুরে স্বর্ণ-সিংহাসনে স্থাপিত তার চারি ধারে ভিড় করে এসে জড় হয়।

সকলেই উত্তেজিত উৎকণ্ঠিত উৎসুক। অন্ধ বিশ্বাসের চোখে কি না বলা কঠিন, অনেকেই এবার শব্দেহে একটি চাকলোর আভাস পায়। যা তাদের স্বপ্নাতীত তাই কি এবার সত্যি ঘটতে চলেছে ?

না ঘটবার কোন হেতু নেই। কারণ এমনি একটি স্বযোগের মুহূর্তের জগ্গই নির্ধুতভাবে সমস্ত আয়োজন করা হয়েছে।

সৌসার কারাগর্গ থেকে নিশ্চয় এতক্ষণে মুক্তি পেয়েছেন হ্রাসকার। মুক্তি পাবার সঙ্গে সঙ্গে তাঁর বিশ্বস্ত অল্পরক্ত অল্পচরবাহিনী বর্ষার বন্যাস্রোতের মতই স্ফীত হয়ে উঠেছে সন্দেহ নেই। সেই বাহিনী নিয়ে এই কুজকোর অভিমুখেই তিনি এগিয়ে আসছেন ঝড়ের গতিতে। রেইমি উৎসবের আগে ব্রাহ্মমুহূর্তেই তাঁর সদলবলে কুজকোর এই স্বর্ষবরণের প্রান্তরে এসে পৌছোবার কথা। তিনি এসে পৌছোবার সঙ্গে সঙ্গে যে উত্তেজনার সঞ্চার হবে তারই মধ্যে জেগে উঠবে অদ্বিতীয় ইংকা নরেশ ছয়ইনা কাপাকের শব্দেহে। তারই কণ্ঠে রেইমি উৎসবের জগ্গ সমবেত সমস্ত তাভানতিনস্বয়ুর ভক্ত ভীর্ণযাত্রীরা স্তনবে নবজাগরণের এক বহিময় বাণী।

যে কোন কারণেই হোক হ্রাসকার রেইমি উৎসবের আগে কুজকোর এসে পৌছোতে পারলেন না দেখা যাচ্ছে। তাতেও এমন কিছু ক্ষতি নেই। হ্রাসকার এসে না পৌছোলেও ছয়ইনা কাপাকের শব্দেহে একেবারের জগ্গে প্রাণ পেয়ে জেগে উঠবে। উত্তরায়ণের শিশুস্বর্ষ পূর্ব দিগন্তে আবির্ভূত হওয়ার সঙ্গে সঙ্গে একটি মহামন্ত্র অন্তত সমস্ত পেরুবাসীর কানে পৌছবে। সে মহামন্ত্র তাভানতিনস্বয়ুর পবিত্র গিরিরাজ্য বিদেশী পাষাণের পাপস্পর্শ থেকে মুক্ত করার।

ছয়ইনা কাপাকের শব্দেহে প্রাণ-সঞ্চার কিন্তু আর হয় না। হঠাৎ কুজকো শহরের দূর সীমা থেকে দ্রুত অগ্রসর একটা ধ্বনি শোনা যায়। সচকিত হয়ে ওঠে সমস্ত জনতা। হ্রাসকারই কি তাহলে এসে পৌছোলেন যথাসময়ে ? কিন্তু এ তো তাঁর বাহিনীর পদশব্দ নয়। এ যে অশ্বক্ষুর ধ্বনি !

অশ্বক্ষুর-ধ্বনি মানে কি ?

তাঁর মানে ত হ্রাসকারের আস্থানে তাঁর পতাকাতে সমবেত পেরুর শৃঙ্খলমোচনের বাহিনী নয় ! নিশাবসানের তরল অঙ্ককারে কুজকো শহরের দিগ্বিদিকে যা তাভানতিনস্বয়ুর শক্তি হৃদস্পন্দনের মত শোনা যাচ্ছে, তা ত এসপানিওল রিসালার আগমনবার্তা ছাড়া আর কিছু হতে পারে না। ঘোড়ার ক্ষুরের শব্দ একমাত্র বিদেশী শত্রু সওয়ারে নির্ভুল ইঙ্গিতই দেয়।

হঠাৎ এই মুহূর্তে এসপানিওল সওয়ার সৈনিক কি কাক্সামালকা থেকেই কুজকোতে আসছে? কেন?

কি হয়েছে তাহলে আতঙ্কিত হবার? হুয়াসকারই বা কোথায়? ক্যা কি তাঁকে মুক্ত করতে পারেনি?

দুর্ভাবনায় অস্থির হয়ে ওঠেন গানাদো। নিভুলভাবে শব্দে সাজানো যেসব চাল অনিবার্যভাবে সাফল্যের শিখরে গিয়ে পৌঁছে দেবে ধরে রেখেছিলেন, তার মধ্যে কোনো একটা অপ্রত্যাশিত ভাব ব্যর্থ হয়ে গেছে।

কোনু চালটা বিফল হয়েছে? কোথায়? কাক্সামালকায়, না কুজকোতে? এসপানিওল সওয়ারবাহিনীর এই আকস্মিক হানা দেওয়ার মনে হচ্ছে কাক্সামালকাতেই কোনো কিছু ঘটেছে যা তাঁর হিসেবের বাইরে।

এসপানিওল সওয়ারবাহিনী এবার সূর্যবরণ প্রান্তরে এসে পৌঁছে গেছে। আতঙ্কবিহীন জনতা দিশাহারা হয়ে ঠেলাঠেলি করছে নিজেদের মধ্যে।

পারলে গানাদো একবার উঠে দাঁড়াতে। জনতার মধ্যে একজন হয়ে এগিয়ে গিয়ে দেখতেন এসপানিওল রিসালয় কারা এসেছে আর কে তাদের নায়ক।

কিন্তু তার উপায় নেই। জনসমূহে অস্থির দোলা লেগেছে সত্যিই কিন্তু তাঁর চারিদিকে একটা নিস্তরঙ্গ বেটন। তাঁকে ঘিরে যারা পাহারা দিচ্ছে, প্রাণ দিয়েও সে বেটনটা তারা রক্ষা করবার চেষ্টা করবে।

তবু নিস্পন্দ নিখর হয়ে বসে থাকা অসহ্য মনে হয় গানাদোব। একবার ইচ্ছা হয় হঠাৎ সাড়া দিয়ে উঠে বিহীন-বাকুল এই জনসমূহ আর এক বিদ্রোহে বিশ্বাস করে তুলবেন।

কিন্তু তার লয় পাব হয়ে গেছে। এখন তা শুধু নিরর্থক আত্মঘাতী মৃত্যু। নির্মম দুর্ধ এসপানিওল বাহিনীর সামনে আকুল দিশাহারা লামার পালের মত পলাতক এই নিরস্ত্র নিরুপায় ভয়াবহ জনতাকে কোনো অলৌকিক আবির্ভাব দিয়েও এখনই আর সহ্য করা যাবে না।

চারদিকের তাঁর উত্তেজনা ও বিশ্বাসের আলোড়নের মধ্যে মহার্ঘ পোশাকে শব্দহীন মতই নিস্পন্দ হয়ে থাকেন গানাদো। তাঁকে ঘিরে উত্তম বস্ত্র নিয়ে পাহারা দেয় তাঁর মর্গদা রক্ষায় জীবনপণ-করা প্রহরীরা।

তারা অবশ্য জানে যে, মহামহিম সূর্যসমুদ্র ভূতপূর্ব ইংকো নরেশ হুয়াইনা কাপাকের মরদেহই তারা পাহারা দিচ্ছে।

হা, এই অবিখ্যাত গোপন আশ্রয়ই খুঁজে নিয়েছিলেন গানাদো রাজপুরোহিত ভিলিথাক ভম্বর গভীর অভিসন্ধি অনুমান করে কয়্যাকে যেদিন পরম অভিজ্ঞান দিয়ে সোশায় পাঠান, সেইদিনই।

কয়্যার কাছে বিদায় নেবার পর কাক্সামালকা থেকে সোনাবরদার হয়ে যারা এসেছিল, তাদের জন্তে বরাদ্দ অতিথিশালায় গানাদো ফিরে যাননি। বার হবারও চেষ্টা করেননি কুজকো নগর থেকে। সে-চেষ্টা করলে রাজপুরোহিতের প্রহরীদের প্রথর দৃষ্টি এড়ানো তার পক্ষে সম্ভব হত না। প্রহরীরা রাজপুরোহিতের কঠোর নির্দেশে প্রাণের দায়ে কুজকো শহরেও তাঁকে তন্নতন্ন করে খোঁজার ক্রটি করেনি। তবু তাদের শিকার ঘে কুজকো থেকে জাদু বলে অদৃশ্য হয়েছে বলে তাদের মনে হয়েছে, তার কারণ গানাদো প্রথম দিন থেকেই ভূতপূর্ব ইংকা নরেশ হুয়াইনা কাপাকের জন্তে বরাদ্দ প্রাসাদেই আত্মগোপন করেছেন। পেরুবাঙ্গীর রীতিনীতি সংস্কার জেনে এ-ফন্দি তিনি ভেবে রেখেছিলেন গোড়া থেকেই। বিশেষ একটি-দুটি উৎসব ছাড়া মৃত ইংকাদের প্রেত-প্রাসাদে কড়াকড়ি কোনো পাহারা থাকে না। থাকার প্রয়োজনও নেই। প্রেত-প্রাসাদে সাধ করে কেউ ঢুকতে বা সেখান থেকে যত মূল্যবানই হোক কোনো ঐশ্বর্য চুরি করতে চাইবে তাভানতিনস্বয়ুতে এ-ব্যাপার কল্পনাতীত। জীবিত ইংকার চেয়ে মৃতের মর্ধাদা পেরুবাঙ্গীদের কাছে বেশী বই কম নয়। এ প্রেত-প্রাসাদে যেসব প্রহরী আর অহুচর থাকে, তাদের আসল কাজ মৃত ইংকাদের প্রতাপ-প্রতিপত্তি মৃত্যুতেও যে অক্ষুণ্ণ অল্পান তারই প্রমাণস্বরূপ সাজ-সজ্জার ঘটা দেখানো। দরকার হলে নিজেদের পরম প্রভুর মর্ধাদা রক্ষার জন্তে তারা সত্যিই প্রাণ দিতে প্রস্তুত কিন্তু সেরকম কোনো প্রয়োজন কখনো হয় না বলেই চলে।

প্রেত-প্রাসাদের রক্ষণাবেক্ষণ নেহাত আনুষ্ঠানিক বলেই গানাদোর সেখানে লুকিয়ে থাকবার কোনো অসুবিধে হয়নি। প্রহরী ও অহুচরেরা কল্পনাই করতে পারেনি যে, মৃত ইংকা নরেশের শবদেহের কাল্পনিক সুখ-স্বাচ্ছন্দ্যবিধানের আনুষ্ঠান পালন করতে গিয়ে তারা সত্যিই জীবিত কারুর পরিচর্যা করেছে। হুয়াইনা কাপাকের আত্মার পরিতৃপ্তির জন্তে নৈবেদ্য হিসাবে তারা অপঘাঁপ্ত খাদ্য পানীয় প্রতিদিন যথাবিধি তাঁর শবদেহের সামনে ধরে দিয়েছে। পরের দিন সে আহার্য সরিয়ে নিয়ে যাবার সময় তা থেকে যৎসামান্য খোয়া গিয়েছে কিনা লক্ষ্যই করেনি। রাত্রে ভিকুনার পশমে বোনা স্ককোমল রাজঘাটা পেতে

ইংকা নরেশের শয়নমন্দিরের দ্বার যখন তারা বন্ধ করে প্রেত-প্রাণীদের বাইরে নেহাত নিয়মরক্ষার পাহারা দিতে চলে গেছে তখন কেউ যে সে-শয্যা সত্যিই ব্যবহার করতে পারে, তা তাদের স্বপ্নেরও অগোচর।

এই প্রেত-প্রাণাদেই রাক্ষুসে হিতের গ্রহরীদের দৃষ্টি এড়িয়ে গানাদো দিন শুনেছেন রেইমি উৎসবের জন্তে। গ্রহরীদের নিজেদের মধ্যকার আলাপ আড়াল থেকে যতটা তিনি শুনেছেন, তাতে লক্ষণ সব শুভ বলে-ই মনে হয়েছে। কয়া সোসা যাঁবার পথে ধরা পড়লে কুজকো নগরে একটা সাড়া পড়ে যেত নিশ্চয়ই। প্রেত-প্রাণাদের গ্রহরীদের আলাপে তার আভাস পাওয়া যেত। সেরকম কিছু যখন পাওয়া যায়নি, তখন কয়া সোসায় পৌঁছে ছয়াসকারের সাফাং নিশ্চয় পেয়েছে বুঝছিলেন গানাদো। ছয়াসকারের একবার সাফাং পেলে আর ভাবনার কিছু নেই! উত্তরায়ণের প্রথম লগ্নে না হোক, রেইমির উৎসবের মধ্যে তাঁর বাহিনী নিয়ে ছয়াসকার এসে পড়বেনই কুজকো শহরে। আতাহয়ালপাও তখন কাকসামালকা থেকে কুজকোর দিকে অধেক পথ পেরিয়ে আসবেন। যে মহান লক্ষ্য নিয়ে তাঁরা মিলিত হচ্ছেন তারই সমর্থনে সমস্ত পেকর দূরদূরান্ত থেকে ভার্থধাত্রীরা যেখানে সমবেত হয়েছে, স্বর্ঘবরণের সেই পবিত্র বিশাল পার্বত্য-প্রান্তের অলৌকিক এক দৈববাণী শোনা যাবে। শোনা যাবে যেন পূর্বতন ইংকা-নরেশ ছয়াইনা কাপাকের শবদেহের সংরক্ষিত মূর্তির মুখে। গানাদো জানতেন উত্তেজিত ধর্মপ্রাণ জনতা সন্দেহ করবে না সে-দৈববাণীর যাথার্থ্য, প্রসন্ন করবে না তা নিয়ে। গভীর অন্ধবিশ্বাসে, দেশ ও জাতির পরম কলঙ্ক মোচনের আকুলতায়, নির্বিচারে মেনে নেবে সে বাণী। তারপর দেশপ্রেমের আবেগের সঙ্গে ধর্মবিশ্বাসের আন্তরিকতা মিলে যে প্রচণ্ড আলোড়নের সৃষ্টি হবে, তার সামনে কোথায় দাঁড়াতে মুষ্টিমেয় ক'টা বিদেশী শত্রু।

সেই পরম মুহূর্তের জন্তেই তৈরী হয়েছিলেন গানাদো।

কিন্তু তার বদলে কোথা দিয়ে এ কি হয়ে গেল!

তাঁর চারিপাশ থেকে জনতা যেভাবে ব্যাকুল হয়ে ছুটে পালাচ্ছে, তাতে এসপানিওল সওয়ারেরা এদিকেই আসছে বুঝতে পারেন গানাদো। ঘোড়ার পায়ের শব্দ আর দ্রুত নয়, রিসালা এখন ধীরে স্বস্তে অগ্রসর হচ্ছে।

মৃত ইংকা নরেশের স্মৃষ্টিজিত অলঙ্কার-ভূষিত শবদেহ হয়ে গানাদো সোনার সিংহাসনে নিষ্পন্দ জড়ের মতই হেলান দিয়ে আছেন। মুখে তাঁর মৃত্যু-মুখোশ জাঁটা। মাথায় উষ্মীষ্মরূপ নানারঙের 'প্লাস্ট' একটু সরে এসেছে কপালের

ওপর, আর কপালের রাজশক্তির প্রতীক বালর-দেওয়া রক্তিম 'বোরলা' নেমে এসে চোখ দুটোকে চাপা দিয়েছে অনেকখানি।

'ল্লাটু' ও 'বোরলা'-র এ-স্থানচ্যুতি একেবারে দৈবাৎ নয়, অলক্ষ্যে তাতে গানাদো সাহায্য করেছেন, চোখের জন্তে কাটা মৃত্যু-মুখোশের ফোকর দিয়ে অস্পষ্টভাবেও একটু দেখবার সুযোগের জন্তে।

'বোরলা'র রক্তরাঙা বালরের ভেতর দিয়ে গানাদো এসপানিওল সওয়ারদের নেতৃস্থানীয় দু'জনকে তাঁর চারিধারের বেটনীর কাছে ঘোড়া থামাতে দেখেন।

একজন তার মধ্যে তাঁর পরিচিত। মাকিন্নাভেলী থেকে চুরি-করা বিচ্ছে জাহির করে যে কাক্সামালকার প্রথম মঙ্গলাসভায় পিঙ্কারোকে শয়তানী পরামর্শ দিয়েছিল, সেই জুয়ান দে হেরাদা।

কিন্তু হেরাদার পাশে ওই সওয়ারটি কে ?

ঘোড়ার পিঠে বসে পিছু ফিরে পেছনে কি যেন দেখছে বলে তার মুখটা গানাদোর বেয়াড়াভাবে হেলানো ও অনড় মাথায় দৃষ্টি-সীমার মধ্যে পড়ছে না, কিন্তু ঘোড়ার ও মালিকের সাজের বহর দেখে বোঝা যাচ্ছে লোকটা হেঁজি-পেজি নয়।

হেরাদার হাঁক এবার শোনা যায়,—এই কে তোরা ? কোথায় তোদের রাজপুরোহিত ভিলিয়াক ভুঁ ?

জবাব মেলে না কোনো। গানাদোকে হুয়াইনা কাপাকের শব্দেহ হিসেবে যারা পাহারা দিচ্ছে তারা ছাড়া জবাব দেবারও কেউ নেই। গ্রহরীমা ভিলিয়াক ভুঁ নামটা ঠিকমত শুনলে হয়ত কিছু বলার চেষ্টা করতে পারত, কিন্তু হেরাদার বিকৃত উচ্চারণে সে নাম তাদের বোধগম্য হয় না।

জবাব না পেয়ে গরম হয়ে ওঠে হেরাদা। দাঁত থিঁচিয়ে চীৎকার করে ওঠে,—বোবা সেজেছে সব ? জিভগুলো কেটে সত্যিই বোবা বানিয়ে দিচ্ছি !

হেরাদা কোমরবদ্ধ থেকে তলোয়ারটা প্রায় খুলতেই যাচ্ছে এমন সময় পেছন থেকে যে এসে তাকে বাধা দেয় সেও গানাদোর চেনা। দোভায়ী ফেলিপিলিও।

মাহুধ হিসেবে ফেলিপিলিও হেরাদারই যোগ্য সহচর। তবে আপাতত সে উচিত প্রশ্নই করে।

একটু হেসে বলে,—কাদের জিত কাটতে যাচ্ছেন ? এদের ?

হ্যাঁ, যা জিজ্ঞেস করছি তাঁর জবাব নেই।—হেরাদা জুঁক স্বরে বলে—আর

স্পর্শ দেখেছ হতভাগাগুলোর। আর সবাই তবু ভয়ে পালাচ্ছে আর এরা ঠান্ন দাঁড়িয়ে আছে গ্যাট হচ্ছে। হাতে আবার উচোনো বলম।

দোভাষী ফেলিপিলিও এবার ব্যাপারটা ব্যাখ্যা করে বোঝায়। লোকগুলো স্পর্শ দেখাতে নয়, ভূতপূর্ব ইংকা নরেশ হুয়াইনা কাপাক-এর পবিত্র শব্দেহ পাহারা দিতে ওখানে এদেশের চিরকালের সংস্কার মেনে অটল হয়ে দাঁড়িয়ে আছে। ফেলিপিলিওর এই বিবরণের মধ্যেই দ্বিতীয় সওয়ার নায়ক পেছন থেকে সামনে মুখ ফেরায়।

সচকিত বিশ্বয়ে স্তব্ধ হয়ে যান গানাদো। অসামান্য সংঘম না থাকলে সেই মুহূর্তে ভেতরের চাঞ্চল্য চাপতে না পেয়ে হয়ত ধরাই পড়ে যেতেন।

আর যাকে-ই হোক ঠিক সেই মুহূর্তে কুজকো শহরের সেই স্বর্ষবরণ প্রান্তরে এই মাহুঘটিকে এসপানিওল সওয়ারদের অল্পতম নায়ক হিসেবে দেখবার কথা গানাদো কল্পনাও করেননি।

মাহুঘটি আর কেউ নয় মার্কুইস গঞ্জালেস দে সোলিস, কোলোকাল্দি সোরাবিয়া নামে যে নেহাত নীচ ইতর জুয়াড়ী বলে পরিচিত ছিল, আর গানাদোর জীবনে একাধিকবার যে অভূত গ্রহের মত চরম দুর্ভাগ্যের দূত হইলো অপ্রত্যাশিতভাবে দেখা দিয়েছে।

মার্কুইস গঞ্জালেস দে সোলিস ফেলিপিলিওকে তার ব্যাখ্যা শেষ করতে দেয় না। অর্ধবর্ষের ছাতে বাধা দিয়ে বলে,—এ দেশের মর্কটগুলোর শাস্ত্রকথা শুনতে এখানে আসিনি। রাজপুরোহিত ভিলিয়াক ভুম-র খবর পেয়েছ কিছু? আছে সে এখানে?

না এখানে নেই।—জানার ফিলিপিলিও,—মনে হচ্ছে কুজকো শহরেই নেই। কি করে জানলে?—সন্দিগ্ধ চড়া গলায় প্রশ্ন করে মার্কুইস দে সোলিস—মস্তুর পড়ে নাকি? তুমি ত আমাদের সঙ্গেই এলে!

হ্যাঁ, আপনাদের সঙ্গেই এসেছি—বলে ফিলিপিলিও, কিন্তু রাজপুরোহিতকে আপনাদের চেয়ে একটু বেশী চিনি! কুজকো শহরে থাকলে তিনি ঘোড়ার সুরের শব্দ পেলে সবার আগে ছুটে এসে এখানে হাজিরা দিতেন।

বটে! ব্যঙ্গের স্বরে বলে হেরাদা,—হুশিয়ার মাহুঘ বোঝা যাচ্ছে। কিন্তু আজ এদের কি এক মস্ত জংলী পরব। এই পরবের দিনেও রাজপুরোহিতের এখানে না থাকটা কি রকম।

হ্যাঁ, ব্যাপারটা একটু অদ্ভুত। স্বীকার করে ফিলিপিলিও, তারপর জানার

যে কোরিকাক্ষার ছোট-খাটো পুরোহিতদের কাউকে ধরে এখন খবর না
নিলে নয়।

কিন্তু যাকে আমরা চাই, সেই গোলামটার খোঁজ দিতে পারবে ওরা?—
হিংস্রভাবে প্রশ্ন করে মার্কু ইস গঞ্জালেস দে সোলিস।

না পারলে ওরা শুধু নয়, কুজকো শহরের কেউ রেহাই পাবে!—হেরাদা যেন
মনে মনে ভাবী উৎপীড়নটা কল্পনাতেই উপভোগ করে বলে—এ শহরের একটা
মানুষকে তাহলে আস্ত রাখব না। খোঁজ না দিতে পারার শাস্তি একটি করে
অঙ্গ। জ্যান্ত মানুষ কেউ পায় পাবে না!

কিন্তু যাকে খুঁজছেন,—মুহু প্রতিবাদের ছলে একটু রহস্য করে ফেলিপিলিও
—সেই যে এখনো বেঁচে আছে তারই বা ঠিক কি!

মরে গিয়ে থাকলে,—পৈশাচিক আক্রোশের সঙ্গে বলে মার্কু ইস দে
সোলিস,—কবর খুঁড়েও তার লাশ আমি টেনে বার করব। জ্যান্ত বা মড়া যাই
হোক আমার হাত থেকে তার নিস্তার নেই। চলো এখন, রাজপুরোহিতের
জায়গায় কাকে পাওয়া যায় দেখি।

কোরিকাক্ষার অল্প ছোটোখাটো পুরোহিতের খোঁজে ঘোড়া চালিয়ে এবার
এগিয়ে যেতে যেতে মার্কু ইস দে সোলিস হঠাৎ পিছু ফিরে তাকিয়ে জিজ্ঞাসা
করে,—সোনার সিংহাসনে বসানো ও বাসি পচা মড়াটা কার বললে যেন, কোন
বাদির বাচ্চার?

বাদির বাচ্চার নয়,—এসপানিওলদের কাছে নিজেই বিক্রয়ে দেওয়া দেশের
দুঃখমন বিভীষণ হলেও ফেলিপিলিওর গলার স্বর একটু ভেতাই শোনায়,—
কুজকো থেকে কুইটো পর্যন্ত সমস্ত রাজ্যের যিনি অধীশ্বর ছিলেন ও পবিত্র শবদেহ
ইংকশ্রেষ্ঠ সেই ছয়াইনা কাপাক-এর।

হঁ, গলায় যেন ভক্তি-ভক্তি ভাব পাচ্ছি!—বিক্রপ করে মার্কু ইস—
তোমাদের রাজা-গজা যাই হোক, আমার কাছে সব বাদির বাচ্চা। এখন
থেকে ফেরবার সময় ও লাশটা তলোয়ারের খোঁচায় টেনে ফেলে দিয়ে
সিংহাসনটা সঙ্গে নিয়ে যাব। ওটা নিরেট সোনা মনে হচ্ছে।

নিরেট সোনার সিংহাসনে ছয়াইনা কাপাকের শব লেজে নিস্পন্দ গানাদোর
কানে প্রত্যেকটা কথা যেন গলানো সিসের মত গিয়ে পড়ে।

অপ্রত্যাশিত বিশ্রীগোছের কিছু একটা যে হয়ে গেছে এবিষয়ে আর সন্দেহ
থাকে না গানাদোর।

মাকুঁ ইসরুপী সোরাবিয়া সঙ্গী হিসেবে হেরাদাকে নিয়ে তাঁরই খোঁজে যে এসেছে তা স্পষ্ট বোঝা যাচ্ছে।

শুধু নিজেদের হেরাদা বা মজিতে সোরাবিয়ার পক্ষে সওয়ারবাছিনী নিয়ে কাক্সামালকা থেকে কুজকোয় আসা সম্ভব নয়। সেনাপতি পিজারোর অহুমতি ত বটেই, সমর্থন জানানো আদেশও এই দুই মানিকজোড় পাষণ্ড পেয়েছে নিশ্চয়।

তাঁকেই বিশেষ করে খুঁজতে আসার কারণ কি? সোনাবরদার হয়ে তাঁর কাক্সামালকা থেকে পালানো কি ধরা পড়েছে?

শুধু সেটুকু ধরা পড়লেও এমন কিছু সর্বনাশ হবে না। সেখানে যে চাকা ঘোরাবার গানাদো তার যথোচিত ব্যবস্থা করে দিয়েছেন। এখন তাঁর পেছনে ধাওয়া করে এমনকি তাঁকে গ্রেপ্তার করলেও পেরুর বিজ্রোহের দাবানল নেভানো যাবে না।

সোগা থেকে হ্রাসকার আর কাক্সামালকা থেকে আতাহয়ালপা একবার রওনা হতে পারলে আর ভাবনা নেই।

কিন্তু আতাহয়ালপার সঙ্গে তাঁর চক্রান্ত যদি ফাঁস হয়ে গিয়ে থাকে, তাহলে ত সবকিছুই বার্থ।

না, তা কখনোই হয়নি মনে মনে বিচার করে ধারণা হয় গানাদোর। আতাহয়ালপাকে যেটুকু চিনেছেন, তাতে তিনি কুটিল ক্রুর স্বার্থপর দাস্তিক সবকিছু হতে পারেন কিন্তু সন্মোচিত মর্ষাদাবোধে তিনি পৃথিবীর কোনো নৃপতির চেয়ে কম যান না। যারা তাঁকে বন্দী করে রেখেছে, তাদের চেয়ে তিনি অনেক ওপরের স্তরের মানুষ। ইংকা রক্তের স্বাভাবিক আভিজাত্যে তিনি এ পার্বত্য রাজ্যের তুষারমৌলী উত্তম শিখরের মতই স্বতন্ত্র ও অসাধারণ। আতাহয়ালপা স্মরণ্য কোনো কারণেই নিজের দেওয়া প্রতিশ্রুতি ভাঙবেন না। রাজত্ব ফিরে পাওয়ার প্রলোভনে কিংবা চরম উৎপীড়ন আর মৃত্যুভয়েও কোনো গোপন কথা বার হবে না তাঁর মুখ থেকে। আর আতাহয়ালপা ছাড়া এ বিজ্রোহের গোপন আয়োজনের কথা বিন্দুবিসর্গও যে জানে এমন কাউকে গানাদো কাক্সামালকায় রেখে আসেননি। এ ষড়যন্ত্রের আর একজন মাত্র অংশীদার পাউললো টোপা তাঁর সঙ্গেই কুজকোতে এসেছে। এখানে রাজপুত্রোহিত ভিলিয়াক জমুর হাতে ধরা পড়ে সে হয়ত উৎপীড়নে কিছু কিছু গোপন কথা প্রকাশ করে ফেলেছে। পাউললো টোপার পক্ষে যা প্রকাশ করা সম্ভব, তা রাজপুত্রোহিতের কাছে নতুন কিছু নয়। তিনি ইতিমধ্যে গানাদোর

কাছেই তার বেশী কিছু জেনেছেন। যা জেনেছেন, সে খবর কিন্তু কাক্সামালকার পৌছে দেবার জন্তে রাজপুরোহিত একটুও বাস্তব হবেন কিনা সন্দেহ। এ ধরনের স্তম্ভ ষড়যন্ত্র ধরে দেওয়ার ঝুঁকি ত কম নয়। তার উপযুক্ত প্রমাণ না দিতে পারলে হিতে বিপরীত হতে পারে। তাছাড়া এখান থেকে খবর পাঠালেও ইতিমধ্যেই কাক্সামালকা থেকে তার জবাবে এসপানিওল রিসালা কুজকোয় এসে হানা দেওয়া সম্ভব নয়।

হুতরাং আতাহুয়ালপার কাছ থেকে গোপন ষড়যন্ত্র ফাঁস হয়নি যেমন ধরে নেওয়া যেতে পারে, রাজপুরোহিতের কাছ থেকেও কোনো খবর কাক্সামালকার যায়নি এ কথাও বিশ্বাস করতে পারা যায় তেমনি।

ষড়যন্ত্র প্রকাশ না পাওয়ার আর একটা প্রমাণ এই বলে গানাদোর মনে হয় যে, এরকম একটা সর্বনাশ কিছুই আসে পেলে পিজারো শুধু সোরাবিয়া আর হেরাদার নেতৃত্বে ছোট একটা রিসালা কুজকো পর্যন্ত পাঠিয়ে নিশ্চিত হতেন না।

সোরাবিয়ার আর হেরাদার আলাপে শুধু তাঁর কথাটাই প্রধান হয়ে উঠত না অতখানি।

গানাদোই তাহলে কাক্সামালকা থেকে এসপানিওল রিসালার কুজকো অভিযানের একমাত্র লক্ষ্য বলে বোঝা যাচ্ছে। এসপানিওলদের বিরুদ্ধে ষড়যন্ত্র যদি প্রকাশ না হয়ে থাকে,—হয়নি বলেই নিশ্চিত ধরে নেওয়া যেতে পারে— তাহলে তাঁর এতবড় সম্মান পাওয়ার কারণ কি ?

শুধু পলাতক একজন এসপানিওল সৈনিকের জন্তে এত মাথাব্যথা পিজারোর হতে পারে না যে, তাকে ধরতে ছোটখাটো একটা সওয়ার দল পাঠাবেন।

সে সওয়ার দলের নায়ক আবার সোরাবিয়া !

সোরাবিয়া কোথা থেকে এসে কি করে এ বাহিনীর নায়ক হয়, সেইটেই ঠিক বুঝে উঠতে পারেন না গানাদো।

মেদেলিন শহরে সম্মুখীর মত কারাগার থেকে পালিয়ে আসবার পর আর কোনোদিন সোরাবিয়ার সঙ্গে সাক্ষাৎ হবার সম্ভাবনা সত্যি ছিল না। সোরাবিয়ার হাতেই ভাগোর চক্রান্তে কাপিতান সানসেদোর সঙ্গে সেবার ধরা পড়েছিলেন বটে, তারই ঘৃণ আর প্রতিপত্তির দরুন চালানও হয়েছিলেন অমন জীবন্ত কবরে কিন্তু সেখান থেকে প্রায় অলৌকিকভাবে উদ্ধার পাবার পর সোরাবিয়ার জগৎ চিরকালের মত ছেড়ে আসতে পেরেছেন বলেই ধারণা হয়েছিল গানাদোর।

সোরাবিয়া ত আর তখন যেমন-তেমন কেউ নয়, দস্তুরমত মার্কু' ইস গঞ্জালেস দে সোলিস। গানাদো আর সানসেদোর কারাগার থেকে পালাবার খবর পেয়ে রাগে যত আগুনই সে হোক, গানাদোকে নিয়ে মাথা ঘামাবার সময় আর উৎসাহ তার না থাকবারই কথা। অভিজ্ঞতাদের একজন হিসেবে এসপানিয়ার আমিরী ফেলে একটা ছাফরে ঘেয়ো কুকুরের মত তাড়া-থেরে-ফেরা গোলামের পেছনে সে ছুটে মরবে কেন? আক্রোশ তার যা ছিল, সে গোলামের বিরুদ্ধে তা ত মিটেই গেছে। যদি বা কিছু অবশিষ্ট থাকে তা এমন তীব্র নিশ্চয় নয় যে, এসপানিয়ার ঐশ্বর্য বিলাস প্রতিপত্তি সব বিসর্জন দিয়েই এই অজানা বিপদের রাজ্যে পাড়ি দেওয়ারতে পারে।

এত জায়গা থাকতে এই 'সূর্য কাঁদলে সোনা'-র দেশেই সোরাবিয়ার আসাটা তাই একটু বেশী অদ্ভুত লাগে গানাদোর। গানাদোর সন্ধাননেই সোরাবিয়া সবকিছু ছেড়ে বেরিয়েছে এই অসম্ভব ব্যাপারও যদি সত্য হয়, তাহলেও ঠিক এই রাজ্যেই সে আসে কেমন করে? গানাদো যে এখানে এসেছেন তা ত তার কোনমতেই জানবার কথা নয়।

উনত্রিশ

গানাদো অনেক কিছুই ভাবেন কিন্তু এক হিসেবে যে নিয়তি সোরাবিয়ার সঙ্গে প্রথম সাক্ষাৎ থেকে তাঁর জীবনে অপ্রত্যাশিত বিপর্যয়ের অভিশাপ এনেছে, সেই নিয়তিই যে সোরাবিয়াকে নাটকের শেষ অঙ্কের জগ্গে তার নিজের অগোচরে এই দুর্গম ইংকা শাস্রাজ্যে এনে ফেলেছে সেইটুকু ঠিক কল্পনা করতে পারেন না।

কেমন করে আর পারবেন? পিজারোর জাহাজে সেভিলের বন্দর ছাড়বার পর তাঁর ও কাপিতান সানসেদোর পিছু নিয়ে সোরাবিয়া যে কতদূর পর্যন্ত যাওয়া করেছে, তা গানাদো জানেন না। সেই অল্পসরণের পথেই মাকু ইস গঞ্জালেগ দে সোপিসয়পী সোরাবিয়ার হঠাৎ এসপানিয়া আর যে নিরাপদ মনে হয়নি, মান সন্ত্রম ঐবর্ষ প্রতিপত্তি সবকিছু জলাঞ্জলি দিয়েও নিজের দেশ থেকে কিছুদিনের জগ্গে নিরুদ্ধ হওয়া বুদ্ধিমানের কাজ বলে যে মনে হয়েছে, এ খবরও গানাদো পাননি।

কর্ডোভার ঘাটে কটেজের সঙ্গে অকস্মাৎ দেখা হবার পরই সোরাবিয়া শুধু কর্ডোভা কি নিজের নতুন আন্তানার শহর যেদেলিন নয় এসপানিয়াই ত্যাগ করবার বাবস্থা করেছে।

এসপানিয়া সে চিরকালের জগ্গে ছাড়েনি। কিছুকাল বাইরে কোথাও কাটিয়ে কটেজের সন্মুখে তার সশব্দে বেরাড়া প্রশ্ন যদি কিছু ওঠে সেটাকে যিতিয়ে দেবার সময় দিতে চেয়েছে।

আর সব জায়গা থাকতে তার পেরুতে আসাটা একেবারে আকস্মিক অবস্থা নয়। কটেজের নিজের রাজ্য মেক্সিকোতে যাবার কথা ভাবাই যায় না। কার্নানডিনা হিসপানিওলা এমনকি পানামায় পর্যন্ত বড় চেনাশোনার ভিড় বেড়ে গেছে। গা ঢাকা দিয়ে কিছুকাল থাকবার পক্ষে সেগুলো খুব প্রশস্ত নয়।

এসব রাজ্য ছেড়ে দিলে বাকি থাকে অজানা দুর্গম রহস্যময় এক সোনার মোড়া কিংবদন্তীর দেশ।

সোরাবিয়া বেপরোয়া হয়ে সেখানেই পাড়ি দিয়েছে। অজ্ঞাতবাসকে

অজ্ঞাতবাস হবে তারই সঙ্গে ভাগ্য একটু সদয় হলে সেখান থেকে সোনার কাঁড়িও নিয়ে আসা যেতে পারে।

ভাগ্য যে তার ওপর সদয় টাঙ্কেজ বন্দরে জাহাজ থেকে নামবার পরই তার যেন প্রমাণ পেয়েছে। ভাগ্য অহুকুল না হলে ওখানেই গাল্লিয়েখোর সঙ্গে দেখা হবে কেন ?

গাল্লিয়েখোর বিবরণ শুনতে শুনতেই উত্তেজিত হয়ে উঠেছে সোরাবিয়া। দুনিয়ার আর সবাই ভুল করতে পারে কিন্তু পেরুর আদি দেবতা ভীরাকোচার নতুন অবতারের রহস্য যে কি, সে-বিষয়ে তার ধারণা একেবারে অভ্রান্ত হতে বাধ্য।

ভাগ্য যেন এ নতুন রাজ্যে তার প্রতিষ্ঠা প্রতিপত্তির চাবিকাঠি নিজে থেকে তার হাতে তুলে দিয়েছে।

এসপানিওল সেনাপতি পিজারোর কাছে এ রহস্যভেদের বাহাদুরী দেখাতে পারলে একমুহূর্তে তার কদর বেড়ে যাবে।

সে বাহাদুরী দেখাতে যে সে পারবে, এ বিষয়ে কোনো সন্দেহ সোরাবিয়ার নিজের মনে তখন নেই। তলোয়ার চালাবার কৌশলের একটি নমুনার কথা শুনেই সে চিনে ফেলেছে ভীরাকোচার অবতারকে! এ দেশের মর্কটগুলোর ত নয়ই, একটি মাত্র লোকের ছাড়া এসপানিওল বাহিনীরও কারুর তলোয়ারের কাজের অমন সূক্ষ্ম কেরামতি নেই, যাতে যেখানে খুশি ওই চিক-র দাগ দেওয়া যায়।

কথায় কথায় গানাদো নামে এক ত্রিয়ানার বেদে এসপানিওল বাহিনীতে আছে জেন আর উত্তেজনা চেপে রাখতে পারেনি সোরাবিয়া। সেইদিনই গাল্লিয়েখোকে নিয়ে রওনা হয়েছে কাক্সামালকার উদ্দেশে।

কাক্সামালকায় যখন সে গিয়ে পৌঁছেছে, গানাদো তখন সেখান থেকে নিরুদ্দেশ। পিজারো তার নিরুদ্দেশ হওয়ার ব্যাপারে চিন্তিত হয়েছেন কিন্তু খুব বেশী গুরুত্ব ব্যাপারটার দেওয়া প্রয়োজন মনে করেননি।

মাকু'ইস গঞ্জালেস দে সোলিসরূপী সোরাবিয়া কাক্সামালকায় এসে তাঁর সঙ্গে দেখা করে যা বলেছে, তা পিজারো বিশ্বাসই করতে পারেননি প্রথমে।

গানাদো, মানে ওই সামান্য বেদেটা অমন আশ্চর্য কেউ? তার বুদ্ধি আর কাণ্ডজ্ঞানের পরিচয় অবশ্য আগে অনেকবার পেয়ে মনে মনে তারিফ করতে বাধ্য হয়েছেন। সত্যি কথা বলতে গেলে আতাহয়ালপার কাছ থেকে সোনার কাঁড়ি

আদায় করবার ফন্দি নিজের মাথা থেকে সেই বার করেছিল। লোকটাকে কেন তাঁর বরাবর যেন চেনা-চেনা লেগেছে, তা ঠিক মনে করতে না পারলেও, তার কয়েকটা পরামর্শের জন্তে তার প্রতি একটু কৃতজ্ঞই বোধ করছেন।

সেই গানাদো তলোয়ারের খেলায় এসপানিয়ার কিংবদন্তীর বীর 'এল গীড'-এর মত অদ্বিতীয়? সে-ই ভীরাঙ্কোচার অবতার সেজে এসপানিওল সৈনিকদের জন্ম করে মুখে কলঙ্ক-চিহ্ন দেগে দেয়? কেন?

পিজারোর 'কেন?' প্রশ্নের ভালোরকম জবাবই দিয়েছে সোরাবিয়া।

গানাদোর শয়তানীর অকাটা প্রমাণ হিসেবে জানিয়েছে যে গানাদো আসলে পলাতক এক ক্রীতদাস। মেক্সিকো থেকে স্পেনের যাত্রী এক জাহাজে হিডালগো সেজে যাবার সময় সোরাবিয়া তার ছদ্ম পরিচয় ধরে ফেলার পর থেকেই সে নিরুদ্ধেশ। পানামাতে একবার ধরা পড়তে পড়তে সে পালিয়ে বেঁচেছে। এসপানিয়ার ফেরারী গোলাম বলেই সব এসপানিওল-এর ওপর তার রাগ। স্বযোগ পেলেই সে তাই এসপানিওলদের বিরুদ্ধে প্রতিশোধ নেবার চেষ্টা করে। শয়তানের শাকরদটা বেদে বলে নিজের পরিচয় দিলেও সত্যিই জাতবেদে নয়। সোরাবিয়া বেদেদের বড় ঘাঁটি ত্রিয়ানায় খোঁজ নিয়ে তা জেনেছে। কোথা থেকে তলোয়ারের খোলা সে অবশ্য আশ্চর্যরকম শিখেছে। খোদ শয়তানই তাকে শিখিয়েছে হয়ত। নইলে তলোয়ারের সূক্ষ্ম ফলার অমন আশ্চর্য কেরামতি মাছুষের হাতে সম্ভব নয়। ইচ্ছে করলে সে বুঝি খেলতে খেলতে তলোয়ারের ডগায় শত্রুর মুখে নিজের নামও লিখে দিতে পারে। তার তলোয়ারের কাজ থেকেই সোরাবিয়া তাকে চিনেছে।

গানাদো যত বড় ওস্তাদই হোক সাপের ওপরেও নেউল আছে। সোরাবিয়াকে বেকায়দায় একবার পেয়ে সে হাত ফস্কে পালিয়েছিল। কিন্তু দুবারে বার আর নয়। তলোয়ারের ডগায় নাম লেখার কসরত সোরাবিয়া সাধবার চেষ্টা করে নি, কিন্তু এফোঁড় ওফোঁড় করার কেরামতিতে তার জুড়ি সে দেখতে চায়।

পিজারো ধৈর্য ধরে যে এত সব আফালন শুনেছেন তার কারণ মনে মনে তখনও তিনি বেশ একটু বিলাস্ত। গানাদো সশব্দে কি ধারণা তিনি করবেন তা তখনো ঠিক করে উঠতে পারছেন না।

মাকু'ইস গঞ্জালেস দে সোলিসকে গণ্যমান্ত হিড্যালগো বলেই তিনি অবশ্য ধরে নিয়েছেন। কিন্তু এরকম লোকের কথাও একেবারে নির্বিচারে বিশ্বাস

করা যায় কি? মাকু ইস-এরও ত ভুল হতে পারে!

মাকু ইসকে এর আগে পিজারো কখনো দেখেন নি। নামটাও কখনো শুনেছেন কিনা প্রথমে ঠিক মনে করতে পারেন নি। নাম না শোনা অবশ্য আশ্চর্য কিছু নয়। পিজারো ত আর কটেক্স-এর মত নিজেই খানদানী ধরের ছেলে নয়। আদি পরিচয় ত তাঁর গুরোরের রাখাল। জারজ সন্তান যাকে বলে তাও। বড় ঘরোয়ানাদের কোনো খবরই তিনি রাখেন না।

মাকু ইস-এর চালচলন আর আত্মপরিচয় দেওয়া থেকেই পিজারো তাকে বিশ্বাস করেছেন। তা ছাড়া সেভিলে নেমে দেনার দায়ে বন্দী হবার পর সত্ৰাটের আদেশে মুক্ত হয়ে টৌলাডোতে রাজদরবারে নিজের আর্জি পেশ করতে গিয়ে এইরকম একটা নাম যেন শুনেছিলেন বলে পরে মনে পড়েছে। টৌলাডোর রাজদরবারে এইরকম নামের কেউ যেন তাঁর সেভিল-এ বন্দী থাকার কথা প্রথম জানিয়েছিল।

মাকু ইস গঞ্জালেস দে সোলিসই সেই লোক কিনা পিজারো অবশ্য জিজ্ঞেস করেন নি। মাকু ইস হিসেবে সোরাবিয়া নিজের গরজেই তা চেপে গিয়েছে।

মাকু ইস হিসেবে সমীহ করলেও তার সব কথা নিভুল বলে পিজারো যেমন মনে করেন নি তেমনি কতকগুলো ইঙ্গিত যে তার আশ্চর্যরকম মিলে গেছে তাও অস্বীকার করতে পারেননি নিজের মনে।

গানাদোই আতাছয়ালপার কাছ থেকে সোনার পাহাড় আদায় করবার ফন্দি ভেবে বার করেছিল ঠিকই কিন্তু তার পক্ষে সে সোনার এতটুকু বখরা দাবী না করা বেশ একটু অবিশ্বাস্ত।

নিজের পরিচয় যা সে দিয়েছে তা সত্যি হলে সোনার লোভ এভাবে তার ত্যাগ করার কথা ত ভাবাই যায় না।

যদি কোনো কারণে সে মারা পড়ে থাকে ইতিমধ্যে তাহলে অবশ্য আলাদা কথা। কিন্তু তাও ত একদিক দিয়ে অসম্ভব বলেই মনে হয়। অল্পখে বিহুখে দুর্ঘটনায় কিংবা নিজেদের মধ্যে মারামারি করে ছ'একজন এসপানিওল সৈনিক মাঝে মাঝে মারা যায় না এমন নয়। কিন্তু তাদের মৃতদেহ ত গায়েব হয়ে যায় না এমন ভোজবাজিতে? নিজেদের মধ্যে মারামারি করলে তা একেবারে গোপনও থাকে না সিপাই মহলে। তা জানাজানি হয়ে যারই কোনো না কোনো দলের মধ্যে। গানাদোর সঙ্গে কারুর সে রকম মারাত্মক কেন ছোটখাটো বগড়ার কথাও কেউ জানে না!

নিজের মখে মারামারিতে না হয়ে এদেশের কারুর হাতে তার নিহত হওয়াও বিশ্বাসের অযোগ্য। এরকম ঘটনা এ পর্যন্ত ঘটেনি। রহস্যময় 'ভীরাকোচার' অবতারের কাছে যাদের চরম লাঞ্ছনা হয়েছে তারাও কেউ প্রাণে মরিয়া যায়নি। গেলেও তাদের লাশগুলো অদৃশ্য হত না নিশ্চয়!

সবচেয়ে আশ্চর্যের কথা এই যে গানাদোর কাক্সামালকা থেকে অস্ত্রধানেৰু পর থেকেই ভীরাকোচার অবতারের নামে যে উপদ্রব এসপানিওল সৈনিকদের ওপর হচ্ছিল তা একেবারে থেমে গেছে। সেরকম ঘটনা একটাও তার পর আর ঘটেনি।

মাকু'ইস-এর সন্দেহ তাই একেবারে ভুল বলে উড়িয়ে দেবার নয়।

কিন্তু গানাদো সত্যিই যদি অমন সাংঘাতিক মানুষ হয় তাহলে এখন তার সন্ধান কি করে পাওয়া যাবে? কাক্সামালকা শহরে সে নেই। এ শহর ছেড়ে কোথাও সে গেছে এমন কোনো প্রমাণও পাওয়া যাচ্ছে না।

মাকু'ইসরূপী সোরাবিয়া এ রহস্যও ভেদ করেছে। নানারকম প্রশ্ন করে সে জেনেছে যে কাক্সামালকা থেকে একমাত্র সোনাবরদার দল ছাড়া বাইরে যাবার সুবিধে কেউ পায়নি। সোনাবরদার দলের সবাই পেরুর লোক। কিন্তু তাদের সাজ-পোশাক দেখবার পর এই ছদ্মবেশেই যে গানাদো সকলের চোখে খুলো দিয়ে পালিয়েছে এ বিষয়ে মাকু'ইস-এর আর সন্দেহ থাকে নি।

পিজারোকে নিজের ধারণার কথা এবার জোরের সঙ্গে জানিয়েছে মাকু'ইস। পিজারোর কাছে ছোট একটা রিসালা নিয়ে কুজকো শহরে গিয়ে গানাদোকে ধরবার অল্পমতিও সে আদায় করেছে।

পিজারো দোভাষী হিসাবে ফেলিপিলিও আর এ রাজ্যের অভিজ্ঞ সৈন্যধ্যক্ষ হিসাবে হেরাদাকে মাকু'ইস-এর সঙ্গে দিয়েছেন, আর সেই সঙ্গে ফেলিপিলিওর হাতে রাজপুরোহিত ভিলিয়াক ভূমকে নিজের শিলমোহর মারা আদেশও দিয়েছেন সোনাবরদার দলে যারা যারা আছে সকলকে মাকু'ইস-এর হাতে সমর্পণ করবার জন্তে।

মাকু'ইসরূপী সোরাবিয়া অত ব্যস্ত হয়ে তাই প্রথমে রাজপুরোহিত ভিলিয়াক ভূমুর খোজ করেছে।

তাকে না পেয়ে শেষ পর্যন্ত জন দুই অধস্তন পুরোহিতকে সে পাকড়াও করবার ব্যবস্থা করলে।

তারা নেহাত তাঁবেদার। সত্যিই কিছুই জানে না। রাজপুরোহিত

কয়েকদিন আগে খুব তাড়াতাড়ি করে সৌমা গেছেন এই খবরটুকুই তারা দিতে পারলে।

টায়েজ বন্দরে পা দেওয়ার পর থেকে কাক্সামালকা হয়ে কুজকো পর্যন্ত আসার মধ্যে মারু ইসরুপী সোরাবিয়া এ রাজ্যের হালচাল যতখানি সম্ভব জেনে নিয়েছে।

সৌমা যে একটা কারাগার, কাক্সামালকায় যে বন্দী তারই বড় বৈমাত্র ভাই ভূতপূর্ব ইংকা হুয়াসকার যে সেখানে বন্দী হয়ে আছে সে খবর তার অজানা নয়।

ভিলিয়াক ভুম্ব শশব্যস্ত হয়ে সেখানে হঠাৎ যাওয়া বেশ একটু সন্দেহজনক মনে হল তার। রেইমির মত এ রাজ্যের প্রধান উৎসবের প্রথম লগ্নেও সেখান থেকে না এসে পৌঁছানো আরো ?

এর ভেতরেও সেই শয়তান গানাদোর কোনো কারসাজি থাকা অসম্ভব নয় বলেই তার সন্দেহ হল।

গানাদোকে অবিলম্বে খুঁজে বার করা তাই একান্ত দরকার। তাঁবেদার পুরোহিতদের কাছে খবর নিয়ে যা সে জানল তাও বেশ একটু গোলমালে।

রাজপুরোহিত ভিলিয়াক ভুম্ব নিজেই নাকি এবারের সোনাবরদার দলের সকলকে বন্দী করে গেছেন।

শুধু তাদের একজনকে নাকি পাওয়া যায়নি।

কাকে পাওয়া যায়নি ?

তাঁবেদার পুরোহিতরা তার নামধাম পরিচয় কিছু জানে না। শুধু রাজপুরোহিতের সঙ্গে দেখা করবার সময় যারা তাকে দেখেছিল ও পরে কোরিকাক্সার অতিথিশালায় তাকে বন্দী করতে গেছিল রাজপুরোহিতের আদেশে, তারা খানিকটা বর্ণনা দিতে পারল তার চেহারার।

সোরাবিয়ার পক্ষে ওইটুকুই যথেষ্ট।

খোঁজ যার পাওয়া যায়নি সে যে গানাদো ছাড়া আর কেউ নয় এবিষয়ে সন্দেহ আর তার রইল না।

রাজপুরোহিত ভিলিয়াক ভুম্বও যে কোনো কারণেই হোক গানাদোর শত্রু হয়েছেন বৃকল সোরাবিয়া। এই কুজকো শহর থেকে রাজপুরোহিতের তীক্ষ্ণ সজাগ পাহারা এড়িয়ে তাহলে গানাদো গেল কোথায় !

আবার কাক্সামালকার দিকে সে যেতে পারে ?

না, তা সম্ভব নয়। জোর গলায় জানালে চেলা পুরোহিতেরা।

তাহলে সৌসার দিকে ?

না তাও নয়। কুজকো থেকে বার হবার প্রায় অগম্য যে পথ আছে তাতেও ভিলিয়াক ভুমুর আদেশে এমনভাবে কড়া পাহারা দেওয়া হচ্ছে যে একটা মাছিরও সাধ্য নেই তার ভেতর দিয়ে গলে যাবার।

তাহলে গানাদো এই কুজকোতেই আছে নিশ্চয়।

তাও অসম্ভব। ভয়ে ভয়ে নিবেদন করলে কোরিকাঙ্কার তাঁবেদারেরা, এক এক করে এ শহরের প্রত্যেকটি মানুষের হিসেব নেওয়া হয়েছে, মায় বাইরে থেকে তীর্থযাত্রী হিসাবে যারা এসেছে তাদেরও।

সে লোকটা কি তাহলে হাওয়ার মিলিয়ে যাবার মন্ত্র জানে!—তীক্ষ্ণ বিজ্ঞপ করলে সোরাবিয়া।

তাই জানে বোধহয়।—এবারও সসম্মুখে জানালে ছোট পুরোহিতেরা।

তাহলে হাওয়া শুধে নেবার মন্ত্র আমিও জানি।—হিংস্রভাবে বললে সোরাবিয়া।—একটা দরকারী কাজ আগে সেরে আসি তারপর গানাদোকে খুঁজে পাওয়া যায় কি না আমি দেখছি।

সঙ্গী হেরাদাকে সে শুধু রিসালার অর্ধেক সওয়ার দিয়ে পাঠালে সৌসায় গিয়ে রাজপুরোহিত ভিলিয়াক ভুমুর খবর নিতে।

কি দরকারী কাজটা সোরাবিয়া আগে সারতে চায় সেটা বোঝা গেল খানিক বাদেই।

কোরিকাঙ্কার ছোট মোহাস্তদের সঙ্গে আলাপ সেরে ফেলিপিলিওকে সঙ্গে রেখে বাছাই জন পাঁচেক সওয়ার সেপাই নিয়ে সোরাবিয়া ব্যস্ত হয়ে ফিরে এল সূর্যবরণ প্রাস্তরের মাঝখানে মৃত ইংকা ছয়াইনা কাপাকের শব-সভা যেখানে সাজানো হয়েছিল সেইখানে।

কিন্তু কোথায় সেখানে ইংকাপ্রেষ্ট ছয়াইনা কাপাকের শব-সভা। রেইমির উৎসব গেছে পণ্ড হয়ে। বেলা বেড়ে সূর্য তখন পূর্বের আকাশে অনেক ওপরে উঠে এসেছে। হানাদার এসপানিওলদের ভয়ে সমস্ত সূর্যবরণ প্রাস্তরই ফাঁকা। ছয়াইনা কাপাকের শব-সভার কোনো চিহ্ন সেখানে নেই।

কোথায় গেল সে সব?—চড়া গলায় জিজ্ঞাসা করেছে সোরাবিয়া।

কি সব, কোথায় গেল?—বুঝেও না বোঝার ভান করেছে ফেলিপিলিও।

সেই সোনার সিংহাসন আর দামী দামী আসবাবপত্রগুলো, কার একটা

মড়াকে যার মাঝে বসিয়ে রেখেছিল?—এত করে বোঝাতে হবার জগ্গেই মেজাজ গরম হয়ে গিয়েছে সোরাবিয়া।

সেগুলো যেখানকার সেখানেই নিয়ে গেছে।—ফেলিপিলিও ওইটুকুই জানিয়েছে উত্তরে।

সেই যেখানটা কোথায় জানতে চাইছি!—খিঁচিয়ে উঠেছে সোরাবিয়া! ধমক দিয়ে বলেছে,—নিয়ে চলো সেখানে।

ফেলিপিলিও মিছেই এসপানিওলদের সঙ্গ এতদিন করে নি। দেশের কুলাঙ্গার হলেও মানসম্মত সব একেবারে পায়ে লুটিয়ে দিয়ে বিদেশীদের গোলাম সে হয়নি। নিজের প্যাঁচাল ধারালো বুদ্ধিতে এই বিদেশীদের দস্ত আর আক্ষালনের যোগ্য জবাব সে দিতে শিখেছে।

বাইরে অভ্যস্ত বিনীত চেহারা ফুটিয়ে মোলায়েম গলায় সে তার অক্ষমতা জানিয়েছে। বলেছে যে, কোথায় সে সব সরানো হয়েছে তা তার জানা নেই।

না জানো ত জিজ্ঞেস করো এই বাঁদির বাচ্চাদের কাউকে!—হুকুম করেছে সোরাবিয়া।

জিজ্ঞেস কাকে করব?—যেন হতাশ হয়ে বলেছে ফেলিপিলিও,—আমাদের একশ' হাত দূর থেকে দেখলে এরা পালাচ্ছে। যদি বা কাউকে ধরতে পারা যায় সে কি কিছু বলতে পারবে! ইংকাদের প্রেত-প্রাসাদ ত একটা নয়! বেশীর ভাগই সেসব আবার এমন লুকোন যে নিজস্ব অহুচরেরা ছাড়া তার সন্ধান কেউ জানে না। এক ভিলিয়াক ভুমুর নিজের গোপন 'কিপু'র গোছায় ছাড়া কোথাও তাদের হৃদিস মেলবার নয়। ভিলিয়াক ভুমু ত আবার এখানে নেই।

তোর বক্তৃতা শুনতে এখানে আসি নি বেইমান মর্কট!—সোরাবিয়া প্রচণ্ড এক চড় মেরেছে ফেলিপিলিওর গালে। তারপর হিংস্রভাবে বলেছে,—যেমন করে পারিস সে জায়গার হৃদিস জোগাড় কর। সে সিংহাসন আমার চাই।

যে আজ্ঞে মাকুঁ ইস!—সমস্বমে বলেছে ফেলিপিলিও।

ই্যা ফেলিপিলিও যেমন করে পারে সে জায়গার হৃদিশ জোগাড় করবার প্রাণপণ চেষ্টা করেছে বটে।

সোরাবিয়া নিজের চোখে তা দেখেছে।

ফেলিপিলিও পাছে খোঁজায় ঢিল দেয় সেই সন্দেহে তার সন্ধে সন্ধে থেকেছে সোরাবিয়া। ফেলিপিলিও তাতে অস্বস্তিবোধ করবার বদলে সত্যিই যেন খুশি। খুশি বোধ হয় তার আন্তরিকতা দেখাবার সুযোগ পাবার দরুন!

কি আন্তরিকতাই না দেখা গেছে ফেলিপিলিওর। সোরাবিয়ার চড় খেয়েই তার গরজ তার আন্তরিক আগ্রহ যেন বেড়ে গেছে।

কারুর কাছে খোঁজ নিতে সে বাকি রাখেনি। অস্তিত নাগালের মধ্যে যাদের পাওয়া গেছে তাদের কাছে।

প্রথমেই নাগালের মধ্যে পাওয়া গেছে কোরিকাঙ্কার ছোট পুরুতদের। কুজকো শহরের লোক এই দিনটির আগে পর্যন্ত স্বচক্ষে তাদের রাজ্যে হানাদার কোনো শাদা বিদেশী দেখে নি।

শুধু গুজব শুনেছে তাদের সম্বন্ধে।

গুজব সাধারণত সত্যের চেয়ে অনেক ফাঁপানোই হয়, কিন্তু ভোর থেকে বেলা দুপুরের মধ্যেই কুজকোবাসীদের এসপানিওল হানাদারদের সঙ্গে যেটুকু পরিচয় হয়েছে তাতে তাদের মনে হয়েছে গুজব বৃথি সত্যের তুলনায় অনেক ফিকে।

এসপানিওলরা নাম শুনেই যা পেয়েছে লুটপাট ত করেইছে, দেবস্থান থেকে স্কুর করে কোনো কিছুর মান আর রাখেনি।

এসপানিওলদের নামেই কুজকোর যে যেখানে পেরেছে পালিয়ে বাঁচবার চেষ্টা করেছে, কিন্তু তাদের মধ্যে গওয়ার সেনাদের হাতে ধরাও পড়েছে অনেকে। যারা ধরা পড়েছে তাদের লাঙ্কনার আর সীমা থাকে নি, বিশেষ করে মেয়েদের। তাদের যা হয়েছে তা মৃত্যুর অধিক।

এ সব কিছুর খবরই কোরিকাঙ্কায় ছোটো পুরুতদের কানে এসেছে, তাঁরা চোখেও দেখেছে অনেক কিছু।

আর সবাই পালাবার চেষ্টা করলেও তাদের সে উপায় নেই। প্রাণের মায়্যা ত্যাগ করে মন্দিরে দেবতার সম্মানে তাদের থাকতে হয়েছে।

তাই তাদের কাছেই ফেলিপিলিওর খোঁজ নেবার প্রথম স্বেযোগ হয়েছে। সে স্বেযোগের পুরো সম্বাহার করেছে ফেলিপিলিও।

সোরাবিয়ার হুকুমে বলির পাঁঠার মত কোরিকাঙ্কায় পুরুতদের তখন দাঁড় করানো হয়েছে ভেতরের চত্বরে।

ফেলিপিলিও সোরাবিয়ারই উপযুক্ত প্রতিনিধির মত মুখের চেহারা আর গলায় তাদের কুইচো ভাষায় তার প্রশ্ন জানিয়েছে।

কিন্তু সে প্রশ্ন শুনে তাদের মুখগুলো হঠাৎ অমন হয়ে গিয়েছে কেন? প্রাণের ভয়ে মানের ভয়ে দাঁড়াবার মত পায়ের জোর না পেয়ে, বুক যাদের

কাঁপছে তাদের মুখের অমন অদ্ভুত চেহারা হয়ে গেল কিসে ?

সোরাবিয়ার শেটা লক্ষ্য এড়ায় নি। তার কাছে এ দেশের মর্কটদের মুখের ভাবটাবের কোনো' অর্থই নেই। তবু একটু খটকা তার লেগেছে। নিজের দেশের মানুষ হলে এ ধরনের মুখের ভাব যেন কাঁদতে গিয়ে হাসি চাপার বলেই তার মনে হত।

পুরুতদের মুখগুলো এই রকম অদ্ভুত হয়ে গেলেও জবাব কেউ দেয় নি। দেবার ক্ষমতাই তাদের নেই।

কি প্রশ্ন তাহলে করেছে তাদের ফেলিপিলিও !

প্রশ্ন বড় জবর। চোস্ত কুইচুয়া ভাষায় ফেলিপিলিও জিজ্ঞাসা করেছে— এই যে শাদা চামড়ার জানোয়ারটা মানুষের পোশাকে সেজে আমার পাশে দাঁড়িয়ে আছে, সে কি চায় জানো ? সে আমাদের দেবতাদের সব ধনদৌলত লুট করতে চায়। দেবে তোমরা সে সবের সন্ধান ?

প্রথমটা এসপানিওল শত্রুদের কাছে নিজেকে বিকোনো এক দেশদ্রোহীর মুখে এরকম অপ্রত্যাশিত কথা শুনে তারা হতভম্ব হয়ে গিয়েছে। ফেলিপিলিও যে সত্যিই তার মনিবদের অমন করে গাল পাড়বে তা বিশ্বাস করাই শক্ত হয়েছে তাদের পক্ষে। একটু সন্দেহ হয়েছে, ফেলিপিলিও হয়ত তাদের পরীক্ষা করছে কিনা এমনি করে ? সন্দেহটা টেকে নি। তার বদলে ব্যাপারটার মধ্যে যে মজা আছে সেইটেই বড় হয়ে উঠেছে। শুধু ফেলিপিলিওর পাশে তার মনিবের দুঃমনী চেহারা দেখেই কোন রকমে মুখের হাসি তারা সামলেছে।

ফেলিপিলিও সম্বন্ধে যেটুকু সন্দেহ ছিল তা কেটে গেছে তার পরের কথায়।

ফেলিপিলিও মুখখানা আগের মতই হিংস্র করে রেখে বলেছে,—একেবারে চূপ করে থাকলে শাদা জানোয়ারটা সন্দেহ করবে। তোমরা দু-একজন অন্তত মাথাটা নাড়ো।

তাই নেড়েছে দু-একজন।

ফেলিপিলিও যেন হতাশভাবে সোরাবিয়ার দিকে ফিরে কাতর স্বরে বলেছে, দেখলেন ত মাকু'ইস, ওরা কিছুই জানে না বলছে !

বলছে শয়তানী করে ! —গর্জন করে উঠেছে সোরাবিয়া, তলপেটে ঢুটো লাথি দিলেই কিছু জানে কি না বোঝা যাবে ! ওদের বলা যে মড়ার কবরখানা কোথায় এখনি না বললে তলোয়ার গুঁজে গলার ছিন্নগুলো বড় করে দেব।

তাই বলছি মাকু'ইস !—সসম্মমে মাকু'ইসের হুকুম শুনে ফেলিপিলিও

পুরুতদের দিকে ফিরে ধমকের স্বরে বলেছে,—শাদা শকুনটা কি বলে জানো ! পবিত্র একটা নাম পাষণ্ডটার নোংরা পচা মুখে উচ্চারিত হওয়া চাই না বলেই একটু ঘুরিয়ে বলছি। পাষণ্ডটা বলেছে—আমাদের পরম পূজনীয় সাবেকী ইংকাম্ব্রিষ্ঠের প্রেতপ্রাসাদের খবর না দিলে তোমাদের সকলের গলায় ছিদ্র তলোয়ারের ফলায় বড় করে দেবে ! জানোয়ারটার হমকি শুনে ভয় পেয়ো না। আর যাই হোক বিদেশী শয়তানদের ও সর্দার নয়, যাকে খুশি কোতল করবার এক্জিয়ার নিয়েও আসে নি। অত্যায জুলুমবাজি যার তার ওপর করলে ওকেও জবাবদিহি দিতে হবে। ওর হস্তিষ্টির জবাবে মাথা নেড়ে আমাদের ভাষায় শুধু ওকে যা পারো বাপাস্ত করে নাও। আমি ওকে জল বুঝিয়ে দেব !

এত কি বক বক করছিল মর্কট ?—ফেলিপিলিওর দীর্ঘ বক্তৃতা পছন্দ হয় নি সোরাবিয়ার, দাঁত খিঁচিয়ে বলেছে—যা বলেছি তা বোঝাতে অত কথা কিসের !

ফেলিপিলিও বিনীতভাবে জানিয়েছে যে ভালো করে না বোঝালে ওরা যে ঠিক বোঝে না। তাছাড়া মার্কুইস যে কত বড় একজন রাজাগজা গোছের মানুষ, ইচ্ছে করলে ওদের সব কটার মাথা যে কেটে নিতে পারেন তাই ওদের বোঝাতেই অত কথা বলতে হচ্ছিল।

তা অত বোঝাবার পরও ওদের মুখে রা নেই কেন ?—ফেলিপিলিওর কৈফিয়তেও ঠাণ্ডা না হয়ে বলেছে সোরাবিয়া,—সব কি বোবা নাকি !

বোবা যে নয় তার প্রমাণ দিয়েছে এবার পুরুতদের একজন। এতক্ষণে নিজেদের খানিকটা সামলাতে পেরে একজন মুখ খুলেছে।

মুখ খুলে ফেলিপিলিও যা বলেছিল সেই মত সোরাবিয়ার বাপাস্ত অবশ্য সে করেনি। হাজার হলেও কোরিকাকার সমর্পিত সেবায়ত হিসেবে অতি বড় প্রতিহিংসার জ্বালাতেও ইতরতায় নামা তাদের পক্ষে সহজ নয়।

পুরোহিত তাই শুধু দেবাদিদেব ভীরাকোচার নাম নিয়েই বলেছে, যে এ রাজ্যে দেবতা ও পূর্বপুরুষদের নামে উৎসর্গ করা পবিত্র সম্পদের দিকে নোংরা লোভের হাত যে বাড়াবে স্বয়ং আদিদেব ভীরাকোচাই তার উপযুক্ত শাস্তির ব্যবস্থা করবেন।

কি বলেছে কি, বাদির বাচ্চাটা ? হদিস কিছু দিচ্ছে ?—চড়া গলায় হলেও একটু উৎসুক হয়েই জিজ্ঞাসা করেছে সোরাবিয়া।

আজ্ঞে হাঁ, মাকুঁইস। ওরা যেমন জানে সেই হৃদিশই দিচ্ছে! বলে ফেলিপিলিও সোরাবিয়ার লালচুটা আর একটু উস্কে দিয়েছে।

কী হৃদিশ দিচ্ছে?—বেশ অধীর হয়েই জানতে চেয়েছে সোরাবিয়া।

আজ্ঞে, বলছে যে ওসব লুকোনো প্রেত-প্রাসাদের হৃদিশ পাওয়া নাকি শক্ত নয়।—বিনীত মোলায়েম গলায় বলেছে ফেলিপিলিও,—শুধু বেঁচে থাকতে ভা পাওয়ার উপায় নেই।

তাই বলছে!—রাগে ফেটে পড়েছে সোরাবিয়া,—ওদের সবাইকে সেই হৃদিশ পেতেই আমি পাঠাচ্ছি। কোরিকাঙ্কার এই মন্দিরেই সব কটাকে আমরা গলায় ফাঁসি দিয়ে ঝোলাব!

ওই হৃদিশই সার অবশ্য। চড়-চাপড় লাথি-ঘুসির বেশী চালাতে সাহস করে নি সোরাবিয়া। পিজারোর নেকনজরে থাকবার মতলবেই নিজেকে সামলান তার স্ববুদ্ধির পরিচয় বলে মনে হয়েছে।

সোনার সিংহাসনের লোভে প্রেত-প্রসাদ খোঁজার চেষ্টা কিন্তু সে ছাড়ে নি। ফেলিপিলিও তাকে এ খোঁজায় শেষ পর্যন্ত অক্লান্তভাবে যে ধরনের সাহায্য করে গেছে তার নমুনা আগেই পাওয়া গেছে কোরিকাঙ্কার মন্দিরে।

না, গানাদোর সন্ধান, না, তার অত লোভের সোনার সিংহাসন যেখানে রাখা সেই ছয়াইনা কাপাকের প্রেত-প্রাসাদের হৃদিশ, কিছুই না পেয়ে বিফল হয়েই সোরাবিয়ার আবার এসপানিওল রিসালা নিয়ে কাক্সামালকায় ফিরে যাওয়ার কথা।

সদ্বী হেরাদাকে সূর্যবরণ প্রান্তরের প্রথম ঘটনার পর কারা দুর্গ সৌসার দিকে সে পাঠিয়েছিল, কিন্তু হেরাদা সন্ধ্যা হবার আগেই সে যাওয়া বাতিল করে তাঁবেদার সওয়ারদের নিয়ে কুজকোতেই ফিরে এসেছে।

কোনো কারণেই ভাগ হয়ে এসপানিওল রিসালা যেন নিজেদের দুর্বল না করে, সব সময়ে সর্বত্র যেন তারা একসঙ্গে থাকে, কুজকো রওনা হবার সময় সেনাপতি পিজারোর এই নির্দেশের কথা মনে করেই ফিরে আসতে বাধ্য হয়েছে হেরাদা।

সন্ধ্যাবেলা জোর করে দখল করা কোরিকাঙ্কার এক অতিথিশালায় দুই দলপতির আলাপ হয়েছে এরপর তাদের গতিবিধি কি হবে তাই নিয়ে।

গানাদোর কোনো খোঁজ পাওয়া যায়নি। কুজকোর রাজপুরোহিত ভিলিয়াক ভূমুরও কোনো পাত্তা নেই। এ শহরের লোকেরা এসপানিওলদের

ভয়ে কাঠ! তারা এসপানিওল সওয়ার সৈনিকদের তুলনার নিরস্ত্র অসহায় বললেই হয়। তবু সামান্য এই সেনাদল নিয়ে চারি ধারে এ দেশের মানুষের চাপা ঘৃণা হিংসার ঘেরা হয়ে বেশীদিন তাদের আসল ঘাঁটি কাক্সামালকা থেকে এতদূর শহরে থাকা নিরাপদ হবে বলে মনে হয় নি হেরাদার। সে পরের দিন সকালেই সওয়ার বাহিনী নিয়ে কাক্সামালকায় ফিরে যাবার পরামর্শ দিয়েছে। সোরাবিয়াকে অনিচ্ছা সত্ত্বেও মেনে নিতে হয়েছে পরামর্শ।

সওয়ার সেনাদের কাছে হুকুম চলে গেছে পরের দিন ভোরেই ফিরে যাবার জন্তে তৈরী হবার।

সুতরাং সকল দিক দিয়ে নিফল সোরাবিয়ার এ অভিযানের ওপর এখানেই যবনিকা পড়বে এ কথাই ভাবা স্বাভাবিক।

কিন্তু নিয়তির নির্দেশ আলাদা। যে শয়তানী বুদ্ধি আর ভাগ্য মেক্সিকোর কর্টেজ-এর বাহিনীর দল-খেদানো, মানখোয়ানো এক সামান্য হিড্যালগো জুয়াজীকে এক লাফে এসপানিয়ার মাকু'ইস হবার স্বযোগ করে দিয়েছে সেই ভাগ্যই কোন গুট উদ্দেশ্যে কে জানে এখানেও নিজের হাতে যেন শেষ মুহূর্তে ঘটনার ঘূঁটি নেড়েছে।

যা সে খুঁজছে সেই গোপন প্রেত-প্রাসাদের হৃদয় অপ্রত্যাশিতভাবে মিলে গেছে সোরাবিয়ার। হৃদয় মিলেছে ছোট একদল এসপানিওল দলের কাছে। তারা যথারীতি লুট-তরাজের ধান্দায় সারাদিন কাটিয়ে সন্ধ্যায় ফৌজী আস্তানায় ফিরছিল। তখন সন্ধ্যা হয়ে গেছে। শহরের একটু বাইরে পাহাড়ী দুর্গম একটা রাস্তায় একদল কুজকোবাসীকে আসতে দেখে তারা তাড়া করে। তাড়া করতে গিয়ে একটা পাহাড়ী বাঁক ঘুরে ঘুরে খাড়া একটা পাহাড়ের গায়ে যেন কেটে লাগানো একটা দরজা গোছের তারা দেখতে পায়। যে কুজকোবাসীদের কতকটা মজা করেই তারা তাড়া করেছিল, তাদের সবাই তখন এদিকে-ওদিকে পালিয়ে গেছে। এসপানিওলদের হাতে ধরা পড়েছিল শুধু একজন। ভাষা কেউ কারুর জানে না। তবু ইসারা ইঙ্গিতে জায়গাটা কি তাকে জিজ্ঞেস করা হয়। হিজিবিজি যা সে বলে তা বুঝতে না পেরে তাকে সেদিকে নিয়ে যাওয়ার চেষ্টা করা হয় তারপর। সে চেষ্টায় লোকটার মুখ চোখ যা হয় তাতে জায়গাটা ভয়ঙ্কর কিছু বলেই এসপানিওল সওয়ার দলের ধারণা হয়েছে। লোকটা সেদিকে যেতে ত চায়ই নি, তাদের জুলুমে এমনভাবে ভূমিশয়া নিয়েছে যে মেরে না ফেললে যেন তাকে আর ওদিকে নড়ানো যাবে না। তখন সন্ধ্যার অন্ধকার

ঘনিয়ে আসছে। লোকটার ব্যাপার দেখে শুনে এসপানিওলদেরও কেমন গা ছমছম করেছে জায়গাটায়। ভরসা করে রাত্রে তাই সেদিকে আর এগোননি। ইচ্ছে ছিল পরের দিন দিনের আলোয় একবার হানা দিয়ে দেখবে কিন্তু তাত আর হবার নয়।

সোরাবিয়া জায়গাটা কি হতে পারে একবার জিজ্ঞাসা করেছে ফেলিপিলিওকে।

ফেলিপিলিও মনে মনে প্রমাদ গুনলেও বাইরে কিছু বুঝতে দেয় নি। জায়গাটা পুরোনো কালের কোনো সত্যি-সত্যি হানা দেওয়া ধ্বংসপুরীর অবশেষ বলে তুচ্ছই করে দিতে চেয়েছে।

কিন্তু সোরাবিয়া তার কথা মানে নি। ধ্বংসপুরী বা যাই হোক; সেই রাত্রেই নিজের বাছাই করা কজন সওয়ার সৈনিক নিয়ে মশাল জ্বলে সে হানা দিতে বেরিয়েছে সেই পাহাড়ে লুকোনো পুরীতে। সঙ্গে যেতে বাধ্য করেছে ফেলিপিলিওকে।

তিনি

কি করছেন তখন গানাদো ? কোথায় তখন তিনি ?

আর কোথাও নয় ছয়াইনা কাপাকের প্রেতপ্রাসাদেই তখনও তিনি আছেন। আছেন নিজের ইচ্ছাতেই। কোনো কিছুই সঠিক খবর না পেয়ে এ অবস্থায় কি তাঁর করা উচিত তখনও স্থির করে উঠতে পারেন নি বলেই প্রেতপ্রাসাদ ছেড়ে বার হতে তিনি দেরী করেছেন।

ইতিপূর্বে প্রেতপ্রাসাদ থেকে বার হওয়া খুব কঠিন হয়ত তাঁর পক্ষে হত না।

এসপানিওল সওয়ারদের চড়াও হওয়ার দরুন সূর্যবরণ প্রাস্তর ফাঁকা হয়ে যাবার পরও ছয়াইনা কাপাকের রক্ষীরা কিছুক্ষণ সেখানে অপেক্ষা করেছে।

রেইমির উৎসবের সারা সপ্তাহের মধ্যে ইংকানরেশের রাজবেশে সজ্জিত শবদেহ সূর্যবরণ প্রাস্তর থেকে সরাবার কোনো নজির তাদের ইতিহাসে নেই বলেই তারা যে কোনো মুহূর্তে শক্ররা সব লুটপাট করতে পারে বুঝেও শব-সভা ভেঙে প্রেতপ্রাসাদে ফিরে যেতে প্রথমটা চায় নি। কিন্তু কোথায় আর উৎসব।

রাজপুরোহিত ভিলিয়াক ভমুর দেখা নেই।

রেইমির উৎসবের যারা প্রধান পাণ্ডা কোরিকাকাঁর সেই ছোট বড় পুরোহিতদেরও প্রাস্তর ছেড়ে চলে যেতে দেখবার পর আর দ্বিধা না করে ইংকানরেশের শবদেহের সঙ্গে শব-সভার আর সব উপকরণ সাজসজ্জা প্রেতপ্রাসাদে ফিরিয়ে নিয়ে যাবার ব্যবস্থা তারা করেছে।

গানাদো ইচ্ছে করলে সে সময়ে হয়ত নিজেকে মুক্ত করতে পারতেন।

কিন্তু ব্যাপারটা নিঃশব্দে শারা যেত না। ছয়াইনা কাপাকের নব জাগরণের কোনো তাৎপর্যও দেওয়া যেত না সে ঘটনায়। অস্বাভাবিক যে চাকল্য তাতে সৃষ্টি হত তাঁর নিজের উদ্দেশ্য সিদ্ধির তা বাধা হতে পারত।

গানাদো তাই শবদেহের মতই নিখর নিষ্পন্দ হয়ে ছয়াইনা কাপাকের রক্ষীদের তাঁকে ভক্তিভরে বয়ে নিয়ে যেতে দিয়েছেন।

নিখর নিষ্পন্দ তিনি তখন অবশ্য শুধু দেহে মনের ভেতরটা তাঁর তুফানের

সমুদ্রের চেয়ে অস্থির।

ঘটনা কোথায় কি ঘটেছে তার বিন্দুমাত্র আভাস না পাওয়ার জন্তেই তাঁর উদ্বেগ দুর্ভাবনা আরো বেশী। সত্যি কথা বলতে গেলে সব কিছুই এখন তাঁর কাছে হৈয়ালি।

কাকসামালকা থেকে এসপানিওল সওয়ার দল নিয়ে শোরাবিয়ার কুজকো পর্যন্ত হানা দেওয়ার লক্ষ্য যে তিনি এটুকু বুঝলেও কেমন করে এমনসব যোগাযোগ সম্ভব হল তা তিনি ভেবে পান নি।

সৌসার খবরের জন্তেই তাঁর আকুলতা উদ্বেগ সবচেয়ে বেশী।

কি হয়েছে সৌসায় ?

যেখান থেকে একটা বিশ্ফোরণ সমস্ত পেরুকে কাঁপিয়ে তুলবে সে সৌসা হঠাৎ যেন পেরুর মানচিত্র থেকেই মুছে গেছে !

একটা সামান্য সাড়াশব্দও সেখান থেকে পাওয়া যাচ্ছে না।

রাজপুরোহিত ভিলিয়াক ভ্ৰম্ বাস্তব হয়ে সেখানে ছুটেছেন। সে ছোট্ট কারণটা অতি স্পষ্ট।

গানাদোকো ধরতে না পেরে আর 'কয়া'রও কোনো সন্ধান না পেয়ে ক্ষিপ্ত হয়ে তিনি সৌসা ছুটে গেছেন হ্রাসকারকে মুক্ত করার সমস্ত আয়োজন পণ্ড করার জন্তে।

কিন্তু কয়া যদি সেখানে পৌঁছোতে পেরে থাকে তাহলে রাজপুরোহিতের সাধ্য কি যে গানাদোকোর সাজানো চাল এক চুল এদিক-ওদিক করেন।

কয়া অবশ্য যদি বিফল হয়ে থাকে...

ভাবতেই শিউরে ওঠেন গানাদোকো।

কিন্তু কয়া বা ভিলিয়াক ভ্ৰম্ একজন ত সফল হবেই। হয় মুক্ত হ্রাসকার না হয় সাফল্যগর্বিত ভিলিয়াক ভ্ৰম্কে ত দেখা যাবে কুজকোর স্বর্ধবরণ প্রান্তরে রেইমি উৎসবের প্রথম শুভ লগ্নে ?

রেইমি উৎসবের প্রথম দিনের স্বর্ধ পশ্চিমে ডুবতে চলেছে তবু সৌসা থেকে দুপক্ষের কারুরই কোনো বার্তা এসে পৌঁছয় নি।

কি এমন সৌসায় ঘটে থাকতে পারে যা সেখানকার এই অদ্ভুত অস্বাভাবিক নীরবতা সম্ভব করে তুলেছে ?

কয়ার ভাবনাতেই সবচেয়ে কাতর হয়ে ওঠেন গানাদোকো।

কন্যাপ্রমের অলঙ্ঘ্য প্রাচীরের আড়ালে স্বর্ধসেবিকারূপে বাইরের সংসারের

সঙ্গে কোনো সাক্ষাৎ পরিচয় বার হয়নি সেই অবলা অসহায় সড়ককেশোর পার হওয়া একটি মেয়েকে তিনি অসাধ্যসাধন করতে পাঠিয়েছেন।

না পাঠিয়ে অবশ্য উপায় ছিল না।

কিন্তু বার্থ যদি সে হয়ে থাকে তাহলে যে অবস্থা তার হয়েছে তা ত শোচনীয় বললেও কিছুই বলা হয় না।

সে অবস্থা যদি তার হয়ে থাকে তাহলে প্রতিকারে কিছুই অবশ্য করা গানাদোর পক্ষে সম্ভব নয়। তবু নির্বিকার হয়ে এই কুজকো শহরে আটকে থাকার যত্নবা যে অসহ।

সন্ধ্যার অন্ধকার নেমে আসবার আগেই প্রেতপ্রাসাদের প্রহরীরা ইংকা নরেশের শব্দেহের সমস্ত পরিচর্যা ব্যবস্থা করে দিয়ে বিদায় নিয়েছে। একজন প্রহরীর রাত্রের জ্ঞাও এ প্রাসাদদ্বারে উপস্থিত থাকবার কথা। কিন্তু এ নিয়ম নিশ্চরোজন বলেই আর পালিত হয় না।

গানাদো প্রেতপ্রাসাদ থেকে বার হবার জ্ঞে তৈরী হয়েছেন। তৈরী হবার আর কি আছে? এ প্রেতপ্রাসাদে লটবহর নিয়ে ত আর ঢুকতে পারেন নি। কাক্সামালকা থেকে বার হবার সময়ই এসপানিওল সৈনিকের ধরাচূড়ার সঙ্গে খাপেভরা তলোয়ারও সেখানে ফেলে আসতে হয়েছে।

সঙ্গে যা নিতে পেরেছিলেন তা একটা ছোরা আর তার চেয়েও যা দামী সেই একপ্রান্তে ফুটো করা পাথরের ছোট গোলা পরানো আশ্বর্ষ দড়ির অস্ত্র, 'বোলাস'।

এই প্রেতপ্রাসাদে গোপনে আশ্রয় নেবার সময়ে পেরুবাসীর সাধারণ পোশাক বাদে সেই 'বোলাস' আর ছোরাটাই সঙ্গে এনে লুকিয়ে রাখতে পেরেছিলেন। সেই লুকোনো সম্বল বার করে এনে বাইরে যাবার জ্ঞে ইংকা নরেশের রাজবেশ ছেড়ে সাধারণ পোশাক পরতে গিয়ে বাধা গেয়েছেন গানাদো!

বাইরে কিসের একটা গুণ্ডগোল স্তনতে পাওয়া যাচ্ছে।

প্রেতপ্রাসাদের এ এলাকা একান্ত নির্জন ও নিস্তর। এ দেশের কেউ এ এলাকার পবিত্র নির্জনতা ও স্তরতা সহজে ভঙ্গ করে না।

এ ধরনের অস্বাভাবিক গোলমালে তাই বিস্মিত হয়ে গুণ্ড ছিদ্রপথে গানাদো বাইরে কি হচ্ছে দেখতে গেছেন।

যা দেখেছেন তাতে একটু অস্বস্তিই বোধ করেছেন।

এ সেই এসপানিওল সওয়ারদের নিরীহ নিরস্ত্র কুজকোবাসীদের তাড়া করে

প্রথম প্রেতপ্রাসাদের খোঁজ পাওয়ার ঘটনা।

তখনও সন্ধ্যা ভালো করে নামেনি।

বাইরের আলো ম্লান হয়ে এলেও তারই মধ্যে এসপানিওল সওয়ারেরা যে একজন কুজকোবাসীকে ধরে পাহাড়ের গায়ে বসানো প্রেতপ্রাসাদের দরজার রহস্য জানবার চেষ্টা করেছে তা তিনি বুঝেছেন।

কুজকোবাসীর কাছে কিছু জানতে না পারলেও নিজেদের কৌতূহলে ও লুটের লোভে সওয়ার সৈনিকরা দরজার ওধারে কি আছে সন্ধান করবার চেষ্টা করতে পারে বলে গানাদোর সন্দেহ হয়েছে।

সাধারণ এদেশী পোশাক তখন পরা হয়ে গিয়েছিল। লুটেরা সওয়াররা হয়ত তখনই হানা দিতে পারে। পোশাক বদলাবার সময় সূত্রাং আর নেই। সে ঝক্কি না নিয়ে গানাদো যা পরেছিলেন তারই ওপর ইংকা নরেশের শবদেহের রাজবেশ তাড়াতাড়ি চাপিয়ে রাজপালকে গিয়ে মমির মত শয্যা নিয়েছেন।

সেপাইরা যদি কোনো কারণে সন্দেহ করে ইংকার শবদেহের রহস্য ধরে ফেলে তাহলে সে চরম সঙ্কটে ব্যবহারের জন্তে ছয়াইনা কাপাকেরই মণিমাণিক্যখচিত তলোয়ারটা শুধু লুকিয়ে রাখবার ব্যবস্থা করেছেন শয্যার ভেতরে।

সওয়ার সেপাইরা শেষপর্যন্ত সাহস করে অবশ্য পাহাড়ের গায়ে বসানো রহস্যময় দরজা ঠেলে ভেতরে যেতে সাহস করে নি। কিছুক্ষণ বাদে বাইরে তাদের গোলমাল থেমে গেছে।

বিছানা ছেড়ে উঠে বসলেও গানাদো তবু নিশ্চিত হয়ে প্রেতপ্রাসাদ ছেড়ে তখনই বার হওয়া সমীচীন মনে করেন নি।

সওয়ার সৈনিকদের ভয়েই যে তিনি বার হতে দ্বিধা করেছেন তা নয়। দরকার হলে একসঙ্গে ওরকম কয়েকজন সওয়ারের মণ্ডা নেবার ক্ষমতা তিনি রাখেন।

কিন্তু এখন তাঁর যা উদ্দেশ্য তা সিদ্ধ করতে হলে সবার আগে দরকার সম্পূর্ণ গোপনতা।

বীরত্ব দেখাতে গিয়ে তাঁর পরিচয় জানাজানি হয়ে গেলে তিনি যা করতে চান তার সব আশা এখানেই নিমূল হয়ে যাবে।

ভীকর মতই অতি সাবধানে সওয়ার সৈনিকদের চোখে পড়বার বিপদ সম্পূর্ণ কেটে যাবার জন্তে ধৈর্য ধরে তিনি অপেক্ষা করেন। লুটের নেশায় মত্ত এইসব

পাশও এসপানিওলদের কোনো বিশ্বাস নেই। একবার ভয় পেয়ে এ অঞ্চল ছেড়ে গেলেও আবার দল ভারী করে খেয়ালের মাথায় এখানে হানা দিতে তারা আসতে পারে।

তখন তাদের সামনে পড়তে গানাদো চান না।

একটু বেশী রাত হবার জন্তে তাই তিনি অপেক্ষা করেন। রাতের অন্ধকারে সব দিক দিয়েই তাঁর সুরোধে।

শুধু যে এসপানিওল সেনারা তখন খাবার আর সুরা নিয়ে মেতে থাকবে তা নয়, আঁধারে আঁধারে কুজকে ছেড়ে সৌসার পথে বেশ কিছুদূর এগিয়ে যাওয়াও তাঁর সহজ হবে।

গানাদো যা আশা করে অপেক্ষা করেছেন ঘটনা ঘটেছে ঠিক তার বিপরীত।

রাত গভীর হলে প্রেতপ্রাসাদ ছেড়ে বার হওয়া তাঁর পক্ষে নিরাপদ হবে ভেবেছিলেন গানাদো।

সেই অহুসারে রাত্রির প্রথম প্রহর শেষ হবার পর প্রেতপ্রাসাদের দরজা তিনি যখন খুলতে যাচ্ছেন হঠাৎ সেই মুহূর্তে সচকিত হয়ে উঠেছে চারিধারের নিস্তরক অন্ধকার প্রাস্তর লুক্ক হিংস্র সওয়ার সৈনিকদের চিংকারে আর ঘোড়ার পায়ের শব্দে। সেই সঙ্গে বহু মশালের কম্পিত শিখার আলো ঈষৎ খোলা দরজার ফাঁক দিয়ে যেন ভয়ঙ্কর কোন অশুভ সম্ভাবনার ছায়া কাঁপিয়েছে ভেতরের দেয়ালে।

একত্রিশ

সোরাবিয়া ফেলিপিলিও আর তার বাছাই করা সওয়ার দলকে নিয়ে পাহাড়ের গায়ে লুকোনো প্রেত-প্রাসাদের দরজায় এসে নিজেদের ঘোড়া রাখছে।

জায়গাটা সত্যিই কেমন হানা দেওয়া কবরের রাজ্যের মত।

মশালের আলোয় পাহাড়ের গায়ে বিরাট খোদাই করা দরজাটা না দেখলে এখানে কোনো লুকোনো পুরী আছে সোরাবিয়া বিশ্বাসই করতে পারত না।

এখনো এটাই হয়ইনা কাপাকের প্রেতপ্রাসাদ কিনা তাও জানবার কোনো উপায় নেই। ফেলিপিলিও এ বিষয়ে এসপানিওলদের মতই অজ্ঞ দেখা গেছে। এদেশের ভাষাটা ছাড়া আর কিছুই সে জানে না।

হয়ইনা কাপাকের হোক বা না হোক সন্ধান যখন পাওয়া গেছে তখন এ প্রেতপ্রাসাদই একটু হাঁটকে না দেখে সোরাবিয়া যাবে না।

ছোটখাট জিনিসে তার লোভ নেই। তার ভাবখানা হল মারি ত গুণ্ডার লুট ত ভাণ্ডার!

সওয়ার সেপাইদের সেই মতই লুকুম সে দিয়েছে। জনচারেক মিলে মশাল নিয়ে ভেতরে ঢুকে একবার দেখে আসুক। হয়ইনা কাপাকের প্রেত-প্রাসাদ হলে সাজ-সজ্জার ষটা আর ঐশ্বৰ্যের আড়ম্বর দেখেই বুঝতে পারবে। সূর্যবরণ প্রান্তরে অতক্ষণ ধরে দেখে হয়ইনা কাপাকের রাজবেশটাও চেনা হয়ে গেছে।

সিপাইরা নিজেরা যা খুশি নিতে চায় নিক তার জন্তে শুধু সিংহাসনটা নিয়ে আসা চাই-ই।

যা খুঁজছে সে জায়গা যদি না হয় তাহলে সোনার সিংহাসন গোছের কিছু না থাকলে সোরাবিয়ার জন্তে আনার দরকার নেই। সেপাইরা যা চায় নিজেরা লুট করে আনুক।

সেপাইদের সঙ্গে সোরাবিয়া ফেলিপিলিওকে পাঠিয়েছে। মৃত ইংকা নরেশদের প্রেত-প্রাসাদে যার তার ঢোকবার অধিকার নেই। সেখানে যাওয়া তাদের ধর্মে বারণ বলে ফেলিপিলিও আপত্তি করবার চেষ্টা করেছিল। কিন্তু

সোরাবিয়া কোনো ওজর আপত্তি শোনে নি।

অত্যন্ত নির্মমভাবে বিক্রম করে বলেছে,—মাথাই নেই তার মাথাবাথা। তোদের দেবতারাও সব আমাদের ভয়ে দেশ ছেড়ে পালিয়েছে, এখন আবার তোদের ধর্ম কিসের? এদের সব দেখিয়ে গুনিয়ে বুঝিয়ে দিতে তুই না গেলে যাবে কে!

বাধ্য হয়ে যেতে হয়েছে ফেলিপিলিওকে সেপাইদের সঙ্গে।

সওয়ার সেপাইরাও যে প্রেত-প্রাসাদ লুট করতে খুব উৎসুক তা মনে হয়নি! ভেতরে লোভ যতই থাক এই বিদঘুটে বেমক্কা জায়গায় পাহাড়ের ভেতরে কাটা অজানা প্রেতপুরীতে ঢুকতে তাদের ভয় হয়েছে অনেক বেশী।

কিছুটা লোভ, কিছুটা দলে ভারী থাকার ভরসা, আর খানিকটা দলপতির হুকুমের দরুন শেষ পর্যন্ত সাহস করে মশাল নিয়ে গুটি গুটি তারা দরজা ঠেলে ঢুকেছে।

দরজা তাদের ভাঙতে কি কষ্ট করে খুলতে হয় নি। আধ ভেজানো অবস্থায় খোলাই পেয়েছে।

সোরাবিয়া তখন ঘোড়া ছেড়ে নেমে বাকি সব সওয়ারদের জড় করে মশালের আলোয় একরকম ছোটখাটো দরবার বসিয়েছে। এই একদিনে কে কত কি লুট করতে পেরেছে তা জিজ্ঞাসাবাদ করবার দরবার।

দু-একজন মাত্র সবে তাদের কথা জানিয়েছে এমন সময়ে সোরাবিয়া আর তার সঙ্গীদের শিউরে চমকে উঠে তাকাতে হয়েছে পাহাড়ের গায়ে বসানো প্রেত-প্রাসাদের দরজার দিকে।

সেখান থেকে আধ ভেজানো দরজার ভেতর দিয়ে কজনের গলায় যেন ভীত চিৎকারের মত আওয়াজ আর গগুগোল শোনা গেছে।

সবিস্ময়ে দু-চার মুহূর্তের বেশী অপেক্ষা করতে হয়নি। পাহাড়ের গায়ে বসানো দরজা দিয়ে হুড়মুড় করে পড়ি কি মরি অবস্থায় বেসামাল মশাল দিয়ে প্রায় নিজেদের পোশাকেই আশ্রয় ধরিয়ে ফেলে এসপানিওল সওয়ার সেপাইরা ছুটে বেরিয়ে এসেছে।

কি হল কি?—যতখানি রাগ, অধৈর্ঘ্য, ততখানি উদ্বেগ নিয়ে উঠে দাঁড়িয়ে জিজ্ঞাসা করেছে সোরাবিয়া।

কারুর মুখে কোন কথাই নেই। দিনের আলো হলে দেখা যেত তাদের মুখ থেকে যেন সব রক্ত সরে গেছে। চেষ্টা করেও তারা খানিকক্ষণ গলায়

আওয়াজ ফোটাতে পারে নি।

প্রথম জবাব ফেলিপিলিও-ই দিয়েছে।

বলেছে, এ পবিত্র প্রেত-প্রাসাদের অপমান করবার অধিকার যে কারুর নেই পেরুর ইংকা-শ্রেষ্ঠ নিজে তা আমাদের বুঝিয়ে দিয়েছেন, মার্কু'ইস! তাঁর আত্মা এখনো এ প্রেত-প্রাসাদ পাহারা দিচ্ছে আমরা স্বচক্ষে দেখে এসেছি।

রাগের মাথায় সোরাবিয়ার মুখে এসেছিল,—তোমরা সব লাজ গুটানো খেঁকি কুকুরের দল! কিন্তু শুধু একা ফেলিপিলিও ত নয়, অগ্র এসপানিওল সেপাইদের কথা মনে রেখে তাকে জিভের রাশ টানতে হয়েছে।

তবু তাঁর স্বরে সে বলেছে,—কবে মরে মমি হয়ে গেছে, সে বাঁদির বাচ্ছার আত্মাকে তোমরা পাহারা দিতে দেখেছ? তোমরা ত সব ভীকু খরগোশের পাল। কাঁপতে কাঁপতে সব ভেতরে গিয়ে ঢুকেছ আর তারপর নিজেদের মশালের ছায়াই নড়তে দেখে ভূত বলে জাঁতকে পালিয়ে এসেছ। তোমরা সব এসপানিওল বীর! সাগর ডিক্বিয়ে এসেছ রাজ্য জয় করতে!

গালাগাল অনেক সামলে নিয়েছে সোরাবিয়া, কিন্তু রগচটা এসপানিওল সেপাইরা মার্কু'ইস আর সেই সঙ্গে দলপতির মান রাখতেও এতটা সহ্য করতে প্রস্তুত নয়।

বেয়াদবি জেনেও তাদের একজন এবার বেপরোয়া হয়ে বলেছে,—আমরা ত খরগোশের পাল বটেই মার্কু'ইস। আপনি সিংহ হয়ে নিজেই একবার দেখে আনুন না, আমরা ছায়া দেখে ভিমি গেছি কি না!

কেউ এ খোঁচা না দিলেও সোরাবিয়া তাই দেখতে নিজেই যে যেত সে বিষয়ে সন্দেহ নেই। আর যাই হোক শয়তানী একটা সাহসের আফালন তার আছে।

সে সাহস সম্বন্ধে সন্দেহের ইঙ্গিতে রেগে আগুন হয়ে উঠেছে সোরাবিয়া।

ঘৃণা আর অবজ্ঞায় গলাটা যতদূর সম্ভব তিক্ত করে বলেছে,—তা নিজে না দেখে তোমাদের কথাই মেনে নিয়ে এখন থেকে ফিরে যাব ভেবেছিলে! এখনি আমি যাচ্ছি। একজন শুধু এসো আমার সঙ্গে মশাল নিয়ে।

সোরাবিয়াকে কয়েক পা এগিয়ে আবার দাঁড়িয়ে পড়তে হয়েছে। তার সঙ্গে মশাল নিয়ে যাবার জন্তে কেউ এগিয়ে আসে নি।

কই কে আসছে মশাল নিয়ে?—সোরাবিয়া চিৎকার করে জিজ্ঞাসা করেছে।

কারুর কাছ থেকেই কোন সাড়া পাওয়া যায়নি।

সোরাবিয়া দাঙ্গিক স্বার্থপর গোয়ার কিন্তু নির্বোধ মোটেই নয়। সেপাই-সওয়ারদের এ অব্যাহতা এখনই শাসন করতে গেলে ব্যাপারটা বিস্তী হয়ে দাঁড়িয়ে তাঁর উদ্দেশ্যটাই পুণ্ড হতে পারে।

সওয়ার সেপাইদের ছেড়ে দিয়ে তাই সোরাবিয়া এবার ফেলিপিলিওকে হুকুম করেছে, মশাল নিয়ে তার সঙ্গে থাকার জ্ঞান।

এ আদেশ আমায় করবেন না মাকুইস।—নিফল জেনেও ফেলিপিলিও একবার শুধু তার বক্তব্যটা জানিয়েছে—এ প্রেত-প্রাসাদ অপবিত্র করার শাস্তি আমি ত পাবই, আপনিও তাহলে এ অভিশাপ থেকে রেহাই পাবেন না।

আমায় তাদের জুজুর ভয় দেখাচ্ছিল, বাদির বাচ্চা!—সোরাবিয়া তাঁর খোলা তলোয়ারের ডগাটা দিয়ে ফিলিপিলিওর পিঠে একটা খোঁচা দিয়েছে,—নেহাত দোভাষী হিসেবে তোকে দিয়ে এখনো কিছু করবার আছে। নইলে এই খোঁচাতে এফোড় ওফোড় করে তোকে তোর জুজুর কাছে বলি দিয়ে যেতাম। চল এখন।

একজন মশালটা সেপাই-এর হাত থেকে একটা মশাল টেনে নিয়ে ফেলিপিলিওর দিকে ছুঁড়ে দিয়ে সোরাবিয়া এগিয়ে গেছে পাহাড়ের গায়ে বসানো দরজার দিকে।

কিছুক্ষণ আগেই এসপানিওল সৈনিকেরা সেখান দিয়ে ছুটে পালিয়ে এসেছে। তাদের ধাক্কার দরজাটা খোলাই ছিল। পেছন থেকে ফেলিপিলিওর হাতের মশালের আলো তখনও ত পড়েনি। ভেতরটা পাহাড়টারই যেন বিরাট অন্ধকার মুখের হাঁ বলে মনে হচ্ছিল।

মশালের লালচে কাঁপা আলো পড়ায় সে অন্ধকার গভীর গহবরের চেহারাটা বদলে গেলেও থমথমে রহস্যের ভাবটা আরো যেন গাঢ় হয়েছে।

সোরাবিয়া নিজের একটা ভুল তখন মনে মনে নিজের কাছে স্বীকার করেছে। রাগের মাথায় সওয়ার সৈনিকদের গালাগাল দিতে গিয়ে তারা কি এখানে দেখেছে তা জিজ্ঞাসা করা হয় নি।

ফেলিপিলিওকে এখন অবগু জিজ্ঞাসা করা যায়। কিন্তু একজন এসপানিওল আর এদেশের কুসংস্কারে আটপেট্টে জড়ানো একজন জংলীর দেখা ত এক নয়। ওপরে একটু-আধটু পালিশ হলেও ফেলিপিলিও মনে-প্রাণে এখনো এদেশের মুখখু গোঁড়া জংলী। সে যদি কিছু দেখে থাকে ত চোখের চেয়ে মনের কল্পনাতেই দেখেছে। তার কথার গোন দাম নেই তাই। এসপানিওল সৈনিকদের

কাউকেই জিজ্ঞেস করে আসা উচিত ছিল বলে বুঝেছে সোরাবিয়া।

ভেতরের বিরাট গুহা-কক্ষের ভেতর এগিয়ে যেতে যেতে মশালের আলোয় সোরাবিয়া যা এখন দেখেছে তা সত্যিই চোখ ধাঁধিয়ে দেবার মত। সূর্যবরণ প্রান্তরের শব-সভায় এ ঐশ্বর্য আড়ম্বরের এক শতাংশও নিয়ে গিয়ে দেখানো হয় নি। তা সম্ভবও নয়।

যে ঐশ্বর্য এখানে জমা হয়ে আছে সোরাবিয়া আর হেরাদার সঙ্গে যারা এসেছে সেই গোটা এসপানিওল সওয়ার বাহিনীর তাতে এক জনের মত লুটের সাধ মিটে যায়।

আর যে আহাম্মকগুলো এখানে এসেছিল তারা কিনা মেয়েছেলের মত কোথায় কি ছায়া নড়তে দেখে এসপানিওল বীরদের মুখে চুন-কালি মাখিয়ে ছুটে পালিয়েছে!

এই ত বিরাট গুহাপুরী। মশালের আলো যতটুকু পৌঁছোচ্ছে তার বাইরে ফিকে থেকে ক্রমশঃ গাঢ় হওয়া অন্ধকারের একটা বেড় যেন একটু অসাবধান হলেই চেপে ধরবার জগ্গে ওত পেতে আছে মনে করা যেতে পারে, কিন্তু সে ত নেহাত অলীক কল্পনা।

এক মশালের আলোর শিখাটা বাদে গুহাপুরীতে যত কিছু সব নিখর নিস্পন্দ। তাদের নিজেদের পায়ের আওয়াজটুকু ছাড়া চারিদিকে তাদের ঘিরে গভীর নিস্তরতা।

মশালের আলোর কল্পিত শিখার ছায়ায় শুধু মাঝে মাঝে যেন চোখের ভুল একটু ঘটছে।

ঠিক আগের মুহূর্তেই রাজবেশ পরিয়ে সোনার সিংহাসনে বসানো ইংকানরেশের শব্দেহটা কেমন একটু যেন নড়ে বসল বলে মনে হয়েছিল।

দৃষ্টিবিভ্রম ছাড়া তা আর কি হতে পারে!

জোরের সঙ্গে নিজেকে একথা বোঝাতে গিয়েই সোরাবিয়ার শিরদাঁড়ার ভেতর দিয়ে একটা বরফের ধারা নেমে গিয়ে সমস্ত শরীরে কাঁটা দিয়ে উঠেছে।

ফিসফিস করে কে যেন কি বলছে। না ফেলিপিলিও নয়। সোরাবিয়া তাঁক দৃষ্টিতে তাকে লক্ষ্য করেছে। ফিসফিস করে বলার ভাষাটা কিন্তু নিখুঁত কান্তিলিয়ান। আর যা বলছে তার মানে হল,—ফিরে যাও সোরাবিয়া। এ প্রেত-প্রাসাদ অপবিত্র করে আমার অভিষাপ সাধ করে রাখায় নিও না।

ফেলিপিলিও ত নির্বাক তাহলে এ অশরীরী ঘোষণা কোথা থেকে আসছে?

এ ঘোষণার ভাষা আবার কাস্তিলিয়ান! তা কি করে সম্ভব হয়?

কাস্তিলিয়ান বলবার মত মানুষ প্রেত-প্রাসাদে এক সোরাবিয়া নিজে আর ফেলিপিলিও।

ফেলিপিলিওর গলার স্বর তার চেনা। তাছাড়া দোভাষী হিসেবে কাস্তিলিয়ান দিয়ে কাজ সারতে পারলেও তার ভাষায় উচ্চারণে অনেক ভুল।

আর এ তো একেবারে চোস্ত কাস্তিলিয়ান। স্পেনের রাজদরবারে শিক্ষিত বড় ঘরোয়ানারা যা ব্যবহার করে তাই!

সোরাবিয়া মনে মনে জানে মূর্খ বলে এ নিতুল উচ্চারণের ভাষা তার গলা দিয়েও বার হয় না।

এ তাহলে সত্যিই কি ভৌতিক কিছু?

অশরীরী দৈববাণী গোছের বলেই যে ভাষায় খুশি উচ্চারিত হতে পারে?

সোরাবিয়া সারা শরীরে লোমহর্ষ নিম্নে কম্পিত বুক চারিদিকে চেয়েছে।

ফেলিপিলিওর দিকে চোখ পড়েছে তাইতেই। সমস্ত মুখ তার আতকে রক্তশূন্য হয়ে গেছে, চোখের দৃষ্টি উদ্ভ্রান্ত।

তার অসাড় হাত থেকে মশালটা পড়ে গিয়ে একটা অগ্নিকাণ্ডই বৃষ্টি বাধাত এই প্রেত-প্রাসাদের দাউ দাউ করে জ্বলবার নানা উপকরণের মধ্যে।

সোরাবিয়া তাড়াতাড়ি সেটা ফিলিপিলিওর হাত থেকে কেড়ে নিয়ে মেঝের উপর রাখা একটা সরু গলার দীর্ঘ ভুঙ্কার গোছের রূপোর পাত্রের মুখে বসিয়ে দিয়েছে।

ফেলিপিলিও তখন অর্ধচেতন অবস্থায় সেই ভুঙ্কারের পাশেই দেয়ালে ঠেস দিয়ে কোন রকমে নিজেকে সামলাবার চেষ্টা করছে।

সে ভৌতিক ঘোষণা এখন থেমে গেছে।

কি করবে সোরাবিয়া?

মানে মানে পালিয়েই যাবে এই অভিশপ্ত প্রেত-প্রাসাদ থেকে? এখন যদি চলে যায় বাইরের, তার সওয়ার সৈনিকেরা কেউ সন্দেহই করতে পারবে না যে ভয় পেয়ে সে পালিয়ে এসেছে।

শুধু ফেলিপিলিও থাকবে একমাত্র সাক্ষী! কিন্তু ফেলিপিলিও নিজেই কি হয়েছে ভালো করে মনে করতে পারবে কি? তাছাড়া নিজের ভয়ের লজ্জা ঢাকতেই তাকে নীরব থাকতে হবে।

পিছু ছুটে পালাবার জন্তে পেছনে পা বাড়াতে গিয়ে একটা কথাই সোরাবিয়া এই আতঙ্কের মধ্যেও ভুলতে পারে না। এরকম ভাবে পালালে একটা আফসোসই তার থেকে যাবে। অহুচর সেপাইদের কাছে কৈফিয়তটাও খুব জোরদার হবে না যদি একেবারে শুধু হাতে সে ফেরে!

দৈববাণী খেমে গিয়েছে। শুধু ওই সোনার সিংহাসনটা টেনে নিয়ে গেলেই ত হয়!

বলমল পোশাকে যে মড়াটা ওর ওপর বসানো আছে সেটাকে শুধু একটু সরাতে হয় এই যা।

মড়াটাকে খুব তাচ্ছিল্য এখন আর অবশ্য করতে পারে না। যে ভুতুড়ে শাসানিটা সে এই মাত্র শুনেছে সেটা ত ওই সাজানো লাশটা যার সেই কোন মরা ইংকার প্রেতের গলা থেকেই বেরিয়েছে বলে ধরতে হয়। এ প্রেত-প্রাসাদ ত তারই। এ প্রাসাদ অপবিত্র করার বিরুদ্ধে অভিশাপের ভয় সেই দেখাতে পারে।

বুকটা সোরাবিয়ার বেশ কেঁপে ওঠে। তবু সোনার লোভে মরিয়া হয়ে একবার শেষ চেষ্টা করবার জন্তে নিজেকে সে জোর করে শক্ত করে রাখে।

সিংহাসনটা টেনে নিয়ে যাবার জন্ত মড়াটাকে তার ওপর থেকে ফেলে দিতে হবে। মড়াটাকে তার জন্তে হাত দিয়ে ছোঁবার দরকারই বা কি?

তলোয়ারের খোঁচাতেই সেটাকে সিংহাসন থেকে নামিয়ে দিলেই ত হয়।

অভিশাপের ভয়? একবার এই ভুতুড়ে গুহা থেকে বার হতে পারলে আর কোন অভিশাপ তাকে স্পর্শ করতে পারবে কি?

সঙ্গে হেরাদাই ত আছে তাদের পুরুত! তার কাছে গিয়ে একবার ক্রুশ ছুঁয়ে নিজের জন্তে কিছু মানত করলে এ অভিশাপ কেটে যেতে কতক্ষণ!

যা করবার তাড়াড়াড়ি করে ফেলতে হবে শুধু।

তলোয়ারটা খাপ থেকে খুলে বাগিয়ে ধরে সোরাবিয়া এগিয়ে যায় সিংহাসনে বসানো মড়াটার দিকে।

তলোয়ারটা বাড়িয়ে সেটাকে খোঁচানো কিন্তু আর হয়ে ওঠে না।

খবরদার!

একটা তীক্ষ্ণ ক্রুদ্ধ হুকুম শুনে তাকে থমকে যেতে হয়।

না, এবার অশরীরী ভৌতিক প্রায়-চুপি-চুপি-বলা কোনো সাবধান-বাণী নয়, স্পষ্ট, ক্রুদ্ধ-বর্ণের জোরালো উচ্চারণ।

কণ্ঠটা আর কারুর নয়, ফেলিপিলিওর।

তার সে ভয়ে বিবর্ণ চেহার। এখনো বদলায় নি, কিন্তু অসাড় আচ্ছন্নতার জায়গায় তার তুচোখে একটা অস্বাভাবিক আগুন যেন জ্বলছে।

এ প্রেত-প্রাসাদের যিনি অধীশ্বর তাঁর নিষেধ-বাণী নিজের কানে শোনবার পর এত কালের ফেলিপিলিও সে বুঝি আর নেই!

নিজেকে সে জাতির কুলাঙ্কার বলেই জানে। এই এসপানিওলদের কাছেই নিজেকে বিকিয়ে সে এদের গোলাম হয়ে গেছে একথা মিথ্যা নয়। তাছাড়া মাকুঁইস কেন, যে কোনো এসপানিওল অসিযোঙ্কার সঙ্গেই যোঝবার মত শিক্ষা কি শক্তি তার নেই। তবু ঘৃণ্য নীচ বিদেশীর হাতে এ পবিত্র প্রেত-প্রাসাদের অপমানের বিরুদ্ধে তাকে দাঁড়াতেই হবে। বিশেষ করে ইংকা-শ্রেষ্ঠ স্বয়ং হুয়াইনা কাপাক-এর মৃতদেহ তলোয়ার দিয়ে এই বিদেশী পাষণ্ড তার চোখের সামনে খোঁচাবে এ সহ করা তার পক্ষে অসম্ভব।

তাদের জাতির তাদের ধর্মের সে-ই এখানে একমাত্র প্রতিনিধি। সে প্রতিনিধিত্বের মর্যাদা সে রাখবে।

সোরাবিয়া ফেলিপিলিওর চিংকারে প্রথমটা হকচকিয়ে গিয়েছে। এমনিতেই তার মনের তখন বেশ একটু অস্বাভাবিক অবস্থা, তার ওপর এই তীক্ষ্ণ কণ্ঠের খবরদার আওয়াজটা তার ভেতরটা পর্যন্ত কাঁপিয়ে দিয়েছে অদম্য আতঙ্কে।

প্রথম ধমকে যাওয়ার পরে ফিরে তাকিয়ে সে আওয়াজের উৎসটা বুঝতে পারে। আর কেউ নয় ফেলিপিলিওই তাকে এ ধমক দিয়েছে এটা উপলব্ধির পর কয়েক মুহূর্ত আতঙ্কটা বিমূঢ় বিশ্বাস হয়ে তাকে বিহ্বল করে রাখে। তারপর সেই বিহ্বলতাটা বোমার বারুদের মত প্রচণ্ড রাগে ফেটে পড়ে।

এ প্রেত-প্রাসাদের বুকের ভেতর পর্যন্ত জমিয়ে দেওয়া হিমেল ভয়ের স্পর্শটাও যেন সে রাগের উত্তাপে খানিকক্ষণের জগ্রে আর টের পাওয়া যায় না।

হিংস্রভাবে দাঁত খিঁচিয়ে উঠে সোরাবিয়া জিজ্ঞাসা করে,—তুই? তোর গলার আওয়াজ সুনলাম? তুই হাঁকলি খবরদার!

হ্যাঁ, আমিই হাঁকলাম।—ফেলিপিলিওর গলা এখন আর তীক্ষ্ণ তীব্র নয়। এ প্রতিবাদের পরিণাম জেনে সে শাস্ত দৃঢ় স্বরে বলে,—আগেই আপনাকে মানা করেছিলাম মাকুঁইস। তা সত্ত্বেও জোর করে আমায় এখানে এনে ভালো করেন নি। এ পবিত্র প্রেত-প্রাসাদের রক্ষীরা এখন নেই। কিন্তু আমি আছি।

এখানকার অগ্নিনিহিত সোনা-রূপোর দামী জিনিসের মধ্যে দু-চারটে নিতে চান ত
নিন। আমি আপত্তি করব না। কিন্তু ইংকা-শ্রেষ্ঠ হয়ইনা কাপাকের পবিত্র
শব্দেহ স্পর্শ করতে বা তাঁর সিংহাসন এখান থেকে সরিয়ে নিয়ে যেতে আপনি
পারবেন না। অস্তুতঃ আমার মৃতদেহ না মাড়িয়ে নয়।

তোর মৃতদেহ না মাড়িয়ে?—ফেলিপিলিওর কথাগুলো শুনতে শুনতে
সোরাবিয়ার মুখে রাগের বদলে একটা ক্রুর পৈশাচিক হাসি এবার দেখা যায়।
বেশ চিবিয়ে চিবিয়ে সে বলে,—পাপোষ হবার তোর এত সখ তা আগে
জানালেই পারতিন। যাক এখন জানিয়েও ভালো করেছিল। তোর সখ আর
আমার সাধ এক সঙ্গেই মিটিয়ে ফেলি আর।

সোরাবিয়া বাদর নাচাবার মত অবজ্ঞার ভঙ্গীতে তলোয়ারটা নাড়ে
ফেলিপিলিওর মুখের কাছে।

ফেলিপিলিও সরে যায় কিন্তু ভয় পায় না। চরম নিয়তির জগ্গে প্রস্তুত
হয়েই সে মরণপণ করে মার্কুইসকে আক্রমণই করে।

তার আক্রমণে বেপরোয়া সাহসই আছে, কিন্তু তাতে নেহাত অক্ষম অজ্ঞ
আনাড়ির আড়ষ্টতা নিতান্ত স্পষ্ট। সোরাবিয়ার হিংস্র কৌতুক তাতে আরো
তীব্র হয়।

এক আঘাতে একোড়-ওকোড় নয়, একটু একটু করে ফেলিপিলিওর গায়ে
এখানে ওখানে তলোয়ারের ভগা বিধিয়ে রক্তপাত করে সোরাবিয়া তাকে ধীরে
ধীরে মারবার নির্মম আনন্দটাই উপভোগ করে।

হঠাৎ আবার সেই অশরীরী ধ্বনি!—এখনো ক্ষান্ত হও সোরাবিয়া। অক্ষম
দুর্বলকে মৃত্যুযন্ত্রণা দিয়ে আনন্দ পাওয়ার দ্বিগুণ দাম তাহলে তোমায় দিতে হবে।
এখনো বলছি এ প্রেত-প্রাসাদ, ছেড়ে চলে যাও। জেনে রাখো ফেলিপিলিও
আমার আশ্রিত—

সোরাবিয়ার বুকের ভেতরটা হিম হয়ে যায় ভয়ে বিহ্বলতায়। কিন্তু চরম
আতঙ্কই তাকে যেন একটা উদ্ধত উন্নততা এনে দেয় তার ভেতরে।

হিংস্রভাবে পাগলের মত হেসে উঠে সে বলে,—ভূত-প্রেত-দানব কে তুই
জানি না। সাহস যদি থাকে তাহলে সামনে আর। তোর আশ্রিত থাকে
বলছিল তোর সামনেই তাকে হত্যা করছি দেখ।

সোরাবিয়া নিপুণ অসিষোদ্ধার কৌশলে ডান পা একটু মুড়ে সামনে বাড়িয়ে
ফেলার সঙ্গে সঙ্গে প্রসারিত ডান হাতের তলোয়ারটা চক্ষের নিমেষে কাঁধ থেকে

সোজা সামনে চালিয়ে দেয়।

এখনকার 'ফেনসিং'-এর ভাষায় এটা একেবারে নিখুঁত 'লাজ'। এ মার-ঠেকাবার একমাত্র চাল হল সেই ভাষায় 'প্যারা অফ প্রাইম'।

ফেনসিং-এর এ সব নামই সে যুগে বানানো হয়নি। তবে কৌশলগুলো একেবারে অজানা ছিল না। নাম না জেনেই সোরাবিয়া তলোয়ারের যে চাল চলেছিল তা মোক্ষম।

ঠেকাবার পাণ্টা চাল জানা না থাকার বার্থ প্রতিবোধের চেষ্টায় সোরাবিয়ার সেই এক খোঁচাতেই ফেলিপিলিওর হৃদপিণ্ড এফোড়-ওফোড় হয়ে যাবার কথা।

কিন্তু তা হয় না।

হঠাৎ ঠিক চরম মুহূর্তে একটা ভারী জিনিস সোরাবিয়া আর ফেলিপিলিওকে ছাড়িয়ে একটু দূরে সশব্দে মেঝের ওপর গিয়ে পড়ে।

পড়বার আগে সোরাবিয়ার তলোয়ারের ডগাটা তাতে একটু নড়ে গিয়ে ফেলিপিলিওকে বাঁচিয়ে দিয়ে যায়।

সোরাবিয়া আর ফেলিপিলিও দুজনেই চমকে উঠে ঘাড় ঘুরিয়ে মেঝের ওপর সশব্দে গিয়ে পড়া বস্তুটা দেখে।

ব্রঞ্জের তৈরি একটা ভারী এদেশী রণ-কুঠার।

রণ-কুঠারটা কে কোন দিক থেকে ছুঁড়েছে আর বুঝতে বাঁকি থাকে না।

এ রণ-কুঠারটা খানিক আগে পর্বস্ত যার হাতে শোভিত দেখা গেছিল ইংকা নরেশ হুয়াইনা কাপাক-এর সেই রাজবেশে সাজানো শব্দমূর্তিকেই বীরে ধীরে এবার উঠে দাঁড়াতে দেখা যায়। মুখোশ ঢাকা তাঁর মুখ, সারা গায়ে সোনা-রূপো জড়োয়ার কাজে বলমল পোশাক আর হাতে একটা তলোয়ার।

কিন্তু সে ব্রঞ্জের তৈরি খাটো তলোয়ার ত এসপানিওলদের সরেস ইম্পাতে গড়া লম্বা অসিফলকের কাছে ছেলেখেলার জিনিস।

সোরাবিয়া প্রথমে নিজেকে সামলাতে না পেরে ভয়ে কয়েক পা পিছিয়ে গেলেও সেই কথাই ভাবে। আর ফেলিপিলিও আশঙ্কায় উৎকণ্ঠায় যেন নিশ্চল হয়ে গিয়ে একদৃষ্টে তাকিয়ে থাকে সেই মূর্তির দিকে।

ইংকা নরেশ হুয়াইনা কাপাক কি সত্যিই এবার জাগলেন? কিন্তু কি করবেন তিনি ওই সামান্য সেকলে অস্ত্র নিয়ে এই এসপানিওলদের বিরুদ্ধে, তাদের নিজেদের ধর্মের সবরকম পাপের অধীশ্বর স্বয়ং শয়তানই যাদের সহায়?

সত্যিই যদি জেগে-থাকেন তবু ইংকা শ্রেষ্ঠ হুয়াইনা কাপাক তাঁর সঞ্জীবিত

শবদেহে কিছুই যে করতে পারছেন না, ফেলিপিলিও সশক হতাশায় তা দেখতে পায়।

কেমন করেই বা করবেন!

হাতে তাঁর সামান্য একটা সেকলে দুর্বল অস্ত্র যা শাখারণ একটা ছোরার একটু দীর্ঘ সংস্করণ ছাড়া আর কিছু নয়। এ দীর্ঘ ছোরা আবার ব্রঞ্জের। তামা আর টিন মেশাবার অসামান্য কৌশলে এ ব্রঞ্জ পেরুর লোকেরা যত কঠিনই করে তুলে থাকুক, ইম্পাতের তলোয়ারের সঙ্গে তার কি তুলনা হয়!

তাও আবার ইওরোপের সেরা অস্ত্রের কাজ তখন যেখানে হয় স্পেনের সেই টলেডো শহরের বিখ্যাত কারিগরের তৈরী সেরা ইম্পাতের বেধবার ও কোপ দেবার সূচালো আর দুদিকে সমান ধারালো তলোয়ারের সঙ্গে।

এত কথা ফেলিপিলিওর জানা নেই। সেই মার্কুইস যে ক্রমশঃ জয়ী হচ্ছে তা বুঝতে তার দেয়ী হয়নি।

রাজবেশ পরা মৃতদেহকে সিংহাসন থেকে উঠে এগিয়ে আসতে দেখে প্রথমটা হকচকিয়ে গিয়ে সোরাবিয়া নিজের অজান্তেই কয়েক পা পিছিয়ে এসেছিল, তারপর তার ওপর সত্যি শয়তানই যেন ভর করেছে মনে হয়েছে। তার মুখটা হিংস্র দেখিয়েছে সেইরকমই।

এ হিংস্র উল্লাস অকারণে হঠাৎ তার মুখে ফুটে ওঠেনি। ভূত প্রেত বা-ই হোক, রাজবেশ-পর্যায় মড়াটা তাঁর সঙ্গে অস্ত্র নিয়েই যুঝতে আসছে এটুকু বুঝেই সোরাবিয়া তখন বৃক নতুন বল পেয়েছে।

আর অস্ত্রই বা কি! ব্রঞ্জের একটা খাটো তলোয়ার! ঠিকমত চালাতে পারলে তার তলোয়ারের এক ঘায়ে ও তলোয়ার ছুটুকরো হয়ে যাবে।

গেছেও প্রায় তাই।

সোরাবিয়া তলোয়ারের খেলায় ইওরোপের সেরা গুণীদের একজন। তাকে একবার একজন শুধু একটা বড় ছোরা নিয়েই বেশ একটু বেকায়দায় যে ফেলেছিল সোরাবিয়ার মনের গোপনে সে স্মৃতির জ্বালা এখনো অবশ্য আছে। কিন্তু আর যাই হোক সে ছোরাটা ছিল ইম্পাতের, আর তার নিজের দেশের এক বিশেষ দাস্ত-কাটা ধরনে তৈরী।

এ হুনকো ব্রঞ্জের হাতিয়ার সে ইম্পাতের ছোরার কাছে খেলনা মাত্র। আর দানোয় পাওয়াও যদি হয় তাহলেও এই জাগানো মড়া, তার স্ত্রী আনার পেয়ারের সেই গোলাম নয়।

সোরাবিয়া অকুতোভয়ে তার তলোয়ার চালিয়েছে। ছুটুকরো না হয়ে গেলেও সে মার ঠেকাতে গিয়ে ব্রঞ্জের খাটো তলোয়ারের একটা চোকলা তাতে উঠে গিয়েছে।

সোরাবিয়া নিজের অস্ত্র-প্রাধাত্যের এ স্ববিধেটুকু ষোলআনা কাজে লাগাতে ক্রটি করেনি। নির্মম অমোঘ নিয়তির মত সে একটু একটু করে কোণঠাসা করে এনেছে সে শবমূর্তিকে।

অস্ত্র-বিদ্যায় মৃত ইংকা নরেশ তেমন অপটু যে ছিলেন না তাঁর শবমূর্তির চালনা কৌশল দেখে ফেলিপিলিও তা ভালো করেই বুঝেছে। কিন্তু দীর্ঘতর অনেক জোরালো ও ভিন্ন জাতের ইস্পাতের অস্ত্রের কাছেই হার মানতে হয়েছে ব্রঞ্জের খাটো তলোয়ারকে।

মাঝে মাঝে অদ্ভুত ঘোরা-ফেরার কায়দায় কোনোরকমে মাকু ইসকে এড়িয়েও শেষ পর্যন্ত শবমূর্তি উঁচু বেদীর ওপর বসানো তাঁর সিংহাসনের পেছনেই আশ্রয় নিতে বাধ্য হয়েছেন।

এখান থেকে আর পেছিয়ে যাবার বা এপাশে-ওপাশে পালাবার কোনো উপায় নেই।

মাকু ইস-এর মুখের দিকে চেয়ে ফেলিপিলিও মনে মনে নিরুপায় হতাশ রাগে গুমরেছে। একটা ইঁদুরকে খাবার তলায় চেপে রেখে শেষ মারে নিকেশ করবার জন্তে বেড়ালের মুখে যা ফুটে ওঠে তার চেয়ে অনেক পৈশাচিক একটা হিংসার উল্লাস মাকু ইসের চোখ মুখে তখন জ্বলছে।

মাকু ইস জানে ইস্পাতের তলোয়ারের শুধু একটা কি ছুটো কোপ দেওয়ার অপেক্ষা। সে কোপ ঠেকাবার মত কোন কিছু ওই ভুতুড়ে মূর্তির হাতে বা ধারে কাছে নেই। তার ভুতুড়ে ক্ষমতার পরিচয় ত এখনো পর্যন্ত কিছু পায়নি। সোরাবিয়ার সাহস সেই জন্তেই এত বেশী। এ বাঁদীর বাচ্চাদের দেশের ভূতের জারিজুরীও তার মত ধনী সভ্য মানুষের কাছে খাটে না বলে তার তখন দৃঢ় বিশ্বাস হয়েছে।

শেষ কোপটা দেওয়া অবশ্য তখনই হয়নি। বাধা পড়েছে আচমকা।

হঠাৎ গুহামুখে বেশ একটু হট্টগোল শোনা গেছে।

সোরাবিয়া একটু অবাক হয়েছে সে গোলমালে। তার সওয়ার সেপাইরা ত ভয়েই কাঠ হয়ে ছিল এর আগে। তারাই শেষ পর্যন্ত ভীকৃতার লজ্জায় মরিয়া হয়ে তার সঙ্গে যোগ দিতে আসছে না কি ?

কোণঠাসা ভূতুড়ে মূর্তির ওপর কড়া নজর রেখে সোরাবিয়া গুহামুখে যারা ঢুকছে তাদেরও একটু লক্ষ্য করেছে।

সওয়ার সেপাইএর কয়েকজন প্রেতপ্রাসাদের দরজা দিয়ে ঢুকছে বটে, কিন্তু এ তো তার সূপে যারা এসেছিল তাদের কেউ নয়। কোরিকাঞ্চার রাতের আন্তানায় যাদের রেখে এসেছিল এরা ত তাদেরই ক'জন!

তাদের ভেতর থেকে হেরাদাকে এগিয়ে আসতে দেখে আরো অবাক হয়েছে।

হেরাদা উত্তেজিতভাবে সোরাবিয়ার কাছে এসে যা বলেছে তাতে অবশ্য রক্ষীদল নিয়ে হঠাৎ তার এই প্রেতপ্রাসাদে ছুটে আসার কারণটা আর অস্পষ্ট থাকেনি।

কারণটা সত্যিই যেমন অপ্রত্যাশিত তেমনি অবিশ্বাস্য! এদেশের রাজনীতি সম্বন্ধে বিশেষ কোন মাথা-ব্যথা সোরাবিয়ার নেই। তবু হেরাদা যা খবর জানিয়েছে তাতে তাকে বেশ একটু বিচলিত হ'তে হয়েছে।

চলুন এখনি ফিরে চলুন মাকু'ইস!—প্রথমেই অত্যন্ত উত্তেজিত অস্থিরতার সঙ্গে বলেছে হেরাদা!

কেন কি হয়েছে কী?—বিস্মিত উদ্বেগের সঙ্গে একটু বিরক্তি নিয়েই জিজ্ঞাসা করেছে সোরাবিয়া। আশ মিটিয়ে হাতের স্ব্থ করবার এমন একটা মুহূর্তে বাধা পড়ায় সে খুশি নয় তখন।

যা হয়েছে তাতে যত তাড়াতাড়ি সম্ভব আমাদের কাক্সামালকায় ফেরা দরকার।—প্রায় আদেশের স্বরেই যেন বলতে বাধ্য হয়েছে হেরাদা,—সেনাপতি পিজারোর কাছে খবরটা পৌঁছে দেবার দায়িত্বও আমাদের।

কিন্তু খবরটা কি সেটা ত এখনো জানতে পারলাম না।—সোরাবিয়া মাকু'ইস হিসেবে তার অর্ধেকটা একটু মেজাজ দেখিয়েই প্রকাশ করেছে।

উত্তেজিত অবস্থায় আসল কথাটা জানাতেই ভুল হয়ে গিয়েছিল বটে হেরাদার। সে ক্রটি সংশোধন করে হেরাদা এবার যা জানিয়েছে, তা খবর হিসেবে সত্যিই সাংঘাতিক।

রাজপুরোহিত ভিলিয়াক ভুমু সৌসা দুর্গে বন্দী আতাওয়ালপার বৈমান্ত্রের রাজভ্রাতা পরাজিত ভূতপূর্ব ইংকা হ্যাসকারকে হত্যা করিয়েছে।

হ্যাসকারকে হত্যা করিয়েছে রাজপুরোহিত!—এ রাজ্যের বেশী কিছু না জেনেই চমকে উঠেছে সোরাবিয়া।

চমকটা যে শুধু তার একার নয়, সজাগ থাকলে সোরাবিয়ার তা দৃষ্টি এড়াতে না।

ফেলিপিলিগুর দৃষ্টি তা এড়ায়নি। নিজের স্তব্ধ বিহ্বলতা নিয়েই শব্দমূর্তির দিকে সবিশ্বয়ে চেয়ে সে হেরাদার পরের ব্যাখ্যাটা শুনেছে।

হ্যাঁ,—হেরাদা গম্ভীর স্বরে জানিয়েছে,—সোঁসা থেকে এইমাত্র এক দূত এসে পৌঁছেছে এই ভয়ঙ্কর খবর নিয়ে! যে সওয়ারদের নিয়ে আপনি এখানে এসেছেন তাদেরই একজন বেশী নেশা করে বেগামাল হয়ে আপনার সঙ্গে এ-দলে যোগ দিতে পারেনি। তার কাছেই জায়গাটার হৃদিস নিয়ে আমি ছুটে আসছি। চলুন, আর দেবী করবার সময় নেই।

আছে!—একটু তিব্বত উদ্ধত স্বরেই বলেছে সোরাবিয়া,—এই দানোয় পাওয়া মড়াটাকে কয়েক টুকরো করে এ সোনার সিংহাসনটা টেনে নিয়ে যাবার মত সময় অসম্ভব আছে।

সোরাবিয়া তার তলোয়ারটা বাগিয়ে তুলতে গেছে শেষ কোঁপ দেবার জন্তে। কিন্তু ওই পর্যন্তই।

হঠাৎ সমস্ত গুহা একেবারে অন্ধকার হয়ে গেছে। অন্ধকার হয়ে গেছে দেওয়ালের ধারে ভূঁক্বারে বসানো মশালটার জ্বলন্ত মাথাটাই কাটা হয়ে মেঝের ওপর ঠিক পড়বার দরুন।

মশালের মাথাটা কেটে গেছে তীরবেগে ছোঁড়া অব্যর্থ একটা খাটো তলোয়ারের ঘায়ে। ইস্পাতের বদলে সামান্য ব্রঞ্জের তৈরী হলেও এ কাজটা তাতে নিপুণ ভাবেই হয়েছে।

পাথুরে মেঝের ওপর ছেতরে পড়ে মশালের মাথার আঙুনটা দুবার একটু ঘেঁষ খাবি খেয়েছে। তারপর একেবারে গেছে নিভে।

আর সকলের মত সোরাবিয়ার চোখ আপনা থেকেই ছিটকে পড়া মশালের মাথাটার সঙ্গে মেঝের ওপরই গিয়ে পড়েছিল। আঙুনটা সেখানে নিভে যাবার পর চোখ ফেরাতে গিয়ে সবদিক দিয়েই সে সত্যিকার অন্ধকার দেখেছে।

গুহার ভেতরে একেবারে কালি-ঢালা অন্ধকার। হেরাদার সঙ্গে যে ছুচারজন সেপাই ভেতরে এসে ঢুকেছিল তারা কেউ মশাল সঙ্গে আনেনি।

হঠাৎ এ অন্ধকারে সোরাবিয়া ও হেরাদার সঙ্গে তারাও চমকে হতভয় আর দিশেহারা হয়ে পড়েছে। নিজেদের কারুর গায়ে লাগতে পারে জেনেও

বেপরোয়া হয়ে সোরাবিয়া তলোয়ার চালিয়েছে সামনের দিকে। কিন্তু
বৃথাই।

এরই মধ্যে ফেলিপিলিও তার হাতে একটা হেঁচকা টান টের পেয়েছে। সেই
সঙ্গে কুইচুয়া ভাষায় একটা চাপা গলার আদেশ,—এসো। ভয় পেয়ো
না।

এ আওয়াজটা সোরাবিয়ার কানেও গেছে অস্পষ্টভাবে। কিন্তু আওয়াজ
লক্ষ্য করে যে তলোয়ার সে চালিয়েছে তাতে মশাল রাখবার রূপের ভূঙ্গারটাই
ঝনঝন শব্দে অন্ধকার গুহা কাঁপিয়ে যেন আর্তনাদ করে উঠেছে।

একটা আর্তনাদের মত শব্দ কয়েক মুহূর্ত বাদে গুহা মুখেও শোনা গেছে
সেখানকার বিশাল দরজাটা বন্ধ হয়ে যাওয়ার সঙ্গে সঙ্গে।

গুহা মুখের দরজা বন্ধ হল কেমন করে ?

কে করলে ?

সোরাবিয়া আর হেরাদা অন্ধকার প্রেত প্রাসাদকক্ষের চারিদিকে সাজানো
নানা মহামূল্য ঐশ্বর্যবিলাসের উপকরণের মধ্যে হেঁচট খেতে খেতে দরজার দিকে
ব্যাকুলভাবে ছোট্টবার চেষ্টা করেছে। দরজার কাছাকাছি যারা ছিল সেই
সওয়ার-সৈনিকদের কোন একজনের বন্ধ দরজার ওপর ভীত করাঘাতের শব্দই
নিশানা হয়েছে আর সকলের।

প্রেতপ্রাসাদের বাইরেও তখন একটা হলস্থল বেঁধেছে। সোরাবিয়ার সঙ্গে
যারা আগে এসেছিল, তারা, হেরাদা ও তার রক্ষীদের হঠাৎ এমন করে এ
জায়গায় উপস্থিত হওয়ার উৎস্রক ও উত্তেজিত হয়ে ব্যাপারটা পরস্পরের মধ্যে
আলোচনা করছিল। হঠাৎ তাদের ভেতর দিয়ে একটা ঘূর্ণিঝড় যেন বয়ে
গিয়েছে।

নিজেদের মধ্যে তন্ময় হয়ে আলাপ করতে করতে প্রেতপ্রাসাদের দরজাটা
হঠাৎ সশব্দে বন্ধ হওয়াই তাদের চমকে সজাগ করে তুলেছিল। দরজা বন্ধের
সে শব্দের পরই কাছাকাছি খুঁটি পুঁতে বেঁধে রাখা তাদের ঘোড়াগুলো যেন ফেপে
গিয়েছে মনে হয়েছে। ঠিক নেকড়ের পালের সামনে পড়ার মত আতঙ্কের
ডাক ছেড়ে অস্থির হয়ে লাফলাফি করে তারা যেন দড়িদড়ার বাঁধন ছিঁড়েই সব
যেদিকে খুঁশি অন্ধকারে ছুটে পালিয়েছে।

সেদিকে খোঁজ নিতে যাবে কি, ওদিকে গুহামুখের দরজার ওপর তখন
আকল পরিত্রাহি ঘা পড়ছে ভেতর থেকে !

সেপাইদের ব্যাপারটা ভালো করে বুঝতেই বেশ কিছুটা সময় গেছে। সব গোল মেটাতে আরো অনেক বেশী।

গুহামুখের দরজার বাইরে থেকে দেওয়া হড়কো খুলে দিয়ে সোরাবিয়া ও হেরাদার সঙ্গে আটকপড়া সওয়ার সেপাইদের বার কববার পর ঘোড়াগুলোর খোঁজ পাওয়া সহজ হয়নি। খোঁজ করতে গিয়ে দেখা গেছে ঘোড়াগুলো নিজে থেকে দড়িদড়া ছেঁড়ে নি। খুঁটিতে বাঁধা তাদের দড়িগুলো সব কাটা।

এদিকে ওদিকে পালানো ঘোড়াগুলো প্রায় সবই শেষ পর্যন্ত উদ্ধার করা গেছে। যায়নি শুধু দুটো। মাকুঁ ইসরুপী সোরাবিয়া আর দলপতি হেরাদার সেরা ঘোড়া দুটোই একেবারে নিখোঁজ।

সে ঘোড়ায় চড়ে কারা যে পালিয়েছে তার হৃদয় পাওয়া গেছে। সোরাবিয়া আর হেরাদার সঙ্গে যারা এ প্রেতপ্রাসাদে এসেছিল তাদের মধ্যে শুধু ফেলিপিলিওর কোনো পাজা নেই। আর ছয়ানো কাপাক-এর শবদেহে পরানো রাজবেশটা প্রেতপ্রাসাদের বাইরে ঘোড়াগুলো যেখানে বাঁধা ছিল তারই কাছাকাছি ছেঁড়ে ফেলা খোলসের মত পড়ে আছে।

পালিয়ে যাওয়া সব ঘোড়া খুঁজে পেতে ধরে এনে জড় করতে রাত প্রায় শেষ হয়ে এসেছিল। ভোরের সেই আবছা আলোতেই হেলায় ফেলে-যাওয়া সোনা-রূপোর কাজে জমকালো রাজবেশটা দেখে সোরাবিয়ার হুঁচোখ দিয়ে যেন আশ্চর্য ঠিকরে বেরিয়েছে।

রাজবেশের খোলস ফেলে যাওয়ার রহস্য সে তার শয়তানী বুদ্ধিতে কিছু আঁচ করতে পেরেছে কী ?

বক্তিশ

মেঘ ছোঁয়া উত্তর পাহাড় চূড়ার রাজ্য তাভানতিনহুয়ু। তার ইতিহাসের চরম বিপর্যয়ের সঙ্গে যিনি জড়িত তাঁর কাহিনী ও দেশের জলপ্রপাতের মতই এবার মন্থর থেকে দ্রুত হয়ে মালভূমির উর্ধ্বলোক থেকে সবেগে সমতলে নেমে গিয়েছে।

প্রেতপ্রাসাদের সামনে বিমূঢ় অস্থির সওয়ার সৈনিকের দল যখন সোরাবিয়া আর হেরাদার নির্দেশে তাদের পলাতক ঘোড়ার সন্ধান করছে কোরিকাঙ্কায় সাময়িক ফৌজী আস্তানা হিসেবে দখল করা অতিথিশালায় তখন বেশ একটু সাড়া পড়ে গিয়েছে।

সাড়া পড়েছে ফেলিপিলিওর জন্তে। সে যেন হেরাদার কাছ থেকেই খবর পেয়ে তার হুকুমে সোসা থেকে হ্যাসকারের হত্যার খবর-আনা দূতের সঙ্গে দেখা করতে চেয়েছে। সঙ্গে আবার একজন কোরিকাঙ্কার ছোট মোহাস্তকেও আনতে ভোলে নি। হেরাদার তাকে এ কাজে পাঠান অবশ্য স্বাভাবিক বলেই মনে হয়েছে সকলের। দূত হিসেবে যে এসেছে সে প্রথম এখানে এলে তার কথা সম্পূর্ণ বুঝে বোঝাবার মত দোভাষী কাউকে ত পায়নি। কোন রকমে হ্যাসকার আর ভিলিয়াক ভম্বর নামগুলো বার বার উচ্চারণ করে মুক অভিনয়ে ব্যাপারটা বুঝিয়ে দিয়েছে।

এখন ফেলিপিলিও তার কাছে সমস্ত ব্যাপারটা ভাল করে জেনে নিতে পারবে। কোরিকাঙ্কার ছোট একজন মোহাস্তকে সঙ্গে নিয়ে এসেছে সে সেই উদ্দেশ্যে। সোসার কাছে রাজপুরোহিত ভিলিয়াক ভম্বর শব্দে প্রশ্ন করবার জন্তে একজনকে দরকার।

হেরাদা সোসার দূতের আনা খবর ভাসাভাসা ভাবে বুঝে ব্যস্ত হয়ে মাকুইস-এর খোঁজে প্রেতপ্রাসাদের উদ্দেশ্যে যাবার আগে তার অধীন যে সৈনিকের ওপর আস্তানার ভার দিয়ে গেছিল সে ফেলিপিলিও বা তার সঙ্গীকে সন্দেহ করবার কথা কল্পনাই করেনি। সন্দেহ করবার কোন কারণই অবশ্য তার ছিল না। এসপানিওল বাহিনীতে বিশেষভাবে সম্মানিত ও একান্ত

বিশ্বাসী দোভাষীর এরই মধ্যে কি গভীর রূপান্তর হয়েছে তা আর সে জানবে কেমন করে ?

অতটা নিশ্চিত বিশ্বাস না থাকলে সৌসার দূতকে ফেলিপিলিও ও তার সঙ্গীর সামনে এনে হাজির করবার পর একটা জিনিস অন্তত সে লক্ষ্য করত। চেষ্টা করা সত্ত্বেও ফেলিপিলিওর সঙ্গীর মুখে এক সন্দেহ বিস্ময় আনন্দ ভয় উত্তেজনার অস্থির অদম্য প্রকাশ তার দৃষ্টি তাহলে বোধহয় এড়াতে না।

ফেলিপিলিওর সঙ্গী যে কে তা বোধহয় আর বলবার দরকার নেই। কিন্তু সৌসার দূতকে দেখে তাঁর সহসা ভাবাবেগে অমন উদ্বেল হয়ে ওঠার কারণ কি ?

কারণ এই যে সৌসার দূত হয়ে যে এসেছে সে আর কেউ নয় কয়া, কাক্সামালকা থেকে সোনারবরদার হয়ে যেভাবে কুজকোতে এসেছিল সেইভাবে যেন সত্ত্ব কৈশোর-পার-হওয়া তরুণের ছদ্মবেশে রাজপুরোহিত ভিলিয়াক ভ্ৰমুর কবল থেকে পালিয়ে এসেছে কোনরকমে।

কিন্তু কেন তাকে পালিয়ে আসতে হয়েছে ? দূত হিসেবে যে নিদারূপ সংবাদ সে এনেছে তা কি সত্য ?

সমস্ত দিবরণই কয়ার কাছে তারপর শোনা গেছে। কিন্তু কোরিকাক্সার ফৌজী আস্তানায় নয়, কুজকো থেকে কাক্সামালকা যাবার পথে।

সে দুর্গম পার্বত্য পথে দুটি তেজীমান ঘোড়া সওয়ার নিয়ে ছুরন্ত বেগে তখন কাক্সামালকার দিকে ছুটে চলেছে! একটির ওপর সওয়ার হয়েছেন নারীবেশেই কয়া-কে নিয়ে গানাদো। আর একটি চালাচ্ছে ফেলিপিলিও।

প্রাণপণ বেগে ঘোড়া দুটিকে চালান হচ্ছে বটে তবু নেকড়ের পালের মত পেছনে ধাওয়া-করা সোরাবিয়া ও হেরাদার সওয়ার বাহিনীকে এড়িয়ে পালানো কি সম্ভব হবে ?

সোরাবিয়া ও হেরাদার সওয়ার দলের অস্থগরণে রওনা হতে একটু বিলম্ব অবশ্য হয়েছে। গানাদো ফেলিপিলিওকে নিয়ে বার হয়ে প্রেতপ্রাসাদের দরজা বাইরে থেকে বন্ধ করে দিয়েছিলেন। প্রথমত সে দরজা খোলাতে কিছু সময় গেছে, তার চেয়ে অনেক বেশী গেছে গানাদো আর ফেলিপিলিও যে সব ঘোড়ার বাঁধন কেটে ছেড়ে দিয়েছিলেন সেগুলি আবার খুঁজে আনতে।

সওয়ার দলের সকলকে জড় করে সোরাবিয়া হেরাদার সন্দেহ সেপাইদেরই দুটি ঘোড়ায় চড়ে আগের রাতের নিজেদের ফৌজী আস্তানায় যখন পৌঁছেছে তখন সকালের প্রথম আলো কোরিকাক্সার সূর্য-মন্দিরের মাথায় এসে লেগেছে।

সেখানে এসে খবর যা তারা পেয়েছে তা সত্যিই ক্ষেপিয়ে দেবার মত।

হেরাদা যার ওপর আস্তানার ভার দিয়ে গেছল সেই অধীন সেনানী ভয়ে কাঁপতে কাঁপতে জানিয়েছে যে, ফেলিপিলিকে অবিশ্বাস-করবার কথা সে ভাবতে পারেনি। হেরাদার হুকুম নিয়েই সে এসেছে মনে করে নিশ্চিত বিশ্বাসে তাকে আর তার সঙ্গীকে সোঁসার দূতের কাছে বিস্তারিত বিবরণ নেবার জ্ঞে ছেড়ে দিয়ে গেছে। তারপর ভোরবেলায় তাদের খোঁজ করতে এসে দেখেছে অতিথিশালায় তারা কেউ নেই। অস্থির হয়ে কুজকো শহরের চারিদিকে সে সন্ধান করিয়েছে তন্ন তন্ন করে। তাদের কোথাও পাওয়া যায় নি। শুধু ভীত দু'একজন কুজকোবাসীর মুক ইসারায় যা বোঝা গেছে তাতে সন্দেহ হয় দু'টি ঘোড়ায় চেপে কুজকো থেকে কাক্সামালকার পথেই তাদের তিনজনকে যেতে দেখা গেছে।

সোরাবিয়া জিজ্ঞাসাবাদ করে আর বুঝা সময় নষ্ট করে নি। তার প্রচণ্ড রাগ শুধু কয়েকটা কুংসিত গালাগাল আর হতভাগা সেনানীর গণ্ডে একটি বিরাশি সিক্কার চপেটাঘাতে প্রকাশ করে হেরাদাকে নিয়ে সেই মুহূর্তেই সে কাক্সামালকার পথে রওনা হয়েছিল সমস্ত দল নিয়ে।

পলাতক দল কয়েক দণ্ড আগে বার হতে পেরেছে ঠিকই। কিন্তু কতক্ষণ তারা এগিয়ে থাকতে পারবে। দুটি মাত্র ঘোড়া তাদের সম্বল। এসপানিওল রিসালার মত বাড়তি ঘোড়া তাদের সঙ্গে নেই। নেই সেপাই আর ঘোড়ার দানাপানির ব্যবস্থাও।

একটি ঘোড়ার সওয়ারী আবার তাদের দুজন।

যত তাড়াতাড়িই রওনা হয়ে প্রাণপণে ঘোড়া ছোটাক না কেন, কাক্সামালকা পৌছবার আগেই ধরা তারা পড়তে বাধ্য। এ পথের কোথাও কোনও ফ্যাকড়াও নেই যে তা দিয়ে পালাবার চেষ্টা করবে। কুজকো থেকে কাক্সামালকার নামার পাহাড়ী দুর্গম সঙ্কীর্ণ পথ ওই একটিই।

সোরাবিয়া আর হেরাদার অল্পমান সত্যিই নিভুল।

নিজের ঘোড়ার পিঠে কয়াকে নিয়ে ফেলিপিলিওর সঙ্গে যথাসাধ্য তাড়াতাড়ি কাক্সামালকার দিকে নামতে নামতে গানাদো নিজেই সে কথা ভাল করে বুঝেছেন। তাঁরা এসপানিওল রিসালার দুটি সেরা ঘোড়া পেয়েছেন ঠিকই। কিন্তু শুধু এই দুটি ঘোড়া নিয়ে সোরাবিয়ার এসপানিওল সওয়ার দলের সঙ্গে তাঁদের ব্যবধান বেশীক্ষণ বজায় রাখা যাবে না।

সোনারদার দলে যে তার সঙ্গী হয়েছিল সেই পাউল্লো টোপা থাকলে এই দুর্গম পাহাড়ী পথেও শুধু ইংকা বংশের লোকদের জানা গোপন লুকোবার জায়গার হৃদিস দিতে পারত। কিন্তু ফেলিপিলিও সামান্য একজন নাগরিক মাত্র, অভিজাত বংশেরও নয়। সে এসব আন্তানার কিছুই জানে না। কথাত্রয়ের চার দেয়ালের মধ্যে লালিতা স্বর্ষকুমারী হিসেবে কয়ার ত এসব কিছু জানবার সুযোগই হয় নি জীবনে।

পেছনে হিংস্র নেকড়ের পালের মত যারা আসছে তাদের হাতে ধরা পড়া অনিবার্য জেনেও গানাদো অবশ্য আত্মসমর্পণের জগ্গে প্রস্তুত হয় নি। তাঁর পিঠের সঙ্গে লগ্ন কয়ার-র কোমল দেহের মধুর উত্তাপ সমস্ত শিরায় শিরায় প্রবাহিত রক্তশ্রোতে অনুভব করে চরম হতাশার মধ্যেও আসন্ন ভয়ঙ্কর নিয়তি ঠেকাবার উপায়ের কথা ভেবেছেন।

ইতিমধ্যে কয়ার কাছে সৌসার নিদারুণ বিপর্যয়ের বৃত্তান্ত বিশদভাবে শুনেছেন। ঘোড়ার পিঠে তাঁকে দু বাহতে বেঁধে রাখা করে পিছনে বসে 'কয়া' তাঁর কানের কাছে মুখ রেখে সে বিবরণ শুনিয়েছে।

রাজপুরোহিত ভিলিয়াক ভূমু প্রথমে ছয়সকারকে কয়ার বিরুদ্ধে সন্দিক্ত ও বিরূপ করে তোলবার চেষ্টা করেন। কোরাকেছুর দুটি পালক আর ইংকানরেশের উষ্ণীষের রক্তিম ল্যাণ্টুর টুকরোটুকুর দরুন সে চেষ্টা বিফল হবার পর তিনি যে অমন পৈশাচিক চক্রান্ত করবেন কয়া তা ভাবতে পারে নি। যে সন্ধ্যায় ভিলিয়াক ভূমুর সামনে ছয়সকারকে তার অভিজ্ঞান দেখিয়ে সে নিজের বিশ্বস্ততার প্রমাণ দেয় তার পরের দিন ভোর না হতেই সে আবার গিয়েছিল ছয়সকারের বিশ্বামকক্ষে তাঁর সঙ্গে সাক্ষাতের জন্তে। গানাদোর শিখিয়ে দেওয়া কয়েকটি কথা গোপনে ছয়সকারকে তার বলার ছিল।

ছয়সকার তখনও তাঁর কারা নিবাসেই আছেন। তাঁর কক্ষদ্বারে কোন প্রহরী কিন্তু নেই। আত্মছয়ালপার নির্দেশে রাজপুরোহিতকে বাধ্য হয়ে যে ছয়সকারকে মুক্তি দিতে হয়েছে এইটিই তার একটি নিদর্শন মনে হয়েছে কয়ার। নিশ্চিত মনে ভেতরে গিয়ে চোকবার পর তাই সে স্তম্ভিত বিহ্বল হয়েছে অত বেশী। বিশ্বামকক্ষের দরজাতেই ছয়সকারের রক্তাক্ত মৃতদেহ তার চোখে পড়েছে। পিঠের দিকে বেঁধানো ছুরিসমেত ছয়সকারের মৃতদেহ যেভাবে সেখানে পড়ে আছে তাতে একবার দেখলেই বোঝা যায় যে, ছয়সকার অসঙ্কিণ্ডভাবে বিশ্বাসযোগ্য কারুর সঙ্গে আলাপ সেরে বিদায় নেবার

সময়ই পৃষ্ঠে এ ছুরিকাঘাত পেয়েছেন।

কয়া সরল অনভিজ্ঞ হলেও নির্বোধ নয়। তীক্ষ্ণ সহজ বুদ্ধিতে সে পৈশাচিক চক্রান্তটা অনুমান করতে পেরেছে হুয়াসকারকে এভাবে নিহত অবস্থায় আবিষ্কার করা মানে সমস্ত অপরাধ নিজের ওপর নেওয়া। সে যত তাড়াতাড়ি সম্ভব হুয়াসকারের সঙ্গে পরামর্শ করতে আসবে জেনেই বোধহয় রাজপুরোহিত আগের রাত্রে এ ফাঁদ পেতেছিলেন। বিশেষ প্রয়োজনে একলা দেখা করবার ছুতোয় এসে গভীর রাত্রে ভিলিয়াক ভূমি বিদায় দেবার সময় পিছু ফেরার পর হুয়াসকারকে কাপুরুষের মত হত্যা করেছেন এ বিষয়ে আর কোন সন্দেহ নেই। তারপর কয়াকেই এ হত্যার জন্তে দায়ী করার ব্যবস্থা করেছেন। এক টিলে তাতে দু'পাখি মারবার স্মৃতিধে হয়েছে। পথের কাঁটা হিসেবে হুয়াসকার দূর হয়েছে নিহত হয়ে, আর আতাহুয়ালপারও সর্বনাশের আয়োজন হয়েছে তিনিই দূতী পাঠিয়ে এ কাজ করিয়েছেন বলে প্রমাণের ব্যবস্থা করে।

কয়া একটু বেশী ভোরে আসার দরুনই বোধহয় হাতে হাতে ধরা পড়ার ব্যবস্থাটা এড়াতে পেরেছে। রাজপুরোহিত তাঁর সাজানো ভূমিকাটা নিতে আসার জন্তে তখন বোধহয় তৈরী হচ্ছেন।

আর এক মুহূর্ত সেখানে অপেক্ষা করেনি কয়া। শুধু নারীবেশের বদলে সোনাবরদার হিসেবে যে সাজে এসেছিল তাই পরে সে গুপ্ত গিরিপথে কুজকোতে রওনা হয়েছে। অমূল্য অভিজ্ঞান, কোরাকেসুর পালক আর ল্যান্টুর টুকরোর দরুন সে পথে কোথাও কোন বাধা তাকে পেতে হয় নি।

কুজকো-তে এসে পৌছোবার পর আর একবার কিন্তু কয়াকে দিশাহারা হতে হয়েছে।

কুজকো শহরে এসপানিওল রিসালার উপস্থিতি তার কাছে স্বপ্নাতীত ঘটনা। এ শহরে কেমন করে কোথায় সে গানাদোর সন্ধান করবে! বিদেশী পাষণ্ডদের ভয়ে দেশের মানুষ যেন মাটির তলায় গর্ত খুঁড়ে লুকিয়েছে। কোরাকেসুর পালকের এখানে কোন দাম নেই।

শেষ পর্যন্ত সোঁগার দূত সেজে এসপানিওলদের মধ্যেই গিয়ে আশ্রয় নেবার ছল তার মাথায় যে এসেছে সেটা তার বুদ্ধির বাহাদুরী বলতে হয়। এসপানিওল সেপাইদের হাতে প্রায় ধরা পড়তে পড়তে নিজেকে বাঁচাবার জন্তে এ ফন্দি তাকে অবশ্য ভাবতে হয়েছিল। এই ফন্দিতে সত্যি সত্যি সেই রাত্রেই গানাদোর দেখা পাওয়ার ও তার সঙ্গেই পালাবার সুযোগ মেলার মত অঘটন

ঘটবার আশা অবশ্য সে করেনি।

ফেলিপিলিওর সঙ্গে কোরিকাঙ্কার একজন ছোট মোহান্ত সঙ্গে হুয়াসকারের হত্যার খবর নিতে এসপানিওল সওয়ারদের শিবিরে এসে দূত হিসেবে কয়াকে দেখেই গানাদো আর সেখানে সময় নষ্ট করা উচিত মনে করেন নি। হেরাদার প্রতিনিধির মাথায় তাঁদের ওপর পাহারা রাখবার কল্পনাই ছিল না। সেই স্বযোগ নিয়ে তৎক্ষণাৎ তিনি ফেলিপিলিও আর কয়াকে নিয়ে তাঁদের দখল করা ঘোড়ায় চড়ে রওনা হয়েছেন। সুস্পষ্ট কোনো পরিকল্পনা তখন তাঁর মাথায় ছিল না। কুজকো শহর আর এক মুহূর্তও তাঁদের পক্ষে নিরাপদ নয় বুঝে যত দূরে সম্ভব তা থেকে চলে যেতেই শুধু চেয়েছেন।

প্রায় অর্ধেক রাত সমানে ঘোড়া চালিয়ে কুজকো থেকে বেশ কিছু দূরে যে আসতে পেরেছেন সে বিষয়ে সন্দেহ নেই। তা সত্ত্বেও ক্রমশই তাঁর মনে হয়েছে যে কুজকো শহরেই লুকিয়ে থাকবার চেষ্টা করলে যা হত তার চেয়ে বেশী বিপজ্জনকই হয়ে উঠেছে তাঁদের অবস্থা। তাঁদের ঘোড়া ছুটি ক্রমশ ক্লান্ত হয়ে আসছে। পথে তেঁরা মেটাবার জল একেবারে দুস্ত্রাপ্য না হলেও খাত পাবার কোনো আশাই নেই। মাহুয় যদি বা উপবাসী হয়ে দীর্ঘকাল যুঝতে পারে, ঘোড়ার মত প্রাণীর পক্ষে খাবার না পেলে এই দুর্গম পার্বত্য পথে বেশীদূর সওয়ার বয়ে ছোটো অসম্ভব। ক্রমশই তাদের গতি মন্ডর হতে হতে শেষ পর্বন্ত তারা ভেঙে পড়বেই।

রাত কেটে গিয়ে কিছুটা বেলা বাড়বার পর এক জায়গায় বাধা হয়েই গানাদোকে ফেলিপিলিওর সঙ্গে তাঁদের ঘোড়া রুখতে হয়েছে তাদের একটু বিশ্রাম করতে দেওয়ার জন্তে। রাস্তার ধারে ফেলিপিলিওকে ঘোড়ার পাহারায় রেখে কয়াকে নিয়ে গানাদো কাছের একটা পাহাড় চূড়ায় গিয়ে উঠেছেন। এ শিখরদেশ থেকে কুজকো ও কাক্সামালকার যোগাযোগের আঁকাবাঁকা পার্বত্য পথ সামনে পেছনে অনেকখানি দেখা যায়।

দূরবীণ তাঁদের ছিল না। তখনও পর্বন্ত দূরবীণ যন্ত্র উদ্ভাবিতই হয়নি। কিন্তু খালি চোখে সামান্য যেটুকু দেখতে পেয়েছেন তাতেই গানাদোর মুখে হতাশার হাসি ফুটে উঠেছে।

কয়র দিকে ফিরে মুখে সেই হাসি নিয়েই বলেছেন, আর ঘোড়াগুলোর সঙ্গে নিজেদের হস্তরান করে কোনো লাভ নেই কয়া। এখানে এই চূড়ার ওপর বসে থাকলেও যা হবে ঘোড়া ছুটিয়ে পালাবার চেষ্টা করলেও তাই।

কম্বার দৃষ্টিশক্তি গানাদোর চেয়েও বৃষ্টি তীক্ষ্ণ। সৰু একটা ফিতের মত খাড়া সব পাহাড়চূড়াকে যেন কোন মতে জড়িয়ে কুজকো থেকে যে পার্বত্য পথ ঘুরে ঘুরে নেমে এসেছে তার বহুদূরের একটা বাঁকে একরাশ পিঁপড়ের মত এসপানিওল সওয়ার সৈনিকদের সে ভালোভাবেই তখন দেখতে পেয়েছে। সে সওয়ার দলের তাদের কাছে পৌঁছোতে অবশ্য তখনও অনেক দেরী। কিন্তু নিজেরা তৎক্ষণাত্ রওনা হয়েও সে বিলম্বটা আর একটু বাড়ানো যাবে মাত্র। তার বেশী কিছু নয়। কাক্সামালকায় পৌঁছোলেই যে তারা নিরাপদ তা মোটেই নয়। তবু সেখানে পৰ্বন্ত পৌঁছোন তাদের হবে না। তার অনেক আগেই এসপানিওল রিসালার কাছে তাদের ধরা পড়তে হবেই।

ম্লান একটু হেসে সেই কথাই বলেছে কয়া,—সত্যি, কোথায় ধরা দেব, এখানে, না আরো দূরে কোথাও, শুধু এইটুকুই এখন আমরা বেছে নিতে পারি।

হ্যাঁ,—গানাদোর স্বর এই প্রথম যেন বড় বেশী ক্লান্ত শুনিয়েছে, আমাদের ধরে ফেলতে ওদের খুব কষ্টও করতে হবে না। কারণ পথ এই একটাই, আর আমরা বাদে তাতে আর কোনো যাত্রীও নেই।

কথাগুলো বলতে বলতে গানাদোর চোখে হঠাৎ যে ঝিলিকটা দেখা গেছে সেটা কি অমোঘ নিয়তির বিরুদ্ধে অসহায় নিফল আক্রোশের ?

তেতত্রিশ

হেরাদা ও সোরাবিয়ার তাড়নায় তাদের সওয়ার দল অহুসরণে টিলে দেয় নি। অক্লান্তভাবে চালিয়ে যথাসময়ের আগেই তারা কাক্‌গামালকায় পৌঁছেছে।

কিন্তু কোথায় তাদের শিকার ?

গানাদো ফেলিপিলিও কি কয়। কাক্‌র সন্ধানই তারা পায় নি। পেয়েছে অবশ্য তাদের ঘোড়া দুটোর। পাহাড়ী সড়কের এক জায়গায় একটা অত্যন্ত খাড়াই পায়ে-হাঁটা পথের ধারের ছোট একটা কয়েক ঘর বসতির গাঁয়ের সামনে ঘোড়া দুটো ছাড়া অবস্থায় পাওয়া গেছে।

কখন কারা ঘোড়া দুটোকে অমন জায়গায় ছেড়ে গেছে তার কোন হৃদিস মেলে নি। হৃদিস দেবে কে ! গাঁয়ে একটা মানুষ আছে যে তার কাছে খোঁজ মিলবে !

কোথায় গেল গাঁয়ের মানুষ ? একটা নয় দুটো নয় পর পর কয়েকটা এমনি খাঁ খাঁ গাঁ আর বসতি পার হওয়ার পর গাঁয়ে মানুষ না থাকার মনেটা বোঝা গেছে।

গাঁয়ে মানুষ পাওয়া যাবে কেমন করে ? সব মানুষ ত সেই পাহাড়ী রাস্তায় ! নারী-পুরুষ ছেলে মেয়ে বুড়ো বড়ী সব যেন আঙুন-লাগা গাঁ থেকে হুড়মুড় করে ছুটে পালাচ্ছে নিচের দিকে।

এই একটা নতুন ঝামেলা মাঝ রাস্তা থেকে এসপানিওল দলকে পোহাতে হয়েছে বটে।

কুজকো থেকে মাঝরাস্তা পর্বন্ত আসার কোনো অহুবিধেই হয় নি। পাহাড়ী সড়ক একদম ফাঁকা। একটা আধটা এদেশী পথিক যদি বা সে পথে তখন চলে থাকে তারাও সওয়ার বাহিনীর ঘোড়ার পায়ের আওয়াজ পেয়ে যেখানে পেরেছে লুকিয়েছে। চোখে আর তাদের দেখা যায় নি।

এখন কিন্তু এসপানিওলদের সম্বন্ধেও ভয়ভর যেন তাদের নেই। কিংরা সওয়ার বাহিনীর চেয়ে আরো ভয়ংকর কিছুকে এড়াবার জন্তে তারা যেন মরিয়া

হয়ে ছুটে পালাচ্ছে। দূর থেকে শুধু আওয়াজ পেলে যারা ত্রিসীমানায় ঘেঁষত না তাদের ভিড় ঠেলে সওয়ার বাহিনীর বোড়া চালানোই দায় হয়ে উঠেছে।

এত ভয়টা তাদের কিসের ?

সত্যি কোনো গ্রামে কোথাও আগুন ত লাগে নি। এ অঞ্চলে যা সবচেয়ে আতঙ্কের সেই ভূমিকম্প বা পাহাড়ের ধস নামারও কোনো চিহ্ন কোথাও নেই।

ফেলিপিলিও ছেড়ে যাবার পর সোরাবিয়া আর হেরাদার বাহিনীতে দোভাবী কেউ নেই। দু' চারজন সেপাই এ অভিয়ানে এসে সামান্য দুচারটে এদেশী শব্দ শিখেছে মাত্র।

কাতারে কাতারে যারা নামছে এ দেশের সেই গ্রামাঞ্চলের লোকদের কাছে জিজ্ঞাসাপত্র করে কিছুই তাই ভালো করে বোঝা যায় নি।

তারা শুধু শভয়ে কুজকোর দিকে আঙুল নেড়ে কি যেন বলেছে! যা বলেছে তার মধ্যে রেইমি কথাটা শুধু বার বার উচ্চারণের জন্তে কানে লেগেছে! তাতে এইটুকু বোঝা গেছে যে কুজকো শহরে রেইমি উৎসব সংক্রান্ত কোনো একটা ব্যাপার তাদের কাছে বিভীষিকা। সেই জন্তেই তারা সমস্ত পার্বত্য রাজ্যই ছেড়ে যত দূরে সম্ভব পালাবার চেষ্টা করছে।

এসপানিওল সওয়ার দল কাক্সামালকায় দিকে যত অগ্রসর হয়েছে সঙ্গীর্ণ পার্বত্য পথে এই শঙ্কিত পলাতক আবালবৃদ্ধ-বনিতার ভিড় তত বেড়ে উঠেছে। চারিদিকের গ্রামাঞ্চল থেকে বহুদূরায় নেমে এসে মূল জনশ্রোতে যুক্ত হয়ে তারা যেন সমতলের দিকে মানুষের ঢল সৃষ্টি করেছে।

মারধর, ধমক, হুমকিতে কোনো ফল হয় নি। যা তাদের ভিটেমাটি সব কিছু ছাড়িয়ে দিশাহারা করে ছোটাচ্ছে সে তাড়না এসপানিওলদের সম্বন্ধে আতঙ্কের চেয়ে অনেক বেশী প্রবল।

সে তাড়না যে কিসের তা কাক্সামালকায় পৌছোবার পর কিছুটা জানা গেছে, কিন্তু তার আগে সোরাবিয়া ও হেরাদার কুজকো থেকে সারা পথ ধাওয়া করে আসার সমস্ত উদ্দেশ্যই পণ হয়ে গেছে তাইতে।

জনতার এই বন্ধ্যাস্রোতের মধ্যে কোথায় খোঁজ করবে গানাদো আর তার সঙ্গীদের? একেবারে হাতের মুঠো থেকে হঠাৎ তারা পিছলে পালিয়েছে অপ্রত্যাশিত এই দৈবহুর্বিপাকে।

কিন্তু ব্যাপারটা কি সত্যিই অমন দৈবাধীন?

কাক্সামালকায় কোনোরকমে গিয়ে পৌছে সোরাবিয়া এই আকস্মিক

জনবন্টার কারণ কিছুটা জানতে পেরেছেন। সংক্রামক মহামারীর মত কাক্‌গামালকার অধিবাসীদের মধ্যেও তখন এক দুর্বোধ বিভীষিকার ছোঁয়াচ লেগেছে। কুজকোর পথে যারা নেমে এসেছে তাদের সঙ্গে যোগ দিয়ে কাতারে কাতারে কাক্‌গামালকার অধিবাসীরাও সমতলের দিকে নামতে শুরু করেছে। ব্যাপারটা শেষ পর্যন্ত এসপানিওল সেনাপতি পিজারোকেও না ভাবিয়ে তুলে ছাড়ে নি। তাঁরই উদ্বিগ্ন অহুসঙ্কানের কলে এইটুকু জানা গেছে যে রেইমির উৎসব যা দিয়ে স্মৃতিত হয় উত্তরায়ণের সেই সূর্যবরণ অর্চনায় পেরুর ইতিহাসে এই প্রথম পণ্ড হওয়ার ঘটনা আকাশপতি পরম জ্যোতির্ময়ের চরম অভিশাপ বলে এ দেশের মানুষ তাদের অন্ধ কুসংস্কারে ধরে নিয়েছে। এ অভিশপ্ত কলুষিত উর্ধ্বলোক ছেড়ে তাই তারা ছুটে চলেছে সমতলের সমুদ্রতটে। সেখানে সমস্ত সৃষ্টির যিনি উৎস পাচাকামাক বা ভীরাকোচা নামে পূজিত সেই দেবাদিদেবের মন্দিরে তাভানতিনসুয়ুর শাপমুক্তির জন্তে তারা ধরনা দেবে। ভীরাকোচা যদি দয়া করেন তবেই সূর্যদেবের কোপ দূর হয়ে এ দেশ অভিশাপ মুক্ত হতে পারে। তা না হলে উক্ত ভূবারমৌলী গিরিশিখরে বেষ্টিত সূর্যদেবের পরমপ্রিয় এ দেশ ধ্বংস হয়ে সমুদ্রের জলে তলিয়ে যাবে।

সমতলের সমুদ্রতীরের দিকে আকস্মিক জনবন্টার এ ব্যাখ্যা পেয়ে পিজারো সন্তুষ্ট হতে পারেন নি। তিনি উদ্বিগ্ন ও বেশ একটু শঙ্কিতই হয়েছেন। সোরাবিয়া ও হেরাধার কাছে ছয়াসকারের হত্যার খবর তখন তিনি পেয়েছেন। হঠাৎ এ হত্যার কারণ কী হতে পারে তিনি ভেবে পান নি। পরামর্শ সভা ডেকেও তিনি বিফল হয়েছেন। নানা জনের কাছে সব কটি আকস্মিক ব্যাপারের নানা ব্যাখ্যা পাওয়া গেছে। ঘটনাক্রমের মধ্যে এ রাজ্যের নতুন কোনো অভ্যুত্থানের গভীর ষড়যন্ত্র আছে বলে সন্দেহ করেছে কেউ কেউ। পিজারোর নিজেরও সেরকম একটু সন্দেহ হয় নি এমন নয়। কিন্তু ছয়াসকারের অপ্রত্যাশিত হত্যার সঙ্গে অভিশপ্ত বলে দেশ ছেড়ে পালাবার এ উন্নততার সম্পর্ক কি হতে পারে? রেইমির উৎসব পণ্ড হওয়ার সঙ্গে সঙ্গে এ অভিশাপের আতঙ্ক কি আপনা থেকেই এ দেশের মানুষের মনে এমন দারুণ ও তীব্র হয়ে উঠেছে?

তা বোধহয় হয়নি।

ভালো করে খোঁজ নিলে পিজারো জানতে পারতেন যে, অভিশাপের যে আতঙ্ক দিশাহারা ভয়ানক পেরুবাসীর এ টল সাগরতীরের দিকে নামিয়েছে তার প্রথম উদ্ভব বেশ একটু বহুশ্রম।

কুজকো শহরে রেইমি উৎসব অনুষ্ঠান পশু হয়েছে। কিন্তু এ আতঙ্কের টেউ সেখান থেকে ত ওঠেনি। উঠেছে হঠাৎ কুজকো থেকে কাক্সামালকা নামবার পথে মাঝ রাস্তায়।

কুজকোর হুয়াইনা কাপাকের প্রেত-প্রাসাদের ধার থেকে চুরি-করে-আনা ঘোড়া দুটো যেখানে পাওয়া গেছে তার কাছাকাছি থেকেই যে অভিশাপের আতঙ্কটা প্রথম জাগতে শুরু করেছে এটুকু অস্তত সোরাবিয়া ও হেরাদারও খেয়াল করা উচিত ছিল।

ওই অঞ্চলের সকলকে ভয়ে দেশছাড়া করবার মত রটনাটা হঠাৎ ওইখানেই কেন প্রথম শোনা গেছে তা বোধহয় তাহলে সোরাবিয়ার পক্ষে জাঁচ করা খুব কঠিন হত না।

সোরাবিয়ার সে খেয়াল কিন্তু হয় নি। আতঙ্কবিহ্বল জনশ্রোতের দরুন গানাদোকে ধরার এতবড় সুযোগটা তার নষ্ট হয়েছে এইটাই তার মনের জালা। সে শ্রোত সৃষ্টিতে যে গানাদোর হাত থাকতে পারে তা সোরাবিয়া কল্পনাই করে নি।

হ্যাঁ সমস্ত ব্যাপারটার মূলে গানাদো-ই আছেন। সোরাবিয়ার হিংস্র অহুসরণকে ব্যর্থ করবার এই কৌশলই তাঁর হঠাৎ মাথায় এসেছে। এসেছে পাহাড়ের চূড়া থেকে অমোঘ নিয়তির মত সওয়ার বাহিনীকে আসতে দেখার পর কয়'র কাছে নিজেদের নিরুপায় অবস্থাটা বুঝিয়ে বলবার সময়।

নির্জন, পার্বত্য পথে তাঁরা ছাড়া আর কোনো রাহী নেই বলেই সোরাবিয়ার দলের পক্ষে তাঁদের ধরে ফেলা অনিবার্ণ তিনি হতাশভাবে বোঝাছিলেন। সেই হতাশার অঙ্ককারে হঠাৎ নিজের যুক্তি থেকেই আশার আলো তিনি দেখতে পান।

পার্বত্য পথ নির্জন বলেই তাঁদের ধরা পড়া অবশ্যস্বাভাবী। কিন্তু এ পথে যদি হঠাৎ জনশ্রোত বইতে শুরু করে?

এ অঘটন ঘটাবার উপায় কিন্তু শেষ পর্যন্ত ভেবে বার করেছেন গানাদো।

এসপানিওল বাহিনী তখনও কমপক্ষে এক বেলার পথ পিছিয়ে আছে। গানাদো তাঁদের ঘোড়া দুটিকে সেখানেই ছেড়ে দিয়ে কাছাকাছি প্রথম যে গ্রামাঞ্চল পেয়েছেন সেখানেই চলে গেছেন সাধারণ পেরুবাগীর সাজে।

তাঁর নিজের ও ফেলিপিলিওর দুজনের চেহারা পোশাক ঠিক গ্রামাঞ্চলের

মাহুঘের মত নয়। কিন্তু তাতে অস্ববিধের বদলে স্ববিধেই হয়েছে। কুজকোর সমৃদ্ধ সম্ভ্রান্ত ঘর থেকেই যেন তাঁরা আসছেন এইভাবে গানাদো গ্রামের মাহুঘের মধ্যে রেইমির উৎসব পণ্ড হওয়া ও হুয়াসকারের হত্যার ঘটনা বাড়িয়ে সমস্ত দেশ অভিশপ্ত হওয়ার রটনা শুরু করেছেন।

বিদেশী এসপানিওলরা এ পুণ্যভূমি তাদের পাশপার্শ্বে অপবিজ্ঞ করার পর থেকে যা যা ঘটেছে তাতে দেশের মাহুঘের মন এমনিতেই দাঙ্ হয়ে ছিল, রেইমি উৎসব পণ্ড হওয়ার সংবাদের সঙ্গে জড়িত হয়ে কুপিত সূর্যদেবের অভিশাপ শব্দে রটনায় তা দাঁউদাঁউ করে জলে উঠে চতুর্দিকে ছড়িয়ে পড়েছে।

আর্ত দিশাহারা মাহুঘের যে বস্ত্রাশ্রোত তারপর পাহাড়ের পথ দিয়ে নেমে গেছে তার মধ্যে গানাদোর ফেলিপিলিও আর করার সঙ্গে সম্পূর্ণ নিশ্চিহ্ন হয়ে নিজেদের মিশিয়ে দিতে কোনো অস্ববিধাই হয় নি।

কাক্সামালকা পর্যন্ত ত বটেই সেখান থেকে টাষেজ বন্দর অবধি পাচাকামাকের মন্দিরে ধরনা-দিতে-যাওয়া ব্যাকুল অস্থির তীর্থ-যাত্রীদের মধ্যে তাঁরা বেমালুম গা-ঢাকা দিয়ে থেকেছেন।

টাষেজ বন্দরে একটু বিপদ হ'তে পারত। কিন্তু গানাদো আর তার সঙ্গীদের পালাবার কৌশলটা তখনও সম্পূর্ণ অজ্ঞাত। কাক্সামালকা ছেড়ে যাবার পর পাচাকামাকের মন্দিরের পথে ভীত অস্থির যাত্রীদের ওপর তেমন নজর রাখা হয় নি। টাষেজ বন্দরে কোন পাহারাও ছিল না।

থাকলেও একটি মেয়ে আর একটি পুরুষ গোলাম নিয়ে পানামায় বেচতে যেতে কেউ বাধা পেত না বোধহয়। এরকম ক্রীতদাস ক্রীতদাসী তখন প্রতি জাহাজেই চালান হতে শুরু করেছে।

টাষেজ বন্দরের একটি জাহাজে এমনি এক ব্যবসায়ীর সঙ্গে এক জোড়া দাস-দাসী দেখা গেল।

কে এই ব্যবসাদার?

না, গানাদো নয়। এই ভূমিকাটা ফেলিপিলিওর ওপর চাপিয়ে দিয়ে, গানাদো করার সঙ্গে গরু ঘোড়ার মত বেচাকেনার গোলামই সেজেছেন।

ফেলিপিলিও তাতে আপত্তি করেছিল প্রবলভাবে। কিন্তু গানাদো হেসে তাকে বুঝিয়েছিলেন যে ফেলিপিলিও নিজে যাতে অনভ্যন্ত সেই ক্রীতদাসের ভূমিকাটা তাঁর কাছে নতুন নয়। এ ভূমিকায় তিনি পাকা, তাই তার দুঃখ কষ্ট যন্ত্রণার সঙ্গে ভালোয়কম পরিচয়ই তাঁর আছে।

এই সূত্রে নিজের অভিজ্ঞতার কথা বলতে গিয়ে এই সমুদ্রপথেই আগেকার একটি দুর্ভেদ্য রহস্যের তিনি নিজে থেকেই মীমাংসা করে দিয়েছিলেন।

এই অজানা পশ্চিম মহাসাগরে নাখোদা বার্থেলমিউ রুইজ দ্বিতীয় বার পিজারোর অভিযানের নৌ-সেনাপতি হয়ে এসে এ দেশের অদ্ভুত পালতোলা সমুদ্রগামী ভেলা থেকে দোভাষী হিসেবে একটি লোককে নিজের জাহাজে তুলে নেন। টাশ্বেজ বন্দরে ঘুরে পিজারো যে দ্বীপে ছিলেন সেখানে জাহাজ ভেড়াবার পর সেই দোভাষী আশ্চর্যভাবে হঠাৎ নিখোঁজ হয়ে যায়।

নিখোঁজ হবার কৌশলটা এবার প্রকাশ করে দিয়েছিলেন গানাদো। তিনি জাহাজ থেকে কোথাও পালিয়ে যান নি। কেউ তাঁর খোঁজ না পেলেও তিনি জাহাজের ভেতরেই ছিলেন। ছিলেন মরণাপন্ন রোগী সেজে মৃত একজন সৈনিকেরই বিছানায়। তখনকার দিনে জাহাজে অসুস্থ হয়ে পড়লে পরমাণু ফুরিয়ে এসেছে বলেই ধরে নিতে হত। গুরুতর অসুস্থ না হলে কেউ বিছানা নিত না, আর বিছানা নিলে তা থেকে ওঠবার আশা কেউ করত না। কারণ রোগীদের শুক্রবার কি চিকিৎসার কোনো ব্যবস্থাই ছিল না জাহাজে।

পিজারোকে যে দ্বীপ থেকে রুইজ তুলে নিতে গিয়েছিলেন সেখানে জাহাজ ভেড়াবার সময় দুজন নাবিক রুইজের জাহাজে অসুস্থ হয়ে পড়েছিল। নিজে থেকে তাদের একটু দেখা শোনা করতে গিয়ে গানাদো একজনকে মৃত অবস্থায় দেখেন! তাই থেকেই সম্পূর্ণভাবে আত্মগোপন করে পানামার নামার উপায়টা তাঁর মাথায় আসে।

অল্প নাবিকেরা যখন দ্বীপে নেমে আমোদ আহ্লাদে ব্যস্ত সেই সময়ে জাহাজে উঠে এসে গানাদো মৃত সৈনিকটির যথাযোগ্য সমুদ্র-সংস্কারের ব্যবস্থা করেন। তারপর তার রোগশয্যাই গানাদোর জন্তে সন্ধানের অসাধ্য গোপন আশ্রয় হয়ে ওঠে। রোগী হিসেবে তাঁর দিকে কেউ একবার দৃষ্টিপাতও করেনি। নেহাত দয়া করে কখনো একটু পান করার জল বা সামান্য কিছু খাওয়া কেউ কখনো রেখে গেছে। সেই ভাবেই সেবার পানামা পর্যন্ত পৌঁছে তিনি স্বেযোগ বুঝে জাহাজ থেকে সকলের অগোচরে এক সময়ে উধাও হয়ে গিয়েছিলেন। হঠাৎ অদৃশ্য হওয়া দোভাষী সন্ধ্যে খোঁজ হয়েছে কিন্তু একটা মূম্বু রোগীর অন্তর্ধান নিয়ে কেউ মাথা ঘামায় নি।

একা হলে, আর স্বেযোগ থাকলে এবারেও সেইরকম রোগী সেজে সকলের চোখের আড়ালে থাকার ব্যবস্থাই পছন্দ করতেন গানাদো। সে স্বেযোগ হয়ত

হতে পারত, কিন্তু সন্ধে করা আছে। তাকে নিরাপদ রাখবার জন্তেই তার সন্ধে থাকা একান্ত প্রয়োজন। পাখির মত হৃদয় যার কোমল, পাশে থেকে সাহস না দিলে এই অবিখ্যাত অমাহুযিক পরিবেশে ভয়ে হতাশাতেই সে নিশ্চয় মারা পড়ত।

জাহাজে যতক্ষণ আছেন ততক্ষণ অবশ্য কোনো ভয় নেই। গরু ছাগলের মত ক্রীতদাসদের যেখানে প্রায় খাঁচাবন্দী করে রাখা হয় সেখানে তাদের দিকে দৃষ্টি দেবার উৎসাহ কারুর হয় না।

বিপদ জাহাজ থেকে ক্রীতদাস হিসেবে নামবার পর। পানামার বন্দরে আগে থাকতে বাছাই করে চিহ্নিত করে রাখবার জন্তে ক্রীতদাসের ব্যাপারীদের দালালরা জাহাজ ভিড়তে-না-ভিড়তে এসে হাজির থাকে।

খুটিয়ে খুটিয়ে সব ক্রীতদাসের চেহারা তাকত যাচাই করে দেখাই তাদের পেশা। তারা নেহাত বড়ো হাবড়া বা রুগ্ন না হলে অবহেলা ভরে কাউকে বাদ দেয় না। একবার তাদের নজর পড়ে গেলে আর নিস্তার নেই।

দাদন দিয়ে তারা বাছাই করা গোলামকে তখনই অর্ধেক কিনে রাখতে পারে। জাহাজে করে ক্রীতদাস দাসী যে আনে তারও তখন সাধ্য নেই সে দাদন নিতে অস্বীকার করে। ইচ্ছা করলে ব্যাপারী বা তার দালাল দাদন না দিয়ে পুরো দামে গোলামকে কিনেও নিতে পারে।

তিনি নিজে না হলেও পানামার যাত্রী জাহাজ পৌছোবার পর করা এমনি কোনো দালালের চোখে ধরে যেতে পারে এই ছিল গানাদোর সব চেয়ে বড় ভয়।

চৌত্রিশ

বন্দরে জাহাজ লাগবার পর যা ভয় করেছিলেন হয়েছেও ঠিক তাই।

নতুন জয়-করা 'সূর্য কাদলে সোনার' দেশ থেকে জাহাজ এসে পানামার বন্দরে লাগলে অনেকেই সেখানে গিয়ে হাজির হয়। কেউ যায় পরিচিত বন্ধু-বান্ধব আগছে জেনে, কেউ-বা শুধু সে দেশের নতুন খবরাখবর জানবার কৌতুহলে। পানামার রাজসরকার থেকে খাজাঞ্চী কোতোয়াল যায় স্পেনের সম্রাটের জন্তে পাঠানো সোনাদানার দখল নিতে আর আসে ব্যাপারী বা তাদের দালালেরা ভিকুনার পশম কি আলপাকার রেশমী লোমে বোনা কাপড়-চোপড়ের মত সওদা থেকে কেনাবেচার গোলামের মত পণ্যের খোঁজে।

ফেলিপিলিও ক্রীতদাস হিসেবে গানাদো আর কয়াকে নিয়ে বন্দরে পা দিতে-না-দিতেই একজন নয় দু' দুজন দালালের চোখে পড়েছে।

কয়ার মুখ আর শরীর প্রায় আগাগোড়াই বেচপ নোংরা ময়লা পোশাকে ঢাকা। কিন্তু তা সত্ত্বেও পাশ দিয়ে চলে যেতে গিয়ে একজন থমকে দাঁড়িয়ে পড়েছে হঠাৎ।

তারপর বর্বর তাচ্ছিল্যের সঙ্গে টান দিতে গেছে কয়ার গায়ের কাপড়ে।

ফেলিপিলিও বাধা দিতে গেছে কিন্তু তার আগেই গানাদো এক ঝটকায় দালালের হাতটা সরিয়ে দিয়ে কয়াকে আড়াল করে দাঁড়িয়েছেন।

প্রথমে সত্যিই হতভয় হয়ে গেছে দালাল। তারপর তার ছু চোখ দিয়ে আশ্চর্য ঠিকরে বেরিয়েছে। একটা ক্রীতদাসের এরকম স্পর্ধা দালালের বুঝি কল্পনারও বাইরে।

দাঁতে দাঁত ঘষে হিংস্র জ্বলন্ত স্বরে সে ফেলিপিলিওকেই প্রথম গালাগাল দিয়ে বলেছে, তুমি এ গোলামের মালিক! গোলাম হয়ে সে ভদ্রলোকের গায়ে হাত তোলে। ওর ঐ হাত দুটো কেটে সমস্ত গায়ের ছাল ছাড়িয়ে নেব আর তোমারও গোলাম কেনাবেচার কারবার কেমন করে চলে তা দেখব। দেখেছেন সেনর এ গোলামের স্পর্ধা?

শেষ কথাটা বলা হয়েছে পাশের আর একটি প্রৌঢ়-গোছের লোককে।

এ লোকটিও ওই জারগা দিয়ে যেতে যেতে প্রথম দালালের ক্রুদ্ধ চিৎকার শুনেই বোধহয় দাঁড়িয়ে পড়েছে।

চেহারায় সৌম্য শান্ত গোছের মনে হলেও এ লোকটিও যে আরেক দালাল তা বোঝা গেছে ছু একটি কথার পরেই।

প্রথম দালালের প্রশ্নের উত্তরে প্রোচ লোকটি বেশ তিক্ত স্বরেই বলেছে,—
হ্যাঁ দেখলাম। দেখেই ত দাঁড়িয়ে পড়েছি।

আমি এখানেই ওর ছাল চামড়া ছাড়িয়ে নিচ্ছি, দেখুন না।—গর্জন করে বলেছে প্রথম দালাল।

না।—দৃঢ় স্বরে আপত্তি জানিয়েছে প্রোচ লোকটি,—ছাল ছাড়াবার স্থখটা আমিই করতে চাই।

তার মানে?—বিশ্বয়ের সঙ্গে বিরক্তিও একটু ফুটে উঠেছে প্রথম দালালের স্বরে।

তার মানে ওর তেজ দেখে আমিই কিনে নেব ঠিক করেছি।—জোরালো গলায় জানিয়েছে প্রোচ লোকটি।

আপনি কিনে নেবেন?—এবার ব্যঙ্গের হাসি হেসে উঠেছে প্রথম দালাল,—
আপনি কি গোলাম কেনা-বেচার কারবারী নাকি?

না, কারবারী নয়। প্রোচ লোকটি স্বীকার করেছে এবার,—আনি আপনারই মত ব্যাপারীর দালাল।

ও আপনি দালাল!—প্রথম দালালের গায়ের জ্বালাটা এবার প্রকাশ পেয়েছে প্রোচ লোকটির বিরুদ্ধে। কয়া আর গানাদোর দিকে আঙ্গুল দেখিয়ে যে তীব্র অবজ্ঞার স্বরে বলেছে,—কিন্তু আমি যে এই ছুটোর জন্তে দাদন দিচ্ছি এখনি।

দাদন দিচ্ছন!—প্রোচ দ্বিতীয় দালালের মেজাজও এবার চড়তে দেখা গিয়েছে,—আর আমি যে পুরো দামে কিনে নিচ্ছি এখানেই এখনই।

বেশ কিনুন দেখি, কত আপনার মুরোদ!—উপহাস করে বলেছে প্রথম দালাল,—কত দাম এ ছুটোর জন্তে দেবেন শুনি?

যা আপনি দেবেন তার চেয়ে দশ 'পেসো দে অরো' বেশী! এবার গম্ভীর গলায় বলেছে দ্বিতীয় দালাল।

যা বলেছে করেছেও তাই।

বন্দরের ওপর মুখরোচক ঝগড়ার গন্ধে গন্ধে তখন চারিদিকে বেশ একটু

ভিড় জমে গেছে। তাদের সকলের সামনে প্রথম দালালের চেয়ে সত্যিই—
দশ 'পেসো দে অরো' বেশী দাম ধরে দিয়েছে দ্বিতীয় দালাল।

পানামার বন্দরে পা দিতে-না-দিতে ফেলিপিলিওর বিমূঢ় বিহ্বল অসহায়
দৃষ্টির সামনে গানাদো কয়র সঙ্গে বিক্রী হয়ে গেছেন ক্রীতদাসের ব্যাপারীর
এক দালালের কাছে।

বিক্রী হয়ে যাবার পর গরু-ছাগলের মতই গানাদো আর কয়াকে নতুন
মালিকের সঙ্গে বন্দর ছেড়ে যেতে হয়।

পানামা শহর তখন জমজমাট হয়ে উঠেছে শুধু পেরু আবিষ্কারের
দৌলতেই।

সেখানকার লুট করা ঐশ্বর্য এই পানামা হয়েই স্পেনে চালান যায়, আর
সে লুটের ছিটেফোঁটা বথরাতেই ফেঁপে ওঠে পানামা শহর। জমজমাট বলতে
অবশ্য রাস্তা বাড়ি-ঘরের ছড়াছড়ি কি শোভা সৌন্দর্য্য ভাবলে ভুল হবে। আসলে
জংলা জলা বাদার দেশ। সেখানে মাসুঘের ভিড় বেড়ে শহর ভালো করে
ছড়াতে না পেরে ঘিঞ্জিই হয়েছে আরো বেশী।

সেই ঘিঞ্জি ভূঁইফোড় শহরের রাস্তা দিয়ে গোলাম হিসেবে তাঁদের যে
কিনেছে সেই ব্যাপারীর দালাল গানাদো আর কয়াকে হাঁটিয়ে নিয়ে যায়।

তার সঙ্গে ঘোড়া আছে। নিজে সে ইচ্ছে করলে তাতে চেপে যেতে
পারত। কিন্তু তার বদলে ঘোড়ার লাগাম ধরে সে তার নতুন কেনা ক্রীতদাস
ক্রীতদাসীর সঙ্গে হেঁটেই চলে। নতুন গোলাম আর বাদী যাতে পালাতে না
পারে সেইজন্তেই কি এই সাবধানতা?

তা হবে বোধহয়! পথে যেতে যেতে যেভাবে ব্যাপারী তাদের দিকে
মাঝে মাঝে চেয়ে দেখে তাতে বেশ বড় গোঁছের দাঁও সে মেরেছে বলেই মনে
হয়।

তখন সবে সকাল হয়েছে। পানামার রাস্তায় কিন্তু লোকজনের অভাব
নেই। ছ'চারজন তার মধ্যে নাম না জাহুক ব্যাপারীর মুখ বোধহয় চেনে।
তারা একটু সবিস্ময়েই তার হাতে ধরা দড়িতে বাঁধা গোলাম আর বাদীকে
লক্ষ্য করে।

পানামা শহরের রাস্তায় হাতে দড়ি বাঁধা বাদী-বান্দাকে নিয়ে যেতে দেখা
এমন কিছু অদ্ভুত ব্যাপার নয়! ব্যাপারটা প্রায় নিত্য-নৈমিত্তিক। গানাদো
আর কয়র বেলা এই বিশেষ বিন্মিত কোতুহল তাই একটু অস্বাভাবিক।

গানাদোকো কেউ কেউ চিনতে পারে বলেই কি এই বিস্মিত কৌতূহল ফুটে ওঠে তাদের মুখে ?

না, তা নয়। কয়া এ শহরে সম্পূর্ণ অচেনা ত বটেই, কিছুকাল এ শহরে কাটিয়ে যাওয়া সত্ত্বেও গানাদোকো চেনবার মত মানুষও পানামা শহরে তখন নেই বললেই হয়। পানামা তখন ত শেকড় মেলবার শহর নয়, ভেসে যেতে যেতে দু'দণ্ড ঠেকে যাবার আঘাটা মাত্র। পুরানো মহাদেশ থেকে ভাগ্য ফেরাতে কি সেখানকার অপরাধের সাজা এড়াতে যারা এখানে এসে ঠেকে তারা শ্রোতের শেওলার মত। দু'চার দিন কি বড় জোর দু'এক বছরের বেশী কেউ বড় একটা এখানে আটকে থাকে না। নতুন ধান্দায় অথবা হুজুগের ঢেউ-এ অগ্র কোথাও ভেসে যায়। পানামা শহরে তখন যারা আছে গোন-গুণতি দু'একজন বাদে সবাই তারা একেবারে নতুন লোক।

গানাদোকো তারা কেউ চেনে না।

তুচ্ছ অজানা গোলাম বাদীকে নয়, অবাক দু'একজন হয় তাদের মালিককে দেখে।

অবাক হল ডন মোরালেসও।

হ্যাঁ সেই ডন মোরালেস, একদিন খাঁর বাড়িতে পিজারো আর তাঁর বন্ধু আলমাগোরো নিত্য বৈঠক বসেছে 'স্বর্ধ কাঁদলে সোনা'র দেশে অভিযানের উপায় ভাবতে।

পানামা শহরের প্রথম পত্তনের সময়কার বাসিন্দাদের মধ্যে তিনিই আর দু'একজনের মত এখনো পর্যন্ত টিকে আছেন।

কি কাজে ডন মোরালেস সবে বুঝি বাড়ি ছেড়ে বেরিয়েছিলেন।

তাঁরই বাড়ির রাস্তায় হাতে দড়ি বাঁধা দু'জন গোলাম বাদী আর তাদের মালিককে আসতে দেখে তিনি অবাক হয়ে থমকে দাঁড়িয়ে পড়েন।

তারপর বিমূঢ় অবিশ্বাসের স্বরে যা জিজ্ঞেস করেন, পানামা বন্দরে জাহাজ ভেড়াবার পর গানাদো আর কয়া অমন নাটকীয় ভাবে গোলামের কারবারীর এক দালালের কাছে বিক্রী হয়ে যাবার রহস্য তাতেই কিছুটা পরিষ্কার হয়ে যায় বোধহয়।

এ কি ব্যাপার কাপিতান!—ডন মোরালেসের কণ্ঠ বিমূঢ় বিশ্বয়ে তীক্ষ্ণ হয়ে ওঠে,—আপনি এ দুই গোলাম বাদী পেলেন কোথায় ?

কোথায় আবার! কাপিতান বলে ডন মোরালেস যাকে সন্ধান করেছেন

সেই নোয়া-দর্শন প্রৌঢ় একটু হেসে বলেন,—জাহাজঘাটা থেকে কিনে নিয়ে এলাম !

কিনে নিয়ে এলেন ! ডন মোরালেস কথাটা বিশ্বাস করতে পারেন না,—আপনি সাত সকালে জাহাজঘাটায় গেছিলেন গোলাম বাঁদী কিনতে ?

এ কারবারে দাঁও মারতে হলে তাই ত যেতে হয়।—ক্যাপিতান গলায় পরিহাসের সুরটা স্পষ্ট করে তুলে বাহাদুরীর ভান করে বলেন,—কি রকম সরেস মাল বাগিয়েছি একবার ভালো করে নজর দিয়েই দেখুন না !

ডন মোরালেস তাই দেখেন এবার। আর দেখার সঙ্গে তাঁর দৃষ্টি সত্যিই বিস্ফারিত হয়ে ওঠে।

গানাদোর দিকে চেয়ে তাঁর কণ্ঠে একটা বিষ্ময়-ধ্বনিই শুধু শোনা যায়,—এ কি ! এ তো...

হ্যাঁ ডন মোরালেস :—ক্যাপিতান হাসিমুখে তাঁর অসমাপ্ত কথাটা পূরণ করে দিয়ে বলেন,—এ ক্রীতদাস আপনার অচেনা নয়। একদিন আপনিই তাকে আশ্রয় দিয়েছিলেন। আজ আপনার কাছেই তাই ওদের নিয়ে এলাম।

পানামার বন্দরে জাহাজ ভিড়বার পর কোনো ক্রীতদাসের ব্যাপারীর হাতে পড়বার ভয় ছিল গানাদোর মনে। যা ভয় করেছিলেন, হয়েছিলও তাই। জাহাজঘাটায় জব্বর এক ব্যাপারীর দালালের নজর পড়েছিল তাঁর আর কয়ার ওপর। আগে থাকতে তাক করলেও শেষ পর্যন্ত শিকার অবশ্য তার হাত থেকে ফস্কে গেছে। তার ওপরে টেক্সা দিয়ে আরেক গোলাম কেনা-বেচার কারবারী গানাদো আর কয়াকে নগদা দামে কিনে নিয়েছে।

গানাদো আর কয়ার পক্ষে এ পরিণামটা তপ্ত খোলা থেকে গনগনে চুলোয় পড়ার সামিল হওয়ারই কথা। কিন্তু তা হয় নি।

না হবার কারণ এই যে জাহাজঘাটায় চড়া নগদা দাম দিয়ে যিনি গোলাম হিসেবে কয় আর গানাদোকে কিনে নিয়েছেন তিনি আর কেউ নন, গানাদোর বন্ধু ও গুরুজনস্থানীয় পরম হিতৈষী সেই ক্যাপিতান সানসেদো।

ক্যাপিতান সানসেদো অবশ্য কশ্মিন কালে গোলাম বাঁদী কেনা-বেচার কারবারী নন। শুধু অবস্থা গতিকে গানাদোকে রক্ষা করবার জন্তে তাঁকে তাই সাজতে হয়েছে।

কিন্তু অত সকালে এই বিশেষ দিনটিতে জাহাজঘাটায় তাঁর হাজির হওয়াটাই,—একটু আশ্চর্য ব্যাপার নয় কি ?

না, তাও নয়। কারণ পেরু-ফেরতা যে কোন জাহাজ পানামা বন্দরে ভিড়লেই তা দেখতে যাওয়া কাপিতান সানসেদোর অবশ্য কর্তব্য হয়ে দাঁড়িয়েছে বহুকাল ধরে। পেরুর উপকূল থেকে কোনো জাহাজ ফিরছে জানলে একবার বন্দরটা তিনি ঘুরে যাবেন-ই।

এ ঘোরাঘুরি যে গানাদোর জন্তে তা বলা বাহুল্য। যে সান্তা মার্তা দ্বীপে পিজারোর পেরু অভিযানের সঙ্কল্পের প্রায় সমাপ্তি হতে চলেছিল, সেখান থেকে কৌশলে স্ক্রু অভিযাত্রীদের সকলকে সরাবার ব্যবস্থা করে গানাদো কাপিতান সানসেদোকে নিরে-মাঝখানের পাহাড় ডিঙিয়ে পানামায় গিয়ে পৌঁছাবার পর সেবারকার মত পিজারোর অভিযানের আর সঙ্গী হতে পারেননি। পরে ভিন্ন পরিচয় নিয়ে অল্প একটি দলের সঙ্গে 'পুনা' দ্বীপে গিয়ে তিনি পিজারোর বাহিনীর সঙ্গে যোগ দেন। স্বাস্থ্য শক্তিতে কুলোবে-না বলে প্রৌঢ় কাপিতান সানসেদোকে অনিচ্ছা সত্ত্বেও তখন থেকে পানামাতেই থেকে যেতে হয়। গানাদোরই গোপন নির্দেশে কাপিতান সানসেদো ইতিমধ্যে ডন মোরালেস-এর সঙ্গে ভাব করে তাঁরই অতিথি হয়ে আছেন। মোরালেস-এরই এক কালের ক্রীতদাস গানাদো সঙ্কল্পে সানসেদো অবশ্য কোনো কথা এ পর্যন্ত ভাঙেন নি। পেরু-ফেরতা জাহাজের খোঁজ নিতে তাঁর পানামার বন্দরে যাওয়ার বাতিকটাও যথাসম্ভব গোপন রেখেছেন ডন মোরালেস-এর কাছে। এ বাতিক সত্যিই একদিন এতখানি কাজে লাগবে তা সানসেদো নিজেই ভাবতে পারেন নি।

এইবার অবশ্য ডন মোরালেসকে সমস্ত কথাই খুলে বলতে হয়।

মোরালেস সত্যিই উদার সহৃদয় মানুষ। এক কালে ক্রীতদাস হিসেবে যাকে দেখেছেন, সতাকার পরিচয় জানবার পর সেই গানাদোকে যথাযোগ্য মর্যাদা দিতে তাঁর বাধে না। গানাদো আর কয়ার আশু আশ্রয়ের সমস্তা সহজেই তাই মিটে যায়। মোরালেস-এর আস্তানায় তাঁরা বতদিন খুশি থাকতে পারেন।

কিন্তু আশ্রয়ের সমস্তা এভাবে মিটিয়ে ত গানাদো খুশি হতে পারেন না। মোরালেস-এর বাড়িতে কয়াকে নিয়ে সসম্মানেই তিনি ঠাঁই পেয়েছেন কিন্তু এখানে থাকা মানে ত সমস্ত পানামা শহরের কাছে গা ঢাকা দিয়ে চোরের মত লুকিয়ে থাকা। ক্রীতদাস কেনা-বেচার কারবার ফলাও ভাবে শুরু হবার পর থেকে পানামা শহরেও কোতোয়ালদের হাশিরারী আর আইন-কানূনের কড়াকড়ি বেড়ে গিয়েছে। গোলামদের সঙ্কল্পে আগেকার সে ঢিলে-ঢালা

উদাসীন মনোভাব আর নেই। ফেরারী গোলাম হিসেবে গানাদো এখনকার দাগী আসামী। একবার তিনি এ শহরের পাহারা এড়িয়ে বেমালুম গা-ঢাকা দিতে পেরেছিলেন বটে কিন্তু এখন আর তা কি সম্ভব? যে ব্যাপারীর দালাল তাঁর সঙ্গে কয়াকে কিনতে চেয়েছিল সেও এখন তাঁদের শত্রু। কোতোয়ালীর লোকজনের ত বটেই শহরে তার কড়া নজরে পড়বার সম্ভাবনাও কম নয়। নিজে একা হলে খুব বেশী ভাবনা গানাদোর ছিল না। কিন্তু সঙ্গে কয়াক থাকতেই সমস্তা অত কঠিন হয়ে উঠেছে।

তাঁকে পানামা থেকে কয়াকে নিয়ে হাঁটা পথে জঙ্গল পাহাড় ডিঙিয়ে যোজকের গুপারের কোনো বন্দরে গিয়ে পৌঁছাতে হবে। নিজে যা পারতেন সেরকম অজানা ছুর্গম বিপদসঙ্কুল বিপথে কয়াকে নিয়ে পানামা যোজকের শিরদাঁড়া গোছের পাহাড় পার হওয়ার আশ্রয়ভাষী চেষ্টা করা তাঁর পক্ষে উচিত নয়। পাহাড় ডিঙোবার চালু সহজ রাস্তা না ধরে তাঁদের উপায় নেই। আর সে পথে ক্রীতদাস বলে চিহ্নিত কারুর পক্ষে ধরা পড়বার বিপদ পদে পদে।

কি করবেন তাহলে গানাদো? পানামার মোরালেস-এর বাড়িতে এমন করে লুকিয়ে বসে কতদিন আর কাটাবেন? ভাগ্যে যা থাকে থাক বিপদের সমস্ত ঝুঁকি নিয়ে পাহাড় ডিঙিয়ে আতলাস্তিকের তীরের কোনো বন্দরে যাবার সঙ্কল্পই তিনি শেষ পর্যন্ত করেন।

এ সঙ্কল্পে বাধা দেন শুধু ডন মোরালেস।

না গানাদো!—দৃঢ় স্বরে তিনি বলেন—ক্রীতদাস হিসেবে পানামা ছাড়া তোমার চলবে না।

তাহলে মরণ না হওয়া পর্যন্ত ত পানামা ছাড়ার আর কোনো আশা নেই। তিস্ত স্বরে বলেন গানাদো।

কেন আশা নেই!—মোরালেস জোর দিয়ে বলেন,—সেই স্বার্থপর নীচ পেড্রারিয়স-এর জায়গায় পানামার নতুন গভেরনাদের এখন ডন পেড্রো দে লস রিয়স। ইনি উঁচুদরের মাছ্য বলে শোনা যাচ্ছে। এঁর কাছে তোমার সমস্ত ইতিহাস জানালে উনি নিশ্চয়ই তোমায় স্বাধীন বলে ছাড়পত্র দেবেন বলে আমার বিশ্বাস। পিজারোর এ অভিযান সম্ভব ও সফল করে তোলবার জন্তে যা তুমি করেছ তা কাপিতানের কাছে সব আমি শুনেছি। আমি নিজেও তার অনেক কিছু এখন জানি! কাপিতান সানসেদোর সঙ্গে আমি ডন পেড্রোর কাছে গিয়ে দরবার করে সব জানাব।

সব জানাতে পারবেন না ডন মোরালেস—দুঃখের হাসি হেসে বলেন গানাদো,—আর জানালে স্বাধীনতার ছাড়পত্র দেওয়ার বদলে আমাদের তাঁর গারদে দেওয়ার সম্ভাবনাই বেশী। কারণ পেরু আবিষ্কারের অভিযান সম্ভব করার জন্তে প্রথমে যদি আমি কিছু করে থাকি সে অভিযান ব্যর্থ করার জন্তেও শেষকালে কম কিছু করি নি। ভাগ্য বিরূপ না হলে আমার চক্রান্ত সফল হয়ে তাভানতিনস্থর পবিত্র রাজ্যে কোনো এসপানিওলের আর ঠাই হত না।

কি বলছ কি তুমি গানাদো!—মোরালেস বিমূঢ়ভাবে গানাদোর দিকে তাকান। কাপিতান সানসেদোর চোখেও বিস্মিত জিজ্ঞাসার দৃষ্টি ফুটে ওঠে।

একটু চুপ করে থেকে গভীর অবিস্বাসের স্বরে মোরালেস আবার বলেন—
তুমি স্পেনের শত্রু, একথা আমার বিশ্বাস করতে বলো?

না, তা বলি না, ডন মোরালেস। গাঢ় গভীর শোনার এবার গানাদোর গলা,—স্পেনের আমি শত্রু নই, অবিচার অগ্রায় নীচতা দস্ত পাশবিকতা লোভ, পৃথিবীর সব সাধারণ মানুষের মতো আমি শত্রু শুধু এই সব কিছুই। নতুন আশ্চর্য এক দেশ আবিষ্কৃত হোক আগ্রহভরে আমি তা চেয়েছিলাম, সে আবিষ্কারের পথ এমন পৈশাচিকতায় নোংরা, রক্তে পিচ্ছিল হবে আমি ভাবতে পারি নি। শেষ পর্যন্ত যথাসাধ্য তাই এ পাপের অভিযানে বাধা দিতে চেষ্টা করেছি। সে চেষ্টা অবশ্য ব্যর্থই হয়েছে।

গানাদোর কথা শেষ হবার পর খানিকক্ষণ সমস্ত ঘর একেবারে নিস্তব্ধ হয়ে যায়। কি বলবেন এবার ডন মোরালেস আর কাপিতান সানসেদো? যে অকপট স্বীকারোক্তি গানাদো করেছেন তারপর তাঁকে আর ক্ষমা করতে পারবেন কি?

অনেকক্ষণ পর্যন্ত কারুর মুখে কোনো কথা শোনা যায় না। মুখের ভাব দেখেও বোঝা যায় না তাঁদের মনের মধ্যে কি ছন্দ চলছে।

দুইটা সত্যিই নেহাত সামান্য ত নয়। একদিকে স্পেন ও স্পেনের সম্রাটের প্রতি আহুগত্য আর একদিকে সত্য ও সত্যের দাবীর সঙ্গে গানাদোর মতো মানুষের প্রতি স্বতঃস্ফূর্ত শ্রদ্ধা ও সহানুভূতি।

ডন মোরালেসই প্রথম তাঁর মনের কথাটা প্রকাশ করেন। গভীর ও বেশ একটু বিষন্ন মুখে তিনি যা বলেন, তাতে বোঝা যায় যে উদার সহৃদয় হলেও তাঁর কাছে যা দেশভ্রোহিতা গানাদোর সে আচরণ তিনি সম্পূর্ণ ক্ষমা করতে পারেন নি।

আমি অত্যন্ত দুঃখিত গানাদো। ধীরে ধীরে গম্ভীর অহুচ্চ কণ্ঠে তিনি বলেন, তোমার সব অভিযোগ মেনে নিলেও পিজারোর অধীন পেরুর এসপানিওল বাহিনীর বিরুদ্ধে তোমার চক্রান্ত আমি সমর্থন করতে পারছি না। তুমি যা করেছ তা আমার বিচারে গুরুতর অপরাধ। তবু এ অভিযানে তোমার আগেকার ভূমিকার কথা মনে রেখে তোমাকে শাস্তি দেবার কোনো ব্যবস্থা আমি করব না। শুধু যা জেনেছি তার পর তোমাকে বাড়িতে আশ্রয় দেওয়া আমার পক্ষে অসম্ভব। একটি দিন মাত্র তোমায় সময় দিচ্ছি। কাল সকালে উঠে তোমাকে আর আমার বাড়িতে যেন দেখতে না পাই। পেলের সম্রাটের প্রতি কর্তব্য আমি না করে পারব না।

অনেক ধন্ববাদ ডন মোরালেস! শাস্ত স্বরে কৃতজ্ঞতা জানিয়ে গানাদো আরো কি যেন বলতে যাচ্ছিলেন। কিন্তু বলা তাঁর হয় না।

বেশ একটু তিস্ত কণ্ঠে গানাদোকে বাধা দিয়ে কাপিতান সানসেদো ডন মোরালেসকে ধিক্কার দিয়ে বলেন, ছি মোরালেস! আপনার মুখে এরকম কথা শোনবার আশা করিনি। স্ত্রায়, ধর্ম, সত্য এ সব কিছুর দাম আপনার কাছে নেই? গানাদো স্পেনের সম্রাটের বিরুদ্ধে রাজদ্রোহী বলে আপনি মনে করছেন, মনে করছেন সে স্পেনের শত্রুতা করেছে? শত্রুতা করেছে, না, স্পেনের শুধু নয়, সমস্ত খৃস্টান জগতের যারা কলক, আবিষ্কারক অভিযাত্রীর সাজে ঐশ্বর্য আর রক্তলোলুপ সেই নরপিশাচদের বিরুদ্ধে দাঁড়িয়ে স্পেন আর স্পেনের সম্রাটের গৌরব রক্ষা করবারই চেষ্টা করেছে গানাদো?

কাপিতান সানসেদোর জলন্ত কণ্ঠের ধিক্কার কিন্তু নিষ্ফলই হয়।

কয়েক মুহূর্ত নীরব থেকে ডন মোরালেস আগেকার মতই বিষন্ন গম্ভীর গলায় বলেন,—আমায় মাপ করবেন কাপিতান যুক্তিতর্ক বিচারে আমার মনের ভাব বদলাবার নয়। স্পেনের বিজয়-পতাকা সমুদ্র পারে দূরদূরান্তরে যারা মেলে ধরছে আমার চোখে তারা সব বিচারের উর্ধ্বে। তাদের উদ্দেশ্যে বাধা দেওয়া আমার কাছে চরম রাজদ্রোহিতা। গানাদোকে তাই আমি ক্ষমা করতে পারব না। ওকে কাল স্বর্ষোদয়ের আগে আমার বাড়ি ছেড়ে যেতেই হবে।

আর যে মেয়েটি গানাদোর সঙ্গে এসেছে,—তিস্ত শ্লেষ ও ক্ষোভের সঙ্গে জিজ্ঞাসা করেন কাপিতান,—তাকেও আর আপনি বাড়িতে স্থান দিতে চান না নিশ্চয়?

না,—মোরালেস কাপিতানের আক্রমণে এবার একটু আহত স্বরেই বলেন,
—ওই অসহায় মেয়েটিকে আশ্রয় দিতে আমার কোনো আপত্তি নেই। কিন্তু
গানাদো চলে যাবার পর ওর এখানে একলা থাকা বোধহয় সম্ভব নয়। ওর
আশ্রয়ের সমস্যাটা তাই কঠিন। ও ত আমাদের ভাষাও জানে না।

কিছুটা জানি। তাই বলছি, আমার ভাবনা কাউকে ভাবতে হবে না।
কারণ ভার আমি হতে চাই না।

ঘরের সবাইকে চমকে দরজার দিকে তাকাতে হয়। সেখানে দাঁড়িয়ে
মুহু ঝেং বিকৃত উচ্চারণে হলেও দৃঢ়কণ্ঠে ও কথা যে বলেছে সে কয়া। কখন
সে যে ওখানে এসে দাঁড়িয়েছে কেউ লক্ষ্য করেনি নি। সে যে দরজার পাশে
এসে দাঁড়িয়ে তাঁদের আলোচনা শুনতে পারে ও তা বোঝাবার মত ক্ষমতা
টাঙ্কেজ বন্দরে জাহাজে ওঠবার পর থেকে পানামায় এই কয়েক দিন থেকেই
আয়ত্ত করে থাকতে পারে তা কল্পনাতেই আসেনি কারণ। এমন কি
গানাদোরও নয়। অবলা অসহায় একটি মেয়ে হিসেবে তাকে রক্ষা করার
দায়িত্বটুকুই শুধু স্বরণ রেখে তার স্বাধীন সঁতার কথা যেন ভুলেই ছিলেন এ
কয়দিন। আর যাই হোক গানাদোর কিন্তু তা ভোলা উচিত হয় নি। পেরুর
কুজকো আর সোসায় সত্ত্ব কৈশোর পার হওয়া যে মেয়েটি একলা সাহস ও
বুদ্ধির অতবড় কঠিন পরীক্ষায় উত্তীর্ণ হয়ে আসতে পেরেছে, অজানা বিদেশে পা
দেবার সঙ্গে সঙ্গে সে পরগাছা দুর্বল কোনো লতার মত অক্ষম অসহায় হয়ে
যাবে ভাবাই ভুল।

ওই ক্ষীণকায়ী একটি মেয়ের সামনে সবাই কেমন একটু অপ্রস্তুত হয়ে
পড়েন। সবচেয়ে লজ্জিত হন গানাদো নিজে। লজ্জিত আর দুঃখিতও।

তখনই উঠে পড়ে করার কাছে গিয়ে তিনি দাঁড়ান। দাঁড়িয়ে অপরাধীর
মতো বলেন,—আমার ভূমি ভুল বুঝেছ, বুঝতে পারছি কয়া। এখান থেকে
কেমন করে উদ্ধার পাব সেই দুর্ভাবনার ক'দিন ধরে এত অস্থির হয়ে কাটাচ্ছি
যে তোমার সঙ্গে দুটো কথা বলবারও সময় পাই নি। সেটা অবহেলা নয়
কয়া। তোমাকে শাস্তিতে রাখবার জন্তেই আমার দুর্ভাবনার ভাগ তোমাকে
দিতে চাইনি। কিন্তু সেইটেই আমার ভুল। নিরুপায় বোঝা হয়ে থাকবার
মেয়ে যে ভূমি নও সে কথা আমার মনে রাখা উচিত ছিল। জীবনে এ ভুল
আর করব না। এখন তৈরী হয়ে নাও। ভাগ্যে যাই থাক আজ রাতেই
পানামা থেকে আমরা বার হব যোজকের পাহাড় ডিঙিয়ে ওপারের

কোনো বন্দরে যাবার জন্তে ।

তাহলে আমিও তোমাদের সঙ্গী হচ্ছি, জেনে রাখো। কাপিতান সানসেদো দাঁড়িয়ে উঠে দৃঢ়স্বরে জানান,—পথে যদি মাঝাও পড়ি, তাতে আমার দুঃখ নেই। এই পানামা শহরে আমার কবর যেন না হয়, এখন এই আমার একমাত্র কামনা।

কথাগুলো বলে ডন মোরালেস-এর বাড়িটাই যেন গোটা পানামা শহর এমনি স্নগভরে সেদিকে তাকিয়ে সানসেদো বার হয়ে যাচ্ছিলেন। গানাদো তাঁকে ডেকে থামিয়ে বলেন,—আজ রাতেই যখন আমরা রওনা হচ্ছি তখন শহরে ফেলিপিলিওর একটু খোঁজ করে আসবেন। এখান থেকে যাবার আগে তাকে একটু জানাতে চাই। ইচ্ছে করলে সেও আমাদের সঙ্গী হতে পারে। জাহাজঘাটায় আপনার কাছে অমনভাবে বিক্রী হয়ে যাবার পর আমাদের পরিণাম না জানতে পেয়ে সে অস্থির হয়ে আছে। তাকে পেতে খুব অস্থবিধে বোধ হয় হবে না। আমাদের খোঁজে বাজারের রাস্তাতেই সে ঘোরাঘুরি করে বলে মনে হয়।

গানাদোর অল্পমান ঠিক। কাপিতান সানসেদো বাজারের রাস্তাতেই ফেলিপিলিওকে পেয়ে যান। কিন্তু তার পরে এমন আরেকজনের দেখা পান যাকে পানামা শহরে দেখবার কথা তাঁর কল্পনার বাইরে।

সানসেদো ফেলিপিলিওকে জাহাজঘাটায় মাত্র খানিকক্ষণের জগ্ন দেখেছিলেন। তার বিশেষ চেহারা পোশাকের জন্তে ছবিটা একটু যেন মনে ছিল। ফেলিপিলিও নিজেই তাঁকে ডেকে না কথা বললে শুধু তারই জ্বোরে পানামা শহরে বাজারের ভিড়ে ফেলিপিলিওকে তিনি অবশ্য খুঁজে নিতে হরত পারতেন না।

ফেলিপিলিও সত্যিই ক'দিন ধরে অত্যন্ত যুগ্মার মধ্যে দিশাহারা হয়ে কাটিয়েছে। জাহাজঘাটায় গানাদো আর কয়াকে অজানা এক ব্যাপারী কিনে নেবার পর সে চোখে একেবারে আঁধার দেখেছে। বিক্রীর ভান করতে বাধ্য হলেও কেনাবেচার পর ব্যাপারী কোথায় গানাদো আর কয়াকে নিয়ে যায় পিছু পিছু গিয়ে একবার দেখে আসার ইচ্ছে তার হয়েছিল। কিন্তু মুখের গ্রাস ফসকে যাবার দরুন অগ্ন যে দালাল তখনও জাহাজঘাটায় দাঁড়িয়ে গজরাচ্ছে তারই কড়া নজরের সামনে সে অস্থসরণ আর সম্ভব হয়নি।

পানামা শহরে কি সে এর পর করবে তাই ঠিক করা তার পক্ষে কঠিন হয়ে উঠেছে। একটা স্ত্রীবিধের কথা এই যে গানাদো আর কয়ার দাম হিসেবে বেশ কিছু নগদ 'পেন্সো দে আরো' সে হাতে পেয়েছে। শেষ পর্যন্ত তারই জোরে পানামার বাজারের মধ্যে দেশী মাহুষের পাড়ায় একটা আস্তানা যোগাড় করে নিতে তার অসুবিধা হয় না। মুন্সিল হয় শুধু কোনো হাদিস না জানা থাকায় গানাদো আর কয়ার খোঁজ করা। সত্যিকার গোলামের ব্যাপারীর কাছে তাঁরা যে বিক্রী হয় নি তা আর ফেলিপিলিও কোথা থেকে জানবে! ক্রীতদাস হিসেবে বাজারের রাস্তাতেই তাদের কোনো সময়ে আঁসা সম্ভব মনে করে সেইখানেই সে ব্যাকুলভাবে প্রতিদিন যতক্ষণ সম্ভব টহল দিয়ে বেড়ায়।

গানাদো বা কয়াকে নয়, সেই টহলের মধ্যে হঠাৎ সেদিন কাপিতান সানসেদোকে দেখে সে চিনতে পারে। চিনতে পেরে কি যে করবে তাই প্রথমটা স্থির করে উঠতে পারে না। সে মনে রাখলেও গোলামের ব্যাপারীর দালাল যে তাকে মনে রেখেছে তার ঠিক কি! মনে রাখবার কোনো গরজই তার নেই। ডেকে কথা বলার চেষ্টা করলে হয়ত চিনতেই পারবে না। আর চিহ্নক না চিহ্নক তার সঙ্গে ফেলিপিলিও কি বলে প্রথম আলাপই বা করতে পারে! জাহাজঘাটার সেদিন যাদের কিনেছে তাদের সন্দেশে হঠাৎ অমন খোঁজ নিতে গেলে ব্যাপারটা সন্দেহজনক হবে না? তাতে হিতে বিপরীতও ত হতে পারে। সমস্তা কঠিন হলেও ফেলিপিলিও শেষ পর্যন্ত মরিয়া হয়ে কাপিতানকে পেছন থেকে ডেকে থামায়। তারপর বিনীতভাবে বলে,—মাগ করবেন সেনর, আপনাকে একটা কথা জিজ্ঞাসা করতে পারি।

প্রথমটা চমকে বেশ একটু বিরক্তির সঙ্গে ফিরে দাঁড়ালেও কাপিতান সানসেদো একটু লক্ষ্য করেই ফেলিপিলিওকে চিনতে পারেন। চিনে রীতিমত অবাকই হন, যাকে তিনি খুঁজছেন সে-ই নিজে থেকে তাঁকে ডেকে থামিয়েছে দেখে। বিশ্বয়টা গোপন করে তিনি ফেলিপিলিওকে বিমূঢ় করে দিয়ে গম্ভীর স্বরে বলেন,—হ্যাঁ তোমার নাম যদি ফেলিপিলিও হয় তাহলে পারো।

আমার নাম' যে ফেলিপিলিও তা—বিশ্বয়ে ফেলিপিলিও গুর বেশী কিছু বলতে পারে না।

কেনম করে আমি জানলাম ভাবছ ত?—এবার হেসে বলেন সানসেদো,—আমার সঙ্গে এলেই জানতে পারবে।

ফেলিপিলিওকে পথে যেতে যেতে সানসেদো এবার সমস্ত বিবরণ গুনিয়ে

তাঁদের সেইদিনই পানামা ছেড়ে যাবার ব্যবস্থার কথাও জানান।

কিন্তু এখন আর তা যাওয়া ত সম্ভব নয়।—এতক্ষণ নীরবে সব শৌনবার পর ফেলিপিলিও বিষন্নভাবে মাথা নেড়ে জানায়।

কেন নয়? সানসেদো একটু উষ্ণস্বরেই বলেন,—ধরাপড়ার বিপদের কথা যদি বলা তাহলে তা ত বরাবরই আছে ও থাকবে। আজ হঠাৎ সে বিপদ ত নতুন করে দেখা দেয় নি।

তা দেয় নি। ফেলিপিলিও বিনীতভাবে জানায়,—কিন্তু সে বিপদ আর কারুর পক্ষে না হোক গানাদোর পক্ষে এখন গুরুতর।

বিপদ গুরুতর বেছে বেছে শুধু গানাদোর পক্ষেই? সানসেদোর কণ্ঠে অবিশ্বাসের সঙ্গে বিরক্তিই ফুটে ওঠে,—পানামা শহর গোলাম বলতে শুধু গানাদোকেই জানে? আর যত আক্রোশ শুধু তার ওপর!

আক্রোশ কি না জানি না। ফেলিপিলিও এবার তার বক্তব্যটা বিশদ করবার চেষ্টা করে,—কিন্তু দু'চারদিন ধরে পানামা শহরের সমস্ত আসা-যাওয়ার রাস্তায় গানাদোর মত একজন গোলামের খোঁজে সজাগ কড়া পাহারার ব্যবস্থা যে হয়েছে এটুকু নিভুলভাবে আপনাকে বলতে পারি।

পানামার বাজারের মধ্যে বাস করে গত কয়েকদিন যা সে জেনেছে ফেলিপিলিও তারপর সানসেদোকে শুনিয়ে দেয়। কোতোয়ালীর সিপাই সান্নীদেবর ত বটেই বাজারের সাধারণ লোকেরদের মধ্যেও গানাদোর চেহারার চরিত্রের বর্ণনা কয়েকদিন আগে ঢেঁড়া পিটে জানিয়ে দেওয়া হয়েছে। সেই সঙ্গে ঘোষণা হয়েছে যে এই চেহারার মাহুঘের হৃদয় দিলে প্রচুর পুরস্কার মিলবে।

পুরস্কার দেবে বলে ঘোষণা করেছে? সব কথা শুনে সানসেদো বেশ একটু বিস্মিত সংশয়ের সুরে বলেন,—কোনো ফেরারী গোলামের খোঁজ দেবার জগ্গে সরকারী দপ্তর বা কোতোয়ালী থেকে পুরস্কার দিতে চায় এমন কথা ত কখনো শুনি নি। ফেরারী গোলাম হিসাবে গানাদোর দাম হঠাৎ এত বেড়ে গেল কি করে? জাহাজ থেকে ভোমরা যেদিন নামো সেদিনও ত তার জগ্গে এ খোঁজাখুঁজি ছিল না। পেরু থেকে এর মধ্যে আর কোনো জাহাজও আসে নি যে গানাদোর সেখানকার কীর্তি এখানে জানাজানি হয়ে তার খোঁজ এত জরুরী হয়ে পড়েছে। গানাদোর জগ্গে পানামা সরকারের হঠাৎ এ পুরস্কার ঘোষণার মানোটা আমি ঠিক বুঝতে পারছি না।

আমি বাজারের নানা লোকের সঙ্গে আলাপ করে যা বুঝেছি—ফেলিপিলিও জানায়,—তাতে পুরস্কারটা পানামার সরকারী দপ্তর কি কোতোয়ালী থেকে দেওয়া হচ্ছে বলে মনে হয় না। কোতোয়ালীর মারফত ঘোষণাটা করা হলেও পুরস্কারটা দিতে চেয়েছে অগ্ন কেউ। স্তূনছি, মাত্র ক’দিন আগে স্পেন থেকে এখানে এসে কেউ একজন হস্তে হয়ে ঠিক গানাদোর মত একজন গোলামকে খুঁজছে।

স্পেন থেকে এসে হস্তে হস্তে গানাদোকে খুঁজছে! সানসেদো নিজের মনেই যেন সববে চিন্তা করেন,—গানাদোর বিরুদ্ধে আক্রোশের যার সীমা নেই সে সোরাবিয়া ত এখনো পেরুতে। স্পেন থেকে গানাদোর এত বড় শত্রু আর কে আসতে পারে!

কথা বলতে বলতে বাজারের রাস্তা যেখানে বন্দরের দিকে মোড় নিয়েছে সানসেদো আর ফেলিপিলিও সেখানে দাঁড়িয়ে পড়েছিলেন। হঠাৎ সে পথে একজনকে আসতে দেখে সানসেদো চমকে ওঠেন।

পঁয়ত্রিশ

গানাদো আর কয়ার পানামা থেকে বার হওয়া বুঝি অসম্ভব ?

বারবার ভাগ্যের অবিশ্বাস্ত বিরোধিতা দেখে অন্তত তাই মনে হয়। তা না হলে একান্ত অল্পকূল ঘটনা সম্পূর্ণ বিপরীত হয়ে দাঁড়ায় কেন।

জাহাজ-ঘাটার নামবার পর অচেনা দাস-ব্যবসায়ীর হাতে না পড়ে কাপিতান সানসেদোর উপস্থিত-বুদ্ধি ও তৎপরতায় রক্ষা পাওয়া আর তারপরে ডন মোরালেস-এর মত উদার সহৃদয় মানুষের কাছে আশ্রয় পাওয়া আশাতীত সৌভাগ্য সন্দেহ নেই। কিন্তু সেই সৌভাগ্যই ডন মোরালেস-এর দেশ ও রাজভক্তির গোঁড়ামির দরুন অমন বিপজ্জনক হয়ে উঠবে আগে ত ভাবতে পারা যায়নি !

এটুকু বলা যায় যে, গানাদো অমন তেজী ও সাচ্চা কথার মানুষ না হলে সে বিপদ অবশ্য ঘটত না। মোরালেস-এর কাছে নিজের ষথার্থ মনোভাব গোপন রাখলে তিনি পানামার নতুন শাসনকর্তাকে দিয়ে গানাদোর ক্রীতদাসত্বের কলঙ্কমোচনের ব্যবস্থা বোধহয় করতে পারতেন। কিন্তু আর যেভাবেই হোক অতখানি মিথ্যা পরিচয়ের মূল্যে নিজেদের মুক্তি কিনতে রাজী হওয়া গানাদোর পক্ষে সম্ভব নয়।

মোরালেস-এর আশ্রয় এক রাত্রের মধ্যে ছেড়ে যাওয়ার কঠিন ও বিপজ্জনক সংকল্পই তাই তিনি নিয়েছেন।

সে সংকল্প সফল হওয়ার ব্যাপারে ভাগ্যের অপ্রত্যাশিত সাহায্যই যেন পাওয়া গেছে। কাপিতান সানসেদো ফেলিপিলিওর কাছে যা গুনেছিলেন, তা বেশ একটু ভীত ও ভাবিত করবার মতই ! নগরে আর এক রাত্রের বেশী নিরাপদ আশ্রয় যার নেই, সেই গানাদোকে ধরবার জন্তে পানামা থেকে যাওয়া আনার সমস্ত পথে কড়া জাগ্রত পাহারার ব্যবস্থা করা হয়েছে জানলে শঙ্কিত বিহ্বল হওয়ারই কথা।

সে শঙ্কা-বিহ্বলতা আশ্চর্যভাবে কেটে দিয়েছে প্রায় তৎক্ষণাৎ।

ফেলিপিলিওর সঙ্গে নগর থেকে বন্দরে যাবার পথের বাঁকে থাকে দেখে

কাপিতান সানসেদো চমকে উঠেছিলেন, আশঙ্কার জায়গায় আশার সঞ্চার করবার মূল সে-ই।

প্রথম চমকে ওঠবার পর উচ্ছ্বসিত উত্তেজিতভাবে কাপিতান সানসেদো তার সঙ্গের যে আলাপ করেছেন তাতে কয়েক মুহূর্তের মধ্যেই একটা দুর্বোধ রহস্যের ব্যাখ্যা পাওয়া গেছে আর সেই সঙ্গের সবচেয়ে কঠিন সমস্যার আশাতীত সমাধান হাতের মুঠোয় এসে গেছে বলে মনে হয়েছে।

অসম্ভব যার দরুন এক মুহূর্তে সম্ভব হয়ে ওঠে কে সে জন ?

এমন কেউ যাকে পানামার ওই বাজারের রাস্তায় দেখবার কথা কাপিতান সানসেদো কল্পনাও করেন নি। পরস্পরের প্রথম উচ্ছ্বসিত ব্যাকুল সম্ভাষণের পর বিশ্বাসও করতে পারেন নি তার কথা।

যার ব্যাকুল আবেদনে সাড়া দিতে গিয়েও বিফল হয়ে বেশ একটু বেদনা নিয়ে সেভিল থেকে চলে আসতে বাধ্য হয়েছিলেন, চপল চঞ্চল খেয়ালী হলেও তাঁর একান্ত আদরের ভাগিনেয়ী সেই আনার দেখা যে হঠাৎ স্মদ্র পানামার এই বিশেষ সময়টিতে পেতে পারেন, তা কাপিতান সানসেদো সত্যি কেমন করে কল্পনা করবেন! গানাদোর জন্তে সমস্ত পানামার কড়া নজর রাখার ব্যবস্থা যে আনারই কাজ তা বিশ্বাস করাও তাঁর পক্ষে সহজ নয়।

আনা তাঁকে সমস্ত বৃত্তান্ত সবিস্তারে এরপর জানিয়েছে। সব কিছু শোনবার পর স্তম্ভিত হয়েই তিনি কিছুক্ষণ কোনো কথা বলতে পারেন নি। আনা তাঁকে যে অবিখ্যাত্ত বিবরণ শুনিয়েছে তা ভালো করে ধারণা করতেই যেন তাঁর অনেকখানি সময় লেগেছে।

তিও সানসেদোর কাছে কোনো কথাই আনা এবার গোপন করেনি। কাপিতান সানসেদোর অধীন মেক্সিকো থেকে স্পেনে ফেরবার সেই জাহাজেই সমস্ত কাহিনীর সূত্রপাত! সেই জাহাজে গানাদোকে দেখে দুর্বীর এক আকর্ষণ অল্পভব করেছিল আনা। সব বিচার-বুদ্ধি সংযম ভাসিয়ে দেবার মত আকর্ষণ। সেনর দাস হিসাবে গানাদোর যেটুকু পরিচয় তখন সে জানে তাতে তাঁকে মূর রক্ত মেশানো কোনো খানদানী হিড্যালগোই মনে করেছিল। হৃদয়ের প্রচণ্ড ক্ষুধায় জর্জর ভাগ্য-বঞ্চিত এক যুবতী। অপদার্থ নিষ্ঠুর দায়িত্বহীন এক পাষাণের সঙ্গ দিয়ে হবার পর স্বামীর সঙ্গটুকুও আনা পায়নি। আনাকে বিয়ে করেই তার স্বামী লুঠতরাজ আর অবাধ উচ্ছ্বল জীবনের লোভে পাড়ি দিয়েছিল মেক্সিকোতে। সেখান থেকে তার নানা কুকীর্তি ও পরে মৃত্যুর

উড়ে খবর আনার কাছে পৌঁছেছিল। মামা কাপিতান সানসেদোর সাহায্য নিয়ে পরম দুঃসাহসভরে আনা মেক্সিকো পর্যন্ত গিয়েছিল স্বামীর খোঁজ করতে। স্বামীর মৃত্যুর খবর পাকা জেনে কাপিতান সানসেদোর জাহাজে স্পেনে ফেরার পথে ওই সাফাং। আনা যেমন করে হোক গানাদোকে জয় করতে চেয়েছিল। ছলাকলা চাতুরী কিছুই প্রয়োগ করতে সে দ্বিধা করেনি। গানাদোর কাছে কোনো উৎসাহ সে পায়নি, কিন্তু তার আত্মসংযমের বর্ম শেষ পর্যন্ত ভেদ করতে পারবেই এ আত্মবিশ্বাস আনার ছিল। গানাদোর সংযমের বর্ম ভেদ করবার জগ্গে যে ফন্দি সে করেছিল, তা সত্যিই চতুর।

সোরাবিয়ার সঙ্গে গানাদোর সেই স্বর্ণীয় জুয়া-খেলার দিনই সে না জানার ভান করে কাপিতান সানসেদোর ঘরে ঢুকে পড়ে গানাদোর সঙ্গে পরিচিত হয়ে আলাপ করবার স্লোগান নেয়। হাওয়া বন্ধ হয়ে তাদের পাল-তোলা জাহাজ তখন মাঝদরিয়ার অচল হয়ে আছে। সবার হাতেই অটেল সময়। সময় কাটানই দায়। গানাদোর সঙ্গে সোরাবিয়ার জুয়া খেলার ব্যবস্থাটা সেই জগ্গেই সম্ভব হয়েছিল।

তার তিও অর্থাৎ মামা সানসেদোর ঘরে ঢুকে আনা কৌতুকে উজ্জ্বল মুখে একটা ষড়যন্ত্রের কথা বলেছিল সেদিন। সত্যিই ষড়যন্ত্র কিছু নয়, আসলে অচল জাহাজের জীবনের একঘেয়েমি কাটাবার জগ্গে গোপন একটা নাটকীয় মজার ব্যবস্থা।

মজার ব্যবস্থাটা এই,—সেদিন মাঝরাতে পাহারার ঘড়ি বাজবার পর আধ ঘণ্টা ধরে জাহাজের কাবালিয়েরো মানে ভদ্রবংশের সবাইকে বেমানুম লুকিয়ে থাকবার চেষ্টা করতে হবে। আধঘণ্টা পর্যন্ত ধরা না পড়ে লুকিয়ে থাকতে পারাটাই হবে পরম বাহাদুরী। কাপিতান সানসেদো আর আনা হবে সমস্ত ব্যাপারটা দর্শক ও বিচারক। আর খোঁজাখুঁজি করবে মাঝি-মাল্লারা। ধরা পড়লে কাবালিয়েরোদের গুনোগার দিতে হবে আর সেই গুনোগার যে খুঁজে পেয়েছে সে পাবে বকশিশ হিসেবে।

ব্যাপারটাকে ষড়যন্ত্র বলার একটা জুংসই কৈফিয়তও দিয়েছিল আনা। কোনো কাজকর্ম না থাকায় সমুদ্রে যেন শিকড় গেঁথে জমে যাওয়া জাহাজে মাঝি-মাল্লারা ক্রমশ ধৈর্য হারিয়ে অস্থির হয়ে পড়েছে। জুয়াতেও তাদের আর মন ভরছে না। এরকম অবস্থায় আর এক-আধ দিন কাটাতে হলে হয়ত মাঝায় কোন কুবুন্দির পোকা ঢুকে তারা বেয়াড়া হয়ে উঠতে পারে। তাদের চাগিয়ে তোলাবার জগ্গে তাই এই ধরনের একটু মজার উত্তেজনা হয়ত দরকার।

গানাদো নীরবেই আনার কথা শুনেছিলেন। মতামত কিছু দেননি।

কাপিতান সানসেদোর কিন্তু আনার যুক্তিটা মনে ধরেছিল। তিনি মজার ব্যাপারটায় সায় দিয়েছিলেন। সত্যিই ব্যাপারটা যে এক রকমের যড়যন্ত্র আর তাতে আনার আসল উদ্দেশ্য যে ভিন্ন, তা স্নেহাঙ্ক কাপিতান সানসেদো আর কেমন করে জানবেন!

আনার আসল উদ্দেশ্য যে কি তা গানাদো সেই রাত্রেই বুঝতে পেরেছিলেন।

তার আগে জাহাজের ওপর বেশ নাটকীয় উত্তেজনায় সৃষ্টি হয়েছে সত্যিই। তখনকার দিনে বান্দর খেলাবার ডুগডুগির আকারের বালি রাখা কাচের পাত্র দিয়ে সময়ের মাপ হত। মাঝখানের সরু ফুটো দিয়ে ঘড়ি-গেলাসের একদিকের বালি সব আর একদিকে গিয়ে ঝরে পড়তে সময় লাগত আধ ঘণ্টা। আধ ঘণ্টা অন্তর ঘড়ি বাজিয়ে সময় জানান হত তাই।

সেদিন মাঝরাতে প্রহর জানানো ঘণ্টা বাজবার পর জাহাজের ওপরে একটা হল্লাড় শুরু হয়ে গিয়েছিল। মাঝি-মাল্লারা কাপিতানের অলুমতি আর প্রশ্রয় পেয়ে সমস্ত জাহাজ তোলপাড় করে তুলেছিল কাবালিয়েরোদের খোঁজে।

গানাদো বাদে পুরুষ কাবালিয়েরো ত মাত্র চারজন। সালাজার, কিনেরো মায় সোরাবিয়াকে নিয়ে একে একে ধরা পড়েছিল সবাই। শুধু সেনর দাস নামে পরিচিত গানাদোরই খোঁজ পাওয়া যায়নি।

তন্নতন্ন করে জাহাজের সব জায়গা খুঁজে দেখা হয়েছে। সোরাবিয়া ও সালাজারের মত কাবালিয়েরোদের মধ্যে যারা ধরা পরেছিল তারাও গানাদোর উল্লাসে মাঝি-মাল্লাদের সঙ্গে যোগ দিয়েছে! জাহাজের ওপর একটা ইঁহুর লুকোবার জায়গাও বুঝি তারা না দেখে ছাড়েনি।

জাহাজ বলতে এখনকার বিশ-পঁচিশ হাজার টনের সমুদ্রে ভাসানো শহর ত নয়। ওজনে সত্তর-আশি টন আর লম্বায় বড়জোর হাত ষাটেক পালতোলা জাহাজ আজ যা আমাদের কাছে সামান্য স্থলুপ মাত্র।

এ জাহাজ থেকে মাহুঘটা অমন অদৃশ্য হল কি করে?

কাপিতান সানসেদো পর্বস্ত একটু চিন্তিত হয়ে উঠেছেন। উদ্বেগ যদি কিছু হয়ে থাকে আনার মুখে অন্তত তা ফুটে ওঠেনি।

ঘড়ি-গেলাসের বালি আবার সব নিচের খোপে ঝরে পড়েছে। মাঝরাতের পর ঘড়ি বাজানো হয়েছে আশ্র আধ ঘণ্টা কেটে যাবার।

হঠাৎ চঞ্চল হয়ে উঠেছে জাহাজের মাঝি-মাল্লা সবাই।

নিষ্পন্দ জাহাজ কি এবার তাহলে নড়বে? আকাশের স্তর হাওয়া কি আবার বইতে শুরু করেছে? নইলে জাহাজের পাল হঠাৎ দুলে উঠবে কেন?

সকলে উৎসুক আগ্রহে ওপরে তাকিয়ে দেখেছে। কক্ষপক্ষের বিলম্বিত ভাঙা চাঁদের আলোয় ভুতুড়ে ওড়নার মত জাহাজের বোলা পালগুলো অস্পষ্টভাবে তখন দেখা যাচ্ছে। তার মধ্যে হঠাৎ একটা ছোট পাল অমন দুলে উঠেছে কেন? ওটা তাকে বলে 'ফোর-টপ সেল'। শুধু ওই পালটিই দুলে ওঠবার কারণ কি?

রহস্যটা পরিষ্কার হয়ে গেছে পরের মুহূর্তে। 'ফোর-টপ সেল'-এর দড়ি বেয়ে একটা ভুতুড়ে ছায়াকেই যেন নামতে দেখা গেছে। ডেকের ওপর এসে দাঁড়াবার পর চেনা গেছে যে, সে সেনর দাস ছাড়া আর কেউ নয়। ব্যবহারের গুণে আর জুয়ার অসামান্য বাহাদুরীর দরুন গানাদো আগে থেকেই মাঝি-মাল্লাদের প্রিয় হয়ে উঠেছিলেন, এখন তাঁর এই নতুন ক্রতিতে খুশি হয়ে সবাই তাঁকে ঘিরে ধরেছে। অমন একটা লুকোবার জায়গা তিনি যে বেছে নিয়েছেন এইটেই তাঁর বাহাদুরী।

চারিদিকে ভিড় করে গানাদোর তারিফ যারা করেছে তাদের মধ্যে জাহাজের দু-তিন জনকে শুধু দেখা যায়নি। পুরুষদের মধ্যে দেখা যায়নি সোরাবিয়া আর ফ্রানসিসকান পাদ্রীবাবাকে, আর লুকোচুরির এ নাটকীয় খেলা যার মাথা থেকে বার হয়েছে, সেই আনাই সেখানে অস্থগস্থিত।

এমন সময় কোথায় গেল আনা? সারাদিনের উৎসাহ-উত্তেজনায় হস্ত অতিরিক্ত ক্লান্ত হয়েই আনা আর অপেক্ষা করতে না পেরে তার কামরায় ঘুমোতে গেছে মনে করে কাপিতান তার খোঁজ আর করেন নি। করলে রীতিমত স্তম্ভিত হতেন। জাহাজে কামরা বলতে মাত্র আড়াইটি বলা যায়। একটিতে সরকারী কাগজপত্র আর মেক্সিকো থেকে সম্রাটের জন্তে পাঠানো সোনা-দানার সম্পদ নিয়ে কাপিতান সানসেদো থাকেন, আর একটিতে প্রোটো পরিচারিকাকে নিয়ে সেনোরা আনা। স্বয়ং কটেজ যাকে নিরাপদে পৌঁছে দেবার জন্তে চিঠি দিয়েছেন সেই সেনর দাসের জন্তে কাপিতান সানসেদো যে জায়গার ব্যবস্থাটুকু করতে পেরেছেন তাকে সেকালের হিসেবেও কামরা বলা যায় না। প্রায় কুঁজো হয়ে ঢুকে কোনরকমে একটু গড়াবার সেটা একটা গুহা গোছের খুপরি মাত্র।

কাপিতান সানসেদো তাঁর আদরের সোব্রিনার খোঁজ করলে তাকে তার নিজের কামরায় পেতেন না, সেই রাতে নিজের গুহার মত খুপরি-কামরায় ঢুকে কেন যে গানাদো হঠাৎ চমকে নিস্পন্দ হয়ে গিয়েছিলেন তাও পারতেন না কল্পনা করতে।

সেই রাতে ওই সংকীর্ণ কামরার মধ্যে কি যে ঘটেছিল আনা সেইটুকুই শুধু পানামার বাজারের রাস্তায় কাপিতান সানসেদোকে সবিস্তারে বলতে পারেনি। এইটুকু শুধু বুঝতে দিয়েছে যে, গানাদোর কাছে তার পক্ষে কল্পনাতীত কঠিন প্রত্যাখ্যান পেয়ে দলিতা ফিনীর চেয়ে সে হিংস্র হয়ে উঠেছে তারপর। তার দেহ-মনের এ দুঃসহ বহিঃ-জ্বালায় কুমন্ত্রণার ইন্ধন জুগিয়েছে সোরাবিয়া। সাধারণ অবস্থায় থাকে ঘুণার চোখেই দেখত সেই সোরাবিয়ার সঙ্গেই সে হাত মিলিয়েছে গানাদোর বিরুদ্ধে প্রতিশোধ নেবার জন্তে।

দু-এক দিনের মধ্যেই ঝড়-তুফান হয়ে আবার তাদের জাহাজ শচল হয়েছে। স্পেনের বন্দরে পৌঁছবার আগেই কিন্তু গানাদোর চরম সর্বনাশ হয়ে গেছে আনা আর সোরাবিয়ার মিলিত শয়তানিতে। গানাদো কটেজের স্বাক্ষরিত তাঁর দাসত্ব থেকে মুক্তির সনদ খুঁজে পাননি। কাপিতান সানসেদো খুঁজে পাননি তাঁর কাছে সেনর দাস সশব্দে লেখা কটেজের চিঠি।

সেভিল বন্দরে পৌঁছোবার জন্তে স্পেনের দক্ষিণের গুয়াদালকুইভির-এর নদীমুখে পৌঁছোবার আগেই সোরাবিয়া তার শয়তানীর মোক্ষম চাল চলেছে। গানাদো সম্ভ্রান্ত কাবালিয়েরোর ছদ্মবেশে পলাতক একজন ক্রীতদাস বলে ঘোষণা করে অবিলম্বে তাঁকে বন্দী করা হোক বলে দাবী করেছে কাপিতান সানসেদোর কাছে। হাতে অকাটা প্রমাণ যা ছিল তা রহস্যজনকভাবে খোঁয়া গেছে তবু কাপিতান সানসেদো বুখাই গানাদোর হয়ে এ মিথ্যা অভিযোগ খণ্ডন করার চেষ্টা করেছেন। কোনো উপায় আর নেই জেনে সেভিলে জাহাজ লাগবার আগেই রাজের অঙ্ককারে গুয়াদালকুইভির-এর জলে নিঃশব্দে নিজেকে ভাসিয়ে দিয়েছেন গানাদো।

অপমানের জ্বালায় উন্মত্ত হয়ে গিয়েছিল আনা। একটু প্রকৃতিস্থ হবার পর নিজের প্রতিহিংসা চরিতার্থ করার জন্তে কি নিদারুণ মূল্য তাকে দিতে হয়েছে বুঝতে পেরে স্তম্ভিত হয়ে গিয়েছে বিহ্বল-বেদনায়। তার নীচ পৈশাচিক চক্রান্তের মন্ত্রী ও সহায় সোরাবিয়ার সঙ্গে যে সে তখন বিবাহের বাঁধনে বাঁধা।

গানাদোর দাসত্ব থেকে মুক্তির সনদই শুধু চুরি করেনি সোরাবিয়া, স্পেনের

দরবারে তার সম্বন্ধে লেখা কটেজের উচ্ছ্বসিত চিঠিটিও হাত করেছে সেই সঙ্গে। সেই চিঠির ওপর একটু জালিয়াতির বিত্তে খাটিয়ে তাই দিয়ে অসাধ্য সাধন করাও সম্ভব হয়েছে সোরাবিয়ার পক্ষে। স্বদূর সাগরপারে টিনচটিটলান বিজয়ে কটেজকে কল্পনাভীত সাহায্য করার স্বীকৃতি হিসেবে সামান্য সোরাবিয়া এক মুহূর্তে হয়ে গেছে মাকু'ইস গঞ্জালেস দে সোলিস।

নিজের অপরাধের গ্রানিতে অহুশোচনার তখন দগ্ধ হচ্ছে আনা। সোরাবিয়ার সঙ্গে তার সম্পর্কটা দাঁড়িয়েছে চরম ঘৃণা ও বিদ্বেষের। যে অন্ডায় সে করেছে তার প্রতিকার করবার জন্তে আনা তখন ব্যাকুল। সেই জন্তেই কাপিতান সানসেদোকে সে আকুলভাবে খুঁজছে। চেয়েছে গানাদোর কাছে অকপটে নিজের সব কথা জানাতে।

নিষ্ঠুর কৌতুকে তার ভাগ্য আশা দিয়েও সে স্বেযোগ ছিনিয়ে নিয়েছে। শেষ পর্যন্ত আনা মরিয়্য হয়ে টোলেডোর রাজদরবারেই গিয়ে উপস্থিত হয়েছে সব অপরাধ স্বীকার করে সোরাবিয়ার অবিশ্বাস্ত্র জালিয়াতি প্রকাশ করে দেবার সঙ্কল্প নিয়ে। সেখানেই মেক্সিকো বিজয়ী কটেজের সঙ্গে তার দেখা। কটেজ নিজে তখন কর্ডোভায় এক প্রতারণার ষথার্থ পরিচয় হঠাৎ স্মরণ করতে পেরে রাগে অগ্নিশর্মা হয়ে টোলেডোতে এসেছেন সে পাষণ্ডের উপযুক্ত শাস্তির ব্যবস্থা করতে।

রাজ-দরবারে আনার অপরাধী হিসেবে আত্মসমর্পণের দরকার হয়নি। মাকু'ইস গঞ্জালেস দে সোলিস রূপী সোরাবিয়ার জালিয়াতি ধরিয়ে দিয়ে কটেজ তার বিরুদ্ধে পরোয়ানা জারি করিয়েছেন আর সেই সঙ্গে গানাদোর দাসত্ব থেকে মুক্তির সনদ নতুন করে রাজ-দপ্তর থেকে বার করিয়ে আনার হাতেই দিয়েছেন গানাদোর কাছে পৌঁছে দেবার জন্তে।

সেই সনদ নিয়ে আনা একাই পানামায় এসেছে পরম দুঃসাহসে। একদিন যেখানে গানাদোর দেখা পেয়েছিল আবার সেখানে হয়ত পেতে পারে এই তার আশা। সে আশা এ পর্যন্ত সফল হয়নি। তবু ধৈর্য ধরে ভেতরের কি যেন এক হুব্বোধ আশ্বাসে আনা পানামাতেই অপেক্ষা করেছে এতদিন।

অন্তরের আশ্বাস যে তার মিথ্যা নয়, কাপিতান সানসেদোর সঙ্গে অপ্রত্যাশিত এই সাক্ষাতেই তার প্রমাণ পাওয়া গেছে।

সমস্ত সমস্ত্রা মিটে গিয়ে সব মুঞ্চিল এবার আসান হবে ধরে নেওয়া উচিত। আনার কাছে গানাদোর দাসত্বমোচনের কারমান। তার জ্বরে গানাদো

নিৰ্ভয়ে কয়াকে নিয়ে পানাৰ্মা যোজ্জ্কেৰ মাৰখানেন পৰ্বতপ্ৰাচীৰ ডিঙিয়ে আটলাণ্টিকের উপকূলের প্ৰথম-বন্দর নোম্ব্ৰে দে দিয়স থেকে ইউৰোপের দিকে যখন খুশি পাড়ি দিতে পাৰবেন।

কিস্ত তা সম্ভব হয় কই? আশাতীত সৌভাগ্যৰূপে যা দেখা দেয়, নিয়তির নিষ্ঠুর পৰিহাসে তা-ই চৰম দুৰ্ভাগ্য হয়ে দাঁড়ায় দুদণ্ড না যেতে যেতে। তা না হ'লে বুক ফুলিয়ে নিৰ্ভয়ে প্ৰকাশ্বে যাঁৰ রঙনা হবার কথা সেই গানাদোকে সে ৰাত্ৰেই চোৰের মত কয়াকে নিয়ে পানাৰ্মা ছাড়বার চেষ্টা করতে হয় কেন!

ছত্রিশ

বন্দরের নাম নোমত্রে দে দিয়স অর্থাৎ ভগবানের নাম।

নাম ভগবানের হলেও জায়গাটা গানাদো আর তাঁর সঙ্গীদের কাছে শয়তানের মুল্লুকই হয়ে দাঁড়িয়েছে।

এই বন্দরে পুরো দু হপ্তা ধরে হা-পিত্যেণ করে তাঁরা অপেক্ষা করে আছেন স্পেনে বা ইন্ডোরোপের যে কোন জায়গায় ফিরে যাবার একটা জাহাজের যাত্রী হবার সুযোগের জন্তে। তাঁদের মত তাড়াতাড়ি সম্ভব কোন জাহাজে রওনা হওয়া দরকার ছিল। যত দিন যাচ্ছে ধরা পড়ার বিপদ তত বাড়ছে। কিন্তু কোন জাহাজে জায়গা পাবার আশাই আর দেখা যাচ্ছে না।

পানামা যোজকের পার্বত্য মেরুদণ্ড পার হবার সময় এই বিপদটার কথা গানাদো বা তাঁর দলের কেউ কল্পনা করতে পারেন নি। নোমত্রে দে দিয়স-এ পৌঁছলে আর কোন ভাবনা থাকবে না এই ছিল তাঁদের দৃঢ় বিশ্বাস।

দুর্গম পথে পানামা থেকে পাহাড় ডিঙিয়ে লুকিয়ে ওপারের বন্দর নোমত্রে দে দিয়স এ পৌঁছানো সত্যিই ছিল প্রায় অসাধ্য।

পানামা যোজকের এপারে-ওপারে যাওয়া-আসার একটা সরকারী পথ তখন চালু হয়ে গেছে। তৈরী করা বাঁধানো রাস্তা না হলেও তা আগাগোড়া চিনে যাবার মত করে চিহ্ন দেওয়া। দক্ষিণে পেরু আর উত্তরে ছোট ছোট রাজ্যে অভিযান শুরু হওয়ার পর থেকে সে রাস্তায় অল্প-বিস্তর লোক চলাচলেরও কামাই নেই।

গানাদো আর তাঁর সঙ্গীরা সে রাস্তা ব্যবহার করতে ত পারেন নি। তার উপায় ছিল না। দুর্ভেদ্য বনজঙ্ঘলের ভেতর দিয়ে তাঁদের নতুন করে পথ খুঁজে নিয়ে পাহাড়ের ওপারে যেতে হয়েছে সমস্ত ব্যাপারটা সম্পূর্ণ গোপন রাখবার জন্তে। এই গোপনতার জন্তেই পানামায় রাত্রের অন্ধকারে এমনি লুকিয়েই তাঁদের মোরালেস-এর বাড়ি ছাড়তে হয়েছিল। কিন্তু কেন এ গোপনতা, এ প্রশ্ন এবার উঠতে বাধ্য।

কাপিতান সানসেদোর সঙ্গে অমন দৈবানুগ্রহে আনা-র দেখা হয়ে যাবার

পরও পানামা ছাড়তে গানাদোর অমন লুকোচুরির দরকার ত হবার কথা নয়।

স্পেনের রাজধানী টোলেডো থেকে গানাদোর যে মুক্তিপত্র আনা অত আগ্রহভরে সন্ধে করে এনেছিল তাতে কি তাহলে গলদ ছিল কিছু ?

না, তা ছিল না। সে হুকুমনামা টোলেডোর রাজদরবারে মহামাণ্ড কটেক্স-এর সুপারিশে স্বয়ং সম্রাটের স্বাক্ষরিত।

আনা কি তাহলে শেষ পৰ্ব্বস্ত গানাদোর হাতে এ মুক্তিপত্র দিতে কাপিতান সানসেদোর সন্ধে ডন মোরালেস-এর আস্থানায় গিয়ে উঠতে পারে নি ?

না, তাও সে গিয়েছিল। দেখাও পেয়েছিল গানাদোর।

কিন্তু মুক্তিপত্র তাঁর হাতে দেয় নি। তার বদলে আহত বাঘিনীর মত প্রতিহিংসার জন্তে ক্ষিপ্ত হয়ে উঠে গানাদোকে চরম সর্বনাশের জন্তে প্রস্তুত থাকতে বলে ঝড়ের মত সেখান থেকে বেরিয়ে গিয়েছিল।

আনার মত নারীচরিত্রের গহন রহস্য জানা থাকলে কারণটা বোধ হয় আর ব্যাখ্যা করতে হবে না।

আনা আকুল আগ্রহে গানাদোর দেখা পাবার আশায় ছুটে এসেছিল মোরালেস-এর বাড়িতে। গানাদোর দেখা পেয়েছিল আর সেই সন্ধে করারও।

কন্য়ার কোন পরিচয় তখনও কেউ দেয় নি। তবু আনা থমকে দাঁড়িয়ে পড়েছিল মোরালেস-এর বাড়ির ভেতর ঢুকে প্রথম তাকে দেখে। কিছুক্ষণ নিস্পন্দ নীরব হয়ে গিয়ে বিবর্ণ মুখে ধরা গলায় গানাদোকে একবার জিজ্ঞাসা করেছিল শুধু—এ কে ?

উত্তরের জগ্গেও তারপর অপেক্ষা করে নি। হঠাৎ যেন বারুদের স্তূপের মত বিস্ফোরিত হয়ে হিংস্রকণ্ঠে চিৎকার করে উঠেছিল,—এই তোমার পছন্দকরা সুন্দরী ? সাত সমুদ্র পারের দেশ থেকে একেই খুঁজে নিয়ে এসেছ তোমার ঘরনী করবে বলে ? একে নিয়েই এখান থেকে লুকিয়ে পালাতে চাও ? সে স্বপ্ন ভুলে যাও। ফেরারী একটা গোলামের সন্ধে বুনো বর্বর একটা বাদীর মিল অত সহজ নয়। তোমার পেয়ারের সঙ্গিনীকে নিয়ে পানামার এক পা বাইরে কেমন করে তুমি যাও আমি দেখছি।

আগুনের হল্কার মত কথাগুলো মুখ থেকে বার করে আনা আর এক মুহূর্ত সেখানে দাঁড়ায় নি। যেভাবে সে ছুটে বেরিয়ে গেছে তাতে অদম্য ক্রোধ নয় দুঃসহ কোন যন্ত্রণাই যেন তাকে তাড়িয়ে নিয়ে যাচ্ছে বলে মনে হয়েছে।

শুধু গানাদো আর কয়লা নয়, সে ঘরে তখন কাপিতান সানসেদোর সঙ্গে ডন মোরালেস আর ফেলিপলিয়ো-ও উপস্থিত। সকলেই স্তম্ভিত বিহ্বল।

শোনো! শোনো আনা! কাপিতান সানসেদোই প্রথম চিৎকার করে ডেকে আনাকে ফেরাবার জন্তে পিছনে ছুটে যাচ্ছিলেন, তাঁকে বাধা দিয়েছিলেন গানাদো।

বলেছিলেন,—কোন লাভ নেই কাপিতান। ওকে এখন ফেরাবার চেষ্টা বৃথা। এখন ওর যা মনের অবস্থা সম্ভব হলে এখনই ও কোতোয়ালী থেকে সিপাই আনিয়ে আমায় ধরাবার ব্যবস্থা করবে।

করতে চাইলেও তা সম্ভব হবে না। ধীর গম্ভীর স্বরে বলেছিলেন ডন মোরালেস,—এখন সন্দেহ হয়ে এসেছে। পানামা স্পেন নয়। দিনের দায় চুকলে সারা রাত সজাগ পাহারায় খোলা থাকবার মত কোতোয়ালী স্পেনের শহরেই মেলে না, ত এখানে! কাল সকালের আগে কোতোয়ালী থেকে হামলার ভয় তাই নেই। যেমন করে হোক আজ রাতেই পানামা ছাড়বার ব্যবস্থা কিস্তি করতে হবে!

আপনি যত তাড়াতাড়ি সম্ভব আপদ বিদায় করতে চান, কেমন?—কাপিতান সানসেদো তিক্তস্বরে বলেছিলেন ডন মোরালেসকে।

তার উত্তরে এবার একটু হেসেছিলেন ডন মোরালেস। হেসে বলেছিলেন—ঠিকই বুঝেছেন কাপিতান। আপদ যাতে ঠিক মত বিদায় হয় তার জন্তে নিজেও সঙ্গে গিয়ে মাঝখানের পাহাড়টা পার করে দিতে চাই।

আপনি আমাদের সঙ্গে যেতে চান? সত্যিই বিশ্বিত হয়ে জিজ্ঞাসা করেছিলেন গানাদো।

হ্যাঁ, এ পাহাড় পার হবার একটা গোপন রাস্তা নইলে তোমাদের চেনাবে কে?—প্রসন্ন কণ্ঠে বলেছিলেন ডন মোরালেস।

সত্যিই তাই চিনিয়ে নিয়ে গিয়েছিলেন ডন মোরালেস। দুর্গম হলেও সম্পূর্ণ অজানা একটি পথ। এ পথ ডন মোরালেসকেও পুরানো স্মৃতি হাতেড়ে খুঁজে বার করতে হয়েছে। একদিন তিনি ফ্রানসিসকো পিজারোর সঙ্গে এই পথেই পাহাড় পার হয়ে প্রথম পশ্চিমের অকুল সমুদ্র দেখে আবার ফিরে গিয়েছিলেন। সম্পূর্ণ না হলেও কিছুটা তার মনে ছিল। পথ হিসেবে এটি অবশ্য সহজ স্বপ্নময় নয়। এর চেয়ে সহজ পথ তারপর আবিষ্কৃত হয়েছে এপার-ওপার যাতায়াতের সুবিধে করে দিয়েছে। এ দুর্গম পথের একমাত্র সুবিধা এই যে তা সম্পূর্ণ

নিরাপদ। এ পথে কোন পাহারাদারের নজরে পড়বার কোন ভয় নেই।

ডন মোরালেস গানাদোর দলকে শুধু নিরাপদ পথ চিনতেই সাহায্য করেন নি, কন্স-র বাহন হিসেবে একটি ঘোড়াও সঙ্গে আনবার ব্যবস্থা করেছিলেন।

কিন্তু এত চেষ্টা এত কষ্ট সবই বৃথা মনে হয়েছে নোমব্রে দে দিয়স-এ কয়েকটা দিন কাটবার পর। স্পেনে ফিরে যাবার জাহাজের সমস্যা যে এমন নিদারুণ হতে পারে তাঁরা ভাবতে পারেন নি।

বন্দরে কোনো জাহাজ নেই এমন নয়। মাঝে মাঝে দু-একটা জাহাজ স্পেনে ফেরবার জগ্গে পাড়িও দিচ্ছে। কিন্তু গানাদোর মত মাহুষদের তাতে জায়গা পাওয়া অসম্ভব।

এ সব জাহাজে সরকারী কাজের লোক বাদে যারা যায় তাদের ভাড়া যা দিতে হয় তা প্রায় গলা-কাটা।

যোজকের ওপর থেকে সোনা ছড়ানো সব জায়গা বিশেষ করে প্রায় সোনায় বাঁধানো পেরুর মত দেশ আবিষ্কৃত ও লুণ্ঠিত হতে শুরু হওয়ার পর থেকেই এই অবস্থা দাঁড়িয়েছে। তাল তাল সোনাদানা যারা লুট করে এনে দেশে ফিরছে জাহাজের নাথোদা-রা তাদের ওপর মায়া-দয়া করবে কেন? জাহাজে জায়গা পেতে হলে লুটের মালের বেশ কিছু ভাগ তাদের দিয়ে যেতে হবে।

সত্যিই লুট করে যারা ফিরছে তারা তাই দিতে খুব আপত্তি করে না। কিন্তু গানাদো সেরকম খাই মেটাবেন কোথা থেকে! দলের মধ্যে সামান্য যা একটু পুঁজি আছে তা কাপিতান সানসেদোর কাছে। জাহাজ-ভাড়ার সমস্যা এমন হতে পারে অসম্ভব করতে না পেলে তিনি সঙ্গে বিশেষ কিছু আনেন নি। তবু যতটা পারেন তিনি সবই দেন কাপিতানের হাতে। গানাদো আর কন্স-র মূল্য বাবদ যা পেয়েছিল ফেলিপিলিও তাও প্রায় সবটাই ফেরত দেয়। সকলের কাছে সব কিছু কুড়িয়ে-বাড়িয়েও যা সংগ্রহ হয় তা কিন্তু একজনের ভাড়ার পক্ষেও যথেষ্ট নয়।

ভাড়া যা দিতে পারবেন না গতরে খেটে তা পুষিয়ে দেবার প্রস্তাব করেও দেখেন গানাদো। কাপিতান সানসেদো আর ফেলিপিলিওকে নিয়ে পুরুষ তাঁরা তিনজন। একমাত্র কন্সকে যদি যাত্রিণী হিসেবে জায়গা দেয় তাহলে তাঁরা তিনজনে মালা হিসেবে যে কোন কাজ করতে প্রস্তুত বলে জানান।

নোমব্রে দে দিয়স বন্দরে আর যা কিছু হোক জাহাজের মাঝি-মন্সার

অভাব নেই। গানাদোর দলের এ প্রস্তাবে রাজী হবার মত কোন জাহাজের কাপিতান পাওয়া যায় না।

প্রতিদিন অবস্থা যে গুরুতর হয়ে দাঁড়াচ্ছে তা ভালো করেই বুঝতে পারেন গানাদো। এখন শুধু জাহাজের ভাড়া সংগ্রহই সমস্যা, পরে যে কোন দিন সমস্যা আরো সন্ধিন হয়ে উঠতে পারে। মার্কামারা ফেরারী গোলাম হিসেবে তখন জাহাজে ওঠাই অসম্ভব হবে।

আনা এ কয়দিনে তাঁর খোঁজে পানামা তোলপাড় করে ফেলেছে নিশ্চয়। ওপারের হলিয়া যে এখনো এপারে পৌঁছায় নি এই ভাগ্য। কিন্তু এ ভাগ্য আর কদিন টিকবে!

সাঁইত্রিশ

পানামার হলিয়া নোমব্রে দে দিয়স-এ পৌঁছোলে ফেরাস্তী গোলাম বলে চিহ্নিত হয়ে এ বন্দর থেকে বার হওয়া তাঁর পক্ষে কঠিন হবে এই ভয় করেছিলেন গানাদো।

তার চেয়ে কত বড় অভাবিত নিদারুণ দুর্ভাগ্য যে তাঁর জন্তে অপেক্ষা করে আছে তিনি তখন কল্পনাই করতে পারেন নি।

নোমব্রে দে দিয়স-এ কয়েক দিন ফিরতি জাহাজে জায়গার খোঁজে হতাশ-ভাবে কাটাবার পর সেদিন ফেলিপিলিও একটা আশার খবর এনেছে। সেদিন সকালেই একটি ছোট 'কারাভেল' বন্দরে এসে ভিড়েছে। পানামা থেকে স্পেনে নিয়মিত যে সব জাহাজ যাতায়াত করে তাদের কোনটি নয়। এ 'কারাভেল'-এর বন্দর-ঘাট হল নিকারাগুয়ার পুন্টা গোরদা। সেখান থেকে রওনা হয়ে ঝড়ের মুখে বিপথে এসে পড়ে নোমব্রে দে দিয়স-এ আশ্রয় নিয়েছে শুধু দিনের বেলাটার কিছু মেরামতি সেরে নেবার জন্তে। সন্ধ্যা বেলাতেই আবার অল্পকূল হাওয়ায় রওনা হবে।

এ অঞ্চলের জাহাজ নয় বলে হয়ত তাতে জায়গা পাওয়া অত কঠিন হবে না। কাপিতান সানসেদো আর ডন মোরালেসকে নিয়ে গানাদো তাই ভেবে জাহাজের নাথোদার সঙ্গে কথা বলতে গিয়েছেন।

গিয়ে শেষ পর্যন্ত হতাশই হতে হয়েছে। এ জাহাজে কাপিতান সানসেদোকে নিয়ে তাঁর ও কয়ার মত জায়গা ছিল ঠিকই। ভাড়াও তাঁদের সাখ্যের অতিরিক্ত ছিল না। কিন্তু তাঁদের পৌঁছোতে দেরী হয়ে গেছে। সকালবেলা বন্দরে ভিড়বার কিছু পেরেই এখানকার একজন সব কটি জায়গাই আগাম মূল্য দিয়ে নিয়ে রেখেছেন।

কে সে লোকটি?—না জিজ্ঞেস করে পারেন নি গানাদো। সেই সঙ্গে উৎসুকভাবে বলেছেন—হয়ত তাঁর দরকার আমাদের মত জরুরী নয়। ঠিক মত বোঝাতে পারলে হয়ত আমাদের জন্তে জাহাজের জায়গা তিনি ছেড়েও দিতে পারেন। আপনি শুধু তাঁর নাম আর পরিচয়টা আমাদের দিন।

নাম আর পরিচয় কি আমি মুখস্থ করে রেখেছি! এবার যেন একটু অধৈর্যই ফুটে উঠেছে জাহাজের নাকোদার গলায়,—ভাড়া বুঝে পেয়ে জাহাজে জায়গা কবুল করে দিয়েছি, বাস ব্যাপার চুকে গেছে। তাছাড়া নাম-ধাম মনে থাকলেও আপনাদের বলতাম না। তার বারণ আছে।

আর কথা বাড়ানো বৃথা বুঝে গানাদো মোরালেস আর কাপিতানকে নিয়ে সেখান থেকে চলে এসেছেন। সামান্য একটু দেবীর জন্তে এমন একটা বিরল সুযোগ হাতছাড়া হওয়ায় মনটা খিঁচড়ে গেছে বড় বেশী। তিক্ত হতাশা নিয়ে তিনজনে বন্দর শহরের ‘পুল্কে’ পান করবার একটা দোকানে গিয়ে খানিকক্ষণ বসেছেন। সেখান থেকে বার হতে প্রায় সন্ধ্যা হয়ে গেছে।

‘পুল্কে’ পানশালায় ওই সময়টুকু কাটানোই হয়েছে মারাত্মক ভুল। সর্বনাশ হয়ে গেছে ওই বিলম্বটুকুর মধ্যেই।

সর্বনাশের খবরটা প্রথম পেয়ে বিশ্বাসই করতে পারেননি। বিশ্বাস করা সত্যিই শক্ত।

পানশালা থেকে বেরিয়ে নগর-সীমানায় তখন নিজেদের আস্তানায় দিকে তিনজনে বিষণ্ণ মনে চলেছেন। হঠাৎ দূর থেকে একটি মূর্তিকে ছুটে আসতে দেখে চমকে উঠেছেন গানাদো।

একি! এ ত আনা! কিন্তু আলুথালু বেশে অবিগ্নস্ত কেশে এমন উম্মাদিনীর মত চেহারা কেন?

উম্মাদিনীর মতই ছুটে এসে আনা গানাদোর একটা হাত বাকুলভাবে জড়িয়ে ধরেছে! তারপর হাঁফাতে হাঁফাতে এক নিঃশ্বাসে যা বলেছে তা পাগলের প্রলাপ ছাড়া আর কি হতে পারে?

সোরাবিয়া গানাদোদের আস্তানা থেকে কয়াকে জোর করে ধরে নিয়ে একটা জাহাজে পালাচ্ছে। এখনো বন্দরে ছুটে গেলে তাকে বাধা দেওয়া যায়। এই হল আনার উত্তেজিত যন্ত্রণাকাতার কণ্ঠের নিবেদন।

বিশ্বাস করা যায় এরকম আজগুবি অসম্ভব সংবাদ!

সোরাবিয়া কোথা থেকে এল এখানে?—তীক্ষ্ণ কণ্ঠে অনেকগুলি প্রশ্ন করেছেন গানাদো,—তুমি হঠাৎ এ খবর দেওয়ার জন্তে ছুটে এসেছ কেন? কয়া ত অসাড় গাছ-পাখর নয়। তাকে এই দিনের আলোয় নগরের রাস্তা দিয়ে বন্দর পর্যন্ত নিয়ে গেল কি করে? জাহাজেই বা তুলল কিভাবে?

এসব প্রশ্ন এখন করবার নয়। আকুল অস্থির হয়ে উঠেছে আনা,—তোমার

কয়্যাকে যদি বাঁচাতে চাও এখনি বন্দরে গিয়ে ধরবার চেষ্টা করো সোরাবিয়াকে ।

‘কয়্যাকে বাঁচাবার জন্তে এত ব্যাকুল কর্নন থেকে হলে!—তীব্র বিক্রপের স্বরে বলেছেন গানাদো—সোরাবিয়া ত মন্ত্র পড়ে আমাদের হৃদিস পায়নি । আমাকে ও কয়্যাকে ধরিয়ে দেবার জন্তে তুমিই ত তাকে সব জানিয়েছ ।

হ্যাঁ জানিয়েছি ! কান্না-চাপা গলায় বলেছে আনা,—ঈর্ষা আর প্রতিহিংসার জ্বালায় আমি তখন উন্মাদ হয়ে গিয়েছিলাম । বিশ্বাস করো আজ নিজের জীবন দিয়েও সে ভুল, সে পাপের প্রায়শ্চিত্ত করতে আমি প্রস্তুত ! কিন্তু এসব কথায় কাঁটাবার সময় এখন নেই ! তুমি এখনো বন্দরে গেলে হয়ত তাকে ধরতে পারবে । আমার তুমি যত খুশি ঘৃণা করো দাস ; সেই ঘৃণার ভেতর দিয়েই তোমার মনে একটু জ্বরগা পেয়ে আমি এখন খুশি থাকব । কিন্তু আমার তুমি অবিশ্বাস করো না । আর এক মুহূর্ত দেরী না করে তুমি বন্দরে যাও ।

গানাদো কিন্তু নিজের সমস্ত প্রেমের উত্তর না শুনে সেখান থেকে এক পা নড়েন নি । এমনি অব্যর্থ সর্বনাশা জেদ হয়েছিল তাঁর সেদিন ।

অপ্রকৃতিস্বের মত অস্থির উত্তেজিত কণ্ঠে আনা এবার যা জানিয়েছে তার সার কথা হল এই যে সোরাবিয়া করেক দিন আগে পেরু থেকে পানামায় ফেরে । আনার মত সেও মার্কুইস গঞ্জালেস দে সোলিস হিসাবে পানামার গবেতনাডর-এর অতিথি হয় বলে ছুজনের দেখা হয় আপনা থেকেই । আনার কাছে গানাদোর খবর জানতে পেরে সোরাবিয়া তখনই আনাকে নিয়ে নোমব্রে দে দিয়স বন্দরে আসার ব্যবস্থা করে । এখানেই যে গানাদো আর কয়্যাকে সে ধরতে পারবে এ বিষয়ে তার কোন সন্দেহ ছিল না । আগেকার এক সপ্তাহের মধ্যে কোন জাহাজ বন্দর থেকে ছাড়েনি জেনে সে আরো নিশ্চিত হয় । নিজেকে প্রচ্ছন্ন রেখে সে গোপনে গানাদোর হৃদিস পাবার চেষ্টা করে । নগরের পথে একদিন ফেলিপিলিওকে দেখে তাকে নিঃশব্দে অনুসরণ করে গানাদোর সন্ধান সে পেয়েও যায় । সেই সঙ্গে ‘কয়্যাকেও সে দেখে । এবার সে যে শয়তানী মতলব ভাঁজে তা বাহাচুরী করেই হিংস্র বিক্রপের সঙ্গে আনাকে জানায় । গানাদোকে ফেরারী গোলাম হিসেবে সে ধরিয়ে দেবে কিন্তু শুধু তাতেই সে সন্তুষ্ট থাকবে না । কয়্যাকেও সে লুট করে নেবে । আনা যে তার বিবাহিতা স্ত্রী হয়েও গানাদোর প্রেমে হারুডুবু, এ লুণ্ঠন হবে তারই প্রতিশোধ । পানামা থেকে রওনা হবার পর থেকেই নিজের অপরাধের পরিমাণটা বুঝতে পেরে আনা অনুশোচনায় দগ্ধ হতে শুরু করেছে ।

এবারে সে সোরাবিয়ার বিরুদ্ধে প্রকাশ্যেই বৈকে দাঁড়ায়। গানাদো যে আর গোলাম নয় মুক্ত স্বাধীন নাগরিক, সম্রাটের সহ-করা সনদ দেখিয়ে বন্দরের কোতোয়ালকে তা সে জানিয়ে দেবে বলে। হিতে বিপরীত হয় এ শাসনিত্তে। সোরাবিয়া প্রথমে আনার কাছ থেকে গানাদোর মুক্তিপত্র জোর করে আদায় করবার চেষ্টা করে। কোথায় আনা সে সনদ লুকিয়ে রেখেছে জানবার জন্তে যতখানি সম্ভব শারীরিক উৎপীড়ন করতে সে দ্বিধা করে না। তা সত্ত্বেও বিফল হয়ে আনাকে প্রায় অজ্ঞান অবস্থায় তাদের এখানকার আশ্রয় নিবাসের একটি ঘরে বন্ধ করে রেখে সোরাবিয়া তার ভাড়াকরা গুণ্ডাদের নিয়ে গানাদোর আন্তানায় হানা দেবার মতলব জাঁটতে বদে পাশের ঘরেই। বেহঁশ অবস্থাটা কেটে যাওয়ার আনা প্রায় সমস্ত ষড়যন্ত্রটাই শুনতে পেয়েছে। গানাদোর আন্তানায় হানা দিয়ে জোর করে হাত পা মুখ বেঁধে তারা কয়াকে বার করে আনবে। তারপর কফিন-এর বাক্সে পুরে মৃতদেহের মত তাকে বয়ে নিয়ে বাবে বন্দরের দিকে। সেদিকের নির্জন রাস্তায় একবার পৌঁছোতে পারলে থলির মধ্যে ভরা কোন চালানীর মাল হিসেবে কয়াকে জাহাজে তুলে তখনকার মত সোরাবিয়ার নিজের ভাড়া-করা কেবিনে বন্দী করে রাখা মোটেই শক্ত হবে না। এই পরামর্শ করে ভাড়াটে গুণ্ডাদের নিয়ে সোরাবিয়া বেরিয়ে গেছে। প্রতিবেশীদের একজন আনার চিংকার আর দরজায় আঘাত শুনে যখন এসে তাকে মুক্ত করেছে তখন আনার নিজে থেকে কিছু করবার আর উপায় নেই। এইটেই তাঁর যাতায়াতের পথ জেনে আনা তাই আকুলভাবে গানাদোর জন্তে এখানে অপেক্ষা করে আছে। সোরাবিয়ার পৈশাচিক ষড়যন্ত্র শেষ মুহূর্তে যদি ব্যর্থ করা যায় সেই আশায়।

এত কথা শোনবার পরও যদি গানাদো বন্দরের বদলে তাঁর আন্তানাতেই ব্যাপারটা সম্বন্ধে নিঃসন্দেহ হবার জন্তে না ফিরে যেতেন!

আন্তানায় ফিরে গিয়ে নিজের চোখে অবশ্য তিনি রক্তাক্ত মুমূর্ ফেলিপিলিওকে দেখেছেন। শেষ নিঃশ্বাস পড়বার আগে শুনেছেন তার কণী স্তম্ভপ্রায় কণ্ঠে সোরাবিয়ার পৈশাচিক আক্রমণের কথা। সেই আক্রমণ ঠেকাবার জন্তেই প্রাণ দিয়ে ফেলিপিলিও তার দেশদ্রোহিতার প্রায়শ্চিত্ত করে গেছে।

কাপিতান সানসেদো আর ডন মোরালেস-এর গুপ্ত ফেলিপিলিওর উপযুক্ত সংস্কারের ভার দিয়ে গানাদো তারপর বন্দরে ছুটে গেছেন।

কিন্তু তখন দেরী হয়ে গেছে একটু বেশী ।

রাতের অন্ধকার গাঢ় হয়ে তখন নেমে এসেছে পৃথিবীর ওপর। সেই অন্ধকার উত্তর আকাশের ঈষৎ ফিকে পশ্চাৎপটে সোরাবিয়ার সঙ্গে বন্দিনী কয়াকে যা বয়ে নিয়ে যাচ্ছে সেই জাহাজটার গাঢ় কৃষ্ণ রেখাকৃতি আর তার মধ্যে একটা নাতি উজ্জ্বল আলোর বর্তিকা ক্রমশঃ দূরে সরে যেতে দেখা গেছে । আর মাত্র কিছুক্ষণ আগে এলে বুঝি এ জাহাজের নোঙর তোলা বন্ধ করবার চেষ্টা করা যেত ।

শ্রীঘনশ্যাম দাস চূপ করলেন আর সেই সঙ্গে সঙ্গে ককিয়ে উঠলেন কুস্তোদর রামশরণবাবু,—ওই পাপিষ্ঠ সোরাবিয়া ‘কয়াকে’ অমন করে অবাধে লুট করে নিয়ে চলে গেল ?

না, তা আর যেতে পারল কই ! শ্রীঘনশ্যাম দাস আর সকলের ত বটেই মর্মর মস্তণ য়ার মস্তক সেই শিবপদবাবুর মুখেও অক্ষুট একটু প্রসন্ন হাসি ফুটিয়ে বললেন,—বন্দরের সীমানা ছাড়িয়ে খোলা দরিয়ার পড়তে-না-পড়তে জাহাজের হালী গায়ের ওপর কয়েক ফোঁটা জল পড়ায় চমকে উঠেছে ।

মেঘের বাষ্প কোথাও নেই । এমন ঝকঝকে পরিষ্কার আকাশ থেকে জলের ফোঁটা ঝরে কেমন করে ?

ওপর দিকে চেয়ে শিউরে উঠেছে সে । শিউরে উঠেছে সোরাবিয়াও । জাহাজ বন্দর থেকে ছাড়বার পর থেকে এতক্ষণ পর্যন্ত সে ডেকের ওপরেই আছে, নির্বিঘ্নে খোলা দরিয়ার পৌছোনটুকু দেখে যাবার জন্তে ।

খোলা দরিয়ার পৌছোবার পর নিশ্চিন্ত হয়ে এবার সে তার বন্দিনীর খবর নেবার জন্তে ফিরতে যাচ্ছিল । ফেরার মুখেই ওপর থেকে কয়েক ফোঁটা জল পড়তে সে চমকে উঠেছে হালীর মত, তারপর শিউরে উঠেছে ওপর দিকে চেয়ে ।

ওপরে যা দেখেছে তাতে নিজের চোখকেই প্রথমত বিশ্বাস সে করতে পারেনি । একেবারে জাহাজের মাথার কাছের পাল ‘ফোর টপ সেল’-এর আড়াল থেকে একটা অদ্ভুত আবহা ছায়ামূর্তি বেরিয়ে এসেছে ।

ছায়ামূর্তি নিছক ছায়া কিন্তু নয় । জলের ফোঁটাগুলো তার গা থেকেই যেন পড়ছে এবার ।

ফোর টপ সেল থেকে মাস্তুলের দড়ি বেয়ে ছায়ামূর্তিটা ‘মিজেন’ পালের দিকে নেমে এসেছে এবার ।

কাঁপা হলেও তীক্ষ্ণ গলায় সোরাবিয়া জিজ্ঞাসা করেছে,—কে ? কে ওখানে ?

ছায়ামূর্তিটা তখন টপ মাস্ট মাস্তুলের কাছে। সেখান থেকে বৃকের রক্ত
হিম করে দেওয়া গলায় উত্তর এসেছে,—তোমার নিয়তি !

মিছন মাস্তুল বেয়েই মূর্তিটা তারপর খানিকটা নেমে এসে লাফিয়ে পড়েছে
ডেকের ওপর।

তুমি! তুই!—ভয় বিশ্বয় আর হিংস্র উল্লাস মেশানো একটা অদ্ভুত
চিৎকার বেরিয়ে এসেছে সোরাবিয়ার গলা থেকে। তারপর পৈশাচিক একটা
অট্টহাসি।

হ্যাঁ আমি, সত্যিই তোমার নিয়তি,—সোরাবিয়ার অট্টহাসি খামবার পর
জবাব দিয়েছে সে মূর্তি,—তোমার সঙ্গে শেষ হিসেব-নিকেশ বাকি ছিল এতদিন।
সেই জন্তেই আজ এসেছি।

হিসেব চুকোবার সাথ তোর সত্যিই আজ মিটিয়ে দেব! কোমরের খাপ
থেকে একটানে নিজের হিংস্র আক্রোশের মতই ধারালো তলোয়ারটা খুলে
বার করে বলেছে সোরাবিয়া, তুই নিজেকে আমার নিয়তি ভাবছিল? নিয়তি
নয়, তুই আমার নিয়তির উপহার। আমার অনেকদিনের দারুণ একটা সাধ
মিটিয়ে দেবার জন্তেই তোকে এমন করে আজ পাঠিয়েছে। তানা পাঠালে
বন্দর থেকে ছেড়ে-বাওয়া এ জাহাজ মীতরে এসে ধরা তোর সাথ্যে কুলোত!
নে, এবার তৈরী হয়ে ইষ্টনাম যদি কিছু থাকে ত জপ করে নে! এ আর চার
দেয়ালের বন্ধ ঘর নয় যে, নাচের পা চালিয়ে বেঁচে যাবি। এ খোলা জাহাজের
ডেক এই হালীকে সাক্ষী রেখে বলছি এই ডেকে তোর ঝাঁঝ-করা লাশ আজ
শোয়াব।

সোরাবিয়া খোলা তলোয়ার নিয়ে প্রায় লাফ দিয়ে এগিয়ে গেছে এবার।
তলোয়ার খুলে দাঁড়িয়েছে, সে মূর্তিও। কিন্তু দু'জনের দৃশ্যযুদ্ধের ধরন দেখে
মনে হয়েছে, আফালন যা করেছে তাই যেন সফল করে দেখিয়ে দেবে
সোরাবিয়া।

সোরাবিয়ার নিপুণ আক্রমণে মূর্তিকে ধীরে ধীরে পিছিয়ে যেতে দেখা
গিয়েছে জাহাজের সামনের মাস্তুল ফোর মাস্টের দিকে। একেবারে প্রায়
কিনারা পর্যন্ত গিয়ে আর পেছোবার উপায় নেই বলেই বোধহয় মূর্তিকে এবার
সোরাবিয়ার মার ঠেকোবার ফাঁকে ফাঁকে মাস্তুল বেয়ে ওপরে উঠতে দেখা
গেছে।

পৈশাচিক উৎসাহে আনন্দে এবার চিৎকার করে উঠেছে সোরাবিয়া ॥

সে দক্ষ নাবিক। পাল মাস্তুলের রাজ্য তার চোখ বুজে ঘোরা ফেরার জায়গা। ছায়ামূর্তির ভড়ং-করা নিবোধ গানাদো সেই পাল মাস্তুলের জটলার মধ্যে তাকে এড়িয়ে পালাতে পারবে ভেবেছে!

গানাদোর ধরন দেখে উদ্বেগটা তাঁর সেই রকমই মনে হয়েছে। ফোর মাস্ট থেকে তিনি টপ গ্যাল্যাণ্ট মাস্তুলে গিয়ে উঠেছেন, সেখান থেকে 'রয়্যাল' পালের আড়াল দিয়ে ফোর রয়্যাল মাস্তুলে।

এরপর আর ওঠবার জায়গা নেই। সোরাবিয়া তার হিংস্র উল্লাস আর চেপে রাখতে পারে নি। অনায়াসে রয়্যাল পালের একটা রশি বাঁ-হাতে ধরে তারই তলার আড়া কানাতে পা রেখে তীর অবজ্ঞার স্বরে বলেছে,—
এখান থেকে সমুদ্রে বাঁপ দিয়ে রক্ষা পাবি ভেবেছিল! বাঁপ দিতে হয়ত পারবি কিন্তু তার আগে এফোড়-ওফোড় না হয়ে নয়। মিছেই এতটা কষ্ট করলি!

না মিছে নয়।—এতক্ষণ বাদে প্রথম কথা বলেছেন গানাদো,—তুমি ডেকের ওপর আমার লাশ শোয়াতে চেয়েছিলে, আমি কিন্তু এ জাহাজ তোমার রক্তে নোংরা করতে চাই নি। তাই তোমার লোভ দেখিয়ে উঠিয়ে এনেছি এই মাস্তুলের ডগায়। এখান থেকে তোমার লাশটা আর জাহাজের ডেকে পড়বে না, পড়বে সমুদ্রের জলে যা অপবিত্র করার সাধ্য তোমার মত শয়তানেরও নেই।

গানাদোর কথা শেষ হবার আগেই উন্নাদের মত তলোয়ার চালিয়েছে সোরাবিয়া। সে তলোয়ার গানাদোর কাছেও পৌঁছায় নি। একটি অদ্ভুত আঘাতে অনেক নিচের ডেকের ওপর বন-বন শব্দে আছড়ে পড়েছে।

এইবার তোমার পালা।—বজ্রস্বরে বলেছেন গানাদো—আমার তলোয়ার-টাও তোমার রক্তে নোংরা করতে চাই না। শেষযাত্রায় গায়ে জড়াবার মত একটা চাদর শুধু তোমার সঙ্গে দিচ্ছি।

গানাদো পালের মাথার রশিতে কোথায় কি তলোয়ারের ঘা দিয়েছেন কে জানে। সমস্ত পালটা খুলে সোরাবিয়ার ওপর পড়ে তাকে জড়িয়ে নিয়ে বহু নিচের সমুদ্রের জলের ওপর একটা শব্দ তুলে অন্ধকারে অদৃশ্য হয়ে গেছে।

সেদিকে একবার চেয়ে গানাদো ধীরে ধীরে মাস্তুলের মাথা থেকে ডেকের ওপর নেমে এসে হালীকে সোরাবিয়ার ভাড়া-করা কেবিনটা কোথায় জিজ্ঞাসা করেছেন।

সে যুগের জাহাজের মাল্লা, অস্ত্রবিখার চেয়ে মানুষের মূল্য আর মর্যাদা মাপবার আরো বড় কোনো কিছু তারা জানে না। কম্পিত সন্ত্রমভরা গলায় হালী করা তখনো যেখানে বন্দী সে কেবিনের নির্দেশ জানিয়ে দিয়েছে।

তার মানে,—দাসমশাই খামতেই মাথার কেশ ষাঁর কাশের মত শুভ্র সেই হরিসাধনবাবু উৎসুক আশান্বিত কণ্ঠে জিজ্ঞাসা করেছেন—ওই কয়াকে নিয়ে গানাদো শেষ পর্যন্ত দেশে ফিরতে পেরেছিলেন ?

তা পেরেছিলেন বইকি !—অল্পকম্পা-মেশানো গম্ভীর স্বরে বলেছেন দাস-মশাই—নইলে আমার নাম ঘনশ্যাম দাস হবে কেন ? আর কিছুর জন্তে না হোক কাপিতান সানসেদোর কাছে দেওয়া প্রতিশ্রুতি রাখবার জন্তেই তাঁকে ফিরতে হয়েছিল। ভাগ্যচক্রে ক্রীতদাস হয়ে থাকে স্পেনে আসতে হয়, আর কাপিতান সানসেদো থাকে শ্রদ্ধাভরে মুক্তি দিয়ে গুরু হিসেবে বরণ করেন ঋণিতুল্য পরম পণ্ডিত সেই বৃদ্ধ ভারতীয় জ্যোতিষীর অন্তিম লিপি গানাদো অর্থাৎ ঘনরাম দাস সত্যিই যথাস্থানে পৌঁছে দিতে পেরেছিলেন।

কোথায় ? কার কাছে ?—মর্মর মন্থণ ষাঁর মস্তক সেই শিবপদবাবু জিজ্ঞাসা না করে পারেন নি।

এখনকার কাটোয়ার কাছে রামটপুর বলে এক গ্রামে। —দাসমশাই শিবপদবাবুর কৌতূহল মেটাতে জানিয়েছেন,—কৃষ্ণদাস নামে এক সজ্জনের কাছে।

কি ছিল সেই অন্তিম লিপিতে ?—এ জিজ্ঞাসা কুস্তোদর রামশরণবাবুর।

যা ছিল তা যথাযথ বলতে পারব না।—শ্রীঘনশ্যাম দাস এ কৌতূহলও মিটিয়েছেন,—তবে বৃদ্ধ জ্যোতিষী এই রকম কিছু লিখেছিলেন বলে জানি। ...গণনায় জানতে পারছি ১৪৫৫ শকাব্দের আষাঢ় মাস সমস্ত পৃথিবীর এক ছঃসময়। বিশ্বের অনন্ত এক যুগাবতার তিরোহিত হতে চলেছেন ওই সময়ে। পারেন ত সেই পরম জ্যোতির্ময় সত্তার দীপ্ত দিব্যোন্মত্ত জীবনকথা অমর কাব্যে গেঁথে রাখবার চেষ্টা করুন।

১৪৫৫ শকাব্দের আষাঢ় মাস... ? কুস্তোদর রামশরণবাবু একটু দ্বিধাভরে জিজ্ঞাসা করেছেন।

হ্যাঁ, ১৪৫৫ শকাব্দের আষাঢ় মাস হল ১৫৩৩ খৃষ্টাব্দের জুলাই !—উদার হয়ে

তারিখটার তাৎপর্য বুঝিয়ে দিয়েছেন দাসমশাই,—নীলাচলে শ্রীশ্রীচৈতন্যদেবের
তিরোধান ঘটে ওই সময়েই।

একটু থেমে দাসমশাই আবার বলেছেন—কে জানে বৃদ্ধবয়সে বৃন্দাবন
প্রবাসী হয়ে তাঁর শ্রীচৈতন্যচরিতামৃত লেখবার প্রেরণা কৃষ্ণদাস কবিরাজ ওই
লিপি থেকেই পেয়েছিলেন কি না!

এই বই-এ ব্যবহৃত কিছু বিশিষ্ট শব্দের অর্থ

আজটেক	কটেজ যাদের পরাজিত করেন, মেক্সিকোর অধীশ্বর সেই জাতির নাম।
আতাহ্যালপা	পিজারোর পৈশাচিক শঠতায় বন্দী পেরু সাম্রাজ্যের শেষ ইংকা-অধীশ্বর।
আদেলানতাদো	শাসনকর্তা গোছের সম্মানের পদবী।
আনাকোণ্ডা	দক্ষিণ আমেরিকার এবং পৃথিবীরও সবচেয়ে বৃহৎ সাপ।
আনা (সেনোরা পরে মার্শনেস) (কা)	চপলা বিধবা যুবতী। গানাদোর প্রতি তীব্রভাবে আসক্ত, পরে মার্কুইস গঞ্জালেস দে সোলিসের স্ত্রী হিসাবে মার্শনেস।
আন্দাগোয়া (পাসকুয়াল দে)	১৫২২-এ পিজারোর আগে পেরুর কিংবদন্তী স্ত্রী নিফল অভিযানে মাত্র পুয়ের্তো দে পিনিয়াস বন্দর পর্যন্ত যান।
আণ্ডিজ	উত্তর থেকে দক্ষিণ আমেরিকার প্রান্ত পর্যন্ত বিস্তৃত পৃথিবীর দ্বিতীয় সর্বোচ্চ পর্বতমালা।
আলগুয়াখিল	পুলিস-প্রধান।
আলমাগরো (দিয়েগো দে)	পেরু, বিজেতা পিজারোর বন্ধু-সঙ্গী ও সহযোগী।
ইংকা	পেরুর সাম্রাজ্যের পদবী। শাসক জাতিরও নাম।
এসপানিয়া	স্পেনদেশ।
এসপিনোসা (গ্যাম্পার দে)	পিজারোর পেরু অভিযানের যিনি টাকা যোগান সেই মহাজন।

‘কয়া’ (কা)

পেরুতে ইংকা-সম্রাজ্যীদের নাম ।
গানাদো লুইতা এক সূর্যসেবিকাকে
উদ্ধার করে তার গুই নাম রাখেন ।

কলম্ব (ক্রিস্টোফার)

প্রথম যিনি আমেরিকা আবিষ্কার
করেন ।

কটেজ (হার্নাণ্ডো)

মেক্সিকো-বিজেতা স্পেনের সেনাপতি
পেরুর স্বাস্থ্য-নিবাস হিসাবে বিখ্যাত
নগর ।

কর্ডিলিয়েরা

পর্বতমালা—আণ্ডিজ পর্বতমালাই
বোঝায় ।

কাউন্সিল অফ ইণ্ডিজ

এ ‘ইণ্ডিজ’ ভারতবর্ষ নয় । নতুন
আবিষ্কৃত মহাদেশ প্রথমে ভুল করে
‘ইণ্ডিজ’ ভাষা হয় বলে, সেখানকার
অভিযান-নিয়ন্ত্রা সমিতির গুই নাম
হয় ।

কাণ্ডিয়া (পেড্রো দে)

পিজারোর বিখ্যাত সরকারী সেনাপতি ।

কাস্তিলিয়ানো

এখন স্প্যানিশ ভাষার নাম, আগে শুধু
কাস্তিল প্রদেশের ভাষা বোঝাত ।

কিনটেয়ো (অ্যালনসো) (কা)

মেক্সিকো থেকে ফেরার জাহাজে
গানাদোর সঙ্গী ।

কিপু

রঙিন সূতুলির গোছা, লিখিত অক্ষরের
জায়গায় ব্যবহৃত হত । পেরুতে লিখিত
অক্ষর ছিল না ।

কুইচুয়া

সাধারণ পেরু-বাসীর ভাষা ।

কুইটো

সে সময়ে পেরুর উত্তরের এক নগর ।
এখন ইকোয়েডরের রাজধানী ।

কুজকো

ইংকা-সাম্রাজ্যের রাজধানী ও প্রধান
ধর্মস্থান ।

কুরাকা

ইংকা-রাজ্যের স্থানীয় শাসকদের পদবী ।

কেম্যান

আমেরিকার ভিন্ন শ্রেণীর কুমির ।

কোরাকেহু

ইংকা-রাজ্যের সবচেয়ে দুর্বল অম্বলা
পাখি। তার দুটি করে পালক ইংকা
সম্রাটের উষ্ণীষে শোভা পেত রাজশক্তির
অনন্ত প্রতীক হিসাবে।

কোরিকাঞ্চা

কুজকো শহরে সূর্যদেবের প্রধান মন্দির।
আনার আগেকার অপদার্থ পাবও
স্বামী। বিয়ের পরই মেক্সিকোতে গিয়ে
মারা যায়।

ক্যাভিহেরো (কা)

পেরু জয়ী পিজারোর এক ভাই।

গঞ্জালো (পিজারো)

শ্রীঘনশ্যাম দাস ওরফে ঘনাদার আদি-
পুরুষ ঘনরাম ক্রীতদাস হিসাবে
'গানাদো' অর্থাৎ গরু-বোড়া নামেই
পরিচিত ছিলেন।

গানাদো (কা)

গাল্লিয়েখো (কা)

লম্পট নরপিষাচ স্পেনের সৈনিক।

গার্সিলাসোসো (দা ভেগা)

পেরুর ইংকা শাসন ও সভ্যতার পণ্ডিত
ঐতিহাসিক। মাতা ইংকা রাজকন্যা।
স্পেনের নদী, উত্তর থেকে সেভিল শহর
ছুঁয়ে দক্ষিণের আটলান্টিক সমুদ্রে
পড়েছে।

গুয়াদালকুইভির

ঘনরাম দাস (কা)

গানাদোর ষষ্ঠার্থ নাম।

ঘনশ্যাম দাস (ওরফে ঘনাদা)

সরোবর-সভার মধ্যমণি। বাহাত্তর নম্বর
বনমালী নক্ষর লেনেরও।

চার্লস (পঞ্চম)

স্পেনের তখনকার সম্রাট।

চিকামা

পানামার এক সামান্য বন্দর নগর।

টম্বেজ

পেরুর পূর্ব তীরের বন্দর নগর।

টাফুর

স্প্যানিশ সেনাপতি, পিজারোর শত্রু।

টিটিকাকা

পেরুতে পৃথিবীর সবচেয়ে উঁচু হ্রদ।

টুপান যুপানুঙ্কি

ইংকা সম্রাটবংশের একজন আদি পুরুষ।

টেনচ্টিটলান

মেক্সিকো শহরের আদি আজটেক নাম।

টোলোভো

স্পেনের তখনকার রাজধানী।

ট্রীকসিলো

স্পেনের শহর।

তাভানতিনস্বয়

পেরু রাজ্যের আসল আদি নাম।

‘ত্রিয়ানা’

সেভিল শহরের নদীর পাড়ের শহরতলি।

থর হেরের ডাল

সাহসী নরওয়েবাসী তরুণ নৃতাত্ত্বিক,
কয়েকজন বন্ধুর সঙ্গে ‘কনটিকি’ নামে
কাঠের ডেলায় পেরু থেকে প্রশান্ত
মহাসাগর পার হয়ে এক প্রবালদ্বীপে
পৌঁছান।

দে লুকে (হার্নাণ্ডো)

পেশায় পাদ্রী। মহাজন গ্যাম্পার দে
এসপিনার প্রতিনিধি।

দে সটো (হার্নাণ্ডো)

কটেজের বিশ্বস্ত সহকারী সেনাপতি।

পাউললো টোপা (কা)

গানাদোর একান্ত কৃতজ্ঞ অহুচর।
আতাহুয়ালপার মুক্তির চক্রান্তে
গানাদোর সহায়।

পাচাকাযাক

পেরুর গৌরবর্ণ আদি দেবতা।
ভীরাকোচা নামেও পরিচিত।

পিজারো ফ্রান্সিসকো

পেরুর আবিষ্কারক ও বিজ্ঞেতা।

পুল্কে

আগেভি বলে সিসল জাতীয় একরকম
গাছের পাতার গাঁজানো রস। ওদেশের
স্বরা।

পেড্রারিয়স বা ডন পেড্রো

পানাма যোজক প্রদেশের গভর্নর।

আরিয়াস দে আভিলা

পিজারোর অভিযানে সাহায্যের চেয়ে
বাধাই দিয়েছেন।

পেরু

দক্ষিণ আমেরিকার উত্তর-পশ্চিমের
বিখ্যাত দেশ।

পেসস্ দে অরো

সেকালের স্প্যানিশ মোহর।

ফার্নানডিনা

কিউবা দ্বীপের তখনকার নাম।

ফেলিপিলিও

ওদেশের আদিবাসী দোভাষী।

বালবোয়া (ভাস্কো হুনিয়েজ দে)

আবিষ্কারক অভিযাত্রী। পানাма
যোজকের পাহাড় ডিউয়ে প্রথম প্রশান্ত

বার্থালমিউ কইজ

বীকু

বোর্লা

ব্যাচিলর এনসিসো

ভবতারণবাবু (কা)

ভাক্সো দা গামা

ভিলিয়াক ডুম্

ভীরাকোচা

মনটরো

মনটানা

মাকিয়াভেল্লী

মাস্টা

মার্শনেস গঞ্জালেস দে সোলিস (কা)

মারাভেদি

মারিনা (ভোনা)

মুইস্কা

মেদেলিন

মোরালেস (কা)

মহাসাগরের সন্ধান পান ।

স্পেনের নৌ-সেনাপতি পিজারোর
সহকারী ।

পেরুর উত্তরে বর্তমান ইকোয়েডরের
নদী । প্রশান্ত মহাসাগরে পড়েছে ।

ইংকা-সম্রাটদের মাথার সাজ ।

নিষ্ঠুর মহাজন, পিজারোকে সেভিল
বন্দরে বন্দী করে ।

শ্রীঘনশ্যাম দাসের সরোবর-সভার সভ্য !

আফ্রিকার দক্ষিণ ঘুরে ইওরোপ থেকে
সমুদ্রপথে প্রথম ভারতের অভিযাত্রী ।

পেরুর ইংকা-রাষ্ট্রের রাজপুরোহিত ।

পেরুর আদি দেবতা । পাচাকামাক
নামেও পরিচিত ।

স্পেনের শহর ।

জংলা প্রদেশ ।

মধ্যযুগের বিখ্যাত ইতালীর রাজনীতি-
বিশারদ । ইওরোপের চাণক্য ।

মেকসিকোর যুদ্ধে ব্যবহৃত 'ট্যাঙ্ক'র
মত প্রায় সচল সুরক্ষিত অস্ত্রক্ষেপণ যান,
—রথের মত নির্মিত ।

মাকু ইস গঞ্জালেস দে সোলিস-এর স্ত্রী
হিসাবে আনা-র পরিচয় ।

স্প্যানিশ স্বর্ণমুদ্রা ।

মেক্সিকো বিজয়ে কটেজের দোভাষী
সঙ্গিনী ।

পেরুর একটি অতি সম্ভ্রান্ত জাতি বিশেষ,
জ্যোতির্বিদ্যার অত্যন্ত অগ্রসর ।

স্পেনের একটি শহর ।

পিজারো আর আলমাগ্রোর বন্ধু ও সহায় ।

যুকাটান

মেক্সিকোর দক্ষিণ-পূর্বের একটি ছোট
রাজ্য।

রামশরণবাবু (কা)

শ্রীঘনশ্যাম দাসের সরোবর-সভার সভ্য।

রিচার্ড বাটন

আরব্যোপন্যাসের প্রথম আবিষ্কর্তা ও
অনুবাদক। আফ্রিকা নৌলনদের উৎস-
সন্ধানী দুঃসাহসী পর্যটক।

রিয়াল

স্প্যানিশ মুদ্রা।

রেইমি উৎসব

পেকুর ইংকা-সাম্রাজ্যের প্রধান উৎসব।
দক্ষিণায়ন শেষে সূর্যদেবের উত্তরায়ণ
স্বকর সময়ে পালিত হত।

লিভি

বিখ্যাত রোমান লেখক।

ল্যান্ট

ইংকা সাম্রাজ্যের শিরোবস্ত্র।

লামা

পেকুর প্রধান পালিত পশু, উটেদের
স্বদূর জ্ঞাতি।

শিবপদবাবু (কা)

ঘনশ্যাম দাসের সরোবর-সভার সভ্য।

সানসেন্দো (কাপিতান) (কা)

গানাদো প্রথম যে জাহাজে মেক্সিকো
থেকে ফেরেন তার অধ্যক্ষ নাবিক।
আনার মাতুল স্থানীয়, গানাদোর
হিতৈষী বন্ধু।

সাস্তা

সমুদ্রকূলে পেকুর শহর।

হয়াইনা কাপাক

ভূতপূর্ব ইংকা। হয়াসকার ও
আতাছয়ালপার পিতা।

হয়াসকার

শেষ ইংকা আতাছয়ালপারই বৈমাত্রেয়
বড় ভাই। পূর্বে রাজধানী কুজকো
সমেত অর্ধেক পেকুর ইংকা-অধীশ্বর।
পরে আতাছয়ালপার কাছে পরাজিত
ও বন্দী।

হেরাদা (কা)

চুরি করা বিচার জোরে পণ্ডিত-সাম্রাজ্য
বকধার্মিক স্প্যানিশ সেনানী।

www.boiRboi.blogspot.com

আগ্ৰা ষখন টলমল

www.boiRboi.blogspot.com

না, তস্ত তস্ত !

বললেন শ্রীঘনশ্যাম দাস ওরফে ঘনাদা নামে কোন কোন মহলে যিনি পরিচিত। বিশ্বয়ে বিহ্বলতার কারুর মুখে তখন আর কোন কথা নেই।

ঘনশ্যাম দাস নিজেই সমবেত সকলের প্রতি কৃপা করে তাঁর সংক্ষিপ্ত উক্তিটি একটু বিস্তারিত করলেন :

মানে, আমার উর্ধ্বতন ষোড়শতম পূর্বপুরুষ মীর-ঈ-ইমারং সাওয়ানি নিগার...
ঘনশ্যাম দাসকে বাধা পেয়ে থামতে হলো।

মেদ-ভারে হস্তীর মত যিনি বিপুল সেই সদা প্রশন্ন ভবতারণবাবু বিফারিত চোখে বলে উঠলেন,—আপনার পূর্বপুরুষ বলছেন, অথচ ওই মীর না পীর কি বললেন !

ঘনশ্যাম দাস তাঁর সেই নিজস্ব ট্রেডমার্কের ছাপমারা করুণার হাসি হাসলেন।

মীর পীর নয়, মীর-ঈ-ইমারং সাওয়ানি নিগার বচনরাম দাস। মীর-ঈ-ইমারং হলো যাকে বলে বিল্ডিং সুপারিন্টেন্ডেন্ট আর সাওয়ানি নিগার মানে আমীর-ওমরাহ রাজপুরুষদের না জানিয়ে গোপনে সবকিছু জরুরী খবর সংগ্রহ করে খোদ শাহানশাহ্-এর কাছে লিখে পাঠানো যার কাজ।

আপনার পূর্বপুরুষ বচনরাম দাস তখন আগ্রায় থেকে ওই কাজ করতেন !

উদরদেশ ধীর কুস্তুর মত স্ফীত সেই রামণরণবাবু বিমূঢ় বিশ্বয় প্রকাশ করলেন।

কিন্তু একটু বেহুরো বাজল, মস্তক ধীর মর্মরের মত মসৃণ সেই শিবপদবাবুর কণ্ঠ।

অবিশ্বাস ও বিজ্ঞপের রেশটুকু গোপন না করে তিনি বললেন, সবই বুঝলাম, কিন্তু আপনার পূর্বপুরুষ ওই মীর-ঈ-ইমারং সাওয়ানি নিগার বচনলাল না বচনরাম তখন আগ্রায় না থাকলে ভারতবর্ষের ইতিহাসই অল্পরকম লেখা হতো বলছেন ?

তাই তো বলছি। ঘনশ্যাম দাস অবোধকে যেন বোঝাতে বললেন—১৬৬৬

খৃষ্টাব্দের ১২শে আগস্ট তারিখটার কথা একটু স্মরণ করুন। সারা দুনিয়ার চোখ-টাটানো শহর মোগল সাম্রাজ্যের অতুলনীয় রাজধানী আগ্রায় সেদিন যেমন সকাল হয়েছিল, তেমনি নির্বিঘ্নে সন্ধ্যা যদি নামত, যদি হঠাৎ সেই তারিখটি আগ্রার, না শুধু আগ্রার কেন, সমস্ত ভারতবর্ষের আকাশে আগুনের অক্ষরে না জ্বলে উঠত, তাহলে আজ যে ইতিহাসের ধারা আমরা দেখছি তা সম্পূর্ণ ভিন্নপথে কি প্রবাহিত হতো না!

১৬৬৬ খৃষ্টাব্দের ১২শে আগস্ট!

তারিখটার তাৎপর্য স্মরণ করতে সবাই যতক্ষণ চিন্তাকুল, ততক্ষণে এ সমাবেশের একটু পরিচয় ও এ কাহিনীর উদ্ভবের একটু উপক্রমণিকা বিবৃত করা যেতে পারে।

এক এবং অদ্বিতীয় শ্রীঘনশ্যাম দাসকে কেন্দ্র করে এই সমাবেশটি সচরাচর কোথায় জমে থাকে এবং প্রায় নিত্য-নৈমিত্তিকভাবে কারা সেখানে উপস্থিত থাকেন, কেউ কেউ হয়তো জানেন।

স্থান এই কলকাতা শহরেরই প্রাস্তবর্তী একটি নাতিনগণ্য জলাশয়, করুণ আত্ম-ছলনায় যাকে হ্রদ বলে আমরা অভিহিত করি কখনো কখনো।

জীবনে যাদের কোনো উদ্বেগ নেই, বা কোনো এক উদ্বেগেই একান্ত একাগ্র অহুসরণে যারা পরিশ্রান্ত, এই উভয় শ্রেণীর নানা বয়সের স্ত্রী-পুরুষ নাগরিক প্রতি সন্ধ্যায় এই জলাশয়ের তীরে নিজ নিজ রুচি ও প্রবৃত্তি অনুসারে স্বাস্থ্য অর্থ কাম মোক্ষ এই চতুর্ভুজের সাধনায় একাকী কিংবা সদলে ভ্রমণ করেন বা কোথাও উপবিষ্ট হন।

এ জলাশয়ের দক্ষিণ তীরে একটি নাতি-বৃহৎ পর্কটা বৃক্ষকে কেন্দ্র করে কয়েকটি আসন বৃত্তাকারে পাতা। আবহাওয়া অনুকূল হলে সেই আসনগুলিতে সাধারণতঃ পাঁচটি প্রবীণ নাগরিককে নিয়মিতভাবে অপরাহ্নকালে সমবেত হতে দেখা যায়।

তাদের একজনের শিরোশোভা কাশের মত শুভ্র, দ্বিতীয়ের মস্তক মর্মরের মত মসৃণ, তৃতীয়ের উদরদেশ কুস্তুর মত ফ্রীত, চতুর্থ মেদভারে হস্তীর মত বিপুল, এবং পঞ্চম জন উষ্টের মত শীর্ণ ও সামঞ্জস্যহীন।

এই পঞ্চরত্নের সভায় স্বাস্থ্য থেকে সাম্রাজ্যবাদ ও বাজার দর থেকে বেদান্ত-দর্শন পর্যন্ত যাবতীয় তত্ত্ব আলোচিত হয়ে থাকে।

আলোচনার প্রাণ অবশ্য শ্রীঘনশ্যাম দাস, প্রাণান্ত ও তিনি। কারণ সকল

বিষয়ে শেষ কথা তিনিই বলে থাকেন এবং তাঁর কথা যখন শেষ হয় তখন আর কারও কিছু বলবার থাকে না।

থাকলেও ঘনশ্যাম দাসের সামনে নিজস্ব মতামত প্রকাশ করা নিরাপদ নয়। কোথা থেকে কি অশ্রুতপূর্ব উল্লেখ ও উদ্ভট উদ্ধৃতি দিয়ে বসবেন সেই ভয়ে সকলেই অল্পবিস্তর সন্ত্রস্ত।

সেদিন নিতান্ত নির্দোষভাবেই আলোচনাটার সূত্রপাত হয়েছিল।

মাথার কেশ খাঁর কাশের মত শুভ্র সেই হরিসাধনবাবু কিছুদিন ধরে এ সমাবেশে অল্পস্থিত ছিলেন।

তাঁর অল্পস্থিতির কারণ সম্বন্ধে ঔঃস্বক্য প্রকাশ করে একটু পরিহাসের স্বরে বলেছিলেন মর্মর-মসৃণ খাঁর মস্তক সেই শিবপদবাবু—কি মশাই! আমাদের যে ভুলেই গেছিলেন! ডুব মেরেছিলেন কোথায়?

না, এই এখানেই ছিলাম!—হরিসাধনবাবুকে কেমন যেন অস্বাভাবিক রকম রুগ্নিত মনে হয়েছিল।

এখানেই ছিলেন! অস্বথবিস্মথ করেনি নিশ্চয়?—কুস্তুর মত উদরদেশ খাঁর স্ফীত সেই রামশরণবাবুর জিজ্ঞাসা।

না, অস্বথবিস্মথ নয়—হরিসাধনবাবু যেন আরো লজ্জিত।

এবার সভার সকলেই কিঞ্চিৎ বিস্মিত। অস্বথবিস্মথ নয়, তবু পঞ্চরত্নের একজন শ্বেচ্ছায় এই সাক্ষ্য সমাবেশে অল্পস্থিত। এ তো অবিখ্যাত ব্যাপার।

তাহলে সত্যিই ডুব মেরেছিলেন বলুন?—শুধোলেন মেদভারে হস্তীর মত যিনি বিপুল সেই ভবতারণবাবু—কিসে?

নিরীহ নির্বিবাদী ভবতারণবাবুকেই যেন ভরসা করে হরিসাধনবাবু তাঁর অস্তর্ধান রহস্যটা জ্ঞানান্তে পারলেন।

এই মানে, একটু পড়ালেখা করছি কিছুদিন থেকে। সলজ্জভাবে স্বীকার করলেন হরিসাধনবাবু।

লেখাপড়া নয়, হরিসাধনবাবু শব্দটা পড়ালেখা বলে যে উচ্চারণ করেছেন তা লক্ষ্য করেছিলেন বোধহয় সকলেই।

প্রথমতঃ সে কারণে এবং দ্বিতীয়তঃ হরিসাধনবাবু এই বয়সে হঠাৎ পড়ালেখায় মেতে তাঁর সবচেয়ে প্রিয় মজলিশে আশাপাও বন্ধ করতে দ্বিধা করেননি উপলব্ধি করে সকলেই অতঃপর অত্যন্ত কৌতূহলী।

কি লেখাপড়া করছেন মশাই!

আপনিও তো রামশরণবাবুর মত ভোজনরসিক !

রান্নার কোনো বই-টাই লিখছেন নাকি ?

নানাদিকের প্রশ্নবাণে জর্জরিত হরিসাধনবাবু যেন নিরুপায় হয়ে স্বীকার করতে বাধ্য হলেন,—হ্যাঁ বই-ই লিখছি, তবে রান্নার নয়।

রান্নার নয় ?—সকলে বিস্মিত,—তবে কিসের ?

আর রান্নার বই লেখা তো খুব সোজা।—জর্নেকের মস্তব্য,—দেশী বিলাতি নানা বই থেকে টুকে মেরে দাও।

তবে রান্নার বই-এর তেমন কাটতি নেই !—আরেক জনের আশঙ্কা।

আমি যা লিখছি তার কিন্তু খুব কাটতি !—হরিসাধনবাবু একটু উংসাহভরেই এবার জানিয়েছিলেন।

কি লিখছেন কি তাই শুনি না !—স্বয়ং ঘনশ্রামবাবুর প্রশ্ন।

ঐতিহাসিক উপন্যাস।

সকলেই স্তম্ভিত ও নীরব।

হরিসাধনবাবু সকলের বিস্মিত বিমূঢ় দৃষ্টির সামনে অত্যন্ত অপ্রস্তুত হয়ে কৈফিয়ত দেবার চেষ্টা করেছিলেন।

সেই সেদিন ঐতিহাসিক উপন্যাসের কথা হচ্ছিল না? ভবতারণের ঘুম-ছাড়ানো দাওরাইটা একবার তাই থেকে পরখ করে দেখবার সাধ হয়। সেই দেখতে গিয়েই নেশা চেপে গেল !

বলতে বলতে নিজের বক্তৃতাই হরিসাধনবাবুকে উদ্দীপিত করে তুলেছিল।

ক্রমশঃ উত্তেজিত হয়ে তিনি বলেছিলেন,—হলফ করে বলছি আপনাদের, ঐতিহাসিক উপন্যাসের মত অত সূখ কিছুতে নেই। যেমন পড়ে সূখ, তেমনি লিখে। লিখতে লিখতে সময় যে কোথা নিয়ে কেটে যায় টেরই পাই না। যা লিখি তা তো হাজার পাতার এধারে থামতেই চায় না !

হাজার পাতার ঐতিহাসিক উপন্যাস আপনি লিখে ফেলেছেন !—কপালে চোখ তুলে ধরাগলায় বিশ্বয় প্রকাশ করেছিলেন শিবপদবাবু।

হ্যাঁ, তবে একটা নয় !—এবার গর্বভরেই বলেছিলেন হরিসাধনবাবু,—তিনটে হয়ে গেছে, আর তার পরেরটা মাঝামাঝি এসে একটু আটকেছে।

কেন ? নালা বৃজে গেছে বুঝি !

ঘনশ্রাম দাসের ঋৎ মকরণ মস্তবাটা হরিসাধনবাবু তাঁর আত্মপ্রকাশের উংসাহে গায়েই মাথেননি এখন। সরলভাবে বলেছিলেন,—আটকেছে মানে ক'টা

নাম তারিখ গোছের খুটিনাটি যোগাড় করার জন্তে লেখাটা বন্ধ রেখেছি ক’দিন !

কিন্তু তিনটে তো লেখা শেষ হয়ে গেছে!—বলেছিলেন শিবপদবাবু—
সেগুলো কোথাও আটকায়নি বুঝি !

না, আটকাবে কেন ?—হরিসাধনবাবু তাঁর লিখনকৌশলের গুপ্তরহস্য ব্যক্ত করে দিয়েছিলেন,—সব যে আগে থাকতে হাতের কাছে গুছিয়ে রেখেছিলাম । এই ধরুন প্রথম উপন্যাসটা বর্গীর হাঙ্গামার সময়কার । তাতে প্রত্যেক পাতায় একবার করে ছিটোবার জন্তে রঘুজি ভৌসলে আর ভাস্কররাম কোলহাটিকর, আর ছ’ কদম না যেতে যেতেই জপের মন্ত্রের মত আউড়ে ডুকরে ওঠবার জন্তে মুবারক মঞ্জিল নাম ক’টা বাগানো ছিল, তারপর ঠিক ঝোপ বুঝে কখনো সলিমুল্লার তারিখ-ই-বাংলা, কখনো বাণেশ্বরের চিত্রচম্পু, কখনো পিস্‌সরলেন-কারের পোতু গীজ-ই-মারাটার-এর উল্লেখ ছড়িয়ে দিয়েছি । বারো আনা লেখা তো এই করেই সারা হয়ে গেছে ।

উৎসাহে উত্তেজনায় হরিসাধনবাবু বোধহয় আরো অনেক কিছু বলে ফেলতেন, কিন্তু ঘনশ্যাম দাসই তাঁকে থামিয়ে বলেছিলেন—তিনটে উপন্যাসই লিখে ফেলে চারটের বেলা আটকাল তাহলে কোথায় ।

ওই একটু আগ্রা শহরে ! হরিসাধনবাবু একটু যেন অর্ধেকের সঙ্গে জানিয়ে-ছিলেন,—নাম-টাম অনেক যোগাড় করেছি । দিওয়ান-ই-তান, দিওয়ান-ই-আলা, খান-ই-সামান, তসদিক্ সাজাওল, মুশরিফ, বাহারি-স্তান-ই-যৈরি, হেদায়েৎ-উল-কোয়াইদ গোছের চমকে-দেওয়া সব আরবী ফারসী শব্দ আর সেই সঙ্গে সোজা বাংলায় একটু রহুন ফোড়ন দেবার মত উর্দু বুকনি, যেমন—তাড়াতাড়ির জায়গায় তুরন্ত লেখা, ভাগ্যের বদলে কিসমৎ, স্বগন্ধের বদলে খোসবু, একটুর জায়গায় জেরাসে, বই-এর জায়গায় কিতাব গোছের একরাশ কথা বসিয়ে ফেলেছি ; এখন আগ্রা শহরের একটু বিবরণ আর কয়েকটা তারিখ ঠিকমত জানবার জন্তেই থামতে হয়েছে । বই-কাগজ সেজন্ত ঘাঁটছি । ওইগুলো পেলেই উপন্যাস আর থামবে না ।

উপন্যাসের রঙ পালিশ তো বুঝলাম, বলেছিলেন ঘনশ্যাম দাস, কিন্তু—কি নিয়ে উপন্যাস ? গল্প একটা আছে তো ?

আছে না ! কিঞ্চিৎ ক্ষুণ্ণস্বরে বলেছিলেন হরিসাধনবাবু, ঐতিহাসিক উপন্যাসে যেমন থাকা উচিত ঠিক সেই গল্প আছে । খুন-জখম, মারামারি, কাটাকাটি, তার মধ্যে অকুতোভয় নায়ক, স্বন্দরী সপ্রতিভ নায়িকা, ঠিক সময়মত

দৈবের আবির্ভাব, কবি-টবি বা যাত্রার বিবেক গোছের কাউকে মাঝে মাঝে আসরে ঘুরিয়ে নিয়ে যাওয়া, তারই সঙ্গে বেশ একটু চটচটে করে আদিরস, কিছু আমার গল্পে বাদ নেই।

তা গল্পটা কবেকার?—জিজ্ঞাসা করেছিলেন শিবপদবাবু—আগ্রা শহরের ঠিক কোন সময় বাসদ!

ভারতসম্রাট আওরঙ্গজেবের বয়স যখন পঞ্চাশ, অর্থাৎ পঞ্চাশের জন্মদিনের কাছাকাছি সময়ে! বলেছিলেন হরিসাধনবাবু।

এইবার সেই পেটেন্ট নাসিকাধ্বনি শোনা গেছিল।

সকলে সচকিত হয়ে ঘনশ্যাম দাসের দিকে চাওয়ার পর তিনি একটু চিন্তিত-ভাবে বলেছিলেন,—সময়টা ভালোই বেছেছেন, কিন্তু তার মান রাখতে পারবেন কি! আগ্রা আর সেই সঙ্গে সমস্ত মোগল সাম্রাজ্যের ভিত ওই সময়কার একটি তারিখেই প্রথম মোক্ষম নাড়া খেয়ে চিরকালের মত আলগা হয়ে যায়। অবশ্য সেই তারিখটায় ওই আগ্রা শহরে একটি মাহুয যদি উপস্থিত থাকতেন তাহলে ইতিহাস কোন পথে যেত কিছু বলা যেত না। হয়তো অল্পভাবেই সে ইতিহাস লেখা হতো।

একটু থেমে দীর্ঘশ্বাস ফেলার মত একটা শব্দ করে ঘনশ্যাম দাস আবার বলেছিলেন,—কিন্তু সেসব আর আপনারা জানবেন কোথা থেকে! বচনরাম দাসের নামই তো আপনারা শোনেননি বোধহয়—।

না, শুনেছি বলে তো মনে পড়ছে না!—শিবপদবাবু জু কুঞ্চিত করে জিজ্ঞাসা করেছিলেন—বচনরাম দাস বলছেন? তিনি আপনারই কেউ হবেন নাকি? প্রপিতামহ বা তার ওপরে অতিবৃদ্ধ কেউ?

না, তস্তু তস্তু।—তখন বলেছিলেন ঘনশ্যাম দাস।

দুই

তারপর আলোচনাটা যে ১৬৬৬ খৃষ্টাব্দের ১২শে আগস্ট তারিখটার তাৎপর্য বোঝার চেষ্টায় এসে থেমেছে, সে বিবরণ আগেই দেওয়া হয়েছে।

মস্তক ধীর মর্মরের মত মস্তক সেই ইতিহাসের অধ্যাপক শিবপদবাবু প্রথম আঁধারে আলোক দেখতে পেলেন।

১৬৬৬ খৃষ্টাব্দের ১২শে আগস্ট!—তিনি কপাল কুক্ষিত করে বললেন,— সেদিন...সেদিনই শিবাজী আগ্রা থেকে পালিয়েছিলেন না?

হ্যাঁ, হ্যাঁ, ওই তারিখেই!—সোৎসাহে শিবপদবাবুকে সমর্থন করলেন হরিসাধনবাবু,—মনেই পড়ছিল না এতক্ষণ, অথচ খাতায় আমি টুকে রেখেছি তারিখটা, উপস্থাসে এক জায়গায় স্মবিধেমাফিক লাগিয়ে দেব বলে।

নেহাত এক জায়গায় লাগিয়ে দেবেন ভেবেছিলেন তারিখটা!

ঘনশ্যাম দাসের তীক্ষ্ণ শ্লেষটা হরিসাধনবাবুর কানেও এবার বিঁধল।

কেমন একটু খতমত খেয়ে বললেন—কেন? লাগিয়ে দেওয়া অগ্নায় হবে?

হ্যাঁ হবে—দাসমশাই-এর স্বর যেন চাবুক—তলোয়ার দিয়ে কুটনো কোটা যেমন অগ্নায়, যেমন অগ্নায় কামান দিয়ে মশা মারা, চন্দনকাঠে চুলো ধরানো, মুক্তো দিয়ে ঘুঁটি খেলা। ভারতবর্ষের ইতিহাসের ওই তারিখ শুধু একবার উপস্থাসে উল্লেখ করেই ভুলে যাবেন? ১৮৫৭ সাল নিয়ে আপনি গল্প লিখবেন শুধু কলকাতার বাবুবিলাসের, ১৯৪২ সাল পার হয়ে যাবেন ইঙ্গ-বঙ্গ পাড়ার কেছাই শুধু গাইতে গাইতে?

সবাই নীরব হতভম্ব! হরিসাধনবাবু তো অপরাধটা ঠিক না বুঝেও লজ্জায় অধোবদন।

প্রথম সাহস সক্ষয় করে শিবপদবাবুই বলেন,—তারিখটা ভারতের ইতিহাসে ভোলবার নয় জানি, কিন্তু ও তারিখের সঙ্গে আপনার সেই পূর্বপুরুষ বচন-রামের সম্বন্ধ কি? তিনি তখন আগ্রায় না থাকলে কি ও তারিখটা পাজি থেকে বাদ যেত, না, শিবাজী আগ্রা থেকে পালাতেন না?

শিবপদবাবু কথার শেষে হলটুকু প্রায় অজান্তেই না রেখে পারলেন না।

হলের বদলে ছোঁবলই বুঝি আসে ঘনশ্রাম দাসের।

সবাই যখন সেই ভয়েই সমস্ত তখন ঘনশ্রাম দাস অপ্রত্যাশিত উদারতার সকলকে অবাক করে দিলেন।

হলটুকু যেন টেরই না পেয়ে বললেন,—না, ও তারিখ পাঁজি থেকে বাদ যেত না, আর শিবাজীও আগ্রা থেকে ঠিকই পালাতেন, কিন্তু এদিকে পশ্চিম ওদিকে দক্ষিণ দিকের খুফিয়ানবিস আর হরকরাদের পাঠানো উন্টোপান্টো গুপ্ত খবরে আগ্রার দরবারে আলমগীরের তাহলে মাথা খারাপ হবার যোগাড় হতো না, ফৌজদার আলি কুলী আর তাঁর অহুচরেরা বার বার দিনতুপুরে ভূত দেখতেন না, সুরাটের বৈষ্ণুকুলতিলক দ্বিজোত্তম নাভা তাঁর সুরাটের প্রাসাদোপম ভবনে বারানসীধামের এক অত্যাশ্চর্য দৈবানুগ্রহের কাহিনী সকলকে নিত্য শোনাতেন না, আর সেদিনের টলমল আগ্রা শহরের ভিত্তিমূলেই দারুণ আঘাত পেয়ে মোগল সাম্রাজ্য অত তাড়াতাড়ি বোধহয় ধ্বংস পেত না। তা না পেলে কোথায় থাকত তুচ্ছ একটা সাগরপারের হিমেল দ্বীপের রাঙামুখ ক'টা সওদাগর! এই ভাগীরথীর কাদামাটির তীরে শেকড় গাঁথবার আগে কালাপানির জলেই কবে তাদের ইতিহাস তলিয়ে যেত!

এত কিছু সব হতে পারেনি শুধু ওই তারিখে আপনার পূর্বপুরুষ বচনরাম আগ্রায় হাজির ছিলেন বলে!

অকপট বিশ্বয় বিমুঢ়তা ফুটে উঠেছে—মেদভারে হস্তীর মত যিনি বিপুল সেই ভবতারণবাবুর কণ্ঠে।

আসলে তিনি থাকায় হয়েছেটা কি?

ইতিহাসের অধ্যাপক শিবপদবাবুর গলাটা এখনো বেঙ্গুরো। সম্রমের চেয়ে সন্দেহটাই যেন তাঁর মধ্যে প্রধান।

হয়েছে এই যে, ঐতিহাসিকরা সেদিন পর্যন্ত হিমশিম খেয়েছেন আগ্রা থেকে পালিয়ে শিবাজীর রাজগড় পৌছোবার বৃত্তান্ত নিয়ে। দাসমশাই অহুকাপ্তাভরে হেসে বললেন,—১৬৬৬-র ১২ই সেপ্টেম্বর না তারও এক মাস পরে ১১ই ডিসেম্বর তিনি রাজগড়ে ফিরেছেন, তা-ই সঠিক বলা সম্ভব হয়নি। কৃষ্ণাজি অনন্ত সভাসদের 'শিব-ছত্রপতি-চেন চরিত্র' আর 'তারিখ-ই-শিবাজী'র বিবরণে গরমিল হয়েছে। আওরঙ্গাবাদ থেকে এক গুপ্তচর খুফিয়ানবিস হিসাবে দিল্লীতে যে চিঠি পাঠিয়েছে তার খবরের সঙ্গে 'জেধে শাকাবলি'র বিবরণের সামঞ্জস্য হয়নি।

সেই সঙ্গে অথগুপ্রতাপ মোগলসাম্রাজ্যের প্রথম পাহারার শূন্যদৃষ্টিকে উপেক্ষা করে খগরাজের কাছে মুম্বিকের ন্যায় অকিঞ্চিৎকর শিবাজী ভৌমলের এই অবিশ্বাস পলায়নের যাত্রাপথকে নির্দেশ করে বিচিত্র নানা কাহিনীর ধারা জন্ম নিয়েছে।

ঘটনার সময়েই দূর-দূরান্তর থেকে সে সব কাহিনীর ঢেউ আগ্রা পর্যন্ত পৌঁছে ভারতসম্রাটকে বিভ্রান্ত ও উত্ত্যক্ত করে তুলেছিল।

শিবাজী কি কৌশলে তাঁর মোগল দুশমনদের চোখে ধুলো দিয়ে পালিয়ে-ছিলেন, স্কুলপাঠ্য ইতিহাসেও তার উল্লেখ মিলবে, পূজার নৈবেদ্যের নামে পাঠানো মিষ্টানের ঝড়ির মধ্যে লুকিয়েই তিনি আর তাঁর ছেলে শজুজি পাহারা-দারদের এড়িয়ে তাঁর বন্দীশিবিরের বাইরে যান ঠিকই। কিন্তু তারপর কি করেছিলেন তিনি! কোন পথে রওনা হয়েছিলেন নিজের রাজ্যের দিকে?

আওরঙ্গজেবের সতর্ক পাহারায় ব্যবস্থার তো কোন ত্রুটি ছিল না। বন্দীশিবিরে জয়সিংহের পুত্র রামসিংহের নিজস্ব রাজপুত্র অহুচরেরা শিবাজীকে পাহারা দেবার জন্তে মোতায়েন। দিবারাত্রি তারা ঘিরে থাকে শিবাজীর শিবির। দিনে রাত্রে বহুবার শিবাজীর শয্যা পর্যন্ত তদারক করে যায়। শিবাজীকে গুলুঘাতকের হাত থেকে রক্ষা করাই অবশ্য তাদের আসল উদ্দেশ্য।

রাজপুত্র প্রহরীদের দ্বারা শিবাজীর বন্দীশিবির ঘিরে শহরকোতোয়াল সিদ্দিক ফুলাদ জিন্‌সি আর দস্তি, মানে কামান-বন্দুক নিয়ে এক বিরাট বাহিনীকে পাহারায় রাখবার ব্যবস্থা করেছিলেন।

তা সত্ত্বেও পালিয়ে শিবাজী হঠাৎ অমন নিশ্চিহ্ন হয়ে গেলেন কি করে?

শিবাজীর পালাবার খবর জানাজানি হয়েছিল প্রায় চৌদ্দ ঘণ্টা পরে; এই চৌদ্দ ঘণ্টা সময় হাতে পেয়েই শিবাজী কিন্তু যেন হাওয়ার মিলিয়ে গেলেন মনে হয়েছে।

খবর পাওয়া মাত্র আওরঙ্গজেব এক মুহূর্ত সময় নষ্ট করেননি। আগ্রার সবচেয়ে সেরা ঘোড়ায় চড়ে গুস্তাদ সওয়ারেরা দিগ্বিদিকে ঝড়ের বেগে ছুটে গেছে শিবাজীর সব পালাবার রাস্তা বন্ধ করবার নির্দেশ জানাতে। মালোয়া খাণ্ডেশের ভেতর দিয়ে শিবাজীর দক্ষিণ দিকে যাবার সম্ভাবনা বেশী। সেদিকের সমস্ত ফৌজদারদের সতর্ক করে দেবার ব্যবস্থা হয়েছে যত তাড়াতাড়ি সম্ভব। তবু শিবাজীকে ধরা সম্ভব হয়নি।

প্রথম উড়ো খবর এসেছে মথুরা থেকে। আওরঙ্গজেব সে খবর বিশ্বাস

করতে পারেননি। শিবাজীকে সেখানে নাকি সন্ন্যাসীর বেশে দেখা গেছে একদিন।

মথুরা আগ্রার উত্তরে। শিবাজীর কি ভীমরতি ধরেছে যে, আঁওরঙ্গজেবের সেপাইরা ডালকুতার মত তার সন্ধান করছে জেনেও দক্ষিণে নিজের রাজ্যের দিকে না ছুটে উত্তরে রওনা হবেন!

প্রথমে খবরটায় বিশ্বাস না হলেও পরে শিবাজীর এটা একটা সূক্ষ্ম চাতুরী বলেই সন্দেহ হয়েছে। সবাই যখন দক্ষিণ দিকে তাকে ধরবার জন্তে বিনিজ্র পাহারায় আছে তখন উত্তরে যাওয়াই সবচেয়ে বুদ্ধিমানের কাজ। শিবাজীর ফন্দি যে এরকম কিছু হতে পারে, তার প্রমাণও যেন পাওয়া গেছে। উত্তর নয়, এবার পূর্বাঞ্চল থেকে। শিবাজীকে ছদ্মবেশে ইলাহাবাদে দেখা গেছে বলে লিখে পাঠিয়েছে এক হরকরা। বারাণসীধামে গঙ্গার ঘাটে একদিন সকালে শোরগোল উঠেছে শিবাজী ধরা পড়েছেন বলে। সংবাদটা সত্য নয় জানা গেছে তারপর।

সত্য মিথ্যা বিচারই কঠিন হয়ে উঠেছে এবার। গয়া এমনকি সূদূর পুরী থেকেও শিবাজীকে স্বচক্ষে দেখার খবর লিখে জানিয়েছে অনেকে। কিন্তু ওই পর্যন্তই! শিবাজী যেন ভোজবাহিতে নানা জায়গায় হঠাৎ দেখা দিয়ে আবার শূন্যে বিলীন হয়ে গেছেন।

ওদিকে আবার আঁওরঙ্গাবাদ থেকে এক খুফিয়ানবিসের যে গোপন চিঠি ১৬৬৬-র ১৪ই নভেম্বর দিল্লী এসে পৌঁছেছে, তাতে আগ্রা থেকে পালাবার পঁচিশ দিন বাদেই শিবাজী রাজগড়ে পৌঁছে গেছেন বলে খবর দেওয়া হয়েছে। মথুরা ইলাহাবাদ বারাণসী গয়া পুরী হয়ে গণ্ডোয়ানা, হায়দরাবাদ ও বিজাপুরের পথে দিন-রাত্রি ঘোড়া চালিয়েও তো পঁচিশ দিনে আগ্রা থেকে রাজগড়ে পৌঁছনো অসম্ভব!

আগ্রা থেকে রাজগড় পর্যন্ত নাকের সোজা উড়ে যেতেই ছ'শ সত্তর মাইল।

কিন্তু উড়ে না গেলে সোজা একমুখে হয়ে তো চলা যায় না। রাস্তায় পাহাড় পর্বত জঙ্কল আছে, আছে বহু নদী পার হওয়ার ঝামেলা, তার ওপর মোগল প্রহরীদের দৃষ্টি এড়াতে জানা সূগম পথ ছেড়ে দুর্গম ঘুরের পথে যাওয়ার প্রয়োজন। সরল রেথায় যা ছ'শ সত্তর মাইল, আসলে তা হাজার মাইলের ওপর গিয়ে দাঁড়ায়। আর মথুরা বারাণসী গয়া পুরীর রাস্তায় তো কমপক্ষে কয়েক হাজার মাইল।

শিবাজী কোন পথে রাজগড়ে গেছেন তা'হলে? আওরঙ্গাবাদের গুপ্তচরের খবর যদি ঠিক হয় তাহলে কাশী, এলাহাবাদ, পুরী হয়ে পঁচিশ দিনে তাঁর রাজধানীতে পৌঁছনো অসম্ভব। এ পথে যদি না গিয়ে থাকেন তাহলে অত জায়গা থেকে শিবাজীকে অত লোকের দেখার গুজব ওঠে কি করে? সব গুজবই তো আজগুবি বলে উড়িয়ে দেওয়া যায় না। অত্যন্ত নির্ভরযোগ্য কয়েকটি খবরের উৎসও আছে। যেমন, খাফি খাঁ সুরাটের যে ব্রাহ্মণ চিকিৎসকের কথা লিখেছেন, তাঁর বিবরণ অবিশ্বাস করবার নয়।

ব্রাহ্মণের নাম নাভা। সুরাটে তাঁর বিরাটি জমকালো প্রাসাদগোছের বাড়ি। যে-বাড়ি কেনার রহস্য যে তাঁর কাছে যায় তাকেই তিনি কৃতজ্ঞচিত্তে শোনান। যে-বাড়ি নিজের চিকিৎসার উপার্জনে তিনি তৈরী করেননি। তীর্থ করতে তিনি কাশী গেছিলেন। আখিনের তখন শেষ। একদিন ভোরবেলা অন্ধকার থাকতে গঙ্গায় তিনি স্নান পূজাপাঠ করতে নেমেছেন হরিশ্চন্দ্রের ঘাটে। ঘাট তখন নির্জন। মাথায় পাগড়ি আর গায়ের মুড়িসুড়ি দিয়ে চাঁদর জড়ানো একটি লোক হঠাৎ তাঁর কাছে এসে জিজ্ঞাসা করেছে,—আপনি ব্রাহ্মণ?

আচাৰ্ণ নাভা সবিস্ময়ে মাথা নেড়ে জানিয়েছেন,—হ্যাঁ।

লোকটি কোমরের একটি খলি খুলে এক মুঠো মণিমুক্তা আশরফি আর হনু তাঁর হাত ভরে দিয়ে বলেছে,—শিগ্গীর আমার তর্পণ করান।

নাভা বিমূঢ়ভাবে সেই অবিশ্বাস সম্পদ স্বল্পপ্রান্তে বেঁধে অপরিচিত লোকটিকে গঙ্গাতীরে তর্পণ করাতে বসেছেন।

তর্পণ করতে করতেই কোথায় শোরগোল শোনা গেছে ঘাটের ওপরে।

লোকটি হঠাৎ নাভার কোণাকুশি কমণ্ডলু নিজের কাছে টেনে নিয়ে চাপা-গলায় বলেছে,—এবার আমিই আপনাকে তর্পণ করছি। ভক্তিভরে হাতজোড় করে বসুন।

হতভম্ব হয়ে নাভা তাই করেছেন।

ঘাটের ওপরে খোলা তলোয়ার হাতে নগররক্ষী সেপাই আর মহল্লার দারোগাকে এবার দেখা গেছে।

তারা নীচে নামতে শুরু করেছে।

অজানা লোকটি তার আগেই গায়ের চাঁদর খুলে ফেলেছে। দেখা গেছে তার গলায়ও উপবীত জড়ানো। ডান কাঁধে সে উপবীত আর উত্তরীয় রেখে দক্ষিণমুখে হয়ে বসে মাটিতে বাঁ হাটু রেখে ডান হাতের তর্জনী আর বৃদ্ধো

আঙুলের মূল দিয়ে এক অঞ্জলি জল দিয়ে সে তখন বিস্কৃত সংস্কৃত উচ্চারণে মন্ত্রপাঠ করছে,—ওঁ যমায় ধর্মরাজায় মৃত্যবে চান্তকায় চ । বৈবশ্বতায় কালায় সর্বভূতক্ষরায় চ । শুভ্রস্বরায় দধায় নীলায় পরমোষ্ঠিনে । বৃকোদরায় চিত্রায় চিত্তগুপ্তায় বৈ নমঃ । সেপাই আর দারোগা ঘাটের নীচে এসে দাঁড়িয়ে দু'জনকেই লক্ষ করেছে কিছুক্ষণ ।

অজানা লোকটি তখন নমো-তর্পণ সেরে পিতৃ আবাহন শুরু করেছে,—ওঁ উশস্ত্ব নিবীমবৃশস্ত্বঃ সমিধীমহি । উশন্ন শত আবহ পিতৃন হবিষে অন্তবে ।

মন্ত্রপাঠের মাঝখানেই অর্ধেক হয়ে মহল্লার দারোগা আচার্য নাভাকে জিজ্ঞাসা করেছে, তাঁরা গন্ধার ঘাটে নামবার পর আর কাউকে এদিকে আসতে দেখেছেন কি না ?

ব্রাহ্মণকে মিথ্যা কথা বলতে হয়নি । তিনি বিনাধ্বিষায় জানিয়েছেন যে, তাঁরা দু'জন ছাড়া এ ঘাটে এ পর্যন্ত আর কেউ আসেনি ।

দারোগা আর সেপাইরা তারপর চলে গেছে । অজানা লোকটির দিকে একবার দৃকপাতও করেনি ।

ব্রাহ্মণ অজানা লোকটির দিকে চেয়ে এবার তীব্র কৌতূহলের সঙ্গে জিজ্ঞাসা করেছেন,—কে আপনি ? আপনার পিতৃ আবাহনের মন্ত্রপাঠ শুনে বুঝলাম, আপনি ঋগ্বেদী কি যজুর্বেদী ব্রাহ্মণ ! কিন্তু চেহারা আপনার ক্ষত্রিয়ের মত ! অহুগ্রহ করে জানাবেন, আপনি কে ?*

অজানা লোকটি একটু হেসে বলেছে,—আমার মুখে না-ই শুনলেন । আমি কে তা হয়তো অচিরেই জানতে পারবেন ।

ব্রাহ্মণ তাই পেরেছেন । লোকটি শেষ কথা বলেই হরিষ্চন্দ্রের ঘাট থেকে গন্ধায় নেমে ডুব দিয়েছিল । একটা কালোমাথা ভোরের অস্পষ্ট আলোয় ভেসে উঠেছিল বহুদূরে গন্ধার স্রোতের প্রায় মাঝামাঝি । সেই লোকটিই হবে নিশ্চয় ।

ব্রাহ্মণ নিজের পূজাপাঠ সেরে ঘাটের ওপর উঠেই সেখানে সমবেত উত্তেজিত জনতার কাছে কিছুক্ষণ আগেকার শোরগোলার কারণ জানতে পেরেছিলেন । খানিক আগে স্বয়ং শিবাজী-ই নাকি এই মহল্লার মোগল সিপাহীদের হাতে ধরা পড়তে পড়তে বেঁচে পালিয়ে গেছেন । অকাতরে অত মণিমুক্তো ছন দান করার অজানা লোকটিকে শিবাজী বলেই বিশ্বাস হয়েছে নাভার, সেই সঙ্গে একটু ধোঁকাও লেগেছে তর্পণের বিস্কৃত মন্ত্র আবৃত্তিতে । শিবাজী সারাজীবন শাস্ত্র নিয়ে লড়াই করতে করতে এমন শাস্ত্র শেখবার সময় পেলেন কখন ?

তিন

দাসমশাই একটু খামলেন।

ইতিহাসের অধ্যাপক এই ফাঁকটুকুর জন্তে যেন মুখিয়ে ছিলেন। দাসমশাই নীরব হতে না হতেই বলে উঠলেন,—মাপ করবেন, খাফি খাঁর বিবরণ আমিও এক সময়ে পড়েছি। আপনি যা শোনালেন তার সঙ্গে খাফি খাঁর বিবরণের মিল তো বেশী নেই।

না থাকাই স্বাভাবিক।—দাসমশাই তাচ্ছিল্যভরে বললেন,—খাফি খাঁর বিবরণই যে ঐতিহ্যিক। তিনি সুরাটের ব্রাহ্মণ চিকিৎসক নাভার,—মনে রাখবেন উর্ হুরফের গোলমালে নামটা বাভাও হতে পারে,—কাছে যা শুনেছেন, তা ভালো করে সবটা বুঝতেও পারেননি। তিনি লিখে গেছেন, নাভা কাশীতে এক ব্রাহ্মণের শিষ্য হয়েছিলেন। সেই ব্রাহ্মণ গুরুর কাছে কিন্তু তিনি পেটভরে খেতে পেতেন না। ধান ভানতে শিবের গীতের মত শিবাজীর কথা বলতে গিয়ে গুরুর বাড়িতে নাভার খেতে না পাওয়ার গল্প বলা একেবারে অর্থহীন ও অবাস্তব নয় কি? খাফি খাঁ তারপর লিখে গেছেন যে, শিবাজী নাভার হাতের মুঠোয় ধনরত্ন ভরে দেবার পর তাঁরই অহুরোধে নাভা শিবাজীকে কামানো, স্নান ইত্যাদি করাতে শুরু করেন। হিন্দু আচার-অহুষ্ঠান কিছু জানা থাকলে ব্রাহ্মণ-পুরোহিত যজ্ঞমানের ক্ষৌরকর্ম করছেন এমন আজগুবি কথা খাফি খাঁ লিখতেন না। খাফি খাঁ যা লিখে গেছিলেন, তার ভিত্তিটা খাঁটি হলেও সম্পূর্ণ সঠিক বিবরণ তিনি দিতে পারেননি।

সে-বিবরণ আপনি শুধু পেয়েছেন!

না, শিবপদবাবুর কৌতুক-মেশানো বিক্রপের খোঁচা নয়, মাথার কেশ খাঁর কাশের মত শুভ্র, সেই হরিসাধনবাবুর মুগ্ধ সঙ্গমের বিহ্বলতা।

মহৎ অনাসক্তিতে এ উচ্ছ্বাস অগ্রাহ করে দাসমশাই সবিনয়ে বললেন,— শুধু আমি কেন, চেষ্টা করে হারানো 'আখবরাত' খুঁজে বার করলে যে-কেউ এ বিবরণ পেতে পারেন।

ইতিহাসের অধ্যাপক আবার কি যেন ফাঁকড়া তুলতে যাচ্ছিলেন। তাঁকে

সে-স্বয়োগ দাসমশাই দিলেন না। তাড়াতাড়ি আগেকার কথাই খেই ধরে শুরু করলেন—শুধু সুরাটের ব্রাহ্মণ চিকিৎসক নাভার বিবরণই নয়, শিবাজীর দীর্ঘতর ঘোরানো পথে নিজের রাজ্যে ফেরার অল্প জোরালো প্রমাণও আছে। যেমন, গোদাবরীর তীরের একটি গ্রামে এক চাষী পরিবারের অবিখ্যাত সৌভাগ্যের কাহিনী।

এক সন্ধ্যায় এক সন্ন্যাসী দু-একটি শিষ্যসামন্ত নিয়ে ওই চাষীর ঘরে আশ্রয় নেয়। কুটীরের কর্তী বৃদ্ধা কৃষক-জননী সাধু-সন্ন্যাসীদের ভালো করে খেতে না দিতে পারার আফসোসে শিবাজী আর তার সেনাদলকে প্রাণভরে গালাগাল দেয়। কিছুদিন আগেই শিবাজীর এক লুটেরা দল সে-গ্রাম লুণ্ঠন করে গেছে।

সন্ন্যাসী আর তার সাঙ্গোপাঙ্গ নীরবে এসব অভিযোগ শুনে পরের দিন সকালে বিদায় নেয়। কিন্তু কিছুকাল বাদেই শিবাজীর রাজদরবার থেকে ডাক আসে ওই পরিবারের। প্রাণের আশা ছেড়ে দিয়ে সে চাষী পরিবার সত্বে গিয়ে হাজির হয় শিবাজীর রাজসভায়। সেখান থেকে কল্পনাতীত উপহার নিয়ে তারা ফেরে। সৈনিকরা যা তাদের লুট করেছিল, শিবাজী তার চতুর্গুণ তাদের দান করেছেন।

এ-সব কাহিনী আওরঙ্গজেবের কাছেও পৌঁছে তাঁকে বিভ্রান্ত করে তুলেছে। ১৬৬৬-র ১৪ই নভেম্বর যে আখবরাত দিল্লী এসে পৌঁছেছায়, তার খবরের সঙ্গে এ-সব বিবরণের কোন সামঞ্জস্যই হয় না। আখবরাত-এর খবর হলো, শিবাজী আগ্রা থেকে পালাবার পঁচিশ দিন বাদে ১২ই সেপ্টেম্বর রাজগড় পৌঁছেছেন। পৌঁছে বেশ কয়েকদিন তিনি অসুস্থ হয়ে শয্যাশায়ী ছিলেন, তারপর সেরে উঠে আবার অসুখে পড়েছেন।

‘আখবরাত’-এর খবর সত্যি হলে সমস্ত ব্যাপারটা দুর্ভেদ্য রহস্য হয়ে দাঁড়ায় বলে মনে হয়েছে আওরঙ্গজেবের। রাজগড় থেকে মোগল গুপ্তচর শিবাজীর রাজধানীতে ফেরার যে-খবর পাঠিয়েছে, তা আওরঙ্গবাদের খুফিয়ানবিসের কাছে পৌঁছতে লেগেছে অন্ততঃ পাঁচ দিন। আর আওরঙ্গবাদ থেকে দিল্লী পর্যন্ত আখবরাত আসতে একুশ দিন। তার আগে শিবাজীর দু’বার অসুখে পড়ার সময় ধরলে সবস্বল্প কমপক্ষে দু’মাস আগে শিবাজীর রাজগড়ে পৌঁছনো মিথ্যে নয় বলেই মনে হয়। কিন্তু তা কি করে সম্ভব!

এ-সমস্তার সমাধান না করতে পেরে আওরঙ্গজেব আওরঙ্গবাদের খুফিয়ানবিসের কাছে কড়া চিঠি পাঠিয়েছেন তার খবরটা খাটি কিনা ভালো করে

যাচাই করে জানবার জন্তে। কিন্তু খুফিয়ানবিসের কোন জবাব আসেনি। তাকে খুঁজেই পাওয়া যায়নি আওরঙ্গাবাদে। আরেক গভীর রহস্য সৃষ্টি করে সেও হঠাৎ নিশ্চিহ্ন হয়ে গেছে।

১৬৬৬-র উনিশ আগস্ট স্মরণ্য সামান্য তারিখ নয়। আগ্রা শহর টলমল করে উঠে মোগল সাম্রাজ্যের বনেদে ফাটল দেখা দিয়েছে সেইদিনই।

অনেক দুঃখে ভারতসম্রাট আওরঙ্গজেব তাঁর শেষ ইচ্ছাপত্রে লিখে গেছিলেন : রাজশক্তির সবচেয়ে বড় প্রয়োজন হলো রাজ্যে যা-কিছু ঘটছে, সবকিছুর খবর রাখা, নইলে এক মুহূর্তের গাফিলতিতে চিরকাল আফসোস করতে হয়। দেখো, উপযুক্ত হুঁশিয়ারীর অভাবে শিবাজী সেই যে পালিয়েছিল, তারই জন্তে অস্তিম-কাল পর্বস্তু যুদ্ধ-বিগ্রহের জ্বালা আমার ঘুচল না।

কিন্তু সত্যিই আওরঙ্গজেবের শিবাজী সম্বন্ধে হুঁশিয়ারীর কিছু ত্রুটি ছিল কি ? মনে হয় না। শিবিরে শিবাজীকে দিবারাত্রি পাহারা দিয়েছে রামসিং-এর রাজপুত অল্পচরেরা। শিবিরের বাইরে এক মীর আতিশ-এর অধীনে তোপদার এক বিরাট সেনাদল সারাক্ষণ সজাগ থেকেছে ! এই বেঠনী ভেদ করে শিবাজী পালিয়েই বা যাবে কোথায় !

আগ্রার পথেঘাটে সেই কথাই আলোচনা করেছে বড়-ছোট সবাই।

চার

শিবাজীর পলায়নের কয়েক দিন আগেকার কথা।

শহর-কোতোয়াল সিদ্দি ফুলাদের বাড়ি এসেছিল মীর-ঈ-ইমারৎ একটা জরুরী তলব পেয়ে।

সিদ্দি ফুলাদ ক'টা বিশ্বাসী ও চোকস হালালখোর অর্থাৎ ময়লা সাফ করার মেথর চেয়েছেন মীর-ঈ-ইমারৎ-এর কাছে।

শহর-কোতোয়ালের সামান্য ক'টা ঝাড়ুদারের জন্তে মীর-ঈ-ইমারৎকে কেন তলব দিতে হয়, তা বুঝতে তখনকার দস্তুর একটু জানতে হয়। প্রত্যেক মহল্লায় বাড়ি-ঘর সাফ করবার ঝাড়ুদারেরাই ছিল কোতোয়ালের গুপ্ত খবর-সংগ্রহের প্রধান চর।

কোন মহল্লায় কার বাড়ির জন্তে হালালখোর দরকার, শুনে মীর-ঈ-ইমারৎ-এর ঠোঁটের কোণে একটু হাসি ফুটে উঠেছে।

সে-হাসি ফুলাদের দৃষ্টি এড়ায়নি। অল্প কেউ শহর-কোতোয়াল হলে সামান্য মীর-ঈ-ইমারৎ-এর এ-বেয়াদবী সহ্য করতেন না। সিদ্দি ফুলাদ মাহুয়াটা কিন্তু খুব ধারাপ নয়। মনটা তাঁর খোলামেলা। তাছাড়া মীর-ঈ-ইমারৎকে সে একটু অল্প চোখে না দেখে পারেন না। তার প্রতি গোপন একটা কৃতজ্ঞতা শহর-কোতোয়ালের আছে।

সিদ্দি ফুলাদ তাই একটু কপট রাগে ভুরু কুঁচকে বলেছেন,—হাসছ যে বড় বচনরাম! হাসবার কি আছে এতে! রামসিং-এর বাড়ি হালালখোর দরকার হয় না?

হবে না কেন কোতোয়ালসাহেব!—বচনরাম হাসিটুকু মুখ থেকে না মুছে ফেলেই বলেছে,—তবে রামসিং বাহাহুরের জন্তে তো নয়, হালালখোর কার জন্তে লাগাতে হচ্ছে, তা তো জানি। ওই একটা নেংটিকে সামলাতে এত হাঁসফাঁস দেখে তাই একটু হাসি পায়। তাও যে নেংটি তার আপনার গর্তে নেই, খোদ শের-ই-হিন্দুস্তানের ডেরায় নাক বাড়াতে এসে ষাঁতাকলে বন্দী। ষাঁতাকল ছাড়িয়ে যদি পালায়ও, তাহলে হবে কি? শাহানশাহ-এর বিরটি

রাজত্বের কোণে-কানাচে পাহাড়ে-জঙ্গলে কোথায় একটা-দুটো নেংটি নেইল চরে বেড়ায় তা কি মোগল-সাম্রাজ্যের মাথা ঘামাবার বিষয় !

সিদ্দি ফুলাদ বচনরামের দিকে চেয়ে তার অজ্ঞতাষ একটু অহুকম্পার হাসিই হেঁসেছেন। বলেছেন,—নেংটি যাকে বলছ, সে যে কি জিনিস, তাহলে জানো না বচনরাম। ওই নেংটির দাপটে সমস্ত দক্ষিণ ভারতে থরথরিবম্প লেগেছিল, বিজাপুর রাজ্য যায়-যায়, জাঁদবেল সব মোগল সেনাপতিরা নাকের জলে চোখের জলে হয়েছে এই শিবাজীর রণকৌশলে। ওকে তাই অনেক ফন্দি করে মিথ্যে টোপ দেখিয়ে আশ্রয় এনে পোরা হয়েছে। একবার এখান থেকে ছাড়া পেলো ও কী সর্বনাশ করতে পারে কেউ জানে না !

বচনরামের মুখে সরল বিশ্বয়ই ফুটে উঠেছে যেন। কথাটার বিশ্বাস করতে যেন কষ্ট হচ্ছে এইভাবে সে বলেছে,—ওই একরত্তি মান্নুষটার মধ্যে এত দুশমনী ! আমারই মত তো ক্ষমা-পাতলা মাঝারি মাপের চেহারা !

তুমি কোথায় দেখলে শিবাজীকে !—সিদ্দি ফুলাদ একটু বিস্মিত হয়ে জিজ্ঞাসা করেছেন।

দেখেছি আশ্রয় যেদিন প্রথম আসে, সেইদিনই। বচনরাম একটু হতাশ হওয়ার স্বর ফুটিয়েছে গলায়,—শহরের নানা মহল্লায় নানা গুজব শুনে ইচ্ছে হয়েছিল স্বচক্ষে একবার মান্নুষটাকে দেখবার। এমন একটা কেওকেটার 'ইস্তিক্বাল' কেমন হয় তাও দেখতে চেয়েছিলাম। শহর ছাড়িয়ে তাই মানিকচাঁদের সরাই পর্যন্ত গেছিলাম। গিয়ে আফসোসই হলো। এই শিবাজী ভৌসলের অভ্যর্থনা ! আশ্রা শহর তাকে গ্রাহের মধ্যেই আনেনি।

সত্যিকার হোমরা-চোমরাদের বেলা ইস্তিক্বালের কি দস্তুর ? আশ্রা থেকে অন্ততঃ একদিনের পথ বাকি থাকতে মানী অতিথি যাত্রা খামিয়ে বিশ্রাম করতেন। শাহানশাহ্-এর প্রতিনিধি দামী উপহার নিয়ে সেখানে তাঁর সন্ধে দেখা করে তাঁকে শোভাযাত্রা করে সম্মানে তার পরদিন শহরের রাস্তা দিয়ে এনে জ্যোতিষীদের বিধান দেওয়া শুভসময়ে সম্রাটের সামনে হাজির করবেন। কোথায় কি ! সব দেখলাম ভেঁ ভেঁ। শুনলাম, কুমার রামসিং-এর ওপর শিবাজীকে অভ্যর্থনা করার ভার ছিল। তিনি নাকি শিবাজীর পৌছোবার খবর জানতেই পারেননি। জানতে যখন পেয়েছেন তখন আবার পাঠিয়েছেন তাঁর মুন্সী গিরধরলালকে। ইস্তিক্বালের এই ছিঁরি দেখেই আমার তো ভক্তি উড়ে গেছিল। আশ্রা শহরে পরের দিন ঢোকবার পর আরেক কেলেঙ্কারী। কুমার

রামসিং-এর সেদিন বুঝি প্রাসাদ পাহারা দেওয়ার হফ্ত চৌকি ছিল। সে কাজ সেরে রামসিং আর মুকলিস খাঁ তাঁদের লোকলব্ধর নিয়ে যখন শিবাজীকে অভ্যর্থনা করতে ছুটে গেছেন খোজা ফিরোজার বাগিচার পথ ধরে, তখন মুন্সী গিরধরলাল শিবাজীকে নিয়ে আসছে দহর-আরা বাগিচার রাস্তায়। শেষে কোনরকমে এ ভুল স্তম্ভে শিবাজীর সঙ্গে কুমার রামসিং-এর দলের দেখা হলো খাসবাজারের নূরগঞ্জ বাগিচায়। তারপর শিবাজীকে প্রায় ষোড়দৌড় করিয়ে শাহানশাহ্-এর কাছে হাজির করবার চেষ্টা। তখন দিওয়ান-ই-আম-এর পালা শেষ হয়ে গেছে, সশ্রীট বসেছেন দিওয়ান-ই-খাসে গিয়ে। ছোট মৌর বস্ত্রী আসাদ খাঁ সেখানে শাহানশাহ্-এর সামনে হাজির করেছেন শিবাজীকে। শিবাজী ভাঁসলে হাজার মোহর আর দু'হাজার সিকা নজর দিয়েছেন। সেই সঙ্গে পাঁচ হাজার সিকা নিসার। সশ্রীট কিন্তু মুখের একটা কথা বলেও শিবাজীকে সম্ভাষণ করেননি। শিবাজীকে তারপর নিয়ে গিয়ে দাঁড় করানো হয়েছে পাঁচ-হাজারী মনসবদারদের সারিতে।

দৈর্ঘ্য ধরে এতক্ষণ পর্বস্ত সব স্তনে শহর-কোতোয়াল একটু ভুরু কুঁচকে বলেছেন,—তুমি এতক্ষণ ধরে যা শোনাতে আগ্রা শহরে কারুর তা জানতে বাকি আছে মনে করো! তবু অত ফলাও করে আমার সব শোনাবার মানেরটা কি বলো তো?

আঞ্জে, সোজা মানে তো আগেই জানিয়ে দিয়েছি কোতোয়াল সাহেব!—বচনরাম সরলভাবে বলেছে,—ওই যারা 'ইস্তিক্বাল'-এর নমুনা, শাহানশাহ্ যাকে মুখের একটা কথায় সম্ভাষণ করবার যোগ্য মনে করেন না, সেই তুচ্ছ একটা মাহুষকে অত ভয় করবার কিছু আছে বলে আমি বিশ্বাস করি না। তাকে আটক রাখবার এত তোড়জোড় তাই একটু বাড়াবাড়িই মনে হয়।

উহু:—সিদ্দি ফুলাদ একটু হেসেছেন,—তুমি একটা কথা ভুলে যাচ্ছ বচনরাম। শিবাজীর ইস্তিক্বাল যে ঠিক মত হয়নি তা তাকে তাচ্ছিল্য দেখাবার জন্ত নয়।

তবে কি সম্মান দেখাবার জন্তে!

বচনরামের গলার স্বরটা প্রায় বেয়াদবির কিনারা ছুঁয়ে গেছে।

চোখটা বচনরামের মুখে তোলবার সময় ঝিলিক দিয়ে উঠলেও সিদ্দি ফুলাদ খোঁচাটা তেমন গায়ে মাখেননি বোধহয়। ভুল শোধরবার ভঙ্গীতে সহজভাবেই বলেছেন,—সম্মান দেখাবার উদ্দেশ্যই ছিল, কিন্তু তারিখটাই গোলমাল করে দিয়েছে।

বচনরামের কাছে যেন একটা প্রশ্ন আশা করে একটু থেমেছেন শহর-কোতোয়াল। সে প্রশ্ন না আসায় নিজেই আবার বলেছেন,—দিনটা কি ছিল এখন আশা করি মনে পড়েছে। শিবাজী যেদিন আগ্রায় এসে ঢুকলেন, শাহানশাহ্-এর সেই দিনই পঞ্চাশের জন্মদিন। শহরের কারুর মাথায় আর কোন চিন্তা কি আছে তখন! চার মাস আগে শাজাহান মারা গেছেন আগ্রার দুর্গে। সম্রাট আওরঙ্গজেব এতদিন দিল্লী থেকেই সাম্রাজ্য চালিয়েছেন। এই প্রথম তিনি দিল্লী ছেড়ে আগ্রায় এসে দরবার বসিয়েছেন। চোদ্দ শ' গাড়িতে যে-সব ঐশ্বর্য এসেছে দিল্লী থেকে আগ্রায়, তা সাজিয়ে রাখা হয়েছে প্রাসাদে, সম্রাটের জন্মদিন পালন করতে যারা আসবে তাদের চোখ ধাঁধাবার জন্তে। ত সত্যিই তো আগ্রাবাসীর মাথা ঘুরে গেছে তৈমুরবংশের ঐশ্বর্য দেখে। বড়-ছোট সবাই তখন সম্রাটের জন্মদিনের উৎসবেই মত্ত। শিবাজী যদি আগ্রায় পৌঁছতে দেবী না করতেন, যদি একদিন আগেও তিনি আগ্রায় প্য দিতেন, তাহলে এ সমস্ত গোলমাল কিছুই হতো না।

সম্রাটের জন্মদিনের দরুন তাঁকে খাতির করে আগ্রায় আনার না-হয় ক্রটি হয়েছে, কিন্তু শাহানশাহ্ নিজেই যে একটা কথা বলেও তাঁকে মেহেরবানি করেননি, তাঁকে যে পাঁচহাজারী মনসবদারদের সারিতে দাঁড় করানো হয়েছে, সেটাও কি জন্মদিনের গোলমালে?—বচনরাম মাথা নেড়েছে—না কোতোয়াল সাহেব, যা-ই আপনি বোঝান, শিবাজী একটা কেওকেটা আমি মানতে পারব না। সামান্য একটা পাহাড়ী ভুঁইয়ার লুটেরা হয়ে দু'দিন একটু পিঁপড়ের পাখা গজিয়েছিল। সে পাখা ছেঁটে দিয়ে সম্রাট তাই তাকে পোকামাকড়ের সামিলই মনে করেছেন। আপনারাই মিছিমিছি শিবাজীকে ফাল্গুনের মত ফুলিয়ে ফাঁপিয়ে তার ভয়-ভাবনায় অস্থির। এই যে জিন্সি-দস্তি নিয়ে শিবাজীর শিবির ঘেরাও করে রেখেছেন, আগ্রার সাধারণ মানুষ তা'তে কিন্তু তাজ্জব। তারা কেউ কেউ আবার হাসে। বলে, জিন্সি-দস্তি, মানে কামান-বন্দুক লাগে ওই একটা পাহাড়ী চুহাকে আটকে রাখতে! বন্দুকটি তো নয়ই, নেহাত সাধারণ পাহারাদারের যারা সামিল সেই 'আহ্‌শাম্'ও নয়, তারও চেয়ে ওঁচা যত হতভাগা বেকার বাউণ্ডলেদের দিয়ে গড়া 'সেহ-বন্দি' ক'টা সেপাই রাখলেই তো ঠাণ্ডা!

'সেহ-বন্দি' সেপাই রাখলেই ঠাণ্ডা!—এবার সিদ্দি ফুলাদ বচনরামকে ব্যঙ্গ করেই হেসে উঠেছেন। তার পর চোখ দুটো কঁচকে, মুখ বেকিয়ে বলেছেন,—

শহরের উটকো লোক যা বলে, তোমারও তাহলে তাই ধারণা !

বচনরাম চূপ করে থেকেই তার গায় জানিয়েছে।

সিদ্দি ফুলাদ এবার বচনরামের প্রতিবাদে যেন নয়, নিজের ও সেই সঙ্গে সারা মোগল জাহানের অন্তরের জ্বালাটা প্রকাশ করে বলেছেন,—শোনো বচনরাম, ও চুপ নয়। পাহাড়ী চিতা। ওর নিজের এলাকায় পাহাড়-জঙ্গলে ও মোগল শেরকেও ঘায়েল করে। সায়েস্তা খাঁর শিক্ষাটাই মনে করো না! পুনায় ভৌসলে পরিবারের নিজেদের মোকামে সায়েস্তা খাঁ তার লোক-লঙ্কর হারেম-স্বত্ব নিয়ে আছে। তার নিজের সৈন্যবাহিনী তো আছেই, তার ওপর যশোবন্ত সিং-এর দশ হাজার জোয়ান। এইসব হেলায় তুচ্ছ করে শিবাজী চারশ' বাছাই-করা অমুচরের মধ্যে মাত্র দু'শ-জনকে নিয়ে সায়েস্তা খাঁর হারেমের ভেতর পর্যন্ত ঢুকে সব লগুভণ্ড করে সায়েস্তা খাঁর বুড়ো আঙুল কেটে নিয়ে আসে। না বচনরাম, শিবাজী হেলাফেলা করবার লোক নয়, তা আলমগীর ভালো করেই জানেন। তিনি দরবারে ওকে যে একটু অগ্রাহ্য করেছেন সে শুধু পরীক্ষা করবার জন্তে। তাতে ওরকম হাত-পা ছুঁড়ে চেঁচিয়ে সম্রাটের আর তাঁর দরবারের অপমান করা কি শিবাজীর উচিত ছিল ?

ও: হ্যাঁ, তাও তো বটে! শিবাজী তো খুব চেঁচামেচি করেছিলেন ওই দরবারের মধ্যেই!

বচনরামের মুখের ভাবে অবিশ্বাস আর বিস্ময়ই যেন ফুটে উঠেছে।

তীক্ষ্ণ দৃষ্টিতে সে-মুখে একবার চোখ বুলিয়ে সিদ্দি ফুলাদ বলেছেন,—চেঁচামেচি নয়, তাকে বলে কেলেকারী। সম্রাটের কাছে কোনো অভ্যর্থনা না পেয়ে পেছনের সারিতে দাঁড়িয়ে শিবাজী যেই সুনলেন কুমার রামসিং-এর কাছে যে, সেটা পাঁচহাজারী মনসবদারদের সারি, তৎক্ষণাৎ তিনি চেঁচিয়ে উঠলেন—কী! আমার খাতির এই! আমার ছেলে আগ্রা না এসেই পাঁচহাজারী মনসবদারী পেয়েছে; আমার কাছে যে চাকরী করে সেই নেতাজীও পাঁচহাজারী! আর আমি পাহাড়-জঙ্গল ভেঙে আগ্রা এসেছি এই সম্মান পেতে! শিবাজীর সামনে দাঁড়িয়েছিল যশোবন্ত সিং আর প্রধান ওয়াজির জাফর খাঁ। সম্রাটের কাছে তারাও যখন খিলাত পেল শিবাজীকে বাদ দিয়ে, তখন শিবাজীর চোখ দিয়ে যেন আগুন ছিটোচ্ছে। সম্রাটের পর্যন্ত তা নজরে পড়েছে তখন। কুমার রামসিংকে তিনি পাঠালেন শিবাজী অমন অস্থির কেন জানতে। শিবাজী যা মুখে আসে বিক্ষোভে জানিয়ে মনসবদারী ছেড়ে দিয়ে এবার যা করেছে, বাবর

শাহ্-এর আমল থেকে মোগল রাজত্বে তা দিল্লী কি আগ্রা কোথাও কেউ করতে সাহস করেনি। শিবাজী সিংহাসনের দিকে পেছন ফিরে গটগট করে বাইরে বেরিয়ে গেছে। কুমার রামসিং সন্ন্যস্ত হয়ে তাকে হাতে ধরে ফেরাতে চেষ্টা করেছেন কিন্তু শিবাজী সজোরে হাত ছিনিয়ে নিয়ে একটা খামের পেছনে গিয়ে সেই যে বসেছে, শত অল্পনয়-বিনয়েও আর ওঠেনি। সেখানে বসেই কুমার রামসিংকে বলেছে, আমার এখুনি কাটো মারো যা খুশি করো, সম্রাটের সামনে আমি যাব না। আলমগীর কুমার রামসিং-এর কাছে শিবাজীর অভিমানের কথাই একটু শুনেছেন। শুনে, অল্প ওমরাহদের শিবাজীকে বুকিয়ে-স্বাকিয়ে ফেরাতে বলেছেন, তাকে খিলাত পর্ঘস্ত দিয়েছেন, কিন্তু শিবাজী তার গৌ ছাড়েনি। শাহানশাহ্কে তো এতকিছু বলা যায় না, তাঁকে এবার বোঝানো হয়েছে যে, দারুণ গরমে মারাঠা সদীর হঠাৎ বেহঁশ হয়ে পড়েছে।

ওঃ এত কাণ্ড!—বচনরামের গলা এবার যেন অপ্রসন্ন,—দরবারের বাইরে তো ঠিক খবর আমরা পাইনি। সত্য-মিথ্যে হরেকরকম গুজব আমাদের কানে এসেছে। সত্যি যা হয়েছে তাতে শাহানশাহ্ তো রাগ করতেই পারেন। তাই বুকি আপনার ওপর হুকুম হয়েছিল শিবাজীকে কিল্লাদার রাদ-আন্দাজ খাঁর হাতে তুলে দেবার ?

কে—কে বললে তোমায় এ কথা ?

সিদ্দি ফুলাদের হাবসী শামলা মুখ এবার বেগুনে হয়ে উঠেছে সত্যিকার রাগে। বচনরামের দিকে জলস্ত দৃষ্টিতে তাকিয়ে বলেছেন,—এ সমস্ত মিথ্যা কথা !

তা তো হতেই পারে!—বচনরামকে তেমন বিচলিত মনে হয়নি,—বাজারে কতরকম বাজে গুজবই তো রটে। এও রটেছে যে, রাদ-আন্দাজ খাঁর জিন্মায় কেল্লার ভেতরে পাঠানো মানেরই হলো একেবারে শেষ করে দেওয়া। 'রাদ-আন্দাজ খাঁ নাকি পিশাচদেরও হার মানায় শয়তানিতে আর নিষ্ঠুরতায়। ছোট থেকে বড় হয়েছে যে শুধু এই নৃশংসতার জোরে। আলওয়ারের সংনামী সন্দ্বদায়কে ঝাড়ে বংশে শেষ করে দেওয়ার পরই নাকি আগ্রায় কিল্লাদারী পেয়েছে। সত্য-মিথ্যে জানি না, তার জিন্মায় শিবাজীকে পাঠানোর খবর পেয়ে কুমার রামসিং নাকি শাহানশাহ্-এর কাছে বলেছেন, তার আগে আমাকে মারবার হুকুম দিন জাঁহাঁপনা! আমার বাবা শিবাজীকে অভয় দিয়ে আগ্রা পাঠিয়েছেন। রাজপুত্রের জবানের দাম তার প্রাণের চেয়ে বেশী। সম্রাট

ভাতে নাকি কুমার রামসিং-এর কাছে খত চেয়েছেন শিবাজীকে পাহারায় রাখার দায় স্বীকার করে। তাই লিখে দিয়েছেন কুমার কিন্তু আবার নাকি নতুন ফন্দি হয়েছে শিবাজীকে শেষ করবার। ভারতের পশ্চিম সীমান্তে ইউসুফজাই আর আফ্রিদি বিদ্রোহীদের শাস্তা করবার জন্তে কুমার রামসিং-এর সঙ্গে শিবাজীকে পাঠাবার মতলব হয়েছে। ঠিক হয়েছে, এবারও কাবুলের পথে আশুসার বাহিনীতে থাকবে সেই রাদ-আন্দাজ খাঁ, রাস্তাতেই হঠাৎ দুশমনদের আক্রমণের নাম করে শিবাজীকে যাতে খতম করে ফেলা যায়। কুমার রামসিং-এর জন্তে সে ফন্দিও কাজে লাগানো নাকি যায়নি।

এইসব গুজব আশ্রয় রটেছে তুমি বলছ।

সিদ্দি ফুলাদের গলা এখন জলদগম্ভীর।

কিন্তু নির্দোষ বলেই বোধহয় বচনরামের ডয়-ডয় কিছু নেই। অবিচলিত-ভাবে বলেছে,—তা না হলে আমি আর কোথা থেকে জানব কোতোয়াল সাহেব! হালালখোর হুঁচর জন নোকরির দায়ে সব সময়ে আসা-যাওয়া করে। তাদের কাছেই কখনো-সখনো উড়ো গুজব শুনি।

হঁ!—বলে সিদ্দি ফুলাদ কি যেন ভেবে নিসে আবার সহজ হয়ে বলেছেন,—এ ধরনের খবর পেলে আমার জানিও। আর গিয়েই ভালো দেখে হুঁজন হালালখোর পাঠিয়ে দেবে।

যো হকুম কোতোয়াল সাহেব!—বলে সেলাম করে বচনরাম বেরিয়ে গেছে।

পাঁচ

বচনরামের চলে যাওয়া পর্বস্তু অপেক্ষা করতে পারেন নি সিদ্দি ফুলাদ। দেউড়িতে বঁধা তার ঘোড়ার আওয়াজ বাইরের রাস্তায় মিলিয়ে যেতে না যেতে সে তার তবিনান-এর এক সিপাইকে পাঠিয়েছেন কাটরা-ই-পর্টার দারোগাকে তলব দিতে। বচনরাম ওই কাপড়ের বাজারের একটি বাড়িতেই থাকে। দারোগা এলে সিদ্দি ফুলাদ তাকে নির্দেশ দিয়েছেন সারা দিনরাত দু'জন হরকরা লাগিয়ে বচনরামের চলাফেরা সবকিছুর খবর নিতে। দিন দুই এভাবে নজরবন্দী রেখে তৃতীয় দিনেই বচনরামকে ভোরবেলাই যেন কয়েদ করা হয়, এই সিদ্দি ফুলাদের হুকুম।

এ হুকুম দেবার আগে সামান্য একটু দ্বিধা জয় করতে হয়েছে সিদ্দি ফুলাদকে। বচনরামের কাছে একটা ঋণের কথা মন থেকে উড়িয়ে দিতে সময় লেগেছে। এই ঋণটুকুর জন্তেই বচনরামের অনেককিছু এ পর্বস্তু সহ করেছেন সিদ্দি ফুলাদ, তাকে একটু আশ্বাসাই দিয়েছেন বলা যায়। কিন্তু এবার দাঁড়ি না টানলে নয়। বচনরাম মাত্রা ছাড়িয়ে যাচ্ছে ক্রমশঃ। তা ছাড়া ওই ক্ষমা-পাতলা অথচ ইস্পাতের মত মজবুত আর ধারালো মানুষটাকে কেমন যেন ভয়ও হয় আজকাল, ভয় আর সন্দেহ। মানুষটার ভেতর যেন গোলমলে কিছু আছে। এরকম লোককে সময় থাকতে নিকেশ করে দেওয়াই ভালো। ঋণের কথাটা মন থেকে মুছে ফেলবার জন্তে যুক্তিও একটা খাড়া করেছেন সিদ্দি ফুলাদ। বচনরাম তার আশাতীত উপকার যদি একদিন করে থাকেও, সিদ্দি ফুলাদও তার প্রতিদান দিয়েছেন তাকে মীর-ঈ-ইমারত-এর কাজ পাইয়ে দিয়ে। খাটি স্নি ছাড়া সিন্নারাই সহজে যা পায় না, বিধর্মী হয়ে সেই কাজ কি যথেষ্ট নয়! তাইতেই শোধবোধ হয়ে গেছে অনেক আগে। স্তত্রাং এখন আর বিবেকের খোঁচা থাকা উচিত নয়। বিশেষ করে সাম্রাজ্যের খাতিরে এসব সন্দেহজনক মানুষের উচিত-ব্যবস্থা করতে তিনি বাধ্য।

বচনরামের কাছে ঋণটা যত বড়ই হোক, তার চেয়ে বড় শাহানশাহ্ আওরঙ্গজেবের প্রতি তার কর্তব্য।

ঋণটা অবশ্য ছোটখাট নয়। বচনরাম না থাকলে তাঁর নয়নের মণি একমাত্র মেয়েকে তিনি আর জীবনে পেতেন না। আর তাহলে আগ্রায় এসে এই একাধারে মীর আতিশ আর শহর-কোতোয়াল হওয়া তাঁর ভাগ্যে কি থাকত!

সে প্রায় তিন বছর আগের কথা। কচ্ছ উপসাগরের মান্দভি বন্দর থেকে মোগল নৌয়ারার দারোগাগিরি ছেড়ে স্ত্রী-কন্যা নিয়ে আসছেন আগ্রায়। নামের আগে সিদ্ধি থাকলেই জাজিরার হাবসী রাজবংশের লোক বুঝতে হবে। আর সিদ্ধিদের ওপরই ছিল পশ্চিম সমুদ্রের নোবাহিনীর ভার। সিদ্ধি ফুলাদের কিন্তু উচ্চাশা ছিল জল ছেড়ে ডাঙার উচ্চপদে ওঠবার। তাই তিনি চলেছিলেন এক কাফিলার সঙ্গে আগ্রায়।

রাজপুতানার মরুভূমির মধ্যে দিয়ে পথ। চোদ্দআনা পথ তখন পার হয়ে এসেছেন। হিন্দোল ছাড়িয়ে আর প্রায় পঁচিশ ক্রোশ যেতে পারলেই আগ্রা। সেখানেই মরুভূমির বালিয়াড়ির মাঝে এক রাত্রে ডাকাতের দল হানা দিয়েছে তাঁদের কাফিলায়। মরুভূমির ধুলোবালির ঝড় সে সময়ে যেন ঈশ্বরের দয়াতেই না উঠলে ধনসম্পদ মানুষজন কিছুই বা কেউই রক্ষা পেত না নিশ্চয়। ঝড়ই সিদ্ধি ফুলাদের দলকে সাহায্য করেছে। প্রচণ্ড বালুঝড়ের মধ্যে ডাকাতের দল আর তাদের শিকারদের ছরবস্থা হয়েছে একই। কে কোথায় যে ছিটকে গেছে কেউ জানে না। ঝড় থামবার পর চোখ মেলে চাইবার মত অবস্থা হলে সিদ্ধি ফুলাদ দেখেছেন, ধন-সম্পদ তাঁর বিশেষ কিছু খোয়া যায়নি, কিন্তু যা গেছে তার কাছে ছুনিয়ার সম্পদ সিদ্ধি ফুলাদের চোখে তুচ্ছ। জাজিরার শ্রেষ্ঠ স্ত্রী, সিদ্ধি ফুলাদের নয়নের মণি, তাঁর কুমারী কন্যারই খোঁজ পাওয়া যাচ্ছে না। বালির ঝড়ে সে নিজেই কোথাও কোনো ধু-ধু প্রান্তরে ছিটকে গিয়েছে, না দস্যুরাই তাকে হরণ করে নিয়ে গিয়েছে, কে জানে!

সিদ্ধি ফুলাদ প্রায় পাগল হয়ে গিয়েছেন শোকে হতাশায়। তাঁর মনে পড়েছে মান্দভির এক হিন্দু জ্যোতিষীর কথা। নৌবহরের কাজ ছেড়ে আগ্রা রওনা হবার আগে তাঁকে একদিন হাত দেখাতে গেছিলেন সিদ্ধি ফুলাদ। জানতে চেয়েছিলেন, আগ্রায় যে উদ্দেশ্যে যাচ্ছেন তা বিফল হবে কি!

না, তা হবে না।—বলেছিলেন হিন্দু জ্যোতিষী।—অনেক কিছুই পাবেন আগ্রা গিয়ে, উঠবেন অনেক ওপরে। কিন্তু পাবেন যেমন অনেক কিছু, হারাবেনও তেমন কোনো একটা রত্ন।

একটা রত্ন শুধু!—জিজ্ঞাসা করেছিলেন সিদ্দি ফুলাদ ।

হ্যাঁ, একটা রত্নই ! বলে কিরকম যেন অদ্ভুতভাবে তাঁর দিকে চেয়েছিলেন জ্যোতিষী । তারপর আবার বলেছিলেন, একটা রত্নের বদলে অনেক কিছু পেতে আপনার আপত্তি নেই তা'হলে ?

সিদ্দি ফুলাদ হেসে বলেছিলেন,—না, আপত্তি নেই । একটার জায়গায় অনেক পাবো তো ঠিক ?

হ্যাঁ, তা পাবেন ! কিরকম একটু বহুশ্রমশোনো হাসি মুখে মাথিয়ে বলেছিলেন জ্যোতিষী ।

সেই একটা রত্ন মানে কি তাঁর প্রাণাধিক এই মেয়ে !

তা যদি জানতেন তাহলে কোনো সৌভাগ্যই তিনি চাইতেন না জীবনে । মান্দভিতে মোগল নৌবাহিনীর একজন অধ্যক্ষ হয়েই সারাজীবন কাটিয়ে দিতেন ।

একটি মাত্র মেয়ে । তার ভবিষ্যতের জ্ঞান ভাবনা তো তাঁর সত্যি কিছু ছিল না । তাঁর নিজের কিছু থাক বা না থাক, ফিরোজা নিজের রূপগুণেই উপযুক্ত আমীর-ওমরাহের ঘরে সাদরে সমাদরে জায়গা পেত ।

মেয়ে তাঁর সত্যিই অসামান্য সুন্দরী ।

ঠাঁরা হাবসী কিন্তু কাফ্রী তো নয় । সত্যি কথা বলতে গেলে, রং একটু ময়লা হলেও যৌবনে ইরাণী তুরাণী সুপুরুষরা আভিজাত্য মেশানো দেহসৌষ্ঠবে তাঁর কাছে দাঁড়াতে পারেনি । তিনি বিয়ে করেছেন আবার আসোয়ানের তখনকার ডাকসাইটে মিশরী সুন্দরীকে । ফিরোজা তাই একদিকে বসরার শুলের মত মধুর আর কোমল, আর একদিকে বিদ্যাতের চমক দেওয়া দীপ্তি তার রূপে ।

কিন্তু এহেন রূপকেও ভুলিয়ে দেয় তার গুণ । ষোল থেকে এখনো সতরোয় পা দেয়নি, এরই মধ্যে নিজেদের আম্হারিক তো বটেই, তার ওপর আরবী ফারসী তুর্কী, এমনকি ভারতবর্ষের সংস্কৃত ভাষা পর্যন্ত সে ভালোরকম শিখেছে । এদেশের গানবাজনার দিকে তাঁর ঝোক একটু বেশী । এমনিতে সে কোকিলকণী, তার ওপর জেদ করে বীণা বাজানোও শিখেছে ।

মেয়ের এই জেদ-ধরা গৌ-ই সিদ্দি ফুলাদকে ভাবিত করেছে একটু-আধটু । এই জেদের জ্বল্লেই মেয়েটা ভবিষ্যতে যা খাবে না তো ! তাই বা খাবে কেন, নিজেকে বুঝিয়েছেন ফুলাদ সাহেব । এমন কিছু অগ্রায় জেদ তো সে এখনো

ধরেনি। আর যা ধরে তা শেষ পর্যন্ত সফল করেই ছাড়ে। যেমন, সেই তলোয়ার খেলা শেখার ঝোক। শুনেই বেগমসাহেবা তো আঁতকে উঠেছিলেন—মেয়েছেলে তলোয়ার খেলতে শিখবে কি। কিন্তু সিদ্দি ফুলাদ তাঁর স্নেহের প্রশ্রয় দিয়েছিলেন। চারশ' বছর আগে এই ভারতবর্ষেই এক মুসলিম মহিলা কি রানী হিসেবে অস্ত্রধারণ করেননি। স্বামীর সঙ্গে যুদ্ধে নেমে পরাজিত হয়ে প্রাণও দিয়েছিলেন। ফিরোজাকে তো আর সেরকম কিছু করতে হবে না। খেয়াল হয়েছে যখন, শিখুক। ফিরোজা তলোয়ার চালানো সত্যিই শিখেছে, এমন শিখেছে যে সিদ্দি ফুলাদ শুধু নয়, ফিরোজার শিক্ষাগুরু বুড়া ওস্তাদও অবাক হয়ে গেছেন। বেশীদিন এ নেশা থাকেনি এই ভাগ্যি। মেয়ের এ-ধরনের খেয়াল বেশীদিন থাকে না।

এ মেয়ে সশব্দে কত আশা না করেছেন সিদ্দি ফুলাদ, কত স্বপ্নই না দেখেছেন! বড় হবার, ধনী হবার এত যে চেষ্টা এ তো শুধু তারই জন্তে। আগ্রায় যাচ্ছেন। মোগল জাহানের রাজধানীতে। আগ্রা শহরের শ্রেষ্ঠ সব পরিবারে তাঁর মেয়ের অসামান্য রূপগুণের খবর চাপা থাকবে না! ফিরোজা তার যোগ্য ঘর বর পাবে।

সব স্বপ্নই কি তাহলে এই ধু-ধু বালুর দেশের মরীচিকা হয়ে গেল?

উদ্ভ্রান্তের মত সিদ্দি ফুলাদ কয়েকজন বিশ্বস্ত অহুচর নিয়ে মরুভূমির মধ্যে কত্মার সন্ধান করে ফেরেন।

কিন্তু কোথাও তার কোনো চিহ্নও নেই। না তার, না দস্যুদলের কারুর।

ছন্ন

দ্বিতীয়দিনে সকালবেলা উষার আলোয় রাঙা দিগন্তব্যাপী বালুকা-প্রান্তরে দূরে একজন ঘোড়সওয়ারকে দেখা যায়। ঘোড়সওয়ার ঘোড়া খামিয়ে পাষাণ-মূর্তির মত দাঁড়িয়ে নীচের দিকে একদৃষ্টে চেয়ে আছে।

ফুলাদ সাহেবের অহুচরেরা চিৎকার করে ওঠে হিংসার আক্রোশে!—ডাকু! ওই একটা ডাকু!

দূর থেকে সওয়ার মুখ তুলে তাকায়। কিন্তু পালাবার কোনো চেষ্টা তার দেখা যায় না। যেমন ছিল তেমনি স্থিরভাবেই সে ঘোড়ার ওপর বসে থাকে।

সিদ্দি ফুলাদ আর তাঁর অহুচরেরা ঘোড়া ছুটিয়ে নিয়ে তাকে ঘিরে ধরে।

অহুচরেরা খোলা তলোয়ার নিয়ে তারপর লোকটার ওপর ঝাঁপিয়ে পড়তে গেছে কিন্তু ডাকুটাকে তাতেও নির্বিকার থাকতে দেখে ফুলাদ সাহেব নিজেই অহুচরদের নিরস্ত করেছেন।

ডাকুটার ব্যবহার সত্যি তাঁর অদ্ভুত লেগেছে। ফুলাদ সাহেব ঘোড়া চেনেন। ডাকুটার ঘোড়া দেখেই তিনি বুঝেছেন, দূর থেকে যখন তাঁদের সাড়া সে পেয়েছিল, ইচ্ছে করলে তখন সে নিজের ঘোড়া ছুটিয়ে পালাতে পারত। তার ঘোড়ার নাগাল ধরা সিদ্দি ফুলাদের দলের কোনো ঘোড়ার সাধ্যে কুলোত না।

তবু লোকটা পালাবার চেষ্টা তো করেছেইনি, এমনকি তাঁর অহুচরদের ঝাঁপিয়ে পড়বার উপক্রম করতে দেখেও কোমরের খাপবন্দী তলোয়ারের হাতলে পর্যন্ত হাত বাড়ায়নি।

বিস্ময়ের সঙ্গে রাগ ও বিরক্তি মিশিয়ে সিদ্দি ফুলাদ একটু তিক্ত বিজ্রপের স্বরেই বলেছেন,—খুব তোমার সাহস, না? ভেবেছ, সাহস দেখেই আমরা চিনতে ভুল করব?

লোকটা ঠোঁট ফাঁক না করে সামান্য একটু হেসেছে। তারপর সিদ্দি ফুলাদকে উদ্দেশ্য করেই আবৃত্তি করেছে স্বরেলা গলায়—হর কস কি থিয়ানৎ কুন্দ আলবত্তা বতর্গদ। বেচারি নরী না করে হায় না ডরে হায়।

সিদ্দি ফুলাদ সত্যি চমকে উঠেছেন। আকবরের সভাসদ বিখ্যাত ফৈজীর

প্রাণের দোস্ত মুন্না নুরীর এ বিরল কবিতা এই একটা ডাকুর মুখে !

কবিতার মোদা মানে হলো,—অগ্নায় যে করে সেই ভয় পায়, অগ্নায় যে করে না তার ভয়ও নেই।

তুমি দস্যুদের কেউ নও ! কে তাহলে তুমি !—রুচস্বরে জিজ্ঞাসা করেছেন সিদ্দি সাহেব, কিন্তু স্বরটা নিজের অজান্তেই নরম হয়ে এসেছে শেষের দিকে।

এবার লোকটা একটু অবাস্তর হলেও আধ্যাত্মিক কবিতাতেই জবাব দিয়েছে। আমীর খসরুর একটি চেং কবিতার কলি আউড়ে চলেছে,—

সব কোয়ি উসকো জানে হৈ

পর এক নহী পহচানে হৈ

আঠ দহড়ী মেঁ লেখা হৈ

ফিকর কিয়া মন-দেখা হৈ।

নিজেই তারপর হেসে উঠে বলেছে,—কিছু মনে করবেন না, একটু তত্ত্বকথা বলে ফেললাম। কিন্তু আপনাদের ধরন দেখে মনে হচ্ছে কাউকে মার-কাট করে একটা রক্তারক্তি না করলে আপনাদের শাস্তি নেই। এ মরুভূমিতে বড় বেয়াড়া সব পোকামাকড় আছে বালির গাদার ভেতরে। তার কোনটা আপনাদের কামড়াচ্ছে জানতে পারি ?

লোকটার নির্বিকার ভাব দেখে মনে মনে একটু দ্বিধাগ্রস্তই হয়েছেন সিদ্দি সাহেব। বাইরে তবু রুচ গলাটা বজায় রেখে জিজ্ঞাসা করেছেন আবার,—ওসব বাজে কথা রেখে আগে বলো, তুমি কে ! কি করছ এখানে ?

আমি !—লোকটা হেসে বলেছে,—ছিলাম সামান্য একজন শিলাহ্দার। আমার মনসবদার ছিলেন হাজারী জাট দো সদ সওয়ার। আর আমি তাঁর দলে বিস্তি। একদিন তাঁর সঙ্গে তকুরার করার অপরাধে তিনি কুড়িজননের বদলে দশজননের সর্দারীতে নামিয়ে বিস্তির জায়গায় মীর-দহ করে দেন। সেই দুঃখেই কাজ ছেড়ে মীরট থেকে গুজরাট যাচ্ছি—সেখানে যদি ভাগ্য ফেরাতে পারি।

লোকটার চেহারা, পোশাক ও ঘোড়াটাকে লক্ষ করে তার কথাটা খুব অবিশ্বাস করতে পারেননি সিদ্দি ফুলাদ।

কিন্তু এখানে দাঁড়িয়ে করছিলে কি নীচের বালির দিকে চেয়ে ?

সন্দেহের চেয়ে সবল কোতূহলই বেশী ছিল তাঁর জিজ্ঞাসায়।

এখানে বালিতে লেখা একটা অস্তুত গল্প পড়ছিলাম !—গস্তীর মুখেই বলেছে লোকটা।

বালিতে লেখা গল্প!—লোকটার পরিহাস করার স্পর্ধায় সিদ্ধি আশুন হয়ে উঠেছেন আবার।

মিছে গরম হবেন না।—লোকটি শাস্ত গম্ভীর স্বরে বলেছে,—কাল রাতেই এখানে একটা নাটকীয় ব্যাপার ঘটেছে, বালিতে তার চিহ্ন এখনো মোছিনি। সেই চিহ্নগুলোই পড়ছিলাম।

চিহ্নগুলো কি নাটকীয় ব্যাপার জানাচ্ছে?—উদ্গ্রীব হয়ে জিজ্ঞাসা করেছেন সিদ্ধি ফুলাদ।

জানাচ্ছে যে, এখানে বালির ওপর একটা দ্বন্দ্বযুদ্ধ গোছের হয়ে গেছে। একজন লম্বা-চওড়া জোয়ান আর একজন বালক বলেই মনে হয়। লড়াইটা তলোয়ার নিয়েই হয়েছে, কিন্তু আশ্চর্যের ব্যাপার, তাতে জোয়ান মর্দকে হারিয়ে ছেলেটি ঘোড়ায় চড়ে পালিয়ে গেছে। এই দেখুন, হুঁজনের লড়াই-এর ঘোরাফেরার দাগ। ওই দেখুন একটা পাগড়ির টুকরো। তলোয়ারের কোপে কাটা হয়ে মাটিতে পড়েছে। তারপর এখানে দেখুন হাক্কা ছেলেমানুষের পায়ের দাগ ঘোড়ার ফুরের দাগে গিয়ে মিলেছে। তারপর ঘোড়া ছুটিয়েই সে পালিয়ে গেছে। এই দেখুন তার পেছনে ভারী নাগরার দাগ। সে দাগ এইখানে এসে থেমেছে, তারপর আবার ফিরে গিয়ে আরেক ঘোড়ার ফুরের দাগের সঙ্গে মিশেছে। জোয়ান মর্দকটা ছেলেমানুষটিকেই ঘোড়ায় চড়ে এবার অহুসরণ করেছে বোঝা যাচ্ছে।

ফিরোজা! নিশ্চয় আমার ফিরোজা!—চিৎকার করে উঠেছেন সিদ্ধি ফুলাদ।

ফিরোজা! কে ফিরোজা?—অবাক হয়ে জিজ্ঞাসা করেছে অচেনা ভূতপূর্ব শিলাহঁদার।

ফিরোজা আমার মেয়ে! আমার একমাত্র মেয়ে!—আর্তকণ্ঠে বলেছেন ফুলাদ সাহেব,—তোমার কথা যদি সত্য হয় তাহলে এখনো সে বেঁচে আছে। তবে যে-দস্যুরা আমাদের কাফিলায় হানা দিয়েছিল তাদেরই কেউ এখনো তাকে অহুসরণ করছে নিশ্চয়। আমার মেয়েকে যদি উদ্ধার করতে পারো তাহলে...

তাহলে দেবার মত আপনার এমন কিছুই নেই যার লোভ দেখাতে পারেন।—শিলাহঁদার হেসে বলেছে—সুতরাং ও সব আশা না দিয়ে আপনার মেয়ের একটু বর্ণনা দিন।

বেশ একটু ক্ষুদ্র হলেও সিদ্ধি ফুলাদ তাই দিয়েছেন।

শিলাহ্দার তা স্তনে একটু চিন্তিতভাবে বলেছে,—ব্যাপারটা খুব সহজ মনে হচ্ছে না। বোঝা যাচ্ছে এই ডাক্তার দলের কেউ-ই আপনার মেয়ের পেছনে লেগে আছে। তাকে এড়াতে গিয়ে আবার সে-দলের কবলে যদি আপনার মেয়ে পড়ে তাহলে তাদের হৃদিস পেলো গায়ের জ্বোরে লড়াই করে আপনার মেয়েকে উদ্ধার করা যাবে না ; কারণ আপনার অহুচর তো মাত্র এই ক'টি, আর সঙ্গে আছি মাত্র আমি। সুতরাং উদ্ধার করতে বাহুবলের সঙ্গে বুদ্ধিও ষাটাতো হবে।

শিলাহ্দার লোকটি তারপর ঘোড়া ছুটিয়ে একাই মরুপ্রান্তরের ওপর দিয়ে দিগন্ত ছাড়িয়ে চলে গেছে।

সিদ্দি ফুলাদ আর গাঁর অহুচরেরা তার সঙ্গে যেতে চেয়েছিল কিন্তু তাতে ফল খারাপ হতে পারে বলে সে বারণ করেছে।

সাত

শিলাহাদারের কথা তখন মেনে নিলেও নিজেদের কাফিলার দিকে ফিরতে ফিরতে সিদ্দি ফুলাদের মনে সন্দেহ জেগেছিল।

ওই একটা অজানা অচেনা সওয়ার তাঁকে ম্বিখে ধাক্কাই কি দিয়ে গেল! তার কথায় বিশ্বাস করা কি ঠিক হয়েছে!

কিন্তু বিশ্বাস না করেই বা কি করতে পারতেন! লোকটা ডাকুদের কেউ হলে অতি-বড় ধড়িবাজ অভিনেতা বলতে হবে। সেই সঙ্গে কিছু বিদ্যে আর রসকষও আছে। কবিতার কলি আবৃত্তি থেকেই তা বোঝা গেছে। প্রথমে তার ওপর যে সন্দেহটা হয়েছিল তা সে কথাবার্তায় ব্যবহারে দূর করে দিয়েছে। সন্দেহটা আল্গা হবার পর তাকে আর মারধোর করা তো যায় না। লোকটা বালিতে তখন যে সব চিহ্ন দেখিয়ে তার অর্থ বুঝিয়েছিল, সেগুলি আজগুবি বলেও মনে হয়নি। লোকটা যদি ঠকবাজ হয় তাহলে তা মেনে নিয়ে নিজেদেরই বা খোঁজবার খুঁজতে হবে। সে স্বযোগ তো সে কেড়ে নিয়ে যায়নি।

কিন্তু খুঁজবেন কোথায়?

বেলা বাড়ার সঙ্গে সমস্ত মরুভূমি বিরাট তপ্ত বালির তাওয়া হয়ে ওঠে। চোখের ওপর দিক্চক্রবাল তখন প্রচণ্ডতাপে যেন কাঁপতে থাকে। যেদিকে তাকাও শুধু ধু ধু শূন্যতা। এর মধ্যে কোথায় পাবেন তাঁর হারানো মেয়ের সন্ধান?

তিন দিনের অবিরাম ছোটাছুটিতে, অমানুষিক পরিশ্রমের ক্রান্তিতে হতাশায় সিদ্দি ফুলাদ এবার একেবারে ভেঙে পড়ে প্রায় বেহাশ হয়ে গেছেন মরুভূমির হুন্ডা-লাগা জরে।

সেই রাত্রেই তাঁর মেয়ে ফিরে এসেছে। এনেছে সেই শিলাহাদার অজানা সওয়ার। কি করে কোথা থেকে ফিরোজাকে সে উদ্ধার করেছে তা সে কিছুই বলেনি। সিদ্দি ফুলাদও তখন জ্ঞানতে চাননি। প্রাণের প্রাণ মেয়েকে ফিরে পেয়েই তিনি তখন আনন্দে অধীর। মস্তবলে ঘেন স্বস্থও হয়ে উঠেছেন। সিদ্দি বংশের পরমাত্মন্দরী যুবতী মেয়ের, কে জানে, ক'দিন ক'রাত একত্র থেকে একই

ঘোড়ার পিঠে অপরিচিত অনাত্মীয় একজন যুবাপুরুষের সামনে বসে জনহীন মক্ৰপ্রান্তরের ভেতর দিয়ে আসার মত অবিশ্বাস্য ব্যাপারে চরম ইজ্জতহানির আতঙ্কে তর্কস্থ হতেও ভুলে গেছেন।

সত্যি কথা বলতে গেলে নিজের অগোচরে মনের ভেতর একটা বাগনা তাঁর জেগেছিল। হলোই বা সামান্য শিলাহুদার, তার ভবিষ্যৎ কি হবে কে বলতে পারে! কুড়িজননের সর্দারী বিস্তি থেকে দশজননের নায়ক মীর-দহতে নামিয়ে দিয়েছিল বটে, তবু সরকারের দেওয়া ঘোড়া হাতিয়ার নিয়ে কম মাইনের সওয়ার-শিপাই যারা হয় সেই পাশা তো নয়, নিজের ঘোড়া আর হাতিয়ার নিয়ে যারা অনেক বেশী তস্কার ফোজী হয়—সেই শিলাহুদার। আর মীর-দহতে নামলেও আবার একদিন দহ-হাজারীতে যে উঠবে না, কে বলতে পারে!

শিলাহুদারের চেহারাটাও তাঁর ভালো লেগেছে। লম্বা-চওড়া জোয়ান নয়, একটু রোগা-পাতলাই মনে হয় বরং, কিন্তু একেবারে যেন ইস্পাতের ফলা। আর মুখখানা একটু যেন আলাদা হাঁচের। কোথায় যেন এ মুখ তিনি দেখেছেন বলেও তাঁর মনে হয়েছে। ইরানী তুরানী হাবসী হাঁচের মুখ নয়, তা থেকে আলাদা যেখানে তাঁদের আদিবাস, সেই জঞ্জিরায় থাকবার সময়ই রত্নগিরি না কোথায় একবার গিয়ে প্রায় হবহু এই হাঁচের মুখ যেন দেখেছিলেন, ঠিক স্মরণ করতে পারেননি।

সামান্য শিলাহুদার হয়ে সন্তুষ্ট থাকবার মানুুষ যে সে নয়, লোকটার চেহারা-চরিত্র দেখেই বোঝা যায়। সিদ্দি ফুলাদ পেছনে থেকে তাকে যথাসাধ্য সাহায্য করতে প্রস্তুত। ফিরোজ্জার ভাবগতিক যদি তিনি কিছু বুঝে থাকেন তাহলে উদ্ধারকর্তার প্রতি সে বিরূপ নয় বলেই মনে হয়। না, জুটি তাদের খুব বেমানান হবে না। আর এদের হু'জনকে মিলিয়ে দিতে পারলে মক্ৰভূমির বিশ্রী ব্যাপারটা আর বিশ্রীই থাকবে না। তার কালিমাই রঙে উজ্জল হয়ে উঠবে।

কিন্তু সব পরিকল্পনা অমনভাবে ভেঙে যাবে তিনি ভাবতে পারেননি। চালচলন দেখে আর আবৃত্তি-করা শায়েরীতে চোস্ত ফারসী আরবী জবান শুনে যা ভেবেছিলেন, আগ্রায় পৌছোবার পর বচনরাম নাম শোনার সঙ্গে সঙ্গেই সে ধারণা চূরমায় হয়ে বৃক বড় বেজেছে।

মন থেকে তখনি বচনরামকে দূরে সরিয়ে দিয়েছিলেন। মেয়েকে উদ্ধার করার ঋণশোধ হিসেবে নিজে প্রথম মীর আতিশ হবার পরই বচনরামকে একটা কাজ জুটিয়ে দিয়েছেন। সেই কাজই বচনরামের মীর-দহ-ইমারৎ হবার পথে

প্রথম ধাপ হয়েছে। বচনরামকে কোতল করবার হুকুম দেওয়ার সময় সিদ্ধি ফুলাদ তাই শোধবোধ গুইভাবেই হয়ে গেছে বলে মনের বেয়াড়া কাঁটাটা চাপা দিতে পেরেছিলেন।

বচনরাম কিন্তু ধরা পড়েনি। ধরা পড়া দূরে থাক, শহর-কোতোয়ালের বাড়ি থেকে সে যে কোথায় গেছে তারই কোন হুঁসি পাওয়া যায়নি। মহল্লার দারোগা দু'দিন তার কাটরা-ই-পর্চার বাসার কাছে গুত পেতে থেকে শেষ পর্যন্ত তার বিফলতার কথা সিদ্ধি ফুলাদকে জনিয়েছে। শহর-কোতোয়ালের লাগানো হরকরারাগু বচনরামের কোনো খবর আনতে পারেনি।

ইতিমধ্যে আর ক'টা এমন ব্যাপার ঘটেছে যা জানতে পারলে সিদ্ধি ফুলাদ আরো বিচলিত হতেন। কিন্তু এ খবর জেনেছেন শুধু কুমার রামসিং তার বিশ্বস্ত মুন্সী গিরধরলালের কাছে। তিনি অবশু উচ্চবাচা না করে এ খবর একেবারে চেপে গেছেন। কিন্তু বেশ একটু বিমুঢ়ই হয়েছেন ভেতরে ভেতরে।

আট

খবরটা সত্যই অদ্ভুত। সকালেই মুন্সীজি ফ্যাকাশে মুখে আগ্রা-প্রাসাদের পূর্ব প্রাকারের ঝরোকা-ই-দর্শনের নীচে কুমার রামসিং-এর খোঁজে এসেছেন। আওয়াজেব তখনো এই বারান্দায় প্রতি সকালে প্রজাদের দেখা দেওয়ার রেওয়াজ উঠিয়ে দেননি। সূর্যোদয়ের মিনিট পঁয়তাল্লিশ বাদে প্রতি দিন তিনি ওই ঝরোকা-ই-দর্শনে প্রজাদের দর্শন দিয়ে সেখানেই আধঘণ্টার ওপর সময় দেওয়ান-ই-আম-এ যারা ঢুকতে পায় না, সেই অতি-সাধারণ প্রজার আর্জি-নালিশ শোনেন।

সেদিন সম্রাট তখনো ঝরোকায় এসে পৌঁছেননি। সম্রাটকে নিত্য দেখা যারা ধর্মের অল্পষ্ঠান করে তুলেছে, প্রভাতে তাঁর মূখ না দেখে-যারা জলগ্রহণ করে না, সেই দর্শনীয়া সম্প্রদায়ের লোকেরা বারান্দার নীচে যমুনা-তীরের বালুকা প্রান্তরে উর্ধ্বমুখ হয়ে আছে সম্রাটের আবির্ভাবের প্রতীক্ষায়। সেদিন সকালে কুমার রামসিং-এর 'চৌকি' ছিল বলে তিনিও সম্রাটের দেখা দেওয়ার অপেক্ষায় বাইরে অস্থির সমেত তৈরী হয়ে আছেন।

মুন্সী গিরধরলাল তাঁর কাছে গিয়ে প্রথমেই উদ্বিগ্ন স্বরে জিজ্ঞাসা করেছেন,—
খারাপ খবর কিছ নেই তো ?

কুমার রামসিং বেশ অবাকই হয়েছেন। গিরধরলালের হঠাৎ মাথা খারাপ হয়ে গেল নাকি! নইলে কথা নেই বার্তা নেই, সাত-সকালে এই ঝরোকা-ই-দর্শন-এ এসে এরকম আঁহাষকের মত প্রশ্ন করার মানে কি ?

খারাপ খবর থাকবে কেন ? কিসের খারাপ খবর ?—গিরধরলালের ফ্যাকাশে মুখ আর ভীত দৃষ্টি লক্ষ করে তিনি জিজ্ঞাসা করেছেন।

এবার মুন্সীজি একটু আড়ালে নিয়ে গিয়ে মুনিবকে সেই অদ্ভুত ঘটনাটা সবিস্তারে জানিয়েছেন। গত রাত্রে ফৌজদার আলি ফুলীর সঙ্গে একটা মুসায়েরা থেকে ফিরছিলেন। তখনকার আগ্রা কেন, কোন শহরেই রাস্তায় আলো দেবার কোন ব্যবস্থাই ছিল না। নেহাত প্রাসাদের তোরণে, দু-একটা সরকারী মোকানে আর কোতোয়ালী চবুতরায় রাত্রে আলো জলত। এ বাদে

কোথাও সিপাইদের ঘাটিতে বা কোথাও আমীর-ওমরাহ-এর বাড়িতে তেলের আলো বা মশাল জ্বালা হতো। আলি কুলীর সঙ্গে গল্প করে ফিরতে ফিরতে খাস বাজারের পাশে একেবারে কোতোয়াল চবুতরার কাছেই সেখানকার আলোর একজনকে দেখে মুন্সীজি একেবারে থ হয়ে যান। ফৌজদার আলি কুলীও তাকে দেখেছে। কিন্তু সে তো চেনে না! সে গিরধরলালের যেন ভৃত্য দেখার মত থমকে থামা দেখেই অবাক হয়ে যায়।

ভৃত্য দেখলে নাকি মুন্সীজি!—আলি কুলী ঠাট্টার স্বর দিতে গিয়েও একটু বিস্মিত কণ্ঠেই জিজ্ঞাসা করেছে।

না, ও কিছু নয়!

ব্যাপারটা হাক্ক করে উড়িয়ে দেবার চেষ্টা করে মুন্সীজি আবার হাঁটতে শুরু করেছেন।

লোকটাও মুন্সীজিকে দেখে একটু যেন খতমত খেয়ে দাঁড়িয়ে পড়েছিল। চবুতরার জ্বালা বাতির আলোর তখন তাকে ভালোভাবেই দেখা গেছে। তারপর হনু হনু করে হেঁটে সে আলোর পরিধি ছাড়িয়ে আবার দূরের অন্ধকারে মিলিয়ে গেছে। গিরধরলাল তখন একটা কিছু করতে পারতেন। কিন্তু ব্যাপারটা এমন অবিশ্বাস্য যে, নিজের চোখের ভুল মনে করে মিছে কেলেঙ্কারী ভয়ে কাটকে কিছু আর জানাতে সাহস করেননি। আলি কুলীর কাছে এক জায়গায় বিদায় নিয়ে সেই রাতেই অন্ধকার শহরের এক প্রান্ত থেকে আর-এক প্রান্তে কুমার রামসিং-এর বাড়িই গেছেন তাঁকে ব্যাপারটা জানাতে।

কিন্তু সেখানে মীর আতিশ শহর-কোতোয়াল সিদ্দি ফুলাদের রক্ষীদলসহ তোপ-বন্দুক নিয়ে পাহারা দিচ্ছে। সিদ্দি ফুলাদ নিজে উপস্থিত থাকলে হয়তো ভেতরে যাবার অল্পমতি পেতেন, কিন্তু শহর-কোতোয়ালের অধীন খানাদার তা দেয়নি।

বিফল হয়ে বাড়ি ফিরতে হয়েছে গিরধরলালকে। সারারাত তারপর ঘুমোতে পারেননি। সেদিন সকালে কেজার বাইরে তাঁর প্রভু কুমার রামসিং-এর চোকি জেনে ভোর না হতেই সেখানে ছুটে এসেছেন তাঁর কাছে।

মুন্সীজির মুখে সব শুনে কুমার রামসিংও এ ব্যাপারে তাজ্বব বনে গেছেন। তিনিই এবার বিমূঢ় হয়ে জিজ্ঞাসা করেছেন মুন্সীজিকে,—আপনি শিবাজী ভৌসলেকেই দেখেছেন বলছেন! দেখার ভুল হয়নি তো?

তা হতে পারে কুমার সাহেব!—মুন্সীজি দিশাহারাভাবে বলেছেন,—কিন্তু আমি স্পষ্ট শিবাজী ভৌসলেকেই দেখেছি। ও মুখ তো আমার মনে ছাপা। একটা গোটা দিন তাঁর সঙ্গে কাটিয়ে তাঁকে আগ্রা নিয়ে এসেছি এই আমি-ই। তাই ভয় পেয়ে কাল রাত্রেই আপনার কাছে ছুটে গেছলাম। দেখা করতে না পেরে আজ ভোরেই আবার এসেছি। আপনি তো চৌকিতে আসবার আগেই শিবাজীর শিবির হয়ে এসেছেন!

তা এসেছি!—চিন্তিতভাবে বলেছেন কুমার—নিজের চোখে দেখেও এসেছি তাঁকে। উনি কিছুদিন ধরে অস্থখের মানত হিসেবে রোজ ভাৱে ভাৱে মিঠাই-মণ্ডা, ফলমূল নানা মন্দিরে আর ব্রাহ্মণ-পণ্ডিত, সাধু-সন্ন্যাসীকে পাঠাচ্ছেন জানো তো। অস্থখ সবেও ভোরে উঠে পূজা-পাঠ সেরে তারই ব্যবস্থা করেন। কাল রাত্রে ব্যাপারটার কোনো মানে পাচ্ছি না; কিন্তু আজ ভোরে স্বচক্ষে তাঁকে দেখে এসেছি।

সেদিন চৌকি সেরে অভ্যস্ত দুর্ভাবনা মাথায় নিয়ে কুমার বাড়ি ফিরেছেন। যত আজগুবিই মনে হোক, সাবধানের বিনাশ নেই বলে কুমার তাঁর নিজের অস্থচরদের পাহারা আরো কড়া করেছেন। দণ্ডে দণ্ডে তারা শিবাজীর খবর নেবে। রাত্রে পর্যন্ত ঘুরে আসবে তাঁর শোবার ঘর।

পরামর্শ করবার জগ্গে শহর-কোতোয়াল সিদ্ধি ফুলাদকে বিশ্বাস করে ব্যাপারটা জানাবার কথা একবার ভেবেছেন। কিন্তু তার সুবিধে হয়নি। ফুলাদ সাহেব দু'দিন ধরে নাকি কোতোয়ালীতে আসছেন না। শিবাজীর শিবির পাহারা দেবার অমন গুরু দায়িত্বও তাঁর অধীন থানাদারের হাতে ছেড়ে দিয়েছেন। হয়তো হঠাৎ অস্থস্থই হয়েছেন কোতোয়ালের সাহেব—ভেবেছেন কুমার রামসিং।

সিদ্ধি ফুলাদের অস্থখ কিন্তু হয়নি।

হয়েছে তার চেয়ে অনেক দারুণ কিছু। তাঁর পাগল হতে আর বাকী নেই। সেই অবস্থাই তাঁর হয়েছে, যা হয়েছিল রাজপুতানার মরুতে প্রথম আগ্রা আসবার পথে মরুর ঝড় আর দস্যুদের হানার পর।

তখনকার মতই তাঁর নয়নের মনি ফিরোজাকে হঠাৎ আর পাওয়া যাচ্ছে না। হঠাৎ কে যেন অন্দরমহলের দুর্ভেগু প্রাচীর ও পাহারা তুচ্ছ করে তাকে হাওয়ার মত অদৃশ্য করে নিয়ে চলে গেছে।

সেবারে এই দপেবি দেবদূতের মত দেখা দিয়ে কণ্ঠকে য়ে উদ্ধার করে এনেছিল সেই বচনরাম নিজেও নিরুদ্দেশ ।

পারিবারিক এ চরম লজ্জাকর ব্যাপারের কথা কাউকে জানাবারও নয় । সিদ্দি ফ্লাদ সমস্ত কাজকর্ম ছেড়ে একাই সারা শহর খুঁজে বেড়িয়েছেন দিন-রাত্রি । কিন্তু বুথাই ।

নয়

এরই মধ্যে এসেছে আঠারশ' ছেষটি সালের উনিশে আগস্ট তারিখ !

আগ্রা আর সেই সপ্তে মোগল সাম্রাজ্যের ভিত্তি যা টলিয়ে দিয়েছিল ওই তারিখে, আগ্রার কেউ কিন্তু তার কোন আভাস পায়নি।

শিবাজী একটু বেলাী অসুস্থ হয়ে পড়ে শয্যাগত হয়েছেন এই কথাই সকলে জেনেছে। প্রহরীরা তাঁকে বিছানায় শায়িত অবস্থায় দেখেও গেছে। গায়ে লেপ ঢাকা। তার ভেতর দিয়ে শিবাজীর বিশেষ সোনার কঙ্কণ পরা হাতটা দেখলেই চেনা যায়।

সন্ধ্যার সময় যথারীতি মিষ্টানের ভারাগুলি বাহকেরা বয়ে নিয়ে গেছে বাইরে। গোড়ায় গোড়ায় নিত্য পরীক্ষা করে দেখলেও রক্ষীরা এখন আর তা নিয়ে মাথা ঘামায় না। তারা মিষ্টানের ভারীদের বাধা দেখনি।

শিবাজীর ঘরে রাত্রেও কুমার রামসিং-এর অহুচরেরা এসে তদারক করে গেছে। শিবাজীর সোনার কঙ্কণ পরা সেই হাত দেখেই তারা আশ্বস্ত হয়েছে। তারা দেখেছে একজন চাকর শয্যাপ্রান্তে বসে শিবাজীর পদসেবা করছে। পনের দিন সকালে আটটা নাগাদ শিবাজীর সংভাই চাকরটিকে নিয়ে শিবির থেকে বেরিয়ে গেছেন। যাবার সময় সকলকে সাবধান করে গেছেন, অসুস্থ শিবাজীকে যেন বিরক্ত না করা হয়।

কেউ তা করেনি। কিন্তু ক্রমশঃ প্রহরীরা সন্দেহ হয়ে উঠেছে শিবাজীর শিবির অস্বাভাবিক রকম শান্ত দেখে। শিবাজীর দর্শনার্থীদের কোনো ভিড়ই না থাকাকাটা বেশ সন্দেহজনক।

শিবাজী যে তাঁর ছেলে শম্ভুজীকে নিয়ে পালিয়েছেন তা ধরা পড়েছে সকাল দশটা নাগাদ। হুঁলস্থল পড়ে গেছে শহরে। সম্রাটের দরবার। যেমন করে হোক শিবাজীকে ধরতেই হবে আবার।

কিন্তু ধরবে কোথায়? মালোয়া খাণ্ডেশের ভেতর দিয়েই নিজের রাজ্যে পালাবার চেষ্টা করা শিবাজীর পক্ষে স্বাভাবিক। সে দিকেই অহুসরণ করবার দ্রুত ব্যবস্থা যখন হচ্ছে, তখন মথুরায় হঠাৎ শিবাজীকে তাঁর ছেলে সমেত দেখতে

পাওয়ার খবরে সব গোলমাল হয়ে গেছে।

মালোয়ার দিকে অল্পসরণ তাতে একটু হয়তো বিলম্বিত হয়ে থাকবে। উত্তর দক্ষিণ এবং তারপর পূর্বদিকে কিন্তু অক্লান্তভাবে অল্পসন্ধান চালানো হয়েছে। মাঝে মাঝে শিবাজীর যা খবর এসেছে তা কিন্তু পুর্বদিক থেকেই, কখনো এলাহাবাদে কখনো বারাণসীধামে কখনো গয়ায়, এমনকি এদিকে পুরী আর ওদিকে গোদাবরী তীরের গ্রামে পর্যন্ত শিবাজীকে দেখেছে বলে অনেকে দাবী করে পাঠিয়েছে।

শিবাজীর সঙ্গে একটি বালককেও দেখা গেছে। সে বালক শম্ভুজী ছাড়া আর কে হতে পারে। বালকটিও সামান্য নয়। এক জায়গায় ঘোড়া কেনবার ব্যাপারে বচসা হওয়ায় নগররক্ষীরা এসেছে শিবাজী আর ছেলেটিকে গ্রেফতার করতে। শিবাজী শুধু নয়, সেই ছেলেটিও হঠাৎ তলোয়ার খুলে দাঁড়িয়েছে। রক্ষীরা সংখ্যায় অনেক বেশী। কিন্তু অসি-যুদ্ধে তাদের শুধু প্রাণটুকু রেখে দিয়ে নাকালের একশেষ করে শিবাজী আর ছেলেটি নিজেদের মুক্ত করে ঘোড়া ছুটিয়ে চলে গেছে।

এসব কাহিনী আশ্রায় পৌঁছে আওরঙ্গজেবকে যদি দিশাহারা করে থাকে তাতে অবাক হবার কিছু নেই। এদিকে দক্ষিণ থেকে যখন গুপ্তচরের খবর আসছে যে, শিবাজী তাঁর রাজধানীতে পৌঁছে গেছেন, তখনো বিশ্বস্ত হরকরা মারফত পুর্ব দিক থেকেও শিবাজীর সংবাদ পাওয়া যাচ্ছে।

সত্যি তাহলে কোনটা?

আওরঙ্গজেব তা নির্ধারণ করতে পারেননি। সঠিকভাবে ঐতিহাসিকরূপে পারেননি জয়পুরের দপ্তরখানার পুরোন 'ডিক্ল' পত্রগুলি আবিষ্কৃত না হওয়া পর্যন্ত। এ চিঠিগুলি অমূল্য। কুমার রামসিং-এর সভাসদেরা প্রতিদিনের একেবারে টাটকা খবর, এমনকি কথাবার্তার বিবরণ পর্যন্ত রাজস্থানের কথা 'ডিক্ল' ভাষায় লিখে পাঠিয়েছে। রাত্রে লেখা চিঠি পরের দিন সকালেই চলে গেছে উটের ডাকে।

এসব চিঠি থেকে শিবাজী যে আশ্রা থেকে রাজগড়ের সরলরেখার দূরত্ব ছ'শ সত্তর মাইল দিনে অন্ততঃ চল্লিশ মাইল ঘোড়া চালিয়ে মোট পঁচিশ দিনে পার হয়েছিলেন তা নিঃসংশয়ভাবে প্রমাণিত হয়েছে। শিবাজীর মত অসামান্য বীরের পক্ষে কাজটা অশাধ্যও নয়। তাঁর বয়স তখনো চল্লিশ হয়নি।

শিবাজীর আশ্রা থেকে পালাবার সঠিক রাস্তা জানবার পর প্রশ্ন থেকে যায়,

মথুরা এলাহবাদ বারাণসী ইত্যাদি জায়গায় তাহলে শিবাজীর মত কাকে দেখা গেছে ! তার সঙ্গে বালকটিই বা কে !

স্বরাটের ব্রাহ্মণ চিকিৎসক নাভাকে সত্যিকার ওই ধনরত্ন তাহলে কে দিয়েছিলেন ? স্বয়ং শিবাজী রাজগড় থেকে গোদাবরী তীরের গ্রামের সেই কুবক-জননীকে সত্যিই ডেকে পাঠিয়ে তার অভিযোগের প্রতিকার করেছিলেন কেন ?

দাসমশাই খামলেন ।

মস্তক ধীর মর্মরের মত মস্তণ সেই শিবপদবাবু বলে উঠলেন,—তার মানে আপনি বলতে চান, ওই আপনার পূর্বপুরুষ বচনরামই শিবাজী সঙ্গে উত্তর আর পূব দিকে গিয়ে মোগলদের বোকা দিয়েছিলেন ।

না,—ঘনশ্যাম দাস অহুকম্পাভরে বললেন,—তবে কৃষ্ণাজি অনন্ত সভাসদের ‘শিব-ছত্রপতি-চেন চরিত্র’-এর মত আরেকটি যে অমূল্য মারাঠী বখর হারিয়ে গেছে তা খুঁজে পাওয়া গেলে এই বিবরণই পাওয়া যাবে ।

সে বিবরণ কে লিখে গেছিলেন ? সেই বচনরাম ? শ্রদ্ধাবিগলিত স্বরে জিজ্ঞাসা করলেন শিরোশোভা ধীর কাশের মত শুভ্র সেই হরিসাধনবাবু ।

হ্যাঁ, তিনিই লিখে গেছিলেন, শিবাজীর সঙ্গে তাঁর চেহায়ায় মিলের কথা জানতে পারার পর কিভাবে ওই ফন্দি এঁটে তিনি কাজে লাগান । শহর-কোতোয়াল সিদ্ধি ফুলাদও এই মিলটাই লক্ষ করেছিলেন, শুধু মিলটা কার সঙ্গে তা স্মরণ করতে পারেননি তখন !

ঘনশ্যাম দাস ওঠবার উপক্রম করলেন ।

কিন্তু ওই ফিরোজাবিবি !—ব্যাকুলভাবে বলে উঠলেন মেদভারে হস্তীর মত ধীর বিপুল দেহ সেই ভবতারণবাবু,—তার কি হলো তা কি জানা গেছে ? সে কি ফিরেছে তার বাবার কাছে ?

ফেরেনি বলেই তো জানি ?—একটু রহস্যময় হাসি বেন ফুটে উঠল ঘনশ্যাম দাসের মুখে, সে মুখে হাসি ফোটা যদি সম্ভব হয়,—কে জানে, নকল শিবাজীর সঙ্গে যাকে বালকবেশে দেখা গেছে সে কে ?

রবিনসন ক্রুশো মেয়ে ছিলেন

“রবিনসন ক্রুশো! আসলে তিনি কে ছিলেন জানেন? একজন মেয়ে।” সকলের দিকে চেয়ে একটু অল্পকম্পার হাসি হেসে ঘনশ্যামবাবু বললেন, “তবে আপনারা আর সে-কথা জানবেন কি করে?”

আহত অভিমানে শিবপদবাবু কি একটা বলতে যাচ্ছিলেন কিন্তু আর সকলের চোখের ইশারায় নিজেকে তিনি সামলে নিলেন।

ঘনশ্যামবাবুর এই উক্তি নিঃশব্দে হজম করে উৎসুকভাবে সকলে তাঁর দিকে তাকালেন।

ঘনশ্যামবাবুর কথার প্রতিবাদ পারতপক্ষে কেউ আজকাল করেন না। কেন যে করেন না তা বুঝতে গেলে ঘনশ্যামবাবুর এই বিশেষ আসরটি ও তাঁর নিজের একটু পরিচয় বোধ হয় দেওয়া দরকার।

কলকাতা শহরের দক্ষিণে একটি কৃত্রিম জলাশয় আছে, করুণ রসিকতার সঙ্গে আমরা যাকে হুদ বলে অভিহিত করে থাকি। জীবনে যাদের কোনো উদ্দেশ্য নেই অথবা উদ্দেশ্যের একাগ্র অহুসরণে যারা পরিশ্রান্ত, উভয় জাতের সকল বয়সের স্ত্রী পুরুষ নাগরিক প্রতি সন্ধ্যায় সেই জলাশয়ের চারিদিকে এসে নিজের-নিজের রুচিমার্কিক স্বাস্থ্য অর্থ কাম মোক্ষ এই নব চতুর্ভুজের সাধনায় একা-একা বা দল বেঁধে ঘুরে বেড়ায় বা বসে থাকে।

এই জলাশয়ের দক্ষিণপাড়ে জলের কাছাকাছি এক-একটি নাতিবৃহৎ বৃক্ষকে কেন্দ্র করে কয়েকটি বৃত্তাকার আসন পরিশ্রান্ত বা দুর্বল পথিক ও নিসর্গদৃশ্য-বিলাসীদের জন্ম পাতা আছে।

ভালো করে লক্ষ্য করলে এমনি একটি বৃত্তাকার আসনে প্রায় প্রতিদিনই সন্ধ্যায় পাঁচটি প্রাণীকে একত্র দেখা যাবে। তাঁদের একজনের শিরোশোভা কাশের মতো স্তম্ভ, একজনের মস্তক মর্মরের মতো মন্ডল, একজনের উদর কুণ্ডের মতো স্ফীত, একজন মেদভারে হস্তীর মতো বিপুল আর একজন উষ্ট্রের মতো শীর্ণ ও সামঞ্জস্যহীন। প্রতি সন্ধ্যায় এই পাঁচজনের মধ্যে অন্তত চারজন এই বিশ্রাম-আসনে এসে সমবেত হন এবং আকাশের আলো নির্বাচিত হয়ে

জলাশয়ের চারিপার্শ্বের আলো জ্বলে ওঠার পর ফেরিওয়ালাদের ডাক বিরল না হওয়া অবধি, স্বাস্থ্য থেকে সাত্রাজ্যবাদ ও বাজার-দর থেকে বেদান্ত-দর্শন পর্যন্ত যাবতীয় তত্ত্ব আলোচনা করে থাকেন।

ঘনশ্যামবাবুকে এ-সভার প্রাণ বলা যেতে পারে, প্রাণান্তও অবশ্য তিনিই। এ-আসর কবে থেকে যে তিনি অলংকৃত করেছেন ঠিক জানা নেই, তবে তাঁর আবির্ভাবের পর থেকে এ-আসরের প্রকৃতি ও স্বর একেবারে বদলে গেছে। কুস্তুর মতো উদরদেশ ধীর ক্ষীত সেই রামশরণবাবু আগেকার মতো তাঁর ভোজন-বিলাসের কাহিনী নির্বিঘ্নে সবিস্তারে বলার স্বযোগ পান না, ঘনশ্যামবাবু তার মধ্যে ফোড়ন কেটে সমস্ত রস পাঁচটে দেন।

রামশরণবাবু হয়তো সবে গাজরের হালুয়ার কথা তুলেছেন, ঘনশ্যামবাবু তারই মধ্যে রাগী এলিজাবেথের আমলে প্রথম কিভাবে হল্যাণ্ড থেকে ইংলণ্ড গাজরের প্রচলন হয় তার কাহিনী এনে ফেলে সমস্ত প্রসঙ্গটার মোড় ঘুরিয়ে দেন।

কোনো দিন বিলিতি বেগুনের 'জেলি' সম্বন্ধে রামশরণবাবুর উপদেশ আলোচনা শুরু না হতেই ঘনশ্যামবাবু তাঁর শীর্ষ হাড় বেরুনো মুখে একটু অবজ্ঞার হাসি টেনে বলেন, "হ্যাঁ বেগুন বলতে পারেন তবে বিলিতি নয়।"

তারপর কবে দু-শো খ্রীষ্টাব্দে গ্যালেন নামে কোন গ্রীক বৈজ্ঞানিক মিশর থেকে আমদানি এই তরকারিটির বিশদ বিবরণ লিখে গিয়েছিলেন, তারও প্রায় বারো শো বছর বাদে দক্ষিণ আমেরিকার পেরু থেকে কিভাবে জিটোমেট নামে অ্যাজটেক জাতের এই তরকারিটি টোম্যাটো নামে ইংলণ্ডে ও ইউরোপে প্রচলিত হয়, বিস্ময় ভাবে কত দিন খাণ্ড হিসাবে টোম্যাটো নামে ব্যবহৃত হয়নি সেই কাহিনী সবিস্তারে বলে ঘনশ্যামবাবু ভোজন-বিলাসের প্রসঙ্গকে ইতিহাস করে তোলেন।

মস্তক ধীর মর্মরের মতো মস্তক বিশ্ববিদ্যালয়ের ভূতপূর্ব ইতিহাসের অধ্যাপক শিবপদবাবু ঐতিহাসিক কাহিনীকেও আবার তেমনি ভোজন-বিলাসের গল্পে তিনি অনায়াসে ঘুরিয়ে দেন।

আসল কথা এই যে, সব বিষয়ে শেষ কথা ঘনশ্যামবাবু বলে থাকেন। তাঁর কথা যখন শেষ হয় তখন আর কিছু বলবার সময় কারুর থাকে না।

তাঁর ওপর টেকা দিয়ে কারুর কিছু বলাও কঠিন। কথায়-কথায় এমন সব অশ্রুতপূর্ব উল্লেখ ও উদ্ভৃতি তিনি করে বসেন, নিজেদের অজ্ঞতা প্রকাশ পাবার ভয়েই যার প্রতিবাদ করতে কারুর সাহসে কুলোয় না।

ঘনশ্রামবাবু এই সাক্ষা-আসরের প্রাণস্বরূপ হলেও তাঁর সম্বন্ধে বিশেষ কিছু কারুর জ্ঞান নেই। কলকাতার কোনো এক মেসে তিনি থাকেন ও ছেলে-ছোকরাদের মহলে ঘনাদা'-রূপে তাঁর অল্পবিস্তর একটা খ্যাতি আছে এইটুকু মাত্র সবাই জানে। শীর্ণ পাকানো চেহারা দেখে তাঁর বয়স অনুমান করা কঠিন আর তাঁর মুখের কথা শুনলে মনে হয় পৃথিবীর এমন কোনো স্থান নেই যেখানে তিনি যাননি, এমন কোনো বিঘা নেই যার চর্চা তিনি করেন না। প্রাচীন নালন্দা তক্ষশিলা থেকে অক্সফোর্ড কেমব্রিজ হার্ভার্ড, চীনের প্রাচীন পিপিং থেকে ইউরোপের সালের্না প্রাগ হিডেলবার্গ লাইপ্‌জিগ পর্যন্ত সমস্ত বিশ্ববিদ্যালয়ের সঙ্গেই তাঁর প্রত্যক্ষ যোগাযোগ আছে বলে মনে হয়।

তাঁর পাণ্ডিত্যে যত ভেজালই থাক, তার প্রকাশে যে মুন্সিয়ানা আছে এ-কথা স্বীকার করতেই হয়।

তাঁর কথার প্রতিবাদ না করে আমরা আজকাল তাই নীরবে তাতে সাহায্য দিয়ে থাকি।

রবিনসন ক্রুশোর প্রসঙ্গটার বেলায়ও সেইজন্মেই জিভের উত্তম বিদ্রোহ আমরা কোনোরকমে সামলে নিলাম।

মাথার কেশ ষাঁর কাশের মতো শুভ্র সেই হরিসাধনবাবুর ছোট্টো দৌহিত্রীটির দরুন সেদিন প্রসঙ্গটা উঠেছিল।

দৌহিত্রীটিকে সেদিন হরিসাধনবাবু বৃষ্টি আদর করে সঙ্গে নিয়ে এসেছিলেন। যে-বয়সে ছেলেদের সঙ্গে তাদের পার্থক্যটা মেয়েরা বুঝতে শেখে না বা বুঝেও মানতে চায় না, মেয়েটির বয়স ঠিক তাই। আমাদের গল্পগুজবের মধ্যে কিছুকাল মনোনিবেশ করবার বৃথা চেষ্টা করে হৃদের মাঝখানের ঘাঁপের মতো জায়গাটিকে দেখিয়ে সে বৃষ্টি বলেছিল, “দেখেছ দাদু, ঠিক যেন রবিনসন ক্রুশোর ঘাঁপ!”

দাদু কিংবা আর কারুর মনোযোগ তবু আকর্ষণ না করতে পেরে সে আবার বলেছিল, “বড়ো হলে আমি রবিনসন ক্রুশো হব জানো।”

এত বড়ো একটা দুঃসাহসিক উক্তির প্রতি উদাসীন থাকা আর বৃষ্টি আমাদের সম্ভব হয়নি। মেদভারে ষাঁর দেহ হস্তীর মতো বিপুল সেই চিন্তাহরণ-বাবু হেসে বলেছিলেন, “তা কি হয় রে পাগলী। মেয়েছেলে কি রবিনসন ক্রুশো হতে পারে।”

মেয়েটির হয়ে হঠাৎ ঘনশ্রামবাবুই প্রতিবাদ করে বললেন, “কেন হয় না ?

একটু চুপ করে কিঞ্চিৎ অল্পকম্পার সঙ্গে আমাদের দিকে চেয়ে তিনি আবার যা বললেন, তার উল্লেখ আগেই করেছি।

আমাদের কোনো প্রতিবাদ করতে না দেখে ঘনশ্যামবাবু এবার শুরু করলেন, “রবিনসন ক্রুশো ড্যানিয়েল ডিফোর লেখা বলেই আপনারা জানেন। এ-গল্পের মূল কোথায় তিনি পেয়েছিলেন তা জানেন কি?”

মস্তক ষাঁর মর্মরের মতো মন্থণ সেই শিবপদবাবু সংকোচে বললেন, “যতদূর জানি, আলেকজান্ডার সেলকার্ক বলে একজন নাবিকের জীবনের অভিজ্ঞতা শুনেই এ-গল্প তিনি বানিয়েছিলেন।”

“যা জানেন তা ভুল!” ঘনশ্যামবাবুর মুখে ককণামিশ্রিত অবজ্ঞা ফুটে উঠল, “আত্মস্তরি ইংরেজ সাহিত্যিকরা আসল কথা চেপে গিয়ে যা লিখে গেছে তাই অম্লান বদনে বিশ্বাস করেছেন। মনমাউথের বিদ্রোহে যোগ দেবার জন্তে ড্যানিয়েলের একবার ফাঁসি হবার উপক্রম হয় জানেন তো? লণ্ডনের বাসিন্দা বলে কোনোরকমে সে-স্বাত্রা তিনি রক্ষা পান। তারপর নতুন রাজা-রাণী উইলিয়ম আর মেরী দেশে আসার পর ড্যানিয়েল কুগ্রহ কাণ্ডে বেষ কিছুর প্রতিষ্ঠা অর্জন করেন। সেই সময় ব্যবসা সংক্রান্ত কাজে তাঁকে যেতে হয় স্পেনে! সেই স্পেনেই মাদ্রিদ শহরের এক ইহুদী বৃদ্ধের দোকানে খুটিনাটি জিনিসপত্র ঘাঁটতে-ঘাঁটতে একটি ত্রয়োদশ শতাব্দীর পুঁথি পেয়ে তিনি অবাধ হয়ে যান। সে-পুঁথির অল্পলেখক রাস্টিসিয়ানো আর তথা কথক স্বয়ং মার্কো পোলো।”

উদর ষাঁর কুণ্ডের মতো স্ফীত সেই রামশরণবাবু সবিম্ময়ে জিজ্ঞাসা করলেন “মার্কো পোলো মানে, যিনি ইউরোপ থেকে প্রথম চীনে গেছিলেন পর্যটক হয়ে, রবিনসন ক্রুশোর মূল গল্পের লেখক তা হলে তিনি!”

একটু রহস্যময়ভাবে হেসে ঘনশ্যামবাবু বললেন, “না, তিনি হবেন কেন! তিনি শুধু সে-গল্প সংগ্রহ করে এনেছিলেন মাত্র। সংগ্রহ করেছিলেন চীন থেকে।

“ঘোল বছর বয়সে মার্কো পোলো তাঁর বাপ আর কাকার সঙ্গে পৃথিবীর অদ্বিতীয় সম্রাট কুবলাই খাঁ-র রাজধানী ক্যাম্বালুকের উদ্দেশে সাগর-সম্রাজ্ঞী ভেনিসের তীর থেকে রওনা হন। ফিরে যখন আসেন তখন তাঁর বয়স একচল্লিশ। দীর্ঘ পঁচিশ বছর ধরে অর্ধ-পৃথিবীর অধীশ্বর কুবলাই খাঁ-র বিশ্বস্ত কর্মচারীরূপে প্রায় সমস্ত চীন তিনি পর্যটন করে ফিরেছেন। ১২৮২ খ্রীষ্টাব্দে ইয়াং চাওয়ের এক লবণের খনির পরিদর্শক হিসাবে কাজ করার সময় বিখ্যাত চীনা লেখক ও

সম্পাদক সান কাও চি-র সঙ্গে তাঁর সম্ভবত সাক্ষাৎ হয়। সান কাও চি তখন অতীতের গমগুট চীনা-কাহিনী ও কিংবদন্তী সংগ্রহ করে তাতে নতুন রূপ দিচ্ছেন। সেই সান কাও চি-র কাছে শোনা একটি চীনা গল্পই রবিনসন ক্রুশোর প্রধান প্রেরণা।

“মার্কো পোলোর চীন থেকে তাঁদের বিশী নোংরা বেচপ তাতার পোশাকের ভেতরে সেলাই করে শুধু হীরা মোতি নীলা চুনিই নয় আরো অনেক কিছুই এনেছিলেন। ভেনিসের ডোজেকে তাঁরা যা-যা উপহার দেন, ১৩৫১ খ্রীষ্টাব্দে লেখা মারিনো ফালিএরোর প্রাসাদের মূল্যবান দ্রব্যের তালিকায় তার কিছু বিবরণ পাওয়া যায়। সেসব উপহারের মধ্যে ছিল স্বয়ং কুবলাই খাঁ-র দেওয়া আংটি, তাতারদের পোশাক, তেফলা একটি তরবারি, টাসুটের চমরিগাই-এর রেশমী লোম, কস্তুরী-মুগের শুকিয়ে-রাখা পা আর মাথা, সুমাত্রার নীলগাছের বীজ।

“কিন্তু বাইরে যা এনেছিলেন তার চেয়ে অনেক বেশী সম্পদ এনেছিলেন পোলো তাঁর স্মৃতিতে বহন করে। জেনোয়া-র কারাগারে বসে সেই স্মৃতি-সমৃদ্ধ-মস্থিত কাহিনীই তিনি মুগ্ধ শ্রোতাদের কাছে বলে যেতেন।

“মুগ্ধ শ্রোতা কারা? না, শুধু তাঁর কারাসঙ্কীরা নয়, জেনোয়া-র অভিজাত সম্প্রদায়ের আমির-ওমরাহ পুরুষ-মহিলা সবাই। এই কারাকক্ষ তখন জেনোয়া-র তীর্থস্থান হয়ে দাঁড়িয়েছে—রূপকথার চেয়ে বিচিত্র হৃদয় ক্যাথের অপরূপ কাহিনীর মধুতীর্থ।

“কিন্তু সাগর-সম্রাজ্ঞী ভেনিসের পরম শ্রদ্ধা ও ভালোবাসার পাত্র মার্কো পোলো জেনোয়া-র কারাগারে কেন? সে অনেক কথা। দেশে ফেরবার মাত্র তিন বছর বাদে ভেনিসের চিরপ্রতিদ্বন্দ্বী জেনোয়া-র নৌবাহিনী লাঘা দোরিয়ার নেতৃত্বে একেবারে আক্রমাতিক সাগরে চড়াও হয়ে এল। আর সকলের সঙ্গে মার্কো পোলো গেলেন একটি রণতরীর অধিনায়ক হয়ে যুদ্ধে। সেই যুদ্ধে পরাজিত হয়েই আরো সাত হাজার ভেনিসবাসীর সঙ্গে তিনি জেনোয়ার বন্দী হলেন।

“জেনোয়া-র কারাগারে তাঁর মুগ্ধ শ্রোতাদের মধ্যে ছেলে-পড়া মিনারের শহর পিসা-র এক নাগরিক ছিলেন। নাম তার রাস্টিসিয়ানো। কাব্যের ভাষা প্রেমের কাহিনীর অপরূপ ভাষা হিসেবে ফরাসী তখনই ইউরোপে সর্বো-সর্বা হয়ে উঠেছে। পিসা-র লোক হলেও সেই ফরাসী ভাষায় রাস্টিসিয়ানোর অসাধারণ দখল ছিল। মার্কো পোলোর অপূর্ব সব কাহিনী সেই ভাষায় তিনি টুকে রাখতেন।

“তঁার সেই টুকে-রাখা কাহিনীই সারা ইউরোপে ছড়িয়ে পড়েছে তারপর। দেড়শো বছর বাদে জেনোয়া-র আর এক নাবিক সেই কাহিনীর ল্যাটিন অঙ্কবাদ পড়তে-পড়তে, সিপাহুর সোনা মোড়া প্রাসাদচূড়া যেখানে প্রভাত-সূর্যের আলোর ঝলমল করে সেই সুন্দর ক্যাথের স্বপ্নে বিভোর হয়ে গেছেন। সে নাবিকের নিজের হাতে সই করা ও পাতার ধারে-ধারে মন্তব্য লেখা বইটি এখনো সেভিলের কলধিনায় গেলে দেখতে পাওয়া যায়। সে-নাবিকের নাম কলম্বাস।

“আরো প্রায় দু-শো বছর বাদে ড্যানিয়েল ডিফো মাদ্রিদের এক টুকটাকি শখের জিনিসের দোকানে রাস্টিসিয়ানোর অঙ্কলিখিত এমনি আর একটি পুথির সন্ধান পান। সেই পুঁথি থেকেই তেরত্রিশ বছর বাদে রবিনসন ক্রুশোর গল্প তিনি গড়ে তোলেন।”

মর্মরের মতো মস্তক যঁর মস্তক সেই শিবপদবাবু এবার বুঝি না বলে পারলেন না, “কিন্তু রবিনসন-ক্রুশো মেয়ে হলেন কি করে?”

“সান কাও চি-র যে-গল্প মার্কে পোলোর মুখে শুনে রাস্টিসিয়ানো টুকে রেখেছিলেন, তাতে মেয়ে বলেই তাঁকে বর্ণনা করা আছে। ড্যানিয়েল অবশ্য সে-গল্পের নায়িকার নাম ও জাতি দুই-ই পাণ্টেছেন।”

মাথার কেশ যঁর কাশের মতো শুভ্র সেই হরিসাধনবাবু বললেন, “কিন্তু সেই পুঁথির গল্পটা কিছু শুনেতে পারি?”

“সেই গল্প শুনেতে চান? কিন্তু আসল কাহিনী অনেক দীর্ঘ, সংক্ষেপে তার সারটুকু আপনাদের বলছি শুনুন...”

“সং রাজবংশের রাজধানী তখনও উত্তরের কাইফং থেকে টাস্কুট দৌরাওয়া কিন্সাই নগরে সরিয়ে আনা হয়নি। পৃথিবীর আশ্চর্যতম শহর হিসাবে কিন্সাই-এর নাম কিন্তু তখনই মালয়, ভারতবর্ষ, পারস্য ছাড়িয়ে সুদূর ইউরোপে পর্যন্ত পৌঁছেছে। দ্বাদশ তোরণ ও দ্বাদশ সহস্র সেতুর এই নগরে চুয়ান উ নামে এক সদাগর তখন বাস করেন। সদাগরের মণি-মাণিক্য ধন-রত্নের অবধি ছিল না, কিন্তু সবচেয়ে মূল্যবান যে-সম্পদ তাঁর ছিল, সে হল তাঁর একমাত্র কন্যা নান সু।

“কিন্সাই-এর খ্যাতি যেমন সারা পৃথিবীতে, নান সু-র রূপের খ্যাতি তেমনি সারা চীনে তখন ছড়িয়ে গেছে। অসামান্য রূপ হয় নিজের, নয় সংসারের সর্বনাশ ডেকে আনে। নান সু-র রূপের বেলায়ও সে-নিয়মের ব্যতিক্রম হল না। উত্তরের

কিতানবা তখন কাইফেং-এর ওপর সমুদ্রের তরঙ্গের মতো বারবার হানা দিচ্ছে। সেই কিতানদের দলপতি চুয়ো সান-এর কানে একদিন কি করে নান স্-র অসামান্য রূপ-লাভের খবর পৌঁছিল। কাইফেং-এর নগর প্রাকারের ধারে তার দুরন্ত সৈন্যবাহিনীকে খামিয়ে চুয়ো সান তার সজ্জির শর্ত স্-র রাজসভায় জানিয়ে পাঠাল, দ্বাদশ তোরণ ও দ্বাদশ সহস্র সেতুর যে নগরের মরকত নীল হ্রদের জলে স্বপ্নের মতো সব হরিৎ দ্বীপ ভাসে সেই নগরের সর্বশ্রেষ্ঠ সম্পদ চীনের নয়নের মণি নান স্-কে তার চাই। নান স্-কে পেলেই কাইফেং এর প্রাস্ত থেকে তাঁটার সমুদ্রের মতো তার দুর্ধর্ষ বাহিনী সরে যাবে।

“সমস্ত চীন চঞ্চল হয়ে উঠল এ-সংবাদে, রাজসভা হল চিন্তিত, নান স্-র পিতা চুয়ান উ সদাগর প্রমাদ গণলেন।

“একটি মাত্র মেয়ের জীবন বলি দিয়ে সমগ্র চীনের শান্তি ক্রয় করতে স্-র রাজসভা শেষ পর্বস্ত দ্বিধা করলেন না। চুয়ান উ-র কাছে আদেশ এল নান স্-কে কাইফেং-এ পাঠাবার।

“জাফরি-কাটা জানলার ভেতর দিয়ে আর গজদস্তের পাখার ওপর দিয়ে ব্রীড়াবনতা নবযৌবনা নান স্- তখন বাইরের পৃথিবীর ষেটুকু পরিচয় পেয়েছে তার সমস্তই জুড়ে আছে একটিমাত্র মাহুষের মুখ। সে-মুখ কিন্‌সাই নগরের তরুণ নৌ-সেনাপতি সি ছয়ান-এর।

“নান স্-কে পড়ল বাপের পায়ে, নতজাহ্ন হল সি ছয়ান। কিন্তু চুয়ান উ নিরুপায়। রাজ্যাদেশ লঙ্ঘন করার শক্তি তাঁর নেই।

যেতেই হবে নান স্-কে সেই বর্বর কিতান-দলপতিকে বরণ করবার জগ্গে উত্তরের সেই হিমের দেশে। নিয়তির নিষ্ঠুর পরিহাসে সি ছয়ান-এর ওপরই নান স্-কে নিয়ে যাবার ভার পড়ল।

“দ্বাদশ তোরণ আর দ্বাদশ সহস্র সেতুর নগর থেকে সি ছয়ান-এর রণপোত যেদিন মেঘের মতো শাদা পাল মেলে রঙনা হল সমস্ত কিন্‌সাই নগর সেদিন চোখের জল ফেললে। কিন্তু সি ছয়ান আর নান স্-র মনে কোনো দুঃখ সেদিন নেই। ভাগ্য তাদের যদি পরিহাস করে থাকে ভাগ্যকেও তারা বঞ্চনা করবে—এই তাদের সংকল্প।

“সাত দিন সাত রাত রণপোত ভেসে চলল সীমাহীন সাগরে। রণপোতের হাল ধরে আছে স্বয়ং সি ছয়ান। উত্তরে হিমের দেশের কোনো বন্দরে নয়, দক্ষিণের রৌদ্রোজ্জ্বল সাগরের মাঝামাঝি কোনো দ্বীপই তার লক্ষ্য। একবার

সেখানে পৌঁছলে নিঃশব্দে রাত্রে অন্ধকারে নান স্ন-কে নিয়ে সে নেমে যাবে। স্ন সাম্রাজ্যের অবিচার আর বর্বর কিতান বাহিনীর অত্যাচার যেখানে পৌঁছয় না তেমনি এক নির্জন দ্বীপে নান স্ন-কে নিয়ে সে বর বাঁধবে। হালকা হাঁসের পালকের ভেলা সেজন্তে সে আগে থাকতেই স্নে নিয়ে এসেছে।

“মাল্লবের এ-স্পর্ধায় ভাগ্য বৃষ্টি তখন মনে-মনে হাসছে। সাত দিন সাত রাত্রি বাদে হঠাৎ দুর্ধোগ নেমে এল আকাশে। দুর্ধোগ ঘনাল মাল্লবের মনে।

“সি হয়ান নিজের হাতে হাল ধরায় তার অলুচরেরা গোড়া থেকেই একটু বিস্মিত হয়েছিল, সাত দিন সাত রাত্রিতেও গন্তব্য স্থানে না পৌঁছে তারা সন্দেহ হয়ে উঠল। উত্তর নয়, দক্ষিণ দিকেই তাদের রণপোত চলেছে, আকাশের তারাদের অবস্থানে সে-কথা বোঝবার পর তাদের সে সন্দেহ বিদ্রোহ হয়ে জলে উঠল।

“রাত্রে আকাশে তখন প্রচণ্ড ঝড় উঠেছে। সমুদ্র উঠেছে উত্তাল হয়ে। ভাগ্যের স্নে যারা জুয়া খেলে, বিপদকেই স্নযোগরূপে ব্যবহার করবার সাহস তারা রাখে। এই ঝটিকাস্নেই পালকের ভেলা সমেত নান স্ন-কে নিচে নামিয়ে সি হয়ান তখন নিজে নেমে-যাবার উপক্রম করছে। বিদ্রোহী অলুচরেরা হঠাৎ এসে তাকে ধরে বেঁধে ফেলল।

“উন্নত এক তরঙ্গের আঘাতে রণপোত থেকে ভেলা সমেত দূরে উৎক্ষিপ্ত হতে-হতে নান স্ন শুধু ঝড়ের গর্জন ছাপিয়ে একটা চিংকার শুনতে পেল। ‘ভয় নেই নান স্ন, ভয় নেই। আমি ষাচ্ছি। আমি যাব-ই।’

“জ্ঞান যখন হল নান স্ন-র ভেলা তখন ছোট্টো এক পার্বত্য দ্বীপের সৈকতের ওপর পড়ে আছে।

“সভয়ে নান স্ন উঠে বসল উৎকণ্ঠিতভাবে তাকাল চারিদিকে। কয়েকটা সাগর-পাখি ছাড়া কোথাও কোনো জনপ্রাণী নেই। দূরে অশান্ত নীল সমুদ্রের ঢেউ পার্বত্য তটের ওপর ক্ষণে-ক্ষণে আছড়ে এসে পড়ছে।

“শশকের মতো ক্ষুদ্র নবনী-কোমল নান স্ন-র পা—সে-পা তো কঠিন পার্বত্য ভূমির ওপর দিয়ে হাঁটবার জ্ঞান নয়, তবু নান স্ন-কে ক্ষত-বিক্ষত পায়ে সমস্ত দ্বীপ পরিভ্রমণ করতে হল; কোথাও কোনো জনপ্রাণীর দেখা সে পেল না।

“তুষার-ধবল নান স্ন-র অতিশুকোমল হাত—গজদন্তের চিত্রিত পাখি ছাড়া আর কিছু ষে-হাত কখনও নাড়েনি, তবু সেই হাতে কণ্টকগুলি থেকে ফল ছিঁড়ে নান স্ন-কে ক্ষুধা নিবৃত্তি করতে হল।

“ভীষ্ম সশঙ্ক নান সূ-র চোখ—জীথি পল্লব তাঁর কাঁপতে-কাঁপতে একটু উঠেই চিরকাল নেমে এসেছে; তবু সেই চোখ উৎকণ্ঠিতভাবে মেলে পাহাড়ের চূড়া থেকে দূর সাগরের দিকে তাকে চেয়ে থাকতে হল দিনের পর দিন সি হ্যান-এর আশায়। আগবে; সে বলেছে, আগবে-ই।

“কত দিন কত রাত গেল কেটে। উত্তরের আকাশে কতবার সপ্তর্ষিমণ্ডলের বদলে শিশুমার আর শিশুমারের বদলে সপ্তর্ষি ধ্রুবতারার প্রধান গ্রহরী হয়ে তাকে প্রদক্ষিণ করে গেল। তার কোনো হিসেবই নান সূ-র আর রইল না।

“কখন ধীরে-ধীরে তার হৃদয় থেকে সমস্ত লজ্জা আর দেহ থেকে জীর্বাশ খসে পড়ে গেল সে জানতে পারলে না।

“অনেক-কিছু তার গেল, গেল না শুধু চোখের সেই উৎসুক দিগন্ত সন্ধানী দৃষ্টি আর মনের সেই অবিচলিত প্রতীক্ষা।

“একদিন সেই প্রতীক্ষা সফল হল। দূর দিক্চক্রবালে দেখা দিয়েছে শাদা পালের আভাস। দেখতে-দেখতে দূরের সেই পোত স্পষ্ট হয়ে উঠল, লাগল এসে শিলাকঠিন কূলে।

“কে নামছে সেই পোত থেকে। ওই তো সি হ্যান!

“অবীর আগ্রহে পাহাড়ের চূড়া থেকে উজ্জ্বল বরনার মতো নামতে লাগল নান সূ।

“মাঝপথেই সি হ্যান-এর সঙ্গে দেখা হল।

“উজ্জ্বলিতভাবে নান সূ যেন গান গেয়ে উঠল, ‘এসেছ সি হ্যান, এসেছ এতদিনে?’

“লুকুভাবে যে তার দিকে এগিয়ে আগছিল সে যেন অনিচ্ছা সত্ত্বেও একটু বিমূঢ়ভাবে চমকে দাঁড়াল, কর্কশ কণ্ঠে জিজ্ঞাসা করলে—‘এসেছি এতদিনে মানে? কে তুমি!’

“সি হ্যান-এর বিস্মিত অথচ লুকু দৃষ্টি নিজের সর্বাক্ষে অল্পভব করে নান সূ কাতরভাবে বললে, ‘আমায় চিনতে পারছ না সি হ্যান। আমি নান সূ।’

“‘নান সূ! নান সূ তো এই দ্বীপের নাম। ষে-দ্বীপ খুঁজে পেয়েছি!’

“‘আমার খোঁজে তা হলে তুমি আসোনি? এসেছ দ্বীপের খোঁজে!’

“‘হ্যাঁ, এই নান সূ দ্বীপের খোঁজে—সাত সান্নাজের ঐখ্য যার মাটিতে পোতা আছে। বলা কোথায় সে-ঐখ্য?’

“অশ্রুসজ্জল চোখে নান স্ব এবার যেন আর্তনাদ করে উঠল—‘তোমার কি কিছু মনে নেই সি ছয়ান! মনে নেই তোমার রণপোত থেকে কেমন করে ঝড়ের রাতে আমাদের ছাড়াছাড়ি হয়েছিল?’

“‘রণপোত থেকে ছাড়াছাড়ি! সাত পুরুষে আমাদের কেউ রণপোত চড়েনি। আট পুরুষ আগে এক সি ছয়ান কিরকম নৌ-সেনাপতি ছিলেন বলে শুনেছি। এই নান স্ব দ্বীপের গুপ্ত তথ্য নাকি তাঁর কাছ থেকেই পাওয়া। কিন্তু সে তো কাইফেং যখন চীনের রাজধানী ছিল সেই দু-শতাব্দী আগের কথা!’

“‘দু-শতাব্দী আগেকার কথা!’ অস্পষ্ট আবেগরুদ্ধ স্বরে উচ্চারণ করলে নান স্ব, তারপর নবাগত নাবিকের লুক্ক দৃষ্টিতে হঠাৎ নিজের পরিপূর্ণ নগ্নতা আবিষ্কার করে চমকে উঠল।

“নাবিক তখন লোলুপভাবে তার দিকে অগ্রসর হচ্ছে। নান স্ব শরাহত হরিণীর মতো প্রাণপণে ছুটে পালাল, ছুটে পালাল সেই পর্বতচূড়ার দিকে, জীবনের পরম স্বপ্ন আজও যাকে ঘিরে আছে।

“কিন্তু পদে-পদে তার দেহ কি গুরুভারে যেন ভেঙ্গে পড়ছে, লুক্ক হিংস্র নাবিকের হাত থেকে আর বৃষ্টি রক্ষা পাওয়া যায় না।

“পর্বতচূড়ার প্রান্তে এসে যখন সে আছড়ে পড়ল তখন শরীরে এতটুকু শক্তি আর তার অবশিষ্ট নেই।

“কিন্তু লুক্ক নাবিক তাকে সবলে আকর্ষণ করতে গিয়ে হঠাৎ গভয়ে শিউরে পিছিয়ে এল।

“সবিস্ময়ে নান স্ব একবার তার দিকে, তারপর নিজের দিকে তাকিয়ে স্তম্ভিত হয়ে গেল। তার একাগ্র প্রতীক্ষা দীর্ঘ দুই শতাব্দী ধরে যে-যৌবনকে অক্ষয় করে ধরে রেখেছিল সে-যৌবন দেখতে-দেখতে সরে যাচ্ছে। চোখের ওপর তার শরীর শুকিয়ে যাচ্ছে, কঁকড়ে যাচ্ছে, ফুৎসিত হয়ে যাচ্ছে।

“বহু যুগের অভ্যাসে আচ্ছন্ন দৃষ্টিতে দূর-দিগন্তের দিকে সে বৃষ্টি একবার তাকাল। চারিদিকে নীল সমুদ্র মথিত করে ও কারা আসছে! ‘কারা’?— সে চিৎকার করে উঠল।

“‘ওরাও সি ছয়ান!’ অটুহাস্ত করে উঠল নাবিক, ‘ছয়ান-এর পাঁচ হাজার বংশধর! ওরাও আসছে এই নান স্ব দ্বীপের গুপ্তধনের সন্ধানে, আসছে পুড়িয়ে মারতে সেই ডাকিনীকে দু-শতাব্দী ধরে এ-দ্বীপের গুপ্তধন যে আগলে রেখেছে!’

“যে-পাহাড়ের চূড়া থেকে নান স্ব-র উৎসুক চোখ দু-শতাব্দী ধরে দিক-

চক্রবাল সন্ধান করে ফিরেছে সেদিন রাতে জীবন্ত মশালরূপে তারই শীর্ষ সে
উজ্জ্বল করে তুললো।”

ঘনশ্যামবাবু চুপ করলেন।

কিছুক্ষণ স্তব্ধ থাকবার পর মর্মরের মতো মস্তক ধীর মস্থণ সেই শিবপদবাবু
বললেন, “কিন্তু রবিনসন ক্রুশোর সঙ্গে এ-গল্পের কোনো মিল তো নেই?”

“থাকবে কি করে?” ঘনশ্যামবাবু একটু হাসলেন, “সপ্তদশ শতাব্দীর ইংরেজ
কর্নাই-এর ছেলে, গেল্ডি আর টালির ব্যবসায় ড্যানিয়েল ডিফো এ-গল্পের সূক্ষ্ম
মর্ম কতটুকু বুঝবেন! মোটা বুদ্ধিতে তাই একে তিনি ছেলে-ভুলোনো গল্প
করে তুলেছেন!”

“এ গল্পের আসল মর্মটা তাহলে কি?” মাথার কেশ ধীর কাশের মতো
স্তব্ধ সেই হরিসাধনবাবু জিজ্ঞাসা করলেন। কিন্তু উত্তরে ঘনশ্যামবাবু এমনভাবে
তাকালেন যে, এ-প্রশ্ন দ্বিতীয় বার তোলাবার উৎসাহ কারুয় রইল না।

—